

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

# 四庫全書存目叢書

史部  
第六冊





責任編輯：孫言誠 賀 偉

ISBN 7-5333-0535-3



9 787533 305352 >

2880/06

# 四庫全書存目叢書·史部六

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍印刷廠印製

787×1092毫米 16開本 52.75印張

1996年8月第1版 1996年8月第1次印刷

印數1—100

ISBN 7-5333-0535-3

Z·37 史部定價：87600圓

# 史部第六冊目次

## 史部·編年類

通鑑綱目釋地糾繆六卷補註六卷

〔清〕張庚撰  
湖北省圖書館藏清乾隆十八年強恕齋刻本

..... 一

帝王紀年纂要一卷

〔元〕蔡罕撰 〔明〕黃諫訂  
首都圖書館藏明嘉靖吳郡袁氏嘉趣堂刻金聲玉振集本

..... 一〇四

皇明本紀不分卷

不著撰者  
北京大學圖書館藏明鈔本

..... 一一七

世史正綱三十二卷

〔明〕丘濬撰  
復旦大學圖書館藏明嘉靖四十二年孫應鰲刻本

..... 一四八

通鑑綱目前編三卷

〔明〕許誥撰  
天一閣文物保管所藏明嘉靖五年刻本

..... 六三六

經世策一卷

〔明〕魏校撰  
北京大學圖書館藏明嘉靖四十年王道行刻莊渠先生遺書本

..... 六八八

人代紀要三十卷(一)

〔明〕顧應祥撰  
北京大學圖書館藏明嘉靖三十七年黃辰刻本

..... 六九六



通鑑綱目釋地糾繆六卷補

註六卷

〔清〕張庚撰

湖北省圖書館藏清乾隆十八年強恕

齋刻本

附《四庫全書總目·通鑑綱目

釋地糾繆六卷補註六卷》提

要

余初筮仕中書科中書科者聞曹之最也每與各部郎曹接靡不自言其忙甚至飲食寤寐之俱廢後余遷農部一年始知所謂飲食寤寐之俱廢者乃故繪忙狀以欺人而自銜也因念詩文一道亦有忙狀而於遊覽之作尤甚即古人或不能免第古人有出脫法不似今人鑿空結撰余曾以斯言質之張子浦山時當食不覺噴飯今春浦山自睢陽來川歷魏晉秦五千餘里且陟雲棧之奇峻浦山有山水癖好尋古蹟知必有詩因詢之且笑謂浦山此皆余親歷之地因伸襲語無向余作忙狀也浦山即出其紀行詩一冊余次第讀之前二十篇

原序

多懷古之作後三十篇則紀棧道之險不鋪張不旁觀不作鬼怪虎狼刺譏憤怨之語逐境描寫細意刻畫余按程默憶歷歷如重經爲之肅然作莊語曰子果不以忙狀欺我益信子生平不以忙狀欺人而自銜矣嗟乎詩文雖小道人之誠僞係焉豈可親乎至其詩之工余又何敢反以皮相作忙狀欺我張子耶爲序而梓之觀者可以識蜀山面目可以得張子性情矣其君平北地二篇初到之作亦古體類附於後又可以見懷古之亟亟也乾隆乙丑初夏上浣睢陽蔣蔚林原甫題於錦官試棚之古菴齋

關隴圖志卷七

序

補

補

嘗讀顧寧人先生左傳杜解補正歎其攷覈之精運思之密有非近世涉獵之學所得而庶幾者歲壬申承乏秀邑去寧人先生家不三百里意好古績學之士或猶能遇之者而未有以得也浦山張君邑之獨行士也好讀書治古文詞不求合於世殆韓子所謂能自樹立者今年夏出所著綱目釋地糾謬補註若干卷以相質余觀其書大致本顧氏讀史方輿紀要而穿穴史載旁推交通則心所獨得其於山川阨塞之處真不啻聚米畫沙目可尋而手可按浦山其好古績學者與惜乎當世

符序

無寧人先生其人者而與之一是正也攷永中文獻講方輿者有顧野王之輿地志近世徐善著春秋地名攷號稱博雅今輿地志靡得而詳矣敬可著書而為有力者所得不克以其名自表見余懼浦山之書有起而奪之者緣梓而行之書此以升其首

乾隆十有八年冬十月同學弟關中符大紀撰

通鑑綱目分註所引之文其間古語方言以及句法之

自序

難明者誠不可無註而於地名為要地名而有關軍事為尤要蓋軍事之起兵師次接戰交綏設伏設備聲東擊西取彼定此皆有關帝王廟算之是非將帥方畧之善否必當考核明確方使讀者恍若親之一失毫釐即有千里之謬反蒙讀者於濃霧中矣夫地理而欲得其明確亦極難矣歷代治草有不同六朝五代竊據紛如其地之朝甲暮乙改易其名有史所不得詳備者而地志諸書與各郡邑志乘又多妄援古名遂有兩地互見士生千百年後而欲據實以定當日軍事所關之要自非細心虛衷博覽徧考按時按事并按其情形而證以輿圖不可也今觀王幼學之集覽馮智舒之質實謬誤不少蓋綱目本通鑑而為之也通鑑則有胡身之註頗屬精當集覽質實捨之每於地名不加詳考任意引註宜其謬矣庚嘗病之思一糾正以奔走衣食未暇也乾隆戊辰中表弟沈觀察良思出所著綱目尚論編亦以集覽質實之謬屬庚改註乃取胡身之註校定得其平崑山顧祖禹讀史方輿紀要一書考訂尤詳確遂主之再證以輿圖瞭然明矣或大書與分註有傳訛者仍按史改正或史文誤者則就文理酌改有圖所未及者



則據事勢情形以定至其所未詳者不註者一一補之  
惟封爵之地多挂空名似無關係有不補也窮兩載之  
晝夜以成時觀察已解任恐無能與尙論同梓因別成  
糾謬補註兩種俾讀綱目者按事校之則於考亭分註  
之深意庶幾無晦自非好摘前人之疵誠以綱目起見  
有不得已者然一已固陋之識烏能悉當又雍正乾隆  
間所改所分郡邑尙未盡詳則恭俟 一統志頒行改  
正乾隆庚午冬十月既望秀水張 庚浦山氏謹書於強  
恕齋

自序

平

通鑑綱目釋地糾謬卷之一

秀水張 庚浦山著

錢塘杭世駿董圃參訂

第一卷

初命晉大夫魏斯趙籍韓虔爲諸侯 周威烈王二十三年

蔡邕集覽云阜狼趙邑本蔡地故曰蔡阜狼按鮑  
氏云蔡當作蘭趙世家成侯三年衛敗我蘭又武靈  
王曰先王取蘭郭狼郭狼即阜狼矣蘭故城在山西  
汾州府永寧州西阜狼故城在永寧州西北汾水可

綱目釋地糾謬

一

以灌安邑絳水可以灌平陽胡三省通鑑註以絳水  
不可灌平陽而謂郡縣離合川谷變遷有不可以一  
時所睹據者紀要以爲史文之交互按汾水在平陽  
府城西二里南去安邑約三百里斷不能引以灌之  
若絳水源出絳縣西南絳山西流入聞喜縣爲涑水  
上源西南經安邑又西歷猗氏至臨晉合姚暹渠西  
流至蒲州又西南注于黃河涑水即絳水也按圖以  
考其原委去平陽甚遠安邑則其所經則絳水可以  
灌安邑萬不能灌平陽蓋史文錯誤非交互也胡氏  
謂郡縣離合川谷遷改不知文字譌誤爲尤易耳

魏吳起奔楚楚以為相安王十五年

夏桀之居集覽引帝王世紀為陽翟按陽翟故址在河南開封府禹州為禹始封夏伯之地非邦畿也禹自受舜禪都于安邑即今平陽府絳州安邑縣其後帝相徙居帝邱少康中興復還安邑舍此明證而云陽翟何也羊腸在其北集覽註甚明質實以為潞安府壺關縣之羊腸坂按此則當言左不可以北言矣商紂之國古朝歌地今衛輝府濬縣西五十里之衛縣故址是也集覽引鄭元云商國在泰華之陽又引皇甫謐云上洛商也直以陝西商州當之商州乃商

綱目釋地糾謬 卷一

二

於與紂都何涉曰商紂不曰殷紂從建國始號也烏可因商字而云商國商州也又引劉氏言紂之國左孟門則東邊別有孟門而以為是石州之孟門縣石州即今汾州府永寧州更在大行之西何以左言其言左孟門右大行不過泛論河山險固不必求其實也至索隱所言在朝歌東不知朝歌東則為大名府開州兗州府曹州焉得有孟門

齊魏會田于郊顯王十四年

高唐齊邑故城在今濟南府禹城縣西四十里非今之高唐州也今之州治乃漢所置高唐縣與故齊邑

壤雖接而地實非

韓伐東周取陵觀廩邱十七年

廩邱本齊邑史記齊世家宣公五十一年田會以廩邱叛入趙是也東周所保僅鞏邑廩邱安得為周地按韓世家昭侯六年伐東周取陵觀邢邱邢邱為溫國在鞏北二十五里即今懷慶府南五十里之溫縣陵觀故址在懷慶府南七十里其地相比故並取之則邢邱為是廩邱為譌質實混引並不考正趙始胡服招騎射赧王八年

綱目釋地糾謬 卷一

三

有房山非是按房子縣故城在真定府高邑縣與房山無涉登黃華之上質實以河南彰德府之隆慮山一名黃華山遂引之按史武靈王遂之代北至無終西至河登黃華之上代即今山西大同府去彰德遠甚其所登之黃華即大同西南黃瓜堆本名黃華山也黃河在大同西其地與林胡樓煩接故欲胡服秦楚盟于黃棘十一年

黃棘古謝國漢置棘陽縣故址在河南南陽府新野縣東北七十里集覽引正義云在房襄二州之境無確據矣



秦取魏蒲坂晉陽封陵十二年

晉陽魏世家作陽晉索隱以為晉陽正義從而是之以為史文之誤按蒲坂陽晉封陵相連屬故秦人一時並取若晉陽為趙地烏得與魏地並書且晉陽即今太原府太原縣與蒲坂隔一汾州府相距數百里斷不能並取然則史文未嘗悞索隱正義自悞耳綱目未之檢故仍之集覽質實皆裝譌混註陽晉故城在蒲州臨晉縣西蒲坂即今蒲州封陵在蒲州南燕上將軍樂毅至國君三十一年

綱目釋地糾謬

卷一

四

昌國集覽引括地志為曹州城武縣東北梁邱散城

又引正義曰在淄川東北考核無定見矣按昌國本名昌城齊邑燕為昌國以封樂毅漢置昌國縣故城在濟南府淄川縣東北三十五里正義是也

秦白起伐楚取鄧鄧西陵三十六年

鄧質實以為南陽府之鄧州非是此是春秋鄧國故城在襄陽府漢水北岸若南陽之鄧雖亦鄧國地戰國時已屬韓為穰邑韓世家秦取我穰是也後稱鄧林隋始置鄧州西陵集覽質實皆以為夷陵不知夷陵之西陵乃峽名非邑名至三國吳廣武初始改夷陵為西陵此是今黃州府東北之楚邑漢為西陵縣

徐廣曰屬江夏郡極是胡三省辨之亦未細考按秦本紀昭襄王二十八年白起攻楚取鄧鄧無西陵楚世家項襄王二十年秦將白起拔我西陵蓋兩事在一年之中故并書不然鄧鄧與西陵相隔甚遠恐不能一時兼取

秦拔魏邢邱四十九年

邢邱集覽據魏世家為鄴邱又引徐廣曰一作廩邱一作邢邱而兩註之按魏世家秦拔鄴邱在安釐王十一年正周赧王四十九年再按秦本紀昭襄王四十九年夏攻魏取邢邱懷亦當周赧王四十九年兩

綱目釋地糾謬

卷一

五

事在一年內拔鄴邱雖不書時必在取邢懷之後何以知之以拔鄴邱後齊楚相約攻魏魏求救於秦秦發兵魏氏復寧於是魏欲親秦而伐韓信陵上書止之書中又有秦固有懷茅邢邱之語故于拔鄴邱雖不能考其為秋為冬其在取邢邱之後決矣惟是安釐王九年秦拔我懷無邢邱與秦紀不合亦差兩年蓋史文舛錯大書據通鑑未之考定也鄴邱在鳳陽府潁州東邢邱即今懷慶府溫縣按顯王十七年韓取東周邢邱後又為魏所取故為魏邑秦伐趙取三城齊救却之至中陽五十年

中陽集覽引正義曰燕無中陽括地志云中山故城一名中人亭在定州唐縣爾時屬燕按唐縣卽故唐城春秋屬燕調之陽邑左傳昭十二年齊高偃帥師納北燕伯於陽是也其西北卽中人亭與陽邑相距十三里史蓋合兩地而書之耳

楚納州於秦

五十三年

州集覽引徐廣註爲南郡州陵縣又引括地志爲安邱縣淳于國按山東青州府安邱縣東之古淳于國本春秋州國後爲杞人所有謂之杞城襄二十九年晉人城杞之淳于是也蓋至戰國無復州之名矣則

綱目釋地糾謬

卷一

六

徐廣說爲是州陵故城在今湖北荊州府監利縣東三十里荊州秦屬南郡

### 第二卷

趙伐燕取狸陽

秦王政十一年

狸陽集覽引正義調燕無狸陽疑漁陽之譌按漁陽秦郡名戰國時尚未有關之可也

築宮咸陽北陂上

始皇二十六年

章臺宮在長安故城內宮中有章臺因名質實以爲章臺街引張敞走馬爲證非是

帝巡隴西北地至雞頭山過回中

二十七年

同中孟康曰在北地集覽質實皆以爲鳳翔府隴州之回中宮按始皇由隴西至北地登雞頭過回中北地郡今平涼府雞頭山在平涼西四十里平涼之東百五十里爲涇州有回中山山上有王母宮始皇好神仙故過之若隴州回中宮爲尋常宴遊地不足書也孟康說是

### 第三卷

王追項籍至固陵

至

漢高帝五年

東城在鳳陽府定遠縣東南按羽自今之虹縣垓下潰圍南走至今之五河縣東渡淮至今之定遠縣西

綱目釋地糾謬

卷一

七

北之陰陵迷失道轉至定縣東南之東城乃率二十八騎與漢決戰斬一都尉於是又東南走至今之和州欲渡烏江也集覽質實因和州有山亦名陰陵又有東城註遂混東城與烏江爲一處矣不知和州之東城卽秦烏江亭至漢始置東城縣爾時尚未有東城之名其山名陰陵亦後人附會不足據羽分騎期山東爲三處山東之山必是定遠東之大橫山質實因分注有四潰山三字遂引今江浦縣之四饋山附會按羽本紀只云項王自度不得脫謂其騎曰吾起兵云於是大呼馳下並無四潰山三字不知分注



何所據而質實亦不細考見字即註也且潰與饋本不同如何混引又按和州北七十里有四潰山俗傳項王依山爲陳四面馳下潰圍處亦是後世因之而名非當時即名四潰也

#### 第四卷

以主父偃嚴安徐樂爲郎中武帝元朔元年

深入匈奴燔其龍城龍城匈奴都城名也集覽謂在上谷郡北非是上谷北之龍城本名柳城晉咸康七年慕容理以柳城之北龍山之西爲龍德之地乃營官廩改柳城爲龍城

綱目釋地利謬 卷一

八

東越王餘善反至擊之元鼎六年

勾章城有二一在寧波府慈谿縣南二十五里越王勾踐并吳後築以章霸功而名秦置勾章縣漢因之即是年橫海將軍所出之道也一在寧波鄞縣南六十里與慈谿接壤爲晉隆安四年孫恩作亂劉牢之討之改築於小溪鎮者自劉宋及隋唐勾章縣皆治此開元中省入鄞縣與橫海所出之勾章不可混質實所引全無分曉

#### 第五卷

築塞外城障太初三年

盧胸質實云匈奴中地名按盧胸山名在陝西榆林衛廢夏州塞外質實殊混

#### 第六卷

置西河北地屬國以處匈奴降者宣帝五鳳四年

西河質實云註見周威烈王二十三年則是今山西汾州府矣汾州與古北地郡相去遠甚如何並置屬國按北地郡即今陝西寧夏地西河即今榆林衛與寧夏後衛接壤境寧夏衛雍正二年改設府立子康爲濟陽上元帝永光三年

濟陽質實註云漢初縣名屬濟陰郡後爲濟陽國故

綱目釋地利謬 卷一

九

城在山東兗州府曹縣西南按濟陰之爲濟陽是晉所改郡名質實悞也漢初濟陽縣屬陳留郡元帝改爲國以封康故址在河南開封府蘭陽縣東

#### 第七卷

新城侯趙欽以罪免哀帝建平元年

新城質實以爲咸陽之新城按新城本戎蠻子邑戰國謂之新城漢惠帝四年始置新城縣屬河南郡若咸陽之新城本秦咸陽縣漢初改爲新城至武帝元鼎六年改曰渭城縣無復新城之名矣趙欽爲成帝所封則是渭南之新城非西安之新城

第八卷

臨淮琅邪及荊州綠林兵起新莽天鳳四年

荊州饑饉民衆入野澤掘鳧茨而食之按楚多藪澤

野澤者非若雲夢大澤而必有其名質實欲求其地

而不得乃註云未詳處所不自知其謬矣

蓋延克睢陽劉永走湖陵光武建武二年

湖陵質實云縣名注見建武二年本二年事何又云

云按湖陵城在徐州沛縣北五十里王莽改曰湖陸

第九卷

遣中郎將來歙伐隗囂取畧陽建武八年

綱目釋地糾謬卷一 十

畧陽質實云註見晉懷帝永嘉四年檢之乃漢中府

畧陽縣也時隗囂據天水卽今秦州畧陽正當隴口

入州之要害故光武聞來歙得之而喜若漢中之畧

陽本漢沮縣屬武都郡至後魏僑置畧陽縣於此梁

得其地爲武興郡直至元始置畧陽縣屬河州明改

屬漢中府且地與秦州絕不相涉此畧陽爲漢畧陽

道屬天水郡故城在秦州秦安縣東北六十里

烏桓與匈奴鮮卑連兵入寇建武二十一年

烏桓居上谷塞外白山集覽引廣志與括地志地理

志諸書爲西域之天山因其一名白山也殊不知烏

桓爲東夷去西域遠甚本文明曰居上谷塞外白山則山在上谷郡之塞外何得以西域之山混之按白山在直隸大寧廢衛北朶顏之南境唐志白山在五院關外大荒中是也

第十卷

罷治淖沱石曰河章帝建初三年

羊腸倉質實云坂名注見周安王十六年乃潞安府

壺關縣羊腸坂也非是按羊腸倉在太原府崞嵐州

嵐縣水經注汾陽故城積粟所在謂之羊腸倉者其

山亦有羊腸坂故名通鑑註極明白質實不之考故

綱目釋地糾謬卷一 十一

混石曰河郡慮並見補註

以虞詡爲武都太守擊羗破之安帝元初二年

遞詡于陳倉峭谷陳倉今鳳翔府寶雞縣其地無峭

谷有箕谷溫谷恐悞一以爲峭谷也質實引河南府

永寧縣之峭山去陳倉遠矣謬甚見補註

第十一卷

封皇后兄子鄧康宦者侯覽等桓帝延熹二年

高鄉侯質實以高鄉爲縣名非是高縣名鄉侯猶亭

侯按後漢書百官志列侯大者食縣小者食鄉亭觀

下文又封小黃門八人爲鄉侯可見高卽卽春秋晉

邑漢置鄠縣光武卽位于鄠南更名曰高邑故城在真定府趙州柏鄉縣北二十三里高鄉侯蓋食高邑之鄉也

### 第十二卷

先零寇及涼州羣盜北宮伯玉等反獻帝中平元年

別屯河陽以拒賊河陽按後漢書作阿陽註云阿陽

縣屬天水郡天水卽今秦州阿陽故城在秦州秦安

縣西北分注譌爲河陽質實不能考正而引懷慶府

之故河陽縣當之相距數千里矣謬甚

朱儁擊南陽黃巾連破之同上

綱目釋地糾謬

卷一

主

登土山望之按南陽府城西七里有卧龍岡岡無石皆土所云土山或卽此也若質實所引汝寧府信陽州之士雅山相距三百二十里如何望見南陽城中

### 第十三卷

郭汜攻李傕傕遷帝于北塢獻帝興平二年

黃白城集覽註云屬河南郡非是按通鑑有池陽二

字分注刪之蓋城在池陽縣也池陽屬馮翊故城在

今西安府三原縣西南二十里

帝至弘農至樂營同上

上與公卿步出營皇后兄伏德扶后御船到大陽幸李樂營按本文則知獻帝從陝州之大陽津渡河到解州大陽縣也大陽故縣在聞喜縣東與南岸大陽津對集覽引正義云今陝州河內縣其本末已不詳質實專指大陽津則上下情事益不明矣蓋不知有大陽縣也

孫策取會稽太守王朗降建安元年

查瀆質實註查瀆在寧波府定海縣東北非是在紹

興府蕭山縣西南吳越曰查浦

曹操擊張繡降之至子昂建安二年

綱目釋地糾謬

卷一

主

益壽亭侯質實云壽亭疑是縣名謬甚按亭侯漢列侯爵詳見桓帝延熹三年

呂布復攻劉備建安二年

白門樓集覽註白門徐州城門名引陳后山詩只有

青樓與白門爲證非是按白門下邳城南門也下邳

卽今淮安府邳州西距徐州百八十里時布屢敗還

保下邳曹操乃引沂泗灌城沂水在邳州城西一里

泗水在邳州城南二里以本文推之何得云徐州況

徐州只有泗水並無沂水

### 第十四卷

馬超入涼州至漢中建安十八年

姜叙屯歷城質實引山東濟南府歷城縣而云註見

宋文帝元嘉七年謬極蓋涼州去山東甚遠也按歷

城故址在今鞏昌府成縣西卽建安城也通鑑註云

去仇池一百二十里

魏王操出斜谷至漢中建安二十四年

操運米北山下黃忠引兵欲取之北山質實因階州

卧龍山一名北山遂引之今以地之遠近考之不能

合也按漢中府郿縣有太白山在縣東南三十里太

白終南名雖二實則一山綿亘故太白山在關內名

綱目釋地糾謬卷一 古

南山在漢中名北山則此北山卽太白矣維時操出

斜谷谷在郿縣西南三十里谷與山相距七十里故

忠欲取所運之米若階州之北山相去六百餘里又

在漢中西操之運米豈有反由西路而遠轉也

魏師攻濡湏別將至引還後主建興元年

襲中洲質實云中洲有二處一在長沙府瀏陽縣一

在郴州城東郴江中按所引二處皆在湖南與事在

江南廬州府者無涉此中洲卽廬州府無爲州之羨

溪亦名中州

丞相亮討雍闓至四郡建興三年

益州郡今雲南府按漢武帝平滇開置益州郡又於

蜀郡兼置益州三國時蜀郡爲漢所都閬所叛乃雲

南之益州也集覽云古蜀國質實云注見蜀非是

受業臨桂胡惠琳校字  
男 時敘覆校

通鑑綱目釋地糾謬卷之一終

綱目釋地糾謬卷一 五

通鑑綱目釋地糾謬卷之二

秀水張 庚浦山著

嘉興錢陳羣香樹叅訂

第十五卷

丞相亮伐魏戰於街亭敗績

建興六年

爲疑軍據箕谷集覽質實皆以漢中府褒城縣之箕

山當之按箕山箕谷明明兩地奚容相混箕谷在鳳

翔府寶雞縣東南四十里去郿縣蓋百餘里

右將軍亮伐魏拔武都陰平

建興七年

陰平質實云註見獻帝初平四年則是淮安府沐陽

綱目釋地糾謬

卷二

一

縣西北漢陰平縣故址集覽以爲邳州蘭陵縣之陰

平村二說皆非淮安府爲揚徐地去雍涼邊徼遠矣

本文先書武都武都卽今鞏昌府階州烏得混淮安

按陰平漢武開西南夷置陰平道屬廣漢郡北部都

尉治焉在階州南二十里卽今文縣

魏寇漢中丞相亮出次成固

建興八年

詔司馬懿沂漢水入漢中諸將欲由武威按武威郡

名今西寧涼州府去漢中極廻遠入漢中者萬不能

由此魏將之議豈誕妄至此通鑑註云恐當作武都

否亦疑而不敢定試以地之遠近按之不必疑也武

都卽今階州於時畧陽縣屬武都由此入漢中亦一道也又其地有陰平道後來鄧艾入蜀處故魏將廷議及此欲一舉以取蜀耳

丞相武鄉侯諸葛亮卒

至斬之 建興十二年

南谷口通鑑註本明而質實云未詳處所又引臨洮

府渭源縣之南谷山當之謬甚按褒斜道南口曰褒

在漢中府褒城縣北十里北口曰斜在鳳翔府郿縣

西南三十里中長四百七十里南谷口卽褒谷之口

也西南百餘里卽沔縣定軍山在焉爲忠武侯葬處

魏延據南谷口逆擊楊儀將軍何平叱散士卒延走

綱目釋地糾謬

卷二

二

漢中僅六十里也若渭源之南谷山迂廻千有餘里

忠武喪還安得由此延亦何爲據以逆儀耶追至赤

岸不及而還質實旣以赤岸爲未詳又以爲漢中府

城西赤崖通鑑無註紀要亦以爲赤崖余未敢信也

按忠武侯屯漢中時置庫於赤崖以儲軍資又嘗與

兄瑾書云頃大水暴出赤崖以南橋閣悉壞趙子龍

與鄧伯苗一戍赤崖屯田一戍赤崖口但得與伯苗

緣崖相間而已據此則赤崖爲漢中要地懿若追至

此而不及忠武侯之喪自必拔取漢中豈肯便還又

況於時魏延方走漢中儀遣將擊殺之亦非無兵以



禦聽其自來自去也余故謂赤岸決非赤崖大抵城固縣之赤土坂亦名赤崖故相混耳城固縣屬漢中府赤土坂在縣北百三十里時忠武與懿相距于鳳翔郿縣之五丈原南去赤土坂約三百四五十里懿之追蓋亦不過五六程也按圖以考可無疑矣

魏復立崇華殿

建興十三年

穀水質實引一統志在河南府永寧縣北七十里源出熊耳山下過崤底經韓城流入洛明一統志據各省志原未經考覈不足為憑按穀水出河南府澠池縣馬頭山穀陽谷東歷故洛陽城東廣漢門北又東

新目釋地

卷二

三

南出上東門外石橋下會于洛此魏晉以後之穀水也鄭道元所謂今穀水是已若質實所引與本文全沒交涉

帝如湔觀汶水旬日而還

建興十四年

如湔觀汶水集覽所註湔縣汶縣全不明白質實云湔縣屬漢州故城在成都府東北百二十里汶江在成都城南七里然則湔與汶南北相背則如湔觀汶不能講矣按湔即漢湔氐道在成都府茂州西北汶水即汶江在茂州治西王咨云汶江自徼外來繞汶川郡西北而南出極目可百里按此則汶水此為最

大故可觀若成都南七里之汶江實郿江為大江支流亦名汶江質實離湔註汶故引之由于不察也茂州在成都西南四百五十里

魏司馬懿克遼東斬公孫淵

建興元年

懿克遼東進至首山質實云首山註見漢武元鼎四年檢之乃河南府偃師縣首陽山謬極按首山在遼東襄平之東分注趣襄平進至首山則首山在襄平之外夫人知之也質實豈真不知偃師之首陽山與遼東渺不相屬故不敢明註而云註見某年此類甚多

新目釋地

卷二

四

### 第十六卷

姜維伐魏

至而還

建興十八年

秦曰維若東向據櫟陽集覽謂櫟陽故城在臨潼縣通鑑註以為秦所言畧陽也蓋史文悞為櫟陽集覽以為臨潼不顧道路之遠近阻違矣畧陽在秦州秦安縣東北

姜維伐魏

建興二十年

長城戌名在西安府盩厔縣西南三十里時維出駱谷關詎盤屋百二十里故望與艾據長城拒之集覽質實皆以為方城山引屈完對齊侯方城為城語為

證方城在今河南許裕二州境爲魏之內地豈有拒維于盤屋而反在內地況隔一武關也

姜維伐魏洮陽不克 景耀五年

維攻洮陽鄧艾與戰於佚和破之洮陽在陝西洮州衛西南卽臨潭城亦謂之魯城漢建武三年羌攻臨洮帝遣馬防耿恭救之諸羌退聚洮陽卽此集覽實皆以爲廣西桂林府全州之洮陽縣然則下文與戰佚和如何接佚和本侯和之譌今洮州衛東有侯和故城爲維戰敗處否中在洮州衛西南卽諸羌中沙濕之地集覽謂在金城郡亦泛

綱目釋地糾謬 卷二 五

魏以鍾會都督關中軍事 同上

姜維表遣分護陽安關口質實註陽安關在成都府東一百五十里非是陽安關卽陽平關後主改曰陽安在漢中府寧羌州東北九十里以地爲要害故維表遣分護駱谷見補註

吳臨平湖開石印封發 晉武帝咸寧二年

歷陽長上言歷陽山石印封發歷陽郡今和州歷陽山在州西北一名石印山卽孫吳時石印封發也質實引以爲據按三國志孫皓天璽元年鄱陽歷陵山有石文理成字吳人謂之石印封發天下太平通鑑

註亦云鄱陽郡無歷陽縣有歷陵縣陽當作陵今饒州圖經亦載鄱陽歷陵縣有石印山

索頭拓跋力微死 咸寧四年

封其弟爲亭侯質實註亭縣名殊謬按亭侯猶鄉侯也詳見漢桓帝延熹二年

### 第十七卷

龍見武庫井中 太康六年

武庫質實云註見漢景帝三年漢景都長安晉武都洛陽如何可混晉武庫在今河南故洛陽宮內畧陽氏楊茂搜據仇池 惠帝元康六年

綱目釋地糾謬 卷二 六

四面斗絕而高爲羊腸蟠道質實云羊腸坂名註見周安王十年則是大行山之羊腸坂也非是按本文但極言仇池地險峻故云羊腸蟠道非名羊腸也

### 第十八卷

漢復寇洛陽北宮純擊敗之 懷帝永嘉三年

潁川郡本治禹州晉徙治許昌卽今河南許州質實猶以爲禹州非是

代公猗盧攻晉陽 至敗之 永嘉六年

曜敗夜踰蒙山而歸猗盧追戰於藍谷蒙山在晉陽西北五里藍谷卽蒙山之谷質實以平定州亦有蒙

山遂引註之按曜與猗盧戰於汾水之東中創踰蒙山而歸猗盧追戰于藍谷故知爲晉陽之蒙山也若平定州之蒙山則州境無汾水山亦無藍谷通鑑註曰蒙山跨晉陽石艾二縣而不及平定州則平定之蒙山又一山矣尤足以證晉陽今太原府太原縣藍谷見補註

王敦殺其兄荆州都督澄同上

沓中集覽以爲西南羗地乃姜維屯兵處在洮州衛去江陵甚遠且其時爲後秦地非晉所有安得爲荆州都督駐劄通鑑註此沓中蓋在羗陵之東按羗陵

綱目釋地糾謬 卷二 七

故城在荆州府公安縣西二十五里沓中羗陵中之小地名也

### 第十九卷

張駿遣兵攻趙至南地 成帝咸和二年

振武質實云註見唐憲宗元和八年及檢之又云注見秦王政三年再檢之乃太原府之雁門也與張楊所爭之地差數千里有何關涉且雁門郡卽今代州只有廣武並無振武按振武故城在莊浪衛與令居故城相距四百十里莊浪衛雍正二年改設平番縣屬涼州府

溫嶠以陶侃入討峻至赴難 咸和三年

郗鑒築大業曲阿慶亭三壘以分峻兵勢集覽謂大業在京口慶亭在吳興悞于太遠何以相應質實謂俱在丹陽縣東四十七里三壘並列何以分峻兵勢又悞于太近按大業在句容縣北曲阿卽今丹陽縣治惟慶亭在丹陽縣東四十七里

陶侃溫嶠討峻於石頭至其衆 同上

侃督水軍向石頭亮嶠帥步兵從白石南上白石質實註引和州含山縣之白石山按含山縣在江北石頭在江南地隔洪濤步兵何能上此白石在今江寧

綱目釋地糾謬 卷二 八

府北覆舟山東

趙石虎自爲丞相魏王至而死 咸和八年

以姚弋仲爲奮威將軍居潁頭質實以潁頭爲漢陽府潁水口按漢陽猶屬晉地潁陽城爲陶侃周訪往來駐軍之所姚弋仲安能居鎮此潁頭在真定府棗強縣虎還建魏臺質實云魏臺在大名府魏縣界蓋魏臺本無實地質實因縣名魏又與臨漳縣故鄴都相隣其後石虎建都於鄴故臆度附會之按分注虎以蒲洪爲龍驤將軍以姚弋仲爲奮威將軍還建魏臺如魏武輔漢故事其時虎尙未遷都所云還是還

平陽非還鄴也其云建魏臺蓋虎自爲丞相魏王乃立臺以自署官屬故云如輔漢故事非若黃金銅雀等各有其所也質實必欲以地實之誤矣

第二十卷

庾亮表請伐趙詔諭止之咸康五年

移鎮石城質實以爲汝寧府信陽州之石城山大謬按石城乃羊叔子鎮荊州時所立故址在今湖北安陸府西北

趙人入寇攻沔南及邾城陷之同上

進圖石城竟陵太守李陽拒擊敗之石城在安陸府

綱目釋地糾謬 卷二 九

詳見上安陸卽晉時竟陵郡集覽註謬

詔議經畧中原至伐趙 康帝建元元年

石頭倉雖亦在江寧府石頭山然另爲一城非石頭

城也質實注混

趙攻涼州至破之 穆帝永和二年

宛成都尉集覽質實皆以宛爲南陽郡宛縣蓋忘其事在涼州矣按漢武帝太初三年伐宛置居延休屠屯兵以衛酒泉其置都尉戍防大宛自漢已然矣故城在今涼州府東北

第二十一卷

太司馬溫帥師伐燕至燕 帝奕太和四年

鑿鉅野三百里引汝會於清引舟自清入河集覽云汝水源出弘農盧氏縣質實云注見漢成帝綏和二年亦是指河南之汝水也按河南之汝水距山東鉅野縣約千里與三百里之說不合且隔一黃河如何引與清會考晉書是汝水非汝水乃分注鑄刻之譌何可附會東澗質實云水名在河南府盧氏縣認作澗澗之澗矣按東澗地名非水名在歸德府睢州東北三十里今爲澗岡集湖陸林渚並見補註大司馬入朝至卽位 簡文帝咸安元年

綱目釋地糾謬 卷二 十

新安質實云註見楚義帝元年乃河南府之新安縣也時河南府爲趙地非晉地此是孫吳新都郡晉改爲新安今徽州府

謝石謝玄等大破至長安 孝武太元八年

梁成等屯于洛澗柵淮以遏東兵質實云洛澗二水名引洛陽之洛水澗水當之事在江南廬鳳間而遠引河南府之洛澗謬矣此是鳳陽府之洛河出定遠縣之清河澗西北流入懷遠縣注于淮謂之洛澗水經注洛澗北歷秦墟下注于淮謂之洛口涼馬臺見補註

燕王垂解鄴圍趨新城 太元九年

新城質實云注見漢武帝元光二年武州塞蓋以大  
同府之朔州故塞晉改新城也按紀要無改新城事  
且朔州非慕容垂所有何能趨之此新城即廣平府  
肥鄉縣東南之新興城垂攻符丕于鄴分置老弱於  
肥鄉築城以置輕重名新興城既而開鄴久不能下  
故解圍趨之也人書新城省文也通鑑註亦明

第二十二卷

劉牢之進兵至鄴 而還太元十年

追至五橋澤澤順德府廣宗縣質實引開封府陳

綱目釋地糾謬卷二

十一

州西南之五橋按本文牢之至鄴燕王垂戰敗北遁  
牢之追二百里至五橋澤則五橋澤在臨漳縣北明  
矣何得反引大河以南三百里之陳州當之况澤與

橋本不同

河北州郡復降于秦 同上

歷城符定既徙治歷城因自稱仇池公後又稱隴西  
王則歷城斷非濟南之歷下矣而質實猶仍前謬不  
顧文義矣此歷城在今鞏昌府成縣西詳漢獻帝建  
安十八年仇池在成縣西北鞏昌即秦隴西郡

張大豫起兵攻姑臧 太元十一年

魏安質實云魏安縣名未詳處所此類地名極隱僻  
宜其未詳而云縣名則又妄作解事矣魏安蓋郡名  
也即漢揭次縣屬武威郡故址在甘肅莊浪衛西北  
揭讀胥次讀谷三國魏謂之且次晉志謂之揭次後  
魏始置魏安郡魏收志揭次縣屬昌松郡後又析置  
魏安郡晉書以揭次為魏安者書成于唐故誤以後  
魏所置郡言也

秦封符纂為魯王 太元十二年

盧水胡質實云注見安帝隆安元年檢之又云注見  
漢光武建武十六年再檢之則十六年中並無盧水

綱目釋地糾謬卷二

十二

胡事不知何故為此疑陣按盧水即甘州之沮渠川  
沮渠蒙遜世居盧水故後人謂之沮渠而沮渠蒙遜  
則又謂之盧水胡地以人名人以地名也彭沛穀新  
平雷惡地皆見補註

馮翊人郭質起兵應秦不克 太元十五年

質起兵廣鄉三輔皆應之廣鄉在西安府華州西質  
實謂在秦州去三輔遠矣

西燕主永及燕戰敗績 太元十九年

出壺關湓口沙庭集覽質實皆注云湓口水口不知此  
湓口即湓山大行山之第四陁也沙庭壘壁並見補

註

禿髮烏孤徙都廉州 太元二十年

廣武趙振質實云廣武注見漢王邦四年則是開封府鄭州河陰縣之廣武山項王與漢王相臨而語處也又山名非郡邑何云廣武趙振按廣武郡爲前涼張寔所置在陝甘蘭州西百二十里詳後安帝隆安

二年嶺南五郡

燕主垂襲魏至寶主 太元二十一年

燕主踰青嶺經天門青嶺卽恒嶺北嶽恒山也詳補註天門今爲倒馬關在真定府定州西北大同府廣

綱目釋地別錄 卷二 圭

昌縣南質實以天門爲太原府之天門關反轉而南則不必踰青嶺矣平城魏都在大同府東燕昌城見

補註

魏封爾朱羽健于秀容川 安帝隆安二年

秀容通鑑註曰此北秀容也秀容之名南北易混不可不細考按慕容垂伐西燕西燕主永求救於拓跋珪珪遣兵東渡河屯秀容以救之此山西遼州之秀容山也河卽濁漳魏收地形志永興二年置秀容郡屬肆州又立秀容軍于汾水西徙北秀容胡人居之此南秀容也肆州卽今太原府忻州在府東北六十

里又按爾朱兆傳秀容酋長爾朱羽健拓跋珪以其

從征晉陽中山有功以南秀容川原沃衍欲令居之

且環其所居割地三百里以爲封邑羽健曰北秀容

旣在剡內差近京師豈以沃瘠更遷遠地珪許之此

朔州之北秀容也在太原府北四百九十里大同府

西南二百餘里維時拓跋珪都平城故云剡內此南

北兩秀容之皎然者也其遼州之秀容山係屯兵之

所偶然同名不可與忻州相混質實所註全無分曉

細閱魏志再正輿圖方明白又南秀容在忻州西北

百里而忻州亦曰秀容則隋開皇中所置非古秀容

綱目釋地別錄 卷二 圭

也考古者不可不辨忻州雍正二年改直隸州

南京取嶺南五郡 同上

嶺南質實引張九韶云嶺南嶺嶠之南豈不混入兩

廣耶五郡則云河西五郡以河西接嶺南烏能合通

鑑註嶺南謂洪池嶺南也五郡廣武西平樂都澆河

湟河也按洪池嶺涼州之大山西平郡卽今甘肅西

寧府樂都郡故城在西寧西北二百三十里湟河郡

前涼所置卽今故廓州城在西寧南百八十里澆河

郡故城在廓州達化廢縣西百二十里廣武郡晉張

寔分金城郡之令居枝陽永登三縣置廣武郡故城



在蘭州西百二十里廉州倭海並見補註

受業襄城尉  
男  
時敏覆校

通鑑綱目釋地糾謬卷之二終

綱目釋地糾謬卷二

車

通鑑綱目釋地糾謬卷之三

秀水張 庚浦山著

平湖弟逢年怡亭叅訂

第二十三卷

秦王興攻魏至元興元年死之

姚平退守柴壁魏軍圍之興救之將軍安同曰汾東有蒙阮興必從汾西來直臨柴壁汾東汾西質實云註見周威烈王二十三年檢之則泛言汾水原委與當日行軍用地全沒交涉蓋此汾東汾西專主曲沃言方與柴壁關要柴壁在平陽府西南六十里汾河西曲沃縣在平陽南百二十里汾河之東興從陝西來必經曲沃境而達柴壁故安同所測如此乾壁栗壁天渡皆見補註

綱目釋地糾謬卷三

桓振襲江陵至元興三年不克

靈溪無忌欲直趨江陵道規欲以計縻之無忌不從振逆戰于靈溪則靈溪為入江陵所必由之路明矣質實引廣東韶州府之靈溪謬極江陵今荊州府靈溪在荊州東三十里

劉毅等復攻桓振諸壘皆克之同上

魯山城在漢陽府東北大別山上即今漢口六朝以

來皆爲要地集覽質實皆云河南汝州魯山縣謬甚其後二十九卷齊和帝中興二年命房僧寄守魯山亦云汝州之魯山獨不思其時汝州已入北魏版圖耶儋月壘亦名却月壘在漢陽府治北二里與魯山城相對後漢末黃祖所守處集覽質實皆云廬州府濡湏塢謬甚通鑑註云儋月壘後爲沙羨縣治亦悞按沙羨漢縣卽今武昌府江夏縣地在大江南岸燕王熙與其后符氏遊白鹿山同上

白鹿山卽白狼山在今奉天府質實引太原府孟縣之白鹿山名雖是而地實非蓋燕都龍城爲遼西地

綱目釋地糾謬卷三

二

其轄者右北平昌黎等郡何得同后遠至西燕敵國之境也

南燕主僭德平太子超立義熙元年

汝水竭通鑑註汝當作女按女水在青州府臨淄縣東十里慕容僭德都青州女水卽在境内所以惡其竭也又義熙四年書汝水竭澠水不冰澠水亦在臨淄西故並記之爲南燕之災異若河南汝州之汝水澠池縣之澠與南燕何涉史亦何爲屢書不一書也史蓋因女汝字通誤加水旁耳質實引河南之汝與澠由於不察南燕之都於青齊也

燕王熙襲高句麗不克義熙二年

燕王至陞北集覽質實皆以爲井陘之北按燕都龍城在遼西地襲契丹于潢水黃龍間更入于北矣何得反南涉真定府之井陘通鑑註陞北冷陘山之北也按冷陘山在今元良哈境

秦遣兵襲南涼討夏皆敗績義熙四年

蜀北見補註河曲黃河經靈州西爲河曲今陝西靈州守禦所北質實云縣名註見漢光武建武二十二年檢之乃集覽所謂河西四郡謬甚靈州所雍正二年改靈州

綱目釋地糾謬卷三

三

南燕汝水竭同上

汝水澠水詳見義熙元年按河南府澠池縣並無澠水惟永寧縣峭底名澠池非河也穀水澗水皆出于澠池亦不聞名澠也益知質實之誤

第二十四卷

西秦乞伏公府至自立義熙八年

熾磐自立爲河南王按今臨洮府河州在黃河之南故稱河南質實以爲洛陽蓋忘其事在西秦矣譚郊見補註

將軍王鎮惡攻潼關至破之義熙十三年

自陝北渡河拔襄邑堡在山西蒲州質實引河南歸德府之睢州爲古襄邑縣註之無論堡非縣獨不見本文兆渡河三字耶紹退屯定城通鑑註引述征記定城去潼關三十里按定城故址在華州華陰縣東十里質實引汝寧府東三百里光州之故定城註之相去甚遠

西涼地震星隕 恭帝元熙元年

星隕建康質實云建康注見漢獻帝興平二年檢閱乃江寧府之建康也果爾綱目何以不書晉而書西涼也按西涼之建康爲前涼張駿所置郡在陝西甘

綱目釋地糾謬 卷三

四

州府

宋討徐羨之 江陵文帝元嘉三年

射堂質實云在鎮江府昔劉毅與謝晦知識校射處非是此射堂在荊州府

### 第二十五卷

魏河南諸軍退屯 至河南元嘉七年

自淮入泗是指淮安府邳州南二里之泗水蓋彥之自水路至山東東平州則所由之淮泗當在此入口若質實所引泗水所經之地雖全而無當於事便爲閒文

魏主如統萬 同上

夏主遣使約合兵滅魏遙分恒山以東屬未此指北嶽以爲界也質實云恒山郡名若以郡言則泛而無當矣

宋檀道濟救滑臺敗魏師于壽張 元嘉八年

高梁亭在山東兗州府壽張縣北質實引山西平陽府之稷山縣殊謬

宋益州人趙廣作亂圍成都 元嘉九年

遂陰平太守此陰平乃晉永嘉中陰平人流入益州因僑置陰平郡以安置之寄治于葭楊縣故城在成都

綱目釋地糾謬 卷三

五

都府漢州質實云註見漢後主炎興元年則是鄧艾入蜀之陰平郡在陝西鞏昌府文縣時已屬魏非宋所有何可引註陽泉山見補註

魏主攻燕圍和龍 同上

樂浪郡漢武帝分遼東地而置者慕容廆都遼西龍城僑置樂浪郡以安置樂浪流民故城在太寧廢衛西南質實云註見漢武帝元封三年則仍是遼東之樂浪本郡非此日僑置之樂浪於本事無涉建德翼陽成固皆見補註

宋梁秦刺史蕭思話討楊難當破之 元嘉十一年

難當克漢中蕭思話至襄陽蕭承之爲前驅進據礪  
頭質實云礪頭未詳處所又疑爲礪礪山按礪礪在  
山東濟南府今承之自湖北襄陽府入漢中如何能  
據濟南之礪礪按水經注漢水經黃金山南東流歷  
敖頭舊置倉儲之所在漢中府東與安州漢陰縣西  
興安州與湖北鄖陽府接壤則敖頭爲承之必由之  
道故據之綱目爲礪水經註爲敖雖不能必爲誰誤  
其非濟南之礪礪明矣  
柔然寇魏不克 元嘉十六年

請太子避保南山質實云南山註見漢文帝三年檢

綱目釋地糾謬 卷三

六

閱乃西安府終南也終南去大同府二千餘里倉卒  
之際奚能遠引况終南亦非可保之地蓋指平城之  
灋南宮也城在夏屋黃華兩山之間兩山皆在府南  
故云南山拓跋氏當晉建興初于灋水之陽黃華堆  
築新平城謂之南平城故穆壽諸太子避保于此此  
綱目補註

宋領軍劉湛有罪誅至刺史 元嘉十七年

奉辭下渚質實疑爲投書渚非是按宋書奉辭便下  
渚蓋奉辭後即便下渚也則下渚猶登舟之義故欲  
讀綱目先須讀史新洲見補註

魏殺其武都王 至都王 元嘉二十年

雒谷見補註葭蘆城質實既云未詳又引延安府葭  
州之葭蘆河以爲於此立寨茲無論地之遠近明明  
是城而以爲河強云立寨是何說也按葭蘆城在鞏  
昌府階州將利縣故城東南七十里通鑑註引祝穆  
云在階州福津縣東南七十里  
魏盧水胡蓋吳反 元嘉二十二年

自號天台王蓋吳立宏號以自尊原不必定依郡縣  
之名按天台山名既不可以立王號又與所反之地  
甚遠况山卽在魏主所發三州兵之雍州尤與蓋吳

綱目釋地糾謬 卷三

七

無涉質實必求其地以實之亦固矣

魏主討蓋吳 元嘉二十三年

魏主問蓋吳在長安北以渭北地無穀草欲渡渭南  
循渭而西此渭北渭南指渭水在華州與渭南縣之  
間者考史魏主如汾陰濟河至洛水橋按橋在陝西  
朝邑縣西渭河北故欲渡渭水循渭南岸而西至長  
安卽今入西安府驛站也時蓋吳必營于高陵縣故  
曰在長安北所以崔浩云去此六十里破之南向長  
安不過一日也質實云渭北渭南注見漢高五年檢  
閱不過詳其原委及所經之地而於此之以南北言

者毫無關涉猶獲生物烏能療飢

宋人大舉侵魏至退走元嘉二十七年

蕭斌使申坦垣護之據清口按清口在東平州西清

水自歷城由長清縣至此與汶水合為入歷城要害

質實云註見元嘉七年不過引大小二清河之在濟

南者於本事絕不相關則遣將據守之意不明矣資

谷石濟並見補註

魏主進至魯郡以太牢祀孔子同上

馬頭郡城在鳳陽府懷遠縣西南二十里質實云馬

頭有二處一引六合縣者一引滁州者雖皆近江南

綱目釋地利謬卷三

然非必由之路

雍州參軍柳元景至而還同上

度嶠救陝嶠山在河南府永寧縣非水也質實云嶠

水濟渡處嶠無水惟嶠底一名澠池並無嶠水之名

何得言濟渡度越也言越嶠陵也

魏主引兵南下至守江同上

石頭倉城即楚金陵邑孫權城之號石頭倉貯實貨

軍器質實離之為二以石頭為石頭城於倉城為未

詳處所殊謬

第二十六卷

魏荊州刺史魯爽及其弟秀奔宋元嘉二十八年

魏荊州刺史質實云註見南郡則是江陵之荊州矣

時江陵為宋地魏安得命刺史治之此荊州北魏所

置今南陽府鄧州

宋太子邵弒其君至司空元嘉三十年

合殿集覽云在紫宸殿北引杜詩香飄合殿春風轉

以證且無論合殿猶滿殿誤解杜詩即使是殿名亦

是唐殿在西安府故唐宮內此是劉宋之西殿文帝

謂之合殿在江寧府故臺城建康宮內屯兵五洲五

當作伍即伍湖因伍員而名在黃州府蘄水縣西大

綱目釋地利謬卷三

江中質實謂山名非是東堂西川府巴水皆見補註

宋江州刺史至伏誅同上

誕頓西陵為之後繼質實云西陵註見周赧王三十

六年乃湖北荊州之西陵也於會稽太守何涉按西

陵今紹興府蕭山縣之西興鎮吳越王錢鏐以西陵

非吉語改曰西興鶴頭見補註

宋以楊元和楊頭為將軍孝武帝孝建二年

西秦刺史質實未詳又疑即秦州按事與地西秦當

作北秦史文譌也考天水氏楊氏自曹魏時徙居仇

池世附於南朝晉永和三年楊初稱藩于晉置北秦

州授之至宋元嘉二年楊玄附于宋宋以京爲北秦  
州刺史六年卒弟難當篡之叛宋二十年仇池爲魏  
所侵京子文德叛魏圍仇池不克屯據葭蘆城二十  
五年魏取之二十七年宋以文德從祖兄頭戍葭蘆  
至孝建二年王京謨請以爲秦州刺史也歷考之則  
西秦爲北秦之譌明矣况仇池原未嘗有西秦州之  
名考仇池嘗爲南秦州乃晉太和中苻秦攻楊纂纂  
敗降秦置南秦州與南朝無涉

宋禁士族雜婚大明五年

往往奔竄湖山爲盜賊通鑑註水則入湖陸則阻山

綱目釋地糾謬 卷三

十

依險而爲盜賊蓋言法制太嚴或奔于湖或竄于山  
爲盜賊非指定一處也質實云湖山莫詳處所又引  
濟南府章邱縣之湖山謬矣

### 第二十七卷

宋臺軍克江州殺子勛明帝泰始二年

賈口貴池之水入江處在池州府貴池縣城西五里  
質實云在銅陵縣差違百二十餘里矣劉胡逃至石  
城質實云石城漢縣屬丹陽郡晉屬宣城郡卽今池  
州府通鑑註此竟陵之石城按竟陵今安陸府克江  
州殺子勛事在湖北劉胡本襄陽參軍自當逃于竟

陵若宣城密邇建康豈敢避此通鑑註是

魏將軍慕容白曜侵宋青州取四城泰始三年

沈韶守淮陽質實云淮陽註見周赧王十七年陳是  
猶以開封府之陳州爲淮陽國也不知後漢已改爲  
陳國劉宋爲陳郡至泰始間已入於魏宋安得遣將  
守之此爲淮陽郡晉義熙間所置故城在泗州東北  
劉休賓守梁鄒索隱曰縣名屬濟南是矣質實離而  
爲二以梁爲梁國鄒爲鄒平縣梁國今河南歸德府  
鄒平今屬山東濟南府中隔大河休賓一人如何能  
守按梁鄒後漢縣故城在濟南府鄒平縣北四十里

綱目釋地糾謬 卷三

十一

無鹽圍城廉潔垣苗皆見補註

魏人拒擊宋師走之遂取下邳同上

攸之至濰清口質實離濰清爲二以爲宿遷縣之睢  
口清河縣之清口清河在淮安府西五十里宿遷在  
淮安府西北四十里相距甚遠則攸之至濰清口畢  
竟是何口魏兵亦從何擊之按濰清口在宿遷縣東  
南十里睢水入宿遷俗謂之小河至北合于黃河爲  
睢口謂之濰清者睢水清入黃河之濁也

宋蠻酋桓誕以沔北降魏泰豫元年

大陽蠻黃州府蘄州西二百里有大陽城劉宋置後



為蠻所居質實以為永州府非是

宋江州刺史桂陽王至斬之宋主昱元徽二年

立園宅名東山東山劉劭園名蓋慕謝安之高風也

質實云在應天府城東為謝安所築非是

宋中領軍蕭道成至書事順帝昇明元年

越郡校尉按史越騎校尉也分註傳寫為越郡質

實遂以為地名註云未詳處所又以為越州而引會

稽當之大謬臺岡見補註

齊以王京遜為梁州刺史昇明三年

白水氏水經注白水源出臨洮縣東南之西傾山水

綱目釋地糾謬 卷三

三

色白濁東南至陰平界民居水上者為白水氏質實

云註見文帝元嘉十九年是以漢中府之白水縣當

之矣謬甚

魏遣梁郡王至伐齊同上

梁郡即梁國後魏為梁郡今歸德府質實云未詳又

引爾朱榮所築于朔州者謬甚

魏秦州刺史于洛侯有罪伏誅齊武帝永明元年

秦州質實以為蒲坂按蒲坂今山西蒲州後魏于蒲

坂置雍州東魏改秦州魏孝文世猶為雍州未可豫

引茲之秦州猶是鞏昌府之秦州

## 第二十八卷

魏置牧場于河陽南北朝齊魏甲戌年

統舊城質實云在朔方郡夏州非是按夏州 本朝

改為寧夏衛後改為府故城在榆林衛榆林今屬陝

西寧夏今屬甘肅

## 第二十九卷

魏敗齊師于壽陽遂取合肥建安齊實卷永元二年

建安質實云軍名註見周世宗顯德五年迎鑾鎮按

迎鑾鎮之為建安軍至趙宋始置蕭齊時尚未有是

名此建安城蕭齊所置戍守處在汝寧府光州固始

綱目釋地糾謬 卷三

三

縣東距合肥不遠故得並取若迎鑾鎮在今揚州府

儀真縣密邇建康為江左重地魏安能即取之

齊遣將軍崔慧景至皆死同上

蔣山龍尾蔣山即鍾山在江寧府東北龍尾通鑑註

築道陂陀以上蔣山處曰龍尾質實云龍尾在句容

縣茅山東南四十里按句容在府東九十里鍾山在

府東北十五里相距百二十里之遠何不一察副兒

之言

齊攻壽陽至南地同上

陳伯之防淮口傳示牽船上汝水南岸直南趣淮擊

伯之于肥口此淮口是汝水入淮之口在潁州東南距壽陽不過百里地名朱舉鎮肥口淮水東至壽陽肥水來合謂之肥口在壽陽西北二十里集覽以淮口在淮安肥口則引廬江四辨文而不明指在某處質實則混言之曰淮水之口肥水之口且詳淮與肥之原委亦何當于當日用兵之事

齊蕭衍圍郢城和帝中興元帝

漢口沔漢與鄖水合流至漢陽府城北與江水會于大別山為漢口距漢陽僅六里質實云在漢陽府城北三十里非是石橋浦加湖並見補註

綱目釋地糾謬卷三 古

齊涪陵王遣軍救郢州屯加湖同上

蕭衍圍郢諸將議併兵圍郢分兵襲西陽武昌是條下分注蕭衍云若併兵圍郢又分兵前進魯山必阻糧運不通何以持久又云郢州既拔席卷沿流西陽武昌自然風靡集覽質實見兩條皆以郢州與西陽武昌並言故於西陽則註之而於郢州與武昌並不致註蓋以郢州即武昌也不知郢州為劉宋所置隋改郢州直至元始改曰武昌即今武昌府也此武昌乃秦之郢縣三國吳改曰武昌縣在今武昌府東百八十里渡江即為西陽所以西陽武昌並言西陽故

城在黃州府東南為三國重地至若魯山尤為要害集覽質實亦皆不註因晉安帝元興三年之魯山既註為汝州魯山縣此魯山與郢州對言亦知非汝州之魯山故不敢註也按魯山是城名在漢口為六朝戍守要地此類地名于兵事尤為緊要正以見用兵方畧故不可忽已見補註

魏東豫州刺史田益宗至敗績同上

赤亭城在黃州府麻城縣東南其地有赤亭河質實謂在岳州府華容縣南三面臨水大謬建安城在汝寧府固始縣東為蕭齊戍守處質實謂建寧劉宋郡

綱目釋地糾謬卷三 圭

名治石首縣在荊州府大謬

梁吉勣請代父死梁主赦之梁武帝天監二年

原鄉在湖州府孝豐縣東質實云在長興縣東南孝豐在府西八十里長興在府西北七十里相距二百五十里何可拉入長興

受業考城梁曰源校字男時敏覆校

通鑑綱目釋地糾謬卷之三

通鑑綱目釋地糾謬卷之四

秀水張 庚浦山著

吳江王 樑親庭叅訂

第三十卷

梁遣臨川王宏 至洛口 天監四年

次于洛口此洛口乃洛澗入淮之口在鳳陽府懷遠縣南七里質實云注見漢高后三年則認作洛陽之洛口矣維時魏都洛陽兵薄京畿而猶得以常詞記之耶

魏豫州刺史陳伯之叛復歸梁 天監五年

綱目釋地糾謬 卷四

梁城質實云在徐州碭山縣東非是在鳳陽府西南

九十里亦曰南梁城

魏遣中山王英 至等城 同上

梁王茂取河南城質實云河南城註見宋主昱元徽元年檢之乃通引河南全省諸府歷代沿革然則王茂所取者畢竟是何城豈通省之府皆取耶若專指洛陽之河南府則魏都也魏不覆亡耶謬極按河南城乃劉宋僑置于汴北者故城在南陽府新野縣東北五城東陵字石岡城皆見補註

魏徵邢辯還 至鍾離 同上

孤山質實云孤山有二一在廬州府巢湖中一在徐州城西北九里按徐州無孤山而廬州之孤山又特立水中不可以屯兵禦敵此孤山在兗州府滕縣東南

梁將軍曹景宗 至鍾離 天監六年

陰陵大澤陰陵在鳳陽府定遠縣西北大澤即陰陵地之大澤故下文接云行值澗谷輒飛橋以濟質實引徐州豐縣北之大澤相隔數百里敝方急師以救鍾離豈有將達其地而反迂遠其途也滅水梁城並見補註

綱目釋地糾謬 卷四

魏懸瓠叛 至取之 天監七年

司州刺史此司州是劉宋置于義陽郡即今汝寧府信陽州質實以為曹丕于洛陽所置之司州獨不思梁天監初後魏已遷都于洛陽梁亦何能命刺史治之鮑口義陽並見補註

梁以張稷為青冀刺史 天監十年

青冀刺史見補註梁秦刺史梁州秦州在劉宋時已皆治南鄭齊梁因之故刺史兼領二州南鄭縣今屬漢中府附郭質實猶分漢中天水兩郡謬矣

魏恒肆二州地震山鳴 天監十二年

恒州北魏孝武遷都于洛改置恒州于代郡舊都質  
實因常山郡初為恒山郡遂引以註恒州謬矣凡恒  
朔恒肆並言者皆恒州即今山西大同府恒冀恒鎮  
並言者乃恒山郡今直隸真定府

魏立阿那瓌為蠕蠕王 普通元年

洛水橋質實云註見漢高后三年檢之又云註見漢  
光武建武三年再檢之不過泛述洛水之源流於橋  
毫不相涉按洛水橋即天津橋在河南府故洛城西  
南

梁取魏建陵曲木琅邪等城 普通五年

綱目釋地利謬 卷四

三

拔狄城覽城進屯黎漿質實于覽城黎漿註云未詳  
處所而于狄城云註見秦二世元年蓋指春秋長狄  
所居之地今青州府高苑縣之故臨濟城謬極狄城  
在壽州霍邱縣東南與覽城相連皆後魏戍守處  
木檀邱覽城黎漿同吾城秦墟皆見補註

魏營州人就德興反 至不克 同上

營州質實云後魏所置故城在保定府安肅縣非是  
按安肅之營州為後魏孝昌中因營州陷永興二年  
置南營州於此領昌黎遼東建德營邱樂浪五郡皆  
僑郡也此營州正營州也在直隸大寧廢衛

魏行臺蕭寶實都督崔伯 至皆平 普通六年

莫折天生軍黑水蕭寶實軍馬嵬質實于黑水云未  
詳又引漢中府城固縣之黑水此與馬嵬相拒甚遠  
何復引之按黑水出盤屋縣南山黑谷馬嵬在興平  
縣本接壤所以延伯度黑水即直抵天生營也

梁裴邃敗魏師于壽陽 同上

鄭城在潁州潁上縣南集覽質實皆云開封府鄭州  
按開封之鄭州本屬河南郡後魏置滎陽郡至後周  
始改曰鄭州則梁時尚未有鄭州之名況史文明曰  
鄭城何得以鄭州當之

綱目釋地利謬 卷四

四

### 第三十一卷

魏高歡立渤海太守 至廣阿 南北朝梁魏辛亥年

爾朱仲遠軍陽平北軍廣阿歡縱反間仲遠既與兆  
合兵攻歡則陽平去廣阿必不遠歡故間之質實註  
陽平見漢後主建興五年乃漢中府寧羗州之陽平  
關也廣阿故城在今真定府趙州隆平縣與寧羗相  
距數千里絕無交涉歡亦何所忌而用反間也此陽  
平縣名漢所置故城在東昌府莘縣西南七里西北  
距隆平縣約三百里

### 第三十二卷

魏秦州刺史侯莫陳悅至其軍梁魏甲寅年

趙據平原質實云平原郡名註見梁主禎明二年檢之則又云此非郡名是平野何矛盾也此平原實為郡名為後魏所置治陰盤縣唐天寶初改曰潘原故城在平涼府東四十里何可與禎明之平原類觀按通鑑作平涼尤直捷

魏獨孤信克荊州至奔梁同上

信分兵定三荆按後魏置荊州于穰今南陽府鄧州又置南荊州于安昌故城在汝寧府信陽州西北七十里又置東荊州于比陽今南陽府唐縣所謂三荆

綱目釋地糾謬卷四 五

也質實以為三楚謬極

東魏大丞相歡擊稽胡斬劉蠡升梁魏乙卯年

雲陽谷在大同府左衛明置雲陽堡質實云未詳處所又引西安府雲陽縣本文明言魏之邊境何必疑為西安府之屬縣况雲陽縣于時已屬西魏更何容疑

東魏大丞相歡侵魏至泉企梁魏丁巳年

廣陽質實云廣陽註見漢獻帝興平二年則是順天府良鄉縣之故廣陽也謬甚此是後魏所置廣陽縣故城在西安府臨潼縣北不關洛州並見補註

梁修長干塔同上

梁主修長干寺阿育王塔蓋長干寺中有阿育王塔故大書直曰長干塔質實分而為二註云長干寺在應天府阿育王塔在寧波府阿育山中廣利寺內似謬按釋典藏經阿育王一夕造八萬四千塔以藏舍利子命疾疾鬼徧佈于天上人間龍宮海藏中國祇有一塔在寧波府阿育山中然則質實非謬蓋修長干寺修阿育王塔為兩事大書合之耳又按梁武本紀無修阿育王塔事不知分註何據俟再攷

東魏遣兵圍魏金墉至引還梁魏戊午年

綱目釋地糾謬卷四 六

穀城此穀城在河南府北十八里故侯景欲整陳以待其至本文甚明質實以穀城為山東兗州府之穀城山謬矣

魏長安亂至平之同上

分注並無安定二字質實註云安定郡名豈以陸通所言賊逆謀久定安可輕也而誤以定安為安定耶然定屬上句安屬下句萬無可誤質實雖粗諒不至是因文中無安定字不得不疑其誤指此也

梁交州李賁至討之梁魏辛酉年

高州刺史質實云高州注見宋文帝元嘉八年高涼

檢閱乃山西平陽府稷山縣事在交廣而引山西之邊邑又以邑爲州不察甚矣按高州卽今廣東高州府

東魏築長城于肆州梁魏癸亥年

西自馬陵集覽云馬陵注見周顯王二十八年是以大名府元城縣東南之馬陵道也按肆州卽今太原府忻州大名在忻州東不當云西自馬陵此是馬陵戌在太原府靜樂縣北縣在忻州西故云西自馬陵梁遣兵討李賁敗之梁魏乙丑年

蕭勃會于西江質實云西江未詳處所又引廣東

綱目釋地糾謬 卷四

七

南海縣境內之西江是矣而未的也按廣西黔桂鬱三水至廣東肇慶府城南名西江口爲入廣西要路勃驃所會正此地也若南海縣之西江則爲下流將入海矣嘉寧城見補註

魏涼瓜州亂討平之梁魏丙寅年

玉門後魏所置郡名在肅州衛西質實以爲玉門關謬以千里矣

東魏大行臺侯景以河南降魏梁魏丁卯年

侯景執豫襄廣州刺史大書以河南降魏則豫襄廣三州皆爲河南地質實以豫州爲壽春以襄州爲襄

陽以廣州爲廣東之廣州府壽春卽今壽州隸江南襄陽隸湖北若廣州府則遠在嶺南於當日之河南更渺不相涉景安得與豫襄同以之按豫州後魏所置今汝寧府襄州亦後魏所置今南陽府裕州廣州亦爲後魏所置今許州襄城縣三州已入于梁景復以之降魏也

侯景復以河南至援之同上

司州刺史質實註引三川是洛陽也按洛陽之司州屬東魏此是信陽州之司州仁州見補註

第三十三卷

綱目釋地糾謬 卷四

八

東魏求成于梁梁魏戊辰年

閭闔門高歡遷魏主于鄴建南城居之又建宮城于南城內正門曰朱雀其內曰閭闔集覽泛引楚詞及司馬相如賦而于鄴宮毫無涉徒費筆墨以繁卷帙殊無謂

梁臨賀王正德叛至禦之同上

板橋浦在江寧府西南三十里集覽引曾景建詩而不著實地處所無謂

侯景陷梁臺城至司馬梁魏己巳年

景遣柳仲禮歸司州此司州爲梁所置南司州今湖



北安陸府質實云註見成臯維時成臯之司州已沒於東魏非梁所有太陽門太極東堂並見補註

梁岳陽王督至湘州同上

新興太守質實云新興郡名註見晉孝武太元九年是以太原府忻州當之也時忻州屬東魏梁不得命二千石守之此新興郡乃江左僞置於南郡治廣牧縣故城在荊州府西北

梁湘東王繹至救之同上

三荆質實謂卽三楚引輿地志江陵爲南楚彭城爲西楚吳郡爲東楚謬極時江陵彭城爲梁地若吳郡

綱目釋地糾謬 卷四 九

尤屬內地魏亦何能以楊忠都督其軍按三荆皆魏地詳見梁魏甲寅年

侯景陷錢塘至大連同上

三吳質實云註見晉安帝元興元年檢之不得按通典吳郡吳興丹陽爲三吳或云吳郡吳興會稽本一吳而分爲三故曰三吳吳郡今蘇州府吳興今湖州府丹陽今鎮江府會稽今紹興府

侯景陷江州及豫章梁魏齊庚午年

威勸走保建州質實謂是澤州後魏爲建州非是此是梁所置子苞信縣者領高平新蔡新城三郡故城

在今汝寧府光州商城縣南之廢殷城縣若澤州則密邇東魏安能走保之通鑑註云勸保建州者便于入齊也蘇南見補註

梁湘東王繹至梁王同上

綸亡走至汝南魏城主李素綸故吏也開城納之質實云汝南注見漢光武建武十九年乃今之汝寧府也非是按宋書晉汝南郡流民寓居夏口因立汝南縣又荆湘記金一作水北岸有汝南舊城蕭梁時西魏置守於此蓋綸於邵陵戰敗欲西入定州不果行至此適遇西魏所置之城主爲綸故吏遂開城納之

綱目釋地糾謬 卷四 十

細看分注自明何得漫以汝寧當之然質實之誤認汝南猶可說也其於魏城主三字連讀而註云魏城縣名註見漢後主炎興元年是以前以四川成都府綿州之故魏城當之尤爲大謬茲且無論其以魏城主誤讀卽使是縣一在湖北大江上一在四川萬山中下文開城納之句如何接上

魏太師泰伐齊至于齊同上

泰至建州按後魏永安中置建州治高都卽今澤州其後魏分東西澤州爲東魏地而西魏僞置建州于絳縣泰之至建州乃絳縣之建州也質實以爲澤州

非是何以知之因泰自弘農為橋渡河以直指晉陽  
則絳縣為必經之地若澤州則轉而東為迂矣東城  
見補註

梁王僧辨陳霸先至走吳梁魏齊壬申年

築五城以遏大路侯景見僧辨連次八城故亦築五  
城敵之城猶壘也質實引張九韶所云石頭城治城  
臺城苑城新城為五城按此五城皆歷代之宮府何  
可引以證侯景一時應敵之所築

梁秦梁刺史蕭循以州降魏同上

秦梁刺史詳見天監十年

綱目釋地糾謬卷四

土

梁陳霸先侵齊梁魏齊甲戌年

石梁質實云岡名謂卽落星山按落星山在江寧府  
西涇州梁所置卽今泗州天長縣山與縣隔一大江  
何能聲援此石梁是城名江左所置戍守處在天長  
縣北二十五里

魏以李遷哲為信州刺史同上

巴濮質實以濮為濮陽按濮陽在直隸大名府開州  
何得與四川之巴州並言通鑑註春秋百濮之地在  
西城上庸間亦非按西城卽今鄖陽府房縣為春秋  
麇國地上庸卽今鄖陽府竹山縣為春秋庸國地其

間未聞有百濮之名百濮在湖南常德府辰州境蓋  
赤口黑棘等濮也直州見補註

### 第三十四卷

齊遣兵救江陵至郢州梁魏乙亥年

臨江質實以為地名註曰未詳按臨江非地名蓋齊  
兵由義陽而南臨大江以指郢州也義陽卽今信陽  
州郢州卽今武昌府

梁陳霸先殺王僧辨至干齊同上

羅落質實云南方蠻名晉初內附中國不知與本文  
霸先使水軍趨石頭自帥馬步自江乘羅落會之如

綱目釋地糾謬卷四

主

何解按羅落橋名屬江乘縣在今江寧府東北四十  
里

梁陳霸先及齊師戰至嗣徽梁魏丙子年

列艦青墩質實云青墩卽青山在太平府城東南三  
十里非是此本名青堆沙亦名青墩在太平府蕪湖

縣至干臨近質實註臨沂後魏縣名屬琅邪郡今屬

兗州府非是此卽江寧府西北三十八里之故臨沂  
城丹陽城隋書曰城在武湖臺中皆見補註

梁丞相霸先使周文育至所殺陳周齊丁丑年

瑯口城在南昌府西南七里集覽云在南康按史歐

陽頴傳泰出南康趨豫章分據苦竹塢口梁時南康郡即今贛州府至豫章千二百里若塢口在贛州與豫章相去太遠奚能呼應一云蹠口城在吉安府北七十里紀要已辨其誤不贅苦竹灘言頭驛高州皆見補註

齊取梁北江州刺史魯悉達奔陳陳月齊已卯年

北江州治繁昌縣本陳所置大書係之梁者因王琳伐陳以魯悉達為將軍也永定三年為齊所取乃寄治于南陵則茲之北江州猶是繁昌集覽以為南陵非是繁昌縣今屬太平府南陵縣今屬寧國府

綱目釋地糾謬 卷四

圭

第三十五卷

周使杜杲如陳陳周齊壬辰年

宜以樊鄧見與質實謂鄧是穰蓋以南陽府之鄧州當之按南郡之鄧州隋始名之南北朝尚未有鄧州此是襄陽府北二百里鄧城與樊城接壤故樊鄧並言

陳將軍吳明徹至數郡 陳周齊癸巳年

明徹出秦郡齊救秦州質實于秦郡已註明而于秦州云未詳沿革又云或疑即秦郡按史文明云齊人於秦郡置秦州前江浦通涂水一證即明無庸疑

也蓋即今之江寧府六合縣瓦梁見補註

陳敗齊師至等城同上

高粱橋質實既云未詳處所又云平陽府絳州城西五十里有高粱縣疑即此處非是此是橋名在平陽府城東北三十里高粱城下馬頭見補註

周主伐齊取平陽至執之陳周齊丙申年

天池在太原府靜樂縣管涔山北原上質實既云未詳而復引之由不細考故孤疑不能決

周取陳江北地陳周已亥年

南梁質實云註見漢景帝三年梁國是以梁孝王所

綱目釋地糾謬 卷四

古

封之國今河南歸德府當之也謬極此為南梁郡晉太元中僑立於淮南者故城在江南鳳陽府西南九十里

周青州總管至相州陳周庚子年

梁申楚瀆楚按史為東楚州考後周無之質實以山陽郡之楚州當之按山陽郡梁為北兗州東魏仍為山陽郡隋改曰楚州即今淮安府山陽縣似未可據以注前代之地名通鑑註引五代志琅邪郡東魏為東楚州陳改安州後周改泗州既經屢改而猶云楚州蓋仍舊名也

第三十六卷

陳馮以嶺南降陳地悉平隋文帝開皇九年

高涼郡質實云高涼註見宋文帝元嘉八年乃山西絳州稷山縣之故高涼縣也大書明曰嶺南而以山西之故縣名當之謬矣此是廣州之高涼郡今廣東高州府

以馮盎為漢陽太守仁壽元年

高州質實於開皇九年高涼郡為絳州稷山縣蓋因後魏置有高涼郡之名而混之猶可說也此則明曰高州而仍引之不可解矣按高州今高州府後高涼

綱目釋地糾謬 卷四

五

倣此漢陽太守質實謂鞏昌府之漢陽按馮盎為高州酋長乃廣東人則漢陽決非鞏昌再按唐高祖武德五年隋漢陽太守馮盎降唐條下分注引所部之地皆今兩廣郡縣益信非鞏昌矣通鑑註引隋志漢陽郡後魏曰南秦州西魏曰成州亦主鞏昌也余終未敢謂是及徧考兩廣並無漢陽郡惟廣東肇慶府有漢陽江經陽春陽江兩縣或當時於此置郡至唐而廢故志失載未可知也錄此以俟博雅

受業襄城劉伯梁校字 男 時敏覆校

通鑑綱目釋地糾謬卷之四終

通鑑綱目釋地糾謬卷之五

秀水張 庚浦山著

嘉興錢學淹景范 學洙魯淵 叅訂

第三十七卷

吳郡朱燮晉陵管崇兵起煬帝大業九年

屯楊子以備南賊集覽以楊子為縣名質實駁之是矣而以為江名非也蓋江水由六合至瓜州歷通州入海其中數百里皆為楊子江畢竟屯兵于何處此是楊子橋在揚州府南二十里自古為濱江津要處亦名楊子津煬帝置臨江宮亦曰楊子宮由此渡江

綱目釋地糾謬 卷五

四十里抵京口

杜伏威起兵掠江淮同上

臨濟質實云註見秦二世二年彼以臨淄誤為臨濟此非臨淄實臨濟也後魏所置縣故城在濟南府陵縣北

以張須陁為河南討捕大使大業十年

祝阿質實以為兗州府東阿縣非是此祝阿為漢縣屬平原郡故城在濟南府禹城縣西十七里躡狗山

見補註

增祕書省官百二十員大業十一年

自爲揚州總管質實云揚州註見漢武帝元朔五年淮南猶以鳳陽府壽州爲揚州也按淮南之揚州隋開皇九年已改置壽州煬帝改爲淮南郡非復爲揚州矣此卽今之揚州府隋初所改并置總管府

太僕楊義臣至臣兵大業十二年

長河質實以長河爲長河在河北而漫引湖南地相距數千里矣按長河漢廣川縣隋以太子諱廣改曰長河縣故城在河間府景州西南永濟渠見補註翟讓李密至諸郡大業十三年

河南郡縣多陷于密此河南通言大河以南之郡縣

綱目釋地糾謬卷五

二

非專指河南郡也蓋河南郡卽洛陽爲隋東都若亦陷于密則越王侗安能猶守東都質實註謬甚洛口倉石子河嶺皆見補註

王世充及李密戰于洛北敗績同上

密帥精騎度洛南蓋戰于洛河北敗而度于洛河南也質實云洛南縣名屬華州大謬下文餘衆走月城世克追圍之月城密所築密策馬直趨黑石黑石爲世克之營營中懼連舉六烽蓋見密帥精騎來突營故懼由是世克釋月城之圍而自救密還戰大敗之此正密轉敗爲勝之妙策若趨華州則入關矣烏能

還戰黑石月城並見補註

屈突通降唐至不下同上

稠桑質實引一統志稠桑地名在河南府靈寶縣西按閩鄉縣東二十里有稠桑驛閩鄉靈寶雖接壤然稠桑實屬閩鄉明一統志不足據也

唐王淵自加殊禮恭帝佑義寧二年

東自商洛質實云商洛山名在西安府商縣卽四皓隱處非是此指商州及上洛郡也商州後周改置今屬西安府上洛郡名後魏皇興四年置故城在今商州東九十里通鑑註謂商洛縣亦是然以下文南盡

綱目釋地糾謬卷五

丰

巴蜀例看當從州郡言

魏公密敗于文化及于黎陽奉表降隋同上

清淇質實以爲水名又云未詳處所按隋開皇十六年分衛縣置清淇縣在黎陽縣東兩縣故城皆在今衛輝府濬縣西如以爲水名則淇水卽在黎陽西南何難一考而又云未詳也北魏縣質實云魏縣註見漢成帝綏和二年檢之乃槩述魏郡沿革並無魏縣按漢置魏郡以洹水地置魏縣屬焉今屬大名府西四十里

唐秦王世民與秦主舉戰于高墪敗績同上

高塢集覽云今霸州保定縣是正悞云高塢在隴西與保定相去甚遠正之極是但云隴西非也高塢卽後魏之淺水縣屬新平郡西魏改郡爲豳州隋煬帝廢州仍屬北地郡在今西安府邠州長武縣北五里若隴西是鞏昌府矣又按塢當作蹠此則因下卷薛舉子仁果居折塢之謾

### 第三十八卷

秦主舉卒子仁果

秦帝制皇泰元年

居折塢城質實云折塢在西安府宜祿縣北五里此又以高蹠誤認爲折塢也按折塢城在平涼府涇州

綱目釋地利卷五

四

東北十四里通典作析塢析思歷反塢章怒反高蹠折塢二城相距不百里若不加細考不混爲一耶

隋王世克侵唐穀州

皇泰二年

戰于九曲集覽云九曲地名屬鄯州在隴右按鄯州今西寧府唐玄宗天寶十三載隴右節度使哥舒翰奏于所開九曲地置澆河洮陽二郡此事在百餘年後又在千餘里外於此日所侵之穀州何涉按此穀州隋開皇十六年置卽今河南府西七十里新安縣也九曲城在河南府西南七十里宜陽縣之東水經注洛水自宜陽而東逕九曲南蓋穀州距九曲約四

五十里集覽拋開穀州而尋九曲自然謬以千里梁王師都以突厥寇至破之

同上

逐北三百餘里破其魏州質實云魏州註見漢成帝綏和二年檢之乃大名府後周曾爲魏州卽以此當之殊不知去延州三千餘里矣何云逐北三百里此魏州爲梁師都所置卽後魏之魏平縣故城在陝西延安府綏德州西南州東至府三百五十里故云逐北三百餘里也延州卽今延安府

夏人克鄭新鄉虜其將劉黑闥

同上

漳南集覽質實皆云漳水在順德府平鄉縣南而漳

綱目釋地利卷五

五

南之地終無下落謬甚按志漳南隋開皇六年分棗強清平兩縣地置東陽縣十八年改曰漳南縣故城在東昌府高唐州恩縣西北六十里

唐以蘇世長爲諫議大夫

唐高祖武德四年

武宮史作武功按唐高祖舊第在武功縣名武功宮亦名慶善宮爲太宗誕降之所在西安府乾州武功縣南十八里質實泛云縣名殊不明白披香殿見補

註

唐秦王世民破劉黑闥至突厥

武德五年

登城西南高冢高冢高阜也明云城西南質實云未



詳處所是欲別尋一地名而不得也陋甚

隋漢陽太守馮盎降唐同上

漢陽見隋仁壽元年林州質實云故址在梧州府陸

川縣按林州本晉鬱林縣地唐武德四年置常林縣

兼置林州治焉今常林廢縣在潯州府桂平縣西南

百五十里

### 第三十九卷

苑君璋降太宗貞觀元年

退保恒安恒安鎮名高齊所置今大同縣屬大同府

附郭質實云恒安二州名恒註引真定府因後周會

綱目釋地糾謬卷五

六

名恒州也安註引保定府之安州事在山西邊境而

實之以直隸之地又離之爲二謬甚

行軍副總管張至以獻貞觀四年

順州都督質實云唐初置治龍化縣按唐志龍化縣

爲武德五年置屬羅州至大曆八年始置順州未可

混入貞觀初又况羅州爲今廣東高州府化州於西

陘渺不相屬按唐分突利故地爲四州順州其一也

故城在榆林衛西北二百里廢夏州南夏州地南

夏州武德六年置通鑑註順州僞治營州南之五柳

戍混入直隸開平矣亦謬定襄雲中並見補註

安州都督吳王恪免貞觀十一年

安州質實云註見貞觀元年仍是保定府之安州也

不知保定之安州乃金所置在六七百年後唐初何

得有此按湖北安陸府春秋鄭子國西魏置安州後

周末改曰鄖州唐武德四年復曰安州即今德安府

吐蕃寇松州貞觀十二年

松州質實云註見漢後主炎興元年甘松按甘松城

在陝西臨洮府洮州衛西本生羌地張駿置甘松軍

於此地雖不達實非松州此爲晉汶山縣地唐初置

松州今四川龍安府松潘廳

綱目釋地糾謬卷五

七

### 第四十卷

諸軍至京苑新城貞觀十九年

進渡遼水趣建安城質實云唐置蓋州遼以路通辰

韓改爲辰州陞奉國軍附郭置建安縣金爲蓋州既

知建安爲遼時所置何又引以註唐初之蓋州不知

高麗本有建安城置於漢平郭縣地在今蓋州衛東

南遼所置者蓋循故名非故址也蓋州康熙三年改

爲蓋平縣屬奉天府

帝渡遼拔遼東城同上

遼東城即今襄平城故址在遼東都司北七十里質

實謂在瀋陽衛西北百八十里非是

牛進達拔石城貞觀二十一年

石城在遼東都司定遼衛東南高麗故城也質實謂在遼東蓋州衛非是

### 第四十一卷

鄭仁泰等敗鐵勒于天山高宗龍朔二年

天山質實以爲卽祁連山非是按天山有二一在西域哈密衛北百二十里謂之伊吾北山番名折羅曼山又土魯番西北三百餘里之天山名祁連山漢李廣擊匈奴右賢王於天山卽此與哈密衛相接蓋西

綱目釋地糾謬卷五

八

域之大山也一在大同府漠北通鑑註此天山卽唐鐵勒思結多濫葛所保之地非伊吾之北山也辨甚明白備僊夢河並見補註

熊津都督劉至熊津同上

詔發淄青萊海之兵質實以海爲臨海郡非是此是淮安府之海州與山東之淄青萊三州相接故並發之若臨海卽今浙江台州府不相屬矣周留城見補

註

郇公孝協坐賊賜死麟德元年

魏州質實云註見漢成帝綏和二年乃魏郡非魏州

魏郡爲曹魏鄴郡今之彰德府臨漳縣此魏州後周末所置治貴鄉縣故城在大名府大名縣北

以楊弘武至三品乾封二年

上陽宮在河南府故洛陽宮城西南隅南臨洛水西距穀水東接宮城北達禁苑門殿皆東向質實云在閿鄉縣舊湖城西北非是合璧宮見補註

李勣拔平城至悉平總章元年

破高麗於金山質實云金山註見隋恭帝皇泰二年乃西域火州之金山去遼東遠矣此在遼東三萬衛開元城西北三百五十里遼河北岸接元良哈境平

綱目釋地糾謬卷五

九

城大行城並見補註

裴行儉討突厥阿史那伏念降之開耀元年

代州之陁口質實云陁山之口註見晉安帝義熙二年乃真定府之陁山也去山西代州遠矣此陁口爲陁關之口卽雁門關亦曰西陁關在代州北十五里又有東陁關在代州南三十里所謂雁門有東陁西陁之險也橫水金牙山並見補註

關中饑上幸東都永淳元年

赤縣集覽云中國名赤縣神州復引張衡靈憲曰崑崙東有南赤縣之州謬甚按元和郡國志及通典京

師所理曰赤縣所統曰畿縣其餘曰望曰緊及上中下之目凡七等通鑑註專指長安萬年縣亦非

安西都護王方翼破西突厥平之同上

三姓咽麴正悞云集覽無註遂據通鑑前有九姓鐵勒而以三姓爲最小者蓋臆度也按隋書三姓當作三索鐵勒種類最多得疑海東有藉路羯三索咽蔑促降忽等姓咽蔑即咽麴矣伊麗水見補註

契丹陷薊州至刺史中宗嗣聖十三年

魏州見高宗麟德元年

#### 第四十二卷

綱目釋地糾謬卷五

十

敬暉桓彥範至所殺神龍二年

環州質實謂鳴沙縣隋置環州按鳴沙城在寧夏中衛東南今恕已所流之環州本南蠻夷地唐貞觀十二年所置故城在廣西慶遠府河池州思恩縣西北爲嶺南地故三思使周利用攝侍御史奉使嶺南殺之若寧夏之環州爲西陲地相去遠矣通鑑註李弘節開拓生蠻夷置環州取環王國爲名

朔方總管張仁愿築三受降城景龍二年

牛頭朝那山集覽云牛頭山在白登北天山東朝那則云註見漢文帝十四年乃平涼府故朝那縣也一

山而析之於兩地又一爲山一爲縣謬極按牛頭朝那山在榆林衛中受降城西本名牛頭牟那山或譌爲牛頭朝那山也朝一音邾

#### 第四十三卷

薛訥與吐蕃戰于武街大破之京宗開元二年

武街質實云註見漢後主炎興元年按炎興之武街武威也此武街是晉惠帝所置縣故城在臨洮府渭源縣西大來谷豐安軍並見補註

突厥降戶至討之開元四年

河曲集覽云註見漢光武建武二十二年檢之則泛

綱目釋地糾謬卷五

土

引黃河千里一曲云而不著其地按黃河經寧夏府靈州爲河曲又水經註所云河水曲而東北流經析支之地是爲河曲乃西寧府之河曲非此河曲也造新曆及黃道游儀開元九年

河南北平地測日晷集覽謂河南府謂北平縣正誤云當謂河南河北之地二說皆非按新舊唐書皆云河南平地無北字今據下文陽城浚儀皆在大河之南誠不應有北字通鑑以蔚州在北朔州在南遂添北字以成文耳不知此河南是指河南道非專指黃河以論南北也陽城有二其一故址在今河南府登

封縣東南四十里志云城中有測景臺周公定此地  
爲土中立土圭測景其一故址在今汝寧府城北三  
里有天中山以在天地之中故名自古考日景測分  
數以此爲正云按開元十一年詔刻陽城石表如  
以地之遠近與浚儀校景之長短則汝寧之陽城爲  
非以登封之陽城校則近似然在唐時不名陽城乃  
告成縣也汝寧之陽城唐實爲陽城縣屬潁川郡後  
改屬汝南郡二者未知孰是再按當時測景始於滑  
州之白馬縣卽今滑縣又南爲浚儀縣卽今開封府  
祥符縣又南爲扶溝縣又南爲蔡州之武津縣蔡州

綱目釋地糾謬卷五

主

卽今汝寧府武津卽汝寧府之上蔡縣是年同時並  
測者則爲朗州之武清縣蔚州之橫野軍林邑之安  
南都護府以此七郡邑之地觀之恰一線直南則所  
刻之石表又似汝寧之陽城矣抑又有疑者蔚州距  
登封之陽城約千五百餘里據大通曆日景于地鳥  
道二百五十里而差一寸之說則蔚州不當長八寸  
一分其距汝寧之陽城約千八九百里亦不合卽以  
時憲曆考之總不合將以俟明于天文精于地理者  
核定之朗州集覽以爲閬中乃今四川保寧府也謬  
甚按朗州今湖南常德府

冊壽王妃韋氏至貴妃天寶四載

新政富民集覽云閬州新政縣在利州東路質實云  
屬閬州按新政縣爲唐武德四年分南部相如二縣  
置新城縣尋改曰新政屬隆州至宋始屬閬州故城  
在今保寧府東南百三十里

第四十四卷

以安祿山兼河東節度使天寶十載

河朔朔北也書朔南暨槩指大河以北之魏博盧龍  
恒冀諸鎮也質實以爲河州朔州大謬後凡言河朔  
仿此

綱目釋地糾謬卷五

主

安祿山反至禦之天寶十四載

河陽橋質實云註見漢和帝永元五年檢之乃西寧  
府遙留大河之河橋與范陽何涉此河陽橋在懷慶  
府孟縣西南二十里故河陽縣劉昫云城臨大河長  
橋架空古稱設險

祿山取長安樂工犀象詣洛陽天寶十五載

凝碧池質實云在西安府城東南四十里唐禁苑中  
據大書取樂工詣洛陽分注亦云捕送洛陽宴其羣  
臣則池當在東都禁苑通鑑註引唐六典洛陽禁苑  
有凝碧之池

第四十五卷

以王思禮為河東節度使肅宗乾元二年

河東節度質實云註見漢獻帝建安七年乃平陽府

也非是唐河東節度治太原府

李光弼與史思明皆陷上元年

平原觀本文則知平原為平曠之地非郡名也質實

以為濟南府之德州甚謬

復以來瑱至度使寶應元年

穀城質實云註見漢高五年乃兗州之穀城也非是

此穀城縣名屬襄陽府西百八十里唐分十五道襄

綱目釋地糾謬 卷五

古

陽屬山南東道兗州屬河南道

吐蕃入寇至遁去代宗廣德元年

寶應質實云註見陽平按陽平郡治安宜縣唐上元

三年改為寶應縣然未嘗置軍通鑑註上以射生軍

入禁中清難賜名寶應功臣故射生軍亦號寶應軍

質實甚謬韓公堆見補註

第四十六卷

馬燧等大破至州降德宗建中三年

滄口滄當作倉質實云即黎陽倉之口非是黎陽倉

在大名府濬縣西二里廢黎陽縣隋開皇中置倉處

並無倉口之名此倉口在廣平府成安縣西南五十里與彰德府臨漳縣接界蓋在洹水之上

神策宣武至滄澗建中四年

滄澗集覽不明其處但云靈龜負書出玄滄云質

實分滄澗為二以滄水出河南府永寧縣陽虛山流

入洛水澗水出澠池縣白石山地既非一處則是一

敗于滄再敗于澗矣謬甚此滄澗在汝州郟縣西十

里源出縣北滄陽山故名

受業睢洲陽然校字

男

綱目釋地糾謬 卷五

主

通鑑綱目釋地糾謬卷之六

秀水張 庚浦山著

平湖何廷鏞牛村叅訂

第四十七卷

李抱真王武俊至貝州興元元年

高邱高阜之可觀望處也質實云疑是地名未詳處

所謬矣桑林見補註

淮西將陳僊奇至度使貞元二年

襄鄭州質實以鄭為鄭城按鄭城故址在鳳陽府潁州潁上縣南為南北朝戍守之城非州也此鄭州治

綱目釋地糾謬 卷六 一

柴陽郡今屬開封府按興元元年希烈鄭州守將孫

液降于李澄澄引兵屯鄭州故希烈寇之也

淮西戍兵自鄭州至斬之貞元三年

田陳澗北質實云澗北註見建中四年乃澗之澗

非是此是陝州西南之七里澗今名石橋溝若澗水

在河南府距陝州三百里一相混即不見必用兵方

畧之善長亦見補註

鎮海節度使同平章事韓滉卒同上

鎮海節度質實云註見憲宗元和二年杭州按唐肅

宗至德中置江南節度使治昇州大曆十四年改置

浙東西觀察使治潤州建中二年復為節度使賜號

鎮海貞元三年始分浙江東西二道浙西治潤州今

鎮江府浙東治越州今紹興府仍各置觀察使浙西

曰鎮海觀察使貞元二十一年復曰鎮海節度使統

潤常湖杭睦六州仍治潤州至光化間始移治于

杭州

以白志貞為浙西觀察使同上

浙西觀察治潤州今鎮江府詳前

徵陽城為諫議大夫貞元四年

柳谷集覽云即柳谷口在張掖郡張掖今甘州府城

綱目釋地糾謬 卷六 二

本隱居中條山與甘州何涉按柳谷即在中條山中

在平陽府夏縣北五里通鑑註在安邑蓋與夏縣接

壤也

減江淮運米至和羅貞元八年

太原質實云註見齊明帝建武三年并州是以山西

太原府當之也不知陸贄所言者乃運米至太原東

渭橋二倉下文明言二倉見米三百二千餘萬斛有

何難解而混為太原府按太原倉在河南府陝州西

詔削奪吳少誠至討之貞元十五年

自潰於小潑水集覽云潑通作潑源出潁川陽城少

室山非是按水經注汝水東南逕奇額城西北瀆水出焉世謂之大瀝水考志又名大淑水在許州鄆城縣南至臨潁縣爲小淑水東流至商水縣北合潁水上有瀝橋按小淑水卽小淑水激瀝通諸軍自潰蓋在臨潁縣也

第四十八卷

吐蕃作烏蘭橋憲宗元和八年

烏蘭橋在陝西靖邊西南百里烏蘭關外黃河上

亦名烏蘭津質實引烏蘭山而又疑之考核太踈

唐鄧節度鐵城元和十一年

綱目釋地糾謬 卷六

三

鐵城卽文成柵因堅固而名在汝寧府遂平縣西三十里質實既云未詳處所又引德安府鐵城山與汝

寧河涉

淮西文成柵降元和十二年

文成柵卽鐵城見上質實云文成郡名註見漢獻帝建安十三年西平復作疑似語蓋不知卽前鐵城也考核之無據如此宜其謬之多矣

第四十九卷

詔免江州逃戶欠錢穆宗長慶二年

當州猶言本州通鑑註刺史自以所守州爲當州觀

大書及分誌非難解也又柳宗元詩題有得韶州書并附當州生黃茶質實以爲州名而云未詳沿革又疑爲南昌府之富州謬甚

第五十卷

盧龍軍亂至留後武宗會昌元年

雄武軍質實于天寶六載安祿山於漁陽築雄武城不註而於此乃云註見漢後主建興八年檢閱並無其事按雄武城祿山築以貯兵器其後置軍使于此爲重鎮故址在順天府薊州東北

劉沔大破至以歸會昌三年

綱目釋地糾謬 卷六

四

殺胡山質實云註見漢高祖天福二年檢之乃殺胡林在真定府灤城縣北與振武城相去甚遠況山與林本不同奚可混通鑑註殺胡山卽黑山亦謂之呼延谷在榆林衛中受降城正北稍東八十里黑車子

族見補註

王元逵破昭義兵拔宣務柵同上

宣務柵在順德府唐山縣堯山東麓唐昭義鎮戍守處質實云未詳復引順德府唐山縣之宣務山而疑之不知其所檢爲何書

以白敏中充至置使宣宗大中五年



南山党項質實不知党項有南山一種遂拋開党項  
專註南山云有二處一引慶陽府合水縣一引文縣  
謬甚按党項別部移于銀夏以北居川澤者謂之平  
夏党項在安監以西居山谷者謂之南山党項  
高駢大破南詔蠻復取交趾懿宗咸通七年

駢至南定峯州蠻近五萬獲田質實不知南定爲縣  
屬上句峯州爲州屬下句乃合而爲一註云南定峯  
州未詳沿革謬極按南定縣唐武德四年析宋平縣  
地置屬宋州明年改屬交州在今安南交州府東北  
峯州漢交趾郡加寧縣梁兼置梁州隋改曰峯州治  
綱目釋地糾謬卷六 五

加寧縣天寶初曰乾化郡乾元初曰峯州蠻在今安  
南八原府之西北

第五十一卷

康承訓大敗至鹿塘咸通十年

自鹿塘至襄城伏屍五十里質實云襄城註見周赧  
王十五年則是開封府許州之襄城縣矣謬甚按鹿  
塘在歸德府永城縣之東南襄城在許州西南九十  
里自永城至襄城計驛路七百五十里何云伏屍五  
十里也此襄城乃相城之譌故址在鳳陽府宿州距  
鹿塘五十里通鑑註謂非汝水之襄城是矣而謂徐

宿間別有襄城亦欠考核  
黃巢入潼關僖宗廣明元年

呼聲振河華河黃河在潼關下華華山在潼關西南  
振河華極言巢軍之盛也集覽質實皆以河爲臨洮  
府之河州按河州去潼關一千六百五十里巢軍雖  
盛其呼聲豈能振於千六百餘里之外

第五十二卷

車駕至京師光啟元年

山南質實云註見襄陽按唐山南道分東西山南東  
道治襄陽今襄陽府山南西道治梁州今漢中府僖

綱目釋地糾謬卷六 六

宗中和四年襄陽已爲秦宗權將趙德諱所據至文  
德初始來歸則茲光啟初所云山南蓋指山南西道  
漢中非襄陽也

李克用舉兵至門鎮昭宗乾寧二年

石門鎮質實引淳化縣之石門山又引靜寧州之石  
門峽按二處皆山也車駕何能駐蹕此爲石門鎮在  
漢中府畧陽縣西九十里承天樓見補註

第五十三卷

馬殷取桂州光化三年

全軍頓集覽質實皆不註按軍通鑑作義全義續卽

飛越嶺一名臨源嶺在桂林府興安縣北三里其名全義嶺者以興安縣本名全義縣也故城在縣西五十里志云今名全義坊此分注傳刻之譌當考正者也

楊行密遣兵至全武天復元年

伏兵青山質實云青山在湖州府長興縣非是此為青山鎮在杭州府臨安縣東十五里元置桃源務明初為青山稅課局正德中廢

第五十四卷

岐遣劉知俊至而還梁太祖開平三年

綱目釋地糾謬 卷六 七

以知俊為彰義節度使鎮涇州質實云彰義節度註見唐憲宗元和四年乃淮西軍也本文明云鎮涇州何可仍引蔡州按乾元三年分邠寧節度治涇州大順二年賜號彰義軍涇州今屬平涼府衍州彰義節度並見補註

岐晉合兵至郤之開平四年

梁恐晉襲西京質實云西京註見唐玄宗開元十一年京兆是以西安府當之也按梁開平元年已改洛陽為西都長安為大安府佑國軍即在本卷之首非隔遠易忘也惟其西京為洛陽所以分兵屯河陽備

晉若京兆則當屯大陽矣再按通鑑下文即接帝發洛陽尤明白靖難節度見補註

晉王推劉守光至訪使乾化元年

振武軍質實云註見秦王政三年雁門按雁門之為震武軍始於金烏可混入五代之初且振與震亦不同此振武軍治單于都護府初屬朔方節度乾元初分置振武節度中和以後屬于河東

晉王勞軍魏縣梁主瑱貞明元年

河曲質實云註見隋煬帝大業七年乃太原府河曲縣也按晉王勞軍魏縣魏縣今屬大名府在漳河旁

綱目釋地糾謬 卷六 八

時劉劼屯洹水即安陽河在彰德府北四里晉王蓋循漳河南上以覘劼于彰德劼因設伏于漳河之曲也考漳水至彰德東北九十里之臨漳縣西清漳與濁漳合流謂之交漳口由是並流東至縣南又折而東北入魏縣境則河曲在臨漳北魏縣西南按圖以考確乎可據若河曲縣在太原西北四百五十里與陝西榆林衛邊境隔河相望距魏縣約千餘里又河曲縣之河為黃河魏縣至彰德並無黃河只有漳河尤易明也

岐耀開二州降梁同上

開州質實云註見漢武帝征和二年湖檢閱乃陝州  
閔鄉縣貞觀初置開州尋廢既廢矣何仍引之且湖  
與耀地隔潼關又湖本梁地岐亦何為與耀並降于  
梁也此開州為李茂貞僭置于美原故城在西安府  
富平縣東北六十三里與耀州接壤耀州亦李茂貞  
僭置今屬西安府雍正三年改直隸州

吳副都統朱瑾至自殺貞明四年

出瑾為靜淮節度使分注分明靜淮質實註為靜海  
妄引梁世以後之沿革明之謬極按史及通鑑皆云  
知訓置靜淮軍于泗州出瑾為靜淮節度使再按泗

綱目釋地利謬卷六 九

州志亦云五代吳置靜淮節度于此

梁以王瓚為招討使拒晉兵貞明五年

據晉人上遊楊村按史楊村上有十八里三字分註  
節去之質實云遊楊村未詳處所不知遊乃游之譌  
上游卽上流也時晉人軍德勝城城在大名府開州  
東南五里楊村在開州西南十五里故云上游質實  
以遊字屬楊村不知其將上字放于何處

### 第五十五卷

吳宣王隆演卒弟溥立貞明六年

丹陽質實云註見金陵按丹陽郡始置于漢武帝元

封二年治宛陵今寧國府附郭縣也晉平吳分置宣  
城郡移丹陽于建康自是丹陽在金陵矣至唐武德  
三年置揚州于金陵七年改蔣州移揚州于江都至  
德二載置江寧郡乾元元年改為昇州梁貞明六年  
改為金陵蓋自至德以後金陵無復為丹陽矣唐天  
寶初於潤州置丹陽郡改曲阿縣為丹陽縣以迄於  
今此丹陽之始末也質實不細考而妄注宜其多謬  
矣

蜀主北巡至而還同上

箭箐嶺質實云在鳳翔府岐山縣東北六十里按岐

綱目釋地利謬卷六 十

山縣有箭箐山最高處為箭箐嶺然非蜀將敗岐兵  
處此箭箐嶺在汧陽縣南十里舊置關於此地有同  
名者須按圖按事勢考之方得其實

蜀以王承休為天雄節度使唐莊宗同光二年

天雄節度質實以為魏博按魏博節度代宗賜號天  
雄軍以龍田承嗣其後田悅叛削之懿宗咸通四年  
因置天雄節度於秦州兼領成渭河三州昭宗景福  
二年屬於李茂貞梁貞明初蜀取岐之秦成二州仍  
置天雄節度治焉質實猶以為魏博不獨踈于考核  
并不察蜀與唐之疆域攸分矣

第五十六卷

唐削孟知祥至不克 明宗長興元年

馬頭山通鑑作人頭山此分注傳刻之譌當考正以實其處方見行軍之謀畧按人頭山在保寧府昭化縣西四十里來蘇村北山並見補註

董璋襲西川至東川 長興三年

武侯廟質實云在成都府西南八里按廟在成都西南者乃昭烈帝惠陵旁之武侯祠即少陵所賦丞相祠堂也此武侯廟在成都北六十五里新都縣北三十里彌牟鎮鎮有八陣圖廟在圖旁其地與漢州接

綱目釋地糾謬 卷六

土

境董璋因知祥自將趣漢州故退陳於廟下也若成都西南之祠與漢州南北相違矣白楊林鎮雞蹤橋並見補註

唐以李彝超至拒命 長興四年

夏州質實以為寧夏衛非是按夏州故城在榆林衛西北二百里即周之朔方也彰武驛軍並見補註

契丹德光至懷州 遼王清泰三年

虎北口質實云在順天府密雲縣東北百二十里即古北口按古北口一名虎北口然非此虎北口也按史自揚武谷而南至晉陽陳于汾北之虎北口其云

汾北明別于密雲矣且晉陽為石敬瑭治所即今大原府何得以順天府混之此虎北口在古北口西北通鑑註云太原城側別有虎北口蓋亦疑之而未能校實也至石晉開運二年契丹主入寇還至虎北口方是密雲

第五十七卷

唐主如江都 晉高祖天福五年

東都五代楊行密建軍府于揚州後為徐知誥所篡改曰東都質實云註見秦莊襄王元年三川猶以河南府當之亦思唐主何由以巡石晉之東都秦州見

綱目釋地糾謬 卷六

土

補註

閩富沙王延政至尤口 天福七年

尤口尤溪口在延平府尤溪縣東質實疑之殊屬不必

契丹復入寇 重寶開運元年

鄴都後唐同光三年已改東京為鄴都即今大名府質實仍云註見漢成帝綏和二年魏郡乃曹魏之鄴都今之彰德府臨漳縣也絕不思歷朝輿地各有沿革殊謬

契丹還軍至大梁 開運二年

遷至虎北口此虎北口乃順天府密雲縣之虎北口  
非太原汾北之虎北口也蓋契丹既北還聞晉取泰  
州復南向計來夕當至杜威懼退至陽城按泰州今  
保定府在密雲南陽城在保定府完縣按輿圖計遠  
近期時日故知爲密雲之虎北口質實是也恐讀者  
因前清泰二年汾北而疑故詳註之蓋密雲之虎北  
口爲契丹入中國之口汾北之虎北口乃小地名偶  
爾同也

晉加馮玉同平章事同上

陽城之捷爲本年事實實謂在元年亦疎

綱目釋地糾謬卷六 主

晉遣杜威將兵伐契丹開運三年

先收瀛莫安定關南次復幽燕蕩平塞北安定對下  
盪平關南三關以南蓋言用兵之次第也質實見安  
定二字與上瀛莫相連遂認爲州郡註云安州定州  
大謬三關見補註

### 第五十八卷

晉以劉崇爲北都留守漢高祖天福十二年

石會關名在山西遼州榆社縣西南卽武鄉縣之昂  
車關爲扼要之處集覽云在潞州按潞州卽今潞安  
府更在武鄉之南遠矣

河決魚池隱帝乾祐元年

魚池質實云有二一引在西安府臨潼縣者一引在  
重慶府者大書所重在河決今所引兩處皆無黃河  
若重慶府在四川與黃河更渺不相涉何竟不一計  
之而妄引也按魚池店地名在今大名府滑縣西南  
一名魚池口後漢乾祐初河決於此至周顯德初修  
塞宋天聖五年設魚池減水河志云今有魚池舖  
馬希萼陷潭州自立乾祐三年

瀏陽門潭州城門也潭州卽今長沙府分注甚明質  
實以瀏陽縣當之瀏陽縣在長沙府東北百五十里

綱目釋地糾謬卷六 四

於府城門何涉

契丹北漢會兵伐周攻晉州周太祖威廣順元年

奚契丹奚本東胡種與契丹同類而異種後分爲東  
西奚石晉時屬於契丹故名奚契丹質實仍分爲二  
則奚契丹贅矣

受業同里周光魯校字  
時敏覆校

通鑑綱目釋地糾謬卷之六終

通鑑綱目釋地補註卷之一

秀水張 庚浦山著

德清徐以坤穀函參訂

第一卷

魏敗趙師于北蘭 周烈王四年

北蘭卽蘭邑故城在山西汾州府永寧州西

秦敗魏師于元里 顯王十五年

元里魏邑故城在陝西西安府同州東北

秦攻魏拔新垣曲陽 赧王二十八年

新垣卽魏垣邑一名王垣亦曰武垣漢置垣縣宋改

綱目釋地補註卷一

曰垣曲縣今屬山西平陽府絳州曲陽故城在河南

懷慶府濟源縣西南十五里垣曲與濟源接壤故一

時並取

楚太子完質于秦 四十二年

磨當作歷或譌爲磨漢置歷縣故城在直隸河間府

景州廢蒺藺縣之西南四十里

秦伐趙圍關與 至服君 四十五年

北山按北山關與山之北也山在河南彰德府武安

縣西南五十里

秦君廢其母 至應侯 四十八年

華陽華城在河南開封府新鄭縣東亦曰華陽亭

第二卷

楚遷于鉅陽 秦昭襄王五十四年

鉅陽戰國楚考烈王遷鉅陽故城在江南鳳陽府潁

州西北四十里後譌爲細陽

秦王翦大敗楚軍殺其將項燕 秦政二十三年

蕲楚邑秦置蕲縣故城在鳳陽府宿州南三十六里

秦兵圍沛公於豐 至破之 二世皇帝二年

豐漢縣今屬江南徐州薛夏奚仲國秦置薛縣故城

在山東兗州府滕縣南四十里

綱目釋地補註卷一

第四卷

梁王武卒 至五人 漢景帝中六年

濟川戰國梁地漢置濟陽縣屬陳留郡故城在開封

府蘭陽縣東五十里

秋匈奴渾邪王 至其眾 武帝元狩二年

鹽澤在陝西西寧府玉門陽關西三百里卽蒲昌海

第五卷

築受降城 太初元年

受降城在陝西甘州府居延城東北謂之漢受降城

別於唐也

遣李廣利將兵至降虜天漢四年

遮虜障在甘州府居延澤上

遣李廣利等至陵家天漢四年

余吾水在陝西榆林府廢夏州北塞外

### 第八卷

長平岸崩至匈奴新莽天鳳三年

長平岸即長平坂在西安府涇陽縣西南有長平館

在其上

南郡秦豐兵起地皇二年

河阻中按山東濟南府德州有大河故瀆

綱目釋地補註 卷一

三

漢兵與莽守將至輜重地皇三年

藍鄉在河南南陽府鄧州東南七十里新野縣東

薊城反應王郎至邯鄲漢帝立更始二年

昌城即昌成城故趙邑漢置縣故城在直隸真定府

冀州西北冀州雍正二年改直隸州

秋蕭王擊銅馬至降之同上

鄆漢縣故城在直隸保定府祁州束鹿縣東北二

十里顏師古曰鄆若么反後漢始曰鄆

### 第九卷

吳漢圍劉永至破之建武三年

廣樂在河南歸德府虞城縣西

如熊遣將軍馬武王霸圍劉紆于垂惠建武四年

垂惠聚名故址在鳳陽府蒙城縣西北

遣將軍龐萌至討之建武五年

桃鄉古桃邱今兗州府東阿縣西南有桃城舖

耿弇拔祝阿至悉平同上

城陽今山東青州府莒州治

遣耿弇等七將軍從隴道伐蜀建武六年

隴道按隴道即隴州屬陝西鳳翔府言道出隴州也

封皇子六人為王明帝永平十五年

綱目釋地補註 卷一

四

樂成郡漢明帝改信都國曰樂成國今直隸冀州

遣竇固等擊車師至校尉永平十七年

金蒲城在哈密火州北四百里故庭州附郭

### 第十卷

罷治庫沱石曰河章帝建初三年

石曰河一名涉河在真定府平山縣北都盧當所都

盧即蒲吾渠轉音譌為都盧也在平山縣西

護羌校尉賈友攻迷唐走之和帝永元五年

逢留大河黃河經大小榆谷有逢留之名在西寧府

安定羌反至海郡永元十四年



三榆卽大小榆谷在今西寧府西唐之九曲地也去積石軍三百里西海郡王莽置在西寧府西二百五十里青海上

以虞詡爲武都太守擊羗破之安帝初元二年

赤亭在甘肅鞏昌府成縣

### 第十一卷

聘處士樊英至卽順帝永建二年

靈山卽大湖山在南陽府唐縣東北三十里

邠鄉侯黃瓊卒桓帝延熹七年

蒲亭在歸德府考城縣

綱目釋地補註 卷一

五

帝如章陵同上

章陵卽春陵故城在湖北襄陽府棗陽縣南

### 第十二卷

封陳蕃爲高陽鄉侯不受靈帝建寧元年

高陽在開封府杞縣西二十五里文潁曰高陽聚邑

名也亦曰高陽亭

段熲追擊東羗連戰破之同上

橋門卽橋山在榆林府西南境者曰橋門水經注橋

山有長城門故謂之橋門

段熲大破東羗至豐侯建寧二年

谷上下門卽射虎谷在秦州西

公孫瓚攻袁紹至原相獻帝初平二年

盤河卽故鈞盤河爲禹貢九河之一在濟南府德州

德平縣東北

袁紹擊公孫瓚於界橋大敗之初平三年

界橋在直隸順德府廣宗縣東今名袁公橋亦曰界

城橋

### 第十三卷

劉虞故吏至破之興平二年

鮑邱河名在直隸順天府三河縣西南

綱目釋地補註 卷一

六

以孔融爲將作大匠建安元年

東山卽蒙山在兗州府費縣西北二十里魯論昔者

先王以爲東蒙主以是證之可無疑也

以孫策爲討逆將軍封吳侯建安三年

勇里在江南寧國府涇縣西北

袁術北走至走死建安四年

江亭在河南汝寧府真陽縣東南故江城

孫權遣兵討山越平之建安八年

建安郡三國吳置今福建建寧府

### 第十四卷

魏祀太祖於建始殿照烈帝章武元年

建始殿曹丕篡位營洛宮于北宮起建始殿朝羣臣故址在河南府洛陽宮故城中

第十五卷

吳人誘魏揚州牧至敗之後主建興六年

石亭在江南安慶府東北夾石北硤石也在安慶府桐城縣北

魏寇漢中至師還建興八年

赤坂在漢中府洋縣東

亮敗魏司馬懿于鹵城建興九年

綱目釋地補註 卷一 七

鹵城西城之譌按西古文作鹵遂轉為鹵刊刻之悞

故城在漢中府興安州西南

魏張掖涌石負圖建興十三年

柳谷卽大柳谷在甘州府東南百里

吳人攻魏魏擊却之延熙四年

祖中卽沮中襄陽府南漳縣西南六十里故臨沮上

黃等城爲沔北膏腴之地皆祖中也

魏卽拜王淩爲太尉延熙十二年

平阿漢縣故城在鳳陽府懷遠縣北三十里

吳諸葛恪修東興堤至敗走延熙十五年

徐塘在江南廬州府無爲州濡湏水東

第十六卷

魏揚州都督至走死延熙十八年

安風漢縣故城在鳳陽府壽州霍邱縣西南樂嘉卽博縣王莽更爲樂嘉故城在開封府商水縣東北

姜維伐魏至敗績延熙十九年

鍾提城名在鞏昌府成縣西北

魏揚州都督至而還延熙二十年

邱頭卽武邱在開封府陳州沈邱縣東六十里

魏以鍾會都督關中軍事景耀五年

綱目釋地補註 卷一 八

駱谷在西安府藍屋縣西南百二十里有駱谷關

吳陸抗拔西陵至不及晉武帝泰始八年

建平城在湖北荊州府歸州東孫吳建以備蜀

吳大司馬荊州牧陸抗卒泰始十年

南山白額虎南山卽君山在江南常州府宜興縣西南舊名荆南山山之北麓孫吳謂之南嶽

晉大舉兵分道伐吳咸寧五年

淝水卽今淝中淝水卽今淝河江西按此是九江府

武昌今湖北武昌府武昌縣在府東百五十里夏回

在武昌府西南黃鵠山東北江陵縣屬荊州府附郭

巴東郡今四川夔州府即郡治

第十七卷

鮮卑慕容涉歸寇昌黎 太康元年

潁城漢交黎地屬遼西郡在直隸大寧廢衛故營州東南百七十里

皇后賈氏 至庶人 惠帝元康元年

雲龍門後漢洛陽宮城南宮正南門曰端門曹魏改建閭闔門晉更名雲龍

淮南王允討趙王倫不克而死 永康元年

承華門河南府洛陽故宮東宮門汝陰今汝寧府光

綱目釋地補註 卷一

九

州晉爲弋陽汝陰二郡地

成都王穎擊 至伏誅 永寧元年

黃橋在河南衛輝府淇縣西南

河間王顥使 至王罔 太安元年

陰盤縣本屬安定郡晉屬京兆故城在西安府臨潼

縣東

李雄攻陷郾城 太安二年

汶山郡古冉駝國地漢武開置汶山郡後周改汶州

唐改茂州今屬四川成都府

河間王顥成都王穎 至大掠 同上

十三里橋在河南府東

長沙王义奉帝 至破之 同上

建春門漢洛陽城十二門其東面三門北曰上東門魏晉曰建春門

第十八卷

東海王越范陽王虓 至破之 永興二年

河橋即河陽長橋在河南懷慶府孟縣西南二十里故河陽縣大河之濱

陳敏據江東 至破之 同上

揚州刺史今徐州後漢兼置揚州長岐戍在湖北黃

綱目釋地補註 卷一

十

州府黃陂縣西南

漢復寇洛陽北宮純擊敗之 懷帝永嘉三年

西明門河南府故洛城十二門西面三門南曰廣陽

門魏改曰西明門

寧州刺史王遜滅五苓夷 永嘉四年

寧州本漢武帝平南夷開置益州蜀漢分置交州晉

泰始七年改置寧州治味縣今雲南曲靖軍民府南

寧縣有廢味縣即故址也宋提漢縣屬犍爲郡蜀漢

建興間分犍爲郡界置朱提郡屬寧州故城在曲靖

軍民府東北其北境與戎州接戎州今四川叙州府

漢人入寇至阿公永嘉五年

倉垣城臨汴水相傳鄭莊公所築以盛粟故址在開封府陳留縣西銅駝街在洛陽宮門南平昌門洛陽故宮城南面三門正南一門曰平城魏晉曰平昌門宣陽門南面三門西曰諒門魏晉曰宣陽門

馮翊太守索綝至雍城同上

黃邱地名在西安府邠州淳化縣東南黃嶽山下代公猗盧攻晉陽至敗之 永嘉六年

藍谷在山西太原府太原縣蒙山西南蒙山見糾謬王浚攻石勒于襄國同上

綱目釋地補註 卷一 十一

潯陽漢張縣地後漢縣省俗謂之渚鄉故址在直隸順德府任縣西南澤渚之陽故曰渚陽

羌酋姚弋仲自稱扶風公同上

榆眉卽隃糜漢縣屬右扶風故城在鳳翔府隴州汧陽縣東三十里

漢劉曜寇長安至走之愍帝建興元年

逍遙園在西安府城西漢舊苑也零武本鄉名符秦置零武縣故城在西安府咸陽縣東

代城盛樂及平城同上

新平城在山西大同府西南百里

石勒寇樂平至遂陷建興四年

黃牧漢縣故城在太原府壽陽縣北祖逖取譙城至走之元帝建武元年

蘆洲在鳳陽府亳州東渦水北岸

河南王吐谷渾卒同上

河南按此卽今甘肅臨洮鞏昌諸府蘭秦等州地隴卽隴山在鳳翔府隴州西山高而長北連沙漠爲關中西面之險陰山在中受降城東北去榆林府千餘里洮水在臨洮府蘭州南

第十九卷

綱目釋地補註 卷一 十一

將軍陳川以浚儀叛降石勒大興二年

蓬陂塢亦名蓬關在開封府東南二十四里

祖逖討陳川至蓬關同上

蓬關卽蓬陂塢陳川故城按陳川徙於襄國則蓬陂塢卽川之故城矣

王敦舉兵反至長沙永昌元年

石城在湖北安陸府西北晉羊祜鎮荊州時立加司徒導大都督至伏誅明帝大寧二年

朱雀桁今江寧府聚寶門內鎮淮橋卽孫吳之南津晉爲朱雀桁跨秦淮上亦謂之南桁于湖縣漢丹陽

縣地晉太康二年始立于湖縣屬丹陽郡故城在江  
南太平府南三十八里南堂皇在江寧府舊都城宣

陽門外本名中堂越城在江寧縣南三里秦淮水南  
柵塘在秦淮南岸與橫塘接

宇文氏攻慕容廆至獻捷同上

棘城故城在萬全都司故營州東南詳見晉武帝太  
康元年

代王賀犍徙居東木根山大寧三年

東木根山在太同府北

溫嶠以兵赴難至犯闕成帝咸和三年

綱目釋地補註 卷一 三

大航卽朱雀桁亦謂之大航大寧二年王敦犯建康

溫嶠燒朱雀桁自是以泊船爲浮航航長九十步廣

六丈西陵西當作孫孫陵吳大帝葬處在江寧府東

北十五里青溪柵按此蓋立柵於青溪上也非另有

一地

溫嶠以陶侃入討至赴難同上

茄子浦在江寧府西南三十里白石壘在江寧府上

元縣北十二里峻極險固可容數千人

後趙主勒大破至殺之同上

天塹卽靈昌津在衛輝府滑縣白馬津西聲營聲城

周肇伯邑營城周邑謂之東營故城並在河南府鞏  
縣

第二十卷

春趙王虎燕王皝至其地咸康四年

漂渝津在直隸河間府鹽山縣東北百里

代王翳槐卒弟什翼犍立同上

破落那卽寧遠國漢大宛別部也在曹國東北

趙王虎擊燕至敗之同上

棘城在大寧廢衛故營州東南詳見晉武帝太康元  
年

綱目釋地補註 卷一 古

趙大發兵以伐燕至師還咸康六年

白狼城在大寧廢衛故營州南宛陽館在鄴城東北

石虎所立故址在彰德府臨漳縣蠡蠡塞卽居庸關

之轉音在順天府昌平州西北二十里

桓溫敗漢兵至義侯穆帝永和三年

合水大江經四川嘉定州東青衣水沫水從西南注

之謂之合水彭模亦曰平模本彭亡山在四川眉州

彭山縣東南

趙主虎卒至自立永和五年

李城戰國秦攻趙李同率其徒赴秦軍秦軍退同死

封其父邑於此今懷慶府溫縣治其故城也

征討都督褚裒至而還同上

代陂在兗州府滕縣東

趙石閔殺鑒而自立改國號魏永和六年

石濟堰在彰德府臨漳縣

故趙將張賀度至不克同上

國城在大名府南樂縣南蒼亭在南樂縣西其地有

蒼頡造書臺因名

魏主閔及燕趙姚襄之兵戰敗績永和七年

黃邱在保定府束鹿縣南與陝西淳化之黃邱同名

綱目釋地補註卷一

圭

而異地

燕慕容恪等至殺之永和八年

廉臺在真定府無極縣西十三里

桓溫大敗秦兵至皆降永和十年

長安小城在西安府西北十三里

江西流民叛至入衛同上

中堂在江寧府治南

姚襄據黃落至降秦升平元年

黃落城在西安府三原縣東北

燕徙都鄴同上

東明觀在彰德府臨漳縣故鄴城東石虎所立

燕主宴羣臣於蒲池升平三年

蒲池在彰德府臨漳縣故鄴城外

受業襄城劉伯川校字時敏覆校

通鑑綱目釋地補註卷之一終

綱目釋地補註卷一

六

通鑑綱目釋地補註卷之二

秀水張 庚浦山著

吳江汪 琥玉符參訂

第二十一卷

大司馬溫帥師 至于燕 帝奕太和四年

湖陸城即湖陵在沛縣見糾謬林藹一名白鴈陂在

開封府新鄭縣林鄉西南下流合于蔡河

秦王猛入晉陽 至圍鄴 太和五年

潞川在山西潞安府潞城縣北即濁漳水一名潞川

渭源按分注所叙之地當是潞源若渭源縣在臨洮

綱目釋地補註 卷二

府又後魏所置地與時俱不合矣潞水源出彰德府

武安縣潞口山、

秦遣兵擊涼州 至錫降 孝武帝太元元年

西河按西河涼州通稱也洪池嶺在甘肅涼州府東

南詳糾謬

秦昭王昭至走之 太元四年

淮橋在江南淮安府故淮陰城西南君川在鳳陽府

盱眙縣東南

謝石謝玄等 至長安 太元八年

涼馬臺在河南府孟津縣小平津西

慕容垂自稱燕王 至石越 太元九年

康臺澤在廣平府曲周縣東北苻秦閑牧之所

秦王堅擊後秦敗之 同上

安公谷在西安府耀州同官縣南

燕王垂解鄴圍趨新城 同上

華林園在彰德府臨漳縣故鄴城北永和三年石虎

做洛陽舊製而築廣袤數十里

第二十二卷

西燕主冲 至敗之 太元十年

仇班渠在西安府咸陽縣西即白渠之支渠也雀桑

綱目釋地補註 卷二

聚在咸陽縣西北阿城即秦阿房宮城

秦呂光還自龜茲 至代之 同上

高梧谷在西域哈密土魯番西北高梧即交河之譌

乞伏國仁自稱單于 同上

勇士城在甘肅寧夏府靖虜衛西

拓跋珪復立為代王 太元十一年

平川在大同府北塞外

張大豫起兵攻姑臧 同上

昌松漢蒼松縣屬武威郡涼張氏置昌松郡故城在

甘肅莊浪衛西楊塢在涼州府西



西燕人殺段隨至稱帝同上

燕熙城在山西平陽府聞喜縣北

秦封苻纂為魯王太元十二年

彭沛穀盧水胡之姓名苻秦時立堡于貳縣附于苻

登今彭沛穀堡在陝西延安府中部縣故貳縣西新

平郡今西安府邠州雷惡地新平羌之姓名

秦主登進據將軍胡空堡同上

胡空堡在西安府邠州西南空苻秦將也為秦所敗

築壘自守因名

秦將軍魏揭飛至地降太元十五年

綱目釋地補註 卷二

三

李潤鎮在西安府同州東北同州雍正二年改直隸

州

秦主登及後秦至敗績太元十六年

曲牢按曲牢疑曲柳之譌曲柳戌在甘肅河州東北

馬頭原在秦州西南神馬山下

魏王珪擊柔然大破之徙之雲中同上

南牀山牀當作林南牀山在大同府塞北大漠西

劉衛辰攻魏至悉降同上

悅跋城即代來城在榆林府北太元初苻堅滅代分

代地以劉衛辰為西單于屯代來河南按此即今榆

林府故夏勝二州之地

秦主登攻安定至敗之同上

陰密古密國漢置陰密縣屬安定郡故城在甘肅平

涼府靈臺縣西路承堡在平涼涇州東南

燕主垂擊翟釗奔西燕太元十七年

西津即靈昌津在滑縣白馬津西

秦主登及後秦至平涼太元十九年

廢橋在西安府興平縣北馬毛山一作馬屯山在平

涼府固原州西

西燕主永及燕戰敗績同上

綱目釋地補註 卷二

四

沙庭即沙亭在彰德府磁州陟縣東南磁州今改屬

大名府臺壁在潞安府潞城縣北

燕主垂襲魏平城至寶立太元二十一年

青嶺即恒嶺北嶽恒山也在真定府定州曲陽縣西

北亘直隸保定府以西及山西大同府東境燕昌城

在大同府東北四十里

三河王光自稱涼天王同上

魯口城今為饒陽縣城屬真定府

涼王光擊西秦至弟延安帝隆安元年

長最城在莊浪衛東南武始前涼張駿分狄道置武

始郡故城在臨洮府西南

魏兵追燕主寶至伏誅同上

夏謙澤在順天府薊州平谷縣東北百餘里

涼沮渠蒙遜叛拔臨松據金山同上

苕翟戌在甘肅永昌衛西臨松郡故城在甘州府東南

涼郭廢楊軌叛同上

東苑張駿築姑臧城又築東城曰講武城亦名東苑故城今涼州府治

燕主寶將兵至而還隆安二年

綱目釋地補註卷二

五

澆洛水即饒洛河在大寧廢衛北源出馬孟山一名

弱洛水

北涼攻凉至張掖同上

西郡即西安郡呂光所置故城在甘州府東

燕長樂王盛至統制同上

橫溝在大寧廢衛龍城西南

南凉取嶺南五郡同上

廉州漢破羌縣地故城在西寧府西南百二十里傳

海亦曰青海亦曰鮮水總名西海在西寧府西三百

餘里

魏主珪稱皇帝同上

參合城在大同府東

第二十三卷

南燕苻廣叛至青兗隆安三年

乞活堡即上白城晉建興初乞活帥李暉屯聚處因名故址在順德府廣宗縣南

桓玄舉兵至佺期同上

南蠻校尉晉武帝置于襄陽後移治江陵今荊州府

燕主盛襲高句麗拔二城隆安四年

新城在遼東金州衛西金州今寧海縣屬奉天府南

綱目釋地補註卷二

六

藹城其地有南蘓水因名高麗所置今為寧海縣治

凉呂弘作亂凉王纂殺之同上

東苑即姑臧之東講武城詳見隆安元年

北凉沮渠蒙遜弑其君業隆安五年

西安郡即西郡在甘州府詳見隆安元年蘭門山即

合黎山在甘州府西北氏池漢縣故城在甘州府東

孫恩寇丹徒至廣陵同上

新洲在江寧府北四十里

南凉攻凉顯美克之元興元年

顯美漢縣故城在凉州府西北

秦王興攻魏至死之同上

乾壁城在平陽府襄陵縣東南柴壁城在平陽府西

南六十里天渡在平陽府城西汾水

燕作龍騰苑元興二年

龍騰苑在大寧廢衛故營州城龍門外

劉裕及桓謙戰至石頭元興三年

羅落橋在江寧府東北石步鎮東陵在江寧府覆舟

山東北

燕起逍遙宮同上

逍遙宮曲光海俱在龍騰苑內

細目釋地補註 卷二

七

劉毅等及京戰至復位同上

枚回洲在荊州府西北高沙河之西

魏改官制同上

昭陽殿在大同府北後魏平城宮中

入江陵桓振亡走謙奔秦義熙元年

江津城在荊州府內

秦以禿髮儁檀至姑臧義熙二年

五澗水出姑臧城在涼州府

秦遣兵襲南涼討夏皆敗績義熙四年

驢北橋山嶺之北也其在延安府保安縣者曰艾蒿

嶺其在鄜州中部縣者曰橋山其在榆林府者曰青

嶺綿亘八百餘里時勃勃據統萬利夏故城在榆林

府廢夏州河曲見糾謬

遣將軍劉敬宣至引還同上

黃虎故城在潼川府北涪水所經

西秦復稱王至敗之義熙五年

貳城在延安府鄜州西北

江荆都督何無忌至死之義熙六年

南塘在江寧府東南三里秦淮南岸

南涼擊北涼至樂都同上

細目釋地補註 卷二

八

窮泉在甘州府東南

豫州都督劉毅至建康同上

查浦藥園建尉三壘在江寧府西南十里

柔然圍魏師于牛川至律立同上

牛川在大同府北詳見孝武太元十年

第二十四卷

夏攻秦杏城至克之義熙七年

天蘇在延安府鄜州中部縣南東鄉在平涼府涇州

青石嶺東

西秦乞伏公府至自立義熙八年

譚郊城在河州冶城西南

遣益州刺史朱齡石帥師伐蜀同上

外水岷江也亦曰汶江亦曰都江蓋在州郡間往往

隨地異名而都江外水則通稱也內水涪江也

朱齡石入成都至軍事義熙九年

中水卽中江在四川潼川府中江縣東南至漢州百

餘里

魏丁零翟猛雀作亂魏討平之義熙十二年

白岷山在山西澤州陽城縣西北

魏遣將軍刁雍屯固山義熙十三年

綱目釋地補註 卷二

九

固山卽永固山在徐州蕭縣南

魏人襲燕不克義熙十四年

乙連城在大寧廢衛故營州西南二百里

北涼王蒙遜至西涼恭帝元熙二年

川巖在甘州府西南三百五十里黃峪在西寧府故

浩疊縣東懷城在川巖西都瀆澗在懷城西蓼泉在

甘州府西三百里北山卽合黎山在甘州府西北四

十里

魏遣司空奚斤至救之宋武帝永初三年

天關卽大行山天井關在澤州南四十里

魏攻東陽城至尹邠營陽王景平元年

尹邠壘在兗州府滕縣西北

宋徐羨之傳亮至軍事文帝元嘉元年

雲龍門晉故宮門六南曰大司馬門其內門曰雲龍

門在河南府

宋主義隆立同上

楊口在荊州府東南楊水之口也

秦襲涼于臨松敗之元嘉二年

臨松郡在甘州府詳見晉安帝隆安元年

宋討徐羨之至江陵元嘉三年

綱目釋地補註 卷二

十

河南今河南府京陵存考

宋主自將討謝晦二月殺之同上

破冢戌在荊州府東三十里大江東岨隱坻卽隱磯

在湖南岳州府東北南對彭城磯

魏主發平城元嘉四年

拔隣山在榆林府廢夏州東北

夏主及魏主戰至統萬同上

深谷卽滿夷谷在榆林府東北

第二十五卷

柔然紇升蓋可汗至提立元嘉六年

栗水在漠北近稽落山

魏遣兵擊高車降之同上

乙尼陵在漠外所謂北海也

魏遣將軍安頡擊宋師元嘉七年

治坂在懷慶府孟縣東南四十三里

夏主定擊涼至以歸元嘉八年

治城晉前涼張氏所置在臨洮府河州西北

宋益州人趙廣作亂圍成都元嘉九年

陽泉山在成都府漢州綿竹縣北陽泉廢縣

魏主攻燕園和龍同上

綱目釋地補註卷二

士

建德冀陽二郡名皆後魏置為營州所領建德郡治

白狼城在營州西南二百里冀陽郡治平剛城在營

州西南五里營州在大寧廢衛成周郡慕容廆以豫

州流人置成周郡在營州西南

宋復取漢中元嘉十一年

天桃城亦南北朝戍守處在漢中府附郭南鄭縣志

云南鄭有下桃城又有大桃城近褒中

夏魏伐燕燕主弘奔高麗元嘉十三年

白狼城漢縣在大寧廢衛故營州西南

柔然寇魏不克元嘉十六年

北鎮盤巫閭山幽州鎮山也在遼東廣寧衛西五里

吐顏山在大同府西南

魏主還平城同上

溫水在大同府桑乾城西十里

宋領軍劉湛至刺史元嘉十七年

新洲在江寧府北四十里

楊難當寇宋至討之元嘉十八年

東洛城在四川保寧府昭化縣西北

沮渠無諱至燉煌元嘉十九年

高寧白力二城名高昌國有四十六鎮即高寧諸城

綱目釋地補註卷二

士

也白力亦作白刃

宋討楊難當至不克同上

白水縣故城在漢中府寧羗州西南

魏殺其武都王至都王元嘉二十年

維谷維當作駱駝谷在鞏昌府成縣西八十里

魏主襲柔然走之同上

鹿渾谷在大同府石漠北

魏伐吐谷渾至于闐元嘉二十二年

寧頭城在西寧府西塞外白蘭山東北

宋伐林邑元嘉二十三年

圖栗城在廣西占城國北境

宋領克林邑 同上

象浦城在占城國西南本漢象林縣屬曰南郡

魏主伐柔然大獲 元嘉二十六年

寫薩蠻在大同府石漠北廣澤即廣漠鎮在石漠北

宋人大舉侵魏 至退走 元嘉二十七年

資谷在河南府盧氏縣南山中石濟在衛輝府胙城

縣東北

魏永昌王仁克縣瓠 至壽陽 同上

尉武亭在鳳陽府壽州北卑林按卑林疑淝水之譌

綱目釋地補註 卷二

三

淝水在壽州西七十里

第二十六卷

魏主攻盱眙 至不及 元嘉二十八年

君山在鳳陽府泗州盱眙縣北六里安王陂在徐州

東

吐谷渾王慕利延拾寅立 元嘉二十九年

伏羅川在西寧府西南

宋太子劭弑其君 至司空 元嘉三十年

東堂在江寧府故建康宮太極殿東四川府川當作

州西州城在故臺城西故名劉宋以為丹陽尹治所

巴水在黃州府蘄州北源出蠻中

宋江州刺史 至伏誅 同上

鵲頭山在江南池州府銅陵縣北高聳臨江

宋江州刺史臧質 至誅之 武帝孝建元年

南州即江南太平府東晉謂京口為北府姑熟為南

州姑熟即太平府梁山西壘在江南和州南南浦即

大信河在太平府西南三十里東城按此即梁山西

壘梁山有二一在太平府一在和州兩山隔江相對

臧質既陷西壘西壘西岸之壘即和州之梁山也又

請自攻東城東城即太平府之梁山壘太平在東岸

綱目釋地補註 卷二

古

故曰東城觀顏樂之所云質若復克東城則大功盡

歸之之語益信矣

魏侵宋人兖州 孝武帝大明元年

任城今兖州府濟寧州

宋以顏竣為東揚州刺史 同上

東揚州宋孝武分浙東五郡為東揚州五郡會稽東

陽新安永嘉臨海也

宋沙門曇標謀反伏誅 大明二年

南彭城即南徐州今江南鎮江府

魏侵宋清口 至破之 同上

沙溝卽南沙河在山東濟南府長清縣南

宋竟陵王反至討之大明三年

歐陽戎在江南揚州府儀真縣東北

宋淑儀殷氏卒大明六年

龍山在太平府南十里

### 第二十七卷

宋臺軍克義興明帝泰始二年

長塘卽長蕩湖一名洮湖在常州府宜興縣與江寧

府溧陽縣鎮江府金壇縣連界

宋臺軍敗于赭圻至破之同上

綱目釋地補註 卷二

圭

鵲洲卽鵲尾洲在太平府繁昌縣西南大江中湖白

二城在和州西南通鑑註謂巢湖水之口按白水

卽和州東南白石水與巢湖水同注于柵江爲一口

故云湖白口於此築二城以拒敵

宋臺軍圍壽陽同上

宛塘按通典死虎之譌也死虎壘在鳳陽府壽州東

二十里卽劉順所築

宋臺軍克江州殺子勛同上

濃湖在太平繁昌縣西南三十里洄洑通鑑註旋流

爲洄洑流爲洑非地名也橫浦江中小渚名

魏將軍慕容白曜至四城泰始三年

無鹽齊邑漢置縣故城在濟寧州東二十里園城古

東鄆邑南燕置園城于此故城在兗州府沂水縣東

北四十里園城在濟南府德州平原縣界垣苗在濟

南府長清縣東北本名洛當城宋武西征令垣苗鎮

此因名

宋以晉熙王燮爲郢州刺史宋主昱元徽元年

太湫卽太子湫在黃州府黃梅縣南七十里過江卽

九江府

宋中領軍蕭道成至書事順帝昇明元年

綱目釋地補註 卷二

夫

臺岡在江寧府故臺城東

齊甬城汝南降魏齊高帝建元二年

甬城卽角城在江南淮安府宿遷縣東南宋志作甬

### 第二十八卷

魏始班祿齊魏甲子年

六鎮一曰沃野鎮在大同府朔州廢天德軍北六十

里一曰懷朔鎮在大同府故雲中城一曰武川鎮在

天德軍北二百里一曰薄骨律鎮今寧夏府靈州一

曰懷荒鎮一曰樂夷鎮今大同府蔚州是也

齊以始興王鑑爲益州刺史同上



天度獺大度河出四川雅州府西北生羌界一名沫水流經雅州府清溪縣至嘉定府入于大江自昔設

險于此以禦蠻夷

齊討唐寓之平之齊魏丙寅年

東陽卽今金華府

齊敗魏師取舞陽齊魏丁卯年

深橋在南陽府唐縣南距沘陽四十里

魏侵齊據隔城齊擊破之齊魏戊辰年

隔城在南陽府桐柏縣西南劉宋置

齊侵魏攻沘陽魏擊却之同上

綱目釋地補註 卷二 七

醴陽醴水之北也醴水源出南陽府桐柏縣桐柏山

齊太廟加薦藝味別祀於清溪故宅齊魏辛未年

清溪故宅蕭道成高曾以下皆居南蘭陵之東城里

今常州府武進縣卽清溪故宅也按武進無清溪志

云府城西北六十里爲千秋鄉之萬歲鎮今名阜通

鎮有古青城南爲園壇北爲方壇蕭齊篡位後以

蘭陵爲其湯沐邑因置此爲郊祀之所據此清溪爲

青城之譌當再考

魏遣使如齊同上

琅琊城卽金城在江寧府上元縣北三十五里

吐谷渾遣子入朝于魏齊魏壬申年

洮陽泥和二戌泥和魏書作洪和後魏太平真君中

取吐谷渾置洪和郡吐谷渾附屬焉其後魏亂吐谷

渾遂有其地後周伐之拔其洮陽洪和二城據此泥

和爲通鑑之譌分注宋之改正故城在甘肅洮州衛

齊雍州刺史王奐有罪伏誅齊魏癸酉年

雍州齊治襄陽今襄陽府

魏主還平城齊魏甲戌年

東木根山在大同府詳晉明帝大寧三年盛樂城在

大同府西北三百餘里

綱目釋地補註 卷二 八

魏主攻鍾離至而還齊魏乙亥年

魏徐州刺史後魏置東南大行臺於彭城亦置徐州

卽今江南徐州府齊徐州刺史卽北徐州治鍾離故

城在鳳陽府臨淮縣東按渚淮渚也邵陽洲以上

之津路在臨淮縣北

魏圍齊南鄭不克而還同上

梁州刺史後魏太和中置南梁州于沮縣今漢中府

畧陽縣齊梁州刺史今漢中府

魏以薛聰爲直閣將軍同上

景陽山在芳林園西北曹魏之所築爲登玩之地故

址在河南府

魏太子恂有罪為庶人齊魏丙子年

河陽無鼻城即無辟城在懷慶府孟縣東南按南齊書城在河橋屬河陽縣

受業襄城侯時敝覆校

通鑑綱目釋地補註卷之二終

綱目釋地補註卷二

五

通鑑綱目釋地補註卷之三

秀水張庚浦山著

平湖鮑海鏡同參訂

第二十九卷

魏主自將伐齊齊明帝建武四年

潯陽亦名堵陽漢縣故城在南陽府裕州東

魏主圍新野至沔北同上

沔北按此即襄陽沔水北岸之地新野漢縣今屬南陽府鄧州南至沔水一百十里司雍二州名司州今汝寧府雍州今襄陽府虹城漢虹縣今屬鳳陽府

綱目釋地補註卷三

一

齊侵魏太倉口至敗之同上

太倉口北魏置東豫州于新息曰廣陵城有太倉在淮北岸距廣陵城不遠蓋魏人置戍守于廣陵城設倉以積粟也今汝寧府光州息縣故城楚王戌即楚武王塚魏于塚北置戍因名在汝寧府新蔡縣東北

魏拔新野至城走永泰元年

湖陽故蓼國地漢置湖陽縣故城在南陽府唐縣南鄉漢縣蕭齊置南鄉郡故城在南陽府西南一百里

魏人克宛至鄧城同上

宛北城秦宛縣為南陽郡治今南陽府治按宛有兩

宛北城秦宛縣為南陽郡治今南陽府治按宛有兩

宛北城秦宛縣為南陽郡治今南陽府治按宛有兩

宛北城秦宛縣為南陽郡治今南陽府治按宛有兩

宛北城秦宛縣為南陽郡治今南陽府治按宛有兩

城南陽郡治大城其西南陽卽宛城爲荊州刺史治  
亦曰荊州城北城大城也鄧城春秋鄧國秦置鄧縣  
故城在襄陽府東北二十里樊城在襄陽府北沔水  
上與襄陽隔江相對縣城今汝寧府

齊大司馬王敬則反至敗死同上

若邪山在紹興府東北陵門在鎮江府丹陽縣東齊  
梁諸陵多在焉長岡埭在丹陽縣西南卽破岡瀆中  
七埭之一瀆水卽破岡瀆之水

齊師取魏馬圈至敗績寶卷永元元年

馬圈漢涇陽縣後魏于此置馬圈鎮在南陽府鄧州

綱目釋地補註 卷三

二

東北七十里順陽本漢析縣之順陽鄉哀帝置博山  
縣晉改爲順陽郡故城在南陽府鄧州析川縣東北  
三十里

魏主宏殂于穀塘原至恪立同上

穀塘原在南陽府鄧州東南

魏南徐州刺史沈陵奔齊同上

南徐州後魏太始中置南徐州於宿預今淮安府宿  
遷縣有宿預故城魏以彭城爲徐州故於淮安之徐  
州加南字

齊攻魏壽陽至南地永元二年

揚州刺史後魏置揚州於壽陽卽今鳳陽府壽州

齊蕭衍圍郢城和帝中興元年

石橋浦在武昌府九里頭加湖在黃州府黃陂縣黃  
陂今改隸漢陽府

齊涪陵王至加湖同上

巴口在黃州府東源出板白山西流注於江爲巴口  
蕭衍圍建康同上

新林浦在江寧府西南六十里白板橋卽板橋浦在  
江寧府西南三十里破墩卽破岡瀆在江寧府句容  
縣東南三十五里六朝運道也

綱目釋地補註 卷三

三

魏以任城王澄都督淮南軍事同上

沔陰按沔陰沔水之南卽襄陽府黑水河在襄陽府  
光化縣東南四十里下流入于漢水

魏東豫州刺史田至敗績同上

兩荆後魏置荊州於穰城故城在南陽府鄧州東南  
又置東荊州於比陽今南陽府唐縣治建安城在汝

寧府光州固始縣二豫後魏改懸瓠爲豫州今汝寧  
府又置東豫州於息今光州息縣南關卽陰山關在  
光州西南與黃州府麻城縣連界

魏以蕭寶寅爲齊王梁武帝天監二年

湯石城在壽州霍邱縣東南

魏都督元英攻梁至不克同上

阜陵城在滁州全椒縣東南首賢山在汝寧府信陽

州西南關要城在廬州府六安州霍山縣西北故潁

川縣潁水在廢潁川縣今霍山縣北白埭岡在廬州

府巢縣南潁溪河在巢縣東南十五里淮陵城在鳳

陽府盱眙縣西北

魏以僕射源懷爲行臺巡北邊同上

沃野漢置縣屬朔方郡在榆林府西北

梁義陽降魏至山王天監三年

綱目釋地補註卷三

三關一曰平靖關卽左傳冥阨也在汝寧府信陽州

東南九十里湖北應山縣北六十里一曰武陽關卽

左傳之大隧也在信陽州東南一百五十里西南至

應山縣一百三十里一曰黃峴關一名九里關卽左

傳之直轅也在信陽州南九十里南至應山縣亦九

### 第三十卷

魏邢巒討興氏滅之置東益州天監五年

關城卽青泥關在漢中府署陽縣西北

魏遣中山王英等城同上

五城河南郡所領棘陽等縣也皆在今南陽府東陵

在鳳陽府壽州霍邱縣西羊石卽陽石在霍邱東南

固城卽岵城亦名五固在兗州府滕縣東五十里與

徐州接壤爲南北朝戍守處通鑑註固城當卽抱犢

固按抱犢固卽君山在兗州府嶧縣北六十里郭緣

生述征記極言山水之勝未嘗有城戍未敢信也

魏邢巒還至鍾離同上

道人洲在鳳陽府臨淮縣東北八十里邵陽洲東

梁將軍曹景宗至鍾離天監六年

潁水潁水支流在歸德府永城縣東南入鳳陽府宿

州西境一名潁水戰國策魏拔趙邯鄲楚救趙取睢

潁之間是也梁城今歸德府後魏爲梁郡

魏李平克信都至平名天監七年

高平鎮今平涼府鎮原縣薄骨律鎮今寧夏府靈州

魏懸瓠降梁至取之同上

鮑口卽陀口鎮在開封府許州鄆城縣東南司州見

糾謬義陽郡今汝寧府信陽州卽梁州治此義陽是

魏別置郡治安昌城在信陽州北七十里中隔淮河

魏復取三關天監八年

三關在信陽州東關卽武陽關西關卽平靖關廣嶺

關廣當作黃皆詳見天監三年

魏侵梁雍州至敗之同上

屏溝在襄陽府北雍州今襄陽府

梁作緣淮塘天監九年

後渚在江寧府西南秦淮別渚也三橋在江寧府東南

梁以張稷為青冀刺史天監十年

青冀刺史青州治臨淄冀州治歷城後陷于魏皆移治于顓榆由是刺史遂兼二州今淮安府海州顓榆縣

綱目釋地補註 卷三

六

魏東豫州亂討平之天監十三年

廣陵城在光州息縣西南即東豫州治

梁築淮堰同上

嶼石在泗州北水經注淮水東經浮山北對嶼石

魏遣使如西域求佛書天監十七年

赤嶺在榆林府西

梁以裴邃為豫州刺史普通二年

百揀城在鳳陽府壽州故馬頭戍東南

高車擊柔然至婆羅門同上

西海即青海在西寧府西金山在榆林府西界流沙

在塞外其地即榆林西界

柔然王阿那環至而還普通四年

郁對原在大同府塞北

魏將軍崔暹至敗績普通五年

白道武川鎮北有白道谷谷口有白道城在大同府北塞外

梁徐州刺史至僮城同上

僮城漢縣屬臨淮郡後漢屬下邳國故城在鳳陽府虹縣西北七十里

梁取魏建陵曲木琅邪等城同上

綱目釋地補註 卷三

七

曲木戍在淮安府沐陽縣西北距建陵故城不遠

邱戍在沂州東北甓城在鳳陽府壽州霍邱縣與狄

城戍相近黎漿亭在壽州東南司吾城在淮安府宿

遷縣西北秦墟按水經注洛水經淮南陽故城又

北歷秦墟曲陽故城在鳳陽府定遠縣西北九十里

秦墟在其北此洛水即洛澗水源出定遠縣非洛陽

之洛水也

魏以費穆為朔州刺史同上

六鎮皆在大同府北塞外詳見南北朝齊魏甲子年

梁人圍小劍魏擊敗之普通六年

龍鬚山即龍飛山在保寧府西一百里

第三十一卷

梁侵魏圍至三關梁魏丁未年

東豫州今光州息縣琅邪郡治即邱故城在兗州府

沂州東南三關在信陽州詳見梁武帝天監三年

魏長孫稚至醜奴梁魏戊申年

石錐壁在平陽府解州西南石錐山

魏爾朱榮舉兵至洛陽同上

高渚在河南府孟津縣西陶渚在開封府河陰縣西北

綱目釋地補註 卷三

八

魏郢南荆州皆叛附于梁同上

郢州後魏永安三年于義陽郡置郢州今汝寧府信

陽州舊即南青州治懷仁縣故城在淮安府海州北

八十里按史作北青州誤也南荆州後魏置治安昌

縣故城在信陽州北

魏復取泰山郡羊侃徐紇奔梁同上

魏魯負瑕置漢置瑕邱縣劉宋爲兗州治魏爲東

兗州故城在兗州府西二十五里

陳慶之走歸梁至將軍梁魏己酉年

河中渚即馬渚在河南府孟津縣西

梁以陳慶之爲北兗州刺史同上

北兗州劉宋泰始中僞置兗州于廣陵郡蕭齊曰北

兗州梁因之今淮安府北徐州今鳳陽府臨淮縣

魏遣都督爾朱天光至誅之梁魏庚戌年

赤水在城都府簡州治東亦謂之牛鞞水岐州後魏

置今鳳翔府渭北渭水在鳳翔府郿縣北自扶風縣

流入境又東入武功縣界橫岡即馬塚在武功縣東

十餘里有高勢按郿縣西北有橫渠或渠旁之高阜

安定郡今平涼府涇河在鳳翔府寶雞縣東三十里

高平鎮今平涼府鎮原縣

綱目釋地補註 卷三

九

魏討万俟醜奴至皆平同上

三秦後魏于天水郡置秦州今屬鞏昌府又置東秦

州今鳳翔府隴州又置南秦州今鞏昌府成縣

魏僕射尔朱世隆至弑之同上

西兗州後魏置今曹州定陶縣

魏紇豆陵步番至六鎮同上

陽曲川在太原府西北今有陽曲故城

梁以陳慶之爲南北司州刺史同上

南北司州梁置南司州于邳今湖北德安府又置北

司州于義陽今河南信陽州二州本接壤故以慶之

兼領之也

魏河北大使 至高歡 梁魏辛亥年

殷州西山魏分定相二州置殷州治廣阿縣故城在  
真定府趙州隆平縣東十里西山即恒山在定州曲  
陽縣西北

魏以尔朱世隆為太保 同上

兖南兖州後魏置今鳳陽府亳州

魏都督侯淵討劉靈助誅之 同上

固城在真定府定州東三十里關按此即倒馬關在  
定州西北二百二十里內三關之一也

綱目釋地補註 卷三 十

魏尔朱天光等至破之 梁魏壬子年

韓陵山在彰德府東北俗名七里岡

第三十二卷

魏主修奔長安 至書令 梁魏甲寅年

發河南兵劉宋大明中僑立河南郡故城在南陽府  
鄧州新野縣東北陽湖湖當作胡戰國曰陽狐後魏  
曰陽胡故城在平陽府絳州垣曲縣東南二十里近  
大河即峭谷北岸石濟在衛輝府昨城縣東北東陽  
驛在西安府華州西來遠津實無註考志大河津  
濟無來遠津按高歡表詞及魏主見表即使源子恭

守陽胡防歡從河東渡也使汝陽王暹守石濟防歡  
來遠津渡也據此來遠津當在開封府延津陽武兩  
縣之間或即濬縣之靈昌白馬二津之別名俟博雅  
核之

魏大丞相泰以蘇綽為行臺左丞 梁魏乙卯年

倉池即太液池在西安府故建章宮西

魏賀拔勝自梁歸于魏 梁魏丙辰年

南苑在江寧府宣陽門內

東魏大丞相歡侵魏至泉企 梁魏丁巳年

小關潼關左有小谷謂之小關在華州華陰縣西洛

綱目釋地補註 卷三 十

州東魏改司州為洛州今河南府洛陽縣

東魏大丞相歡至敗之 同上

渭曲在西安府同州沙苑東同州今改直隸州

魏取洛陽至皆降 同上

天石嶺即大石山在河南府東四十里

盜殺魏廣州刺史李延孫 梁魏戊午年

東洛州 奇考

東魏以侯景為河南大行臺 梁魏壬戌年

河南郡在新野縣詳見前甲寅年

梁遣兵討李賁敗之 梁魏乙丑年



嘉寧城卽峯州治三國吳置在交趾郡八原府西北

梁討李賁敗之梁魏丙寅年

典澈湖在八原府西

侯景復以河南叛至援之 梁兩魏丁卯年

仁州梁大同二年置治已吾縣後沒于魏故城在歸

德府寧陵縣西南

梁遣貞陽侯至東魏 同上

北顧亭在鎮江府北固山上貞陽縣今屬汝寧府

梁堰泗水至淵明 同上

橐駝峴在徐州北

綱目釋地補註 卷三 圭

第三十三卷

東魏慕容紹宗至州牧 梁兩魏戊辰年

馬頭戍在鳳陽府壽州西北二十里淮濱戍守處

梁交州司馬至平之 同上

愛州梁于交趾縣增置愛州今安南

梁鄱陽王範至入援 同上

歐陽戍在儀真縣詳見宋孝武大明三年

梁散騎常侍至都督 同上

南洲按洲當作州卽太平府采石磯建康謂京口爲北府謂采石爲南州采石與橫江相對故祭至橫江

與仲禮相值資其糧仗也張公洲在江寧府西南百

里蔡洲別渚青塘在清溪南岸迤近秦淮

梁以侯景爲大丞相至武城 梁兩魏己巳年

德陽堂在江寧府宣陽門內南苑馬洲按志作馬

昂洲在江寧府北二十里武城亦名武口城在黃州

府黃陂縣東南

侯景陷梁臺城至司馬 同上

太陽門江寧府故臺城宮門西而南頭門太極東堂

晉元帝營建康新宮正殿曰太極殿左右爲東西堂

在故臺城內

綱目釋地補註 卷三 圭

魏師進次石城至師還 梁魏齊庚午年

建北安陸府城西漢水支河有流建金德二口建北

流建口之北建或作漣

梁鄱陽王範卒同上

潞城卽潞口城在九江府西一里稽亭在九江府城

東

齊王洋稱皇帝至山王 同上

平都城按平當作中都城在太原府榆次縣東十

五里自肆州東南至鄴必經榆次故知平都爲中都

之譌雲龍門鄴都宮門在彰德府臨漳縣西

梁武陵王紀至白帝同上

信州今夔州府

侯景陷江州及豫章同上

蠡南按蠡南彭蠡湖之南也

梁湘東王繹取郢州至梁王同上

巴水出黃州府蘄縣西注于江馬棚在黃州府西北

魏太師泰伐齊至于齊同上

東城在太原府太原縣東北

梁寧州刺史至貝磯同上

貝磯在黃州府西大舉口舉水出黃州府麻城縣龜

綱目釋地補註 卷三 西

峯山流入府境南注于江為舉口

梁湘東王繹通還梁魏齊辛未年

湘洲在岳州府華容縣白塔亭在華容縣東南

梁王僧辯克郢州至殺之同上

白楊浦在武昌府治北十里

梁湘東王繹遣至侯景梁魏齊壬申年

白茅灣在九江府東北桑落洲西

齊人侵梁至敗之同上

陽平郡即今揚州府寶應縣郡降于侯景改為北滄州故曰侯景之土歐陽戎在儀真縣詳見宋孝武大

明三年

齊築長城同上

黃櫨嶺在山西汾州府永寧州西北八十里社平戌

按齊紀作社子在大同府朔州廢武州界

梁遣王僧辯圍湘州梁魏齊癸酉年

甯輪洲在湖南長沙府湘陰縣北

齊主擊山胡敗之梁魏齊甲戌年

石樓山在太原府崞嵐州興縣東北

柔然寇齊齊主擊敗之同上

黃瓜堆在大同府西南

綱目釋地補註 卷三 圭

魏以李遷哲為信州刺史同上

南州西魏置今漢中府興安州漢陰縣

梁主講老子于龍光殿同上

龍光殿按龍當作乾在江寧府故臺城建康宮內

魏遣柱國于謹至殺之同上

石楚節介陽城在黃州府黃陂縣西江津城在荊州

府東南二十里百里洲在荊州府西南大江中金城

按荊州記江陵城中有金城故牙城也

第三十四卷

梁廣州刺史王琳至後梁梁齊魏乙亥年

〔沅城漢沅陽縣晉曰沅城故城在衡州府西百七十里

齊遣兵救江陵不及取梁郢州同上

安州西魏所置治德安府安陸府屬焉

齊築長城同上

〔幽州夏口存考

梁陳霸先及齊師至嗣徽梁魏齊丙子年

丹陽城在江寧府西南五十里倪塘在江寧府上元

縣東南二十里白城卽白下城在江寧府西北十四

里玄武湖在江寧府太平門外臺中卽臺城中

綱目釋地補註 卷三

夫

梁陳霸先自爲司徒至司空同上

新吳縣後漢置唐改奉新縣今屬南昌府

齊築長城同上

總秦成在大同府西北境

吐谷渾寇周陳周齊丁丑年

秦州今屬鞏昌府渭州後魏置今鞏昌府

梁蕭勃起兵廣州次于南康同上

南康郡晉置今贛州府南江州陳置治奉新縣今屬

南昌府

梁丞相霸先至所殺同上

苦竹灘在南昌府豐城縣南亦名苦竹洲石頭驛在

南昌府章江門外十里高州梁敬帝末分臨川安成

豫寧巴山四郡置高州以黃法𪔐爲刺史鎮巴山縣

故城在撫州府樂安縣西南三十里

周以令狐整爲豐州刺史同上

湖州西魏改湖陽縣爲湖州故城在南陽府唐縣

梁王琳伐陳至干齊陳周齊戊寅年

白水浦卽白水港在九江府西

齊北豫州刺史至于周同上

北豫州北魏置豫州于成皐後又置豫州于汝南以

綱目釋地補註 卷三

老

成皐爲北豫州今開封府汜水縣

陳豫章內史熊曇朗殺周文育陳周齊己卯年

金口亦曰金溪在南昌府南八十里象牙江之下近

奉新縣界

梁丞相琳伐陳至奔齊陳周齊庚辰年

柵口柵江口在和州濡湏水入江之口也

陳太尉侯瑱攻湘州至救之同上

楊葉洲一名楊林浦在岳州府北

陳遣兵討其江州至臨川

東山寺在福州東十里東山上

齊主及周師戰至敗績陳周齊甲申年

西山即蒙山在太原府太原縣西北

周迪誘陳南豫州刺史周敷殺之同上

南豫州梁初置豫州後又改為南豫州今廬州府無

為州

齊擊周師敗之至敗之同上

天和谷即大谷在河南府洛陽縣東南五十里

周信州蠻反討平之陳周齊丙戌年

永邏城在夔州府東大江北岸江南即大江南岸湯

口湯水在夔州府西百里至瞿塘左注于江謂之湯

綱目釋地補註 卷三 尤

石勝城在水邏城側亦險要

陳人討歐陽紇至夫人陳周齊庚寅年

淮口淮涯之譌也涯水在廣州府清遠縣東與湏水

合處謂之淮口屈翁山廣東新語甚詳

齊築城于汾北至救之同上

汾北平陽府絳州地華谷城在絳州稷山縣西北長

秋漢置長脩縣長秋脩之譌也在絳州西北龍門

城在稷山縣北定陽晉屈邑漢置北屈縣後魏置定

陽縣為定陽郡治唐改吉鄉今平陽府吉州南汾城

東魏置在吉州南

齊取周四成陳周齊辛卯年

建安四成在河南府宜陽縣東北十四里故宜陽城

側

### 第三十五卷

陳將軍吳明徹至數郡陳周齊癸巳年

瓦梁城在江寧府六合縣西即滁塘也

陳敗齊師至等城同上

馬頭城在鳳陽府懷遠縣西南

周使開府儀同三司至留之陳周齊乙未年

萬春城在蒲州河津縣東北

綱目釋地補註 卷三 尤

齊廣寧王孝珩至執之陳周齊丁酉年

北朔州齊置朔州于馬邑謂之北朔州在大同府朔

州東北

陳司空吳明徹侵周圍彭城同上

河南按此即今河南省也

受業雕州蔣 時敏覆校

通鑑綱目釋地補註卷之三終

通鑑綱目釋地補註卷之四

秀水張庚浦山著

平湖王應乾健為參訂

第三十六卷

隋以晉王廣至伐陳陳隋戊申年

流頭灘在荊州府夷陵州西百里狼尾灘在流頭灘

下

江南亂以楊素至平之隋文帝開皇十年

楊子津即楊子江經儀真縣歷通州海門入海

殺滕王瓚開皇十一年

綱目釋地補註 卷四

栗園在西安府城內

遣太平公史萬歲討南寧羗平之開皇十七年

靖蛉川蟻當作青漢青蛉縣亦曰青蛉川在雲南姚

安軍民府大姚縣北

遣楊素等分道伐突厥至頭部開皇十九年

伏達鎮在大同府西北隋時戍守處

開通濟渠至龍舟煬帝大業元年

板渚津在開封府鄭州汜水縣東四十里江溝即今

官溝在揚州府東三十里南通江

劉方大破林邑還卒于師同上

關黎江在占城北占城南夷國名在安南之南秦為

象郡林邑縣今名占城馬援銅柱按南越志曰南郡

西有屠夷國援嘗至其地立二銅柱以表漢界太平

御覽馬援立銅柱于林邑岸北有居民十餘家令岸

南對銅柱後生息漸繁交州號為馬流今銅柱已沒

海賴此民以識故處云

第三十七卷

裴矩以鐵勒擊吐谷渾大破之大業五年

曼頭城曼音萬因曼頭山而名在西寧府西北赤水

城在西寧府西南吐谷渾所築雪山在臨洮府河州

綱目釋地補註 卷四

西南接洮州番界一名雪嶺

赤土入貢同上

赤土南蠻國名

帝巡河右至等郡同上

臨津關在臨洮府河州西百二十里下臨河津沿

疊川在西寧府西南覆袁川在西寧塞外軍吾真山

在西寧西六百餘里伏侯城在西寧青海西十五里

吐谷渾國都也燕支山在丹衛東南百二十里河

源郡治赤水城註見前且末郡即且末國隋置郡在

安定衛西南積石鎮在西寧廢廓州西百八十里

殺司隸大天薛道衡同上

潘州存考

西突厥酋長至來朝大業七年

天斗拔谷山在涼州府西二百里極險峻

王薄張金稱至兵起同上

豆子鹹即今鹹水沽在天津衛高雞泊在東昌府

唐州恩縣西北

遣諸軍分道擊高麗大業八年

饒方縣屬樂浪郡今有紫蒙城即其地在遼東東樂

浪郡漢武置自單單大嶺以西屬之在朝鮮咸興府

綱目釋地補註 卷四

三

北茹蟬城在平壤西南蟬音提漢屬樂浪郡

將軍宇文述等至而還同上

瀟河懷遠二鎮懷遠城在大寧廢衛營州東武屬遼

高麗于遼水西置軍以警察遼者謂之武屬遼通

定鎮在遼東廣寧衛東百八十里

濟陰孟海公起兵據周橋大業九年

濟陰今兗州府曹州定陶縣周橋在定陶縣東北

帝渡遼水遣諸軍擊高麗同上

新城在遼東金州衛西旁西山東北接南蘓木底

等城金州今奉天府寧海縣

楚公楊玄感起兵黎陽圍東都同上

天陽門隋東都宮門東面三門中曰建春亦曰太陽

在河南府故洛城中

楊玄感引兵至敗死同上

破陵在河南府孟津縣西

內史舍人韋福嗣等伏誅同上

石梁驛在彰德府東北明永樂十三年即舊址重建

徵天下兵伐高麗至請降大業十年

卑奢城本卑沙城高麗所築譌為卑奢自蓬萊縣海

道越平壤城必先出此

綱目釋地補註 卷四

四

以張須陁為河南討捕大使同上

躡狗山即長白山在濟南府章邱縣東三十里按志

隋大業九年賊帥左才相據長白山山亘章邱鄒平

長山等縣自昔為深險處躡狗蓋長白之支山也

宴羣臣于西苑大業十二年

西苑即禁苑在河南府西隋作禁苑周二百里內為

海周十餘里

翟讓李密起兵至敗死同上

瓦岡在大名府滑縣東康城夏少康故邑在開封府

禹州西

太僕楊義臣至臣兵同上

永濟渠在順天府霸州東

道江都通守王世克至燕地同上

豆子甌在天津衛詳見大業七年

翟讓李密據興洛倉至諸郡大業十三年

洛口倉即興洛倉在河南府鞏縣北十里石子河在

鞏縣東南嶺即橫嶺在鞏縣北

梁師都取雕陰至寇邊同上

鹽川郡秦北地郡地西魏改五原郡兼置西安州隋

大業初改爲鹽川郡唐置鹽州明正統間置花馬池

綱目釋地補註卷四 五

營正德間改置寧夏後衛

河南討捕使至其郭同上

回洛東倉在河南府孟津縣東回洛城內豐都市東

都有三市東曰豐都市南曰大同市北曰通遠市上

春門洛都城東面三門中曰建春門南曰永通門

北曰上東門亦曰上春門

李密復取回洛倉同上

平洛園即平洛觀在洛陽城西門外漢靈帝初平五

年講武于此

李淵引兵至霍邑至拒之同上

賈胡堡在平陽府霍州東北五十里霍山蛤蟆嶺上

舊屬臨石縣境

武威司馬李軌至涼王同上

昌松郡故城在莊浪衛西詳見晉孝武太元十一年

涿郡留守薛世雄至河間同上

七里井在河間府西

李淵克臨汾至韓城同上

永豐倉即渭水倉在西安府華陰縣東北梁山即龍

門山在梁山北故兼梁山之稱在西安府乾州韓城

縣東北與山西河津縣分界

綱目釋地補註卷四 六

馮翊太守蕭造至軍西同上

蒲津城在平陽府蒲州黃河西岸中澗城在蒲州河

橋西爲懷慶府孟縣黃河中郭家灘上

李淵濟河至渭北同上

安養縣西魏置又置河南郡隋廢郡以縣屬襄州即

今襄陽府樊城鎮

王世充及李密戰于洛北敗績同上

黑石渡洛水津濟處在河南府鞏縣西南月城李密

既克興洛倉築洛口城方四十里而居之又臨洛水

築偃月城與倉相應



魏公密敗隋王世充于洛北恭帝侑義寧二年

倉嘉城在東都城北隋倉嘉倉城也今河南府故洛陽城西北

### 第三十八卷

魏公密與隋戰至降唐恭帝侑義寧元年

北山卽北邙山在河南府北十里

唐秦王世民破秦至出降同上

淺水源在西安府邠州長武縣故高城城東亦名鵲

觚原

西突厥高昌遣使入貢于唐皇泰二年

綱目釋地補註卷四 七

三彌山在龜茲國北千泉西域國在石國北南有雪

山三垂平陸多泉因名

唐秦王世民擊宋金剛屯柏壁同上

美良山在平陽府絳州東北

唐秦王世民敗鄭至洛陽唐高祖武德四年

青城宮隋齋宮亦名青城堡在河南府西隋禁苑內

唐以蕭世長爲諫議大夫同上

披香殿在西安府西北唐故太極宮內太極殿北

唐趙郡王至銑降同上

峽江自夔州府瞿塘而下謂之峽江

### 第三十九卷

大白經天至國事武德九年

夏武門太極宮正北門臨湖殿在太極宮北

李靖襲破突厥至遁走太宗貞觀四年

鐵山在榆林府廢豐州北

行軍副總管張至以獻同上

左置定襄右置雲中二都督府定襄都督府治寧朔

城雲中都督府治盛樂城皆朔方地

宴近臣於丹霄殿貞觀六年

丹霄殿在西安府唐故宮太安宮內

綱目釋地補註卷四 八

李靖伐吐谷渾破之貞觀九年

牟心堆在西寧府西北赤太原當作赤水源在西寧

西北焉海在西寧西塞外

朱俱波甘棠遣使入貢貞觀十年

朱俱波在西域莎車國南漢時子合國也亦曰朱俱

盤或曰朱駒半

立李思摩爲突厥可汗貞觀十三年

河南按此今西寧府故勝夏二州地河北按此卽大

磧地

流鬼國入貢貞觀十四年

流鬼國東夷也其地直黑水靺鞨東北小海之北三  
面接海

第四十卷

薛延陀攻突厥至破之貞觀十五年

諾真水在大同府西北塞外

進軍白巖城六月降之貞觀十九年

白巖城在遼東都司北百二十里瀋陽衛西高麗所

置瀋陽今承德縣屬奉天府

進攻安市城至城下同上

西嶺狹谷即北山之嶺谷也北山即六山唐名駐蹕

綱目釋地補註 卷四

九

山在安市城北後黃城銀城皆高麗東境城與安市  
城相近在今蓋州衛東蓋州康熙三年改蓋平縣屬

奉天府

帝攻安市城不下詔班師同上

烏骨城在安市東近大海

以李素立為燕然都護貞觀二十一年

瀚海在西域火州柳陳城東北皆沙磧大風行者人

馬相失

骨利幹遣使入貢同上

骨利幹在瀚海北

阿史那社爾至失畢貞觀二十二年

撥換城在西域龜茲國西

高侃擊突厥車鼻可汗擒之高宗永徽元年

阿息山在山西塞北金牙山南狼山在榆林府廢豐

州塞外唐永徽三年置狼山州舊督軍山在漠北單

于瀚海二都護府單于都護府在榆林府黃河北岸

安北府東瀚海都護府亦在安北府東龍朔三年徙

于雲中古城

西突厥賀魯討之永徽二年

處月城在西域焉耆國南突厥別部所居處密城近

綱目釋地補註 卷四

十

處月金嶺城在哈密火州浮圖城西

程知節討沙鉢羅不克免官顯慶元年

鷹婆山在漠北故庭州塞外恒篤城在故庭州西北

第四十一卷

鄭仁泰等敗鐵勒于天山龍朔二年

磧即黑沙磧在大同府振武城北僊萼河在磧北唐

討回紇置僊河行軍總管

熊津都督劉至熊津同上

周留城在朝鮮之地全州西

熊津總管孫仁師攻百濟拔之龍朔三年

直峴城在朝鮮全羅道全州府北加林城在全州西北任存城在全州西百濟國所置依任存山而名百濟之西都也白江在熊津城東南亦接大海達全州西界

以楊弘武至三品乾封二年

谷壁宮在河南府唐顯慶五年作入關宮尋改合璧

李勣拔高麗十七城同上

新城在遼東金州衛西詳見隋煬帝大業九年

李勣拔平城至悉平總章元年

平城卽平壤城箕子故都也在樂浪郡溟水東大行

綱目釋地補註卷四

主

城在遼東都司東南

薛仁貴擊吐蕃敗績咸亨元年

撥換城在龜茲國西大非川在西寧府西青海南鳥

海在西寧西塞外河口積石河口積石山在西寧西

南百七十里禹貢所云導河自積石者也

大補上元元年

翔鸞閣在西安府故唐宮大明宮含元殿東

魏仁軌大破新羅上元二年

七重城在遼東慶州北境實肖城亦慶州境內

百官四夷朝天后于光順門儀鳳三年

光順門在大明宮宣政殿紫宸門右

遣吏部侍郎裴至以歸調露元年

安西都護府治龜茲鎮鎮在赤力把力東南波斯國

在哈密西南拂林之東漢條支國也唐志距京師萬

五千里而羸碎葉城在焉耆國西北近西突厥境

以裴行儉爲定襄至平之永隆元年

單于府卽單于都護府永徽初置在榆林府安北城

東黃河北岸

吐蕃寇河源同上

安戎城在成都府茂州徼外其地險阻

綱目釋地補註卷四

主

裴行儉討突厥至降之開耀元年

積水在大同府北金牙山在大同府塞北其地三垂

斗絕惟一面可容車騎

安西都護王方翼破西突厥平之永淳元年

伊麗水在焉耆國西亦曰伊列水又名帝帝河西域

大川也

突厥骨篤祿至破之同上

黑沙城在大同府西北

綏州步落稽作亂討平之弘道元年

城平縣本城中縣後魏所置隋避諱改城平縣故城

在延安府綏德州西南百七十里

太后廢帝為廬陵王立豫王旦 中宗嗣聖元年

乾元殿隋曰乾陽殿正殿也唐貞觀中復治之改曰

乾元殿在河南府洛陽故宮

太后始御紫宸殿 同上

武城殿在洛陽宮明堂西

李敬業取潤州李孝逸擊殺之 同上

卞阿溪在淮安府高郵州之南亦曰三阿一曰北阿

鎮在州西一曰平阿湖在州西南并下阿溪為三阿

太后遣韋待價 至繡州 嗣聖六年

綱目釋地補註 卷四

三

寅識迦河在西域赤力把力月弓城西北

#### 第四十二卷

周隴右大使 至洪源 嗣聖十七年

昌松漢蒼松縣晉大和間張氏置昌松郡于此故城

在莊浪衛西洪源谷在莊浪西北

敬暉桓彥範 至所殺 神龍二年

古州本南蠻地唐貞觀十二年置古州今柳州府懷

遠西北有古州蠻及古州江州常置于此

始用斜封學勅除官 景龍二年

定昆池在西安府西南十五里方廣十九里直抵南

山

突騎施犯塞 至討之 同上

播仙城在龜茲國北

帝傳位于太子 至上皇 睿宗太極元年

武德殿在西安府故唐宮太極宮太極殿東

以高麗大祚榮為勃海郡王 玄宗開元元年

東牟山在東夷挹婁國中即肅慎地也

講武于驪山 同上

新州漢合浦郡梁置新州唐置新興縣為州治明廢

州存縣今屬肇慶府

綱目釋地補註 卷四

古

#### 第四十三卷

薛訥與吐蕃戰于武街大破之 開元二年

武街見糾謬天來谷在渭源縣西北豐安軍在寧夏

府靈州北百八十里杜佑曰在靈武西黃河外

以源乾曜同平章事 至留守 開元四年

罔極寺在西安府長安故城大寧坊

敕度鄭銑郭仙舟為道士 開元六年

朱陽漢弘農縣地後魏分置朱陽郡唐為朱陽縣屬

號州故城在河南府陝州靈寶縣

突厥寇涼州 開元八年

奚落水奚當作稽以導源于稽落山而名在漠北亦  
亭在山丹衛西北

張說巡邊至萬人開元十年

仙州唐開元三年置今南陽府鄧州葉縣河南今寧

夏府靈州及靖虜衛等地

以王毛仲為開府儀同三司開元十三年

赤岸澤在西安府同州西南

貶宇文融為汝州刺史開元十七年

巖州漢合浦郡地唐曰巖州亦曰安樂郡

宴百官于上陽東州開元二十年

綱目釋地補註卷四

五

上陽東州在河南府故禁苑按州當作洲

以裴耀卿為至輪場開元二十二年

河陰倉即武牢倉在開封府鄭州河陰縣石門渠西

相崖倉在懷慶府孟縣西南集津倉鹽倉二倉在陝

州砥柱山三門之左右含嘉倉在河南府北太原倉

在陝州

以契丹涅禮為松漠都督開元二十三年

松漠都督晉義熙中契丹為慕容氏所破竄于松漠

之間唐貞觀間內附置漠府開元二年置松漠都督

府在元良哈冷型山東潢水之南

河西節度使崔希逸襲吐蕃破之開元二十五年

勃律西域國在葱嶺西南居驛多城臨婆夷水去長

安九千里

流夷州刺史楊濬于古州同上

夷州漢牂牁郡地唐置夷州故城在遵義府真安州

綏陽縣東二百里寧夷廢縣古州在柳州府懷遠西

北詳見中宗神龍二年

以田同秀為朝散大夫天寶元年

紫微山亦名西山有巖壑之勝今屬高唐州恩縣西

與武城縣接壤舊屬武城

綱目釋地補註卷四

夫

廣運潭成至常侍天寶二年

望春樓在西安府唐禁苑中

秋突厥亂至可汗天寶三載

援悉密突厥種回紇匈奴別種在漠北葛邏祿西突

厥種左廂西突厥啞利可汗所分左廂號五嚕陸右

廂號五弩失畢九姓回紇骨力裴羅所統曰藥邏葛

曰胡咄葛曰咄羅勿曰默歌息訖曰阿勿嚙曰葛薩

曰斛嗚素曰藥勿葛曰奚邪忽

以安祿山兼御史大夫天寶六載

勤政樓在興慶宮南

王忠嗣解河東朔方節度天寶六載

雍武城在順天府薊州東北安祿山築以貯兵器後

置軍使於此為州境要地

將軍董延光至太守同上

積石軍在西寧府廢廓州西百八十里本吐谷渾地

唐貞觀間平之置靖邊軍於此儀鳳二年改為積石

軍

以高仙芝為安西四鎮節度使同上

運雲堡在葱嶺西小勃律國東北婆夷藤橋婆夷河

在葱嶺西南小勃律境內藤橋去勃律國猶六十里

綱目釋地補註卷四

七

路通吐蕃

#### 第四十四卷

哥舒翰築神威軍應龍城天寶七載

神威軍在青海上應龍城在青海龍駒島時有白龍

見因名

殺威寧太守趙奉璋天寶八載

威寧郡故城今延安府宜川縣

哥舒翰攻吐蕃石堡城拔之同上

赤嶺在西寧府石堡城西三十里

免駙馬程昌裔官天寶十載

西市元和志西市在醴泉坊

高仙芝入朝至三司同上

羯師即大勃律胡種也與吐火羅國隣接石國在康

居國東北漢大宛國北鄙

安祿山討契丹大敗同上

奚亦東胡種即烏桓冒頓之後師州城在大寧廢衛

故營州東北唐貞觀三年置天寶後寄治于良鄉之

故東閭城

以哥舒翰兼河西節度使天寶十二載

洪濟大莫等城洪濟城在西寧府西南大莫城在西

綱目釋地補註卷四

太

寧西二百餘里莫當作漠安遠門長安京城西面三

門正中曰金光南曰延平北曰安遠

賊將史思明陷至饒陽天寶十五載

博陵郡今真定府定州饒陽本戰國趙邑晉置饒陽

縣故城在真定府晉州今饒陽縣東北十里定州晉

州雍正二年皆改直隸州

帝出奔蜀同上

延秋門在西安府治北唐禁苑城西面二門南曰延

秋門左藏故址在西安府治西北唐太極宮西便橋

即西渭橋長安西門曰便門此橋與門相對因名望

宮在咸陽縣東五里唐開元中建

發馬嵬留太子東討賊同上

扶風縣唐武德三年分岐山縣置貞觀初曰扶風今屬鳳翔府東百里

以郭子儀為靈武至章事同上

景城漢縣屬勃海郡唐屬瀛州故城在河間府獻縣東南九十里

史思明陷九門同上

九門戰國趙邑漢置九門縣故城在真定府藁城縣西北二十五里

綱目釋地補註 卷四

尤

祿山取長安樂工犀象詣洛陽同上

上津漢商錫二縣地梁置上津縣今屬鄖陽府西北百八十里

同羅叛遣郭子儀發兵討破之同上

元姓北翟回紇所統詳見天寶三載六州即貞觀中所分北翟頡利之地為六州

以房瑄為招討至敗績同上

陳濤斜在西安府咸陽縣東

吐蕃陷威戎等軍同上

威戎軍在西寧府西北三百里

帝如保定肅宗至德二載

拔汗那即寧遠國大宛別種

賊將尹子奇寇至却之同上

歸州本狐奴縣地北齊置歸德縣天寶初曰歸德郡明置順義縣屬順天府昌平州

以郭子儀為司空至敗績同上

清溝在乾州武功縣東五十里太和關在鳳翔府東五十里

廣平王俶郭子儀收復西京同上

香積寺在西安府西南

綱目釋地補註 卷四

丰

廣平王俶郭子儀等收復東京同上

新店在陝州西三十里

朝享于長樂殿同上

長樂殿在西安府唐大明宮內

命郭子儀等至容使乾元元年

受業雕州蔣萬綱校字

通鑑綱目釋地補註卷之四終



通鑑綱目釋地補註卷之五

秀水張 庚浦山著

平湖何 濬學源叅訂

第四十五卷

李光弼與史 至敗之 乾元二年

野水渡在懷慶府孟縣西南河清廢縣側

第五琦除名流夷州 上元元年

夷州漢牂牁郡地詳見開元二十五年

李輔國遷上皇于西內 同上

西內即太極宮隋大興宮也唐謂之西內故址在西

綱目釋地補註 卷五

安府西北

江淮都統劉展反 同上

淮西節度治蔡州今汝寧府

李光弼與思明戰 至皆陷 上元二年

東京唐以洛陽為東京今河南府

置道場于三殿 同上

三殿節麟德殿在大明宮右銀臺內殿有三面故謂

之三殿故址在西安府治東

以來瑱為淮西河南節度使 寶應元年

山南東道節度治襄州今襄陽府

回紇舉兵入援 至州降 同上

洛陽嘗作洛陽積水店在河南府孟津縣西

吐蕃入寇 至遁去 代宗廣德元年

韓公堆在西安府藍田縣橫嶺北

吐蕃陷松維保三州 同上

保州唐開元二年置領定康等縣故城在成都府威

州西北百三十里

僕固懷恩引回紇 至奉天 廣德二年

奉天縣高宗葬梁山文明元年析醴泉好時等縣地

置奉天縣以奉陵寢故城在西安府乾州治東

綱目釋地補註 卷五

流頤錄于錦州 永泰元年

華原漢置役初縣屬左馮翊魏為泥陽縣隋改華原

縣故城在西安府耀州東北一里 錦州唐武后垂拱

二年置亦曰盧陽郡故城在沅州麻陽縣西三十里

以杜鴻漸為劍南東西川副元帥 大曆元年

山南西道節度治梁州今漢中府

魚朝恩作章敬寺 大曆二年

章敬寺在西安府城東

回紇使者犯朱雀門 大曆七年

金光朱雀門皇城南面三門中曰朱雀京城西面三

門中曰金光蓋回紇由金光門入而犯朱雀也

永平節度使令狐彰卒 大曆八年

永平節度治滑州上元二年置滑衛相貝魏博節度

既而以相衛諸州屬昭義因改置滑臺節度初領滑

濮曹宋陳潁毫七州後數改易大曆七年賜號永平

吐蕃寇涇邠 至却之同上

臨州史作鹽州即今寧夏後衛百城即百里城在平

涼府涇州靈臺縣東

元載奏請城原州 同上

潘原漢陰盤縣地後魏置平原郡唐天寶初改曰潘

綱目釋地補註 卷五

三

原縣故城在平涼府東四十里擢沙堡在平涼府鎮

原縣西北

回紇寇太原 至破之大曆十三年

羊武谷羊一作揚又作陽在代州崞縣西三十里

第四十六卷

罷客省 大曆十四年

石銀臺門在大明宮紫宸殿西

以段秀實為司農卿 德宗建中元年

陵陽渠在榆林府豐州九原縣界

成德節度使 至留後建中二年

永平節度治滑州詳見大曆八年

發西京兵戍關東 同上

望春樓在望春宮中故址在西安府滻水西岸

以韓滉為鎮海 至討之同上

淮寧節度即淮西節度大曆十四年賜號淮寧軍

以張孝忠為易定滄州節度使 至幽州建中三年

魏指魏博 魏指幽州趙指恒冀

李希烈自稱天下都元帥 同上

蔡水首受汴自開封府祥符縣至鹿邑縣南合於潁

謂之蔡河

綱目釋地補註 卷五

四

初稅間界除陌錢法 建中四年

淮寧軍見前二年

靈武鹽夏渭北 至潰歸同上

漢谷在西安府乾州北三里亦曰莫谷

第四十七卷

李抱真王武俊大破朱滔于貝州 興元元年

桑林在順德府廣宗縣南

李晟等收復京城 至以降同上

苑中禁苑中也故址在西安府北光泰門禁苑東面

二門南曰光泰門

馬燧敗李懷光兵於陶城貞元元年

陶城卽陶邑鄉在蒲州北三十里唐志河中有陶城府蓋府兵所屯處

李晟遣兵拔吐蕃摧沙堡貞元二年

摧沙堡在平涼府詳見大曆八年

淮西戍兵至斬之貞元三年

長水縣後魏爲南陝縣西魏改長洲唐諱淵改長水

故城在河南府盧氏縣東南七十里

以白志貞爲浙西觀察使同上

浙西觀察見糾謬

綱目釋地補註卷五

五

以渾瑊爲會盟使同上

王梨樹堡在平涼府鎮原縣東

渾瑊與吐蕃盟至劫盟 同上

洛口卽水洛口在平涼府靜寧州南瓦亭川東北稍

泉柏當作百本姚秦時黃石國赫連夏置長城護軍

於此西魏爲長城縣隋大業間改爲百泉縣故城在

平涼府西北八十里

幽部國大長公主流李昇於嶺南同上

少陽院在大明宮溫室殿西南浴堂殿東

吐蕃陷連雲堡同上

連雲堡爲涇西要地在平涼府涇州西界

徵陽城爲諫議大夫貞元四年

柳谷見糾謬

貶陸贄爲忠州別駕貞元十一年

延英門在大明宮延英殿之右

韓全義與淮西至大潰貞元十六年

五樓在開封府陳州商水縣西三十里故淑水城西

南

第四十八卷

韋臯大破吐蕃于雅州貞元十七年

綱目釋地補註卷五

六

昆明城在四川鹽林衛西南本漢定筰縣地以南接

昆明夷而名

劉闢反至討之 憲宗元和元年

長武城在西安府乾州長武縣西北大曆初郭子儀

命李懷光築貞元三年出神策軍分屯近畿此爲長

武鎮

以范希朝爲河東節度使元和四年

定襄州在大同府西北定襄城旁

貶元稹爲江陵士曹元和五年

敷水驛在西安府華州華陰縣西二十四里敷水渠

上

同鵬擊吐蕃至進賢同上

靜邊軍唐天寶三載朔方節度使王忠嗣築在中受

降城西二百二十里

彰義節度吳少陽卒和九年

壽州茶山按壽州南連六安州諸山皆產茶故云茶

山

李光顏烏重胤至雲柵元和十一年

凌雲柵在開封府陳州商水縣故淑水縣西南當鄆

城縣之東北

綱目釋地補註卷五

七

唐鄧節度使至鐵城同上

鐵城見糾謬

貶袁滋以李愬為唐鄧節度使同上

新興柵在汝寧府遂平縣文成柵西南

淮西鄆城降元和十二年

洞曲在開封府許州鄆城縣東三十里

李愬擒淮西將李祐同上

興橋柵在張柴村東張柴村在汝寧府遂平縣東南

三十里朗中漢朗陵縣隋曰朗山縣故城在汝寧府

確山縣西南三十五里

以裴度兼彰義至討使同上

通化門唐京城東面三門北曰通化

上御門受俘斬吳元濟同上

興安門即延興門唐京城東面三門之南門興安當

作安興

第四十九卷

安南遣將楊清至象古元和十四年

黃洞蠻一名黃橙蠻在廣西南寧府新寧州南二百

餘里

貶皇甫鏞為崖州司戶至章事元和十五年

綱目釋地補註卷五

八

月華門在大明宮宣政殿西太極宮太極殿西亦有

月華門

容管遣兵討蠻賊黃少卿破之同上

黃家賊即黃洞蠻見上年

遣使册回鵬至妻之穆宗長慶元年

青塞堡在寧夏後衛西

宣武押牙李齊作亂討平之長慶二年

郭橋在開封府城西北

以劉栖楚為起居舍人不拜長慶四年

紫宸門在西安府故唐宮大明宮宣政殿北紫宸殿

前

盜入清思殿 至平之同上

清思殿在西安府故唐宮大明宮太和殿西

以李同捷為兗海節度使 文宗太和元年

兗海節度使治沂州旋改治兗州乾符三年賜號泰寧

以殷侖為齊德滄景節度使 太和三年

齊德滄景節度唐文宗罷橫海節度更置治滄州太

和五年賜號義昌軍

吐蕃將悉怛謀以維州來降不受 太和五年

蔚姑川在西寧府西南平涼坂即平涼府同中宮在

綱目釋地補註 卷五 九

鳳翔府隴州咸陽橋在西安府咸陽縣城東南即長

安之西渭橋

第五十卷

黠戛斯攻回鶻 至內附開成五年

西城即西受降城在榆林府廢豐州西北八十一里

雲迦關在天德軍城北

劉沔大破 至以歸武宗會昌三年

黑車子族韋室別種唐賜黠戛斯詔云黑車子距漢

界一千餘里是也

贈悉怛謀右衛將軍 同上

無憂城即維州城吐蕃得之號曰無憂城今成都府

威州魯州唐永徽二年特浪辟惠等羌酋內附以其

地置三十二州屬茂州都督府魯州其一也故城在

成都府茂州西北

河東都將楊弁作亂討平之 會昌四年

橫水戍在大同府西北柳子即柳林在太原府太原

縣東南三十里

李紳罷昭義將高文端降 同上

乾河在平陽府絳州垣曲縣東北固鎮寨在沁州沁

源縣西南三十里

綱目釋地補註 卷五 十

黠戛斯攻室韋大破之 宣宗大中二年

室韋北翟契丹類也據黃龍北傍獫狁越河西南去長

安七千里

吐蕃三州七關來降 大中三年

三州原州今平涼府鎮原縣安樂州唐咸寧三年置

以處吐谷渾部落故城在寧夏中衛東南百五十里

長樂州唐改曰威州在寧夏中衛東南鳴沙城七關

木峽關石門關蕭關俱在鎮原縣驛藏關制勝關石

峽關六盤關俱在平涼府固原州

吐蕃論恐熱擊尙婢婢遂掠河西 大中四年

河西八州鄯州廓州涼州甘肅州瓜州伊州西州

雞山群盜至平之 大中六年

雞山卽雞頭山今名雞頭關在漢中府褒城縣

以王式爲浙東觀察使至破之 懿宗咸通元年

南陳鎮在紹興府新昌縣黃罕嶺下寧溪之南

### 第五十一卷

桂州戍卒作亂至不克 咸通九年

湖南道治岳州府淮南道治揚州府任山在徐州西

南三里自宿州趨徐州必度睢水踰任山爲往來通

道渦口在鳳陽府懷遠縣東北十五里淮口在淮安

綱目釋地補註 卷五

土

府南淮水合黃河口也宋州今歸德府下蔡故城在

鳳陽府壽州北三十里烏江縣故城在和州東北四

十里浙西軍潤州鎮海軍也今鎮江府楚州今淮安

府

康承訓大敗賊將至鹿塘 咸通十年

柳子鎮在鳳陽府宿州西北九十里新興鎮在歸德

府永城縣南鹿塘寨在永城縣東南自新興東至鹿

塘又東至柳子相距各三十里襄城見糾謬

馬舉救泗州至圍解同上

揚潤揚州潤州

賊將張玄稔至徐州同上

襄城寨見糾謬留武小睢二寨皆在宿州西甯故城

在宿州南詳見秦政二十三年石山卽石佛山寨在

徐州城西二里雲龍山之東南宋州今歸德府種州

存考

南詔入寇至雅州同上

定邊節度唐咸通九年置治邛州

上幸安國寺 咸通十二年

安國寺在西安府唐皇城朱雀街東第四街長樂

坊

綱目釋地補註 卷五

土

李可舉討李克用至達旦 僖宗廣明元年

藥兒鎮在順天府薊州北胡氏曰在雄武軍北

黃巢入長安上走興元同上

駱谷關在整屋縣趣漢中之道也詳見漢後主景耀

五年

鄭畋傳檄天下合兵討賊 中和元年

奉天鎮卽奉天縣貞元中命神策軍分屯近城此爲

奉天鎮在西安府乾州治東乾州今改直隸州

高駢移檄討賊出屯東塘同上

東塘卽茱萸灣隋仁壽四年開此以通漕一名灣口

亦曰東塘在揚州府東北十五里

邳州牙官阡能作亂至討之中和二年

陳敬瑄遣押牙至平之同上

穿口即新穿水口在成都府崇慶州新津縣東北四十里

新津縣又西至延貢皆相去皆不過四十五里

黃巢趨汴州至兗州中和四年

王蒲渡蒲當作滿王滿渡在開封府中牟縣南舊為

汴河所經津濟之處新唐書作在中牟縣北冤句漢

縣故城在兗州府曹州西南四十里

李克用至汴州至走還同上

上源驛在開封府城南

第五十二卷

朱全忠取曹州光啟三年

劉橋在東昌府濮州南

楊行密克揚州同上

東塘見前

王建攻邳州昭宗大貞元年

唐橋在成都府城東南為成都七橋之一七橋曰冲

門江上從冲治橋西折北出曰長升橋城南門曰

市橋又南曰萬里橋西曰夷里橋一名竿橋西南曰

宋孝武改曰安樂橋今名南虹橋東門門唐高駢

于成都府築羅城開十門東曰東門

李克用執招討副使孫揆以歸殺之同上

長子西谷在潞安府長子縣西五十里即發鳩山

李克用遣兵至遁還同上

定難節度治夏州故城在榆林府西北二百里

朱全忠攻魏博至乃還大順二年

淇門鎮在衛輝府東北五十里衛縣古朝歌地漢置

縣隋改曰衛縣故城在衛輝府濬縣西五十里

以楊復恭為上將軍致仕同上

黔南節度治黔州今重慶府彭水縣梧相津在保寧

府昭化縣東三里即嘉陵白水二江合流處

孫儒攻宣州同上

東溪即勾溪在寧國府宣城縣城東三里按寧國府

寧國縣東五里有東溪源出天目山至西壩接宣城

境為勾溪上流或此東溪也溧水縣今屬江寧府

以錢鏐為武勝軍防禦使景福元年

壽河在淮安府東南五十里今名故城河武勝軍武



當作威唐建中二年改浙東觀察中和三年改勝義

節度光啟三年改曰威勝軍

以李存孝爲邢洺磁節度使同上

邢洺磁節度治邢州今順德府

朱全忠拔徐州時溥自殺景福二年

佛山寨卽石佛山在徐州城南二里

劉建鋒馬殷入潭州殺鄧處訥乾寧元年

龍回關在長沙府善化縣東四十五里疊峯峙拔有

如城壁中間僅通一車今名關山

以劉隱爲封州刺史同上

綱目釋地補註 卷五

五

賀江一名封溪在封川縣西十里自廣西賀縣流入

李克用舉兵至門鎮乾寧二年

承天樓卽承天門樓也唐宮城有三一爲西內在皇

城內西北隅正門曰承天門

李克用克邠州王行瑜伏誅同上

龍泉塞在西安府邠州三水縣東北

以劉隱爲清海行軍司馬乾寧三年

薛故城在兗州府滕縣南詳見秦二世二年

第五十三卷

貶王建爲南州刺史至度使乾寧四年

南州漢武陵郡地唐武德四年置今重慶府南川縣

朱全忠擊楊行密至大敗同上

淮水自泗州東流至清河縣南與黃河合鎮海節度

錢鏐旣遷治于杭州其後淮南仍置鎮海節度于潤

州今鎮江府

威武節度使王潮卒同上

威武節度治福州今福州府

劉仁恭屠貝州至而還光化二年

館陶門魏州西門也今大名府大名縣承天軍故城

在真定府井陘縣西北六十里

綱目釋地補註 卷五

六

保義軍亂殺節度使王珙同上

保義軍節度卽隴右節度治鄯州貞元十年以秦州

刺史兼隴右經畧使治普順元和初賜名保義軍鄯

州今西寧衛普順故城在鳳翔府麟遊縣西百二十

里

神策指揮使至德王天復元年

安福門皇城西面二門北曰安福長樂門在大明宮

內

以李茂貞爲鳳翔至度使天復二年

武定節度治洋州今漢中府西鄉縣昭武節度卽威

義節度乾寧二年更名昭武軍治鳳州今漢中府鳳

縣蓋與鳳翔靖難兼領四州也

馬殷襲江陵陷之天復三年

武真節度治郎州今常德府

王師範以淮南兵至青州同上

石樓在青州府西

梁王全忠屯河中至陝天祐元年

延喜樓西安府唐故宮皇城東面二門北曰延喜興

德宮在西安府華州華陰縣隋所建也

命魏博曰天雄軍至鄴王同上

綱目釋地補註卷五

七

魏博節度治魏州初代宗以天雄軍龍田承嗣後田

悅叛削天雄之號天祐初復賜號天雄

朱全忠殺德王裕等九人昭宣帝天祐二年

九曲池在河南府唐禁苑中卽隋之龍鱗渠也

殺裴樞獨孤損至餘人同上

白馬驛在河南府故洛陽城西

梁王全忠攻滄州劉仁恭救之天祐三年

瓦橋關在保定府雄縣南易水上

受業同里朱振成校字  
男 時敏覆校

通鑑綱目釋地補註卷之五終

通鑑綱目釋地補註卷之六

秀水張 庚浦山著

嘉興汪仲鈐豐玉參訂

第五十四卷

晉敗梁兵至守之天祐四年

高河卽絳河在潞安府屯留縣東南南山口壺關

山在潞安府東南十三里故曰東南山口

晉王李克用卒子存勗立梁太祖開平二年

亂柳寨在澤州城東北

晉王攻梁至圍解同上

綱目釋地補註卷六

一

三垂岡在潞安府潞城縣西二十里

梁殺其佑國節度使王重師夷其族開平三年

佑國節度治河南府天祐初徙治長安今西安府

岐遣劉知俊至而還同上

衍州大中間置治平安縣故城在真定府定州南六

十里

岐晉合兵至却之開平四年

定難節度治夏州詳見唐昭宗大順元年

梁進軍逼鎮州至高邑同上

野河在真定府柏鄉縣西北五里一名槐水源出贊

皇縣西黃沙嶺東流入葫蘆河

晉師圍邢至師還 乾化元年

白司馬陝在河南府東北三里

梁遣楊師厚將兵屯邢州至天軍 同上

承天軍在井陘縣詳見昭宗光化二年

岐王使劉知俊攻蜀圍安遠軍 同上

安遠軍在成都府彭縣西北

晉師及鎮定之兵至走還 乾化二年

下博橋在真定府深州故下博城東跨葫蘆河上深州雍正三年改直隸州

綱目釋地補註 卷六

劉守光遣兵至其將 同上

龍頭岡在順天府西四十五里

晉拔燕順薊州安遠盧臺軍 乾化三年

安遠軍唐末置在順天府薊州西北

梁遣兵侵吳吳人擊敗之 同上

趙步在壽州東北淮河北岸

蜀攻岐階州破長城關 乾化四年

長城關按階州無長城關有望城關在州西北百八

十里或譌望爲長耳

梁分天雄軍爲兩鎮至入魏 梁主瑱貞明元年

揚劉城在兗州府東平州東阿縣北六十里

晉王勞軍魏縣 同上

河曲見糾謬

梁劉勰引兵至莘城 同上

黃澤嶺在遼州東南百二十里大行山上山下卽黃

澤嶺下

蜀遣兵攻岐至奔蜀 同上

金沙谷在秦州東南

晉王大舉伐梁 貞明四年

麻家渡在東昌府濮州東北

綱目釋地補註 卷六

晉王與梁軍戰于胡柳陂至梁軍 同上

胡柳陂在東昌府濮州西王山胡柳陂有土阜相連

卽此山也

第五十五卷

梁遣劉勰等討同州至救之 貞明六年

下邳秦縣故城在西安府渭南縣北五十里

趙王鎔殺其司馬李諒夷其族 同上

西山卽房山俗呼王母山在真定府平山縣西北六

十里鵠營庄在平山縣西十餘里亦遊晏處也

晉王擊契丹大敗之 龍德二年

桑林非地名蓋沙河上桑柘林也

晉王克鎮州至度使同上

陳道渡東垣戰國趙邑故城在真定府南八里渡即城北七里漳沱河渡也

梁遣招討使王彥章至章罷龍德三年

楊村在大名府開州西南五十里馬家口在兗州府東平州西北鄉家口在馬家口西南

唐王救鄆州至滅梁同上

興唐府今大名府梁門即宜秋門大梁城西面北來第一門也

綱目釋地補註 卷六

四

蜀主東遊 唐莊宗同光三年

武興節度武興故城今漢中府峽陽縣

唐師滅蜀蜀主王衍降同上

威武城在漢中府鳳縣東北六十里利州今保寧府廣元縣枯柏津在昭化縣詳見唐昭宗大順二年

唐主獵于白沙 同上

白沙在河南府西南伊闕山旁

唐李紹琛反于蜀 至討之 同光四年

武連縣劉宋置下辨縣梁改武功西魏改曰武連故城在保寧府劍州西八十五里今爲武連驛

唐李嗣源引兵向大梁 同上

奉化軍後唐置今保定府河陽橋即河橋晉泰始中建在彰德府孟縣西南二十里故河陽城

唐王如東至乃還 同上

曹勝鎮在開封府中牟縣東距大梁六十里罍子谷在汜水縣西即成阜之關口石橋驛在河南府故洛陽城東北

唐伶人郭從謙至洛陽 同上

興教門洛陽故宮城凡六門中五鳳樓東曰興教西曰香殿嘉慶殿俱在故洛陽宮內

綱目釋地補註 卷六

五

唐魏王繼岌至長安自殺 同上

浮梁在西安府渭南縣城北渭水上魏宇文泰所造

第五十六卷

唐鄴都軍亂討平之 明宗天成二年

鄴都五代唐同光初以魏州爲東京三年改曰鄴都今大名府河衛河即永濟渠永濟渠在河間府青縣城東一里

城東一里

楚人擊漢封州大敗 天成三年

封州漢蒼梧郡地隋曰封州故城今肇慶府德慶州封川縣賀江在封川縣西詳見昭宗乾寧元年

唐以從榮爲北都留守同上

北都今太原府

吳攻楚岳州大敗同上

角子卽滄湖在岳州府南五里在洞庭之角故名

楊林浦在岳州府北

唐王都反奚契丹助之至破之 同上

新樂縣隋所置屬真定府定州

唐以李仁矩爲保寧節度使天成四年

保寧節度治閬州今保寧府

唐董璋築寨劍門至諭之 長興元年

綱目釋地補註 卷六

六

雲安監監雲安有鹽利自漢以來皆置官司之唐末

置雲安監故城在夔州府雲陽縣西北三十里

董璋兵陷徵合巴蓬果五州同上

徵州故城在順慶府東南王建所置胡氏曰州名不

見于諸志大約在遂合果三州之間亦失于考核矣

唐削孟知祥至不克 同上

蘇村在保寧府劍州東七十里北山卽漢陽山在

劍州北二里

唐石敬瑭攻劍州不克同上

河橋河當作石南北二山之間有大澗石橋踰其上

在劍州治北二里

唐召安重誨還至利州 長興二年

三泉縣唐所置故城在漢中府寧羗州沔縣西南七

十里昭武節度卽感義節度治鳳州乾寧四年更名

昭武移治利州今保寧府廣元縣

吳以宋齊邱爲右僕射致仕同上

九華山在池州府青陽縣西南四十里

董璋襲西川至東川 長興三年

白楊林鎮在成都府漢州東雞蹤橋在成都府新都

縣北三十里彌牟鎮北

綱目釋地補註 卷六

七

唐以李彝超至拒命 長興四年

彰武軍後唐置今延安府鹽州卽鹽州節度貞元九

年置十七年改屬夏州節度十九年得專奏事比于

節鎮元和二年仍屬朔方曰朔方靈鹽節度使

唐以路王從珂爲河東節度使至降潰 閔帝應順元年

西都後唐復以長安爲西京兆府今西安府護國

節度卽河中節度治蒲州光啟中賜號護國山南西

道治梁州今漢中府武定節度光啟二年置治洋州

今漢中府洋縣彰義節度郎涇原節度治涇州今屬

平涼府靖難節度卽邠寧節度治邠州今屬西安府

中和四年賜號靖難

唐王從珂至殺之同上

靈口鎮靈當作零在西安府臨潼縣東三十里西京  
見上西都

唐王出奔至從騎同上

天宮寺存考

唐王從珂入洛陽至自立 潯王清泰元年

蔣橋在河南府城西穀水上

蜀主知祥殂子昶立同上

義興門王建時宮門也在成都府

綱目釋地補註 卷六

八

蜀寇唐金州不克清泰二年

金州故城在漢中府西城縣

楚王希範以其弟希杲知朗州清泰三年

靜江節度治桂州今桂林府蒙州今平樂府永安州

朗州今常德府

契丹德光至懷州同上

羊武谷在太原府代州崞縣詳見唐代宗大曆十三年

虎北口見糾謬託山即蒙山在太原府太原縣西

北五里汾曲汾水自太原府至汾州府皆曰汾曲晉

安普在太原縣東北故晉陽城南西樓契丹阿保機

于所居六部落置樓謂之西樓今謂之上京

唐以趙德鈞為行營都統同上

西陽陽當作唐一作湯因譌為陽也西唐店在澤州

北園柏谷在太原府祁縣東南

契丹立石敬瑭為晉帝至略之 晉高祖天福元年

順州唐天寶初置領實義一縣在營州五樓戍南後

寄治于幽州城內新州光啟中幽州帥李匡威表置

今直隸保安州儒州唐末析嬌州置儒州今直隸延

慶州武州唐主析懷戎縣置武州即今宣府鎮懷州

天成初置領實清一縣故城今馬邑縣屬大同府

綱目釋地補註 卷六

九

唐趙德鈞降契丹契丹不受同上

柳林在太原府太原縣東南三十里

契丹以晉主南下至契丹同上

高河壁在潞安府屯留縣東南即絳河也榆關一名

臨渝關即今山海關在永平府撫寧縣東百里遼東

廣寧前屯衛西七十里

第五十七卷

吳越王元瓘殺其弟元珣天福二年

銅官山在池州府銅陵縣南十里即銅官山之廟

也

晉楊光遠敗魏兵至伏誅同上

六明鎮在大名府滑縣東北胡良渡口滑縣雍正初改屬衛輝府

吳徐誥殺其主之弟歷陽公蒙同上

德勝節度按五代吳世家無德勝字止云節度周本

時本鎮廬州考職方廬州屬吳周世宗取之置保信

軍亦無置德勝節度事蓋傳刻之譌

吳徐誥稱帝至讓皇同上

天泉閣在江寧府城故建康宮

閩王曦弑其主昶而自立稱藩于晉天福四年

綱目釋地補註卷六

十

北關即今福州府北門一名嚴勝門梧桐嶺在福州

府北二十里

閩王曦遣兵至却之天福五年

南鎮皆在福州府古田縣西百四十里

唐主如江都同上

泰州今屬揚州府

晉山南東道節度使安從進舉兵反天福六年

花山在南陽府唐縣南

晉主還東京天福八年

東京今開封府

晉主自將次澶州至契丹重貴開運元年

秀容縣故城今太原府忻州治

契丹度河至敗走同上

馬家口在東平州詳見梁主瑱龍德三年馬家口亦

曰麻家渡在濮州詳見梁主瑱貞明四年

殷遣兵討宋文進唐遣兵攻殷同上

蓋竹在建寧府建陽縣南二十五里

契丹至相州至追之開運二年

胡良渡在衛輝府滑縣東北古大河渡口也

閩人及唐人戰閩人敗績同上

綱目釋地補註卷六

士

赤嶺在建寧府崇安縣南

契丹還軍南下至大梁同上

陽城在保定府完縣東南五十里白團衛村在完縣

東南

馮暉擊破党項入靈州開運三年

旱海在寧夏府靈州東南宋張洎曰自威州抵靈州

有旱海七百里斥鹵枯澤無谿澗川谷按威州今慶

陽府環縣西山在靈州南耀德鎮

晉遣杜威將兵伐契丹同上

關謂三關瓦橋關在保定府雄縣高陽關在保定府



安州高陽縣益津關在順天府霸州三關控扼幽薊  
戍守特重瀛莫二州在三關以南

契丹大舉入寇至延廣同上

順國節度晉天福八年改成德軍曰順國軍今真定  
府安國節度五代梁置保義軍貞明中爲晉王存勗  
所取改曰安國軍今順德府

第五十八卷

契丹德光入大梁至自殺漢高祖天福十二年

封邱門開封府汴故宮裏城北面三門西曰封邱門  
明德門汴故宮城門凡六南面三門中曰乾元門朱

綱目釋地補註 卷六

圭

梁曰建國門晉改曰明德門赤岡在開封府東北十  
二里

契丹封晉主至龍府同上

封禪寺在開封府城東

契丹分遣晉降卒還營同上

恒朔恒州漢平城地北魏孝文帝徙都洛陽改曰恒  
州唐武德六年亦置北恒州今大同府朔州今屬大

同府

故晉主重貴發大梁同上

中渡橋在真定府城東南五里跨漳沱河上

晉劉知遠稱帝於晉陽同上

保義節度唐昭宣帝置梁改曰鎮國後唐復曰保義  
軍治陝州

晉主知遠至而還同上

壽陽晉縣在大原東百六十里承天宮近太原府東  
鄙土門路西出之冲也詳見昭宗光化二年

羣盜陷宋毫密州同上

中渡橋在鳳陽府宿州北二十里跨汴水上爲徐州府  
南界

吳越復遣兵至福州同上

綱目釋地補註 卷六

圭

白蛾浦在福州府城南即白龍江別名

晉以武行德爲河陽節度使同上

河陰縣今屬開封府鄭州

楚文昭王希範卒弟希贇同上

武平節度即武貞節度唐乾寧五年置光化三年改

曰武平治澧州今屬岳州府  
漢遣將軍王景崇等經畧關中漢高祖乾祐元年

晉昌節度石晉改京兆曰晉昌軍今西安府

河決魚池隱帝乾祐元年

魚池見糾謬

漢趙暉圍王景崇至不克 同上

竹林在鳳翔府寶雞縣西南七里摸壁塞旁

漢以靜州隸定難軍乾祐二年

靜州即靜邊軍唐置以處党項拓跋諸部至德後廢

五代時改置靜州故城在延安府葭州米脂縣西定

難軍治夏州詳見唐昭宗大順元年

契丹遷故晉王重貴于建州同上

建州契丹所置在大寧廢衛東南四百里

漢以郭榮為貴州刺史乾祐三年

貴州今澇州府貴縣

馬希萼以羣蠻攻潭州同上

梅山在寶慶府新化縣南五里梅山洞蠻有蘇姓者

最強梗益陽秦縣故城在今益陽縣東八十里今屬

長沙府

漢主承祐殺其樞密至承祐 同上

赤岡在開封府東北詳見高祖天福十二年七里店

在開封府城北二十里京化門開封府故汴宮裏城

門凡十北面三門東曰安遠門本名酸棗門晉天福

三年改曰京化門趙村在開封府城南六里迎春門

故汴宮東面三門北曰望春本名曹門晉天福三年

改曰迎春門

朗州兵至潭州至拒之 同上

岳州岳當作潭以事在長沙也

馬希萼陷潭州至自立 同上

巴溪在長沙府城北或云即麻溪劉陽門見糾謬

契丹燕王述軋至伐之 周太祖廣順元年

新州唐末增置今直隸保安州

第五十九卷

武平留後劉言至湖南 廣順二年

武平節度治朗州今常德府

周寧州殺牛族反廣順三年

包山在慶陽府北

周浚胡盧河至檢使 世宗顯德二年

李晏即靜安軍故城在真定府深州東南五十里

周拔蜀黃牛寨至伏誅 同上

黃牛寨一名黃牛堡在漢中府鳳縣西北百五十里

周王景敗蜀師取秦階成州同上

馬嶺寨在漢中府鳳縣西亦曰馬頭關白澗鎮在鳳

縣東北黃花縣唐武德四年分梁泉縣置黃花縣故

城在鳳縣北六十里唐僉鎮在鳳縣北三十里青泥

嶺在漢中府寧羗州畧陽縣西北百五十里接鞏昌府徽州界鄆州今安陸府劍門白帝一爲蜀之北門一爲蜀之東門

周王景克蜀鳳州至死之顯德三年

固鎮在漢中府鳳縣西百二十里當畧陽縣青泥嶺之東北按城固鎮築城于固鎮以絕蜀之援兵也不可因漢中有城固縣而混之

唐遣兵拒周師至敗之同上

浮梁在正陽淮水上正陽鎮在鳳陽府壽州西六十里淮水流岢壽二州之間夾淮有東西正陽鎮

綱目釋地補註卷六

夫

周主自將伐唐攻濠泗州顯德四年

羊馬城一名三牛城在鳳陽府城東二十里漢水在鳳陽府宿州西南十五里

唐濠州降周至泰州同上

楚州今淮安府天長縣屬鳳陽府泗州

蜀貶章九齡爲維州參軍顯德五年

維州今城都府威州

北漢攻周隰州不克同上

隰州今屬平陽府建雄節度五代梁置定昌軍節度

後唐改曰建雄軍治平陽府

周主自將伐契丹至乃還顯德六年

安陽水即拒馬河一名安陽河在順天固安縣西南二十里

唐泉州遣使入貢于周不受同上

清源節度南唐置治泉州府

唐以洪州爲南都同上

洪州今南昌府

受業塔同里徐載校字時敏覆校

通鑑綱目釋地補註卷之六終

綱目釋地補註卷六

六

後序

原夫則壤攸分豈止重關設險職方是掌不啻列國采風況會盟征伐之必詳尤形勢幅員之難索史傳地志疊蹟繁敘述輿圖永言未足此吾叔彌伽居士斯編之爲譔也居士家居長水系其南軒响富小酉之藏名重大江以北維桑與梓處處山樓白舟而車時時命駕蓋以通鑑至溫公而始備綱目得朱子爲大成時異勢殊其間崎稱不少畫疆分界此外割屬良多若使僅等拾遺鮮爲核實將前人分註何由悉出無訛正史特書安得壹歸盡善此則考訂之難緩抑亦閱歷所宜深矣

後序

於是側帽鳴鞭征途窮乎寥廓捫參涉井勝攬極夫邊隅吟遍百二名區敢辭遠道酌罷十千美酒暫寓他鄉累朝之沿革不同細析毫芒于無間各郡之簡編具在遐搜穹壤而靡遺某日至湘東某日至隴西索故墟于牧豎何處爲溫水何處爲寒谷微舊址于村氓是用筆運珠璣腹施繩墨視胡寧海註而斟酌敢曰彈射先賢較顧宛溪紀而經營更在網羅近事夫史家刊誤不一其書糾繆始劉氏弟兄至吳鎮而最夥補註本章懷太子于松之爲獨傳然皆奉勅撰書望一漏十未有春秋而後炎宋以前貫串兩漢三唐洞燭六朝五代竊據晨

昏之靡定提封甲乙之難稽悉能考古證今破疑存信詮次締當証据分明俾閱者目朗心開惟憂卷盡聞者手舞足蹈爭快編成綱鑑功臣洵在此也雲錦曾從書局竊愧史才思仁傑之補遺有志未逮仿應辰之辨證自笑無能得覩紀載之足憑不覺欣喜之頓集何必蹊宰相嚼柳燦析微之偶遇一時勿謂老布衣並裴駰集解之特昭千古流傳可必珍賞有同謬辱知音敢辭弁簡平湖鐵珊姪雲錦謹識

後序

二



通鑑綱目釋地糾繆六卷補註六卷

浙江巡撫  
採進本

國朝張庚撰庚字浦山秀水人是書以通鑑綱目集覽質實謬誤不少惟胡三省通鑑註頗屬精當可以正二書之謬又校以顧祖禹讀史方輿紀要及輿圖等書爲糾繆以正其失又爲補註以拾其遺用力頗爲勤摯然集覽質實之荒陋本不足與辨今旣與之辨矣則宜原原本本詳引諸書使沿革分合言言有據庶幾以有證之文破無根之論而所糾所補乃皆不著出典則終不能關其口也

帝王紀年纂要一卷

〔元〕察罕撰 〔明〕黃諫訂

首都圖書館藏明嘉靖吳郡袁氏嘉趣堂刻

金聲玉振集本

附《四庫全書總目·帝王紀年

纂要一卷》提要

帝王紀年纂要 金聲玉振集

（皇覽）

史莫信于書春秋莫博於遷史記後之稽古者  
舍此何以哉然孔子斷自唐虞信而足徵司馬  
乃上逮黃帝以來又遠詳其世次先儒固嘗疑  
之至於諸家編紀沿襲舛訛莫相統一皆好博  
之流弊也後惟康節經世書以歷紀之始明白  
可信然好奇惑異猶不能據依著述紛然平章  
白雲翁以政事餘暇取諸家紀載而集正之一  
以經世書爲準名曰歷代帝王紀年纂要亦上  
及羲農者備博覽而已於戲白雲之所去取哉  
白雲信道篤學博觀約取於天下之務莫不盡  
然不獨是書也是書既經一覽復徵余序夫康  
節所以可信者以其信孔子也白雲所可信者  
以其信康節也然則可信者莫若孔子信孔子  
者莫若康節信康節者莫若白雲信白雲者端  
在此編矣

皇慶元年暢月朔庚子程鉅夫序

印部

帝王紀年序

袁氏

帝王紀年纂要

予家西陲幼時聞老於從戎者道使西域時出玉關數千里其地廣漠皆平沙一望無有涯際又無山阜林木城郭民居墩堠為之表識惟信馬徐行晝則視日之出入為東西夜則望北斗而西走暨抵其國則所行不少差比來東師會東南之士語及泛舟海中亦與是若吁使沙漠烟海之中苟不仰望日月星辰則趨向無方不惟迂其道里勞其心力而又未始不以終莫能至為怖也暑夏 朝回日長無事因閱舊書得

本朝紀年序

先子壽栢翁所藏歷代纂要乃元平章白雲翁察罕所編蓋取皇極經世書為準一開卷而古今成敗國家興衰運祚長短皆瞭然可見真若茫茫萬里沙漠烟海中而獲舉目於日月星辰以得指歸也嗚呼自書春秋諸史以來簡籍浩繁雖易紀傳為編年其間數千年之事欲自首至尾觀之信有若司馬公所謂讀未半卷即已倦睡也然史學不可不知奈以稟賦所拘有朝讀暮忘者是編則摭群籍之要撮萬事之統損繁就簡約編年而為之蓋免搜索之勞使人不

怖其煩因年以求運祚脩短則古今國家成敗興衰具見於此遂為訂正改延祐戊午為至洪武戊申凡若干年以便考閱宗友用和見而喜之請錄諸梓以傳既不容拒併序諸篇首以畀之予聞先輩謂觀史有要然則是編其亦觀史之要乎能熟觀此以知其大要則如日月星辰之在人目睫故雖雲海沙漠之渺無涯際亦自得之矣又奚以怖

景泰六年秋七月望後二日

賜進士及第翰林編修金城黃諫書

本朝紀年序



帝王紀年纂要



太皞伏羲氏風姓代燧人氏繼天而王以木德  
王天下都陳有龍瑞以龍紀官始畫八卦造書  
契以代結繩之政制婚姻禮在位一百十年

炎帝神農氏姜姓以火德王都魯曲阜以火名  
官嘗百草為藥造耒耜教民稼穡日中為市貨  
易有無在位一百四十年

黃帝有熊氏姓公孫名軒轅以土德王都涿鹿  
有雲瑞以雲名官命大撓迎日推測作六十甲  
子命容成造曆隸首作算數伶倫造律呂區車

木帝紀年

古星氣容成兼而總之命蒼頡制字作史用風  
后力牧太山稽為相畫野分州始制衣裳作舟  
車立棟宇以利萬民作張矢以威天下在位一  
百一十年

上合伏羲神農為三皇其  
後五帝三七皆其裔也

少昊金天氏已姓名摯黃帝子以金德王都曲  
阜有鳳鳥至以鳥名官在位八十四年

顓頊高陽氏姬姓黃帝孫以火德王都商丘以  
民事命官北至幽陵南暨交趾西至流沙東極  
蟠木動靜之物小大之神莫不砥屬在位七十

八年

帝嚳高辛氏姬姓黃帝曾孫以木德王都亳執  
中而偏天下日月所照風雨所至莫不從化在  
位七十五年

司馬遷曰余讀史記黃帝以來皆有年數  
其歷譜錄終始五德之傳古文或重其辭  
夫一書其論次其年月豈虛哉至堯夫經  
世今因之自堯以後紀其甲子於其年號  
而上下至義始始仍舊史志以備觀覽  
云

木帝紀年

堯陶唐氏帝嚳之子姓伊祁初封唐侯甲辰即  
帝位都平陽以火德王建寅為歲首在位七十  
載徵舜登庸又二年薦舜于天使攝位又二十  
八年乃殂落起甲辰盡癸未凡一百一十年自甲辰  
至

大明洪武元年戊申共三千七百二十六年計  
六十三甲子

舜有虞氏顓頊五世孫姚姓都蒲坂以土德王  
在位三十三年薦禹于天使代已位又一十七  
年陟方乃死起甲申盡癸酉凡五十年自甲申  
至

洪武元年戊申三千六百二十六年

夏禹如姓黃帝玄孫鯀之子都安邑徙居陽翟以金德王至相徙都商丘有窮氏羿殺相篡位其臣寒浞殺羿自立夏統中絕凡四十年少康中興復禹舊蹟至桀為湯所代走鳴條以死起禹甲戌盡桀甲午一十七王并并浞凡四百四十一一年自田戌至

洪武元年戊申三千五百七十六年

禹甲戌十年

啓甲戌九年

太康甲戌九年

仲康甲戌三年

相甲戌七年

羿甲戌相篡位

浞甲戌十年

羿甲戌四年

少康甲戌王年

太康甲戌年

三十

杼甲戌十七年

槐甲戌十六年

芒甲戌十八年

泄甲戌十六年

不降甲戌年

扁甲戌二十一年

厘甲戌二十一年

孔甲戌年

皐甲戌十一年

發甲戌十九年

桀甲戌年

商湯子姓名履契十二代孫都毫以水德王改正建丑自湯至盤庚五遷其都復居于亳改號曰殷紂為周武王所滅起湯乙未盡紂戊寅凡六百四十四年

史記成湯之下有外丙仲壬而世書止書湯崩太甲踐位史記家言外丙仲壬未嘗即位而卒之說合今從之

合今從之

自乙未起至

洪武元年戊申三千一百三十五年

成湯甲戌三年

太甲甲戌三年

沃丁甲戌年

太庚甲戌二年

少甲甲戌三年

雍己甲戌十四年

太戊甲戌年

仲丁甲戌三年

外丙甲戌十五年

河甲甲戌九年

祖乙甲戌九年

祖辛甲戌十六年

沃甲甲戌五年

祖丁甲戌三年

南庚甲戌五年

陽甲甲戌七年

盤庚甲戌年

小辛甲戌年

小乙甲戌年

武丁甲戌年

祖庚甲戌七年

祖甲甲戌年

廩辛甲戌六年

庚丁甲戌年

太康甲戌年

四

武乙甲戌四年

太丁甲戌三年

帝乙甲戌年

紂甲戌三十二年

周武王姬姓名發后稷十五代孫文王之子以木德王改正建子都鎬平王東遷都洛至赧王為秦昭襄王所滅起武王己卯盡赧王乙巳三十七王凡八百六十七年自己卯至

洪武元年戊申二千四百九十一年

武王甲戌七年

成王甲戌年

康王甲戌年

昭王甲戌年

穆王甲戌年

共王甲戌年

懿王甲戌年

孝王甲戌年

夷王甲戌年

懿王甲戌年

孝王甲戌年

夷王甲戌年

厲王 <small>癸丑年</small>	宣王 <small>癸卯年</small>	幽王 <small>癸丑年</small>
平王 <small>辛丑年</small>	桓王 <small>壬午年</small>	莊王 <small>己丑年</small>
釐王 <small>壬午年</small>	惠王 <small>己丑年</small>	襄王 <small>壬午年</small>
頃王 <small>癸卯年</small>	匡王 <small>己丑年</small>	定王 <small>己丑年</small>
簡王 <small>丙午年</small>	靈王 <small>壬午年</small>	景王 <small>丁丑年</small>
悼王 <small>辛丑年</small>	敬王 <small>壬午年</small>	元王 <small>丙午年</small>
哀王 <small>壬午年</small>	哀王 <small>壬午年</small>	思王 <small>壬午年</small>
考王 <small>壬午年</small>	威王 <small>壬午年</small>	安王 <small>壬午年</small>
烈王 <small>壬午年</small>	顯王 <small>壬午年</small>	慎王 <small>壬午年</small>
赧王 <small>壬午年</small>		

孔子生於靈王庚戌殂於敬王壬戌壽七十三歲自庚戌至

洪武元年戊申一千九百二十年

秦始皇帝姓嬴名政顓頊之裔自乙巳周二秦齊楚燕趙韓魏七國爭雄正統不續凡三十四年至始皇滅六國庚辰始稱皇帝都咸陽以水德王改正建亥至二世兄子嬰為項羽所滅起始皇庚辰盡二世甲午二主凡十五年自庚辰至

洪武元年戊申一千五百九十年

始皇  
癸丑年

二世  
壬午年

西漢高祖姓劉名邦乙未入關滅秦戊戌滅項羽己亥即位都長安以火德王至武帝辛丑始立年號曰建元丁丑改正建寅平帝崩王莽立孺子嬰踐祚居攝戊辰廢嬰篡位改國號曰新室癸未三輔起兵殺莽立劉玄乙未劉玄為劉盆子所殺光武中興是為東漢起高祖乙未盡劉玄甲申十二主并孺子王莽玄凡二百三十年自乙未至

洪武元年戊申一千五百六十五年

高祖 <small>紀十年</small>	惠帝 <small>紀七年</small>	呂后 <small>紀八年</small>
文帝 <small>紀三年</small>	景帝 <small>紀六年</small>	
武帝 <small>紀五年</small>	元帝 <small>紀六年</small>	成帝 <small>紀六年</small>
昭帝 <small>紀三年</small>	宣帝 <small>紀三年</small>	元帝 <small>紀六年</small>
元帝 <small>紀六年</small>	成帝 <small>紀六年</small>	哀帝 <small>紀六年</small>

史 6-108

哀帝 卯六年 建平四 元壽二

平帝 酉五年 元始 孺子 卯二年 始建國五

新莽 辰五年 天鳳六 地皇三

劉玄 癸二年 更始

東漢世祖光武名秀高祖九世孫長沙定王發之後都洛陽至獻帝為曹丕所篡起光武乙酉盡獻帝己亥凡十二主一百九十五年兩漢通四百二十五年自乙酉至

洪武元年戊申一千三百四十五年

光武 酉五年 中元二

本帝主紀年 七

明帝 戊六年 永平

章帝 丙十三年 建初八 元和三

和帝 丑十七年 永元十六 殤帝 丙一年 延平

安帝 丁十九年 永初七 元初六 末寧一

順帝 丙十九年 永建六 陽嘉四 永和六

冲帝 酉一年 永嘉 質帝 丙一年 本

桓帝 丁二十三年 建和二三 永壽三一 元嘉二

靈帝 戊三十三年 建寧四 熹平六 光和六

中平已巳改元熹又改昭寧獻帝立又改永漢

獻帝 庚三十年 初下四 興平二 建安二十四

魏文帝姓曹名丕操之子篡漢都鄴至元帝為

司馬炎所篡起文帝庚子盡元帝甲申五主凡

四十五年

司馬溫公通鑑以魏為正統者以漢魏晉授受之年相接便於紀載耳此書專於紀年始統之若朱子綱目以蜀為正統者所以正高世之大義也

自庚子至

洪武元年戊申一千一百五十年

文帝 庚七年 黃初 明帝 丁十三年 景龍四

齊王 庚古年 正始九 高貴鄉公 戊六年 甘露四

本帝主紀年 八

陳留王 庚五年 景元四 咸熙一

蜀漢先主姓劉名備漢景帝子中山靖王勝之後都益起先主辛丑初二年黃盡後主癸未魏元

初為魏所滅凡二主四十四年自辛丑至

洪武元年戊申一千一百四十九年

先主 丑二年 章武

後主 卯四年 建興十五 炎興二十

吳太祖姓孫名權堅之子都武昌徙建康起太

祖壬寅初三年黃盡烏程侯庚子晉太康為晉所

滅凡四主五十九年自壬寅至

洪武元年戊申一千一百四十八年

太祖  
建武三年  
赤白三  
黃龍三  
嘉禾六

廢帝  
建武六年  
太平二  
五鳳二

景帝  
建武六年  
永安

烏程侯  
甲申二十七年  
元興三  
建武三

鳳凰三  
天聖一  
天紀四

西晉武帝姓司馬名炎懿之孫篡魏都于鄴主

愍帝為前趙劉聰所弑元帝南渡是為東晉起

武帝乙酉盡愍帝丙子凡四十五十二年自乙

酉至

不帝主紀年

洪武元年戊申一千一百五十年

武帝  
配三  
泰始十  
咸寧五  
太康十

惠帝  
咸寧十七年  
永熙一  
永寧一  
太安一

永興二  
又改建武

懷帝  
丁卯六年  
永嘉  
愍帝  
四年建興

東晉元帝名睿懿之曾孫琅邪恭王覲之子都

建康至恭帝為劉裕所篡起元帝丁丑盡恭帝

乙未凡十一主一百三年兩晉通一百五十五

年自丁丑至

洪武元年戊申一千五十三三年

元帝  
丁卯六年  
建武二  
太興四  
明帝  
三年太寧

成帝  
咸寧十七年  
咸和九  
康帝  
三年建元二

穆帝  
乙卯十七年  
永和五  
哀帝  
四年隆安三

廢帝  
乙卯五年  
太和  
簡文帝  
二年咸安

孝文帝  
配三  
建武三  
安帝  
丁卯二年隆安五

元興三  
義熙十四

宋高祖武帝姓劉名裕篡東晉都建康至順帝

為蕭道成所篡起武帝庚申盡順帝戊午凡八

主五十九年自庚申至

洪武元年戊申九百五十年

不帝主紀年

武帝  
興三年  
永和  
少帝  
一年景平

文帝  
甲子三年  
元嘉  
世祖  
十年孝建三

廢帝  
乙卯一年  
景和  
明帝  
乙卯八年太始七

蒼梧王  
琰四年  
元徽  
順帝  
丁卯三年昇明

齊高祖姓蕭名道成篡宋都建康至和帝為蕭

衍所篡起高祖己未盡和帝辛巳凡七主二十

三年自己未至

洪武元年戊申八百九十一年

高帝  
紀四年建元  
世祖  
癸丑三年永明

鬱林王  
琨隆昌  
海陵王  
成甲延興

明帝 戊午五年 <small>建武四 年秦二</small>	東昏侯 卯二年 <small>元</small>	梁武帝 姓蕭名衍 篡齊都建康 至敬帝為霸先 所篡起武帝壬午 盡敬帝丙子凡四 主五十五年自壬 午至	洪武元年 戊申八百六十八 年	武帝 壬申四年 <small>天監六 年晉通七 中大通二 中大通六</small>	簡文帝 壬申二年 <small>大寶二 年齊末帝 景統帝立</small>	元帝 申三年 <small>承聖 敬帝二年 紹泰一</small>	後梁宣帝 姓蕭名譽 武帝孫都江陵 起宣帝乙未 <small>不帝主紀年</small>	亥 <small>秦之紹 泰元年</small> 盡梁琮丁未 <small>陳之精 明元年</small> 凡三主三十三 年併于陳自乙亥 至	洪武元年 戊申八百一十五 年	宣帝 乙七年 <small>大定</small>	明帝 壬子四年 <small>天保</small>	梁公琰 丙二年 <small>廣運</small>	陳武帝 姓陳名霸 先篡梁都建康 起武帝丁丑 盡後主己酉凡五 主三十三年隋滅 之自丁丑至	洪武元年 戊申八百一十三 年	武帝 丁三年 <small>永定</small>	文帝 庚七年 <small>天嘉六 年陳一</small>
--	--------------------------------	---	----------------------	---	---	---	---	--	----------------------	--------------------------------	---------------------------------	---------------------------------	---	----------------------	--------------------------------	---

東魏孝靜帝 名善見 孝文帝孫都鄴 起甲寅 <small>之梁</small>	孝武帝 壬子三年 <small>永熙</small>	節閔帝 亥一年 <small>普嘉</small>	莊帝 申二年 <small>永安</small>	孝明帝 申十三年 <small>孝昌三</small>	宣武帝 辰十六年 <small>景明四 永平四</small>	孝文帝 亥二十九年 <small>太和五 太和二十</small>	獻文帝 丙五年 <small>天安一 皇興四</small>	文成帝 壬十四年 <small>興安二 天安二</small>	太武帝 甲子二十二年 <small>始光四 太延五</small>	明元帝 酉十五年 <small>太興五 常八</small>	太祖 丙二十三年 <small>登國十 天興六 皇始二 神瑞五</small>	洪武元年 戊申九百八十四 年	三主一百四十九 年自丙戌至	祖丙戌 <small>東晉秦元 十一年</small> 盡孝武甲寅 <small>梁中大凡十 通六年</small>	之立寶炬 歡立善見于鄴 遂分為東西魏 起太祖	遷都洛陽 孝武圖高歡不 克奔長安宇文 泰弒	魏太祖拓拔氏 名珪都平城至 孝文帝改姓元	後主 卯七年 <small>至德四 積明三</small>	臨海王 丁二年 <small>光大</small>	宣帝 甲十四年 <small>大</small>
--	----------------------------------	---------------------------------	--------------------------------	-----------------------------------	---	---	--	---	---	--	---	----------------------	------------------	---	---------------------------------	--------------------------------	----------------------------	---	---------------------------------	--------------------------------

中大通 六年 盡已巳 梁之太 清三年 一主 一十六年 為高 所篡自甲寅至	洪武元年戊申八百三十六年	孝靜帝 甲午年 興和四 元象一 武定七	北齊文宣帝姓高名洋歡之子纂東魏都鄴至 幼主為後周所滅起文宣帝庚午 梁之大 寶元 年 盡 幼 主 丁 酉 陳 之 大 凡 六 主 二 十 八 年 自 庚 午 至	洪武元年戊申八百二十年	文宣帝 庚午年 天保 廢帝 庚辰 乾明	昭帝 庚辰年 皇建	入帝主紀年 主	武成帝 辛巳年 太寧一 河清三	後主 乙酉年 天統五 武平六	幼主 丁酉年 承光	西魏文帝名寶炬孝文帝孫都長安至恭帝為 宇文覺所篡起文帝乙卯 梁之大 元 年 盡 恭 帝 丙 子 梁之太 平元 年 凡 三 主 二 十 二 年 自 乙 卯 至	洪武元年戊申八百三十五年	文帝 乙卯年 大統 廢帝 壬申年 大統	恭帝 丙申年	後周孝閔帝姓宇文名覺泰之子篡西魏都
--	--------------	---------------------------------	--	-------------	------------------------------------	-----------------	------------	--------------------------	-------------------------	-----------------	---	--------------	------------------------------------	-----------	-------------------

安至武帝滅北齊至靜帝為楊堅所篡起閔帝 丁丑 陳之太 建 凡 五 主 二 十 四 年 自 丁 丑 至	洪武元年戊申八百一十三年	孝閔帝 丁丑年 不建年號 明帝 丁巳年 武定二 成二	武帝 辛巳年 建德六 天和六	宣帝 乙巳年 大成 靜帝 乙巳年 大象	隋高祖姓楊名堅篡後周辛丑建元巳酉滅陳 混一南北以火德王都長安至恭帝為唐所滅 起高祖辛丑 陳之太 建 恭 帝 丁 丑 凡 三 主 三 十 七 年 自 辛 丑 至	入帝主紀年 主	十七年 庚戌 接陳統 至 自 辛 丑 至	洪武元年戊申七百八十九年	高祖 辛丑年 開皇二十 仁壽四	煬帝 乙巳年 大業 恭帝 丁巳年 義寧	唐高祖姓李名淵滅隋以上德王都長安至哀 帝為朱溫所篡起高祖戊寅盡哀帝丙寅二十 一主凡二百八十九年自戊寅至	洪武元年戊申七百五十二年	高祖 乙巳年 武德 太宗 丁巳年 貞觀	高宗 庚辰年 永徽六 顯慶五 龍朔三
---	--------------	--	-------------------------	------------------------------------	--	------------	---	--------------	--------------------------	------------------------------------	---	--------------	------------------------------------	--------------------------------



<p>王為後唐所滅起太祖丁卯盡均王壬午凡二主一十六年自丁卯至</p>	<p>梁太祖姓朱名溫唐僖宗賜名全忠都汴至均</p>	<p>哀宗 丁卯三年 乾祐四 天祐</p>	<p>昭宗 丁卯十五年 乾祐四 天祐</p>	<p>僖宗 丁卯十五年 乾祐四 天祐</p>	<p>宣宗 丁卯三年 大中 懿宗 丁卯十四年 咸通</p>	<p>文宗 丁卯四年 開成五 武宗 丁卯六年 會昌</p>	<p>穆宗 丁卯四年 長慶 敬宗 丁卯二年 寶曆</p>	<p>順宗 丁卯一年 永貞 憲宗 丁卯十五年 元和</p>	<p>德宗 丁卯二年 貞元 興元</p>	<p>代宗 丁卯七年 大曆 永泰 興元</p>	<p>肅宗 丁卯八年 至德 乾元 寶應 順天</p>	<p>玄宗 丁卯三年 開元 天寶 乾元 寶應 順天</p>	<p>肅宗 丁卯三年 景雲 開元 天寶 乾元 寶應 順天</p>	<p>中宗 丁卯五年 神龍 景龍 長安</p>	<p>武后 丁卯二年 光宅 永昌 天授 聖曆 久視 長安</p>	<p>儀鳳 丁卯三年 開元 永昌 天授 聖曆 久視 長安</p>
------------------------------------	---------------------------	-----------------------	------------------------	------------------------	-------------------------------	-------------------------------	------------------------------	-------------------------------	----------------------	-------------------------	----------------------------	-------------------------------	----------------------------------	-------------------------	----------------------------------	----------------------------------

<p>周太祖姓郭名威篡漢都汴至恭帝乙未凡三</p>	<p>高祖 丁卯二年 乾祐一 隱帝 丁卯二年 乾祐</p>	<p>洪武元年戊申四百二十三年</p>	<p>丁未至</p>	<p>所篡起高祖丁未盡隱帝庚戌凡二主四年自</p>	<p>漢高祖姓劉名知遠繼晉都汴至隱帝為郭威</p>	<p>高祖 丁卯七年 天福 出帝 丁卯四年 天福</p>	<p>洪武元年戊申四百三十四年</p>	<p>太宗所滅漢高祖繼之起高祖丙申盡出帝丙</p>	<p>午凡二主一十一年自丙申至</p>	<p>晉高祖姓石名敬瑄篡後唐都汴至出帝為遼</p>	<p>閔宗 丁卯一年 應順 廢帝 丁卯二年 清泰</p>	<p>洪武元年戊申四百四十四年</p>	<p>莊宗 丁卯三年 同光 明宗 丁卯八年 天福</p>	<p>後唐莊宗姓李名昺滅梁都洛陽至廢帝為石</p>	<p>敬瑄所篡起莊宗癸未盡廢帝乙未凡四主一</p>	<p>十三 年自癸未至</p>	<p>洪武元年戊申四百六十三</p>	<p>太祖 丁卯六年 開平 乾化二</p>	<p>均王 癸卯十年 乾化二 貞明二</p>	<p>洪武元年戊申四百六十三</p>
---------------------------	-------------------------------	---------------------	------------	---------------------------	---------------------------	------------------------------	---------------------	---------------------------	---------------------	---------------------------	------------------------------	---------------------	------------------------------	---------------------------	---------------------------	-----------------	--------------------	-----------------------	------------------------	--------------------

壬戌年自辛亥至

洪武元年戊申四百一十四年

太祖神宗四年 廣順 世宗統四年 順德

恭帝杞一年

宋太祖姓趙名匡胤繼周都汴以火德王起太

祖庚申蓋欽宗丙午為金所遷凡九主一百六

十七年高宗南渡是為南宋自庚申至

洪武元年戊申四百一十年

太祖神宗五年 建康 乾德五 萬曆八

太宗神宗五年 太平興國八 淳化五 至道三 端拱二

本朝主紀年

真宗咸平五年 咸平六 景德四 太平祥符九

仁宗天聖五年 天聖五 明道二 景祐四 寶元二

嘉祐一 治平八

英宗神宗中六年 熙寧十 元豐八

哲宗元祐五年 元祐五 紹聖四

徽宗崇寧五年 崇寧五 大觀四 宣和七

欽宗一年

遼初號契丹太祖姓耶律名阿保機後名僖信

遼水唐末稱天皇王丙子立國建元稱帝都上

京起太祖丙子明二年蓋天祚甲辰和六年凡

九王二百九年金滅之自丙子至

洪武元年戊申四百五十四年

太祖神宗十年 神宗五 天祚六 太宗好五年 天顯十

世宗統三年 天祚 穆宗統十七年 應曆

景宗統十五年 保寧六 乾亨九

聖宗統五年 統和十 開泰九

興宗統三年 景福一 重熙二十二

道宗統五年 清寧一 壽昌八 大安二

天祚統三年 乾統十 天祚十

金太祖姓完顏名阿骨打後名吳戌戌立國建

本朝主紀年

元都上京太宗二年甲辰滅遼四年丙午入汴

遷宋徽欽二帝至世宗都燕起太祖戊戌重和

純盡哀帝甲午平宋之端凡九主一百一十七年

自戌戌至

洪武元年戊申二百五十三

太祖統五年 天祚 太宗統三年 天會

熙宗統四年 天會三 天泰二

海陵王統三年 天會四 貞元三

世宗統九年 大定 大安五

章宗統九年 明昌六 承安五

元濟四年		秦安
宣宗三年		至寧一即改貞祐 貞祐二 興定六
哀帝配十年		正大七 天興三
宋高宗名構徽宗第九子南渡都杭起高宗丁未盡幼主丙子凡七主一百五十年通前宋三百一十七年自丁未至		
洪武元年戊申二百四十三年		
高宗初三年		建炎四 紹興三十二
孝宗初三年		隆興二 乾道九
光宗初五年		紹熙二
寧宗配三年		慶元六 嘉泰四 開禧三
理宗初四年		嘉慶三 紹定六 端平三 寶祐六
度宗初十年		咸淳
幼主初二年		德祐
元太祖肇基朔方丙寅諸王百官大會于元難河之原共上號曰成吉思皇帝時宋開禧二年也甲午太宗滅金於蔡庚申世祖即位至元十三年丙子始接正統宋亡起太祖丙寅盡順帝丁未凡十二主至世祖丙子承統至		

大明洪武元年戊申通九十三年		
太祖初二十八年		
太宗初十一年		
定宗初一年		
太宗后		攝國六年丙午至庚戌
憲宗初九年		
世祖初三十五年		中統四年 至元三十一
成宗初十三年		元貞二年 至大
武宗初四年		皇慶二 延祐七
仁宗初九年		
英宗初三年		至治
晉王初五年		泰定四 致和
文宗初五年		天曆二 至順二
順宗初三十五年		元統二 至正二十七
帝王紀年纂要終		

帝王紀年纂要一卷

戶部尚書王際華家藏本

元察罕撰明黃諫補察罕官至平章事事迹具元史本傳諫有從古正文已著錄其書本皇極經世爲準自太皞以下諸帝王各載其在位年數而畧述興廢大旨於每代之前察罕成此書在皇慶元年嘗奏進於朝程鉅夫爲之序至明景泰中諫復爲續輯改原本每代下至延祐戊午若干年爲下至洪武戊申若干年并補入元代諸帝紀年然簡畧太甚不足以資考訂也

# 皇明本紀不分卷

不著撰者

北京大學圖書館藏明鈔本

附《四庫全書總目·明本紀一》  
卷《提要》

皇明本紀

大明太祖高皇帝，濛梁人也，姓朱氏，世爲農，號元璋，字國瑞。

母太后陳氏，夜夢一黃冠，自西北來，至舍南麥場中，麥糠

內取白藥一丸置

太后掌中。

太后視漸長，黃冠曰：好物食之。

太后應而吞之，覺謂

仁祖曰：口尚有香，明旦

帝生，生三日，腹脹幾殆。

仁祖夢抱之寺舍，欲捨之，抵寺，寺僧皆出，復抱歸家，見東

房簷下有僧坐，扳梵面壁，聞

仁祖至，回身顧曰：將來受記，於是夢中受記，天明病愈，自

後多生疾証。

仁祖益欲捨之。

上自始生，常有神光滿室，每一歲間，家內必數次夜驚，似

有火，急起視之，惟堂前供養之燈，他無火，及出幼。

太后必欲捨之。

仁祖未許，至十七歲，

上長兄王亦迦，惟仲兄王存。

上自以家計日窘，思昔父母，因疾曾許為僧，於是與仲兄謀允，托身皇覺寺。入寺方五十日，寺主以歲饑，罷僧飲食，時師且有室家，所用弗濟，乃西遊廬六光園，汝穎諸州。如此三載，復入皇覺寺，始知立志勲學，方四年。天下兵亂，過寺，寺焚僧散，將晚。

上歸，祝伽藍，以琰卜凶吉曰：「若容吾出境避難，則以陽報守舊，則以一陰一陽報。」祝訖，以琰投之于地，則琰雙陰之如此者三。復祝謂神曰：「出不許，入不許，神何報我？」無乃欲我從雄而後昌乎？則琰如前，祝既投，琰如前。神既許之，於心大驚。復祝曰：「甚恐從雄，願神復與吉兆，而往他方避難。」祝畢，以琰投於地，一陰覆一卓立。時神意必從雄而後已，因是固守所居。未旬日，友人以書自亂離中來，畧言從雄大意，覽畢，即焚之。又旬日，有人告傍有知書來者，意在覺其事。

上心知之，復三日，斯人果至，與語觀其辭色，未見相傷。禮待而歸，復幾旬日，又有來告先欲覺事者，今云不忍，欲令他方人來家加害，乞幽察以從容。

上深思之，以四境逼迫，訛言蜂起，乃決意從諸雄。時元至正十二年壬辰閏三月一日晨旦，抵濠城，守者不察。

縛而欲斬之，有人覺報於首雄，良久得免，收入部伍。幾月，授長九大首雄，滁陽王郭子興是也。既長九大，王常召與論，久之，言意相孚，王知。

上非可久屈，收為家人，親待同子弟，以。

孝慈皇后馬氏妻之。然滁陽王之為人，志氣雄暴，列諸雄之上，其雄有四，余魯孫潘，意雖同亂，及其處也異志。俞魯孫潘出於農，其性龔直，謀智和同，獨與王異。在亂初，防閑守禦，兵之進止，滁陽王本合與焉，而王少出外，而多居內，凡諸事務，四雄者每待王，父亦不能同謀。是後四人專主，王若在列與焉，不在則不與。三

五日相會一次，其會也，四雄瞠目視王，王自知禮虧，

深思不安，畧有報色。王居邑中，比四雄之志，頗為聰敏，議事間，四雄言有不當，王出言似有相犯，四雄含

忍姑容之。王父乃覺，謂

上曰：「諸人若是奈何？」

上曰：「不過會間而至是耳。」王曰：「然，明日出與會，止勤三日，後仍會簡，人事愈疎，彼此防疑，勢將極矣。遇徐州亂，雄敗，其殘雄趨濠梁，合勢共守，其殘雄勢本受制，不料俞孫潘郭，反屈節以事之，未旬月，來人各受制日，防疑之事，頃然釋去，後因彭趙偕稱王，號勢在魯淮。

趙稱名而已其滁陽王奉魯淮而輕趙未久俞魯孫潘聞侍趙威於市衛擒王時

上出淮北聞王被擒急趨審由將抵其舍友人扼道而止曰爾主被擒亦欲擒爾且勿歸

上曰再生之恩有難不入何丈夫之爲也即入見其家止存婦女而已諸子弟皆匿

上謂婦人曰舍人安在諸婦人亦有疑心佯言不知

上曰我家人也釋疑從我謀詢知舍人所在諸婦人乃實

告

上曰主君平日厚彭薄趙禍必趙機欲脫此難彭必可求

明旦以次夫人携二子往告彭君彭聞忿怒陡駭曰

孰敢若是遂呼左右點兵搜獲於是

上亦反舍去長服披堅執銳與諸人同圍孫宅緣舍上掀

椽揭瓦諸軍殺彼祖父母於晦室中得見滁陽王鉗

足繫項肌膚被番打而浮虛令人負歸脫去鉗鎖是

歲冬元將賈魯圍城明年癸巳春賈魯死夏五月元

兵解去時濠梁乏糧

上謁友人得鹽數引乃汎舟以鹽易於懷遠得糧數十石

以給王家六月歸鄉里收元義兵民人七百餘以獻

王王喜命爲鎮撫時彭趙二雄以力禦衆部下皆凌

辱人

上以其非道恐七百人有所累棄而不統讓他人統之唯

拔大將軍徐達等二十人有奇而南畧定遠

上中途染病而歸甚危殆半月乃醒瘥方三日滁陽王扶

筇過門嘖嘖有聲

上卧聞之問傍人曰王適扶筇而過聲意恨恠胡爲若是

傍人告之曰遠方有兵聲言欲降猶豫未決王知友

人在其中令人往說奈何家無可行者故恠恨耳

上雖卧病方瘥未滿旬日王乃越門而驚必將以我爲棄

人乎設不以我爲棄人方瘥何若是之警耶予嘗聞

之生我者父母活我者亦父母倘不善圖爲他雄所

有功將何建生亦何安於是扶病詣王寢室王曰汝

來何爲答曰聞地方有欲歸者未定何人我欲扶病

往視王曰汝病方瘥未可行

上知王意決行不辭王許之明日南行入定遠及至復病

三日而起未瘥速行又六十里抵大橋前病復作亦

三日而瘥即日又南行又五十里望見他壘勒兵布

陣

上所將者二騎九步步者見彼勒兵甚恐欲捨

上處歸



上謂九步曰：彼衆我寡，况彼馬步相參，我等至此，縱欲逃之，將焉歸？必隨我入彼營壘，再驗吉凶，言既，彼陣中遣二將來迎，舉手大呼：來者爲何？

上遣人答曰：我來爲公帥首言，彼歸壘而告帥首，云請來者下馬。

上乃下馬，然以久病趨艱辛，前途一渠，九步中一人欲代上越渠，平涼侯費聚是也。

上謂聚曰：諸人至此，生死不得自由，豈有代者耶？乃同往。

不踰時而至，帥首逆之曰：何爲而來？答曰：彼此無食，但吾主兵者郭氏與爾故交，知汝壘在是，亦知他敵

欲來相攻，恐汝無救，特遣吾報，肯相從之，否則移兵

避之。帥首既聽，應聲願降，請留信物，特賜香囊一枚，

以此爲記信。良久，帥首以牛脯來進，食畢，帥首告之

曰：請帥相從者歸，且待諸軍收拾路費而詣軍門。

上許之，即帥九步歸，中留費聚于彼，以候人情。後三日，費

聚清晨而至，告曰：事不諧矣，彼欲他往。

上借兵三日，帥詣所在，謂彼曰：彼爲他雄所凌，其寃未申，

譬亦未解，一旦從我北向，不能雪前日之耻，特助三

百人，與譬較勝負，不亦可乎？其帥首大悅，然而心

已自疑，進趨之間，刃器不離左右，已防閑矣。

上知其情狀，未易爲也，非智不得，猶豫間，里人過其前，乃平昔里中之力勇者。

上諭之曰：吾欲役爾，能乎？曰：能。乃授以方畧，佯以帥首來會，彼未來時，密勅三百人，若帥至，叢而視之，往則開而縱之。凡此者三，於叢人中縛之，令壯士五十人，密簇而行，攜離營所，去將八里，遣人報彼壘中，爾帥首往觀營地矣。眷屬當移營就之，即時焚營廢壘，竭營而行，於是收壯士三千人。七日後，帥此三千人，東破元將老張知院營，黎明襲入之。老張棄軍而遁，漢軍盡爲我有，精壯二萬，練未及旬，帥而南入滁陽，途中

遇太師歸國公李善長，詣軍門而謁，與語，知其胸懷必能成事，使掌案牘，時掌牘者已數人矣，特以善長督之。約曰：方今群雄並起，吾見群雄中持案牘者，及謀事者，多非左右善戰之人，不得盡其能，以至於敗。如鳥羽翼既去，未久雄亦亡矣。卿智人，與決大事，掌行文案，事無不濟。善長稽首再拜而謝曰：謹受命，遂入滁陽，未踰月，永義魯淮二王遣人促兵以駐盱眙。上知非人弗從，未幾，二王果自相吞併，善戰者多死于盱。魯淮亦亡，惟存永義而已。彼時滁陽王尚受制於盱，殆幾爲所吞，而卒幸免，爲。

上遣一介去說永義從滁陽王南行及至王閱諸軍獨上之兵衆隊伍嚴整旗幟鮮明甲兵潔利王乃大悅初王首倡義時兵八百人後

上亦以七百部下諸人共招誘者總不過萬餘

上之兵衆與王之兵並四方來者共前所得已三萬有奇踰兩月王爲讒所惑畧少疑焉掣近行掌文案者數人李郭等皆預先私相通謀者皆願從滁陽王久矣未久又欲以李善長置麾下善長弗從訴於

上涕泣弗行

上諭之曰主君之命若要吾首亦不自由汝安敢不行善

長終不棄去久之得弗再召幸父相從是後四方征

討總兵之權王不令

上與甲午冬十月元將脫脫圖六合被圍者請救來使乃

上之交也中夜而至門首

上聞交人至即起詣門所隔門與語其門

上所守之要道闔關之機非王命不敢擅開謂交人曰姑

少待吾告滁陽王開門而進

上往告滁陽王盡訴求救之情王與六合之雄舊有讐嫌

故聞求救喑鳴奮怒不發救兵來使亦與滁陽王少

舊雖盡訴其情王亦不允

上因與共說之盡言至日晏王怒少解仍令他將統兵以行諸將懼脫脫之威皆不敢帥師假託詞以攻白神神皆不許除此之外別無可帥軍者王乃召

上曰汝亦白神

上曰兵者古事昔聖人不得已則用之今六合受圍雖雖異處勢同一家今與元接戰逼迫甚急救則生不救則死六合既虧唇失齒寒若必命我總兵神可弗白於是決出師東之六合與脫脫戰微失利歸彼時海內稱雄者漸廣互相勝負不辨賢愚死者甚衆

上思之設使勝負不分互有得失如斯久之世無人矣每

聞輿有鬼神嘗云天高听卑是非鑒見於是故誠專

意致詞懇禱于

上帝曰時元至正歲在甲午天下大亂生民徬徨生離死

絕數非一人戰鬪之際主客不分未見偃兵息民之

期盛衰孰已特竭微誠懇切謹告願賜覆照以樂生

民果元運未終亂離垂息或亂離有人元富即覆然

某亦虞亂離中亂離無擾害生民亡自某始詞成命

黃冠設壇儀俯伏於

上帝前期三月而驗後三月

上兵愈昌時滁陽王名稱尚微意在據滁陽而稱王號與

上雖不明言就中覘視可否

上知其不可，蔡說滁陽一山城也，舟楫不通，商賈不集，非

古形勢，與雄所居，王乃默然。明年至正乙未春正月戊寅。

上率師取和州，初兵衆乏糧，議謀征所，向時

上數諫王，爲人所譖，初少被責辱，然

上終不以為意，必欲成事，不免數諫。王性聰明，其納言如流，及譏俄說轉若發機，果受責辱，因是致疾。嘗謀征之際，遣人召謀，因疾不赴，召至再三，終不能會，復遣人至，令定計以出三軍。

上許之，謀曰：「衆征民寨，得兵總二萬，其書曰：『廬州路義兵。』皆故衣布爲之，可作此三十枝勇者，衣青衣，腹背懸方，岳髻左社，佯爲役兵，復令萬人衣絳衣，繼其後，相去二十餘里，偵探騎，謹隊伍，嚴號令，南趨和陽，其城可下。王乃善其謀，如其策，兵行，其衣青衣者前，衣絳者後，青者度陡陽關，和陽守備者知報廬州路義兵至，耆宿以牛酒迎之，其前帥青衣者，異其道而飲食，帥絳衣者少謀急智，循正道而抵和陽，守帥出師以逆之，衣絳之士敗走，逐北二十里，時帥衣青者將抵和陽，和陽守帥獲勝，至暮而歸，遇衣青衣者，至城下。

際昏合戰，一鼓破之，平章帖木兒兵潰遁去。初，衣絳者敗歸，報滁陽王曰：「衣青衣者，人皆陷陣，滁陽王驚恐，責。」

上失機，又聞俄城南報元遣使來招，滁陽王驚恐益甚，召問若何。彼時兵出城虛，特將三門兵合，滁陽王至南門，密令獨簇於南街，然後令來者入。至滁陽王所，上令來者膝行以見王，代王諭之，及其諭也，王言非智，衆議欲殺來者。

上謂王曰：「兵出城虛，若殺來者，彼必知我虛而殺其使也。敵反卒至，若生縱歸，示以大言，彼必退巡，弗知我之。」

虛實，弗敢加我，王如其言，縱之。明旦有人來報，元兵遁去，王命

上特命往收敗軍，及總守和陽，遂迺奉之和陽所帥二千人，途中敗軍，聞

上親往，喜復從征者千人，南越陡陽關，令兵就息。衆曰：「一兵夜燃十炬，務在初昏，令罷兵息。」

上單騎帥驍勇者十人，暮抵和陽，及至，知青衣者已破城而守之，是夜入城，與諸將議守，未至之先，元兵日戰甚急，諸將皆欲收子女玉帛而歸，及至，人心乃定，然

上未至，公座署事靜思，方今北肩者衆，况人皆年長，語坐之間，進止之際，皆建議爲上，即今秉令行事，設使建議難爲，必名正言順方可，思細此輩，深無馳議之意，若依命而遵，又恐此輩或不同心，明日升座，密令左右，將州衙公座，尽行撤去，惟置木凳於正面，東西俱設凳，不下十條，且待明日，最後入衙，觀諸人情，况讓與不讓，悉皆知之，明日諸人，五鼓而至。

上黎明而到，惟存東北一位，當待以右爲上，此等雖右木不許，但存左末爲位，時

上就之曰：有公事諸人，若木偶人，凡公務一切事務。

上悉處之，每每如是，至公無私，久之，累少心服，時城未葺，上觀諸人心，未效勤苦，若身先，不能動彼，於是勅徐達先集故磚，以城爲十分，與諸人分繕，我得幾何，量分集磚，計磚將及，而乃與諸人議葺城之道，衆詣城上，各限以丈尺數目，以人規視，諸人皆無用功者，三日後，會諸人閱城，至城

上所分地位，徐達帥士卒，功將及完，諸人之功，土木並無分毫，間有善良，亦未盡力，於是

上作色，以交床置正面，出滁陽王所命之辭，置之於上，令左右諸人拜於前，諸人既見王命，拜而弗違。

上謂諸人曰：總兵非我擅專，乃王命也，諸人卑我，逆王命可乎？然我與諸人，約帥兵之道，非尋常，自今以後，敢有違令者，吾行總兵之道，初城中殺傷甚衆，存者甚少，縱有存者，夫婦不相認，一日暇，上馬臺前一小兒，能言語，不知人情。

上謂小兒曰：汝父安在？曰：與官人喂馬，汝母安在？曰：官人處，有與父姊妹相呼。

上知不可，明日會諸人，諭曰：兵自滁陽來，人皆隻身，並無妻小，今城破，凡有所得婦人女子，惟無夫未嫁者許之，有夫婦人不許，擅有，期明日，圍城婦女男子等，尽

會衙前，明旦依期而至。

上令婦女入衙，以男子列門外街兩傍，令婦女相繼而出，下令曰：果真夫婦，即便識認，非夫婦不得妄爲，令既婦女出，完聚者半矣，辛巳，元將以兵十萬來攻，和陽上惟以萬人守，連兵三月，元兵數敗而死，者多，逮夏元兵解去，和陽乏糧，時元亮堅太子及樞密副使絆住馬義兵，元帥陳也先等衆，分屯親塘、高望、青山及鷄籠山，梗塞道路。

上親帥師以討之，抵所在，克其羽翼，根本未下，明日清晨，因宵旁防慎，寢於山側，不寐，復起，有異風來觸。

上將謂和陽有兵先發數隊歸復寢未寐有蛇由右臂而

上旁曰蛇上身矣

上舉臂而視之乃是蛇類龍而無角

上意其必神也於是祝蛇入帽絳纓蛇循祝而入纓隱而弗動

上頂戴其蛇詣敵寨下設辭以勸寨主寨主請降乃得還師歸至和陽將三里有卒持矛亦歸問何往而歸對曰適來賊攻和陽幕官李善長督兵已敗之矣而又俘獲馬匹

上還居處聞善長已敗敵人喜氣增益一時忘蛇在首又之方悟取帽視之其蛇仍隱於絳纓特引觴酌之酌既乃食飯撤酒於是縱蛇入家神碑蛇乃由中升頂兩手按碑燭首四視儼若雕刻之狀良久升房脊折中罔知所之此神龍之報吉凶也未幾彼衆皆走渡江時淩梁舊雄俞魯孫潘亦乏糧其部下皆挈家就食於和陽四鄉其雄孫得崖者欲入城聲言客居數月

上恐此來有機意在止之奈彼衆我寡若阻其來倘有戰爭我必力不及且容入城明日軍入城彼時滁陽王信譏自滁陽起馬聞多取婦女強要三軍財物意欲

歸罪於

上左右譏者欲因是而致

上於死地不旬日間滁陽王果至將至之日

上諭諸官此來問罪恐晝不至若或夜至諸人直待我至門首親闢戶而迎其後果夜至守門者亦譏人在其中聞至彼不行報

上亦不候闢戶先開戶以迎至下所乃報入矣

上往視之滁陽怒久而不言其性剛烈其言終不能含忍於久而謂

上曰誰

上答曰某王曰其罪何處

上曰兒女之罪又何處耶家中之事緩急皆可理外事當速謀王曰爾言外事急何事曰曩與俞魯孫潘有隙長者受制某等搜索園彼舍宅踰牆升舍殺彼祖父母脫長者之患今譬人在斯彼衆我寡王此一來與譬人相見甚慮安危王弗信明日五鼓間孫德崖遣人謂

上曰彼翁至矣吾將他往

上大驚曰事不諧矣急報滁陽王以備之

上復與孫會謂孫曰何去之速耶曰彼翁不可相處者也

故行。

上觀孫之辭色，未見行凶，特謂兩兵合城，今一軍不起，恐

下人有不諧者，公當留後，令軍先行，諾其言，軍出矣。

忽有人邀送友人，特共往出門一里許。

上將辭歸，其初邀者弗舍去，又再囑速送，於是去城十有

五里而止之，後人來報城內兩軍相傷，小人多死。

上聞之，是見彼軍中事難防禦，急呼部下耿炳文、吳楨、

騎來，騎至。

上急策而長驅，左右軍大呼擒住，群騎追逐，初彼後而我

先，追弗及我，未踰刻，途逢來者，皆抽刀以隘道。

上倉皇間，緣身尋刃，無有，單騎挺身入彼叢中，皆舊友人

也，彼時人皆疑信未決，乃曰：彼城中陷，某等軍士甚

多，公豈無智謀乎？

上謂彼曰：初為送諸友人，所以速行，不期諸人在後，我反

在先，城中之闕，吾安能？諸人以手握馬銜，意在羈以

隨行。

上謂之曰：爾衆我寡，何如是之行耶？中一人曰：散而同行，

不妨。

上得脫馬銜，力策而驅之，又群馬追逐，彼時衣內被甲，雖

鎗甚多，皆無重傷，亦無甚損，畧有微傷，如麥粒大，皆

鎗透連環之甲而傷也，展轉支吾，十有二里，為群騎

所逼，因鎗墜馬，正急間，傍友人至，以馬橫於崖，呼來

同往。

上步奔至其所，騎於馬後，同乘載而行之，復至十五里外，

其德崖之弟，以鉄鎖繫

上，欲加害，友人張姓者，謂諸人曰：我等首帥孫德崖，見於

和陽，想被擒矣，若此時加害於朱，孫必不存，姑存之。

而吾往視焉，張姓入城，見滁陽王繫孫之項，共案而

飲，張歸，謂諸人曰：依衆所為，幾傷兩命，今各生存，事

不難矣，其諸人猶未捨恨，尚欲加害，張懇切固留，夜

與同寢，恐為他人所傷，並首護抱而終宵，明旦因人

晦窟中羈繫，又明日，復上路行間，徐達等奉滁陽王

命，以數人至。

上謂曰：汝來何為？曰：易尔，於是得歸，既歸，亦釋孫歸，彼時

滁陽王聞

上被擒，驚憂致疾，後終不復起，卒於和陽，未幾，穎汝倡亂

者，杜遵道、劉福通立寒林為君，都於毫，時群雄是其

門弟子，皆從之，寒林造言之苗裔也，時王方卒歸，葬

滁陽，未久，聞召，諭造言門弟子，孰先後之，創亂之功

孰魁，况孫德崖，以滁陽部將，意欲統滁陽之衆，其子

聞之。懼辨不能以文召。

上代辨。

上總兵戎於和陽。日與元戰。三軍與群官聞。

上有他往。不悅。時諸戰將謂張天祐曰。公當自察。果能率。

衆禦胡。則朱往。不然。則公往。言既。張自知率衆難事。

情願代往。時發兵及親率將和陽征西南民寨。節次。

削平。其時張自毫歸。齎亳州杜遵道文憑授滁陽王。

子為都元帥。張為右副。

上為左副。未久。和陽乏糧。謀欲渡江。李無舟濟。諸軍饑餒。

窘甚。特巢湖內操舟水雄。雙刀趙李扒頭者。嘗于廬。

州左君弼。其趙力不及。被害於巢湖。因無依倚。遣人。

來訴。欲以舟師歸我。訴者凡三至。後。

上親往。夏五月。值天大雨。連陰二旬不止。山川溢流。且降。

者皆船居。若非潦水盈溢。雖有船降。不能得達。和陽。

水道。時有元蠻子海牙。率居舟以扼其要。不得自由。

而出。因潦水盈溢。平昔非舡不可達之所。其降舡揚。

帆順趨。直抵和陽。比降舟未至。先說誘蠻子海牙却。

下。以舟南來。後果至。候隘要而擒。首目軍士一千八。

人。皆善操舡者。喻令教我軍士水戰。壬寅。

上率舟師抵裕溪。破蠻子海牙水寨。遂與諸將定渡江之。

計。是後六月一日。發舡達江。時方酉末。去軍後六十。

里。濃雲障天。轟雷掣電。不敢輕渡。其風雲雷雨。約五。

時整。止。於是方弗移。明日天將明。軍分兩道。右由西。

南。左由東北。俱會牛渚磯上。其時雷息。電隱。西風和。

暢。軍士歡。鼓舞。棹掉齊興。微風揚帆。

上與廖將軍首行。不踰時。抵江東北。未着崖之先。廖將軍。

曰。舟泊何所。

上謂曰。采石鎮江。陸入廣德。其牛渚磯。周際江洲。况備者。

寡。可先取其磯。舟抵岸。其備者持矛來應。

上令甲士應。彼不敢當。備磯者潰。備鎮者亦潰。遂下采石。

及沿江諸壘。尽破降之。時諸軍饑餒久矣。一見糧食。

孳畜。尽意欲取。意在盈舟而歸。

上視軍意。不過鬻財而已。此去再欲復渡。恐事難為。不能。

據有江東。因是以刃斷群舟之纜。推入急流。須臾舡。

漾而東下。諸軍恐之。有告。

上曰。如此若何。

上謂諸軍曰。前有州曰太平。子女玉帛。無所不有。若破此。

一州。從其所取。然後方放汝歸。令畢。諸軍皆食。食既。

師往太平城下。時元平章完者不花。守其城。我軍奮。

擊。良久。遂拔之。僉事張旭遁去。父老出城迎。



上諸軍已入城矣。思前號令，恣意擄掠。然斯軍愚不知也。當未渡江，及已渡江時，雖曾會子女玉帛，縱其所欲，不過獎軍行耳。彼時已與幕官李善長、馬成禁約，不許擄掠。榜文令吏責行，一城之民見軍擄掠倉皇無措，乃令前吏帖禁約榜文。諸軍觀榜之後，凜然無敢犯者。獨一軍故違禁止，再擄弗悛。於是斬首示衆。自斯之後，太平一郡，即日皆寧。不踰數日，元臣蠻子海牙率巨舟封采石，閉姑孰之口，絕我歸路。將及十日，義兵元帥陳也先率兵數萬來寇城下。

上按兵於城，觀彼施勇。時以窺彼計，逾二時，彼無奇謀。

上遣徐達、鄧愈、湯和出姑孰之東，轉戰城之北，不踰時，彼兵潰敗也。先被擒，故生之。其人姦詐多端，忽謂

上曰：生我何爲？

上謂曰：方今天下中原鼎沸，英雄並起，自爲聲教者，不知其數。爾旣豪英，豈不知生爾之故也？先曰：欲我軍降爾，曰：然，彼謂

上曰：軍之首目，皆骨肉親戚爲之。今欲來降，甚爲易哉。書行，明日來降。首目不至。甲子，克溧水。七月壬辰，以野先留太平，令部下會我大軍。命元帥張天佑者，合兵取建業。初，攻弗克，軍回，不踰月再征。其也先密謀於

部下，建業不可力攻，必聲攻城而弗戰，少待，得脫羈囚，仍與元合。

上知彼不誠意，縱軍妄掠，將以爲俘，因而斬之。恐驚諸雄，於是血牛馬，與彼立誓。誓後，寧可生縱以歸，彼旣歸矣，陰與元合。人云：方三日，野先忽數嘔血，乃背盟也。然密請元臣左納失里至營，佯言生擒耳，意在誘

上諸營。時上卜於黃山東嶽神，弗許。數卜於城隍，揭一籤，亦不許。九月戊戌，野先謀叛，誘殺郭元帥等數人。時三軍復攻建業，野先背盟棄誓。陰合元帥，敗我軍於淮之水，殺溺二萬餘。野先因追北，我軍爲義兵所殺。

身瘡千竅，當血牛馬時，其誓書乃野先自爲也。誓云：若背再生之恩，人神共怒。天所不容，野先之死。天鑒誓言，不一月而亡。立誓之道，非誠意正心，安可輕立也哉？時蠻子海牙以舟師泊于采石江，密迎姑孰，彼以兵揖之，利不特直造城下，於是命工造巨砲，以舟載之。至正丙申春二月，

上率諸軍親攻采石，自辰抵午，擊破之，俘獲人船以歸。其蠻子海牙率殘軍會福壽大夫高納麟大夫、阿魯平章共守建業。時采石軍譴姑孰無後顧之憂，復卜於神祠，神乃許行。三月一日，兵起，三日抵其營。野先姪

出戰不踰二刻。營壘皆破。野先姪陳七。以其軍降。明日。點視其軍。馬步三萬六千。既得之後。野先諸將。尚未安寧。時野先善戰勇士五百人。已收麾下。觀其情狀。人各有疑。至暮。當嚴宿衛。

上已心腹舊人處於外。獨五百人託以近衛。

上不披甲冑。處於中。獨馮勝親侍。

上恬寢一宵。無疑彼心。黎明。五百人自相歡慶。咸相謂曰。誠生我也。於是諸軍雄威倍出。願效前驅。庚寅。帥往建業。攻破其城。元福壽大夫死之。殺其平章阿魯及執政百家奴。擒御史王槐。元帥康茂才以衆降。

上去城五里。遇見諸軍已拔城矣。江東由是而定。將欲取

京口。

上不親行。恐帥首縱諸軍焚掠。太甚。猶豫未決。明日。坐徐達以罪。佯謂不生。乃令李善長再三求免。

上謂曰。既犯號令。安可求生。若必全生。令爾帥三軍下京口。廬舍不焚。民無酷掠。方免其罪。丙申。遣徐達率湯和張瑄麟廖永安等。舟師取鎮江。丁酉。克之。殺平章定定。民無兵刃之災。舍無焚燒之廢。京口之民全生。皆達等奉命之篤也。因以徐達湯和爲元帥守之。夏四月乙丑。克金壇縣。六月甲子。取廣德路。秋七月。姑

蘇張士誠以舟師來攻鎮江。

上遣兵禦之。癸巳。戰于龍潭。破之。焚其舟。殺溺甚衆。我師遂乘勝進攻常州。徐達等守東門。

上謂之曰。其張士誠起於鹽徒。術務經紀。詐出多端。交必有變。隣必有間。當速出三軍。以攻毗陵。倘有說客。勿令擅言。沮其詐說。因其營壘。於是達等益督兵攻圍常州。未幾。有義兵鄭僉院者。率甲士七千。叛入常州。反來攻營。達督兵以戰。常遇春引兵由東壘擊之。大破其衆。俘斬太半。復圍常州。浹旬。彼衆宵遁。遂克其城。初。我師攻城急。士誠遣書卑詞求和。願歲輸米二十萬石。金五百兩。銀三百觔。以充軍用。

上命移檄報之曰。春三月。取鎮江。兵於奔牛壘城。彼時來降。繼復叛去。皆爾所謀。納我遁逃之人。拘我通好之使。予之與師。亦豈得已。既蒙許納軍糧。中更爽約。原其所自。咎將誰歸。今若果能再鑒前盟。分給糧儲五十萬石。歸我使者。則常州之師即罷。而爭端永絕矣。士誠不從。故遂攻常州。明年復破其兵於宜興湖橋。擒其弟張九六。並獲其戰船馬匹。夏四月丁卯。取寧國。降其守帥。獲其戰士。屬縣皆平。五月壬午。銅陵縣降。遂破雙刀趙兵於青陽縣。克江陰城。七月戊寅。元

帥胡大海等克績溪、廣、取徽州以鄧愈守之及其屬縣皆平。九月甲戌，浙江閩海平章夏章遣使請降。元帥汪同馬國寶皆降，命仍前職。壬辰，破元潘萬戶兵，乘勝克武康縣。冬十月壬申，擊破池州，斬兵洪元帥，生擒其將魏壽等，遂平池州。甲申，

上率諸軍至大通江，樞密張明鑑以揚州降，得其精兵戰馬，以元帥張德麟取再誠守之。是時天下豪傑雖多，

獨

上全有江左及淮右數郡。

上宵晝自思，固保江東諸郡，以觀群雄。若仁者治世，當全

江東，共樂承平。於是嚴飭諸將，秣馬厲兵，戍守邊鄙。至正戊戌春正月，院判鄧愈遣兵攻婺源，斬其守將帖木不花，遂克其城。三月，元帥胡大海破長鎗軍，取淳安、建德等縣。夏四月，苗軍恭政楊完者以舟師來侵徽州，大海引兵以戰，破之，擒其將董旺、呂升。明日，元帥何世明等復敗其軍，擒其將黃牛兒等。丁丑，李文忠大破苗軍。胡大海復引兵邀擊之，虜其萬戶羅壽。其楊完者收餘衆遁還杭州。未幾，張士誠取杭州，遂殺楊完者。其同僉黃成率其衆也屯桐廬，來乞師。許之。初，士誠以水軍來寇，我師禦之，破其衆於太湖。

鮎魚口，總兵廖永安又與戰于常熟福山港，大破之。繼而復敗其兵於通州即山，獲其戰船而還。六月癸酉，取石埭縣，遂克宜興。辛未，取蘭溪州，雙刀趙兵陷建德縣。元帥羅友賢退屯祁門。戊子，友賢兵與其將張元帥戰于葛公嶺，敗之，斬其萬戶汪彥章。復取建德。時聞東浙有隙，婺城可下，密令守嚴州之將胡大海率兵討之。不克。十二月，

上親征婺州。十二月，抵其城營，兩月而城下。民市肆不殺易，勅一將守之。凡六月。班師。八月，

上還京。其後胡大海兵復克諸暨。至正己亥春正月，總兵

邵榮等破張士誠兵於餘杭縣，復遣兵與戰于湖州。敗之，追至城下。彼衆入城拒守，攻之不克。明日乃率兵來戰。我師弗利，遂引兵還營。未幾，榮等聞士誠欲來攻，乃預設伏兵以待之。戒諸軍堅守勿戰。俟山上堅旗乃起，已而果遣其將李右丞來攻。餘杭臨安諸營不能下，榮度彼將士已疲，乃堅旗。於是諸軍鼓噪四出，伏兵一時俱起，敵衆大亂，更相蹂躪，死者盈野。久之，士誠兵復來攻營，爲我師所敗，乃飲兵退守。我師攻之，不克，亦還。特雙刀趙冠陷太平縣，又陷青揚、石埭等縣。會院張德勝率兵與戰于桐江口，破之。

殺溺甚衆。九月癸巳，徐達、張德勝引兵自無爲登岸，復破雙刀趙於浮山、青山等處。已亥，追至蒲山，斬其守將，遂克蒲山縣。繼而雙刀趙爲陳交諒所滅，交諒既取雙刀趙，遂生隙於我。使者往觀其辭語，察彼人情，有必戰之計。時徐達常遇春皆率兵守池州。

上命使星馳與之計曰：陳兵必至，爾諸將當以五千人堅守其城，以五萬人伏於九華山下。彼兵若臨城，城上旗搖鼓噪，爲約令三軍見此而起，往絕其後，斯必克矣。使者至軍中，達等如計。明日，陳兵果至，其來甚銳，直造城下。守者搖旗噪鼓，伏兵見之，緣山而出，循江而下，絕其歸路。一戰，俘斬萬餘衆，生擒三千人。常遇春不欲以聞，曰：此皆勅敵也。既俘不殺，爲將後患。聞上必不盡誅，達不聽以聞。

上謂使者曰：急回軍中，諭諸軍，彼先開隙，今初與戰，三千精銳未可盡廢，宜釋之，使爲後用。遇春初聞，遣使赴京，密令軍士中以三千人皆殺之。黎明，止存三百人。上聞之，再命使往，令生放。還，於是俘者至陳，遣使來告曰：戰非有謀，乃巡邊者偶戰耳。十一月，取處州。其叅政石抹宜孫遁，屬縣皆平。至正庚子夏，閏五月，陳友諒舟師寇陷太平，列巨舟於采石，僭稱帝，國號漢。改元

大義。遣人約張士誠來夾攻金陵。時群議皆以爲且上曰：不可。且太平初起，堅壘，豈意彼以巨艦破之？若戰于陸地，彼必不能進。今彼既勢居上流，遣兵與戰，難以取勝。若由水上決戰，則彼舟十倍於我，勢可量也。若親征，彼既見我兵勢不來接戰，即解纜下流。半日可至金陵。若步騎非一日不可至，縱使可至，百里趨戰，又非上將利也。乃令指揮張瑄、陳瑄、佯爲謀叛，誘使來攻。瑄才遣人具書以往，將行，以所謀問李善長。善長曰：方不得寇去，何爲便誘其來？

上曰：此計之上也。倘今不往，久則生計。陳、張若合，吾何以支？於是瑄才遣人行，乃命馮宗義率兵伏於石灰山下。徐達列陣南門外，揚瑄列兵大勝港。張德勝、朱虎出舟師於龍江關外。辛丑，友諒果率舟師來寇，陷大勝港口。揚瑄禦之，時水路隘隘，其舟師不得進。其弟陳五步軍泊於龍灣江渚。至午大雨，僅容三巨舟入港口，乃遣萬人登岸立柵，及兩止，伏兵自石灰山起步騎交至，舟師亦集，大破陳友諒軍。時潮已退，彼舟閣岸不能動。於是其軍二萬餘衆皆捨舟降拜，獲其戰艦。袁州國公驍、普明、叅政劉敬遣人來降。時俞院胡大海兵亦克饒信等州縣。至正辛丑秋八月庚寅，

上率大軍討陳友諒。特舟師既發，乘風溯流而前。戊戌，抵

安慶，破其水軍，遂克其城。壬寅，師至湖口，遂與友諒

戰于江州。大破之。友諒挈妻子遁，遂取江州。南康饒

州悉平。至正壬寅春正月，友諒守將胡廷瑞以路降降。

上親入城，撫諭其民，以鄧愈守之。三月，婺州苗軍叛，殺守

帥胡大海，繼而處州苗軍亦據城叛。平章邵榮皆擊

破誅之。特友諒降將康泰，據豫章以叛。徐達擒之，至

上親往援之，以徐達為前鋒，破其軍，旋師圍金斗城。陳友

諒復大舉兵寇豫章，乃命解金斗之圍，以舟師往援。

上督諸將率舟師西討。戊子，師次彭蠡。友諒撤圍來戰，達

身先諸將，敗陳一巨艘，殺其衆千五百人。自是我軍

威振，繼而屢戰，互有勝負。至暮，諸將欲退。

上乃御樓船，鳴金鼓，結陣申明約束，諭以死生利害。諸將

舉手加額，以死自誓。期明日進兵決戰。至期，

上親布陣，鳴金鼓，率舟師以戰。彼我兩軍皆畏，戰不利。

迨暮，勝負未決。乃以舟載乾荻，令敢死士乘風縱火，

直抵其船，焚溺甚衆。明日衆復議還師，以圖再舉。

上以為方勝負相等，今若先是，彼必以為敗而來追。當先

移舡入江，乃能無失。於是兩軍相拒三日，我軍挑戰，

彼不敢應。我舟師欲移入江，以水路狹隘，不得並進。

恐為敵所乘，迨夜，令舡置一燈，相隨渡淺。比明，已尽

渡矣。乃泊於左蠡。敵不敢進。移軍渚溪相持，友諒令。

上知之，命悉出所俘陳氏軍，有傷者，賜藥療之。遣還，下令

軍中曰：但獲彼軍，皆勿殺。又令祭其新亡之將，及戰

死者，乃以舟師邀其歸路，分遣別將取蘄州興國。特

都督朱文政遣兵於南康都昌，絕其糧道。八月壬戌，

友諒自率接舡，欲邀我師追之。至中流，大戰良久，友

諒中流矢死。明日降其軍五萬餘衆。其將孫張等走。

上率諸軍攻圍之。於是湖北郡縣皆降。十二月，

上還京師。至正甲辰春正月丙寅朔，上即吳王位。二月，車

駕復至武昌，破陳丞相張必先兵，擒之。友諒子理肉

袒，叩壁出降。

上禮而命之，入城撫諭其民，厚待友諒父母。湖廣郡縣悉

上還京師，下令曰：予以耿躬，荷天地百神之福，托于億兆

臣民之上。戡定綏寧，疆宇日闢。乃者故漢王陳友諒，

殺君僭逆，罪惡貫盈。自起兵端，犯我邊境，爰舉問罪

之師，以慰來蘇之望。賴上天至靈，兵之所至，罔不克

捷。江西諸郡一鼓而下。其陳友諒餘孽弗悛，仍合餘

燼。於癸卯七月，屯兵洪都城下。予乃總率舟師，親與

決戰。陳友諒敗死。將士悉降。進攻武昌，子理歸命，布

告中外。咸使聞知。遂大會師兵於京師。至正乙巳春。

廣東韶州南雄及荆襄歸峽等州皆平。命徐達常遇

春等兵取淮東淮陰諸郡。平之。至正丙午春張士誠以師寇我鎮江

上引兵擊之。賊聞風而遁。督兵追及於浮子門。與戰。悉俘

其衆。徐達乘勝進攻高郵。安豐。克之。是年秋。以相國

徐達爲大將軍。平章常遇春副之。率師二十萬。東取吳越

上謂諸軍曰。爾等此行。其計若何。常遇春曰。此行直抵姑

蘇。姑蘇既下。則諸郡不勞力而下矣。

上意以爲。不允其勢。則其援兵四合。難以取勝。不若先攻

湖州。使其疲於應戰。然後抵蘇州。則取之可以必矣。

遂不從遇春之計。作色曰。先攻蘇州。而或失利。必不

能貸汝。先攻湖州。而或失利。尚可恕也。尔行矣。從尔

自計。率師遂渡大浦口。出太湖。次洞庭山。遇春以衆攻湖州

上使人覘而知之。喜曰。能從吾計。此行必勝矣。遇春累敗

其兵。湖州守將李伯昇開城拒守。張九七引衆援之。

營於旧館。湯和等迎之。遇春以兵圍其營。絕其糧道。

士誠聞之。自引衆來援。與之大戰于皂角林之野。敗

之。遂俘其營甲士六萬。送京師。士誠遁歸。由是軍聲

大振。所過州郡皆望風降附。十一月。進抵姑蘇。其屬

縣相繼來歸。惟蘇州孤立而已。

上不欲煩兵。欲困服之。乃圍其城。至正丁未。

上命以是年爲吳元年。春。建宮殿及省臺。六部。建太廟于

宮之東北。夏。

上以書遺士誠曰。蓋聞成湯放桀。武王伐紂。漢祖滅秦。歷

代帝王之興。兵勢相加。乃爲常事。當王莽之亡。隨之

失國。豪傑乘時蠱起。圖王業。據土地。及其定也。必歸

于一。天命所在。豈容紛然。雖有智力。事業弗成。亦當

革心。畏天順民。以金身保族。若漢之竇融。宋之錢俶。

是也。自古皆然。非今獨異。爾能順附。其福有餘。毋爲

固守其城。危其兵民。自取滅亡。爲天下笑。爾書至。士

誠不降。乃督兵攻之。秋。城破。士誠自經於家。兵入尚

未絕。解其縲。俘送京師。蘇州平。九月。命參政朱亮祖

討浙江諸郡。克之。冬。以湯和爲征南將軍。兵復副之。

討方國珍。遁入海。追及。與戰。破降之。命楊璟。周德興

率兵征廣西。胡美。何文輝。征福建。徐達常遇春。進取

中京。冬。十月。沂州守將王信。遣人奉表納款。詔喻之

曰。惟古昔豪傑之士。天下擾攘之秋。集群眾以鷹揚。

據一方而虎視。然遇真主者。遂知天命所歸。乃披露

其誠。而歸于有德。如竇融。猷河西之地。於漢。李勣。歸

黎陽之衆。於唐。援爾沂州王宣父子。近使苗副樞來

通順附之忱。我遣侯正祀往。恭慰之意。兩旬已過。一介未還。且慮天將改物。故使元正不綱。誰能霖雨。以蘇民望。方見龍蛇之起陸。極此奎炭。實在朕躬。爰命征虜大將軍徐達。副將軍常遇春。統率大將。水陸並進。往戡衆亂。平定中原。嘉爾來歸之義。錫以爵祿之榮。王信可授榮祿大夫。江淮等處行中書省平章政事。其餘官將。仍復舊職。書至。王宣父子。復持兩端。不聽調。徐達兵至沂州。王信往莒密求援。其父宣。閉城拒守。大兵攻拔之。宣出降。即令以書招其子信來歸。於是莒密寧海等州縣皆降。時金火二星會于丑。分望後。火逐金過齊魯之分。占者曰。宜大展兵威。因令徐達進兵益都。達入諭其守將老保不下。遂率兵急攻之。乃出降。其屬卽悉平。至濟南守卽將王保保弟瞻同脫。因帖末兒。先期率衆遁去。其屬將遂以其城降。於是山東諸卽望風降附。十二月。百官詣闕進勸。上乃御新宮制詞。其畧曰。惟我中國人民之君。自來運。帝命真人於沙漠。入中國爲天下主。其君父子及孫。百有餘年。今運亦終。其天下土地人民。豪傑分爭。惟臣帝賜英賢。李善長徐達等。爲臣之輔。遂戡定群雄。息民於田野。今地週迴二萬里廣。諸臣下皆曰。恐民無主。必

欲推尊帝號。臣不敢辭。亦不敢不告。

上帝皇祇。是用明年正月四日。於鍾山之陽。設壇備儀。告上帝皇祇。簡在

帝心。如臣可爲民主。告祭之日。伏望

帝祇來臨。天朗氣清。惠風和暢。如臣不可。至日當烈風異

景。使臣知之。洪武元年春正月乙亥。合祭天地於鍾

山之陽。是日。日朗風和。臣民復合辭勸進。於是

上卽皇帝位于南郊。定有天下之號曰大明。以吳二年爲

洪武元年。詔曰。朕爲中國之君。自來運既終。

天命真人於沙漠。入中國爲天下主。傳及子孫。百有餘年。

今運亦終。海內土疆。豪傑分爭。朕本淮右庶民。荷

上天眷顧。祖宗之靈。遂乘逐鹿之秋。致英賢於左右。凡兩

淮兩浙江東江西湖湘漢沔閩廣山東及西南諸卽

蠻夷。各處寇攘。屢命大將軍與將校。奮揚威武。四方

戡定。民安田里。今文武大臣。百司衆庶。合辭勸進。尊

朕爲

皇帝。以主黔黎。勉循輿情。於吳二年正月四日。告祭天地

于鍾山之陽。卽

皇帝位于南郊。恭詣

太廟。追尊四代考妣爲皇帝皇后。立太社太稷于京師。布

告天下。咸使聞知。冊封馬氏爲皇后。立世子爲太子。諸功臣進爵有差。以李善長徐達爲左右丞相。征南將軍湯和破延平。擒陳友定。先是湯和破方國珍。就命率師自慶元海道進取福州。平章胡美自江西取邵武。下建寧。陳友定獨守延平。至是湯和攻破擒之。興化泉州皆降。建太學。立欽天監。徐達等兵經索隸等州縣。皆平之。抵河南。與同脫帖木兒戰。大敗之。梁王出降。遂西下洛陽。長驅峭函。真抵潼關。守者拒戰。都督馮勝與戰。拔之。據關而守。諭大將軍歸大梁。北下河內。由鄆下趨趙州。抵臨清。秋八月辛未。北入大都。元君遁去。燕地悉平。時廣東廣西亦平。復命徐達西取晉冀。長驅井陘。盡平其地。大赦天下。詔曰。天生民而立之君者。奉

天而安養斯民者也。昔者元政陵夷。民失安養。群雄蜂起。疆宇瓜分。朕以布衣入戎伍。憤生民塗炭。提孤與寡。傑同志者。思所以靖之賴。

天之靈。因民之利。干戈所至。強弱弱服。大河之北。以隸南海。罔不來臣。重念推戴以來。軍士勞苦。農民罷敝。未有以安之。君子賢人。道匿嚴穴。未有以來之。刑亂重典。未有以平之。供億煩重。未有以紓之。是用陰陽差

繆。水旱不時。天災屢見。朕甚憂焉。爰布薄恩。與民更始。可大赦天下。於戲。民隆奎炭十有七年。蕩折離居。光獄之氣。於焉始復。繼自今各享爾生。共享太平之福。以臻雍熙。不其偉與。九月。下求賢詔。詔曰。朕惟天下之廣。固非一人所能治。必得天下之賢共成之。向以干戈擾攘。疆于彼此。致賢養民之道。未之深講。雖賴一特輔佐。匡定大業。而懷才抱德之士。尚多隱于巖穴。豈政令靡常。而人無所守歟。刑辟煩重。而士懷畏懼歟。抑朕昧事不師古而致然歟。不然。賢士大夫。幼學壯行。思欲充舜君民者。豈固沒沒而已哉。今天

下甫定。日與諸儒講明治道。啓沃朕心。敢不以古先哲王是期。巖穴之士。有能以賢輔我。以德濟民者。當不吾棄。

冬十月。燕都捷至。詔曰。一海宇以安人心。正國統而君天下。理勢所在。古今皆然。自群雄乘亂以來。四方思治。切惟元綱已隳。疆土遂分。孰拯斯民以定于一。顧予菲德。造此丕圖。荷

天上眷佑。臣翺翺贊。肇基江左。平定中原。瞻惟幽燕。實彼本根。命將北伐。列郡皆順。已于洪武元年八月初二日。克取燕京。胡君達遁。兵無犯于秋毫。民不移于市



肆。捷音來奏。殊副朕懷。今改燕京爲北平府。命官屯守。海宇既同。國統斯正。方與生民共此安平之福。尚賴中外臣僚。夙夜公勤。以匡朕之不逮。於戲。上體天心。俾萬邦之咸乂。不從民欲。合四海以爲家。故茲詔示。想宜知悉。

上自起兵以來。東征西討。未遑制作。至是始命諸儒稽古。改制度。易服色。因革損益。咸自

聖心。靡不各當其宜。百餘年胡俗。爲之丕變。而典章文物。煥然可觀矣。

洪武二年春。遣使往諭諸蕃。定

仁祖陵號曰皇陵。乙亥。建碑。常遇春平大同府。命諸儒宋濂等。編修元史。蠲免北平燕南河南山西稅。詔曰。朕本淮右布衣。因天下大亂。率衆渡江。保民圖治。今十

有四年矣。荷

天眷佑。西取陳友諒。以安荆楚。東縛張士誠。以平三吳。遂至八蕃。直抵交廣。以極于四海。悉皆戡定。重念中國。本我華夏之君所主。豈意胡人入據。以及百年。天厭昏淫。群雄並起。以致兵戈外爭。生民塗炭。是用命將北征。兵渡大河。齊魯之民。歡然來迎。饋糧給軍。不辭千里。朕思其民。當元之末。疲于供給。今既效順。何忍

復勞。有司特加存恤。以副朕懷。占城安南來貢。馮勝取陝西。張思道遁去。進克鳳翔。四月。勝及湯和。兵次鞏昌。元平章高壽降。調兵攻臨洮。太尉李思齊以衆降。餘衆多。俱罪逃竄。遂招撫諭之。蠲秦隴稅。五月。追封外祖考爲楊王。妣爲大王夫人。皇后父爲徐王。妣爲大王夫人。仍立廟以祠之。常遇春取永平。克紅羅山。擒脫火赤丞相。其禮會宜興大興諸州。相繼而平。遂進克上都。擒其平章鼎住等官屬。

秋七月。征虜副將軍常遇春卒于軍中。追封開平郡王。謚忠武。八月。馮勝圍慶陽。克之。寧州黃河等處悉平。冬。安南占城兩國相攻。占城遣使來訴。詔諭解之。兩國遂罷兵。十一月。冬至。祀

昊天上帝於圜丘。以仁祖淳皇帝配。是歲。令天下府州縣開學。置師弟子員。

洪武三年春正月。蠲直隸應天等府稅。大將軍徐達引兵至定西州。王保保退屯車道。我軍立柵以逼其壘。四月。進戰。保敗走。擒剌王文濟等。

上始定封建。立子爲秦王。晉王。燕王。吳王。楚王。齊王。潭王。趙王。魯王。靖江王。詔曰。朕荷

天地百神之佑。祖宗之靈。當群雄鼎沸之秋。奮興淮右。賴  
將帥宣力。創業江左。曩者大將軍徐達。總率諸將。以  
定中原。不二年間。海宇肅靖。虜遁沙漠。大統既正。黎  
庶靖安。欲先論武功。以行爵賞。緣吐蕃之境。未入版  
圖。今年春。復命徐達等再征。是以報功之事。未及舉  
行。朕聞古昔帝王之子。君嫡長者。必正儲位。其衆子  
當封以王爵。分茅昨土。以名其國。朕今有子十人。卽  
位之初。已立長子爲皇太子。諸子之封。本待報賞功  
臣之後。然尊卑之分。所宜早定。五月。遣使尋訪歷代  
帝王陵寢所在。特加修理。仍令三年一祀。著爲定典。  
平章李文忠。右丞趙庸。敗元平章沙不丁。朵兒只八。  
賴等于開平。進次上都。元平章都罕等降。取應昌。獲  
元孫買的里八剌。及后妃宮女。拜諸官屬。得其珪璧  
符璽。買的里八剌。後六月至京。封爲崇禮侯。中書左  
丞楊憲。按察使凌說等。以姦黨事覺。伏誅。  
已亥。制以科舉取士。詔曰。朕聞成周之制。取材于貢。  
故賢者在職。而其民有士君子之行。是以風俗淳美。  
國易爲治。而教化彰顯也。漢唐及宋。科舉取士。各有  
定制。然但貴詞章之學。而未求六藝之全。至于前元。  
稽古設科。待士甚優。而權豪勢要之官。每納奔競之

人。辛勤歲月。輒竊仕祿。所得資品。或居舉人之上。其  
懷材抱德之賢。耻於並進。其隱山林而不起。風俗之  
弊。一至於此。今朕統一中國。外撫四夷。方與斯民共  
享昇平之治。所慮官非其人。有傷吾民。願求賢人君  
子而用之。自洪武三年八月爲始。特設科舉。以起懷  
材抱德之士。務在經明行修。博古通今。文質得中。名  
實相稱。其中選者。朕親策於廷。觀其學識。品其高下。  
而任之以官。果有才學出衆者。待以顯擢。使中外文  
臣。由科舉而選。非科舉毋得與。敢有游食奔競之徒。  
坐以重罪。以稱朕責實求賢之意。秋八月。高麗瓜哇  
西洋等國來貢。冬十一月丙申。以中書左丞相宣國  
公李善長爲太師。改封歸國公。右丞相信國公徐達。  
爲太傅。改封魏國公。封開平忠武王常遇春子茂。爲  
鄭國公。以浙江平章李文忠。爲左都督。封曹國公。右  
都督馮勝。爲宋國公。御史大夫鄧愈。爲衛國公。皆位  
特進。其餘功臣。封爵有差。十二月。建奉先殿於乾清  
宮之東。以奉祖宗神御。每旦焚香。時節朔望。及生辰  
日期。則祭用常饌。行家人禮。盡從禮部尚書陶凱之  
議也。洪武四年春正月。中書左丞相太師歸國公李  
善長致仕。以中書左丞相汪廣洋爲左丞相。知叅政。

事胡惟庸爲中書右丞、命中山侯湯和爲征南將軍、率兵征四川、二月甲戌、

上策試舉人、賜進士吳伯宗以下一百人及第、出身有差、特高麗舉金濤亦中選、除東昌府丘縣縣丞、以言不通、歸還仕本國、

遼東行省平章劉益、遣其右丞董遵、倉院楊允賢來朝、並進遼東圖本、詔遣東衛指揮使司、以益同知指揮事、閏三月、詔諭甘肅塔灘等、特甘肅未下、故下詔諭之、

詔賜湖州德清縣舉人王瑱父金帛、特瑱官於平涼、其父遺以家書、託御史臺幕官宇文桂者、達之、平涼既而文桂以事被鞠、或搜其篋中、得書百餘封、奏之、瑱父家書、亦在其內、

上覽之、嘉其能以忠孝訓子、辭語諄切、於是特遣使者降詔褒美、賜白金百兩、及綃帛藥物、以旌其賢、仍令有司蠲徭役、四月、冊封故開平王女常氏爲

皇太子妃、立元福壽大夫廟、自國朝取建康、惟福爲先死節、故特立廟祀之、五月、蠲兩浙秋糧、詔曰、朕本農夫、深知稼穡艱難、及至躬率六軍、征討四方、尤知將士勞苦、重荷

上天眷佑、戡平群雄、一統天下、東際遼海、定蕃西控戎夷、北靖沙漠、皆以精銳屯此邊要、用安黎庶、未免科徵轉運、供給繁重、事豈得已、惟爾兩浙之民、歸附之後、民力未甦、兼以貪官污吏、害民肥己、四載于茲、朕深閔焉、今既掃除姦寇、更用良善、革去舊弊、而新治道、以厚吾民、其秋糧及沒官田租、悉行蠲免、六月、征西將軍湯和率舟師進瞿塘關、破其軍、直抵重慶、夏幼主明昇、面縛詣軍門降、秋七月、賴川侯傅友德、兵克成都、先是五月己卯、兵克漢州、六月丙申、兵進圍成都、至是其丞相戴壽以下、率衆來降、以指揮何文輝

守之、因遣詔諭雲南、及拂蘇琬求等國、高麗遣使來賀、萬壽冬節、又遣使來貢、及賀正旦節、洪武五年春、高麗來賀、平蜀表、請遣子入學、

上曰、昔唐太宗時、高麗嘗遣子入學、此亦盛事、但其子涉海而來、未免彼此懷思、令其王與群下熟議行之、後陳友諒憂明昇家屬于高麗居住、遣使賁詔諭雲南、詔曰、朕惟天生斯民、必立之君以撫治、暴者元君失政、海內鼎沸、疆宇瓜分、其道據境土、擅專生殺、自爲警教、生民塗炭、十有七年、朕起布衣、挺身奮臂、開基江左、命將四征不庭、其間西平漢主陳友諒、東縛吳

王張士誠。南平閩粵。北靖幽燕。奠安華復我中國之舊疆。朕惟臣民推戴。即

皇帝位。定有天下之號曰大明。建元洪武。是用遣使外夷。播告朕意。使者所至。蠻夷酋長。稱臣入貢。惟爾梁王。把即。平章段光都。元帥段勝。鎮守雲南。亦嘗遣人告諭。不意蜀戴壽等。憑恃險隘。中途阻絕。致使朕意不達。爾土。去年遂興間罪之師。分命大將。率馬步舟師。水陸並進。直抵重慶。明昇面縛。御壁。繼至成都。生縛戴壽。其各郡邑。悉平。即置官守。西土既寧。復專使往諭爾等。恐爾未達。今因北平送到蘇成。稱係爾等舊

遣北去之人。再俾賁詔往。朕雖不得不及我中國之先哲王。使四夷懷之。然不可不使天下周知。遣使賁諭。其肅。時暹羅及鎖里。遣人入貢。五月。下詔敦厚風俗。詔曰。朕聞三皇立極。導民以時。庖廚稼穡。衣服始制。居民舍焉。五帝之教。以仁信。不過遵

三皇之良規。茲未脩之時。宜當振之。示其所以。天下從之。民用和睦。自周至漢唐宋。增減損益。用乃有國。昌民宜時。家和永康。朕蒙

皇天后土之命。恩統天下。

祖宗之靈。百神護佑。得正帝位。紀元年。朕本草萊之士。失

習

聖經。况摧強撫順。二十有一年。常無寧居。所行一槩粗疎。故道未臻。民不見化。市井閭里。尚然元俗。天下大定。禮義風俗。可不正乎。先時兵亂所在。居民或轉他方。爲人奴役。至是悉放從良。不許拘番。諭民間有貧乏者。官令其互相周給。鄉里宴會。以盛爲序。其孤老殘疾者。官爲之養贍。先命中書。詳定鄉飲酒禮。及婚姻喪祭冠服等制。頒行遵守。民無產業者。許耕田爲業。其僧道務守戒律。五月。宋國公馮勝。將兵抵蘭州。取平涼。六月。兵至別立。駕山口。元岐王大討朶兒只把遁去。進兵追之。擒其平章長家奴。復遣兵進抵甘肅。國公上都。駟出降。其境悉平。七月。詔諭故元國公白鎖住。時鎖住作亂。潛歸鄉里。故特詔諭之。十月。蠲應天太平鎮江寧國廣德伍郡秋糧。詔曰。嘗聞國以民爲本。民以食爲天。此有國家者。所以厚民生而重民命也。朕因群雄鼎沸之時。率衆渡江。屯兵建業。十有八年。其間高城壘。深濠塹。軍需造作。凡百供給。皆爾近京伍府之民。率先効力。濟我時難。民力繁甚。朕不忘天下一統。今伍年矣。雖嘗蠲免四歲稅糧。然猶未足以報前勞。是用申勅有司。今年秋糧。特令蠲免。是

歲珣求國遣人入貢。高麗復遣使來賀。

萬壽節。又此年皆入貢。及賀正旦等節。

上命中書論之曰。高麗每歲數次來貢。未免勞民。且使臣涉海艱險。古者中國諸侯。比年一小聘。三年一大聘。九州之外。世一來見。未誠而已。今高麗文物禮樂。頗近於中國。可行三年一聘之禮。或每一年一見亦可。其所貢方物。不在衆多。且依古禮。大將軍徐達。聞賀宗哲由六盤山遁去。遣都督副使顧時。右丞薛顯。參政傅友德。率引將騎萬人追之。是日詔儒臣修纂禮書。時上以國家創業之初。禮制未備。勅中書省。令天下郡縣。舉素志高潔。博古通今。練達時宜之士。年四十以上者。禮送至京。參考古今制度。以定一代之典。其年過五十。及未及四十。非深知經術者。勿遣。於是儒士徐一夔。梁宣。周于。劉子諒。胡行簡。劉宗弼。董鼎。蔡深。勝公琰。至京。時曾魯以元史方成。共奏留之。因命與諸儒同纂修。大將軍徐達至平涼。左丞何文輝。自宜祿來會。時達受勅。將還京師。遂以指揮孫瑛。與指揮金思忠。朱佑等。共守平涼。命都督副使顧時。將騎兵畧靖州。文輝守潼關。繼又以指揮常正守臨洮。命給事嚴知開城州。而以前州判馬思恩。同治州事。

守之。賀宗哲以其衆掠蘭州。大將軍徐達遣副將軍馮宗異。率步一萬。騎七千。直靖寧。往擊之。宗哲聞王師至。卽由迭列度河遁去。宗異乃率所部還。右丞梅思祖。獲叛將故元參政毛貴等三十人於邠州。送大將軍斬之。故元降將汪靈真保。虎都帖木兒。與其族屬赴京來朝。初汪氏自金人入主時。世掌軍戎。至元時授便宜都督總帥。及大將軍輩昌。汪靈真保。與虎都帖木兒。歸附。安置北京。至是入覲。

詔賜冠帶襲衣衾褥。及文幣二十四匹。素紬二十四匹。帛四十匹。綿二十斤。既而又賜白銀二百兩。米六十石。又帛各四十匹。拜以紬絹衣服靴襪。賜其從人。大將軍徐達。御史大夫湯和。發平涼。還京師。右副將軍馮宗異。總制軍事。乙巳。詔以司中司命司民司祿。及壽星。伍神。爲中祀。每祭用羊豕各一。共用牛一。命翰林撰祭文。司中曰。惟皇上帝。降衷於民。神其司之。爲均其粟。傷者甚衆。神其休天之命。多產淳良。以厚天下之俗。司命曰。乾道變化。各正性命。惟神正真其善惡。余統臨天下之初。肇修祀事。神其順天之令。賞善罰惡。使下民所知。勸戒。司民曰。上帝好生。育此下民。億兆之衆。神實司之。予統臨天下之初。肇修祀事。神其布天

之德。正直是與。司祿曰。天生百穀。以養下民。惟之祿。神實司之。予統臨天下之初。肇修祀事。神其奉天之。俾年穀豐登。生民咸遂。壽星曰。有天賞罰。神實司之。惟神正直。善良者必增以壽。凶暴者必減其算。故神人任之。歷代之所崇祀。予統天之初。考諸舊典。敬修祀事。惟神無私。以鑒以察。以体上天之命。

戊午。征南將軍廖永忠。參政朱亮祖等。帥師自廣西。上命皇太子。率百官。迎勞於龍灣。比入見。

上撫慰歡甚。既命退。復命

皇太子送永忠還第。

遣湖廣行省平章楊璟。招諭明昇。璟至蜀。諭昇以禍福。令舉國入覲。昇牽於群議。不能決。璟還。以書曉之。曰。環聞古之爲國者。同力度德。同德度義。義不足則不敢抗。德不足則歸順焉。故能保身家於兩全。流美譽於無窮。福及子孫。族屬長久。反是者。往往取敗。今足下以幼冲之質。藉先人之業。據有巴蜀。默然在位。不咨至計。而聽群下之議。以爲瞿塘劔閣之險。一夫負戈。萬人無如之何。此皆不達時變。以誤足下。何則。昔之據蜀最盛。莫如劉備。諸葛孔明。明佐之。訓練士卒。財用不足。取之南詔。然猶朝不謀夕。僅能自保。今

足下疆場。南不過播州。北不及漢中。以此準彼。相去萬萬。而欲以一隅之地。延頃刻之命。可謂智乎。若謂險阻可恃。則三苗之墟不滅。有卷之國不亡。蠶叢魚鬼之鄉。不至足下矣。我

上仁聖神武。遣將用兵。天下無敵。運謀出奇。神明禦應。順附者無不加恩。負固者然後致討。以足下先人通好之故。不忍加師。數遣使諭意。又以足下年幼。未歷事變。恐或于狂瞽之說。失遠大之利。故復遣璟面諭禍福。深仁厚德。所以待明氏者不淺。足下可不深念之乎。且向者。亂離如陳友諒。張士誠。竊據吳楚。造舟塞江河。積糧如山。岳強將勁兵。自謂莫敵。然鄱陽一戰。友諒投首。旋師東討。張氏面縛。此非人力。實天命也。足下視此。以爲如友諒之子。竄歸江夏。王師致伐。勢窮出降。

皇上有其罪。封以侯爵。恩榮之盛。天下所知。足下無彼之過。而能幡然覺悟。獨斷於心。自求多福。則必享茅土之封。保先人之祀。世不絕。豈不賢智矣哉。若必強低一隅。假息頃刻。魚遊於沸鼎之中。燕巢於危幕之上。禍害將至。恬不自知。環恐天兵一臨。勢不可禦。前日之臣。爲足下謀者。或以却敵。或以城降。各自爲身家。

計以取富貴。當此之時。老母弱子。將安所歸乎。縱足下年幼未曉。語及老父。獨不痛心乎。禍福利害。瞭然可現。逆順之途。在足下審之而已。果不從。以方圓環爲陝西行者左丞。李思節爲江西行者左丞。俱不之官。食祿於京師。庚午。勅薛平忠武王常遇春于鍾之陰山。給明器九十。藏之墓中。其明器。鉦二。鼓四。紅旗拂子各二。紅羅蓋鞍籠各一。弓一。箭。竈鑪。火。爐。各一。以上俱以木爲之。水罐。甲頭盔。蓋。杓。壺。瓶。酒甕。唾壺。水盆。香。炉。各一。燭臺二。香。合。香。匙。各一。香。筋。瓶。茶。鍾。酒。盞。各二。第二匙一。癸未。命澤州指揮同知丘廣。總兵官實慶。衛指揮僉事胡海。廣西衛指揮僉事左君弼。副之。率兵討左江上思州蠻賊黃龍閣。一名莫傑。時聚衆萬餘。寇鬱林州。知州趙鑑。同知王彬。集民丁拒守。賊攻圍半月不下。廣西海北等衛官軍來援。賊夜遁。至上思州境。破之。賊走還。仍聚結不鮮。事聞。故命丘廣等討之。推翰林應奉雜錄爲中書省叅政。吏部侍郎汪河爲御史臺侍御史。是月遣使致書元主曰。朕本布衣。昔在田里。享承平之樂。忽妖賊倡亂。海內昇沸。當是時。出師者將非不勇。兵非不衆。城郭非不堅。器械非不利。終無成功。妖人愈熾。遂致豪

傑並起。此天意昭然。不言可見。朕因群雄擾攘。不能自寧。由是爲衆推戴。乘時渡江。撫建業之衆。待天下之清。奈何君不能控禦將帥。各懷不軌。外有元臣。內實自謀。未有戡定禍亂。以安生民者。朕靜觀群雄割據。荼毒生民。余心不忍。乃親帥諸將。西平湖南漢沔。南取交廣。東定吳越。八閩江西。皆入版圖。方欲息兵。以覲君之將臣。曰。張曰。李曰。王。三人者。不爲國謀。分據秦晉。互相讐殺。生民塗炭。乃命大將軍。自前歲出師。由齊魯。經河洛。及燕城。我師未至。君已棄宗社而去。朕謂君自知胡無百年之運。能順天道。歸我中國。乃上策也。未幾。遣將報君率殘兵。留連開平。回思前日。宗社奠安。國用富貴。尚不能削平群盜。今以孤兵自隨。遠寄沙漠。若欲效漢之匈奴。唐之突厥。出沒不常。以爲邊患。是君之計不審也。方今中國封疆。盡爲我有。金二千城之富庶。握群雄累歲之勁兵。華夏已平。外夷咸附。勇士無所施其勇。智將無所用其謀。而君乃欲與我敵乎。君若不思保疆土。以延宗祀。而欲吐餘怨於寒灰。是不知天命也。朕發鐵騎。四出塞外。精兵十萬。懸二千餘里。直抵陰山之北。即君處遁。亦出僥倖。春和日暖。沙漠草青。漢兵出塞之時也。霖雪

冬寒則歸而守險。君雖有百萬之衆。何能爲哉。朕以誠心待人。明示機策。使君聞之。庶改圖易慮。安分順天。存宗祀。不亦善乎。君其審之。十二月壬戌。遣翰林院編修羅復仁。兵部主事張復齋。詔諭占城。安南國王。詔曰。朕本布衣。因天下亂。取兵以保鄉里。不期豪傑雲從。數年之間。土地廣闊。甲兵強盛。遂爲臣庶推戴。君臨天下。以承正統。于今三年。海外諸國入貢者。安南最先。高麗次之。占城又次之。皆能奉表稱臣。合于古制。朕甚嘉焉。近占城遣平章蒲且麻都來貢。言安南以兵侵擾。朕聞之。心有不安。念爾兩國自古及今。封疆各有定分。不可遽爲一。此天意也。况尔等所居之地。相去中國。越山隔海。所言侵擾之事。是非一時難知。以朕詳之。爾彼此世傳已久。保土安民。上奉天道。尊事中國。爾前王必有遺訓。不待諭而知者。朕爲天下主。治亂持危。理所當行。今遣使往觀其事。諭以畏天守分之道。如果互執兵端。連年荼毒生民。上帝好生。必非所悅。恐天變於上。人怨於下。其禍有不能外者。二國之君。宜聽朕言。各遵其道。以安其民。庶幾爾及子孫。享福於永久。豈不美哉。詔至。兩國皆聽命。罷兵。甲辰。右副將馮宗異發平涼。還京師。丁未。遣

元平章長壽等。以書諭元丞相里達速曰。將軍元之故家。父子出將入相。宣力王室。積年有矣。比者天下多故。諸將擅兵。類多踴躍。往往不善其終。獨將軍恪可守臣節。堅如金石。雖當顛沛之際。力奮孤忠。志安社稷。及元主遁去沙漠。將軍獨能以孤軍殿後。義氣不衰。其餘僥倖之徒。俱雲遊鳥散。嗟哉。古之將帥。當亂亡之時。未嘗不假名義以濟其私。朕於將軍之節。甚有嘉焉。今聞在外逋逃之衆。猶是蜂蠆之餘毒。擾我邊陲。豈將軍不能輯士而致然歟。今我軍已集幽薊。待釁而動。將軍宜深思之。勿圖存其君之宗祀。下以保全其人民。豈不爲識時之俊傑哉。茲遣長壽爲馬二平。齎書往達朕意。將軍其審之。甲戌。遣中書省管勾耳桓。會同館副使路景賢。封占城國王阿荅者。爲占城國王。詔曰。咨爾占城國王阿荅阿荅者。素處海邦。定居南服。自爾祖父。世爲忠賢。嚮慕中華。恪守臣職。今朕混一四海。撫馭萬方。欲率土之咸寧。嘗馳書以往報。而爾能畏天命。尊中國。卽遣使稱臣。來貢方物。思法前王之訓。以安一境之民。旣此忠誠。良可嘉尚。是用遣官齎印。封印爾爲占城國王。於戲。居中撫外。朕方一視同仁。保境安民。爾當



慎終始如。永爲藩輔。益勉令圖。今賜洪武三年大統曆一本。織金綺紗羅匹至可領也。復賜民間檢用曆三千本。賞芳其吏滿旦。麻卻文綺紗羅各一匹。仍賜以冠帶。其從者皆有賜。辛巳。征虜右副將軍都督同知馮宗異等。至京。初宗異守平涼。以閩陝就平。明虜畏服。不請於朝。輒引衆還。

上誥之曰。將軍在平涼。外禦胡虜。內鎮撫閩中。國家所托非輕也。乃不候命。輒引衆還。閩外之事。將誰任之。宗異頓首謝。

上以其勲舊。姑置之。己卯。

上御奉天殿。大賞平定中原。及征南將士之功。以大將軍右丞相信國公徐達。攻取山東河南燕冀秦晉等處。百兩文幣五十表裏。開王常遇春副大將軍總兵。攻山東河南燕冀秦晉等處州郡。及自帥師。由陝西攻取開平等處。以疾薨于軍。又念其存日功勞。與大將軍一體。賞白金五百兩。文幣五十表裏。右副將都督同知馮宗異。澤州之役。與平章楊瑄。安分彼此。失陷士卒。及伐大將軍總制大軍。時當隆冬。擅自班師。致士卒凍餒。在賞列。念其初與大將軍平定山東河南

陝西諸郡。量與白金二百兩。文幣十五表裏。御史大夫湯和。總兵常征南。先有浙江參政朱亮祖。克取温州台。諸郡方國珏已聞風膽落。比師抵湖州。國珏赴遁。及再調取福建。姑息大過。放散陳友定寨餘黨。致八郡復叛。重勞師旅。及班師。又不申明號令。以致蘭秀山賊。窺伺而叛。失陷指揮徐瑒。張俊等官軍。功過相折。量與白金二百五十兩。文幣十五表裏。平章廖永忠。先克征南副將軍。克平福建。後自總兵。取廣東。比至南粵。阿真已降。克平三江。即宗愚等山寨。又能調遣副將軍朱亮祖。平定海南。招諭兩江溪洞。念其功勞。宜與全賞。然在福建。不能贊助湯和。以陳友諒餘黨。復叛入山。功過相折。量與白金二百五十兩。文幣二十表裏。都督俞事吳禎。先克征南副將軍。與大夫湯和。克取胡州。復平定福建。航海迴還。軍容整肅。又能勦捕蘭秀山餘黨。全師迴京。賞白金二百五十兩。文幣二十表裏。左丞趙庸。從大將軍克平山東河南燕冀秦晉等處州郡。又從開平王自陝西復取上都等處。後克副將軍同平章李文忠。總兵山西。應接大將軍。乘勝勦捕。生擒脫列。日驗其功勞。賞白金二百兩。文幣十九表裏。平章曹良臣等。從大將軍克

寬平山東河南燕冀秦晉等處州郡皆屢有戰功良臣賞白金二百五十兩文幣二十表裏右丞薛頤參政傅文德各賞白金二百兩文幣十九表裏平章錦政賞白金二百五十兩文幣十七表裏平章俞通源左丞梅思祖參政陸聚都督劉使顧時各賞白金一百五十兩文幣十五表裏左丞王溥文幣七表裏參政陳仲亨文幣二表各衛指揮七表裏十戶衛鎮撫六表裏百戶所鎮撫各五表裏各旗軍總旗米三十白金三兩三錢小旗米三石白金三兩二錢軍人米三石白金三兩其守禦各處城堡有功官員平章楊璟吳廷美各賞白金二百五十兩文幣十七表裏參政朱亮祖張彬戴德白金各二百兩文幣十五表裏都督張吳祖康茂才各白金二百五十兩文幣十七表裏都督劉使孫思祖白金三百兩文幣十七表裏都督僉事郭子興陳德各白金二百兩文幣十五表裏都督僉事筆雲龍白金一百兩文幣十表裏各衛指揮千戶鎮撫等官賞與從征同其駕船公差患病傷政官軍賞各有差時賞物等第各補其功過諸將皆悅服元將王保保知大軍南還以兵襲蘭州至城指揮張溫會諸將校曰彼志衆襲我我兵寡難

與爲敵然彼遠來未知我衆寡乘暮擊之可挫其鋒彼不逞則固守以待援於是整兵出戰保保兵稍却遲明溫收兵入城敵兵遂圍城數重溫堅守不與戰時應揚衛指揮于光守鞏昌將兵來援至蘭州之馬蘭灘與保保兵戰敗走被執至蘭州城下使呼張將軍出降光大呼曰我不幸被執公等堅守徐總兵大將軍至矣敵怒批其頰遂被官城中聞光言守益固保進攻不利且懼大將軍至乃引去光字大用南康都昌人磊落有大志徐壽輝初起兵畧湖口光將兵守鄱陽都昌當其衝要光乃集衆列爲隊伍分布境土以禦之既而都昌陷壽輝署光江東宣慰元帥鎮鄱陽浮梁陳友諒殺壽輝光謂其衆曰我不能殺諒可事之乎適遣使奉幣以浮梁來降繼而輕騎上于龍江授行樞密院判官賜以衣冠俾戍徽州永平既行復召還鮮金連環拜繼賜之光頓首曰臣蒙被厚恩鞠躬尽力死而後已乃從上征九江下黃梅攻建昌戰鄱陽降武昌皆預有功轉振武衛指揮同知尋遷鷹揚衛指揮使惜懷遠將軍從大將軍徐達平淮東浙江擒張士誠下山東諸郡取汴梁克陝洛下潼關同都督郭子興守之後復守鞏

昌王保保屢引兵來攻。光輒繫却之。至是被執而死。  
時年四十三。

上聞之。遣官祭以少牢。後命配享鷄籠山功臣廟。詔赦  
歸洮將士之亡匿山谷者。詔曰。天地以生物爲心。帝  
王以不殺爲德。自三代以下。漢高祖唐太宗。皆承天  
之運。奮武威以定亂。行仁義以安人。惟秦不然。坑趙  
降卒四十萬。古今非之。雖能混一。享國不長。天直昭  
然矣。朕每遣將出師。必加訓諭。降者撫之。抗者誅之。  
故凡其來降。大小咸授以職。保其父母妻子。近者兵  
至西土。幽國公李思齊率其部屬將士。悉來臣附。大  
將軍以其精銳隨軍征進。老幼安居。城郭保完。未嘗  
多殺。可謂鑒秦之過。恪遵朕命矣。當歸洮受降之初。  
如或妄加誅戮。爾衆安能保全。今爾將士。乃有懷思  
其家。遁藏山谷者。夫父母妻子之戀。人之常情。雖新  
附之衆。未能悉知。朕爲民父母。可不矜念。詔書到日。  
逃竄山谷者。無自驚疑。罪無大小。並行赦之。  
三年正月。癸巳。上以王保保爲西北邊患。優命右丞  
相信國公徐達。爲征虜大將軍。浙江行省平章李文  
忠。爲左副將軍。都督馮勝。爲右副將軍。御史大夫鄧  
愈。爲左副將軍。湯和爲右副將軍。往征沙漠。

上問諸將曰。元主遲留塞外。王保保近以孤軍犯我蘭州。  
其志欲僥倖尺寸之利。不滅不已。今命卿等出師。當  
何先。諸將皆曰。保保方以兵寇邊者。以元主猶在也。  
若以師直取元主。則保保失勢。可不戰而降也。

上曰。保保方以兵臨邊。今捨彼而取元主。是忘近而趨遠  
矣。失緩急之宜。非計之善。吾意欲分兵爲二道。一令  
大將軍自潼關出西安。擣定西。以取王保保。一令左  
副將軍出居庸。入沙漠。不意吾師之至。如孤豚之遇  
猛虎。取之必矣。事有一舉兩得者。皆是也。諸將皆曰。  
善。遂受命而行。賜右丞楊憲名華。叅政事。辛亥。以太

常卿明惟庸爲中書省叅知政事。起居注魏觀爲太  
常卿。調北平行省叅政。周成爲湖廣行省叅政。

癸巳。命故都督張德勝子宣襲職。初德勝以戰死。宣  
年幼。令養子同襲職。至是宣年長。而同亦能自立。軍  
功。於是命宣襲父職。同復其姓名爲汪興祖。貶刑部  
尚書。爲惠州府經歷。馮子伯寧。鄱陽人。善詩。與辛  
敬萬石楊伯謙李克正查和卿等。稱江西十才子。累  
官爲按察司僉事。坐事謫輸役汴梁。及置河間鹽運  
司。復起爲使。至是自河間召爲尚書。未視事。入官舍。  
非禮辱責胥吏。

上聞而怒之。故貶沂郛二州山民作亂。命叅陸聚率兵討

平之。二月辛酉。

上御東閣。翰林學士宋濂待制王祿等講大學傳之十章。

至有斯有土。濂反覆言之。

上曰。人者國之本。德則者身之本。德厚則人安。人安則國

固。人主有仁厚之德。則人歸之如就父母。人心既歸。

有土有財。自然之理也。若德不足懷衆。雖有財。亦何

用哉。

乙丑。詔修元史。時儒士歐陽佑等。未據故元元統以

後事實還朝。仍命翰林學士宋濂待制王祿爲總裁。

儒士趙儼。朱佑。具瓊。朱世濂。王敷。張孟。高遜忠。李懋。

李文。張宜。張簡。杜寅。殷弼。俞通。十四人同纂修。

乙酉。指揮金朝興。取東勝州。獲元平章荆麟等十八

人。命省部官會太史令劉基。參考歷代朝服公服之

制。凡大朝會。

天子交冕。御殿則服朝服。見皇太子則服公服。仍命制公

服朝服。以賜百官。三月丙申。給賜各朝臣袍帶。凡二

千八百一十三人。先是禮部言。各官先授散官。與

見任之職事。高下不同。如監察御史董希哲。前授朝

列大夫。澧州知府。而任七品職事。省司卽中宋冕。前

授亞中大夫。黃州知府。而任五品職事。散官與見任

之職不同。故其服不能無定。其制乃詔省部臣定

議。於是禮部奏唐制服色。皆以散官爲準。元制散官

職事。各從其高者。故服色亦因之。國初服色並依所

授散官。蓋與唐制同。

上曰。自今服色宜準所授散官。不當計見任之職。於是所

賜袍帶。皆從授散官給。

庚子。置秘書監。扶正六品。先除監丞二員。直長二員。

士寅。迂兵部尚書。滕德。爲戶部尚書。以黃州府知府

秦廷。爲戶部左侍郎。程達。爲戶部右侍郎。

上諭之曰。六部總領諸司。實爲要職。而戶部出納天下錢

谷。尤爲繁重。必得勤敏廉知之士。以職任之。朕屢加

遴選。實難其人。卿等才望。爲時所推。故特授以是職。

宜各尽心所事。德頃首曰。

陛下盛德。與天同運。宵旰之勤。遠邁前古。臣等才智愚下。

當鞠躬盡瘁。以答寵命。尋廷達。爲殿中侍御史。准安

侯華雲龍。言前大軍克永平。留故元五省八翼兵。一

千六百六十人。屯田。月支糧五斗。今計其所收。不償

所費。乞取赴燕山諸衛。補伍練用。詔從之。

庚戌。虎賁衛指揮潘毅卒。命遣官致祭。賜卹結縗。凡

喪葬之費皆給于官。既葬，使遣使之。其文曰：朕與爾同鄉里，因天下亂，爾從朕征伐，十有五年，破荆楚之強敵，縛江右之僞主，收諸山寇，轉戰吳越，南方以靖。命爾從大將軍北伐，大功已成，軍回之日，西北又起兵爭，再遣從征，爾乃中道，因疾而逝。朕思十五年間，披堅執銳，野宿風餐，臨陣摧敵，奮不顧身者，屢矣。及天下平，身不及享，可勝痛哉！嗚呼！生死者天道之常，爾為將臣，能戮力事功，齒于後，名留千古，亦可無憾矣。今命中書省，贈爾宣忠義功臣，鎮國上將軍，食大都督府事，護軍，追封榮陽伯，謚武肅，爾其有知尚克欽承，仍命省臺府衛致祭，及服除日，又厚賜其家。賞平章楊璟、左丞周德興、克平湖南保慶廣西靖江等處，部下將士之有功者，命禮部卹其實，各指揮文綺帛各六匹，十戶鎮撫各五匹，百戶所鎮撫各四匹，旗軍人給藍六十斤，征廣西不征北者指揮文綺各四匹，十戶鎮撫各三匹，百戶所鎮撫各二匹，旗軍給藍四十斤。都督汪興祖、克武州朔州，獲元知院馬廣等六百三十四人，家屬二千七百九人。

皇明本紀



明史紀事本末

明本紀一卷

左都御史張若淮家藏本

不著撰人名氏，紀明太祖事蹟自起兵濠梁迄建國金陵，皆分年排載，頗為詳備，蓋亦自實錄中摘出編次者。惟自洪武三年正月以後，並闕或草創未竟之本歟。

世史正綱三十二卷

〔明〕丘濬撰

復旦大學圖書館藏明嘉靖四十二年孫應

鰲刻本

附《四庫全書總目·世史正綱

三十二卷》提要

刻世史正綱序

作史者大要在明人心乎不能明  
人心非史也何言明人心也天地  
爲萬物父母人得天地之心爲人  
靈於萬物人得天地之心在父子  
爲親在君臣爲義在夫婦爲別在  
兄弟爲序在朋友爲信此中國所  
有夷狄所無也何言中國有之夷  
狄無之也夷狄禽獸類也天不能  
治人人不能自治於是群五者之  
所附屬必立之君然後統有歸統  
有歸則必父父子子君君臣臣夫  
夫婦兄弟兄弟各安各寧無有  
姦慝然後統正統正然後不入夷  
狄不陷禽獸不入夷狄不陷禽獸  
然後可爲中國主可爲中國主然

後所踐曰天位秩曰天秩叙曰天叙賞曰天命罰曰天討是爲天子五帝三王主中國者也五帝三王爲中國主天地之心不失其天地人之心不失其人太和休風流溢宇宙言道之極言治之至莫有踰越嗚呼中國若此不失其中國矣自五帝三王已遠道教既衰人競其私智家圖其私利相軋以勢相爭以力在父子不知有父子在君臣不知有君臣在夫婦兄弟不知有夫婦兄弟夷狄不守令禽獸不安居故仲尼懼爲作春秋故中國雖不得若五帝三王者爲主迺五帝三王之道之治可垂萬世則春秋之大功若春秋者可謂能明人

心矣故曰春秋大一統又曰春秋大居正此史之準也後世作史徒以鈎竒綴事馳辨角辭其陋識卑見誠罔足異間有稍解銓評之旨酌事例之條又不明於春秋所謂正統者於是新安朱子宋資治通鑑作綱目東萊呂氏作大事記其詳略格趣雖殊要皆取瀛春秋明人心之旨然大事記始周敬王三十九年終漢武帝征和三年未究厥全本朝金華王子克雖著大事記續編七十七卷大抵皆沿故舊綱目續編亦纂於憲宗朝諸臣纂修皆繁複眩惑視朱子所著遠甚即朱子所著天台方

遜志已有立一法不足盡情僞小人馳驚於濫外竊笑吾疎之議則信作史者之難也遜志著釋統三篇言周秦以來甚悉其要謂正統之說不當以全有天下者槩加是名見周爲正統漢唐宋宜如朱子意亦爲正統秦晉隋女后夷狄當立變統待之變統之制必異天子之禮又著後正統論一篇所以發明春秋正統之說至是始昭晰不疑貳爲不可易瓊山丘氏乃取遜志意掇綱目大事記二書鎔裁之著爲世史正綱凡非所據而據者雖不明立變統迺今註甲子帝年國號名謚死殂無不依倣遜志所論譔故事辭之要束在子則重父

在臣則重君在婦則重夫在弟則重兄在夷狄則重中國曰家曰國曰天下務各得其所以爲心緒往哲辨說之精故析理嚴本載籍紀陳之實故持義當其於取濫春秋以明人心之旨庶已哉庶已哉嗚呼愚嘗反覆是書自秦以來中國雖不得如五帝三王者爲主父子君臣五者之教或興於仆或晦於明猶未至漸滅乃至於元則世變之極自天地剖判以來所未有矣我太祖御歷然後中國之正統復父子君臣五者之教大興大明不啻五帝三王時士生其間誠幸甚學士大夫覽覩得失之林今昔之故寧



無三致意於正心之學其期以春秋經世庶於帝王之道之治不苦踐籀耶是書凡三十二卷鏤成藏於秦之學臺與明正學者共之嘉靖癸亥春王正月如皋孫應鰲書

光緒三十二年歲在己未德隣客于京師又值一陽時二月二十七日

此元緒四年所撰書雖非年譜而卷中後

六

六

世史正綱序

世史正綱者爲而作也著世變也紀事始也其事則記乎其大者其義則明夫統之正而已董子曰正其誼不謀其利明其道不計其功非道非義功利雖大弗取也或曰自孔子作春秋之後大事有呂氏之記續之可也正統有朱子之筆導之可也矣用此爲我曰呂氏之記記其大而或兼其細也朱子之筆筆其正而或專其統也愚惟錄其大而已細小不屑及也取其正而已統否不暇計也然則有所見乎曰有聖賢之書婉而正學者之書顯而直婉而正所以待後世之賢人君子也顯而直所以曉當世

之學生小子也何則人之生也稟賦不齊賢者知者恒少而愚者不肖者恒多聖賢之書用意深而立例嚴非賢人君子不能知也是以知之者恒鮮愚為此書直述其事顯明其義使凡有目者所共覩有耳者所共聞粗知文義者不待講明思索皆可與知也苟或因是而

附世文王綱下

二

馴致夫賢人君子之地則夫聖賢婉而正之書亦可由此而得之矣愚所以作書之意有在於是非敢立異以犯不韙之罪也然則其宏綱大旨果何在哉曰在嚴華夷之分在立君臣之義在原父子之心夫華夷之分其界限在疆域華華夷夷正也華不華夷不夷則人類

彘世不可以不正也君臣之義其體統在朝廷君君臣臣正也君不君臣不臣則人紀隳國不可以不正也父子之心其傳序在世及父子子正也父不父子不子則人道乖家不可以不正也本家以立國正國以持世而一歸於人心道義之正則人極以立天地以位夷狄不敢以亂華禽獸不敢以侵人上天所以立君之意聖人所以立教之心或其在於此乎請言其詳天位乎上者也地位乎下者也天地之所以生生者物也物之動者有三焉人也夷狄也禽獸也天生人而於人之中命一人以為君以為人類主闡教以立人極脩政以安

附世文王綱下

三

人生然必其生安然後其極可立也。彼其所以為生人害而使之不得安者，誰歟？夷狄也，禽獸也，為生人主必攘夷狄，必驅猛獸，使吾一世之民各遂其生而不罹其害焉。於是乎吾政行而教施，而世底乎雍熙泰和矣。是則君人者之責也。雖然，君之所以為此者，非君之自為也。承天之意也。能承天之意，則能受天之命矣。受天命者，必奉天焉。奉天者，必大報天焉。君秉誠以事天，天垂象以示君，必致夫精禋感格之誠，必謹夫象緯災祥之故。如是則天人合一，天不在天而在君矣。天之心則仁愛人君，君之心則仁愛生民，民之生也性天之理。

以為其心形天之氣，以為其身心有不明，君必明之。俾天之理不為物所蔽，身有不安，君必安之。俾天之氣不為物所戕，故凡其號令之頒，政事之施，教條之布，禮樂制度之具，刑賞征討之舉，無非以為民而已。為乎民，所以承乎天。承乎天，所以安其位也。然君於此，豈能以其獨力為之哉？亦由夫小大內外之臣以為之腹心股肱耳目爪牙焉耳。君總於上，臣分於下，彼此相資，遠近相維，階級相承，氣脉相通，各盡職以釐務，畢同心以奉上。君必死其社稷，臣必死其職事，本乎是以持世，由一世而十世，十世而百世，百世而千萬世，華必統夫夷。

夷決不可干中國之統君必統夫  
臣決不可萌非分之望男必統  
夫如女決不可當陽剛之位臣非  
有舜禹之聖決不可以言禪君非  
有桀紂之暴決不可以言伐君雖  
不及太甲臣非有伊尹之志決不  
可以言放非為天吏決不可興問  
罪之師非奉天討決不可清君側  
之惡事雖至於無可奈何非濟天  
經決不可用權宜之策天冠地履  
之分必嚴水木本源之心必篤如  
是則大義立矣雖然天下之本在  
國國之本在家家必正而後國定  
其本亂而未治者否矣是故父有  
天下必授之於子子居大位必受  
之於父父非真堯舜子非真桀

必不可以與舜禹子非真武王父  
非真西伯必不可以舍伯邑考隱  
攝桓位不可也宣傳繆仁不可也  
父之所子必子心之所安子之所  
承必父心之所願非的見夫大義  
之決不可以行權非真有夫必歸  
之誠不可以言假授受取與必原  
其心原其本心之初於序必順於  
理必正於心必安以此正名以此  
定位既定其位必端其本本之所  
以端者身也身不可以不脩身之  
所以脩者心也心不可以不正知  
其身心之所以必當脩而正者學  
也學不可以不講講學以正心正  
心以脩身脩身以端其本則夫婦  
于焉以有別昆弟于焉以有序諸

父子焉以有善諸舅子焉以有義族人戚屬莫不子焉以有禮將見身正而令行家和而福生行乎上而效于下篤其近而舉諸遠矣是則大而一世所以網維之者國也中而一國所以根本之者家也家則內和而外順國則上令而下從極乎一世之大則華夏安乎中夷狄衛乎邊各止其所而不相侵凌則人之所以為人者相生相養各盡其性各全其命而一順於道義之正而不拘於功利之私是則所謂雍熙泰和之世也人既得其所以為人物亦得其所以為物天由是而得以為天地由是而得以為地則人君中天地而立為人物之

主者其責盡矣上天立君之意於是乎為無負而聖賢所以著書立言諄諄乎垂世立教者亦於是乎不徒託之空言矣區區一得之愚偶有所見而妄為此書始嬴秦庚辰之歲滅國訖于齊世道之始變也終

皇明戊申之春書出掃于鼎天道之

終定也首尾凡一千五百八十有

九年書成罔僭書卷端以示夫當

世之學生小子而後世之賢人君

子容或有以取之否乎不敢必也

於是乎書以俟

成化辛丑春二月丁未瓊山丘濬

序

世史正綱凡例

一是書之作繫事以年而不備其時與月者蓋以聖人作經備載四時而錯舉春秋以為名不敢僭擬之也

一是書止提其綱而不備其事者不敢倣大賢之綱目也

一是書異於前史者以規圓為圖於甲子下年號上而即其中以前國號也然其所書之號則有殊墨之異焉自來刻本凡殊書皆黑其地而白之今分畫為白字者以其

圖之或白或黑各有取義非但殊墨之也蓋寓太極陰陽之理

一凡作史者皆有義例今此書標出前代事體之大而要者示學者以大意俾其顯明易曉簡約易記即隨事為文無有義例間有異義者各具本條下

一凡序中所引言者皆書中所合紀載者云即此便是凡例

世史正綱卷一

秦世史成陽

史綱而始於秦者何志世變也何則前三代夏商周也後三代漢唐宋也前三代之制訖於秦而盡後三代之制至于秦而起是蓋天地間世變之大機會大界限也史綱於是乎託始其慨古道之不可復而世道之日以降也夫噫

始皇帝諱政

春秋十二公皆別書公於每卷之首而司馬氏之通鑑亦如之惟其別出也故隱莊閔僖可不書其即位而得以寓夫筆削之意綱目則書每帝諡號於其首年之下而不別出之故其君之始即位雖有不可書者不得不書也不書其所以始何以知其為其君哉史綱倣通鑑例年經而國緯之是亦春秋之意也

庚辰  
秦始皇帝二十六年

史綱規為圖而書國號於其中用以冠於

滅齊

逐年之上者何視綱目書某甲子例也蓋  
天運於上而以歲周之人生於下而以  
歲奉天運以主民生者當時統繫在此也  
若書有殊墨之殊者則又以別其統之有  
偏全焉無統之世則虛其中不書世又見元  
至正十

嗚呼三代建制之大者莫大於封建至是  
掃蕩無餘矣武王承夏商之後分封八百

國春秋之世惟餘十二諸侯至于戰國存  
者僅七而三晉田齊已非初封之舊當是  
時雖曰氣勢卑陋政令瓦解然而先王封  
建之微意猶有一綫之存也至始皇立首  
滅韓次滅趙次滅魏次滅燕次滅楚至于  
是又滅齊嗚乎此天地開闢以來聖帝明  
王所以建萬國親諸侯之制自是以後求  
無可復之期矣是蓋世道大變之端也

初并天下

嗚呼秦至無道也乃能定天下于一孟子

不嗜殺人之言無乃不驗乎吁是不然秦  
人吞噬六國蓋恃其勢力以兼并之也豈  
所謂定乎所謂并天下者特為漢主驅除  
焉耶曾幾何時勝廣兵起復立六國盡王  
諸將天下紛紛擾擾民不聊生卒之定天  
下于一者乃寬仁大度之沛公也孰謂孟  
子之言不驗哉愚嘗因是而通論天下分  
合之勢矣孟子曰天下之生久矣一治一  
亂亂之極矣天必厭之而生治治之將生  
必有驅除之人以掃其禍亂之餘烈以迓  
夫反正之君俾其開一代之治端基數百  
年之全盛歷考前代莫不皆然周之衰也  
分而為春秋戰國終而收拾之以秦於是  
乎漢興焉漢之衰也分而為三國南北朝  
終而收拾之以隋於是乎唐興焉唐衰而  
五季紛亂世宗於其間以治易亂氣勢將  
合矣有宋繼而闢以元宋衰而女真分裂  
蒙古乘其後以夷混華壞亂已極矣我  
朝撥而反之正噫自唐虞之後帝王之興  
代必以三者三才之道也天地人之異統

忠質文之迭尚始之以夏商周繼之以漢唐宋終而復始而我

朝之興其視商周之夏唐宋之漢乎

始稱皇帝

嗚呼帝王稱號之盛至是更無以加矣盤

古以來之君稱皇帝者三稱帝者五稱王者

三始皇初并天下自以為德兼三皇功過

五帝乃兼用之以為稱號後世襲而稱之

而以王封其臣子遂為萬世不可易之制

意自有此名稱以來古道日以湮微世道

日以淪降名雖尊於古而實不及之遠矣

遂使君道日尊臣道日卑上下遂至於懸

絕師臣之禮世不復歸格心之學竟莫能

施嗚呼是亦世道大變之一初也歟

始以命為制令為詔自稱曰朕

嗚呼帝王之制作號令載於書者典謨訓

誥誓命是已而其所稱謂曰朕曰予則上

下通之也至是始以命為制令為詔自稱

曰朕為上之所專而臣民不得與焉遂為

萬世之定制是亦世變之一初也

除謚法

始皇以古謚法為子議以臣議臣故欲除

之自我而始世世以數計二世三世至于

萬世傳之無窮焉抑豈知死肉未寒而人

殺其子僅及再世而天訖其祚萬世之下

稱其為無道秦者如出一口初不繫其謚

之有無也

追尊其考莊襄王為太上皇

皇者大也皇而加之太上尊極之稱也周

公成文武之德古固有之禮矣然所

謂太上皇者則筆見于斯為後世遂用之

以為生者之稱用謹識其初

以十月為歲首

夏正建寅為人統商正建丑為地統周正

建子為天統是則三代所建之正法三才

之道也秦不師古而以建亥之月為歲首

果何統乎抑何所法乎

分天下為郡始置守尉監

嗚呼此萬世郡縣之始古者列爵以公侯

伯子男分土以百里七十里五十里世及



以相承蓋非一世為之秦始易國以為郡縣易公侯伯子男以為守尉監遂為後世不可易之制自是以後事君者無世祿治民者無恆政兵農遂分不可復合豈非世道六變之端也歟

始徙豪富於咸陽

後世徙民實京師始此

滅古禮惟用其尊君抑臣者

書禮始此謂之書者書于史綱者此其始耳前此固已有之矣後倣此

改周大武樂為五行

書樂始此

一衡石丈尺文字

呂祖謙曰此乃帝王初政之常秦猶沿而行之後世鮮或舉之矣

始製受命璽

璽之作史不著其年月考之後漢書註云秦始皇初定天下所刻其玉出藍田山而篆文圖說亦云始皇并六國得和氏璧命李斯篆文王工孫壽刻之按此二說則璽

當是作於滅六國之後故繫之於是年之末云夫一璽之微初無繫於治亂而必書之者何蓋璽者信也古者尊卑共之至秦乃獨以專之天子之尊故於是乎志其始耳璽之文曰受命于天既壽永昌自是厥後有天下者得是璽也遂以為真有受命之符無是璽也乃至目之為白板天子一何愚且惑哉且命出于天必有德者然後足以受之受命者不于其德而顧區區於一物之用命果在是乎三代有道之長享

國皆至數百年初未聞有此璽也秦自作璽之後僅七八年遺臭聞于沙丘不一再傳肉袒負于軹道烏在其為壽且昌哉由是觀之是一亡國不祥之物耳史綱特表之以見天命之去留在君德之存否璽之有與無初不足為輕重也書之于此用以祛萬世之惑焉抑是璽也或以為藍田王考古璽之制有肉有好狀如今之錢然非印之寶也當是藍田王所刻此於史無所關及之

收秦半之賦鹽鐵二十倍於古

書鹽鐵始此

始行半兩錢

按古文錢字作泉言其形如泉文一變而為刀器再變而為圜法圜法者太公所立也秦兼天下幣為二等黃金為上銅錢為下其錢貨如周錢文曰半兩重如其文而珠玉龜貝銀錫之屬為器飾寶藏而不為幣吁自周景鑄大泉之後而有半兩之錢自後而為榆莢為八銖為四銖為五分皆始于此

冬十月

按秦自昭王已以十月為歲首至是始為定制舊史於逐年之下首書冬十月繼書春書夏而終於秋九月訖漢武帝太初元年行夏正而後首以春焉史綱書冬十月於是年之末無乃非據事直書之實錄乎夫史之作雖以紀事而其義則上齊天運中聞人文下維地紀截然有一定之理而不可移易不從其人為之和所以合乎天道之公傳所謂撥亂世而反之正史所謂

以治法而正亂君者也蓋嘗因是而論之自古作史者雖以孔子作春秋亦未嘗紀甲子史記十二諸侯年表首年標歲名其後惟紀以六甲而司馬氏通鑑以歲陽書於各卷之首然猶未用以冠年也惟朱子綱目始為義例表歲以首年於逐年之上書某甲子雖無其事亦備歲年所謂歲周於上而天道明者也彼夫一代之史一國之事逐年之上不冠以歲天時人事兩不相干隨其事而紀其實可也今通數代以為一書編次其年冠以甲子其於是年既書曰辛巳矣而其歲首實乃庚辰之冬則是一歲僅有三時而其一時乃去歲之餘也而又以是歲之冬屬之壬午之首如此則天運參錯不齊矣豈所謂歲周而天道明哉夫春夏秋冬天之四時也生長收藏時之四用也以冬而首乎春以藏而首乎生天之道氣之運果若是乎或曰商周以建子丑之月為歲首皆非歟曰子丑之月雖為舊年之冬而新年之陽實生於此其

辛  
秦二十七年

初巡遊

亦如日之有子丑時乎固非秦人用建亥之月亥為十二支之終之比也况其月數又因仍其舊而未嘗有改乎然則述前史而改其實古亦有其例歟曰新莽改漢正朔以今冬十二月為來歲之春正月溫公作通鑑書仍漢舊宋子綱目因之蓋不予其改漢正朔也吁莽固不可改漢正朔秦政何人而改三代正朔耶又見漢本初元年

始皇巡遊不止此也此其初耳故著之嗚呼有虞之時五年一巡守周十有二年王乃時巡所以省方觀民非以為遊樂也然又必以四岳為底止之地出必有期行必有友未有頻年出行遊蕩無度如始皇者也今年巡隴西北地至回中明年上鄠嶺繼是渡淮浮江至南郡登之罘刻碣石門至雲夢上會稽直至沙丘崩而後已嗚呼假望秩省方之說以濟其流連荒亡之欲所至徵求百出煩民耗財卒至於民怨盜

壬  
秦二十八年

起役祚殞身曾不旋踵噫後世人主可鑑諸

祠鄠嶺山始刻石為頌

後世石妙始于此

始封禪

封禪不經見其說昉於管仲而詳載於司馬遷之史記然皆托之空言耶見於行事者首著於斯自是而後若漢之光武唐之高宗宋之真宗皆效尤之秦其始作俑者

求神仙

嗚呼天下豈有不死之人哉豈有不死之藥哉始皇既平六國凡平生志欲無不遂者所不可必得者壽耳於是信方士之言謂人有不死者人之所以不死者得不死之藥而食之也於是遣徐市入海求三神山訪神仙覓不死藥嗚呼天地間豈有此理哉

癸  
秦二十九年

韓心張良爲其故主報仇

嗚呼韓亡至是十有三年矣而張良以家世相韓猶散千金之產募壯士以爲其故主報仇嗚呼世有躬於其身食君之祿而懷二心以事異姓者視此亦可以感愴矣史綱紀人臣之事而首之以此以示萬世之委質事人者或曰始皇廢先王之制滅六國虐用其民無一人敢私議之者而子房區區匹夫募壯士持巨椎擊之於千乘萬騎中未踰年而始皇死自此陳勝吳廣田儼項梁之徒始相尋而起是褫祖龍之魄倡群雄之心皆子房一擊之力也其關繫豈小哉

甲秦三十年一

乙秦三十一年

使黔首自實田

先田至此始大廢

丙秦三十二年

壞城郭決隄防

伐匈奴

書伐胡始此夷狄入寇不得已伐之可也始皇信盧生亡秦者胡之讖而興無名之師嗚呼豈所謂不得已哉

亥秦三十三年

初開南越地爲郡

此南越屬中國之始按南越地自古不通中國始皇發諸常逋亡人贅壻賈人爲兵畧取南越陸梁地置桂林南海象三郡徙民五十萬人與越雜處至是五嶺之地始合於中州經今千有餘年風俗移易遂與內地無異而其物產之用有國者或不能無資焉始皇開拓之功亦不可泯也

始置閩中郡

此閩地入中國之始按史閩越王無諸及越東海王搖皆越王句踐之後也姓騶氏秦并天下廢其君長以其地爲閩中郡不著其年月閩廣地相連其與平南越同時歟因次其後

收匈奴河南地爲縣

三代禦戎之道驅之出境而已始皇遠蒙

恬斥逐匈奴收其河南地以爲四十四縣  
前此未有也嗚呼南郡越北邑胡至是中  
國之地益以大變夷爲華是亦世變之一  
初也

### 築長城

長城之築起臨洮至遼東延袤萬餘里其  
爲計也亦勞矣雖然此非獨始皇築也昭  
王時已於隴西北地上郡築長城以拒胡  
矣亦非盡秦築也趙自代並陰山下至高  
關爲塞燕自造陽至襄平亦皆築長城矣

蓋天以山川隘險限夷狄有所不足增而  
補之似不爲過然內政不脩而區區於外  
侮之禦乃至於竭天下之力以興無窮已  
之功非獨不仁蓋不智也或曰始皇此舉  
固爲過矣設使繼秦者皆因其已成之勢  
稍加脩補之功世世不廢安知天下後世  
不賴之以限華夷也哉

### 運芻粟輸北河

書運粟始此

### 彗星見

變與之大者莫大於彗星自始皇立至是  
凡五見矣又者八十日長者或竟天說者  
謂其爲除舊布新之象嗚呼世至於秦夏  
商周之典至此而滅迹漢唐宋之法自此  
而開端其爲除舊布新也大矣豈直如太  
史公所謂滅六王并中國死人如亂麻兵  
相駘藉者而已哉秦人輕易變古遂使三  
代之良法美意一旦掃除變而爲一切功  
利苟簡之習上天垂鑑戒以儆切之而猶  
不知懼以至於亡也宜哉

### 秦三十四年

#### 燒詩書百家語

嗚呼先王之經籍自是無全書矣夫使自  
古聖帝明王賢人君子精神心術之微道  
德文章之懿行義事功之大建置議論之  
詳所以闡明已往而垂示將來者一旦皆  
成煨燼之末秦之罪上通于天矣秦無道  
之罪十數如壞井田刑三族坑儒生罪妖  
言之類然皆一時之事也繼其後者苟一  
旦興改革起廢之心其弊端可撤而去其

壁緒可尋而理也若夫詩書百家語固非一人之事亦非一日可成累千百人之見積千萬年之久而後備具者也乃以一人之私快一時之意付之烈焰使之散為飛煙蕩為寒灰以貽千萬世無窮之恨嗚呼秦之罪上通于天矣嗚呼此始皇李斯所以為萬世之罪人也歟

紀秦三十五年

大營宮室

始皇自并天下以來既築宮咸陽北阪上

又銅表一

六

又作信宮及甘泉前殿至是又營朝宮作前殿阿房東西五百步南北五十丈上可以坐萬人下可以建五丈旗役徒刑者七十餘萬人所以為此者豈非欲為終身安樂之地以貽子孫千萬年無窮之業哉卒之身死沙丘曾不得以正終於牖下僅及再傳付之楚人之一炬亦何用苦生靈為哉後世人主亦可以鑑矣

坑諸生四百六十餘人

嗚呼士生斯時亦可謂不幸矣雖然戰國

之痛所謂儒者蓋亦鮮矣似盧生之徒乃方其之流耳既以非道辜其君又從而譏議之激其怒而召其誅宜矣然始皇所誅止其人可也顧乃使御史悉按問之使傳相告引坑之咸陽示天下以懲後而害及無辜之人使凡誦法孔子者皆預禍焉嗚呼秦之無道一至此哉

出長子扶蘇監軍于邊

長子國之儲貳也徒以一言之不合即決使逐去秦之亡基乎此矣或謂扶蘇以諫

史記卷六

七

坑儒出外故胡亥得立而至於亡天道之報昭昭然矣雖繁秦之所以逆天而禍民者極其慘烈使扶蘇雖不外出亦終必亡而已矣但未必如此之亟也

庚秦三十六年

卯秦三十七年

秋七月秦主東巡崩于沙丘

秦之得天下不取於周而取之於六國況其所以滅周者蓋因其削弱之餘列國不復尊承之後其得國也蓋亦異乎晉隋矣

然先儒以其輕變先王之制事不師古而  
虐用其民擠之於閔位不復比數焉甚者  
計其曖昧不明之事謂六國未亡而秦已  
先亡豈所謂天下之惡皆歸焉者哉綱目  
於其滅六國之後而以正統歸之大書其  
年號終始皇之世皆以帝書而於二世元  
年亦嘗一書焉其後也書周文伐秦與夫  
書秦兵圍沛公吳廣進與秦戰之類其書  
法則亦無以異於六國未亡之前嗚呼朱  
子於秦蓋有不得已焉者蓋名予之而實  
不予也何則天生斯民無主乃亂民奉其  
主將以撫我也撫我則后虐我則讎始皇  
雖有人君之名而無君人之實假天子之  
位號以肆其毒於其民使之不敢言而敢  
怒蓋生靈之靈賊耶豈上天立君之意哉  
故於其終推廣文公之意以主書焉然猶  
不廢大書其年號者以著其有帝之名而  
無實也用以示戒於萬世云  
宦者趙高丞相李斯立少子胡亥為太子  
嗚呼此萬世宦者擅立儲君之始後世人

主烏可不謹於任用而豫於無事之時立  
儲以定國本哉  
胡亥殺其兄扶蘇而自立是為二世  
君受命于天者也臣受命于君者也子受  
命于父者也子承父之位而不受命于父  
亦猶臣承君之位而不受命于君焉世之  
作史者皆知臣悖君命而奪其君之子為  
逆乃獨於子之悖父命者畧焉何哉或曰  
此春秋之法也噫孔子魯人也書魯先君  
之事不得不為之諱若夫異代史官既非  
其臣子尚何諱之有哉古人有言死者復  
生生者不愧世之臣子所以敢於悖其君  
父之命者死之也論世者恒原死者之心  
以正其生者之是非則得之矣  
殺蒙恬蒙毅  
初始皇尊寵蒙氏信任之蒙恬外將蒙毅  
常居中參謀議名為忠信二人者乃秦之  
爪牙腹心也一旦宦官用計殺之如刈草  
菅然嗚呼人君之信用可不謹哉  
始厚葬

葬始皇於驪山下鑄三象奇器珍怪徒滿之今匠作機弩有穿空者輒射之上具天文下具地理後宮無子者皆令從死工匠為機者皆閉墓中嗚呼秦之所以厚葬與曲為備者將以為萬世計也葬僅再基而楚人發之噫自古以來未有如此厚葬者書之以為萬世戒

始以宮人殉葬

人君死以宮人殉葬始此遂為萬世之禍亦秦人不義之一端也

冬十月大赦

此後世人君初即位肆赦之始

二世皇帝諱胡亥

始皇秦二世皇帝元年

自始皇并天下既大書其年矣至二世乃分書之何以胡亥立非始皇意故上繫以秦而分書其年於下明統之在秦者未絕而所以繼其統者非所繼也不然據其見得者則予之是以成敗論事而沒其逆父之心殺兄之罪亂臣賊子接迹於世矣噫

秦殺公子十二人女十人

嗚呼凡人之所以經營者為子若孫計也始皇滅六國其為天下後世計慮者無所不用其極焉然而身死未幾長子即為趙高所殺既而胡亥又用高計殺公子十二人女十人卒之胡亥亦不免焉原其所自固秦累世殺人之報然非始皇留趙高以輔胡亥然亦未必如此之驟且慘也

發間左戍

後世發民戍邊始此

天下兵起楚人陳勝稱楚王

嗚呼此天下叛秦之始秦之禍生靈極矣於是乎天下之民不勝憤怨起而為兵在楚有吳廣景駒在趙有武臣趙歇在齊有田儼田單在魏有魏豹魏豹廣起於燕成立於韓約翰起於吳當是時稱王以復六國之後者非止一勝獨書勝者勝其倡也干戈所以載舟亦所以覆舟平日蚩蚩蠢蠢蠢所以服役乎我者一旦起而為仇敵夫豈無故而然哉



楚人劉邦稱沛公

秦廢衛君角為庶人

周之列國衛最後亡至是成周所封之諸侯盡矣

秦二世二年

沛公始遇張良

項梁立楚懷王孫心為楚懷王

秦斬李斯夷三族

秦以宦者趙高為中丞相

嗚呼此後世用宦者輔相之姬觀二世之

所以用高高所以謀秦及其所以自為謀

萬世之下可以鑒矣

後九月

秦之曆法應置閏者總致之歲末蓋秦以

十月為歲首故置閏於後九月焉歷漢初

至文景之世皆然意者至武帝太初改元

用夏正始變歟

楚懷王遣沛公伐秦

秦二世三年

秦宦者趙高弑其主胡亥

嗚呼此萬世宦者弑逆之始

秦宦者趙高立子嬰

秦降皇帝稱王

嗚呼始皇除諡法自已創始合稱皇帝期

從二世三世以至千萬世豈知僅及再世

而平日所任以為腹心者乃自降其皇帝

以為王然尤未也其後也乃并其始祖非

子所得附庸之國而失之世主鑒茲其尚

務積德而謹用人哉

秦子嬰誅趙高夷三族

嗚呼古者罪人不孥罰罔及嗣秦人始創

為夷族之法君用之以快其憤臣假之以

報其怨卒之始皇子女駢首就戮斯高族

類靡有孑遺是則向之所以害人者適以

自害也天道何昭昭哉

冬十月沛公入關受秦王子嬰降

初懷王與諸將約先入關者王之至是沛

公至霸上秦王子嬰奉璽符節以降沛公

既受其降矣則代秦而有天下者非公而

誰哉矧沛公以德行仁而為人心之所歸

往庶幾王者之師當時諸將往往失人心而項氏尤甚人心之旌歸天命之所在此

秦亡

春秋書梁亡謂其自取之也綱目於漢終亦以亡書而於秦獨闕焉先儒謂梁好土功輕民力心昏而出惡政所以魚爛而亡迹秦之所為殆有甚焉者是故法春秋以書其亡

漢蕭何收秦圖籍

沛公約法三章盡除秦苛法

沛公入咸陽與父老約法三章殺人者死傷人及盜抵罪

沛公會項籍于鴻門

項籍屠咸陽殺子嬰掘秦始皇冢大掠

秦漢以後屠城發冢如此嗚呼城以蔽生人者也冢以藏死人者也生而城守將以全其身死而冢藏將以安其屍皆人生之所必有者也項籍入咸陽屠京師之城發故君之冢存歿皆罹其殃何不仁之甚哉

世史正綱卷一

戊寅正月二十八日德陽縣守甲集

世史正綱卷二

○漢世史劉氏沛人郡長安後光武中興都洛陽

太祖高皇帝諱邦字季

乙未漢世宗元年

綱目於漢王既立之五年滅項氏後始予以正統而大書其年號史綱於是年遽書其國號者何蓋王者往也人心之嚮往即天命之所歸用以見當時人心已歸漢矣何則春秋之義急於進人以善人之有善雖未著已進而予之不逆探其終也若夫既善其初又成其終則其予之也必矣高祖當秦人暴虐之餘群雄殺戮之會獨能以寬仁為心拯民於水火之中假使無成猶在所予況其入關最先如懷王約受子嬰之降除項氏之暴而卒有天下者乎然而猶分註其年者明人心雖歸漢而群雄猶未盡滅也又綱目於是年下備書諸侯元年此盡去之者何蓋亂世奸雄乘時竊發以為斯民禍首據其所為即予以帝王之資是率天下而亂也然而獨書義帝於

漢王之前者何義帝者當時諸侯相率立之以為共主者也雖不為人心之所歸而其名號則已繫於人心矣

春正月項籍率諸侯尊楚懷王為義帝

楚懷王心項籍所立也而書率諸侯立之何按漢王為義帝發喪告諸侯曰天下共立義帝北面事之夫然則義帝為諸侯所立籍特為之倡率焉耳

項籍分天下王諸將自立為西楚霸王

沛公立為漢王

竊欲自王乃分天下立諸將為王以沛公為漢王王巴蜀漢中而三分關中王秦降將章邯為雍王司馬欣為塞王董翳為翟王以距漢楚將瑕丘申陽為河南王趙將司馬卬為殷王張耳為常山王英布為九江王共敖為臨江王吳芮為衡山王田安為濟北王田都為齊王徒魏王豹為西魏王趙王歇為代王燕王韓廣為遼東王齊王市為膠東王各罷兵就國意漢王之立籍立之也史綱書沛公立為漢王若其自

立焉者何不予籍之立之也沛公之立

天意順人心豈羽所得而擅哉

漢以蕭何為丞相丞相秦官也悼武王始置之漢以來拜丞相始此

漢王拜韓信為大將

漢以來拜將始此

漢以周苛為御史大夫

秦始置御史大夫漢因之掌副丞相漢以來御史大夫之名始此然是時位上卿丞相有缺則以次補之非唐為御史臺長官

比也

漢置縣鄉三老

冬十月項籍弑義帝

丙漢二年

春三月漢王為義帝發喪告諸侯討項籍夏四月漢王率五諸侯伐楚入彭城項籍還大破漢軍大風晝晦漢王遁其父太公為楚所獲

漢立于彭為王太子

漢立宗廟社稷於關中

漢令祠官祀天地四方上帝山川

冬十月晦日有食之

十一月晦日有食之

春秋於日食必書蓋以日者人君之象而被侵蝕君道所忌也書之以示後世使其遇災而恐懼焉日食之變古人論之詳矣大率謂日月之食雖有常度然王者脩德行政用賢去奸能使陽盛足以勝陰陰衰不能侵陽則日月之行雖或當食而不食

卷十一

四

焉若國無政不用善臣子背君父妾婦乘其夫小人陵君子夷狄侵中國則陰盛陽微當食必食雖曰行有常度而實為非常之變矣其為說深切著明後世人主所當服膺儆省者也然愚於此竊有見焉自古明睿之君正身脩德雖無變異而所以兢惕者固未嘗少有怠忽也惟中才之主適已自文遇有變異一切委之天數而於日月薄蝕尤慢忽焉往往諉曰此天數一定之常度於我何預焉未食之前星官固已

預奏其期時刻秒忽必具既而頒之天下俾至其日行禮一有不應則御史劾之坐以曠職之罪何以見其當食不食哉當食不食安知非推算者之差哉世主所以不信而生其慢忽之心也往往以此愚當竊觀日者之推祿命而不知推祿命者謂災眚之來人能脩德即可變而為祥有國者遇日月之薄蝕亦猶有身者遇祿命之弗順也因天運必然之數盡入道當然之理一遇日食之變則豫思所以脩德而正事任賢而去奸使臣子不至背君父妾婦不至乘其夫小人不至凌君子夷狄不至侵中國則吾之陽盛而天之陽亦從而盛矣尚何陰盛陽微之足慮哉是則先儒之論欲銷變於未然之先而愚為此說欲應變於將然之際銷未然之變非上智不能應將然之變雖中才可勉也程子曰日食有定數聖人必書者欲人君因此恐懼脩省其此意歟

西漢

漢王三年

夏四月項籍圍漢王于滎陽王走入關將絕信死之

秋七月有星孛于大角

書孛始此

漢王四年

秋八月漢初爲算賦

古之治民者有田則有稅有身則有役益稅出財役出力此自然之理也今漢始立算賦之法民年十五而算出口賦夫以一人之身既役其力又稅其財苟給一時之用遂貽無窮之害吁人主之舉事其可輕易哉

北貉燕人以兵助漢

此中國借兵夷狄之始夫夷狄虎狼也不可與共事有之未必成功無之未必敗事方其有事借助其力雖若可以快一時之意然後日之害不能保其必無也自高祖借助北貉燕人梟騎後世中國之君往往借兵蠻夷然得其利也無幾而受其害也亦多矣彼恃其有勞於我邀求無已予之

則無有已期不予則遂成讐隙卒之爲中

國之蠹生民之擾較之所借助者奚翅什百甚者宗社或因之而亡唐於突厥回紇宋於女真韃靼可監也已嗚呼君子作事謀始可不戒哉

漢令軍士死者吏爲棺歛送其家

書恤死之政始此

漢以周昌爲御史大夫

楚與漢約中分天下漢王父太公歸自楚

占人謂斷其一臂而與之天下有不爲者

况肯舍其天性之親而爭所未必得之天下哉雖爲天下者不顧私親然於妻子有

可生之跡尚無可舍之理父爲三綱之首

而可舍乎就使萬無可生之理猶當於死

中求其所以生者况有可生之理而爲之

子者乃不汲汲赴救設或計不行而被害

縱得天下爲萬乘君何顏立天地間哉

冬十二月漢會諸侯園囿籍天下籍伏誅

籍自殺也而以伏誅書何籍有弑君之罪

前此高祖既會諸侯以討之矣雖其勢成之

而自刎其與肆諸市朝也何異哉

封項籍族屬四人爲列侯始賜人以國姓

姓者受之先祖已不得以與人亦不得受之於人漢既以賜項氏又以賜婁敬其後世遂至以賜匈奴抑孰知數百年後劉淵輩不徒冒其姓且并其人民社稷而冒之今項氏故臣稱籍名稱者拜大夫鄭君不從逐之

太祖高皇帝五年

史綱於前既大書漢號而下分註漢王元年矣至是又大書漢高祖皇帝五年何此

綱目一統之大例也前書以見人心之歸後書以見大統之一昔者成周之興也人心之歸已見於虞芮質成之時九年之統乃集於燹伐大商之甲古今同一致也

春二月甲午漢王卽天子位猶襲秦稱皇帝

有天下者謂之天子有一國者謂之諸侯有一家者謂之大夫大夫受命于諸侯諸侯受命于天子天子受命于天而爲之子是則莫尊於天而下天一等者則天子也

秦不師古自稱皇帝其後因以王封其臣

子則所謂皇帝者卽天子也所謂王者卽

諸侯也高帝代嬴除項卽皇帝位于汜水

之上襲秦故號也史綱於此書卽天子位

猶襲秦稱皇帝其所居之位則是而所稱

之號則非謂之猶者可以已而不已也始

皇作之高祖述之遂爲萬世不可易之定

制然則不稱皇帝將何稱哉孔子作春秋

更至后曰皇后王太子曰皇太子尊其母爲

昭靈夫人

高祖卽位之初首更其王后太子皆加以

皇號特於其母止尊之以昭靈夫人無乃

厚於妻子而薄於其所生哉

斬丁公以狗爲臣不忠者

始定都長安

秦地披山帶河四塞以爲固所謂金城千

里天府之國得天下之百二者也周人初

起於邠繼都豐鎬天下形勝之地蓋莫有

過焉者也至平王東遷而棄其也與秦

地始大戰國之世山東之國六而秦居其一六者為縱而秦獨為衡焉卒能以少制衆并而有之非獨人力蓋亦地勢也自高祖用蒯敬言西都關中後世言形勝者必歸焉唐起晉陽亦都于斯自宋人都汴之後王氣銷歇者五六百年于今矣嗚呼地以人而勝人以德而隆山河之險固烏足恃哉

### 大赦天下

帝於正月既以兵事畢赦天下殊死以下至是又以將都長安大赦天下蓋赦之言始見於虞書然特以施之膏粱而已三代以前所謂赦者或以其情之可矜或以其事之可疑或以其在三赦三宥八議之列然皆隨事而為之制後世則不然一遇國家有變革喜慶之事則形於王言頒之天下不問情之故誤罪之當否一切施之以贖蕩之恩嗚呼是何三代之後君子常不幸而小人常多幸哉

立無諸為閩越王

### 始作武德舞

此漢以來作樂舞之始六年又更名舜招舞為文始景帝初元奏之高祖廟燕王臧荼反帝自將擊虜之書人君自稱始此

冬十月令天下縣邑城

十二月帝偽遊雲夢執韓信始封功臣為侯

古者爵有公侯伯子男之五等然既列之以爵則必分之以土使之蒞其土主其神以君其民自秦漢以來始有封以郡邑之名而惟奉朝諱於朝曾不一出國門者漢之封爵止於侯而無有所謂公伯子男者書于此以志其始

### 漢六年

春正月分封宗室為王

帝懲秦孤立而亡欲大封同姓以鎮撫天下分楚地為一國以淮東五十三縣立從兄賈為荆王以薛郡等三十六縣立弟交為楚王以雲中等五十三縣立兄喜為代

王以膠東等七十三縣立微時外婦之  
肥為齊王嗚呼此三代分封同姓為諸侯  
之遺意雖不盡合於古而猶有古意存焉  
光武懲七國之變而盡廢其制其後遂有  
權臣篡奪之禍晉武懲魏人之孤立而大  
啓其封其後遂有藩王紛爭之亂自是而  
唐而宋不復講此也久矣我  
太祖皇帝衆建親藩錯峙於藩臬郡縣之間使  
之互相維持以為治豈非萬世久安長治  
之良法也歟

封藩豈為什方侯

定元功位次用鄂千秋言以蕭何為第一

尊父太公為太上皇

太上皇之稱始見於秦然秦以追尊其既  
死之父今高帝乃以尊其父之生者後世  
遂祖之以為極尊之稱萬世不易焉

匈奴大寇邊

匈奴之先夏后氏之裔曰淳維殷時奔北  
方至周末與燕趙秦三國為邊秦使蒙恬  
北擊胡悉逐出塞秦滅冒頓稍渡河界於

故塞強之土三十餘萬自是匈奴始強  
大盡服從北諸夷自稱曰單于單于者廣  
大之貌言其象天單于然也頭曼為其子  
冒頓所殺冒頓自立為單于襲滅東胡又  
走月氏并樓煩諸國至是侵燕代書之于  
此以志匈奴疆大之漸  
徵魯諸生起朝儀博士叔孫通采古禮雜秦  
儀上之

嗚呼周室禮文之盛至是不可復覩矣夫  
禮莫備於周孔子所謂監於二代郁郁乎  
文者也秦起西戎一切以法從事焉知所  
謂禮哉叔孫通幸遇高祖創業之初而有  
起朝儀之機會不能訪求遺老於此之時  
講明三代之故以立一代之制顧乃區區  
以秦儀雜就之遂使成周之全典不復見  
於當時亡秦之陋制得以傳於後世噫可  
恨也夫

冬十月朔行朝歲首禮

此後世朝賀歲首之始按史記秦紀秦代  
周改年始朝賀今自十月朔漢初用秦正



以十月為歲首是時長樂宮成群臣朝正月適叔孫通與魯諸生所習者禮成遂行之歲以為常武帝雖用夏正然猶以十月行此禮至後漢始行於春正月其儀比此為詳云

### 宴群臣

此後世錫宴之始是日行朝賀禮畢置法酒群臣侍坐殿上以尊卑次起上壽觴九行御史執法舉不如儀者

### 命蕭何次律令

高祖初入關約法三章至是蕭何摛撫秦法作律九篇其後叔孫通又為十八篇

帝伐韓王信至平城為匈奴所圍

辛丑  
七年

春令民產子復勿事二歲

二月帝至長安

### 置宗正官

周官少宗伯掌三族之別以辨其親疎秦置宗正掌親屬漢因之更以叙九族焉夫以帝堯克明峻德而必以親九族為首是

則宗正之官其所關繫亦大矣故書于此

詔獄疑獄

書獄始此

治未央宮

壬寅  
八年

春三月令賈人毋得衣錦繡綺縠絺紵罽毼操兵乘馬

徙齊楚大族豪傑實關中

昭氏屈氏景氏懷氏田氏五姓徙關中與利田宅

冬始與匈奴結和親

齊景公一諸侯也畏吳之強不得已而以女女吳吳秦伯之後周之同姓固在九州之域中也景公猶且為之涕泣焉堂堂中朝奄有四海之大土宇之廣甲兵之強人士之衆乃至無策以禦外侮而與異類通婚姻決華夷之防廢徵聘之禮嗚呼景公不得已而為之高帝則可以已而不已焉夫以創業之君任百戰之將馭戎豈無他策而必割所愛以遺所惡哉蓋高帝因劉

敬之言劉敬本魏絳之說後世遂祖之以為馭戎上策夫以閭閻窳窳之資為腥臊犬羊之配田舍翁溺所愛者尚不忍也孰謂英雄之主如漢高帝唐太宗者乃忍為之哉蓋其慕劉愛為民之名而不明華夷之分人倫之理故也

癸卯九年

夏六月晦日有食之

以蕭何為相國

高祖既以蕭何為丞相至是復拜為相國

何薨代以曹參參亡不復置

庚申十年

夏五月太上皇崩令諸侯王國皆立廟

乙巳十一年

春正月殺淮陰侯韓信夷三族

嗚呼秦之法慘矣一人犯罪而貽禍於三族豈帝舜罰不及嗣文王罪人不孥之意哉史謂高祖寬仁大度除秦苛法秦法之苛者孰大於此於此而不除且用之以加諸有功之臣尚得謂之寬仁乎哉

立子恒為代王

詔郡國求遺賢

帝下詔曰王者莫高於周文伯者莫高於齊桓皆待賢人而成名今天下賢者智能豈特古之人乎患在人主不交故也士奚由進今吾以天之靈賢士大夫定有天下以為一家欲其長久世世奉宗廟無絕也賢人已與我共平之矣而不與我共安利之可乎賢士大夫有肯從我遊者諸侯王郡守必身勸為之駕遣詣相國府有而弗言覺免噫觀帝斯詔則其誠心求賢可知矣史綱書此以示萬世俾有國者知所矜式云

殺梁王彭越夷三族

立故秦南海尉趙佗為南粵王

立兄子濞為吳王

冬復沛民

帝自將破夷布還至沛謂沛父兄曰遵子悲故鄉吾雖都關中千秋萬歲後吾魂魄猶思沛且朕自沛公以誅暴逆遂有天下

其以沛為朕湯沐邑復其民世世無有所  
與後世創業之君役其鄉邑者蓋本乎此  
帝以太牢祠孔子于曲阜

嗚呼孔子之道乃天德民彝本然固有之  
理也雖當秦人慘刻之餘群雄戰鬪之際  
以高帝不好儒學之主猶知所尊敬焉初  
非有禍福果報之說竦動之也蓋其天德  
民彝本然之理在乎其心者自然感發而  
不自知耳

### 四老人因太子見帝

胡寅曰留侯招致四人以安太子其績尤  
偉司馬公乃致疑焉以為為子植黨以拒  
父嗚呼是未知春秋深許首止之盟而易  
有納約自牖之義也

### 下相國何獄既而出之

古者刑不上大夫秦以法持世待其公卿  
無以異於士庶人然蕭蕭皆起自秦吏習  
見其故而不知改其後二人皆躬自當之  
後世遂習用之以為常憲士亦不辜而生  
於三代之後哉

午丙  
十二年

春三月帝與群臣盟非劉氏不王非有功不  
侯

夏四月甲辰帝崩于長樂宮在位十三年

五月葬長陵

皇太子盈即位是為孝惠皇帝

尊皇后曰皇太后

書尊毋為太后如此

冬令民買爵贖罪

書贖罪如此按舜典金作贖刑非利之也

而後世則利之矣惠帝令民有罪得買爵

三十級以免死罪則是富者有罪非徒以

財而得以免死又因而得爵焉嗚呼是何

等賞罰耶

始賜民爵一級

普賜天下民爵始于此自後凡初改元率

以為例

太后呂氏殺其庶子趙王如意

趙王之死呂后以高祖嘗欲立之也書之

曰太后呂氏殺其庶子以著毋殺子之惡

人倫之大變也

世史正綱卷二

甲集

光緒戊寅六月二日國中與濟謙子

世史正綱卷三

甲集

○漢世史

孝惠皇帝辭祖子

○漢孝惠皇帝元年

春正月始城長安

○漢二年

春正月兩龍見蘭陵井中

書龍見如此

隴西地震

書地震如此

夏旱

書旱始此

相國鄒侯蕭何卒

以曹參為相國

○漢三年

春以宗室女為公主嫁匈奴

冬十月立帝甥張氏為皇后

后帝姊魯元公主女也后之於帝於華行

視諸父於親屬為甥舅帝王之家禮義之

節即此臣民之所瞻仰豈天下人類盡純

庚戌四年

而甘蹈夷狄之俗哉書立帝錫著其悖也

春正月始舉孝弟力田

為人子則當孝其親為人少則當弟其長  
人之一身上有父母下有妻子一日不可  
無食也欲得食則當力田不待上之人設  
科以勸誘之也設科而以是名則世之人  
悖德逆禮游手未作者多矣三代以前無  
此名也是亦世道大變之端

三月帝冠

人之所以為人者以其有禮也夫禮始有  
冠成於魯人生二十曰弱弱而冠三十曰  
壯壯而有室當然之序也帝於十月已革  
后矣而其冠反在五閱月之後無乃失其  
序乎或曰三十而娶庶人禮也天子諸侯  
娶必先冠欲其早有繼體也嗚呼既能成  
昏矣然猶不勝冠乎後世人主之昏不必  
皆以三十為限苟勝冠矣必先冠而後昏  
豈不親迎斯於禮之序順矣

省法令妨吏民者

始除挾書律

嗚呼書之為用其關於世教也甚大挾之  
者有何罪而秦人禁之犯者至刑三族邪  
高帝除秦苛法朝得天下而夕除之可也  
胡乃至易世之後四年之久而後去之哉  
是固其君之失當時輔相之臣亦不得辭  
其責也

始立原廟

按原者再也先既立廟今又再立故以原  
名昔者先王之祀其先也有時享有祫祫  
奉之有常所行之有定禮則是原廟之立  
乃後世之變禮非先王之正也原廟之立  
始於惠帝書之以著其失

宜陽雨血

書雨血始此

冬雷桃李華實

書非時雷非時草木華實始此

辛丑五年

夏大旱

書大旱始此

相國曹參卒

冬十月始置左右丞相以王陵為右丞相陳平為左丞相

爰立作相相之名昉於商書而與丞並稱則未有也秦自悼惠王始置此名而分命二人以為左右漢誅韓信後以蕭何為相國曹參繼之至是始襲秦故分置左右丞相而以王陵陳平為之用謹志其初

壬午  
六年

夏留侯張良卒

以周勃為太尉

癸丑  
七年

春正月朔日有食之

日食三朝大變也書正月朔日食始此

夏五月丁卯日有食之既

書日食既始此不書晦朔其食在二日歟

秋八月戊寅帝崩于未央宮年三十七

太后呂氏使其兄子呂台呂產將南北軍

按漢置南北軍南軍以衛宮城北軍以護京城彼此相制可謂周且密矣一旦呂后

乃以其權付於私親其莊周所謂滕絨局鋪為大盜積者耶

九月葬安陵

太后立所名帝子為皇帝

此後世立假子之始

太后呂氏自臨朝稱制

此漢以後母臨朝之始嗚呼陽倡而陰隨天道之常男外而女內人道之正女后臨朝乃以陰而居陽位女而為男綱豈非天地之大變也哉然則不幸而君崩子幼

則如之何曰君薨百官總已以聽於冢宰

古制也

冬十一月以陳平為右丞相

太后以嬖臣審食其為左丞相監宮中

此漢以來寵任嬖倖之始嗚呼男女有別

此萬世綱常之道不可更革者也食其自

高帝時已得幸於后臨朝之始首以為相

嗚呼宰相何等官也乃以私諸嬖倖之人

書之史冊遺穢千年

太后追尊其父為宣王兄澤為悼武王

為乎此漢以來尊崇外戚之始  
以官者張卿為大謁者受宣詔命  
此漢以來用宦官之始

卯漢 高皇后呂氏元年

春正月除三族罪妖言令

秦法不仁莫甚於誅三族罪妖言呂后既  
除之矣後世猶有行之者何哉

立公主子張偃為魯王

偃魯元公主子也公主子封王始見於此  
封所名惠帝諸子為侯王

山朝武為列侯彊為淮陽王不疑恒山王

太后立兄子呂台為呂王

前封兄澤為王既死而追封也至是立台  
為王則真封之矣高祖約非劉氏不王將  
以示千萬世之子孫以杜他姓非分之漸  
抑烏知死肉未寒為之仇儷者首壞其制

耶

秋桃李華

卯漢 呂氏二年

春正月地震羌道武都道山崩

令朱虛侯劉章入宿衛

夏六月晦日有食之

行八銖錢

丙漢 呂氏三年

夏江漢水溢

書水溢始此

秋星晝見

書星晝見始此

丁漢 呂氏四年

夏四月太后封其女弟呂嬃為臨光侯

發河東上黨兵屯北地

太后廢所立孝惠子而幽殺之更立弘

戊漢 呂氏五年

春趙佗反于南越

太后立兄子肅為呂王

紀漢 呂氏六年

初令戍卒歲更

庚漢 呂氏七年

春正月晦日有食之既晝晦

晝晦始此

太后立兄子祿為趙王

追尊昭靈夫人曰昭靈后

遣將軍周竈擊南越

書遣將伐越始此

西漢

呂氏八年

秋七月呂氏死

呂氏與高祖同創漢業高祖臨終又親受其付託既而殺其愛子使惠帝因是不得正命而終是時高祖諸子故無恙乃舍之而別求他人之子立之以繼漢統揆之春秋

史綱卷三

秋莒人滅鄆之例呂氏之罪大矣况又瀆

男女人倫之化而相其嬖臣違非劉不王之誓而王其外族其於高祖大義已絕故去其太后之稱而書以死以爲世戒或曰

世稱女后之惡者曰呂武史綱於武氏則書名而此止稱氏者何曰呂氏雖絕漢祀

而此武氏革唐命爲周其罪猶爲輕也

齊王襄發兵討諸呂呂產使大將軍灌嬰擊

之嬰與齊連和

太尉勃丞相平朱虛侯章誅產祿及諸呂

大臣迎立代王恒

後九月代王即皇帝位是爲孝文皇帝

誅呂氏所名惠帝子弘等

以宋昌爲衛將軍領南北軍

大赦天下

賜民爵一級女子百戶牛酒

賜民酺

漢以來賜民酺始此酺之爲言布也王德

布於天下而合聚飲食爲酺自古以來皆有酒禁漢法三人無故群飲酒罰金四兩

史綱卷三

文帝即位首賜天下之人令其會聚飲食

者凡五日所以鼓舞其懽忻之心而發舒

其苑結之情也歟

冬十月帝見于高廟

尊母代太后薄氏曰皇太后遣其弟昭迎于

代

以陳平爲左丞相周勃爲右丞相灌嬰爲太

尉論功益戶有差

除收擊諸相坐律令

詔曰法者治之正也今犯法已論而使無



罪之父母妻子同產坐之及為收拏朕甚不取其除收拏諸相坐律令

太宗孝文皇帝諱祖子

成漢太宗孝文皇帝元年

春正月立子啓為皇太子

立竇氏為皇后

詔定賑窮養老之令

夏四月齊楚地震山崩大水潰出

文帝時有此大異而卒無其應者何脩德

正事以弭之也是以雖遇大異而無大災

後世人主無文帝之德而遇非常之變可

不知所以反已自脩哉

令四方毋來獻

書卻貢獻始此

脩代來功封宋昌為壯武侯

此藩王入繼封其臣僚之始

右丞相勃免

賜南越尉陀書陀稱臣奉貢

召河南守吳公為廷尉

按廷尉之名始於秦漢因之蓋以兵獄同

制故曰廷尉掌刑辟凡獄質之朝廷與眾共之之義也

吳公薦賢誼召為博士超遷太中大夫

冬十月丞相陳平卒

詔列侯之國

復以周勃為丞相

前此丞相有左右此惟稱丞相

十一月晦日有食之詔求言

此因災異求言之始

舉賢良方正能直言極諫者

後世制科其名始此於此

潁陰侯騎賈山應詔上書

此漢以後人臣應詔上書之始帝因日食

下詔曰人主不德天示之變以戒不治朕

下不能治育群生上以累三光之明不德

大矣令至其悉思朕之過失及見知之所

不及句以啓告朕及舉賢良方正能直言

極諫者以匡朕之不逮於是山應詔上書

癸亥二年

春正月親耕籍田

漢以來人君耕籍田始此

除誹謗妖言法

妖言之禁呂氏時已除矣而其法猶有存者至是始盡除焉帝詔謂今法有誹謗妖言之罪是使衆臣不敢盡情而上無由聞過失也將何以來遠方之賢良其除之詔勸農

後世勸農始此詔曰農天下之大本也民所恃以生也而民或不務本而事末故生不遂朕憂其然故今茲親率群臣農以勸

之其賜天下民今年田租之半

賜天下今年田租之半

賜民半租始此

冬十月晦日有食之

十一月晦日有食之

丞相勃免以灌嬰爲丞相

甲漢三年

夏五月匈奴入寇帝如甘泉遣灌嬰擊走之

濟北王興居反尋自殺

漢以來藩王反始此

以張釋之爲廷尉

北四年

春正月以張蒼爲丞相

始令張蒼定律歷

書律歷始此

秋九月下絳侯周勃獄旣而出之作顧成廟

按此生而自爲廟者也自秦始皇始作極廟漢放而爲之賈誼謂使顧成之廟稱爲太宗與漢無極者也此非獨文帝有之如

景帝之德陽武帝之龍淵之類皆是也以

丙寅漢五年

春二月地震

除盜鑄錢令

弛私錢禁始此夫天生物以養人如茶鹽之類弛其禁可也錢幣乃利權所在除其禁則民得以專其利矣利者爭之端也

冬十月淮南王長謀反廢徙蜀道死

丁卯六年

老上單于立請和親

書單于立始此

賈誼上疏陳政事

戊辰  
七年

夏六月未央宮東闕災

書災始此

己巳  
八年

夏長星出東方

書長星始此許衡曰三代而下稱盛治者無若漢文然考之當時天象數變如日食

地震長星彗孛之類亦多有之前此後此

者凡有是變小則有水旱之應大則有亂亡之禍未有徒然而已者獨文帝克享天

心專以養民為務今年下詔勸農桑明年

下詔減租稅其心懇愛生民如此故不徒

消弭災異而又致和氣之應遂使海內殷

庶黎民樂業風俗醇厚且建漢家四百之

基猗歟偉哉

庚午  
九年

冬太后弟薄昭殺使者帝令自殺

諸侯王皆來朝

遣太常掌固鼂錯往濟南受尚書於伏勝

辛未  
十年

夏匈奴寇狄道

太子家令鼂錯上書言兵事

募民徙塞下

此募民徙邊之始

出宮人令嫁

此放宮人之始

絳侯周勃卒

冬十二月河決酸棗始與卒塞河

此漢以來河決之始按春秋後河患見於史傳者始於周威烈王之十有三年晉河

岸崩壅龍門至于底柱戰國之時河水潰

圯隄岸者蓋亦不多見至是以後河始為

世大患

癸酉  
十二年

春三月除關無用傳

詔民入粟邊得拜爵免罪

賜農民今年半租

遣謁者賜三老孝弟廉吏帛

成  
漢  
十三年

春二月詔具親耕桑禮儀

除祕祝

始除肉刑

三代以前所謂肉刑者墨劓剕宮大辟五者是也至漢時僅有三焉黥劓斬趾而已文帝感淳于公少女緹縈之言始下詔除之遂以髡鉗代黥答三百代劓答五百代斬趾自是以來天下之人犯法者始免斷肢體刻肌膚萬世之下人得以全其身不絕其類文帝之德大矣

梁王太傅賈誼卒

除田之租稅

有田則有租此天地自然之常理百王不易之定法也食王土為王民無終歲不納租稅之理人君不橫征而多取之斯當矣豈有盡除之理哉文帝斯舉固其仁厚之政恭儉之效要之不可為常也雖然其視

後世盡民所有而取之者何啻天淵哉

冬匈奴寇邊帝親勞軍勒兵

此後世人君親勞軍之始

遣兵擊匈奴出塞而還

命將出師多矣不書書此者何驅之出塞即還可以為萬世禦夷之法也

元  
漢十四年

春增諸祀壇場珪幣

元  
漢十五年

春黃龍見成紀

夏四月帝如雍始郊見五帝

人君之職在乎奉天臨民而已故有天下者受上天之命則當奉上帝之祀焉所以報本也漢初因秦雍時增之為五固已非禮矣然皆有司致祠人主未嘗一親事焉文帝始議親郊然其在位二十三年僅一郊見而已嗚呼受天命為天子而略天之祀如此固非人君奉天之職抑豈上天命君之意哉

始親策賢良文學士

此後世人主親策士之始

作明陽五帝廟

用方士請也後世人主作非禮之祠始此  
文帝猶然無怪乎武帝立越祠宣帝祠金  
馬碧雞也

丁漢十六年

夏四月親祠五帝

書人君親祠始此

以方士新垣平為上大夫

國家設官所以待天下之士與之共成天

下之事而治天下之民也非人君一己私

有之物方士有何功德而私予之以上大

夫之職哉文帝且然於武帝也何尤

命博士諸生刺六經作王制

詔更元

人君即位之一年是謂之元元者首也始

也人無二首故國無二王國無二王故年

無二元自三代以來未之改也文帝信新

垣平侯日再中之說於是乎詔以十七年

為元年嗚呼是惡知春秋所以正始之意

哉後世遂祖之以為常故一君而二元三  
元者有之甚乃至於六七元焉至于我  
朝

列聖始復古制可謂超越百王者矣

冬十月方士新垣平伏誅夷三族復行收孥  
相坐令

按孝文所行獨平一事為盛德之累其誅  
之是矣然因是而復行三族之誅終漢世  
而不能除惜哉

戊寅後元年

此後世人君再紀元之始按文帝改元蓋

惑方士新垣平侯日再中之說也未幾平

以敗露伏誅後世人主不考其故一切效

而法之何哉

春詔議可以佐百姓者

卯漢後二年

以申屠嘉為丞相

辰漢後三年

辛漢後四年

夏四月晦日有食之

壬午後五年

冬匈奴寇近邊詔將軍周亞夫等屯軍備之  
帝親勞軍至細柳軍

癸未後六年

夏大旱蝗詔弛利省費以擾民

書大蠱始此

甲申後七年

夏六月己亥帝崩于未央宮在位四十二年  
始短喪

三年之喪自天子達于庶人三代共之未

之有改也文帝徙以一己之見而輕變先

王之制景帝苟徇乃考之亂命而頓忘罔

極之深恩遂使有古聖帝明王所以忠君

孝親之大典一旦變革而為以日易月之

制自是以後踵以為常雖有賢孝之君痛

欲復古然旋復而旋廢卒之至今未能如

禮焉呼文帝作之景帝述之其罪均矣謹

書其始以垂戒萬世

乙巳葬霸陵

按古者天子七月而葬文帝以己亥崩至

乙巳纔七日即葬何其亟哉雖以文帝有

遺命不能如七月之期然稍留旬日亦可

以少盡人子不忍死其親之心景帝獨無

是心乎自是以後遂以為例景帝之崩亦

僅十日而葬蓋始于此也

皇太子啓即位是為孝景皇帝

尊皇太后薄氏曰太皇太后

此稱太皇太后之始

尊皇后曰皇太后

秋九月有星孛于西方

冬十月尊高皇帝為太祖孝文皇帝為太宗

秦以後追尊祖宗廟號始見于此三代而

下混一天下者秦漢晉隋唐宋而已而秦

晉隋之祚遠不及漢唐宋何也蓋秦晉隋

得國不順而不為天之所助雖有開國之

太祖而無繼世之太宗故也嚮使漢祖之

後止有孝惠而無孝文唐祖之後繼以建

成而無秦王宋祖不受太后遺言傳位晉

邸則其所以創建之者雖定而其所以締

結之者不牢子孫將何以持守而馴致於

數百年之遠哉故後世稱有道之長曰漢  
唐宋而秦晉隋不與焉我朝之興

祖宗繼統與洪唐宋若合符轍嗚呼豈非天哉

孝景皇帝

諱榮文帝子

西乙漢孝景皇帝元年

春正月詔聽民徙寬大地  
始三十稅

古者什一而稅漢文帝始賜民租之半後  
十三年又盡除之至是景帝始復收民半

租三十而稅一焉夫三代取民名雖不同  
然取之皆以什一也什一天下之中正多  
乎此則過於重而入於桀有以傷乎民而  
不仁少乎此則過於輕而入於貉無以奉  
乎上而非義皆非中正之道也景帝之三  
十稅一雖異乎後世之暴征多歛者然亦  
非先王之中制要之不可為常也是故道  
以中庸為至法以經常為極

減答法

先是孝文除肉刑當斬左趾者答五百當

劓者答三百雖有輕刑之名然答數既多  
犯者率多死至是下詔定律減五百為三

百三十為二百  
冬十二月有星孛于西南  
令男子二十始傅

按傅著也言著名籍以給公家徭役也漢  
制民年二十二始傅五十六乃免至是景  
帝立為異制令男子二十始傅

戊丙漢二年

春三月封子發為長沙王

史綱於凡繼世之君分封皇子皆不書而  
此書長沙王發者志漢室中興之基也  
夏四月太皇太后薄氏崩  
丞相申屠嘉卒

先儒謂嘉死漢相之權始奪

以陶青為丞相罷錯為御史大夫

六月彗星出東北

秋衡山雨雹

書雨雹始此

熒惑逆行守北辰

書焚惑始此

月出北辰間

書月錯行始此夫春秋月食不書此書月  
出北辰何月行有常北辰非其所行之道

錯行至此豈非大異乎

歲星逆行天廷中

書歲星始見此

丁卯三年

春正月長星出西方

吳王濞約膠西王卬膠東王雄渠菑川王賢

濟南王辟光楚王戊趙王遂反

命周亞夫等將兵討吳王濞等

帝用袁盎言腰斬鼂錯以謝反者

是月晦日有食之

周亞夫平七國劉濞等伏誅

赦吏民為濞所誅誤者

令頒繫老幼及婦有娠者

戊辰四年

夏四月立子榮為皇太子徹為膠東王

冬十月晦日有食之

己卯五年

春正月作陽陵邑

此後世豫作陽陵之始

遣帝女嫁匈奴單于

高祖與匈奴和親取家人子為長公主嫁

之今景帝乃以帝子之貴而為犬羊之配

何其不自貴重乎

庚申六年

秋九月廢皇后薄氏

考史記漢書皆不書右並蓋漏也

漢以來廢后始此

冬十一月廢皇太子榮為臨江王

漢以後廢太子始此

是月晦日有食之

辛卯七年

春以周亞夫為丞相

立夫人王氏為皇后膠東王徹為皇太子

漢以來再立后太子始見於此

壬辰漢中元年

按自文帝再紀元易世之後稱元年者以

前後別之耳非用是以冠年也文帝再紀



故有後元之稱景帝三紀故於前後又加中焉

已癸  
中二年

春始改磔為棄市

徵臨江王榮下吏榮自殺

夏四月有星孛于西北

更名郡守為太守

秋九月晦日有食之

冬十月封匈奴降者徐盧等為列侯

後世封降胡為侯如此文帝時雖有弓高

襄城兩侯乃韓王信子孫非匈奴也

中三年

夏旱禁酤酒

漢興有酒酤禁三人以上無故群飲罰金

四兩雖非古法然猶有周官萍氏所掌幾

酒之餘意文帝時既禁民毋為酒醪以靡

穀景帝於是月旱又有禁酤之令蓋亦文

帝之意也名雖曰禁而實無所利之至武

帝時為權酤之法始用是以罔利矣

秋九月有星孛于西北

是月晦日有食之

丞相亞夫免

以劉舍為丞相

未乙  
中四年

冬十月戊午日有食之

不書晦朔若非次日則史失也

中五年

秋八月令諸侯王不得治國

詔獄疑獄

冬十月改奉常曰太常

太常名官始此按太常在唐虞為秩宗兼

典樂之任也周曰宗伯掌邦禮秦改曰奉

常漢初名太常未幾又為奉常至是更為

太常遂為一定之制太常者王者旌旗也

王有大事則建以行禮太者尊大之義

改廷尉曰大理

大理名官始此

酉丁  
中六年

夏四月更減笞法定箠令

帝於即位之初既減笞法然其數猶多或

笞未畢而人已死矣至是又下詔減一百  
為二百二百為一百因是定箠令箠長五  
尺其本大一寸竹也末薄半寸皆平其節  
當笞者笞臀毋得更人畢一罪乃更也自  
是笞者得全云嗚呼自廢肉刑之後易刀  
錮以竹箠所以全人之生也景帝定為令  
凡箠所用之質所製之度所行之人所施  
之處皆詳悉具著以示天下後世其仁厚  
之心一何至哉以此為防後世猶有巧為  
之具倍為之度用所不可用之人施所不  
當施之處其慘刻顧有甚於肉刑者是獨  
何心哉

秋七月晦日有食之

戊戌  
後元年

人君三改元如此

春正月詔治獄者務先寬

秋七月晦日有食之

以衛綰為丞相

殺條侯周亞夫

死  
後二年

春正月地一日三動

書地震多矣未有書動者書地動僅此先  
儒謂震久而動速也震無數而動有數也

冬十月日月皆食赤五日

十二月日如紫

書日月異色僅見此

漢後三年

春正月詔勸農桑

禁採黃金珠玉

甲子帝崩于未央宮年四十八

皇太子徹即位是為孝宣帝

尊皇太后為太皇太后皇后為皇太后

葬陽陵

冬十月舉賢良方正直言極諫之士以董仲

舒為江都相罷治申韓蘇張之言

武帝即位首為此舉非特以求賢圖治所

謂一道德以同風俗者也儒者之道自遭

秦厄之後高祖以馬上得天下孝文好刑

名之言景帝不作儒術帝王之道儒者之

學幾乎無餘矣天生孝武皇帝中興文治

首開賢科罷黜異習即得真儒而用之由是文風再振而後世知有仲尼之教而堯舜禹湯文武周公之道復明於世者武帝之功也嗚呼盛哉

光緒二十三年三月

世史正綱卷四

○漢世史

世宗孝武皇帝

諱徹景帝子

辟

世宗孝武皇帝建元元年

自古帝王未有年號而年之有號始起于此夫人君即位改元自二帝三王以來宋之有改也然於是時天子既紀其即位之元而列國諸侯嗣位之初亦各有紀其元則似乎二統也自秦罷侯置守而天子始專之而天下奉行之不敢有貳其正朔之奉此之三代尤嚴矣然一君一元也文帝感方士而有後元之建則是二始矣然猶未有號也年之有號始於武帝即位之初事雖非古然足以別世代防偽妄禮所謂可以義起者其此類歟

復高年子孫

以竇嬰為丞相

後世寵任如黨此為之兆

以趙綰為御史大夫

迎申公為太中大夫

聘賢而迎之漢時猶有古意後世蓋罕矣

壬寅建元二年

春二月朔日有食之

以許昌為丞相

以後官夫人異父弟衛青為太中大夫

此私任後官親屬之始

夏四月有星如日夜出

星之變固有如月者矣如杯碗者矣然皆

莫甚於如日者焉書之以紀異

置茂陵邑

武帝年十六即位至是纔一年耳即為置

陵邑古人不以豫凶事為忌其達有如此

者

冬十月河水溢于平原

書河溢始此

癸卯建元三年

秋七月有星孛于西北

九月晦日有食之

帝始為微行

自漢以來人主微行始見於此

起上林苑

自漢以來作苑囿之始

庚申建元四年

夏有風赤如血

大風多矣書如血者僅見於此

秋九月有星孛于東北

己巳建元五年

始置五經博士

秦焚詩書惟存博士官漢初仍其舊置五

經博士始見于此嗚呼五經自秦火之後

為世大禁漢興稍復出然皆私相傳習於

其家至是官始置五經博士然後天下之

人靡然嚮風公相授受以為世業武帝有

功於儒教豈小小哉

丙午建元六年

夏四月高園便殿火

書火始此

太皇太后竇氏崩

以太后異父弟田蚡為丞相

丞相天子之輔弼乃用其私親而不出於

丞相天子之輔弼乃用其私親而不出於

公選書異父策得失見矣

秋八月有星孛于東方長竟天

書字長竟天僅見此

南越遣子嬰齊入宿衛

此外夷遣子入衛之始

冬十一月初令郡國舉孝廉

舉孝廉始此

元光元年

後世人主再紀年號始此元光云者以星變紀也

夏五月親策賢良文學

秋七月癸未日有食之

冬十月帝親如雍郊見五時自是定三歲一郊

此後世三歲一郊天之始

始親祀竈

禮竈者老婦之祀也盛于盆尊于竝而天子以萬乘之尊而親為老婦之祀可乎然禮有五祀竈居其一天子於歲時使各以其職祀之可也

遣方士求神仙

立太一祠

天之主宰曰帝天之神莫尊於昊天上帝也人君居天之位為天之子則當主天之祭其所當祀者一帝而已武帝信好人之言謂天神之貴者曰太乙太乙之佐曰五帝舍圓丘之位而開八通之鬼道舍冬至之月而用春秋之二時果何所據哉雖然此猶天之神也後世尚佛道二教乃隳人鬼於天帝之上何居

元光二年

遣間誘匈奴入塞

書兵誘始此

元光三年

春河徙頓丘

書河徙始此

河始通淮泗

河決濮陽發子由鉅野而通泗水由泗水而通淮也

冬十二月晦殺魏其侯竇嬰

漢元光四年

夏四月隕霜殺草

書非時霜始此

以薛澤為丞相

冬十月河間王德獻雅樂

漢元光五年

春正月河間王卒諡曰獻

通西南夷置犍為郡

始關地於西南

秋七月大風拔木

書大風始此

皇后陳氏廢

定律令三百五十九章

高祖入關約法三章其後蕭何檣據秦法

又為律九篇後世守此有於不行稍加損

之可也至孝武世乃用張湯趙禹條定法

令其多乃至三百五十九章大辟四百九

條千八百八十二事死罪決比萬三千四

百七十一事嗚呼禁網之密如此民何以

措手足哉

本朝自

太祖定律令之後至今百有餘年世世守之不

敢一毫有於增加豈非立法之善而守法

之篤歟

八月蠲

書按始此

徵吏民明世務習先聖之術者縣次續食

此後世給舉子以道路食之始

冬初筭商車

此漢以來征商之始按古人關市征歛之

本意惡其逐末專利而抑之初非利其貨

也至武帝始筭商車而取賈人之繆錢非

但計其物而稅之也乃計其載物之器而

稅之三代無此法也武帝創為此法而後

世踵行之世世享其利而武帝獨任作俑

之咎嗚呼後之欲立法興利者其尚鑒諸

漢元光六年

春穿漕渠通渭

冬定不舉孝廉罪法

按詔略曰進賢受上賞蔽賢蒙顯戮古之

道也其議二千石不舉者罪有司奏不舉  
孝不奉詔當以不敬論不察廉不勝任也  
當免奏可嗚呼帝之為此詔蓋恐人才壅  
於下而公卿蔽之於上也後世顧畧於不  
舉之罪而特嚴於繆舉之罰此亦可以觀  
世矣

元朔元年

後世三改年號始此元朔云者謂更為初  
始也

春三月立夫人衛氏為皇后

始置蒼海郡

始闢地於東夷

授上書人以官

臨苗人主父偃嚴安無終人徐樂皆以上  
書拜為郎中漢以後上書人得授官始此

元朔二年

春正月詔諸侯王得分國邑封子弟為列侯  
始立朔方郡募民徙之

始闢地於河南

春三月晦日有食之

冬以公孫弘為御史大夫

元朔三年

夏六月皇太后王氏崩

以張湯為廷尉

元朔四年

冬十一月以公孫弘為丞相封平津侯

丞相封侯自弘始

元朔五年

春匈奴寇朔方遣衛青擊之還拜大將軍

復興太學置博士弟子員

按前此博士雖各以經授徒而無考察試  
用之法至是武帝因公孫弘請為博士官  
置弟子五十人復其身太常擇民年十八  
以上儀狀端正者補博士弟子員此即史  
所謂漢興高帝平定四海未遑庠序之事  
至武帝始興太學者也漢以後有太學始  
此而書曰復何哉成均辟雍之制自古有  
之春秋戰國以來始廢耳太學雖自武帝  
而興非自武帝而有也

元朔六年

春遣衛青率六將軍擊匈奴

詔民得買爵贖罪置武功爵

冬十月獲一角獸

淮南王安衛山王賜謀反自殺

紀漢元狩元年

四此年號始此元狩云者以得異獸紀也

夏四月立子據為皇太子

遣謁者巡行天下

此後世遣使巡行之始

五月晦日有食之

遣張騫使西域

此遣使通西域之始

始通滇國

此西南通中國之始

庚申漢元狩二年

春以李蔡為丞相張湯為御史大夫

遣霍去病擊匈奴

匈奴渾邪王降置五屬國以處其衆

此胡酋來降之始嗚呼決內外之防混華

夷之俗魏晉以來夷狄亂華其幾實肇於

此

始立樂府

辛酉漢元狩三年

春有星孛于東方

秋山東大水徙其貧民於關西朔方

書水災處卹之政始此

作昆明池

書作池始此

冬始造皮幣

後世楮幣肇端于此按武帝時錢濫而物

貴遠方用幣煩費不省有司議以白鹿皮

方尺緣以藻績為皮幣直四十萬王侯宗

室朝覲聘享必以皮幣薦璧然後得行此

蓋用皮為幣雖與後世楮鈔不同然不用

金銀銅錫為幣而用他物代之則權輿于

此也

始置鹽鐵官

按周禮山澤之官掌其厲禁而已非征權

以取財也至齊管仲相桓公始有鹽鐵之

征彼偏霸一國也壤地狹而用度廣因其



地負山海而稅其近利者昔人已議其巧  
爲之法陰奪民利而盡取之況有四海之  
大者租稅適天下其所以資國用者利亦  
多端顧亦效而爲之可乎後之有天下者  
鹽鐵置官始于武帝鹽官凡二十八郡鐵  
官四十郡徃徃置均輸官不出鐵官置小  
鐵官使屬所在縣敢有私鐵器鬻鹽者鈇  
左趾沒入其器物嗚呼天地生物以養人  
君爲之禁使人不得擅其私而公共之可  
也乃盡利以取之嚴法以禁之而專其利  
於上是固非天地生物之意亦豈上天立  
君之意哉

### 初筭緡錢

此漢以來征權居貨之始按古者關市之  
征蓋惡其專利就征其稅非隱度其所積  
之多少而取之也武帝於元光五年隱筭  
其行者之車至是又用公卿言凡居貨者  
各隱度其財物之多少於商賈末作車計  
有緡錢二千者出一筭於手力所作而賣  
者率計有緡錢四千者出一筭嗚呼出諸

途者既征其齎載之具藏諸家者又筭其  
儲積之物取利之盡一至此哉

### 筭舟車

元光五年止筭商之車而已至是又併筭  
民車且及舡馬凡民不爲吏不爲三老騎  
士苟有輕車皆出一筭商賈則倍之舡五  
丈以上出一筭匿而能告者以半畀之嗚  
呼緡錢之法初爲商賈設也至其後乃筭  
及民之舟車遂使告緡者遍天下則凡民  
有蓄積者皆爲有司所隱度矣不但商賈  
未作也嗚呼取民之財而至於如此民何  
以爲生乎

### 以卜式爲中郎賜爵左庶長

書賜爵始此然所賜者庶長也至宣帝以  
後則所賜者皆侯矣

### 元狩四年

春有星孛于東北

夏長星出西北

遣衛青霍去病擊匈奴

始置大司馬

司馬夏官卿也周禮六卿居其一武帝時  
初置太司馬以冠將軍之號並設二員以  
龍衛貴重去病自後遂以任武臣之執國  
柄者皆以之惟即此遂廢謹書以志其初

方士少翁詐僞事覺伏誅

春鑄五銖錢

秦世八銖失之太重漢初榆莢失之太輕

惟武帝罷三銖錢鑄五銖錢最得輕重之  
中且周郭不可磨鏐孔郭所謂鑄一錢用

一錢者也唐之開通元寶雖體與此少殊

均之為得中制者也萬世所當取法焉

董仲舒請限民田不從

以汲黯為淮陽太守

郡守例不書書黜表賢也

以蔣青翟為丞相

漢初丞相缺即御史大夫為之至是始不

以次序舍御史大夫張湯而用太子少傅

青翟

冬十月雨水無冰

書永始此

遣使治郡國緡錢

元狩六年

夏廟立子闕為齊王旦為燕王胥為廣陵王

初作誥策

書廟立志始也後世誥策之制始見于此

遣博士循行郡國

下大農令顏異于獄論以腹誹罪殺之

元鼎元年

五改年號始此元鼎云者以得異物紀也

冬張湯有罪自殺

元鼎二年

春起栢梁臺作承露盤

書臺始此

以趙周為丞相

置均輸禁郡國鑄錢

西域始通中國

此西域通中國之始

置酒泉武威郡

按酒泉今肅州也武威今涼州也二郡乃

澤邪王故地

元鼎三年

夏令株送徒入財補郎

冬十一月立后土祠

帝始巡郡國

封周後姬嘉為周子南君

錄前代後始見于此

元鼎四年

春以方士樂大為五利將軍尚公主

人之所甚愛者子也男子生而願為之有

室女子生而願為之有家為父母者為之

擇配使必相當焉非偏愛之私乃當然之

理也願以一己之私欲求長生之故捐所

愛以予妖妄之人鄉里自好者有所不忍

也而堂堂天子乃忍為之哉武帝為此非

獨不君且不父也書之于冊遺笑千古

汾陰得大鼎

書得鼎始此

冬十月立泰一及五帝祠壇于甘泉

十一月朔冬至帝親郊見

按古者冬至祀昊天上帝于圜丘歲以為

常秦不師古始廢冬至圜丘之祀不祀上

帝而祀白青黃赤四帝漢興高祖加以黑

帝增四時為五仍秦之舊而立于眾然未

嘗親祀也至文帝始幸雍郊見五時亦僅

一行而已武帝元光二年始定三歲一郊

之制至是又立泰一及五帝祠壇于甘泉

而親見焉考之於禮雖不必合然猶知有

尊天報本之心視彼之恬然居尊位享厚

奉終其身而不一郊見者則有間矣故謹

志之

元鼎五年

四月晦日有食之

秋九月嘗酎列侯百有六人坐獻助祭金不

如令奪爵

漢制正月旦作酒八月乃熟命曰酎以獻

宗廟武帝因嘗酎會諸侯出金將以助祭

也命少府省視列侯所獻之金有輕不如

斤兩或色惡者令皆劾以不敬奪其爵賜

呼所謂列侯者皆國家之勲戚著功膺通

屬籍者也享有爵土固非一日一世矣徒以金之少而惡奪其爵位何以服其心哉竊原帝之意必非為金也蓋見當時列爵眾而靡祿多國用不足假此以潛銷之耳人君崇本節用自然充足何至用如此之計哉所得幾何而失臣子之心古昔帝王忠信重祿之道常德報功之典不如是也擊南粵

以石慶為丞相

方士樂大誅誣罔伏誅

冬南粵以其地置南海蒼梧鬱林合浦交趾九真日南珠崖儋耳郡

先是漢遣使諭南越入朝其相呂嘉殺使者及其王興更立建德為王發兵反遣將軍路博德等將兵擊之至是平遂以其地為九郡按秦并百郡五嶺之南有三馬南海桂林象郡也至是分三郡地為南海蒼梧鬱林合浦交趾九真日南為七郡又略得珠崖儋耳通為九焉秦之南海漢之合浦及珠崖儋耳今廣東之地也秦之桂林

漢之蒼梧鬱林今廣西之地也秦之象郡漢之九真日南交趾今安南之地也又考元封初又遣軍自合浦徐聞入大海至大洲方千里畧得之置珠崖儋耳二郡與武帝紀不同

平西南夷置牂牁越巂沈黎文山武都郡

此西南夷置郡之始

秋置張掖燉煌郡

以上式為御史大夫

帝自制封禪儀

元鼎六年

元封元年

六改年號始此元封云者以登封紀也

春正月帝出巡北邊

以兒寬為御史大夫

夏四月帝東巡封泰山禪肅然

自秦封禪之後再見于此

始置均輸平準

先是桑弘羊為治粟都尉領大農盡管天下鹽鐵乃置大農部丞數十人分主郡國令遠方各以其物如異時商賈所轉販

為賦而相灌輸置平準于京師都受天下  
委輸貴即賣之賤即買之欲使富商大賈  
無所牟大利而萬物不得騰踊嗚呼堂堂  
大朝奄有萬國民之所蓄孰非君之所有  
乃與商賈競刀錐之利乎

秋有星孛于東井又孛于三台

東越降徙其民江淮間閩地遂虛

壬中漢元封二年

夏臨塞決河築宣防宮

作蜚廉桂觀

書觀始此

甘泉房中產芝

書芝始此

始作明堂于汶上

書作明堂始此

遣將擊朝鮮

書征高麗始此

始置益州郡

此郡縣雲南之始

冬十二月雷雨雹

初作角觝戲魚龍曼延之屬

此後世戲樂之始

癸酉漢元封三年

春始制樂浪臨屯玄菟真蕃郡

此郡縣高句麗之始按文帝時陳武等議  
伐朝鮮謂南越朝鮮自全秦時內屬為臣  
子則朝鮮在秦時固已屬中國矣漢初方  
擁兵阻險自國其地至是武帝因其殺遼  
東都尉遣荀彘楊僕等討之朝鮮人殺其  
王右渠以陳始置此四郡

戊申漢元封四年

冬十月帝南巡江漢

乙亥漢元封五年

春三月增封泰山

祀上帝于明堂配以高祖因朝諸侯受計

初置刺史

冀幽并兗徐青揚荆豫益涼州及朔方交

趾凡十三部後世監司之設啓端于此

舉茂材異等可為將相使絕域者

丙寅漢元封六年

秋以宗室女為公主嫁烏孫

冬十一月甲子朔旦冬至

此千歲之日至所謂曆元也武帝始用孔子答顏淵為邦之問之言欲行夏正而天道遽與之符遂為萬世不可易之制豈偶然哉

丁漢太初元年

七改年號始此太初云者以言事紀也

夏五月初造太初曆以正月為歲首

書造曆始此按古曆有六家黃帝顓帝夏

商周魯是也秦用顓帝曆漢初因之至武

帝始用公孫卿等言曆紀廢壞宜改正朔

兒寬議以為宜用夏正乃詔卿等造漢太

初曆自是以後曆法數改矣

協音律

定宗廟百官儀

始置京兆尹

京兆尹之名始此

築受降城

遣寵姬兄李廣利將兵伐宛求善馬

冬十月

是歲五月造太初曆始令明年以正月為歲首則是今年既以去年之冬十月首歲至今年秋九月已匝十有二月而周四時矣而又加以是歲之冬三閏月則是丁丑一年而有五時十五月焉天道果若是哉此愚所以敢犯不韙之罪而斷然正其失也

戊太初二年

春正月

始以建寅之月為歲首

行夏正

昔孔子答顏淵為邦之問首曰行夏之時蓋夏正建寅為人統得時之正今之善者也自商革夏命之後建丑以為地統周繼之又建子以為天統夏時之不行也久矣聖人告顏子以為邦之要道首以此言蓋上順天時下興人事立為百王之大法也然卒莫有能行之者秦以建亥為歲首高祖承秦之故文景襲而行之皆莫能革孝

武皇帝獨能因兒寬言復以正月為歲首  
行孔子之言於其既沒三百七十五年之  
後蓋夏時不行至是已一千五百六十四  
年矣嗚呼武帝有大功於世如表章六經  
及此行夏之時萬世之下實有賴焉或者  
乃以窮兵黷武比之秦政吁何其少恕哉  
三月令天下大酺五日腰五日祀門戶比臘  
以公孫賀為丞相辭不從  
二萬騎出朔方擊匈奴不還

太初三年

築塞外城障

太初四年

妃兄李廣利征宛得馬數十匹封海西侯

天漢元年

八改年號始此以災異紀元

遣中郎將蘇武使匈奴

春三月雨白霓

書雨霓始此

天漢二年

李陵戰敗降匈奴

下太史令司馬遷蠶室

坐上書救李陵也

東方盜起遣繡衣直指使者發兵討之作沈  
命法

使者持節虎符發兵以興擊誅殺甚衆數  
歲乃頗得其渠率散卒失亡復聚黨阻山  
川者徃徃而群居無可奈何於是作沈命  
法曰盜起不發覺發覺而捕弗消品者二  
千石以下至小吏主者皆死其後小吏畏  
誅雖有盜不敢發府亦使其不言故盜賊  
漸多上下相為匿以文辭避法焉

始用宦者主中書

用宦者典事始此中書之名因武帝遊宴  
後庭始以宦者典書尚書謂之中書謁者  
置令僕射首以司馬遷為之

司馬遷作史記始易編年為本紀世家表志

列傳以上一條史無  
年月姑附此

天漢三年

初榷酒酤

古有酒禁恐民之沉酗以喪德廢穀以乏

食耳無所利之也至漢武帝始為征權之禁謂之權者禁民酤釀官自開置獨專其利如渡水之權焉是則古人之禁酒惟恐民之飲後世之禁酒惟恐民之不飲也嗚呼武帝其作俑者歟

甲申漢天漢四年  
令死罪入贖

辟以止辟此二帝三王立法之初意也若死者而可以利贖則犯法死者皆貧民而富民不復死矣以此為比則富民無所忌憚而天下爭趨於利矣

乙酉漢太始元年

九改年號

丙戌漢太始二年

穿白渠

丁亥漢太始三年

春正月子弗陵生

戊戌漢太始四年

春三月帝東巡祀門堂脩封禪

冬十月晦日有食之

己丑漢征和元年

十改年號

庚寅漢征和二年

以劉屈氂為左丞相

以江充為使治巫蠱獄

巫蠱之名始見于此

江充以巫蠱事逼太子據殺充發兵反皇

后衛氏及據皆自殺

辛卯漢征和三年

江充伏誅夷其族

壬辰漢征和四年

春三月帝耕于鉅定

罷方士候神人者

帝下詔陳既往之悔

以田千秋為丞相封富民侯

詔行代田以趙過為搜粟校尉

代田之法始見于此

秋八月晦日有食之

癸巳漢後元元年

帝改年號至是十有一矣按文景二帝著



有後元蓋史官追書之名也而此年稱後元元年則以後元為號加於每年之上如建元元朔之類也

馬何羅反伏誅

殺皇子弗陵母鈞弋夫人趙氏

武帝欲立其子而殺其母蓋懲呂氏之驕淫也元魏遂踵而行之以為家法彼胡夷無足怪者而帝之雄才大畧而為此舉是知有君臣而不知有夫婦母子也且夫之稟性存心各各不同未必人人呂雉也乃

逆料其未然之惡使其無罪而就死地仁

人君子於一疎遠之民肖翹之物有所不忍也況平日同衽席侍肘腋為吾生子以亢宗者哉武帝於是無復人理矣然則國家不幸而遇此果何如而可胡寅曰據春秋之義妾母不得稱后母后不得與政播告之脩者為漢法歲之宗廟實在大臣斯言也可以為萬世法矣

後元二年

春二月乙丑立皇子弗陵為皇太子以霍光

為大司馬大將軍金日磾為車騎將軍上官桀為左將軍

君元首也相臣則君之股肱一體相須者也人君在位則賴以輔德佐治不幸而主少國疑則賴以寄命托孤此萬世不易之常理也漢自武帝以後雖設丞相徒建空名而已然在人君威權已出之時猶之可也一旦彌留之際受遺詔輔少主一切委之武臣而平日所謂丞相者曾不與聞自是以後大司馬大將軍遂執國柄世世不

易以至於潛移國祚其禍兆于此歟

丁卯帝崩于五柞宮在位五十四年

戊辰皇太子弗陵即位是為孝昭皇帝

按周書成王崩逆子釗於南門之外蓋出迎太子所以表異之使人人知王崩而嗣其位者太子也是以天下莫敢有異議武帝以死為諱無敢請立太子者至年七十矣病既彌留始立太子翌日即崩明日遂即位天下之人不知嗣天子者果何如人也雖侍史執金吾侍衛之官皆不預知

安能免天下之異哉天下之事孰有大  
於立君而倉卒草率如此哉然則國家不  
幸太子未立而遭此果何如而可曰先以  
當立之人載諸遺詔播告中外俾皆聞知  
然後即位可也

霍光金日磾上官桀共領尚書事

三月葬茂陵

追尊李夫人為孝武皇后

此後世追尊夫人為皇后之始

秋七月有星孛于東方

追尊帝生母趙氏為皇太后

追尊生母為皇后始此

无緒戊寅八月初三日古國德

世史正綱卷五

○漢世史

孝昭皇帝諱弗陽武帝子

紀漢孝昭皇帝始元元年

燕王旦等謀反赦弗治黨與皆伏誅

遣使行郡國舉賢良問民疾苦

始元二年

封霍光為博陸侯

遣使賑貸貧民種食

詔所貸勿收責除今年民租

以宗室辟彊長樂為光祿大夫

始元三年

春二月有星孛于西北

遣使祠鳳凰

書鳳凰始此

冬十一月朔日有食之

始元四年

立上官桀孫女為皇后

時帝年十二后年五歲未成人道而遽已

立后無乃太蚤乎是圖上官桀之私意亦

光不學之過也

紀  
始元五年

有男子詣闕詐稱故太子據伏誅

封后父上官安為桑樂侯

子  
始元六年

詔問賢良文學民所疾苦

蘇武還自匈奴以為典屬國

罷榷酤官猶令民自占租

前此榷酤官自釀以賣也至是以賢良大

學言願罷榷酤酤官其鹽鐵均輸未及施

行惟罷榷酤官焉然猶聽民自釀而賣官

定其價每升四錢隱度其所賣之多寡以

定其稅此即胡寅所謂使民自為之而量

取其利也邪後世稅民酒始此

初置金城郡

今河蘭等八州之地

元鳳元年

徵有行義者韓福等至長安

書徵士始此

秋七月晦日有食之既

秋七月晦日有食之既

上官桀與燕王旦通謀反皆伏誅

以韓延壽為諫大夫

書諫大夫始此

元鳳二年

元鳳三年

春正月泰山石自立上林僵柳復起生

書石自立枯木復生始見此

霍光殺少府徐仁廷尉王平左馮翊賈勝胡

仁等所坐輕而皆致於死地以逆光意故

也觀臣宣對霍禹大將軍持國權柄殺生

在手中廷尉李种王平左馮翊賈勝胡

少府徐仁皆坐逆將軍意下獄死可見矣

元鳳四年

春正月帝冠

以王訢為丞相

遣使誘殺樓蘭王

元鳳五年

發惡少年吏告劾亡者屯遼東

冬大雷

元鳳六年

元鳳六年

以楊敞為丞相

元平元年

城口賦錢什三

春三月有流星大如月衆星皆隨西行

夏四月癸未帝崩于未央宮在位二十三年

霍光迎立昌邑王賀

綱目書光承皇后詔此去之何是時光執朝政事無大小皆專於已皇后乃其女子之子時年十有六歲光欲迎立姑以故事白之使知耳豈出其意哉

六月丙寅昌邑王賀即位

尊皇后為皇太后

壬申葬平陵

天陰不見日月二十餘日

癸巳霍光廢其君歸昌邑

此後世人臣廢立之如嗚呼國家之事孰有大於立君也哉人臣之罪孰有大於廢君也哉人君之尊其在世也猶萬物之有天也其在人也猶衆體之有首也天不可降而為地首不可抑而為足既立為君大

無可廢之理孔子曰忠順不失以事其上

霍光此舉忠則忠矣順則未順焉以一時

利害論之雖若忠於漢室以萬世綱常論

之實得罪於名教原其所失不在於廢之

之時而在於立之之始王之為王亦既有

年矣昌邑去京師亦不甚遠也其為人臧

否光略不聞之乎在廷群臣亦無一人知

之乎立人以爲君將以奉天而子民夫豈

細故何不於未迎之先詢問訪察既明既

審然後遣使迎之而輕易若是耶既輕易

立之又輕易廢之略不聞有委曲規諫之

意眇視其君有如牧豎遂使萬世之下奸

雄亂賊藉此以爲亂階霍光不得辭其責

矣然則伊尹放太甲非歟曰孟子有言有

伊尹之志則可無伊尹之志則篡也可者

僅可而有所未盡之辭

殺昌邑從官二百餘人

蘇軾曰昌邑王廢則已何至誅其從官二

百餘人必其中有謀光者光知之故立廢

賀非專以淫亂故也二百人號呼於市曰

當斷不斷此其有誤明矣特其事秘無緣得之著此者亦欲後人微見其意也武王數紂之罪孔子猶且疑之光等疏賀之罪可盡信耶

秋七月迎武帝曾孫病已入即位是為孝

侍御史嚴延年奏光擅廢立無人臣禮

嗚呼延年此奏凜凜然如秋霜烈日作史

者謂其奏雖寢朝廷肅然敬憚之嗚呼豈

但一時朝廷故憚之哉千載之下讀之者

猶覺其有生氣呂祖謙曰大哉延年之奏

自夷齊之後一人而已信夫

尊皇太后為太皇太后

以蔡義為丞相

立皇后許氏

中宗孝宣皇帝

武帝曾孫

成漢中宗孝宣皇帝本始元年

以定策功增霍光張安世等封邑田廣明等

俱封侯賜爵

追謚帝大父故太子據曰戾太子大母曰次

夫人父曰悼考母曰悼成置園邑

後世自外入繼正統追謚其本生祖父父母始此

配本始二年

田延年自殺

延年者建謀廢昌邑者也其有功於宣帝

甚大霍光一言即有可不死之理而延年

所犯至微遽乃自殺豈非天哉

尊孝武皇帝廟為世宗廟所幸郡國皆立廟

成漢本始三年

霍光妻顯弒皇后許氏

以韋賢為丞相

辛本始四年

春三月乙卯霍光立其女為皇后

夏四月壬寅郡國四十九處地震山崩二郡

壞祖宗廟帝素服避正殿

詔問博聞經學之士

遣使問吏民

人君因災異舉賢求言有矣而遣使問吏

民僅見於此

壬地節元年

春有星孛于西方

假郡國貧民田

以于定國為廷尉

冬十二月晦日有食之

山陰地節二年

大司馬大將軍博陸侯霍光卒賜以天子葬具

後世賜大臣以非所當賜之禮始此胡廣

曰惟名與器君之所司不可以假人死生

一理謂死而加以不當用之禮為無害則

生而賜以黃屋左纁亦可乎

以張安世為大司馬車騎將軍領尚書事

以兄孫山為奉車都尉領尚書事

命御史大夫魏相給事中

給事中各始見此

帝始五日一聽事

五日一視事始此蓋漢無每日常朝之制

山陰地節三年

膠東相王成以增戶口賜爵關內侯

立子與為皇太子

丞相韋賢致仕

丞相致仕賢始

以魏相為丞相丙吉為御史大夫

夏六月京師大雨雹蕭望之上書以為謂若

罷霍禹屯兵

路溫舒上書請寬刑

初置廷尉平

鄭吉破車師因田其地

此屯田之端也至神爵而始書屯田

卯乙地節四年

賜外祖母號為博平君

推恩外祖母始此

詔民有大父母父母喪者勿繇

詔自今子匿父母妻匿夫孫匿大父母皆勿

治刑以弼教也後世律有詔親屬相為容

隱者蓋本諸此

霍氏謀反伏誅夷其族皇后霍氏廢

賜上封人符福帛以為郎

令郡國歲上繫囚掠笞瘐死者以課殿最

書惠因始此

以北海太守朱邑為大司農渤海太守龔遂

為水衡都尉

元康元年

追尊悼考為皇考立寢廟

後世自外入繼正統為其本生父母立廟

如此嗚呼無子者立兄弟之子以為後為

之後者為之子也我既以彼為子則彼以

都為父其所生於我兄耶則稱之以伯父

於我弟耶則稱之以叔父所謂天地之大

義生人之大倫不可得而變易者也宣帝

繼孝昭之統而又尊其所生父以為皇考

是有見於生身之恩不可忘而無見於繼

統之義不可貳於倫則義於禮則先後世

自旁支入繼正統者往往引之以為據雖

名為大儒者亦或不以為非善乎伊川程

氏有言揆量事體別立殊稱若曰皇伯叔

父某國大玉而使其子孫襲爵奉祀則於

大統無嫌貳之失而於加生加極事崇之

道斯言也可以示後世矣

殺京兆尹趙廣漢

衛候馮奉世矯發諸國兵破莎車

詔出知始見于此

詔舉通文學者

元康二年

立婕妤王氏為皇后

詔郡國被疾疫者毋出今年租

帝更名詢

天子更名始見于此

元康三年

錄阿保功封丙吉等為列侯

錄阿保功始見于此

太子太傅疏廣少傳疏受請老賜金遣歸

請老賜金始見于此

元康四年

詔年八十以上非誣告殺傷人勿坐

求高祖功臣子孫失侯者復其家

書錄功臣後始此

穀斛五錢

言無旅僅見此

神爵元年

春正月帝如甘泉始郊泰畤

帝自即位至是十有三年矣始郊見何簡

天至此哉嗚呼踐天之位享天之祿而不

思所以報本而反始又何以責諸侯王之

不恭哉

遣諫大夫王褒求金馬碧鷄之神

書遣使求神始此

諫大夫王吉以言不用謝病歸

夏六月有星孛于東方

遣後將軍趙充國擊先零叛菴屯田湟中

書屯田始此

以前將軍韓增為大司馬領尚書事

始祠江海雒水

神爵二年

春二月甘露降京師

甘露始此

趙充國振旅自菴中還

言無旅僅見此

以宣帝弘恭為中書令石顯為僕射

官者之設三代以前已有之本以給役而

已武帝遊宴後庭始命以典事然所用者

乃腐刑之司馬遷彼固知道義識古今者

也用之似亦無害然遷不世有後世遂禁

以為故事以國家樞機之任委任昵近其

不至蔽聰明竊威柄也幾希先儒謂宣帝

開三大釁終以亡國用恭顯其一也愚竊

以為宣帝非但用之以亡漢後世因之以

亡人之國也多矣豈但四百年之災祚哉

恭顯之用史不著其年月無所附繫按蓋

寬饒傳有云時方用刑法在中書官則是

當在是年殺寬饒之前但不

置金城屬國以處降羌

司隸校尉蓋寬饒奏封事犯時忌被殺

時方用刑法任中書官寬饒奏封事畧曰

方今聖道浸微儒術不行以刑餘為周召

以法律為詩書宣帝以為怨謗下吏寬饒

自到北闕下陳確曰宣帝殺趙蓋韓楊皆

過而寬饒尤為可惜寬饒直箴宣帝用刑



法中書之失使用其言治效當何如也嗚呼自古人臣為國除弊政銷隱禍而世主不以為功而反以為罪者多矣豈但一寬饒而已哉此治日所以常少而亂日多歟

以鄭吉為西域都護

都護之名始此

漢神爵三年

魏相卒

丙魏齊名而於相之卒不書其官者何相假許史以為重進之不以其道也其始不

正後雖有他美莫能贖焉嗚呼後知不

正道以進者可不鑒哉

以丙吉為丞相

益小吏條

漢神爵四年

以潁川太守黃霸有異政賜爵并金徵為大

子太傅

漢五鳳元年

鳳凰之名載於詩書詩語禮記世之人之

莫有真識其形狀何如者自宣帝即位至

此凡五見矣於是乎以之紀元焉嗚呼鳳兮鳳兮此德輝而下之何獨宣帝世之獨多哉其所謂鳳者果真鳳乎抑鵠鳥之類乎

春正月帝如甘泉郊泰畤

匈奴亂五單于爭立

冬十二月朔日有食之

殺左馮翊韓延壽

漢五鳳二年

以故許后季父延壽為大司馬車騎將軍

自是以後將軍司馬之任專以任外戚終

漢之世

詔勿行苛政

漢五鳳三年

丞相博陽侯丙吉卒

以黃霸為丞相

減天下口賦錢

自高祖立口賦法人六十三昭帝既減之

至是又減之漢世惠民之政可謂厚矣

置西河北地屬國以處匈奴降者

五鳳四年

匈奴呼韓邪單于稱臣遣弟入侍

北狄稱臣入侍始見于此

初置常平金賜耿壽昌爵關內侯

大司農中丞耿壽昌請罷三輔近郡穀供

京師省關東漕卒又白令邊郡皆築倉以

穀賤增其價而糴以糴穀貴減價而糴

以糴民名曰常平民便之詔賜壽昌爵關

內侯嗚呼自壽昌是斯議之後其嘉惠天

下後世人何啻億兆所謂仁人之言其利

博哉

夏四月朔日有食之

殺楊惲

後世以詔語罪人婚此司馬光曰以孝宣

之明魏相丙吉為相于定國為廷尉而趙

蓋韓楊之死皆不厭衆心惜哉其為善政

之累大矣

甘露元年

春正月郊泰畤

以關內侯韋玄成為淮陽王中尉

淮陽王欽母得幸頗有寵太子意宣帝

始欲從之而中有所不忍以玄成嘗伴狂

讓侯爵於其兄故召拜為淮陽王中尉欲

感前王以推讓之道太子由是安陳璜謂

宣帝用玄成消患於未萌其事豈細

匈奴兩單于皆遣子入侍

鍾簋銅人生毛

甘露二年

管平侯趙充國卒

承平用兵與創業之初亂離之時不同充

國言帝王名師當出萬全此萬世之名言

也先儒謂充國不獨為賢將殆可相也

甘露三年

匈奴呼韓邪單于來朝在諸侯王上贊謁稱

臣而不名

畫功臣十一人於麒麟閣

後世圖功臣像始此十一人者霍光張安

世韓增趙充國魏相丙吉杜延年劉德梁

丘賀蕭望之蘇武

以于定國為丞相

詔諸儒講五經同異於石渠閣帝稱制臨決  
書講經如此亦所謂一道德以同俗者此  
增置尚書春秋三經博士

先是易有施孟書有歐陽春秋有公羊皆  
立博士至是於易則梁丘書則大小夏侯  
春秋則轅梁皆立博士

辛漢甘露四年  
旺漢黃龍元年

春三月有星孛于王良閣道入紫微宮  
帝寢疾以外戚史高為大司馬車騎將軍蕭

望之為前將軍周堪為光祿大夫受遺詔輔  
政領尚書事

冬十二月甲戌帝崩于未央宮在位二十五年

皇太子與即位是為孝

尊皇太后曰太皇太后皇后曰皇太后

孝元皇帝諱爽

西漢孝元皇帝初元元年

春正月葬孝宣于杜陵

立使仔王政君為皇后

嗚呼此王氏篡漢之基也書其名以著其

禍基之所始夫婦入內未家其嫁謂之歸

蓋女子生身雖本於父母而成人道則在

於夫婦於家則配父以為母於國則配君

以為后雖其所生私恩有不可絕者然謂

之外家則其錫予之恩報施之禮則固有

差等降殺而不可以一槩也槩之且不可

況加以厚乎漢承三代禮教廢壞之後閭

門無教養之素為后妃者無不私其外家

始於呂氏而極於王氏其後二家子孫俱

無噍類嗚呼人家不幸生一女子圖數十

年之富貴而滅其自受姓以來千百年之

宗祀是豈幸哉後之人何可不戒

以公田及苑振業貧民賦貸種食

漢去古未遠其惠民之政書之史冊累累

不絕若以公田及苑振業貧民賦貸種食

及以禁園與貧民之類其事雖小亦可見

當時君臣猶有惠念小民之心後世乃至

奪民衣食之地以為苑囿劫民耕桑之業

以惠權倖何與古相反邪

夏六月大疫詔振困乏

書大疫婚此

詔遣光祿大夫親等十二人巡行天下

詔議律

律令之設蓋懸法以示人使人知所避而不犯非故欲為是以待天下之罪人如設網羅以待禽也後世之律往往文深而義晦比擬之際彼此可以旁通下人不知所守而舜智之吏得以輕重其手誠有如元帝之詔所謂今律煩多而不約自典文者不能分明而欲羅元元之不逮者所謂不逮者解者謂不逮言意識所不及是也噫蚩蚩之民不能皆讀律令及其讀之又有所不逮者則其不幸陷于罪者豈非上之人之過哉然則後世欲有制律者當何如亦曰淺易其語顯明其義使人易曉知所避而不犯可也

戊申 初元二年

春正月帝如甘泉郊泰畤

下蕭望之周堪及宗正更生獄皆免為庶人

隴西地震

立子鵠為皇太子

秋七月地復震

書地復震始此

宦者弘恭石顯譖蕭望之令自殺中書令弘恭死以石顯為中書令

乙亥 初元三年

詔棄珠崖郡

丙寅 初元四年

丁丑 初元五年

以周子南君為周承休侯

夏四月有星孛于參

罷鹽鐵官常平倉

令博士弟子毋置員數民有通一經者復之

戊寅 永光元年

春郊泰畤

詔舉質朴敦厚遜讓有行者

己卯 永光二年

以韋玄成為丞相

春三月朔日有食之

天雨草雉鷄生角

雨草始見于此

庚辰 永光三年

復置錢官

以用度不足限博士弟子員數

辛巳 永光四年

夏六月晦日有食之

石顯譖殺張猛

罷祖宗廟在郡國者

壬午 永光五年

毀寢廟園

河決

癸未 建昭元年

甲申 建昭二年

石顯以計殺魏郡太守京房

胡寅曰房學易而不明其義徒以災變占

候為事其所為乃往與易悖是不自信

其術也故占候前知之學君子不貴焉惟

明乎消息盈虛之理語默進退之幾以不

知乎時中則易之道也

秋閏八月太皇太后上官氏崩

己酉 建昭三年

以匡衡為丞相

陳湯矯制襲斬匈奴郅支單于

胡寅曰古謂大夫出境有可以安國家利

社稷則為之蓋本有此命許以臨事從宜

特不受專對之詞耳若矯制而行雖有一

時之功使若當以矯制誅罪有司當以擅

命用刑蓋為國以義不以利終不以一時

之利亂萬世之法此春秋之旨也

戊戌 建昭四年

藍田地震山崩安陵岸崩壅水逆流

書水逆流始此

己亥 建昭五年

夏六月晦日有食之

復諸寢廟園

戊戌 竟寧元年

匈奴單于來朝

夏五月壬辰帝崩于未央宮莊位十六年

復罷諸寢廟園

六月皇太子鸞即位是為廢帝

尊皇太后曰太皇太后皇太后曰皇太后

太后以兄王鳳為大司馬大將軍領尚書事  
秋七月葬渭陵

光緒改定六月四日古園果齋謹誌丹一以

世史正綱卷六

○漢世史

孝成皇帝諱嬰元帝子

北漢孝成皇帝建始元年

春正月丞相御史奏石顯罪惡免歸故郡死  
有星孛于營室

司隸校尉王尊劾丞相匡衡阿附石顯

封太后諸弟王崇為安成侯賜譚商立根逢  
時爵關內侯

夏四月黃霧四塞

六月青蠅集未央宮殿中

秋八月有兩月相承晨見東方

兩月相承始見此

復周制作南北郊

按周制冬至祀天於南郊之圜丘夏至祀

地於北郊之方澤漢承秦後自武帝以來

祀天於甘泉祀后土於汾陰至是用匡衡

等議始作南郊於長安城之南北郊城之

北復古制也

罷甘泉汾陰祠是日大風拔甘泉時中大木

建始二年

春正月罷五時

帝始親祀南郊

自古帝王奉天命居天位必大報天天之尊神曰帝帝固不可以不祀而祀之尤不可以非禮先王制禮有一定之制有一定之位有一定之儀不可以私意更改也郊祀自周之後歷秦及漢祀之不以其禮不以其地也久矣至是成帝始復周制而親祀之其知報本反始之意也

減天下賦錢筭四十

三月始祀后土于北郊

立皇后許氏

罷郡國祠五百餘所

建始三年

秋大雨京師民訛言大水至

書訛言始此

帝專委任王鳳策免大司馬車騎將軍許嘉

此策免大臣之始

冬十二月朔日有食之夜地震未央宮殿中

詔舉直言極諫之士

建始四年

罷中書宦官

置尚書員五人

自武帝用司馬遷為中書令宣帝因以授恭顯國家樞機遂屬之宦官元帝時蕭望之言武帝始用宦者非古制宜更用士人元帝不聽至是王鳳欲專內外之政始罷中書謁者奪其所掌尚書之事而增置尚書員始以士人為之按尚書之名起於秦

武帝初置四人至是成帝增一人為五

人者常侍曹二千石曹民曹主客曹三公

曹也後世尚書分曹始于此夫中書樞機

之任罷宦者而用士人掌之使政出于一

而權歸于上是固朝廷美事然外戚假此

而合內外之權以專國政遂馴致于移國

祚其事雖若可喜而實可傷也

以王商為丞相

夏四月雨雪復召直言極諫之士詣白虎殿

對策杜欽谷永對策陰附王鳳

秋桃李實

河大決

癸巳河平元年

以王延世為河隄使者塞河決

夏四月晦日有食之

復太上皇寢廟園

減死刑省律令

甲午河平二年

沛郡鐵官治鐵飛

書金失性始此

同日封諸舅王譚為平阿侯商為成都侯

為紅陽侯根為曲陽侯逢時為高平侯

乙未河平三年

春三月隄為地震山崩壅江水流

秋八月晦日有食之

詔光祿大夫劉向校中秘書

命儒臣校書始見于此

遣使求遺書

漢以來遺使求書始見于此夫自秦人焚書之後書籍散亡多矣漢興始收之開獻

書路置寫書官設藏書府稍稍復集至成

帝世又頗散失乃遣謁者陳農求遺書于

天下嗚呼書之在天下乃自古聖帝明王

賢人君子精神心術之所寓天地古今生

人物類義理政治之所存今世賴之以知

古後世賴之以知今者也其述作日多卷

帙浩繁難於聚而易於散苟非在位者收

藏之謹而購訪之勤安能免於喪失哉不

幸而有所散失世之明君良佐咸以斯文

興喪為念設法招求遣使蒐采懸賞以購

之授官以酬之使其長留天地間永為世

鑑以毋貽後時之悔豈不寔歟

劉向奏洪範五行傳論

後世推五行休咎之應其端始於董仲舒

而盛著於劉向此書故紀之歐陽脩曰所

謂災者被於物而可知者也水旱蝗螟之

類是已異者不可知其所以然者也日食

星孛之類是已孔子於春秋紀災異而不

書其事應蓋謹之也以謂天道遠非諄諄

以諭人而君子見其變則知天之所以謹



告恐懼備省而已矣若推其應而有合有不合有同有不同則將使君子怠以為偶然而不懼此其深意也

中漢河平四年

春正月匈奴單于來朝

三月朔日有食之

丞相王商忤王鳳意詔收其印綬商以憂卒以張禹為丞相

山陽火生石中改元

書火生始此

西漢陽朔元年

春二月晦日有食之

定陶王康來朝遣還國

人君未有繼嗣留親王之繼次者奉藩京

師以待皇嗣之生然後遣之國此萬世根

本之慮也成帝因共王來朝留之京師且

謂之曰我未有子人命不諱一朝有他且

不復相見長留待我矣嗚呼帝為此言其

真達死生之變所以為宗廟社稷計也遠

矣奸臣樂於乘亂為奸不復顧慮假日食

之咎必欲遣之還國其處心積慮為何如哉後世人主未有繼嗣者宜以成帝為法而不惑於邪臣之言宗社之大幸也

京兆尹王章勸帝退王鳳下章于獄殺之

成漢陽朔二年

以太后從弟王音為御史大夫

紀漢陽朔三年

潁川鐵官徒作亂

王鳳死以其從弟音為大司馬車騎將軍

中漢陽朔四年

夏四月雨雪

丑辛鴻嘉元年

帝始為微行

以薛宣為丞相

宣漢鴻嘉二年

春三月飛雉集于未央宮承明殿

卯癸鴻嘉三年

王氏五侯有罪詣闕謝赦不誅

寵姬趙氏譖廢皇后許氏

廣漢民作亂

神鴻嘉四年

秋兩魚于新都

書兩魚僅見此

河水溢

乙漢末始元年

封使仔趙氏父臨為成陽侯

諫大夫劉輔諫趙氏微賤不可母天下下獄

論為鬼薪

封太后弟子芳為新都侯

立趙飛燕為皇后

封蕭何六世孫喜為鬱侯

秋八月太皇太后王氏崩

九月晦日有食之

午漢末始二年

五音死

星隕如雨

書星隕始此

春二月晦日有食之

王商代音為大司馬

光祿大夫劉向書論王氏不報

以翟方進為丞相

高干長以立后有勞賜爵尋封為定陵侯

丁漢末始三年

春正月晦日有食之

罷南北郊

復秦時汾陰五時

陳留樊並山陽鐵官徒作亂

南昌尉梅福上書論時政不報

中戊漢末始四年

春正月帝如甘泉郊泰畤

三月如河東祠后土

秋七月晦日有食之

配漢元延元年

春正月朔日有食之

帝自即位至是二十有一年書日食者凡

十乙未以後三歲連食又自乙巳至今五

歲連食而是歲乃食於三朝嗚呼天意昭

昭如是而帝尚不悟卒於惑女色以絕嗣

寵外戚以移祚孰謂天道玄遠哉

夏四月無雲而雷有流星東南行四面如雨

書無雲而雷始此

秋七月有星孛于東井

王商死其弟根代為大司馬

故槐里令朱雲請斬張禹帝欲加以左將軍辛慶忌救之獲釋

春秋書救皆獲辭然彼行師以劫人雖衆而勢則緩此犯顏以觸怒激其機而禍尤切比而觀之似乎為難

左將軍辛慶忌卒

元延二年

元延三年

春正月岷山崩壅江三日江水竭

帝校獵長楊射熊館

元延四年

綏和元年

立從子定陶王欣為皇太子

書立兄弟之子為嗣始此

封殷後孔吉為殷紹嘉侯

始以大司馬大司空並丞相為三公

按三公之官虞夏商已有之周官曰立太

師太傅太保茲惟三公漢官因於秦初以

丞相御史大夫太尉為三公至是改御史

大夫為大司空而以並大司馬丞相為三

公哀帝時又罷丞相置大司徒而以之並

大司馬大司空為三公嗚呼太尉兵官也

御史大夫法官也司徒司馬司空六卿也

乃以當論道經邦燮理陰陽之任名不正

矣

王莽發淳于長陰事長下獄死

賜廢后許氏死

王莽代根為大司馬

罷刺史置州牧

州牧之名始此

劉歆始定積年日曆法

上古治曆明時之法不詳傳於後世然原

其要不過隨時考驗以合於天而已至是

劉歆作三統曆始立積年日曆以為推步

之準後世因之

綏和二年

春二月發威守心切責丞相翟方進自殺

大廢馬生角

書馬生解始此

三月丙戌帝崩于未央宮在位四十六年

於大行前拜孔光為丞相

詔許拜相始此

昭儀趙氏自殺

太后罷秦時汾陰復南北郊

夏四月皇太子欣即位是為孝哀皇帝

尊皇太后曰太皇太后皇后曰皇太后

葬延陵

追尊帝生父定陶共王為定陶共皇

五月立皇后傅氏

尊定陶太后傅氏曰定陶共皇太后丁姬曰

定陶共皇后

封丁明傅晏皆為列侯

詔劉秀典領五經

師丹上書請限民名田

令博士弟子父母死予寧三年

後世士子丁父母憂婚此

秋七月罷王莽就第

以師丹為大司馬尋以為大司空

九月地震三十餘處

求能浚川疏河者待詔買讓上三策

詔定世宗為不毀之廟

孝哀皇帝諱欣成帝從子

乙亥漢孝哀皇帝建平元年

春正月隕石于北地十六

以傅太后從弟喜為大司馬

舉孝弟敦厚直言通政事可親民者

策免大司空師丹為庶人尚書令唐林請復

丹爵邑賜丹爵關內侯

傅太后誣故中山王太后馮氏及其弟宜鄉

侯參等罪致自殺

丙辰漢建平二年

春正月有星孛于牽牛

策免大司馬傅喜

罷三公官復以朱博為御史大夫丁明為大

司馬衛將軍

乙亥丞相孔光以忤傅太后意策免為庶人

朱博以附丁傳為丞相是日有大聲如鍾鳴

殿中

書有聲無形之妖始此

詔共皇去定陶之號立廟京師

尊共皇太后傅氏為帝太太后共皇后丁氏為帝太后

遣王莽就國

罷州牧復置刺史

帝太后丁氏崩

帝用待詔夏賀良等言大赦改元太初更號陳聖劉太平皇帝

秋八月詔罷改元易號事賀良等伏誅

丞相朱博有罪自殺

以平當為丞相

丁建平三年

春三月有星孛于河鼓

以王嘉為丞相

冬十一月復泰畤汾陰祠罷南北郊

無鹽危山土起鄒山石立

書云起始見于此

經殊死刑

紀漢平四年

春正月大旱

關東民訛言行等

封傅太后從弟商為汝昌侯

帝寵嬖臣董賢尚書僕射鄭崇諫尚書令趙

昌承旨奏崇罪下獄殺之司隸孫寶明崇冤

詔免為庶人

尊帝太太后傅氏為皇太太后

封嬖臣董賢為高安侯息夫躬孫寵皆列侯

諫大夫鮑宣上書

紀漢元壽元年

春正月朔日有食之

以外戚傅晏為大司馬衛將軍丁明為大司

馬驃騎將軍

舊史書用丁傳為大司馬而即繼之以是

日日食說者咸謂任用非人而天應之捷

如此而杜鄴在當時上書亦云當拜之日

晡然日食不在前後臨事而發而此獨書

日食於丁傳前者何蓋日食有定數數年

前推算者已豫知之矣非桓帝微行而是

日大風拔樹盡晉文帝立廣而是日天下地震之比也

皇太后傅氏崩合葬于孝元陵

此後世以妾母合葬大君之始嗚呼為大宗後以承正統非但繼父也亦繼母焉哀帝為成帝後而祖元帝則元后其祖母也尊無二上則所當合葬於元帝者元后也此時元后無恙而傅氏先亡即攘其宅兆而有之嗚呼哀帝於傅太后固若陷於尊矣無乃卑其祖乎

史記卷六  
息夫躬孫寵免就國尋伏誅

丞相新甫侯王嘉封還益封董賢詔書下嘉獄殺之

以孔光為丞相

下司隸鮑宣獄抵以罪太學諸生守闕上書救之

此後世太學上書之始

以嬖臣董賢為大司馬衛將軍領尚書事

廟門銅龜蛇鳴

博士弟子秦景始傳浮屠經

此佛書入中國之始

漢元壽二年

春正月匈奴單于烏孫大昆彌皆來朝夏四月晦日有食之

罷丞相置大司徒

以大司馬大司徒大司空為三公

始以夏官列地官之上

六月戊午帝崩于未央宮在位十六年

太皇太后王氏召王莽屬以兵權

嬖臣董賢伏誅

太皇太后以王莽為大司馬領尚書事

秋七月太皇太后與莽議迎中山王箕子為

嗣貶皇太后趙氏為孝成皇后

徙孝哀皇后于桂宮

追貶傅太后為定陶共王母丁太后為丁姬

莽以孔光女壻魏邯為侍中

孔光承莽意劾奏將軍何武等罪惡

廢孝成孝哀皇后為庶人就其園皆自殺

大司空彭宣乞致仕莽策免之遣就國

九月中山王箕子即位是為孝平皇帝

太皇太后王氏臨朝稱制

大司馬莽秉政百官總已以聽

葬義陵

孝平皇帝諱弘從弟

辛酉漢孝平皇帝元始元年

王莽自為太傅號安漢公

褒賞宗室群臣

夏五月朔月有食之

莽遣使即中山拜帝母衛姬為中山孝王后

始追諡孔子為褒成宣尼公

史綱卷二

十八

按孔子卒魯哀公誅之子貢以為非禮平

帝之世政出於王莽奸偽之徒假尊儒之

名以收譽望文奸謀聖人在天之靈其不

之受也必矣有若曰自生民以來未有盛

於夫子者也豈一言一行之善而可以節

惠立諡也哉然則不加以諡號將何以稱

曰千萬世之下惟曰先師孔子以見聖人

所以為萬世尊崇者在道而不在爵位名

稱也

戊戌漢元始二年

帝更各術

王莽請封宗室及功臣後為王侯者百餘人

光祿大夫龔勝太中大夫邴漢自引退

秋九月晦日有食之

癸亥漢元始三年

莽以其女為皇后

莽自殺其子宇

莽滅帝本生母中山孝王后家

莽懲丁傅之橫而滅中山孝王后家獨不

思已家亦后族耶嗚呼不仁之人未有能

恕者也

莽殺汜鄉侯何武故司隸鮑宣等凡不附已

者數百人

甲子漢元始四年

莽封號宰衡位在諸侯王上

莽更定官名及十二州界

莽增法五十條犯者徙西海郡

乙丑漢元始五年

春正月復南北郊始定合祀天地配以高祖

高后

此後世合祀天地之始嗚呼祀天而配以祖考禮也莽欲諂元后而並以高后配享吁后可諂也上帝其可諂乎其無忌憚甚矣

始禘禮

書禘始此

孔光死

舉天下通知經術本草者

本草之名始見於此

莽諷吏民上書頌德前後四十八萬七千餘

人莽自加九錫

此後世權臣受九錫之始按韓詩外傳曰

諸侯有德天子錫之一錫車馬再錫衣服

三錫虎賁四錫樂器五錫納陛六錫朱戶

七錫弓矢八錫鈇鉞九錫秬鬯

莽發故太后傳丁二塚取其璽綬

後世官所發人塚始此

宗室劉慶上書請令莽攝行天子事

冬發感八月中

書星入房始此

十二月丙午莽進毒弑帝壽十四五年

徵宣帝玄孫

謝囂承莽意奏丹書有文曰告安漢公莽為皇帝

符命之說始于此

莽自攝皇帝稱制

丙漢孺子嬰居攝元年

莽選宣帝玄孫廣戚侯子嬰立為皇太子號

曰孺子時年二歲

尊皇后曰皇太后

宗室劉崇首起兵討莽不克死之

張竦為宗室作奏莽封為淑德侯

莽朝見太后稱假皇帝

冬十月朔日有食之

丁卯漢居攝二年

莽造錯刀契刀以為幣

東郡太守翟義起兵討莽立宗室劉信為天

子三輔豪傑起兵應之

莽作大誥諭以反位孺子意

翟義與莽兵戰不克死之



漢初始元年

莽母死不成服

期門郎張充等謀誅莽不克死之  
冬十二月莽篡位自號曰新

此秦以後奸臣篡國之始嗚呼有君則有  
臣是乃天理之本然民彝之自然人道之  
當然也孔子曰君君臣臣要必君君而臣  
臣君不足於君臣則輔而助之君不合於  
君臣則拂而正之苟不至於輔而不可助  
拂而不可正反乎天理敗乎民彝不成乎

人道不可諉曰君不君而臣可以不臣也  
是故君惡必如桀紂臣德必如湯武始可  
應天順人而韋其命苟君德本無大失徒  
以年質之幼藐志趣之未定氣勢之衰弱  
欺其孤寡用其智力攘其位而有之是則  
所謂亂臣賊子也其處心積慮雖若稱意  
於一時實則遺臭於萬世今去莽時一千  
四百七十有一年矣讀史者猶切齒唾罵  
之不已考其生存享用僅十八年耳其間  
憂疑顧慮者恒又半之意人如坐此又何

冊圖十數年之快而遺千萬世之臭哉

莽更號漢太皇太后為新室文母

莽改正朔以十二月為正月

莽改是年建丑之月癸酉朔為明年然不  
但改月也至於每日十二時亦用丑為首  
巳漢新莽始建國元年

是時莽即真天子位而國號新矣而猶繫  
之漢世史者新不成國無其史故耳按東  
漢時弼衡條上班史與典籍不合者以為  
王莽本傳但應載莽篡事至於編年月紀  
災祥宜為元后本紀蓋不予莽之篡漢也  
而司馬氏通鑑則以莽接漢紀書之所以  
不沒其實焉史綱於歲下之圈外塗以黑  
而內書漢號下分註莽之號年明莽雖有  
其位而天命人心之在漢者固未嘗改也  
庶乎既不予其篡而又不沒其實焉

春正月新莽二月

按莽去年篡位改正朔以建丑月為歲首  
既以十二月癸酉朔為正月朔矣而比年  
之正月即其二月也而通鑑猶書以為春

正月者不予其改正朔也

莽廢漢儒子爲定安公孝平皇后爲定安太后

莽改漢官名

漢宗室劉歆起兵討莽不克死之

庚午漢新莽始建國二年

更號定安太后曰黃皇室主

辛未漢新莽始建國三年

莽徵漢龍勝死之

河決魏郡

壬申漢新莽始建國四年

夏赤氣出東南亘天

書氣亘天始此

癸酉漢新莽始建國五年

新室文母王政君死莽合葬于元帝陵而澤

絕之

冬十一月彗星出

甲戌漢新莽天鳳元年

春三月晦日有食之

夏四月隕霜殺草木

六月黃霧四塞

前此四十五年黃霧嘗四塞矣至是又四塞焉始終皆爲王氏也霧惡氣也而又其色黃蓋昏濁之氣也王氏將敗之兆見于此矣

秋七月大風雨雪

乙亥漢新莽天鳳二年

春二月日中見星

五原代郡兵起

丙子漢新莽天鳳三年

春二月雨雪深一丈

秋七月晦日有食之

冬十月王路朱鳥門鳴

丁丑漢新莽天鳳四年

臨淮琅邪及荊州綠林兵起

戊寅漢新莽天鳳五年

莽大夫揚雄死

嗚呼仕莽之世孰非莽之臣哉而雄之卒獨以爲莽大夫而且書以死蓋槩以夷狄之臣例之也且雄仕莽僅官中散大夫非

若劉歆輩之列官顯要其失在於作為虛文以諛莽耳非若嚴尤輩為之作符命設計謀効勞力也文公先生乃以此大書之於通鑑綱目何哉春秋實備賢老之義也蓋雄名為儒者也讀六經孔孟之書明三綱五常之道以承堯舜禹湯文武周公孔子之緒作法言將以擬論語作太玄將以擬周易平日所自負欲為何如人天下後世將望之以為何如人而乃甘為亂臣賊子之臣僕哉大賢筆之於書以寓微顯闡幽之意其垂世戒也大矣然世之人皆明於附纂之臣而不明於仕夷之臣抑又何也愚請因是而論之天地間無非陰陽之理也君陽而臣陰男陽而女陰中國陽而夷狄陰先儒程氏謂臣居尊位弄莽是也猶可言也婦居尊位武氏是也非常之變不可言也然臣而居尊位婦而竊男權猶吾類也夷狄之居尊位則非我族類矣反天之經亂地之紀敗人之類其為非常之變又豈但婦居尊位而已哉嗚呼仕莽者

先儒既書之以為莽大夫而仕胡者乃以之承道統之傳而列從祀之位彼此相較孰重孰輕必有能辨之者

琅邪樊崇東海刁子都等兵起崇後號赤眉

肥漢新莽天鳳六年

庚漢新莽地皇元年

春二月壬申日正黑

秋七月大風毀莽王路堂

大雨六十餘日

鉅鹿男子馬適求等謀誅莽不克死

巳辛新莽地皇二年

莽子臨謀殺父事覺自殺

南郡秦豐兵起

壬漢新莽地皇三年

春二月關東人相食

蝗飛蔽天

荊州平林兵起

漢長沙定王五世孫續及弟秀起兵興復漢室

冬十一月有星孛于張

帝玄

漢帝玄更始元年

春正月漢兵攻莽守將甄阜并賜誅之

新市平林諸將共立漢宗室劉玄為皇帝大赦改元

帝玄以劉縯為大司徒秀為太常偏將軍

昆陽大戰劉秀以數千人大破莽兵四十五萬是日大雷風雨屋瓦皆飛

帝玄殺大司徒縯以劉秀為破虜大將軍

成紀隗囂起兵應漢

公孫述起兵成都

劉望稱帝于汝南

秋九月漢兵入關

漢孝平皇后自焚崩

嗚呼莽之篡漢其子不欲之其女亦不欲之可見天理之在人心者不以漸染蔽固而消蝕之也

天下共誅莽獨其屍

帝玄以劉秀行大司馬事徇河北

大司馬秀至河北除莽苛政復漢官名

王郎詐稱成帝子子與稱帝于邯鄲

漢帝玄更始二年

大司馬秀斬王郎

帝玄封大司馬秀為蕭王

公孫述稱蜀王尋稱帝

樊崇西攻長安

蕭王秀遣將軍鄧禹入關寇恂守河內

蕭王秀北徇燕趙

光緒廿六年六月四日古張氏梁濟諸臣于古之梁城

世史正綱卷六

世史正綱卷七

○漢世史

世祖光武皇帝諱秀九世孫

配漢世祖光武皇帝建武元年

公孫述自稱成帝于蜀

夏六月己未蕭王秀即皇帝位于鄡南中興

漢室大赦

群盜以劉盆子稱帝

以鄧禹為大司徒、吳漢為大司馬、伏湛為尚書令

光武猶襲哀帝制不設丞相蓋以司徒比

丞相以司空比御史大夫也尚書令即前

漢弘恭石顯所典之職後用士人代之者

以識用王梁為大司空

人君以識用人僅見于此

秋八月壬子祭社稷癸丑祠高祖太宗世宗

九月劉盆子兵入長安玄奔高陵

綱目於更始元年上半年書帝玄而後止書玄

史綱乃加以帝何從綱目年上所書也至

此又去帝止稱玄者失地出奔故也

廢玄為淮陽王

舊書封玄為淮陽王此書廢何更始雖非

君國之才不足以係天下之望興復漢祚

然既立為帝以繼漢統光武北面事之受

其命以為大司馬進封蕭王則固其臣子

也況史固嘗書其所授光武官爵於其名

之上則君臣之分已定矣臣豈有封君之

理哉然書曰廢而斥其名則其不得不廢

亦可知矣況上書其出奔而下又有降盜

之書哉

以循吏卓茂為太傅封褒德侯

冬十月帝至洛陽

始定都洛陽

此後世都洛陽之始

劉永稱帝于睢陽

劉玄降于盜尋為所害

隗囂據天水自稱西州上將軍

竇融據河西自稱五郡大將軍

安定人盧芳詐稱漢宗室匈奴迎立以為漢

帝

北狄立中國人爲君始見于此

戊戌建武二年

春正月朔日有食之

封諸功臣爲列侯

鄧禹入長安脩陵廟

立郊兆宗廟社稷于洛陽

按史是年初制郊兆於洛陽備載其制但

不書帝親郊歲月考禮儀志云正月上丁

祠南郊又祭祀志云二年初制郊宋元始

中故事元始之制常以歲孟春正月上辛

若丁親郊祭天意其以春正月祭乎

以宋弘爲大司空

彭寵反于漁陽

封叔父良兄續子章興皆爲王淮陽王子三

人爲列侯

立貴人郭氏爲皇后子彊爲皇太子

盜發掘諸陵

詔復宗室列侯爲莽所絕者

丁亥建武三年

春正月立所生父南頓君以上四廟

群盜樊崇等降

以伏湛爲大司徒

夏五月晦日有食之

睢陽人斬劉永以降

冬十月帝如春陵祠園廟

李憲稱帝于廬江

戊戌建武四年

以侯霸爲尚書令

太傅竇德侯身茂卒

冬十一月伏湛奏行鄉飲酒禮

書鄉飲酒禮始見于此

戊戌建武五年

彭寵伏誅

以竇融爲涼州牧

冬十月帝如魯遣大司徒祠孔子

齊地悉平

初起太學

武帝時雖置博士弟子而史不明言其爲

太學後世始知學其名始見于此

立五經博士十四家

易有施孟梁丘京氏書歐陽大小夏侯詩

帝視太學

此後世入君視學之始

以侯爵為大司徒

徵處士嚴光至京師帝臨所館視之

唐仲友曰光武召隱逸二百年節義所自出也

建武六年

以春陵鄉為章陵縣復其徭役

江淮山東悉平

夏四月帝如長安謁園陵

遣七將軍伐蜀

詔并省縣四百餘減省吏員十置其一

秋九月晦日有食之

詔王莽時吏人沒為奴婢者免為庶人

復田租舊制三十稅一

辛卯 建武七年

罷郡國車騎材官還復民伍

春三月晦日有食之詔百僚上封事不得言

聖

以李通為大司空

壬辰 建武八年

夏閏四月帝自將征隗囂

隗囂卒子緄領其衆

建武九年

封貴人弟陰就為宣恩侯

建武十年

隗純降隴右悉平

建武十一年

夏六月帝自將伐蜀

秋七月帝還京師

建武十二年

蜀漢大破蜀兵斬公孫述蜀地悉平

譙封不受公孫述徵而死詔祠之

賓融入朝以融為冀州牧

建武十三年

詔大官勿受郡國異味

降諸王為公侯

以殷紹嘉公孔安為宋公周承休公姬常為衛公

以韓歆為大司徒

夏四月大饗將士諸功臣皆增邑更封各以列侯就第奉朝請

罷左右將軍

以竇融為大司空

成漢建武十四年

封孔子後為褒成侯

紅漢建武十五年

大司徒韓歆以直言免歸田里歆自殺

有星孛于昂

以歐陽歆為大司徒

追諡兄纁為齊武公

詔州郡檢覈墾田戶口

以戴涉為大司徒

漢建武十六年

春三月晦日有食之

詔許盜相斬除罪

緩行五銖錢

五漢建武十七年

春二月晦日有食之

廢皇后郭氏立貴人陰氏為皇后

胡寅曰夫婦天倫不可黜而可黜者失德之甚者也父子天性不可廢而可廢者不肖之極者也失德未甚不肖未極則聖人處之亦未至于絕也

帝如章陵

交趾女子徵側反以馬援為伏波將軍擊之

五漢建武十八年

春三月帝如河東祠后土

罷州牧復置刺史

五漢建武十九年

尊宣帝廟為中宗始祠元帝以上於太廟成

帝以下於長安

徙四親廟於章陵

太子彊以母故廢為東海王

享皇后陰氏子東海王陽為皇太子改名莊

胡寅曰春秋之義立子以貴不以功以德

不以貴無立子以貴之說也借如立貴彊



非后子乎

甲漢建武二十年

以蔡茂爲大司徒朱浮爲大司空

乙漢建武二十一年

鮮卑寇遼東

鮑昱始見于此

西域十八國遣子入侍請都護不許

丙漢建武二十二年

夏五月晦日有食之

以杜林爲大司空

詔罷邊郡亭侯

丁漢建武二十三年

以王況爲大司徒王音霸況許放反

以張純爲大司空

戊漢建武二十四年

匈奴始分南北

配漢建武二十五年

春三月晦日有食之

庚漢建武二十六年

詔增百官俸

初作壽陵

詔南單于入居雲中尋又徙西河

嗚呼天地有大界限華夷是也華處乎中夷處乎外是乃天地以山川險阻界別區域隔絕外內以爲吾中國萬世之大防者也奈何自決其防引而入吾腹心之內乎漢自宣帝時徙羌於三輔至是光武又居匈奴于雲中西河卒貽五胡亂華之禍於再易世二百五十五年之後嗚呼人君之處事何可不爲深長思乎

始定禘祫制

按禮時祭之外有禘有祫禘者合也謂大合毀廟與未毀廟之主於太祖之廟而祭之也禘者諦也王者既立始祖之廟又推始祖所自出之帝而以始祖配之也漢制三年一合毀廟主合食高廟未毀者不與焉元始五年始行禘禮建武十八年光武幸長安又詔太常行於高廟至是詔問張純據經典詳爲其制純議禘祭以夏四月祫祭以冬十月請如禮施行以時定議上

難役立廟遂以合祭高廟為常後以三年  
冬拾五年夏禘之時但就陳祭毀廟主而  
已謂之殷太祖東面惠文武元為昭景宣  
為穆自是禘祫遂定

辛漢建武二十七年

詔大司徒大司空止稱司徒司空改司馬曰  
太尉

以趙喜為太尉馮勤為司徒

城宮馬武上書請擊匈奴不許

壬漢建武二十八年

詔郡國收捕王侯賓客

遣諸王就國

以張奐為太子太傅桓榮為少傅

北匈奴乞和親許之

癸漢建武二十九年

春二月朔日有食之

甲漢建武三十年

春二月帝東巡群臣請封禪詔却之

有星孛于紫宮

卯漢建武三十一年

夏五月晦日有食之

漢建武三十二年四月以後建武中元元年

按通鑑紀年書其後紀者今並書之帝紀

建武舊書是年為中元元年今從綱目元紀

以建武者續志載封禪後赦天下詔明言  
改建武中元元年故也

春二月帝東巡封泰山禪梁陰

夏四月改元

前此改號年者俱在歲首歲中改者如此

以馮魴為司空

以李訢為司徒

尊孝文母薄太后曰高皇后代呂后配食地

祇

嗚呼薄太后於文帝為母於高帝則妾也

假令高帝猶存一旦隣薄姬以居呂后之

位不出高帝意帝其肯容之乎

遷呂太后廟主于園

光武以呂后幾危劉氏故黜其祭雖曰非

禮然亦可以為世之母后戒

冬十一月晦日有食之

起明堂靈臺辟廱立布圖識于天下  
帝以議郎桓譚非議出為六安郡丞

初帝以赤伏符即位由是信用讖文多以  
決定嫌疑當時凡有所議擬如起明堂靈  
臺辟廱之類皆以讖為據桓譚一言議之  
遂欲將下斬之幸而得解猶出之于外賈  
逵之徒希世取寵遂至用讖言經光武一  
代令主乃為此舉其為盛德累也大矣

丁巳建武中元二年

立北郊祀后土

東夷倭奴國入貢

此倭如貢中國之嫗

春二月戊戌帝崩于南宮前殿位三十四年

皇太子莊即位明是為孝

尊皇后曰皇太后

三月葬原陵

以鄧禹為太傅東平王蒼為驃騎將軍

顯宗孝明皇帝諱苜

戊午漢顯宗孝明皇帝永平元年

春正月帝朝原陵

此後世上陵之始

太傅高密侯鄧禹卒

東海王彊卒

紀漢永平二年

春正月宗祀光武皇帝於明堂以配五帝

後世宗祀明堂始見于此

始備冠冕之制

按秦滅禮學郊祭之服皆以衮玄古制盡

矣漢承秦弊西京二百餘年猶未能有所

制立中興後明帝始詔有司采周官禮記

尚書及諸儒記說備郊祭之服復古人之

制至是宗祀明堂帝及公卿列侯始服冠

冕衣裳玉珮絢履以從事

三月臨辟廱行大射禮

後世行大射禮始見于此

令郡國行鄉飲酒禮于學

前書伏湛奏行鄉飲酒禮蓋其自行於所

治也此則命天下郡國行之

冬十月行養老禮

後世行養老之禮始見于此

賜天下三老酒肉

帝如長安祠廟陵

遣使者以中牢祠蕭何霍光

人君遣使祠其故臣始見于此

中唐  
永平三年

春正月詔勸農桑

以郭丹爲司徒虞延爲太尉

立貴人馬氏爲皇后子烜爲皇太子

圖畫中興功臣二十八人于雲臺

帝思中興功臣乃圖二十八將於南宮雲

臺以鄧禹爲首次吳漢賈復耿弇寇恂岑

彭馮異朱祐祭遵景丹蓋延鮑期耿純臧

官馬武劉隆馬成王梁陳俊杜茂傅俊堅

鐔王霸任光李忠萬脩邳彤劉植又益以

王常李通竇融卓茂合三十二人按范史

雲臺功臣分爲上下二列每列十六人蓋

橫數之也上一列首鄧禹次吳漢至劉隆

下一列首馬成次王梁至卓茂通鑑誤直

數之因以馬成次鄧禹王梁次吳漢綱目

因之考之各人之傳馬成之功豈能先於

吳漢王梁之德未必優於賈復耿弇次

于陳俊寇恂次于杜茂岑彭次于傅俊馮

異次于堅鐔一優一劣相間陳列明白可

見其尤可據者史明言又益以王常李通

竇融卓茂之四人者不在二十八將之列

乃後所益也今范史板本以一人爲一列

王常乃在臧官前李通在馬武前竇融在

劉隆前則朱黼之言真可信也今依其次

而正之則其功伐大小名次高下各得其

當矣

夏六月有星孛于天船北

大起北宮以尚書僕射鍾離意諫而罷

秋八月晦日有食之

冬十月初奏文始五行武德之舞

帝奉皇太后如章陵

後世帝王奉太后出幸始見此

荊州刺史郭賀有殊政賜以三公服

後世旌部使者善政始見于此

大水

辛  
漢  
永平四年

春帝如河內以東平王蒼諫而還  
以范滂爲司徒伏恭爲司空

壬戌 永平五年

驃騎將軍薨辭還東平

癸亥 永平六年

詔禁章奏浮詞

甲子 永平七年

春正月皇太后陰氏崩上其諡曰光烈

自古右無諡而所稱號皆從其主之諡後  
世有諡始于此然惟用烈之一字所謂

光者仍用帝諡也其後如明德和熹之類

皆然後世乃有用二字四字者始去其主  
之諡而專稱焉失婦人從夫之義矣

乙丑 永平八年

以虞延爲司徒

秋大水

冬十月西域浮屠法始入中國

此佛法入中國之始嗚呼自天地開闢以  
來夷狄之禍未有甚于此者也自古夷狄  
之禍止于猾夏止于亂華然不過侵吾之

邊鄙戕吾之人民劫吾之貨財而已於吾  
之彝倫於吾之義理於吾之風化固未嘗  
相妨也然其所侵邊鄙亦有時也所戕人  
民亦有數也所劫貨財亦有限也今則永  
無已時矣永無限數矣嗚呼豈非天地間  
之一大變歟蓋嘗論之天地之區域中國  
爲正天地之生人中華爲正中華之人必  
有妃偶必有親屬必有產業必有衣冠人  
而無此數者則非人矣人而非人是何等  
物邪是故人必有偶也自是中國始有無  
偶之人首必有髮也自是中國始有無髮  
之首家必有業也自是中國始有無業之  
家書必同文也自是中國始有不同之文  
衣必有袖也自是中國始有獨袖之衣有  
父則有子中國至是乃有不父之子莊周  
所謂不可解於心者於是乎解矣有君則  
有臣中國至是乃有不君之臣莊周所謂  
無所逃於天地之間者於是乎逃矣教之  
大者孔子也至是乃有可並孔子之教神  
之尊者上帝也至是乃有大於上帝之神

孔子曰玉刑之屬三千而罪莫大於不孝  
要君者無上非聖人者無法非孝者無親  
此大亂之道也浮屠氏之所為真所  
謂大亂之道而實有以鑒於吾聖人莫大  
之罪在三代聖王所必誅而無赦者也明  
帝為人之子乃崇無父之教居君之位乃  
容不拜之臣為中國之主乃黨外夷之人  
聞茲大釁以為中國千萬年無窮之禍害  
春秋之法推見至隱必誅黨惡之人必原  
開端之始嗚呼明帝之罪上通乎天矣雖  
秦政之暴虐新莽之奸惡其禍不若是之  
烈且久也嗚呼若明帝者豈非名教中萬  
世之罪人哉

詔聽有罪亡命者贖  
是月晦日有食之既詔求直言復以示百官  
鄭眾使匈奴不屈節召為軍司馬

兩漢書  
詔司隸刺史歲考所部長吏殿最  
此後世詔使者考察其屬之始  
匈奴遣子入學

外夷遣子入學始見于此  
置四姓小侯學  
大有年  
書大有年始此  
始置中官負數中常侍四人小黃門十人  
按後漢書宦者傳序中興之初宦者悉用  
閹人不復雜調他仕永平中始置負數則  
前此雖有中常侍之名未有負數也有負  
數始于此然其數止十四人而已後世有  
職名者乃至數千焉嗚呼國政欲不紊民  
力欲無困得乎史止稱永平中無年月可  
附考永平首尾十八年折  
其中半而附書  
于九年之末

丁卯  
永平十年  
帝以丁鴻能讓徵為侍中

戊辰  
永平十一年  
春正月諸王來朝東平王蒼還帝臨送之

己巳  
永平十二年  
哀牢夷內附

哀牢夷在唐屬南詔金雲南金齒地  
以牟融為司空

永平十三年

脩汴渠成

世言隋煬帝開汴渠以幸揚州然漢書言平帝時河汴決壞至是詔發卒數十萬脩汴築堤渠成河汴分流復其舊迹由是觀之則汴渠不始于隋可知矣說者謂自禹以來有之理或然歟

冬十月晦日有食之

永平十四年

以邢穆為司徒

楚王英以罪廢徙丹陽自殺

楚王英首好佛者也曾未幾時遽遭自殺之禍連及數千人佛氏果報之說果有無乎

帝幸洛陽獄錄囚理出千餘人

楚郡太守袁安條上郡中坐楚王英事理無驗者四百餘家

永平十五年

春二月帝東巡耕于下邳

三月至魯詣孔子宅

永平十六年

大發兵伐北匈奴

胡寅曰明帝時四隣無事匈奴不過一再寇邊其害小也明帝不遵光武舊規大發兵數道並出往往無獲空還而又復通西域三十六國由前言之則開邊生事由後言之則矯制要功皆春秋所禁王法所不與也

西域復通

夏五月晦日有食之

以王敏為司徒

永平十七年

以鮑昱為司徒

復置西域都護

永平十八年

夏六月有星孛于太微

秋八月壬子帝崩于東宮前殿在位四十八年

遺詔無起寢廟

按先儒論漢文之短喪其失不在文帝而景帝當任其責明帝不起寢廟之詔固不

為無失然使章帝有魏顯之孝群臣有宋仲幾楚子囊之忠則必不以一時之亂命壞千古之彛制况事體之輕重又非如三子所正而已耶自是更魏晉隋唐其間非無奉先思孝之君據經守禮之臣而皆不能有所裁正其弊至使太祖之位下同孫子既無以見其為七廟之尊群廟之神上壓祖宗而又不待自為一廟之主孝子順孫之心宜亦有所不安于此矣

皇太子烜即位

章帝

葬顯節陵

以趙惠為太傅牟融為太尉並錄尚書事

錄尚書之名如見于此自孔安國解舜典

納于大麓以為九錄萬幾之政章帝以趙

惠為太傅牟融為太尉始改領尚書事以

為錄尚書蓋本孔氏說也魏晉以後權臣

欲專權奪國者往往假舜之事以為名昔

人謂六經不明漢儒害之也嗚呼其為害

豈但經之不明而已哉

冬十一月晦日有食之

肅宗孝章皇帝

建初元年

春正月詔廩贍饑民

詔二千石勸農桑慎選舉順時令理冤獄

罷西域都護

詔以上林池籟賦與貧民

秋八月有星孛于天市

建初二年

帝欲封爵諸舅太后不聽

罷伊吾盧屯兵

冬十二月有星孛于紫宮

建初三年

春正月宗祀明堂

立貴人竇氏為皇后

以外戚馬防為車騎將軍

建初四年

夏四月立子慶為皇太子

封諸舅馬廖等為列侯廖等辭位以特進就

第



以鮑昱為太尉桓虞為司徒

皇太后馬氏崩

加生母貴人賈氏王赤綬安車宮人雜帛金錢

詔諸儒會白虎觀議五經同異

庚辰建初五年

春二月朔日有食之舉直言極諫

詔以直言士補外官

戊午建初六年

夏六月晦日有食之

以鄧彪為太尉

詔以四科取士

一曰德行高妙志節清白二曰經明行脩

能任博士三曰明曉法律足以決疑能按

章覆奏久任御史四曰剛毅多畧遺事不

惑明足以照奸勇足以斷決才任三輔

壬戌建初七年

以后諸廢太子慶為清河王殺慶母宋貴人

立子肇為皇太子

癸亥建初八年

東平王蒼卒

立尚書古文詩毛氏春秋穀梁左氏講郎

竇氏請殺梁竦又太子母梁貴人

后兄竇憲奪公主田帝知不問

司馬光曰人臣之罪莫大乎欺罔孝章責

憲善矣然卒不能罪憲則奸臣安所懲哉

甲寅建初九年八月以後元和元年

詔議貢舉法

定箴令

詔禁治獄慘酷者

以鄭弘為太尉

太學生孔僖上書自訟以為蘭臺令史

太學生因言事得用始見于此

以廬江毛義東平鄭均行義賜穀各千斛

詔除妖惡禁錮者

乙酉元和二年

詔賜民胎養穀復其夫勿算著為令

詔戒俗吏矯飾者

詔曰俗吏矯飾外貌似是而非朕甚惡之

甚苦之安靜之吏惴惴無華日計不足月

計有餘如襄城令劉方吏民同聲謂之不煩雖未有他異斯亦殆近之矣夫以苛為察以刻為明以輕為德以重為威四者或興則下有怨心勉思舊令稱朕意焉

行四分曆

春二月帝東巡

耕于定陶

如東郡延舊學張酺講尚書

臨鄭均宅賜均以尚書祿

柴告岱宗

宗祀明堂

三月至魯祠孔子拜孔伋為郎中

至東平祠獻王墳

夏四月還京師假于祖禰

詔定律母以十一月十二月報囚

丙戌漢元

和三年

詔嬰兒無親屬及有子不能養者廩給之

太尉鄭弘以論竇憲免尋卒

以宋由為太尉

以袁安為司空

詔侍中曹褒定漢禮

元和四年七月以後章和元年

以袁安為司徒任隗囂司空

秋八月晦日有食之

曹褒上所撰制度

章和二年

春正月壬辰帝崩于章德前殿

位三十二年

皇太子肇即位

是為和帝

尊皇后曰皇太后

葬敬陵

太后竇氏臨朝

太后詔以其兄竇憲供養兩宮備宿衛

以鄧彪為太傅錄尚書事

諸王始就國

以遺詔罷鹽鐵之禁

竇憲殺都鄉侯暢太后使擊北匈奴以贖罪

司徒袁安司空任隗諫不聽

孝和皇帝

諱肇

元和皇帝永元元年

尚書僕射鄧禹以忤竇憲卒

太后以其兄憲為大將軍封武陽侯

庚寅 永元二年

春二月壬午日有食之

以章帝遺詔封故齊武王縝孫無忌為齊王

威為北海王

北匈奴款塞來朝竇憲襲擊破之

辛卯 永元三年

春正月帝冠

尚書僕射樂恢上書論竇憲殺之

以班超為西域都護

壬辰 永元四年

春三月司徒袁安卒

安以天子幼弱外戚擅權每朝會進見及

與公卿言國家事未嘗不喑鳴流涕天子

大臣皆倚賴之

以丁鴻為司徒

夏六月朔日有食之

帝誅竇憲

帝時年十四

班固著漢書未及竟以附憲下獄死詔其女

弟鍾成之

宦者鄭眾與誅憲謀以為大長秋

此東漢宦者預政之始真德秀曰鄭眾為

人雖賢於其徒然開端作俑終為漢世大

患豈非孝和之罪哉

宋由以黨憲策免自殺

秋八月司空任隗卒

按王裒曰方竇氏得志時袁安任隗力持

正議而宋由依違其間人莫不以由為得

計而為安隗危之也然由身被惡名不得

其死安隗善終隗下名昭史冊後之依人

勢以圖富貴者盍監之哉

以尹囑為太尉錄尚書事劉方為司空

癸丑 永元五年

春正月宗祀明堂

遣使賑貧民

北單于叛遣兵追斬滅之

詔以京師離官上林廣成園假貧民

以張酺為太尉

甲寅 永元六年

以劉方為司徒張奮為司空

以陳寵為廷尉

秋七月京師旱帝如洛陽寺錄囚未還宮而雨

紀永元七年

夏四月朔日有食之

秋七月易陽地裂

書地裂始此

九月京師地震

申丙永元八年

立貴人陰氏為皇后

酉丁永元九年

夏六月旱蝗除田租及山澤稅

皇太后竇氏崩

帝始知其非太后所生三公奏請貶太后帝

不從

追尊生母梁貴人為恭懷皇太后

以呂蓋為司徒韓稜為司空

戌癸永元十年

夏五月京師大水

以巢堪為司空

紀漢永元十一年

遣使循行廩貸

漢永元十二年

秋七月朔日有食之

以張禹為太尉

丑辛漢永元十三年

帝臨東觀召諸儒講論

詔邊郡舉孝廉

以魯恭為司徒

壬漢永元十四年

皇后陰氏廢死

立貴人鄧氏為皇后

以徐防為司空

始封宦者鄭眾為侯

宦者封侯自此始

卯癸漢永元十五年

夏四月晦日有食之

嶺南貢生果從唐羌言罷之敕勿受遠方獻

漢永元十六年

以徐防為司徒陳寵為司空

乙漢永元十七年四月以後元興元年

高句驪寇遼東

復宗室以罪絕者屬籍

夏五月雍地裂

冬十二月辛未帝崩于章德前殿位十七年

皇后鄧氏以長子勝疾迎幼子隆即位餘

廟號為

皇后稱皇太后臨朝

孝殤皇帝諱隆和帝子

丙漢孝殤皇帝延平元年

以張禹為太傅徐防為太尉參錄尚書事

封兄勝為平原王

以梁鮪為司徒

葬孝和皇帝于慎陵

尊和帝廟曰穆宗

按禮祖有功宗有德創業之君則謂之祖

繼世而有德者則謂之宗在七廟之外百

世不祧者也繼世之君若夏則少康商則

大戊武丁然後足以當之漢業始高祖文

帝之崇仁義躬節儉武帝之表經術興學

校宣帝之興漢室綜名實宗之可也然宣

帝宗武帝夏侯勝等猶執異議東都以後

光武以祖稱明章以宗稱亦庶乎其可矣

然和帝以後安順桓皆以宗稱至初平元

年以其無功革去是矣其後嗣世者懷私

親之恩典禮者無執正之議因循沿襲以

至于唐宋之世世主一切皆以宗稱無復

分辨失禮之甚矣

清河王慶就國留其子祐居京邸

罷祀官不在禮典者

太后以其兄鄧騭為車騎將軍儀同三司

儀同之名始見于此

以尹勤為司空

減用度遣官人

詔實覈傷害除其田租

秋八月辛亥帝崩于崇德前殿位一年

太后迎清河王子祐入即位疑為

太后猶臨朝

太后詔檢救鄧氏賓客

葬康陵

隕石于陳留

冬十月大水雨雹

清河王慶卒

詔舉隱逸選博士

世史王綱卷七

世史正綱卷八

漢世史

孝安皇帝

諱社  
帝從弟

孝安皇帝永初元年

春三月癸酉日有食之

封舅鄧騭及其弟惲弘閭為列侯騭辭不受

以留恭為司徒

罷西域都護及屯田

始以災異策免三公

三公以災異免始于太尉徐防司空尹勣

仲長統曰光武愠數世之失權忿強臣之

竊命矯枉過正雖置三公事歸臺閣三公

之職備員而已政有不治猶如譴責而權

移外戚之家寵被近習之孺親其黨類用

其私人內充京師外布列郡顛倒賢愚賢

易遷舉怨氣並作陰陽失和此戚宦之臣

所致然也反策讓三公至于死免可謂噉

號泣血者也昔文帝之鄧通可謂寵愛而

猶展申屠嘉之志見任如此何患於左右

小臣哉近世戚宦請託不行立能陷人於

不測之禍惡可得而彈正哉

以張禹為太尉周章為司空

西羌叛斷隴道詔鄧騭將兵備之

以周敏為司空

地震大水大風雨雹

戊申漢永初二年

以公田賦與貧民

遣使廩貸糞充流民

夏旱太后親錄囚徒即日雨

六月大水大風雨雹

秋七月太白入北斗

書太白入斗如此

徵鄧騭為大將軍

滇零僭號寇鈔三輔

配漢永初三年

春正月帝冠

京師大饑民相食

冬十二月有星孛于天苑

戊戌漢永初四年

先零羌寇漢中太守鄭勤戰死

春三月地震秋九月又震

詔謁者劉珍等校定東觀五經諸子百家

南單于降

辛亥漢永初五年

春正月朔日有食之

羌寇河東河內

詔徙緣邊諸郡避寇

壬子漢永初六年

以劉鄩為司空

詔封建武功臣

癸丑漢永初七年

春正月太后率大臣命婦謁宗廟

夏四月晦日有食之

甲寅漢元初元年

春三月晦日有食之

夏四月河東地陷

書地陷始此

冬十月朔日有食之

詔除三輔三歲田租更賦口算

地震

元初二年

詔脩河渠

立貴人閻氏為皇后

秋九月晦日有食之

武都太守虞詡大破羌

地震

元初三年

春三月辛亥日有食之

初聽大臣二千石刺史行三年喪

三年之喪天下之通喪也漢自文帝遺詔

短喪以日易月景帝遵之其後公卿大臣

二千石刺史有三年喪者皆不得終制至

是司徒劉愷以為非所以師表百姓宣美

風俗始詔聽之

冬十二月癸卯郡國地九震

仕尚擊破先零羌

元初四年

春正月朔日有食之

武庫災

司空袁敞忤鄧氏旨自殺

西羌降隴右平

地震

元初五年

永昌益州蜀郡夷叛眾至十餘萬

秋八月朔日有食之

以羌平封鄧遵為武陽侯任尚與遵爭功徵

至棄市

地震

元初六年

冬十二月朔日有食之既

是歲地再震

元初七年四月以後永寧元年

復置西域都護屯兵

立子保為皇太子

秋七月朔日有食之

遼西鮮卑降

以楊震為司徒

大水地震

永寧二年七月以後建光元年

春三月皇太后鄧氏崩



封舅鄧騭為上蔡侯

帝追尊所生考清河孝王曰孝德皇妣左氏

曰孝德后妣宋貴人曰隱敬后

尊本生嫡母耿姬為甘陵大貴人

詔舉有道之士

帝以汝南薛包有行義徵至拜侍中包辭歸

官人誣太后兄弟謀立平原王翼廢鄧廣宗

等為庶人遣鄧騭就國騭等皆自殺

貶平原王翼為都鄉侯

帝以朱寵言許鄧騭還葬

封宦者江京李閭為侯

以劉愷為太尉

秋九月帝幸衛尉馮石第留飲十餘日

冬十一月地震裂

除今年田租

復斷大臣行三年喪

建光二年三月以後延光元年

秋七月地震九月再震

汝南處士黃憲卒憲卒或疑其不在此年然無據今從此

延光二年

封乳母王聖為野王君

封乳母始見于此

丹陽山崩

以楊震為太尉

京師地震

延光三年

帝東巡柴告泰山

祀孔子于闕里

西域復通

宦者樊豐譖太尉楊震策收其印綬遣歸故

郡震自殺

真德秀曰是時宦官能譖殺大臣其權又

甚于永元矣

以耿寬為大將軍

王聖樊豐等與閹后譖搆皇太子保廢為濟

陰王

太僕來歷坐諫廢太子免官

秋九月晦日有食之

地震大水雨雹

安帝在位十九年日食凡十三見甚者一

年再食地震則無一年無矣外戚擅權

**延光四年**

春二月帝南巡

三月朔日有食之

丁卯帝次葉崩于乘輿馳歸京師庚午發喪

葬位十九年

皇后閻氏稱皇太后臨朝

太后以其兄閻顯為車騎將軍儀同三司

太后迎北鄉侯懿入即位北鄉侯

以馮石為太傅劉熹為太尉參錄尚書事李

郃為司徒

宦者樊豐等下獄死耿寶自殺王聖及其子

伯榮徙鴈門

葬恭陵

冬十月皇從弟北鄉侯懿卒

北鄉侯不書崩何用春秋書王子猛卒例

未踰年不成君也舊作薨此書卒何先儒

謂猛不踰年不可言崩又不可言薨是以

通言卒耳其加以皇從弟何亦猶猛卒而

加以王子也殤帝何以書殤殤帝以十二月立明年八月崩月雖未匝而年則已踰矣况又改年號乎此所以不殤例而書崩也

宦者孫程等迎濟陰王保入即位順為

孫程殺閻顯等遷太后于離宮

封孫程等十九人為列侯

真德秀曰宦官至是以立君之功封侯者

十九人則其權又甚于永初矣按永初當

以諸王禮葬北鄉侯

改葬故太尉楊震祠以中牢

冬京師大疫

孝順皇帝安帝

**永建元年**

春正月帝朝太后于東宮

皇太后閻氏崩

以桓焉為太傅朱寵為太尉錄尚書事

宦官孫程救虞詡薦左雄

遣孫程等十九人就國

初令三公尚書入奏事

丁卯 漢永建二年

追尊本生母李氏為恭愍皇后

秋七月朔日有食之

以許敬為司徒

聘處士樊英以為五官中郎將尋辭歸

戊辰 漢永建三年

春正月地震

徵孫程等還

己巳 漢永建四年

春正月帝冠

詔復安定北地上郡

以龐參為太尉錄尚書事

分會稽為吳郡

庚午 漢永建五年

夏旱蝗

辛未 漢永建六年

重起太學

壬申 漢永建七年三月以後陽嘉元年

立貴人梁氏為皇后

以后父梁商為執金吾

左雄請立孝廉限年課試法

癸酉 陽嘉二年

徵郎覬以為郎中不就

封乳母宋娥為山陽君

夏四月京師地震詔公卿直言舉敦樸之士

六月地坼詔引敦樸士對策以李固為第一

甲戌 陽嘉三年

夏旱帝問尚書周舉以消變之術

乙亥 陽嘉四年

初聽中官得以養子襲爵

此後世宦者養子襲爵之始古者以閹人

給事內庭以其無男女之欲子孫之系故

也今既官之而又使之得以養子襲其爵

又何若勿絕其世而只用士人哉先儒有

言茅土之封所以待功勳建賢德而加諸

刀鋸之賤似續之任所以繼先祖傳後來

而責諸不父之家且殘無罪之人息生生

之道耗盡財用崇長禍階一舉而六失併

焉有天下國家者可不深思而痛革之哉

以后父梁商為大將軍

秋閏八月朔日有食之

地震

子丙漢永和元年

以王龔為太尉

以梁商子冀為河南尹

丑丁漢永和二年

徵處士法真不至

地震

寅戊漢永和三年

春二月地震金城隴西山崩

夏閏四月地震

以祝良為九真太守張喬為交趾刺史嶺外

悉平

詔舉武猛任將帥者

後世武舉兆于此

冬十二月朔日有食之

卯己漢永和四年

中常侍張達等矯詔執小黃門曹騰孟賁達

伏誅

地震

辰庚漢永和五年

春二月地震

夏五月晦日有食之

巳辛漢永和六年

羗寇三輔燒園陵

春二月有星孛于營室

梁商卒以商子冀為大將軍不疑為河南尹

用梁商遺言以周舉為諫議大夫

秋九月晦日有食之

午壬漢安元年

遣杜喬張綱等八使分行州郡

張綱劾奏梁冀梁不疑詔以倖贖罪

杜喬奏泰山太守李固政為天下第一召以

為將作大匠

以胡廣為司徒

未癸漢安二年

涼州地震山裂

自九月至十一月一百八十震

卯己漢安三年四月以後建康元年

夏四月立子炳為皇太子改元

秋八月庚午帝崩于玉堂前殿諡位十九年

皇太子炳即位年一歲是為

尊皇后曰皇太后

太后梁氏臨朝

以趙峻為太傅李固為太尉參錄尚書事

葬憲陵

地震水涌山裂

九江盜僭號于當塗

盜發憲陵

孝冲皇帝諡炳子

西漢孝冲皇帝永嘉元年

春正月戊戌帝崩于玉堂前殿諡位二年

太后命徵清河王蒜及渤海王子續至京師

梁冀利續幼弱立之罷蒜歸國疑為

葬懷陵

廣陵張嬰據郡反

歷陽盜僭號

九江都尉滕撫悉誅東南諸盜太尉胡廣承

官者意奏黜撫

孝質皇帝諡

西漢孝質皇帝本初元年

詔郡國舉明經詣太學受業者歲滿課試拜

官有差

太學生課試拜官如此自是游學增盛至

三萬餘生黨禍兆于此矣

海水溢

夏閏六月甲申梁冀進毒弑帝諡位二年

太尉李固議立清河王蒜冀白太后策免之

以胡廣為太尉趙戒為司徒

梁冀立蠡吾侯志是為

太后猶臨朝

葬靜陵

追尊帝所生祖河間孝王為孝穆皇父蠡吾

先侯曰孝崇皇尊母區氏為博園貴人

孝桓皇帝諡

丁亥孝桓皇帝建和元年

春正月朔日有食之

夏四月京師地震

六月郡國地裂水涌

以杜喬為太尉

論定策功益封梁冀萬三千戶又封其子弟  
及宦者劉廣等皆為列侯

立太后女弟為皇后

九月京師地震再震策免太尉杜喬

以趙戒為太尉胡廣為司空

劉文謀立清河王蒜事覺貶蒜為尉氏侯徙

桂陽自殺

宦者誣李固杜喬與劉文謀殺之

後漢建和二年

春正月帝冠

三月帝從皇太后幸梁冀第

夏五月北宮火

梁冀惡清河名改為甘陵

京師大水

後漢建和三年

夏四月晦日有食之

秋八月有星孛于天市

京師大水

九月地震再震山崩

後漢和平元年

春正月太后梁氏崩

加封梁冀萬戶

封梁冀妻孫壽為襄城君

尊博園區貴人曰孝崇后

秋七月梓潼山崩

後漢元嘉元年

春正月朔尚書張陵劾梁冀罪詔以俸贖

夏四月帝微行幸河南尹梁胤府舍是日大

風拔樹晝昏

京師旱任城梁國饑民相食

京師地震

以黃瓊為司空

詔加大將軍冀殊禮增封四縣十日一入平

尚書事賜以甲第

後漢元嘉二年

秋七月庚辰日有食之

京師地震

後漢元嘉三年五月以後永興元年

秋七月蝗

河溢民饑以朱揚為冀州刺史

官者趙忠葬父僭禮朱襪案驗之徵下獄太學生上書訟之

以胡廣為太尉黃瓊為司徒

午甲永興二年

復聽刺史二千石行三年喪

京師地震

東海胸山崩

封乳母馬惠子初為列侯

秋九月朔日有食之

帝校獵上林苑遂至函谷關

泰山琅邪盜起

以黃瓊為太尉

未乙永壽元年

京師饑人相食

南陽大水

巴益郡山崩

中丙永壽二年

青徐盜起以韓韶為嬴長

京師地震

丁未永壽三年

以韓續為司徒

京師蝗

夏閏四月晦日有食之

詔四府群僚及太學生議鑄大錢以劉陶言

已之

戊戌永壽四年六月以後延熹元年

夏五月晦日有食之

滎冀殺太史令陳授

大雩

書大雩如此

復以胡廣為太尉

蝗

南匈奴烏桓鮮卑入寇

己亥延熹二年

復斷刺史二千石行三年喪

皇后梁氏崩

秋八月滎冀伏誅夷三族并族其妻孫壽家

籍其貲充王府用減天下租賦之半散苑囿

以業貧民

為呼自古奸臣之為身謀者無所不至方

冲帝崩時冀忘清河王長恐其爲已害也而立質帝既而聞其跋扈之言進毒弑之衆請立清河王又不從利桓帝之幼弱也謂於已無害得以肆志而逞欲乃卒立焉嗚呼孰知所以族誅其家者乃幼弱之桓帝也哉設使當時冀從人望立清河王以奉漢祀盡臣之節以事之其爲漢之功臣饗有茅土之封且將百世祀矣豈至一旦無噍類哉計冀自代父位至是纔十有九年一門七侯三后六貴人二大將軍卿將尹校五十七人所以專權作威窮奢極欲稱心快意子十九年之間如白駒之過隙耳一旦泥首面縛愁蹙呻吟於桁楊縲紲之間駢首就戮身首異處遂使千萬年之宗祀爲不食之鬼以此易彼果孰多哉嗚呼後世之奸臣亦可以鑒矣

太尉胡廣司徒韓續司空孫朗以阿附罪免爲庶人又黜免附冀者三百餘人嗚呼士大夫平日所學何事一旦乃甘心爲權奸之腹心羽翼所得幾何而遽遺惡

於千萬載是皆起於患失之心而圖一時之倖抑不思世無不死之人惡無不敗之理吾何庸取一時之快而爲終身之玷貽後世之譏哉胡廣輩在當時視李固杜喬固若得志然自後人觀之真不啻金玉之於糞壤也嗚呼後之人附權奸以苟富貴者尚鑒之哉

立貴人鄧氏爲皇后追廢梁后爲貴人以誅梁冀功封宦者單超唐衡左悺徐璜貝璦爲列侯復以黃璣爲太尉初置秘書監官後世秘書之名始此

徵處士徐穉姜肱袁開事者李曇皆不至封皇后兄子康等爲列侯宦者侯覽以進緣封高鄉侯又封小黃門八人爲鄉侯

白馬令李雲上書言宦者不當封侯下獄弘農緣杜衆願與同死皆被殺



真德秀曰桓帝因內侍而殺直臣又併其論救者於是亡國之兆見矣

以宦者單超為車騎將軍

前此車騎將軍專以授勲戚之用事者至是以授宦者則文武之權盡歸之矣

漢延熹三年

詔求故太尉李固後

宦者單超死賜以天子葬具

昔者周公以王室懿親有大勲勞于天下成王賜之以重祭先儒猶以為不當得

何等人居何等地所供者何等職役乃

之以東園秘器及棺中玉具嗚呼聞者用此天子當何所用哉

夏五月漢中山崩

漢延熹四年

春正月南宮嘉德殿火

大疫

二月武庫火

以劉矩為太尉

夏五月有星孛于心

雨雹

地震

岱山及博亢來山裂

減百官俸

貸王侯半租

賣關內侯以下官

以劉寵為司空

諸羌復反

漢延熹五年

夏五月京師地震

以楊秉為太尉

漢延熹六年

以周景為司空

太尉秉等劾宦官子弟為牧守者五十餘人

尚書朱穆請罷省內侍不聽發疽卒

甲漢延熹七年

春三月隕石于鄂

乙漢延熹八年

春正月晦日有食之

三月千秋萬歲殿火

太尉奏中常侍侯覽縱惡免覽官

司隸校尉韓續劾左悺罪悺自殺

漢皇后鄧氏幽殺之

河南尹李膺廷尉馮緄大司農劉祐皆以忤

亡者輪作左校

太尉楊秉卒

以陳蕃為太尉

初欽田畝稅錢

此後世於常賦外欽稅錢之始

立貴人竇氏為皇后

起李膺為司隸校尉

延熹九年

春正月朔日有食之

詔舉至孝

司隸豫州大饑

夏四月河水清

帝親祠老子於濯龍宮用郊天樂

後世謂老子上帝其端肇于此嗚呼老

子雖賢聖亦天所生也生既為人死則為

鬼况史明言老聃有墓及子孫豈有祀人

鬼而可用天帝之樂哉用其樂且不可齊之於其上何足

起胡廣為司徒

南匈奴烏桓鮮卑寇邊

以周景為太尉

宦者譖南陽太守成瑨太原太守劉瓛殺之

宦者使牢脩上書訟司隸校尉李膺養太學

游士共為部黨下邳于獄逮捕其黨二百餘

人遂策免太尉陳蕃

後世朋黨之名始見于此按東萊呂氏有

言天下之事最是互相譏揣妄分清濁其

禍最大且如房周賓客不過學舍中譏誚

戲笑之語豈知自此致天下之大禍哉嗚

呼朋黨之禍始於言語之微而馴致於禍

害之大不徒禍其一身一家而且延及于

天下之廣一世之善類於是乎殄瘁國家

之元氣於是乎消蝕遂使後世權奸欲盡

除善類以傾人天下國家若往往假此以

為名是其為禍非獨在于一時而且及于

千萬世矣吁後之士大夫尚鑒諸此而以

口舌為戒

丁未延熹十年六月以後永康元年

羌寇三輔

京師地裂

夏四月晦日有食之

大水海溢

赦黨人歸田里禁錮終身

一時黨人互相標榜以高視一世議論激切固未合於中道然皆懷疾惡之心不忍小人之朋奸蠹政以傾覆國家相與肆為高論以扶持世道原其本心非盡私邪也人君聞其言而反之已吾有是邪從而改之吾無是邪因此而豫為之戒其於君身國政未必無補也奈何信任小人之言一切以為誹謗寘之於法而又禁錮其終身真氏謂禁錮終身自古大無道之世所未有也嗚呼古之相臣于一夫不獲以為已辜况人君為天地民物之主乃禁錮人於平世使人鬱結而不得自伸是豈有道之世哉况所禁錮者又皆世所謂賢人君子

者哉

冬十二月丁丑帝崩于德陽前殿

尊皇后曰皇太后

太后臨朝

遣使迎解讀亭侯宏于河間

光緒戊寅六月六日古圖集濟諫疏錄于京師城內

世史正綱卷八

丙集

世史正綱卷九

○漢世史

孝靈皇帝諱宏 帝玄孫

甲戌漢孝靈皇帝建寧元年

春正月壬午太后以其父竇武為大將軍陳

蕃為太傅與司徒胡廣參錄尚書事

庚子解讀亭侯宏至即位是為孝靈皇帝

葬孝桓于宣陵

段熲破東羌以為破羌將軍

追尊帝本生祖為孝元皇夫人為孝元后考

為孝仁皇尊母董氏為慎園貴人

夏五月朔日有食之

以劉矩為大尉

六月大水

錄定策功封竇武為聞喜侯

封陳蕃為高陽鄉侯不受

太傅陳蕃大將軍竇武奏悉誅宦者曹節等

為節等所殺遂遷太后于南宮

嗚呼人之生也皆具天地之理故其性莫

不皆好善而惡惡秉彝好德之良心不以

丙集

彼此而殊也當桓帝之時宦者雖曰專權  
恣肆其中豈無明理達義之人知其黨  
之非者而勸武不分輕重淺深一槩施之  
以誅戮不復有所分別是以人人自危無  
由自白締構奮激而奸謀愈深遂為國家  
莫大之禍嗚呼君子之舉事烏可以不深  
遠慮哉書不云乎殲厥渠魁脇從罔治非  
特以之待盜賊其待小人亦當然也

冬十月晦日有食之

處士徐穉卒

配漢建寧二年

尊慎園貴人董氏為孝仁皇后

夏四月青地見御座上大風兩雷電詔公卿

言事郎中謝弼以言事切直宦者惡之搆以

他罪殺之

劉罷以附中常侍得為司空

段熲大破東羌

冬十月復治鉤黨殺前司隸校尉李膺等百

餘人

嗚呼人之云亡邦國殄瘁一時之人才

謂賢人君子者駢首就戮豈斯人之不幸哉世道之不幸也夫上天生才以遺人君與之共持世道人君不知所重不惟不能用其人而反有以害其人人才不知自重不惟不能遏其亂而反有以致其亂皆非上天之意也然則為黨人計當如何曰未用則明道惇義以待時勢之可為而不是已非人以招禍既用則積誠深計以冀機括之可移而不淺謀輕舉以速亂

是月晦日有食之

庚辰建寧三年

春三月晦日有食之

辛巳建寧四年

春正月帝冠赦天下惟黨人不赦

二月地震海溢

三月朔日有食之

大疫

立貴人宋氏為皇后

冬十月朔帝朝太后于南宮

黃門令董萌為太后訴冤曹節等殺之

鮮卑入寇

壬子建寧五年五月以後熹平元年

春正月帝謁原陵

胡廣死

宦者侯覽伏誅

皇太后竇氏崩于雲臺曹節等議欲別葬廷尉陳球等上疏諫帝從之

宦者王甫誣殺渤海王悝封甫等十二人為侯

侯

會稽妖賊許生僭號

丑癸熹平二年

春正月大疫

夏六月地震

以中常侍唐衡弟珍為司空

冬十二月晦日有食之

寅甲熹平三年

吳郡司馬孫堅討許生誅之

卯乙熹平四年

詔諸儒正五經文字命議郎蔡邕以古文篆

隸書之刻石于太學門外

立選用三互法

三五謂昏姻之家及兩州人不得交互為官

夏六月螟

辰丙漢熹平五年

永昌太守曹鸞請赦黨人殺之更考黨人禁錮五屬

巳丁漢熹平六年

夏四月大旱蝗

鮮卑寇三邊

宋書卷五

市賈小民有相聚為宣陵孝子者詔以為太子舍人

帝以燕邕言迎氣北郊

冬十月朔日有食之

京師地震

鮮卑寇遼西

午戊漢熹平七年三月以後光和元年

春二月朔日有食之

置鴻都門學以處諸生之能為尺牘辭賦及

工書鳥篆者

以中常侍赦奉弟顯為太尉

夏四月地震

侍中寺雌雞化為雄

六月有黑氣墮溫德殿庭中

秋七月青虹見玉堂殿庭中

書虹始此

召議郎蔣翺問災異程璜使人言翺私事下獄中常侍呂強救之徙朔方

八月有星孛于天市

以陳球為太尉

宋書卷五

冬十月宦者諸廢皇后宋氏為殺之

是月晦日有食之

初開西邸賣官

嵩三公爵以劉劭為司徒

紀漢光和二年

春大疫

地震

夏四月朔日有食之

宦者王甫伏誅

太尉段熲有罪自殺

封中常侍呂強為都鄉侯不受上疏陳事  
不能用

嗚呼秉彜好德之良心人人所同有也天地生人初不以其人之所處而異其所稟彼宦侍亦人也同得天地之氣以為體同得天地之理以為性其形體雖有不全其心性初無少欠論人者烏可因其所處之地而遂疑其所存之心哉觀呂強之清忠奉公雖士夫亦鮮其比竊意古今宦臣如強比者固亦不少但作史者因其類而辨惡之或至見遺亦未可知也後世秉史筆者其存至公之心片善不遺寸長必錄使世之善人君子不幸而處此咸有嚮上之心而無自絕之念則內外皆得其人而人君左右前後莫非正人天下後世有陰受其賜者矣雖然所言者為中人以下者發也若夫中人之資其生生不息之心固不以人之絕之而自絕也

司徒劉邵少府陳瑨尚書劉納衛尉楊球以謀誅宦者為所殺

庚辰光和三三年

秋地震

冬有星孛于狼弧

立貴人何氏為皇后

作畢圭靈昆苑

辛酉光 and 四年

秋九月朔日有食之

作列肆于後宮

中常侍呂強上書諫私歲及選舉不以公

壬戌光 and 五年

春二月大疫

秋七月有星孛于太微

起四百尺觀

以楊賜為太尉

癸亥光 and 六年

夏大旱

秋金城河溢

五原山岸崩

甲寅光 and 七年十二月 中平元年

妖民張角以黃老術惑眾約宦者封爵等為

內應反自稱天公將軍以黃巾為標幟  
以後兄何進為大將軍屯都亭  
赦黨人

遣中郎將盧植討張角皇甫嵩朱儁討潁川  
黃巾

宦者趙忠張讓諸殺中常侍呂強

郎中張鈞上書乞斬十常侍被殺

皇甫嵩朱儁與騎都尉曹操合軍討三郡黃

巾破平之

巴郡張脩反

張角死諱其屍傳首京師

以皇甫嵩為左車騎將軍冀州牧

郡國生異草備龍蛇鳥獸形

乙亥漢中平二年

春正月大疫

南宮雲臺災

崔烈以貲得為司徒

令遷除出助軍脩宮錢

封宦者張讓等十三人為列侯

諫議大夫劉陶言天下亂由宦者被殺

建萬金堂以為私藏

丙寅漢中平三年

遣使就拜張溫為太尉

三公在外拜自溫始

以宦者趙忠為車騎將軍

脩南宮鑄銅人

夏五月晦日有食之

丁卯漢中平四年

春榮陽盜起

以何進弟苗為車騎將軍

盜圍漢陽太守傳燹與戰死之

孫堅討平長沙盜封烏程侯

戊辰漢中平五年

春二月有星孛于紫宮

以劉焉為益州牧劉虞為幽州牧

青徐黃巾復起

講武平樂觀

己巳漢中平六年

夏四月朔日有食之

劉虞平漁陽賊即拜虞為太尉



丙辰帝崩于南嘉德殿在位三十四年

子辯即位改元光熹

尊皇后曰皇太后

太后臨朝

封弟協為陳留王

以袁隗為太傅與大將軍何進參錄尚書事

進誅宦者蹇碩

何進奏遷孝仁后于河間以兵圍車騎將軍

董卓第重自殺后暴崩

葬文陵

秋七月大將軍進誅誅宦者召董卓將兵詣

京師太后詔罷諸宦官

八月宦官張讓等入宮殺進劫太后及帝出

至河上

司隸校尉袁紹捕諸宦者悉誅之凡二千餘

人

按蘇軾曰國之有小人猶人之有癰癰必生于頸而附于咽是以不可去有幾丈夫者不勝其患而決去之是以癰去而得死漢唐之亡由此故也漢唐末世議者以為

天下患獨在宦官宦官去則天下無事故

漢之竇武何進唐之李訓鄭注擊之不勝

止於身死袁紹崔胤擊之而勝漢唐遂因

之而亡方其未去是累然者癰而已矣及

其既去則潰裂四出而死繼之矣噫後之

人君自謀其國者其尚思所以消導解散

之母使癰生吾之頸而至于不可去謀人

之國者亦毋欲快吾之一決而傷人之命

哉

帝還宮改元昭寧

董卓自為司空

九月袁紹出奔冀州

董卓廢帝辯為弘農主

伊尹放太甲營於桐宮密遣先王其訓終

於奉歸非放而不返也田延年乃引以為

證教霍光廢昌邑立孝宣遂為世主千萬

年之禍至是董卓欲遂其私乃引伊霍

藉口嗚呼田延年不得其死霍氏赤其族

豈非天報之歟

卓立陳留王協改元永漢

卓弒太后何氏

除公卿子弟為郎補宦官侍殿上

卓自為太尉領前將軍事

董卓理陳蕃寶武及諸黨人遣使吊祭及

復其爵位

自六月兩至九月

冬十一月卓自為相國贊拜不名入朝不趨

卓以黃琬為太尉楊彪為司徒荀爽為司空

卓以袁紹為渤海太守

紹以曹操為驍騎校尉操間行歸陳留起兵

詔止稱今年為中平六年

除去光熹昭寧永漢三號也

帝協靈帝子

漢帝協初平元年

舊史皆作孝獻此獨以為帝協何不予曹

丕之諡也蓋分莫大於君臣君臣之分一

定則無可陟降之理始也帝也生既降之

以為山陽公終也公也死又升之以為孝

獻皇帝則是曹丕操天帝之命以升降人

世之主其升其降皆在乎丕矣然則昭烈

諡之以為愍帝亦不可稱乎當昭烈之諡

帝時猶無恙古無生諡之禮也春秋諸侯

失地則書名炎漢四百年之土地喪於其

手而又不能死杜援以名書之似不為過

關東州郡起兵討董卓推袁紹為盟主

董卓弒廢帝辯

舊以為弘農王此書帝辯何不予卓之廢

也不予其廢而猶稱廢帝何辯本帝也而

為卓所廢實雖廢而名猶存也

卓以王允為司徒

三月卓燒洛陽宮廟發諸陵劫帝遷長安卓

留屯畢圭苑

長沙太守孫堅起兵討卓

曹操首與卓兵戰于滎陽不克還屯河內

制除和安順桓四帝廟號

漢初平二年

春正月帝居長安

關東諸將奉大司馬劉虞為帝虞拒之

董卓自為太師位諸侯王上

孫堅進兵討卓卓敗西走長安堅入洛陽脩

寇諸陵而還

袁紹自領冀州牧

袁紹表曹操為東郡太守

曹操之基始于此按操父嵩本氏夏侯為  
宦官曹騰養子因冒其姓噫東漢之末世  
主為宦官所立感其私恩惴惴焉惟恐不  
足以報之為之營產植黨以安其身固其  
業而又為之立後以繼其宗愛護訶禁惟  
恐一息或失其意一事或拂其情一時小  
大臣族有忤之者立為之勦除放殺意謂  
此吾門內之人無有外慕後望者也抑孰  
知所以戕其子孫滅其國祚者乃其平日  
之所恩厚者之假子哉嗚呼曹操之事可  
為萬世之鑒也已矣

九月蚩尤旗見

書蚩尤旗始此

冬十月宗室劉備起為平原相

昭烈之基始于此

河南尹朱儁移書州郡徵兵討卓

劉焉殺漢中太守斷斜谷閣

壬漢初平三年

春正月帝居長安

王允使中郎將呂布誅董卓詔允錄尚書事

以布為奮威將軍共秉朝政

李傕郭汜等舉兵犯長安殺司徒王允呂布

走出關

劉表為荊州牧

曹操遣使上書

西漢初平四年

春正月朔日有食之

帝居長安

華山崩裂

曹操屠徐州諸城邑

冬十月有星孛于天市

大司馬劉虞討公孫瓚不克為所殺

甲漢興平元年

春正月帝居長安

帝冠

追尊母王夫人為靈懷皇后

劉備為豫州刺史

郭汜樊稠並自開府如三公

開府之名始見此

六月京師地再震

是月晦日有食之

劉璋為益州牧

劉備兼領徐州

袁術表孫策為懷義校尉

江東之業基于此

長安旱饑人相食

元興平二年

春正月帝居長安

二月李傕殺樊稠攻郭汜劫帝入其營

立貴人伏氏為皇后

郭汜攻李傕傕遷帝于北塢

詔遣僕射皇甫鄴和傕汜傕不從命

此後世人主辭和臣下之始

李傕自為大司馬

夏六月將軍張濟迎帝東歸

秋八月帝如華陰

冬十二月帝至弘農張濟與傕汜合追帝濟

等與董承楊奉戰帝露次曹陽白波帥李樂請帝渡河幸其營

河內太守張楊遣使負米貢餉

袁術表孫策行殄寇將軍

孫策遣其將朱治據吳郡

丙漢建安元年

春正月帝居安邑

秋七月帝還雒陽

曹操入朝自為司隸校尉錄尚書事

操封董承等十三人為列侯

曹操遷帝于許自為大將軍武平侯

曹操立漢宗廟社稷于許

孫策取會稽

曹操自為司空行車騎將軍事百官總已以聽

曹操以荀彧為侍中尚書令荀攸為軍師

曹操募民屯田許下州郡並置田官

募民屯田始見此

以劉備為豫州牧

丁漢建安二年

袁術僭號于壽春

袁紹自為大將軍兼督冀青幽并四州

以孫策為會稽太守討袁術

戊辰漢建安三年

誅李傕夷三族

曹操擊呂布殺之

以劉備為左將軍

以孫策為討逆將軍封吳侯

卯丁漢建安四年

袁術死

袁紹攻許曹操進兵黎陽尋還分兵守官渡

帝密詔車騎將軍董承等與劉備謀誅曹操

操尋殺承等及其三族

曹操不復朝請

劉備起兵徐州討曹操

庚辰漢建安五年

孫策卒弟權代領其眾

秋九月朔日有食之

袁紹攻曹操于官渡為操所敗

冬十月有星孛于大梁

以孫權為討虜將軍

益州司馬張魯據漢中以鬼道惑眾

此張道陵之孫所謂五斗米賊也史明言

其以鬼道惑眾後世乃崇尚其教而世封

其子孫

辛巳漢建安六年

春三月朔日有食之

壬午漢建安七年

袁紹卒

越雋男子變女

書男變女始此

癸未漢建安八年

袁紹子譚尚相攻譚求救於曹操

甲申漢建安九年

曹操攻鄴入之自領冀州牧

冬十月有星孛于東井

丹陽郡吏殺其太守孫翊翊妻徐氏討殺之

女子有志節始見于此

乙酉漢建安十年

丙戌漢建安十一年

春正月有星孛于北斗

丁亥建安十二年

曹操封其臣為列侯

冬十月有星孛于鶉尾

劉備訪諸葛亮于隆中

戊子建安十三年

曹操還鄴

罷三公官曹操自為丞相

自東漢不置丞相而以三公代之至是始

復置

曹操擊劉表表尋卒其子琮降

曹操殺太中大夫孔融及其族

曹操進軍江陵

冬十月朔日有食之

曹操東下孫權遣周瑜魯肅等與劉備迎擊

于赤壁大破之操引還

劉備徇荊州江南諸郡降之

己丑建安十四年

劉備領荊州牧

庚寅建安十五年

春二月朔日有食之

孫權南郡守將周瑜卒

辛卯建安十六年

曹操自以其子丕為五官中郎將為丞相副

劉璋遣使迎劉備備始入蜀

己未建安十七年

曹操還鄴自加殊禮

夏六月晦日有食之

孫權徙治建業

曹操擊孫權

操侍中光祿大夫荀彧自殺

冬十二月有星孛于五諸侯

己酉建安十八年

曹操自立為魏公加九錫

大雨水

曹操始建魏社稷宗廟

曹操納其女三人為貴人

曹操初置尚書侍中六卿

壬午建安十九年

曹操進位諸侯王上

劉備入成都領益州牧以諸葛亮為軍師將軍

曹操擊孫權

曹操弑皇后伏氏及皇子二人

乙未 (漢)建安二十年

曹操立其女為皇后

劉備孫權分荊州

曹操取漢中

丙申 (漢)建安二十一年

曹操自稱魏王

夏五月朔日有食之

嚴才率其徒攻操于鄴不克

曹操因匈奴來朝留于鄴分五部散居汾晉

間尋又徙武都氐于扶風天水

晉夷狄亂華禍成于此

丁酉 (漢)建安二十二年

孫權降于曹操

曹操用天子車服出入警蹕

曹操以其子丕為王太子

劉備進兵漢中

冬有星孛于東北

戊戌 (漢)建安二十三年

少府耿紀司直韋晃起兵討曹操不克死之

春三月有星孛于東方

曹操侵劉備

己亥 (漢)建安二十四年

劉備擊夏侯淵破斬之

春二月晦日有食之

曹操出斜谷劉備將趙雲擊其軍敗之操引

還備遂取漢中

劉備立為漢中王

曹操號其妻為王后

漢中將關羽取襄陽

孫權將呂蒙襲取江陵斬關羽

西曹掾魏諷謀襲鄴誅曹操不克死之

曹操以孫權為驃騎將軍領荊州牧

庚戌 (漢)建安二十五年三月延康元年後魏上

至黃初元年

春正月曹操死

曹操子丕自為丞相冀州牧

春二月朔日有食之

三月改元

曹丕始立法自今宦者官不過諸署令作策  
藏之石室

曹丕立九品法置州郡中正

冬十月曹丕逼帝禪位遂篡立國號魏是為文帝

廢帝協為山陽公前主三十二歲一歲後

合四百二十六年中

嗚呼此後世權奸逼君篡國之始昔者帝

堯禪位于舜帝舜禪位于禹蓋承天意以

與賢也曹操睥睨神器非一日矣志未克

遂而天殛之丕襲其故智以成其素志不

欲直遂故假禪代之名以文飾其惡勸進

辭讓至于再三登壇燎祭曲盡儀文顧謂

其下曰舜禹之事吾知之矣彼所謂知之

者謂知其禪遜之事也不知舜之所以事

堯禹之所以事舜如其父子之所以事漢

帝者乎漢帝之所以禪與其位者亦猶堯

舜之所以承天意以與賢乎噫已實奪之

而謂之禪將誰欺乎非獨欺人蓋欺天也

自丕為此舉世之權奸遂假此以為常例

而欺人之孤寡以攘奪其國家者接踵于

天下不之父子非獨漢世之罪人乃千萬

世名教之罪人也綱目去其舊文而以自

稱書今復其舊而加以逼之一辭蓋不沒

其實所以著其惡以示天下後世使其不

敢竊經言以文奸假聖人以欺世

蜀人傳言帝遇害漢中王為之發喪制服諡

曰孝愍皇帝

范曄後漢書從魏文所諡稱帝為孝獻後

世因而稱之孝愍之事僅見晉書載記劉

淵追封之詔蓋以見天下之大義雖以夷

狄亦知其所在非奸雄所得而掩蔽也作

史者顧不然何者

光緒以宣六月初日古岡梁濟諫點錄

世史正綱卷九

丙集



世史正綱卷十

○三國世史

漢都成都帝子中山靖王勝之後

魏都許昌姓曹氏

吳都建業姓孫氏

陳壽作三國志曰魏曰吳曰蜀各

之志今改蜀稱漢者蓋昭烈自

漢室之胄初為漢中王既而聞帝協

被害即皇帝位以承漢統雖居蜀地

而實未嘗改國號蜀也陳壽晉人以

晉受魏禪不敢帝漢而以其所都之

地稱焉呼史氏實錄將以示信萬世

雖行事之小者不可失其實況國號

乎

漢昭烈皇帝章武元年魏主黃

夏四月漢中王即皇帝位以承漢統大赦改

元

以諸葛亮為丞相

立漢宗廟祫祭高祖以下諸帝于成都

立夫人吳氏為后子禪為太子

孫權徙治武昌

魏始置中書令掌機密

五月晦日有食之

秋八月帝自將伐吳

孫權請和不許

孫權受魏封為吳王

漢太尉楊彪仕魏為光祿大夫

章武二年魏主黃武元年

春正月朔日有食之

魏除漢貢士限年法

帝進軍統亭

魏立子弟為王設官防輔

吳陸遜進攻統亭諸軍敗績帝還永安

魏立法自今后家不得輔政

營南北郊

冬十一月晦日有食之

吳人來聘遣使報之

漢章武三年五月以後帝禪建興元年魏主黃武二年

按司馬氏資治通鑑凡書號年皆以後來

者為定綱目因之蓋以春秋書定公為例  
 也然昭公以去年十二月薨則次年事不  
 得復繫於昭公定公之立之年其王月未  
 有所繫也繫之於定固無不可若夫秦漢  
 以來之君君崩未踰年而改元者崩與立  
 同在一年之中而書其嗣君之元是予之  
 也豈所以示戒乎假令先君之終在於歲  
 首未有事可書然且不可况夫閏月既久  
 事有當書者何以為稱所書之事其先君  
 乎嗣君乎如此年之書歲首既書曰後主  
 建興元年至于四月又書帝崩于永安所  
 謂帝者誰歟故今正之它倣此  
 夏四月帝崩于永安宮丞相亮受遺詔輔政  
在位二十三年  
 五月太子禪即位改今年為元年  
 禮國君即位踰年而後改元者臣子之心  
 不忍一年而有二君也當昭烈崩後主即  
 位之初諸葛亮為相也乃亦不踰年而改  
 元何歟  
 尊皇后曰皇太后

葬惠陵  
 封亮為武鄉侯領益州牧  
 遣尚書鄧芝使吳  
 立妃張氏為皇后  
甲辰漢建興二年魏黃初五年  
 吳人來聘復遣使報之  
 魏立太學  
 魏曹丕以舟師擊吳臨江而還  
 冬十一月晦日有食之  
乙巳漢建興三年魏黃初六年  
 丞相亮南征  
 丞相亮討雍闓斬之滇池四郡平  
 魏曹丕再以舟師擊吳不能渡  
丙午漢建興四年魏黃初七年  
 中都護李嚴移屯江州  
 吳令諸將屯田  
 魏主曹丕死子叡立明帝  
 丕既稱帝矣而書其名且以死書何所以  
 戒夫後世之為人臣者一時雖以智力得  
 之其如天道人倫何蓋專論其是非而不

復計其成敗也若夫孫權明帝之以卒  
者蓋權位雖竊然非若丕之父子親北面  
帝協而奪之也趣雖丕子然亦乃父之業  
非處心積慮而後得者也

丁未漢建興五年魏主魏太和元年

詔伐魏丞相亮率諸軍出屯漢中以圖中原  
魏孟達以新城來歸

甲戌漢建興六年魏主魏太和二年

魏陷新城孟達死之

丞相亮伐魏戰于街亭敗績亮請自貶詔亮

以右將軍行丞相事

行丞相事之名始見于此

右將軍亮伐魏國陳倉不克而還

配漢建興七年魏主魏太和三年

魏立聽訟

吳遣將士浮海求夷州廬州

亮伐魏拔武都陰平復拜亮丞相

夏四月吳王孫權稱皇帝大統

遣衛尉陳震使吳及吳主權盟約中分天下

魏制後嗣有由諸侯入奉大統者不得顧也

親

吳遷都建業

魏置律博士

後世非五經置博士始此

庚戌漢建興八年魏主魏太和四年

魏立即吏課試法

魏寇漢中丞相亮出次成固魏師還

辛亥漢建興九年魏主魏太和五年

丞相亮伐魏圍祁山

亮敗魏司馬懿于郿城斬其將張郃

魏東阿王楨上書請寬諸侯王法禁

冬十一月晦日有食之

壬子漢建興十年魏主魏太和六年

癸漢建興十一年魏主魏太和七年

夏閏五月朔日有食之

甲寅漢建興十二年魏主魏太和八年

丞相亮伐魏

故漢主協卒于魏魏謚曰孝獻皇帝

舊書山陽公卒此書漢主協何不予魏之

廢也帝素無失德徒以生世不辰而遭奸

雄之挾制耳然書名書卒則其不死社稷之罪亦自見也

丞相用進軍渭南魏司馬懿引兵拒守亮始分兵屯田

吳主權擊魏魏主廟自將擊却之

丞相武侯侯諸葛亮卒于軍

以蔣琬為尚書令總領國事

遣中郎將宗預使吳

乙卯漢建興十三年魏青龍三年吳嘉禾四年

魏主叡致其嫡母于死

以蔣琬為大將軍錄尚書事以費禕為尚書

令

魏大營宮室群臣諫不聽崇華殿災尋復起

魏張掖涌石負圖

書涌石僅見此

丙辰漢建興十四年魏青龍四年吳嘉禾五年

吳始鑄大錢一當五百

書大錢始此嗚呼上天立君以為生民之

主蓋以之掌天下之利非以其專天下之

利也日中為市使民交易以通其有無以

物易物物不常有故有貨幣之設焉必物

與貨兩相當直而無輕重懸絕之偏然後

可以久行而無幣時君世臣徒以用度不

足之故設為罔利之計以欺天下之人以

收天下之財而專其利於己是豈上天立

君之意哉宜其卒不可行也

冬十月有星孛于大辰又孛于東方

魏令公卿舉才德兼備之士

十一月彗星見

丁巳漢建興十五年魏景初元年吳嘉禾六年

春正月魏黃龍見魏主以建丑月為歲首

公孫淵稱燕王于遼東

皇后張氏崩

魏主叡殺其后毛氏

魏管圓丘方丘及南北郊

戊午漢延熙元年魏景初二年吳嘉禾七年八月以後赤烏元年

立貴人張氏為皇后

立子璿為太子

吳鑄當千大錢

魏司馬懿克遼東

蔣琬出屯漢中

魏召司馬懿入朝以曹爽為大將軍

紀漢延熙二年魏景初三年吳赤烏二年

魏主嗣太子芳立魏王

魏加曹爽司馬懿侍中都督中外諸軍錄尚

書事

魏曹爽以司馬懿為太傅

以蔣琬為大司馬

冬十二月魏復以建寅之月為正改來年元

中漢延熙三年魏主芳三年吳赤烏三年

辛酉漢延熙四年魏主芳四年吳赤烏四年

吳人攻魏魏擊却之

蔣琬徙屯涪

魏置淮南北屯田廣漕渠

故漢遺民管寧卒于魏

壬戌漢延熙五年魏正始五年吳赤烏五年

魏始行釋奠禮

書釋奠始此

癸亥漢延熙六年魏正始六年吳赤烏六年

夏五月朔日有食之既

以費禕為大將軍錄尚書事

甲子漢延熙七年魏正始七年吳赤烏七年

魏曹爽寇漢中費禕督諸軍救之

夏四月朔日有食之

以費禕兼益州刺史董允守尚書令

乙丑漢延熙八年魏正始八年吳赤烏八年

太后吳氏崩

大司馬蔣琬卒

以宦者黃皓為中常侍

丙寅漢延熙九年魏正始九年吳赤烏九年

以姜維為衛將軍與費禕並錄尚書事

丁卯漢延熙十年魏正始十年吳赤烏十年

春二月朔日有食之

魏曹爽遷其太后于永安宮

戊辰漢延熙十一年魏正始十一年吳赤烏十一年

魏以徐邈為司空不受

費禕出屯漢中

己巳漢延熙十二年魏正始十二年吳赤烏十二年

魏司馬懿殺曹爽及何晏等夷其族

魏司馬懿自為丞相加九錫復辭不受

姜維伐魏雍州不克

漢延熙十三年魏嘉平二年

吳其太子和立子亮為太子

魏擊吳戰于江陵大破之

辛未漢延熙十四年魏嘉平三年

魏司馬懿殺王凌及楚王曹彪遂置諸王公于鄴

後世禁錮諸王始見于此張拭曰天有顯

道厥類惟彰感應之理未有不以其類志

方其殺人之親孰知人殺吾親其機固已

在此乎觀魏晉南北朝之君互相屠戮自

今觀之屠戮他人者實自絕滅而已矣

司馬懿死其子師自為撫軍大將軍錄尚書

事

魏分匈奴左部為二國

費禕北屯漢壽以陳祗守尚書令

壬申漢延熙十五年魏嘉平四年四月以後吳主

亮建興

魏司馬師自為大將軍

夏四月吳主權卒子昶立以諸葛恪為太傅

魏王為會

魏擊吳戰于徐塘魏人敗走

漢延熙十六年魏嘉平五年

盜殺大將軍蜀偉

吳諸葛恪擊魏

姜維伐魏圍狄道

吳殺其太傅諸葛恪

吳殺其南陽王和

漢延熙十七年魏嘉平六年九月吳主

魏司馬師殺中書令李豐及太常夏侯玄光

祿大夫張緝遂廢其弟張氏

姜維伐魏拔三縣

秋九月魏司馬師廢其主芳遷之河內

冬十月迎高貴鄉公髦立之魏高

漢延熙十八年魏正元二年

魏揚州都督毋丘儉刺史文欽起兵討司馬

師

司馬師死其弟昭自為大將軍錄尚書事

姜維伐魏敗其兵于洮西

漢延熙十九年魏正元三年六月以後其

後太平元年

以姜維為大將軍

魏司馬昭服衮冕赤舄

姜維伐魏與其將鄧艾戰敗績

魏司馬昭自為大都督奏事不名假黃鉞

丁漢延熙二十年魏甘露二年

魏揚州都督諸葛誕起兵討司馬昭

戴漢景耀元年魏甘露三年九月以後吳主休

永安元年

魏司馬昭殺諸葛誕其麾下皆死不降

魏司馬昭自為相國封晉公加九錫復辭不受

受

吳孫綝廢其主亮為會稽王迎立琅邪王休

是為景帝以綝為丞相

吳封兄子皓為烏程侯

吳孫綝伏誅

卯漢景耀二年魏甘露四年

以董厥為尚書令諸葛瞻為僕射

庚漢景耀三年魏甘露五年五月以後魏主亮

春正月朔日有食之

夏五月魏主自討司馬昭王沈玉業泄其謀昭弑之于南闕下尚書王經死之

魏尚書僕射陳泰請司馬昭誅賈充

魏司馬昭以弑逆罪歸成濟誅之夷三族

魏主髦之被弑司馬昭之心賈充之計也

特假成濟手耳昭殺之以欺世追誅今亦

以昭誅書之何用以示戒萬世使人毋為

賊臣所欺也蓋以君臣之義根於人心人

人有之初不以貴賤而有異也昭之官雖

尊濟之官雖卑然皆魏之臣子也昭固不

可有將之之心濟豈可有刺之之理哉書

之于冊以示萬世之為人臣僕者使知所

去就人人不為權奸所用則彼亦安能獨

以其一人智力為之哉

魏司馬昭迎常道鄉公奂立之是為

辛漢景耀四年魏景元二年

以董厥諸葛瞻為將軍共平尚書事樊建武

尚書令

鮮于索頭部拓跋力微遷盛樂

元魏之先世于此

任漢景耀五年魏景元三年

姜維伐魏洮陽不克

魏司馬昭殺中散大夫嵇康

魏將入寇以鍾會都督關中軍事

癸漢炎興元年魏景元四年

詔立故丞相亮廟于沔陽

魏遣鄧艾鍾會將兵入寇關口守將傅僉死

之

吳人來援

魏司馬昭稱相國晉公受九錫

魏鄧艾自陰平入蜀衛將軍諸葛瞻及艾戰

于綿竹瞻及其子尚皆死之

魏鄧艾至成都帝禪出降皇子北地王譙死

之

漢亡是歲蜀漢亡歷二主四十二年通前後漢共四百六十九年

漢自帝協為魏所廢其亡也四十四年矣

至是始書漢亡何所以紹昭烈於高光也

夫國家之興上以承天奉祖下以君國子

民漢之土地人民至是雖分於魏於吳而

其祀祖配天實未嘗絕以有昭烈父子等

焉耳此綱目於帝協之廢而不書漢亡必

至於帝禪之降而後書之也歟

中甲○魏咸熙元年吳主皓元興元年

魏鍾會構鄧艾罪昭以檻車徵艾會謀反伏

誅監軍衛瓘襲艾殺之

魏司馬昭自為晉王

魏廢故漢帝禪為安樂公

魏復五等爵

吳主休卒烏程侯皓立是為後主

魏司馬昭立其子芳為晉世子

西乙○魏咸熙二年十二月晉司馬炎泰始元年

吳遷都武昌

秋八月魏司馬昭死其子炎嗣為晉王

冬十二月魏司馬炎篡位國號晉魏為廢魏

主為陳留王是歲魏亡歷五主四十六年

晉除魏宗室禁錮

晉大封其族屬

晉置諫官

丙戌○吳泰始二年八月以後寶鼎元年

晉始除郊祀玉帝座



夏六月晦日有食之

冬十月朔日有食之

十一月日長至晉行賀禮

按後世歲行三大賀禮歲首長至及人主生甲也歲首始於漢高帝生日始於唐玄宗長至之禮不見於紀傳惟晉禮志云魏晉冬至日受方國及百僚稱賀因小會其儀亞於獻歲之旦志兼言魏晉不知其在何時魏偏安一隅禮文未備今姑附于晉武首立之年以著其禮之始云

晉并圓丘方丘之祀於南北郊

吳還都建業

散騎常侍傅玄論虛誕

丁亥○吳寶鼎二年

晉立子衷為太子

晉徵犍為李密不至

晉令二十石終一年喪士卒有親喪許奔此

晉禁星氣識諱之學

戊子○吳寶鼎三年

晉太后王氏卒晉主疏素終喪

晉太保王祥死

祥仕魏累遷太常封萬歲亭侯魏主臨幸太學命祥為三老南面几杖以師道自居天子北面乞言其受魏之禮荷魏之恩不為不至一旦乃甘心臣於異姓向者所乞之言所謂明王聖帝君臣政化之要果安在哉古者求忠臣於孝子之門祥事君之忠如此則其孝可知已

秋七月眾星西流如雨而隕

己丑○吳寶鼎四年十月以後建衡元年

晉置鮮卑降者于雍涼

鮮卑五胡之一也其亂華始此

晉以羊祜都督荊州軍事

晉錄用故漢名臣子孫

秋九月有星孛于紫宮

庚寅○晉建衡六年

晉胡烈討鮮卑秃髮樹機能

此南涼之先

辛卯○晉建衡七年

匈奴右賢王劉猛叛晉出塞

晉以賈充都督秦涼軍事荀勗等請以充女為太子妃充復留

晉安樂公劉禪卒

冬十月朔日有食之

壬戌○吳鳳凰元年

晉太子衷納妃賈氏

冬十月朔日有食之

己亥○吳鳳凰二年

夏四月朔日有食之

秋七月朔日有食之

晉選良家女備六宮禁天下嫁娶

書選如入宮始此按胡安國謂詩載牆有茨桑中諸篇於定之方中之前以見衛為狄所滅之因呂祖謙亦謂自古淫亂必召夷狄周幽衛宜以來歷歷可數晉武帝以篡得國不選賢以任眾職而選女以備六宮乃至禁天下人之嫁娶淫荒如此其致五胡之亂也宜哉

五胡之亂也宜哉

甲午○吳鳳凰三年

春正月朔日有食之

晉泰始十年

春正月朔日有食之

晉泰始十年

春正月朔日有食之

春正月朔日有食之

晉詔自今不得以夷腹為正嫡

三月癸亥日有食之

晉博士陳遵議太子宜終母服社預上議駁之

冬十二月有星孛于軫

故魏主芳卒于晉

吳比三年大疫

秋七月晦日有食之

晉大疫

丙申○吳天璽元年

秋七月有星孛于大角

八月有星孛于太微

晉羊祜上疏請伐吳

晉立右楊氏以其父駿為車騎將軍

丁酉○吳天璽三年

春正月朔日有食之

秋七月有星孛于紫宮

晉遣諸王就國分其國為三等各置軍督所部

晉遣諸王就國分其國為三等各置軍督所部

晉遣諸王就國分其國為三等各置軍督所部

部

晉大水

戊○吳天紀二年

春正月朔日有食之

夏四月蚩尤旗見于東井

晉詔毋得獻奇技異服

晉鉅平侯爭祔卒

晉初立國子學置祭酒

此國子祭酒之始

己○吳天紀三年

春三月有星孛于柳

夏四月又孛于女御

晉以匈奴劉淵為左部帥

匈奴晉五胡之一也其亂華始于此

秋七月有星孛于紫宮

晉汲郡人發魏安釐王冢得竹簡書

晉大舉兵伐吳

晉馬隆平涼州斬樹機能

庚○吳天紀四年

春晉諸將至建業吳丞相張悌迎戰死之

三月晉王濬以舟師入石頭吳主孫皓出降

晉賜孫皓爵歸命侯

吳主孫皓

按自漢初平元年歲在庚午關東兵起天

下大亂分為三國至是歲庚子凡九十一

年而復為一

晉遣使行荆楊除吳苛政

晉封拜平吳功臣

晉詔罷州郡兵

侍御史郭欽請徙內郡雜胡於邊地不聽

晉制戶調之式

光緒戊寅六月

世史正綱卷十

丁未

世史正綱卷十一

○晉世史姓司馬氏

晉武帝諱炎

辛酉太康二年

嗚呼民生有欲無主乃亂天必立君以主之使之建其有極以為天下臣民之所視做善者有所恃而安於為善惡者有所忌而憚於為惡上必有所不為而後禁下使之不敢為苟在上者得之不以道行之不以義則下效而為之固其所也又何以禁其下哉是故人君之道在乎建極非道非義而得天下則是惟皇之極不建矣皇極不建徒以其能運智力而攘奪人之所有立法制以驅率人之必從則謂之曰彼能混四海九州於一統致朝覲訟獄之皆歸即以正統予之但計其所見有而不究其所從來則是儒者作書以教天下後世之亂臣賊子使之必為竊國之侯而不竊加于之鈞以取誅梟獍豺狼播迹於天下矣迹晉之所以得天下始於司馬懿繼以顧

丁集

昭而終之於炎凡弑一帝廢一帝又弑一后一時王公士夫為所被害者非可一二數則其所以處心積慮以謀魏人之家國期於必得不復知有天理人倫若父子祖孫歷四世矣一旦幸中其詎死者抱千載不報之冤生者含沒世不平之憤人眾勝天卒莫如之何也已矣後世秉史筆者又復以成敗論事而不復誅其心發揚其奸惡芟除其不義之為則天理人倫於是乎息滅矣世道將安賴哉世又何用儒者為哉史綱墨書晉字於圈中而分書其年於下著其雖能得天下而其所得者乃所不當得雖得之猶不得也使後之亂臣賊子知奸謀詐力雖可以快於一時而公道正論終不能掩於後世庶乎國家禍亂其少弭哉

選吳伎妾五千人入宮

慕容涉歸寇昌黎

前燕始見于此五胡亂華鮮卑其一也不獨慕容氏如拓跋珪慕容皝之類皆鮮卑

也

壬寅 晉 太康三年

春正月朔晉主親祀南郊

傳咸上書論奢侈

賈充死

癸卯 晉 太康四年

春三月朔日有食之

歸命侯孫皓卒

甲辰 晉 太康五年

春正月龍見武庫井中

乙巳 晉 太康六年

秋八月朔日有食之

丙午 晉 太康七年

春正月朔日有食之

制大臣終三年喪

丁未 晉 太康八年

春正月朔日有食之

太廟毀陷

戊申 晉 太康九年

春正月朔日有食之

日食三朝大異也武帝之世嘗再見矣至

是三年又連見焉秦漢以來所未有也莽

操皆以臣篡君然莽止於其身操子若孫

不能混一天下惟懿之孫乃令九州而有

之人衆勝天天亦莫如之何也已矣故大

著厥象以示警焉使萬世之下知人謀雖

可以暫勝天理則終於必定世儒有論天

者謂其不急性有記性其言雖近理而亦

有理也哉

夏六月朔日又食

旱

秋八月星隕如雨

配 晉 太康十年

復郊祀五帝位

遣諸王假節之國督諸州軍事

以劉淵爲匈奴北都尉

庚戌 晉 太熙元年四月以後孝惠永熙元年

夏四月以后父楊駿爲太尉輔政

晉主司馬炎死

武帝晉混一之主也而書其姓名又以死

書何爲萬世綱常計也夫人之所以爲人而異於禽獸者以其有綱常也君臣一倫爲三綱五常之主而父子夫婦賴之以立仁禮智信賴之以行所以植立人類綱維世道不可一日無焉者也其位一定而不可易其道有常而不可變苟臣之強則許以代其君事之成則予以繼其統愚恐新莽復生不能無辭於世矣此其所以循曹丕例而書其姓名與死以爲萬世戒也或曰曹丕死時漢統未絕書其姓名可也武帝混一天下諸侯朝覲獄訟之皆歸亦以丕例之可乎嗚呼丕與炎皆北面故主而臣事之一旦攘其臂而奪其位其得地有廣狹其篡奪則一也苟異其書則是以成敗論矣豈正誼明道之謂哉雖然此亦天意也何則武帝在位二十一年日食凡十有七而在三朝者七一年再食者四天意蓋昭昭然矣况其在位無君人之大度無貽後之遠圖啓五王爭奪之亂基五胡亂華之禍僅一再傳卽爲晉夷所執貽世主

之辱終生靈之害是其雖居君位而無君道得之既不以正守之又不以道以是書之雖得罪於天下後世不敢辭也然則所謂爲萬世戒奈何孟子有言行一不義殺一不辜而得天下不爲也司馬氏之得天下殺不辜之人行不義之事亦云多矣彼既以非道得之而身享其安富尊榮後世秉史筆者又從而予之世又奚用史爲哉或曰春秋桓宣二公預聞弑逆而代其位孔子亦未嘗削去其公稱然則孔子非歟曰孔子魯人也而書魯先君事爲親者諱不得不然豈異世史官比哉子衷立是論改今年爲元年尊后楊氏爲太后立賈南風爲后以楊駿爲太傅大都督假黃鉞錄朝政百官總已以聽立子適爲太子以劉淵爲匈奴五部大都督

晉惠帝武帝子  
癸卯 惠帝永平元年三月以後元康元年

春正月朔改元

三月又改元

賈氏殺太傅楊駿廢楊太后為庶人幽于金墉城

徵汝南王亮為太宰與太保衛瓘並錄尚書事

論誅楊駿功侯者千八十一人

傳咸曰無功而受賞莫不樂國有禍禍起

當復有大功也人而樂禍其有極乎

賈氏殺太宰亮太保瓘及楚王瑋

以賈模張華裴頠為侍中並管機要

京師地震

壬子 元康二年

賈氏弒故太后楊氏于金墉城

癸丑 元康三年

夏六月弘農雨雹深三尺

甲寅 元康四年

慕容廆徙居大棘城

大饑山崩地震隕水涌  
卯乙 元康五年

夏四月彗星見于西方

荆揚兗豫青徐州大水

冬十月武庫火焚累代寶器

索頭分其國為三部

丙辰 元康六年

以張華為司空

秦雍氏羗齊萬年偕號

畧陽氏楊茂搜獵虎池

安豐女子化為男

女化為男始見此

以趙騭為益州刺史

丁巳 元康七年

將軍周處及齊萬年戰歿死之

以王戎為司徒

戊午 元康八年

秋九月荆豫徐揚冀州大水

畧陽天水流民就食漢川

李特之亂兆于此

紀晉元康九年

太子洗馬江統論徙我不聽

臣按昔人有言晉之亡大率中原半為夷  
居劉淵匈奴也而居晉陽石勒羯也而居  
上黨姚氏羌也而居扶風符氏氐也而居  
臨渭慕容鮮卑也而居昌黎種族日繁其  
居處飲食皆日趨於華惟其桀暴貪悍樂  
聞喜亂之志態則無時而可變也是以劉  
淵一倡而并雍之胡乘時四起自長淮之  
北無復晉土而為戰爭之場者幾二百年  
嗚呼後之人思為國家遠慮者其尚為子  
孫計豫有以杜絕消弭之母謂彼既久處  
中國必無後患而輕忽之哉晉之事可鑒  
也已

以成都王穎為平北將軍鎮鄴河間王顥為  
鎮西將軍鎮關中

以裴頠為尚書僕射

冬十一月朔日有食之

賈氏廢太子適為庶人尋幽之于許昌

庚晉元康元年

春三月尉氏雨血妖星見南方太白晝見  
台星拆

賈氏殺故太子適

夏四月朔日有食之

趙王倫廢賈氏為庶人殺之遂殺張華裴頠  
倫自為相國尋自加九錫

倫立臨淮王臧為太孫

淮南王允討趙王倫不克而死

出齊王冏鎮許昌

改司徒為丞相

冬十月黃霧四塞

立后羊氏

十二月彗星見于東方

趙顯反于蜀

醉晉元康二年四月以後永寧元年

以張軌為涼州刺史

前凉始于此

趙王倫篡位遷晉主于金墉城殺太孫臧

四李特殺趙顯

齊王冏及成都王穎河間王顥等舉兵討倫



春閏三月朔日有食之

自正月至于五月五星互經天縱橫無常

成都王穎擊敗倫兵師濟河

左衛將軍王興等迎晉主復位倫伏誅

立襄陽王尚為太孫

以齊王冏為大司馬成都王穎為大將軍河

間王顒為太尉常山王乂為撫軍大將軍進

新野公歆為王穎表冏輔政與顒等各歸鎮

巴氏李特據廣漢進攻成都

李氏據成都始于此

戊戌晉永寧二年十二月太安元年

夏四月彗星晝見

書彗晝見始此

太孫尚卒立清河王覃為太子

河間王顒使長沙王乂殺齊王冏

鮮卑宇文部圍棘城

宇文周之先兆于此

故魏主曹奐卒

癸亥晉太安二年

義陽蠻張昌反其黨石冰寇揚州

河間王顒成都王穎舉兵反晉主自將討穎

顒將張方入京城大掠

長沙王乂奉晉主及穎兵戰于建春門

穎進兵逼京師

李特死弟流領其眾尋死特子雄代之

甲晉永安元年七月改建武十一月復改永安

春正月改元永安

東海王越使張方殺長沙王乂穎入京師自

為丞相尋還鄴

雍州刺史劉沈及顒戰敗死之

穎廢后辛氏及太子覃

顒表穎為太弟自為太宰雍州牧

太弟古無此名也司馬顒承穎意始創為

之

秋七月東海王越奉晉主征穎復后太子穎

遣兵拒戰于蕩陰侍中嵇紹以身衛晉主被

害晉主入鄴越走歸國

改元建武

幽州都督王浚并州刺史東嬴公騰起兵討

穎

顓殺東安王劉璿邪王肅走歸國

張方復入京城廢后及太子

匈奴左賢王劉淵稱大單于于離石

單于匈奴號也以夷狄之號行夷狄之地  
固其所也劉淵稱匈奴之號居中國之地  
而統中國之人民三代以來所未有也其  
亦世變之始歟

劉淵追尊故漢帝禪為孝懷皇帝

淵匈奴也尚知帝禪為漢帝之後或者乃  
謂其族屬疎遠不得以繼漢統何哉

王浚等兵至鄴顓奉晉主還洛陽浚大掠鄴

中而還

李雄自稱成都王

劉淵自稱漢王

此北狄入中國稱王之始

冬十一月張方遷晉主于長安荀藩復羊后

政元復為求安

顓廢太弟穎更立豫章王熾為太弟

十二月政元永興

晉 永興二年

夏四月張方復廢羊后

東海王越自領徐州都督傳檄討張方

越留琅邪王肅以平東將軍監徐州軍事

令東海王越等各就國不從

秋八月有星孛于北斗

晉 永興三年六月以後光熙元年

春正月朔日有食之

顓殺張方

越遣祁弘入長安奉晉主東還

復立后羊氏

李雄僭號于蜀國稱成 居成都

秋七月朔日有食之

以東海王越為太傅錄尚書事范陽王虓為

司空鎮鄴

劉興誅穎于鄴

冬十一月晉主衷中毒卒太弟熾立魏 尊

羊后曰惠后

十二月朔日有食之

南陽王模誅河間王顓

以劉琨為并州刺史

有人乘男如體

晉懷帝武帝子

晉主熾永嘉元年

晉懷有謚非帝協帝禪之比也而書其名何嗚呼以中華之主不能自立而為夷狄所辱不死社稷而奴事虜其視失地者為尤甚焉

群盜王彌寇青徐

除三族刑

立故廢太子覃弟諡為太子

羯胡石勒陷鄴

五胡亂華羯其一也後趙起于此

以琅邪王睿為安東將軍都督揚州諸軍事

鎮建業

冬十一月朔日有食之

東海王越自為丞相領兗州牧

慕容廆稱鮮卑大單于于遼東廆前燕

晉永嘉二年

春正月朔日有食之

有鵠出地中

司馬越殺故太子覃

冬十月匈奴劉淵僭號于蒲子國稱漢

嗚呼此夷狄稱皇帝之始夫春秋謹華夷之辨吳楚徐越上世皆有顯功通乎周室本皆華夏之諸侯也聖人以其不循分守僭號稱王遂一切以夷狄待之其見于經或稱以子或不舉其國而稱其州未嘗以其稱王而遂王之也中國之變於夷者聖人之書法猶謹之如此矧本夷狄而僭吾中國之大號所謂德兼三皇功過五帝者哉劉淵本匈奴也入我中華僭我大號即以皇帝書之春秋書法豈若是哉愚嘗因華夷盛衰之故而嘆世道升降之幾自古夷狄為中國害莫甚於秦之弑幽王也然旋即遠遁未有據中國之地臣中國之人僭中國之號而至于數十年之久者蓋之始自劉淵焉原其所以致此者豈夷狄之罪哉中國之人有以感召之也昔平王之東遷辛有適伊川見有被髮而祭于野者曰不及百年此其戎乎後至魯信之時

秦晉果遂陸渾之戎于此嗚呼既為沮洛  
潯水自歸既為夷俗戎狄自氣數之相  
感風聲之相召有由然矣當漢明帝時無  
故以夢寐恍惚之思遣還荒絕漠之使迎  
胡鬼致胡書構帝王之官以居之屈帝王  
之尊以事之其所以尊崇敬奉之者不止  
被髮野祭而已也以夷召夷遂有五胡亂  
華之禍濫觴於北朝之分治滔天於蒙古  
之混一而中國之土地人民盡為胡有矣  
嗚呼不有

聖人復生則中國帝王所自立之天下幾何而  
不盡淪於夷哉

巳晉永嘉三年

春正月朔癸亥犯紫微

劉淵徙都平陽

司馬越入京師殺朝臣

大旱四漢河洛皆竭

劉淵兵寇洛陽

庚晉永嘉四年

匈奴劉淵死子和嗣其弟聰弒而代之

氏酋蒲洪自稱略陽公

五胡亂華氏其一也符秦基于此

劉聰兵寇洛陽

凡僭偽之國及其國之臣子不書其國號  
所以絕奸雄之念杜禍亂之原也故史綱  
於舊史所書之國號如漢趙秦燕之類一  
切削之惟於初起之時一書其所稱之號  
其後率以名稱使後世倡亂干紀之徒知  
其所為弗出於正今雖偽立其名僭為之  
號後世秉史筆者亦不吾與也徒取滅絕  
門戶之禍貽笑後世遺臭無窮庶幾禍亂  
少息乎或曰春秋書齊書晉之類亦非歟  
曰春秋諸國其先世皆受天子命為諸侯  
歷世數百年雖以吳楚徐越當世號為夷  
者亦皆先王之所封至于戰國齊韓趙魏  
猶必請命于天子豈彼劉聰石勒之徒崛  
起草野者比哉況其先皆夷狄自乃父乃  
祖以來居中國地為中國民已十百年于  
茲矣其所據之地大者十數郡小者一二  
郡而已遠或數十年近或十餘年倏起忽

滅終歸無成彼其曰帝曰王曰秦曰趙妄  
自稱謂耳豈分符錫壤受天子之封命順  
天膺曆為臣民之推戴哉至于晉亡之後  
南北朝不相統屬乃書國號云

劉琨表稱跋扈盧為大單于封代公

遣使徵天下兵入援卒無至者

劉聰兵寇襄陽太傅越率兵討之次于項

辛未 晉永嘉五年

石勒陷江夏

李雄兵陷涪梓潼內史譙登死之

琅邪王廋逐揚州都督周馥以王敦為刺史

都督征討諸軍事

司馬越死

以荀晞為大將軍督六州

石勒殺王衍等

夏六月劉聰兵陷洛陽弑太子詮掘諸陵焚

宮廟劉曜烝羊后晉主熾遷于平陽劉聰稱

熾為光祿大夫平阿公

此中國帝王為夷狄所執之始嗚呼堂堂

中國帝王為天地人物之主乃為胡虜

執帝以平阿公怡然  
而不知若死社稷之義其為中國之羞  
甚矣書之于冊無戒萬世

荀晞立豫章王端為太子置行臺于蒙

自領尚書令石勒襲執之

劉曜寇長安遂據之

馮翊太守索紉安夷護軍麴允安定太守賈

弼謀復晉室擊敗劉聰兵於長安迎秦王業

入雍城

辛未 晉永嘉六年

晉主熾在平陽

春二月朔日有食之

琅邪王廋遣將軍約瞻討石勒于葛陂勒引

兵退

張軌遣兵衛長安

雍州刺史賈疋等進圍長安劉曜敗走秦王

業入長安

石勒據襄國

賈疋等奉秦王業為太子建行臺

盜殺賈疋麴允領雍州刺史

羌酋姚弋仲自稱扶風公

五胡亂華羌其一也後秦基于此

癸酉晉末嘉七年四月以後晉主業建興元年

春二月匈奴劉聰弑晉主熾於平陽廟琅王

儁死之

夏四月太子業立于長安是為愍帝以索綝領太

尉

劉聰兵寇長安

石勒遣石虎陷鄴而據之

以琅邪王睿為左丞相南陽王保為右丞相

分督陝東西諸軍事

左丞相睿以祖逖為豫州刺史

王敦表陶侃為荊州刺史

左丞相睿遣世子紹鎮廣陵

晉愍帝諱業武帝孫

戊申建興二年

春正月乙巳黑霧着人如墨

有如日隕于地又有三日相承東行

有流星隕于平陽化為臭肉長三十步

劉聰妻劉氏產蛇獸

蒲子縣馬生人

以張軌為太尉涼州牧

太尉涼州牧西平公張軌卒子寔嗣

史綱於晉世割據諸人皆書死獨於西涼

張氏及前燕慕容氏父子獨書其爵及以

卒書者何予其有匡輔晉室之功也夫晉

之南渡猶周之東遷也東遷之後諸侯不

復宗周獨齊桓晉文奉奉以尊王室為事

故春秋予之當五胡亂華之時干戈紛紛

世不復知有晉矣而張氏據涼慕容氏據

燕獨能不忘本朝此其所以予之也

乙亥建興三年

以左丞相睿為丞相都督中外諸軍事南陽

王保為相國劉琨為司空都督并冀幽軍事

進代公猗盧爵為王

丞相睿加王敦都督江揚等州軍事

盜發漢杜霸二陵大有金帛

丙子建興四年

平陽地震兩血于劉聰東宮

河東大蝗瘞之復飛出

犬豕交于劉聰官門

有豕着冠升劉聰座

劉聰內史女人化為男

涼州都督西平公張寔遣兵入援

夏六月朔日有食之

冬十一月劉曜陷長安晉主業被遷于平陽

御史中丞吉朗大都督麴允死之前晉四十二年

劉聰稱晉主為懷安侯

十二月朔日有食之

丞相麴融出師露次移檄北征

丁丑晉建興五年三月以後元帝建武元年

春正月庚子三日並照

西平公張寔聞晉主為劉聰所執大臨三日

遣司馬韓璞將兵伐之

三月丞相麴融立為晉王改元建武立宗廟社

稷于建康

晉王以王導為揚州刺史領中書監錄尚書

事

劉琨慕容廆遣使勸進

夏五月壬午日有食之

冬十一月朔日有食之

以劉琨為太尉

晉王立太學

晉主業為劉聰行車騎將軍

劉聰弑晉主業于平陽尚書郎辛賓死之

晉王命課督農功

世史正綱卷十二

東晉世史都建業

晉元帝諱廢司馬懿曾孫

戴晉太興元年

春三月晉王立于建業復晉祚禪為  
立子紹為太子

以慕容廆為龍驤將軍大單于

劉聰所居堂災燒死聰子二十一人

夏四月朔日有食之

廣武侯劉琨為段匹磾所害

加王導驃騎大將軍開府儀同三司

雨血于平陽廣袤十里

自古災異之多且異于常未有如晉懷愍  
之世者也然多在平陽之境平陽者劉聰  
之都也聰以匈奴殘孽執辱天子非獨人  
不忍聞天亦不忍聞之也天高高在上鑒  
觀于下有心而不能言人衆勝天莫如之  
何故出非常之災異以儆省之至再至三  
皆前古所未嘗有者也夫示之以自古所  
無之災異使其和執辱中華之主亦自古

所無之禍亂也天意若曰天子者天之子  
也彼敢凌辱我之子則是蔑我也故出災  
異以代其言然彼猶視之蔑如也於是假  
手於人以報之此其所以有靳準之禍歟  
或曰天心仁愛人君故出災異以儆之天  
於胡奴亦愛之歟曰上天於中華之主一  
氣流通其有過咎天微示怒之之意能改  
即止故其災異皆尋常有者也夷狄戕中  
國主僭中國位天亦惡之故赫然震怒而  
示以非常之變且多焉非但儆乎當時實  
亦儆乎萬世也嗚呼就謂天道無知哉  
劉聰死子粲立靳準弑而代之準發淵塚戮  
聰屍劉氏男女無少長悉誅之  
嗚呼中華之主天所立也其休戚存亡與  
天地相為流通而劉聰以匈奴之孽乃敢  
執而困辱之非但得罪於中國得罪於世  
主而實得罪於天帝也天乃儆手於靳準  
屠其族戮其屍禍及其父骨火延其宗廟  
嗚呼天所以報劉聰之辱二帝者亦畧相  
當矣天道之昭昭如此後之人可不畏哉



劉曜立于赤壁封石勒為趙公  
冬十一月日夜出高三丈許

書昭夜出此

詔州郡秀孝復試經策

肥晉太興二年

春三月立郊丘于建康合祀天地

劉曜徙都長安

南陽王保自稱晉主改元

江東大饑詔百官言事

劉曜改稱趙是為趙

石勒稱趙王于襄國是為後趙

慕容廆取遼東遣使來獻捷

庚晉太興三年

以慕容廆為平州刺史

上邽諸將殺晉王保

盜殺涼州刺史張寔弟茂嗣

裨進屯雍丘詔加號鎮西將軍

辛晉太興四年

春三月日中有黑子

石勒兵陷幽冀并州刺史段四碑不屈死

以戴淵都督司豫劉隗都督青徐諸軍事  
以王導為司空錄尚書事

秋八月常山崩

豫州刺史祖逖卒于雍丘

以慕容廆為車騎將軍平州牧遼東公

壬晉永昌元年

王敦舉兵反于武昌

徵戴淵劉隗入衛

王敦據石頭刁協等分道出戰敗還詔令百

官見敦敦殺僕射周顗驃騎將軍戴淵

敦兵陷長沙湘州刺史譙王承死之

冬閏十一月晉主殂太子紹立暉為

尊所生母荀氏為建安郡君

妾無並主母之禮自漢文尊薄太后後世

遂衰之以為常典胡氏謂晉明此舉可謂

知情合義而能以道事親者矣

石勒謀臣張賓死

張右侯石趙之謀臣也而以死書之何以

中國之人為夷狄之輔以為我華夏之害

狐兔之不如也雖有他美何足稱焉

晉明帝諱紹子

明帝太寧元年

王敦移屯姑孰自領揚州牧以王導為司徒立庾亮以其兄亮為中書監

中晉太寧二年

張茂卒于駿嗣

張氏世忠晉室其卒也皆書爵而於茂獨不書者何原其心也觀茂臨終謂其子曰晉室雖微汝奉承之不可失又下令曰吾官非王命苟以集事死之日勿以朝服殮

則其降趙而受其封爵非其本心明矣

加王導大都督揚州刺史督諸軍討王敦敦復反至江寧晉主親征破之敦死其黨伏誅

西晉太寧三年

復三族刑

贈故譙王和戴淵周顗等官有差

立子衍為太子

以陶侃都督荆湘等州軍事

秋閏七月晉主殂遺詔王導庾亮卞壺輔政

太子衍立諱鶴

尊庾后為太后

庾太后臨朝稱制

冬十一月朔日有食之

晉成帝諱穆子

丙戌成帝咸和元年

以溫嶠為都督江州軍事

庾亮殺南頓王宗

亥丁晉咸和二年

夏五月朔日有食之

徵蘇峻為大司農峻與祖約舉兵反

詔庾亮督諸軍討峻

宣城內史桓彝起兵赴難

戊子晉咸和三年

溫嶠以兵赴難

咸陽公卞壺督軍討峻戰敗死之壺二子瞻

珣赴敵死

庾亮奔尋陽峻兵犯關

溫嶠以陶侃入討峻峻遷晉主衍于石頭

郗鑒王舒來赴難

峻兵陷宣城內史桓彝死之

蘇峻伏誅

石勒獲劉曜于洛陽殺之曜子熙奔于上邽

配晉咸和四年

石勒取長安

論平蘇峻功陶侃郗鑒溫嶠以下封拜有差

石虎殺劉熙盡滅劉氏是歲前趙亡三

饒晉咸和五年

春二月石勒稱趙天王以石虎為太尉封中

山王白是後趙

石勒以祖約不忠于晉誅之夷其族

初稅田田三升

石勒僭號于臨漳

辟晉咸和六年

春三月朔日有食之

冬十一月癸亥守冑昂

按天文書昴胡星也若動換主胡兵大起  
李淳風作晉志謂是時二石僭號而其強  
弱常占於昴不開太微紫宮也由是觀之  
則昴之一宿在天專主于胡可見矣五胡  
之亂莫甚於二石之時故昴宿之變獨多

詳言于昭以見天意於夷固分而外之不  
以其僭中國之號而應以帝王之象也

辰晉咸和七年

巳晉咸和八年

却石勒使焚其幣

遼東公慕容廆卒子皝嗣

秋七月癸亥入昴

石勒死子弘立石虎自為丞相魏王弒其太

后劉氏石生等討之不克而死

張駿遣張淳來上表

甲晉咸和九年

長沙公陶侃卒

李雄死子班立李越尋弒班立其弟期

以庾亮都督江荆等州軍事

以慕容皝為鎮軍大將軍平州刺史遼東公

秋七月癸亥犯昴

石虎弒其主弘自立為居攝天王

紀晉咸康元年

春正月朔晉主冠

二月月入昴

晉主辛司徒導府

夏四月石虎南遊臨江而還晉主親勒兵戒嚴

石虎遷鄴

石虎始聽民為僧

此中國人為僧之始蓋佛法自漢明帝時入中國然漢魏時惟聽西域人立寺都邑中國人皆不得出家至石虎敬事胡僧佛圖澄國人化之始造寺廟削髮出家則是中國之人為僧始于石虎時也虎之詔曰

朕生邊戎忝君諸夏至於饗祀應從本俗

佛是戎神所應兼奉其夷趙百姓樂事佛者特聽之嗚呼虎戎也而事戎神固其所

也而中國之人亦事之何居隋志謂魏黃初時中國人

始依佛戒剃髮為僧而晉書佛國澄傳著

作即王度奏乃云漢代惟聽西域人奉其

冬十月朔日有食之

張駿遣使上疏請北伐

丙申 咸康二年

春正月彗星見奎婁

二月月犯昴

詔求周漢後

丁酉 咸康三年

石虎稱天玉

國子祭酒袁瓌太常馮懷請與太學從之

慕容皝稱燕王

戊戌 咸康四年

李壽弒其主期而代之改國號漢

以王導為太傅都督中外諸軍事郗鑒為太尉庾亮為司空

罷司徒官以王導為丞相

代王拓跋什翼健始置百官于繁峙北

妃 晉 咸康五年

庾亮表請伐石虎

夏四月月犯歲星在昴

丞相王導卒

以何充為護軍將軍庾冰為中書監揚州刺史

史叅錄尚書事

改丞相為司徒

慕容皝遣使來獻捷

慕容皝遣使來獻捷

庚晉 咸康六年

以何充為中書令庾翼都督江荆等軍州事

春正月有星孛于太微

辛晉 咸康七年

春二月朔日有食之

封慕容皝為燕王

正土斷白籍

壬晉 咸康八年

春正月朔日有食之

夏六月晉主殂弟岳立是為康帝

石虎徵兵入寇

晉康帝諱毓

癸晉 康帝建元元年

詔議經略中原庾翼表遣梁州刺史桓宣伐

石虎

李壽死子勢立

庾翼自移鎮襄陽詔因以翼都督征討諸軍

事庾冰都督荆江等州軍事

徵何充為揚州刺史錄尚書事

甲晉 建元二年

春正月太白入昴

熒惑守房心石虎殺其中書監王波以應之

秋九月晉主殂子聃立是為穆帝

尊褚后為太后

太后臨朝稱制

晉穆帝諱聃

乙晉 穆帝永和元年

以會稽王昱為撫軍大將軍錄尚書六條事

以桓溫都督荆梁等州軍事

張駿自稱涼王

石虎以姚弋仲為冠軍大將軍

丙晉 永和二年

以蔡謨領司徒錄尚書六條事

以殷浩為揚州刺史

夏四月朔日有食之

張駿卒子重華嗣

桓溫輒興兵伐李勢

丁晉 永和三年

桓溫入蜀李勢降是歲李氏亡始稱成後

封李勢為歸義侯

以張重華為涼州刺史西平

中(晉)永和四年

加桓溫征西大將軍

慕容皝卒子儁嗣

配(晉)永和五年

石虎僭號

封慕容儁為燕王

石虎死子世立其兄遵殺而代之

蒲洪遣使來降

桓溫遣諸將討河北

征討都督褚裒率師伐石遵其部將為遵所

執裒退屯廣陵

冬十月月犯昴

石鑒殺石遵而代之

秦雍流民推蒲洪為主

石閔幽石鑒殺胡羯二十萬人

庚(晉)永和六年

石閔改趙稱衛殺石鑒而代之國號魏

冉魏如見此

以殷浩督揚豫徐兗青五州軍事

春閏正月彗星見于亢

蒲洪自稱三秦王

麻秋殺苻洪子樹秋遣使來請命

石祗立于襄國

冉閔徵晉故散騎常侍辛謐謐不屈卒

苻健入長安遣使來獻捷

癸(晉)永和七年

春正月朔日有食之

二月太白犯昴

苻健自稱秦天王

劉顯弒石祗而代之

徐兗荆豫洛州來歸

姚弋仲遣使來降以為車騎將軍

桓溫輒興兵北伐既而復還鎮

壬(晉)永和八年

春正月朔日有食之

苻健僭號于長安國稱秦

冉閔殺劉顯

殷浩率諸軍北伐進屯泗口

持節六夷大都督車騎大將軍高陵郡公姚

弋仲卒子襄率衆來歸

弋仲羗也其卒書官不書死何弋仲雖夷而有向華之心其戒子之言曰晉室大亂中原無主自古以來未有戎狄作天子者我死汝便歸晉竭臣節無爲不義之事嗚呼弋仲親見劉石之稱皇帝而言無戎狄作天子其心蓋亦知其黨類僭竊之非奈何中國之人反助夷以侵華甚者又稱獎而進之其視弋仲豈但天淵哉

慕容恪執冉閔殺之冉閔僅三歲而亡

殷浩罷遣太學生徒

慕容儁僭號于龍都國稱燕

進張重華爲涼州牧

癸丑晉永和九年

殷浩進次山桑爲其前驅姚襄所敗走譙城張重華卒子曜靈嗣涼州人廢曜靈而以張祚代之

以謝尚都督江西淮南軍事

甲寅晉永和十年

春正月月蝕昴

張祚自稱涼王

殷浩以罪免爲庶人

桓溫帥師伐苻健

姚襄叛

桓溫大敗苻健兵于藍田進軍灞上三輔皆降溫尋以戰不利還師

卯辛晉永和十一年

苻健死子生立

涼州殺張祚立張玄靚爲王復奉晉正朔

辰丙晉永和十二年

以桓溫爲征討大都督督諸軍討姚襄

桓溫敗姚襄于伊水遂入洛陽脩謁諸陵置戍而還

慕容儁悉有齊地

冬十月朔日有食之

遣官如洛陽脩五陵晉主率群臣服總臨

丁巳晉升平元年

春正月朔晉主冠

二月太白入東井

苻堅斬姚襄

苻堅弒其主生自稱天王

慕容儁徙居鄴

苻堅以王猛為尚書左丞

壬戌晉升平二年

夏五月有星孛于天船

以謝尚監司豫等州軍事

以郗曇督兗州軍事

壬戌晉升平三年

諸葛攸伐慕容儁敗績許穎諸郡皆沒

庚申晉升平四年

慕容儁死子暕立

秋八月朔日有食之既

桓溫以謝安為征西司馬

辛酉晉升平五年

夏五月晉主琨子丕立是為哀帝

桓溫鎮宛遣兵取許昌

以張玄靚為涼州刺史西平公

晉哀帝諱熙字

壬戌晉哀帝隆和元年

減田租畝收二升

以庾希為兗州刺史袁真監豫司等州軍事

桓溫上疏請遷都洛陽

冬十二月朔日有食之

癸卯晉興寧元年

加桓溫太司馬都督中外諸軍錄尚書事

秋八月有星孛于角亢入天市

張天錫弒玄靚而代之

甲寅晉興寧二年

大閱戶口令所在土斷

晉主以餌方士藥得疾不能視朝太后臨朝

攝政

慕容暕兵陷河南諸城

加桓溫揚州牧錄尚書事

遣使諭溫入朝不至

乙丑晉興寧三年

桓溫移鎮姑孰以弟豁監荆揚等州軍事

春三月晉主琨弟奕立是為海

慕容暕兵陷洛陽將軍沈勁死之

徙會稽王昱為琅邪王昱仍稱會稽王

司馬勲反于成都



海西公諱奕

丙晉海西公太和元年

以會稽王昱為丞相錄尚書事加殊禮

丁晉太和二年

以都督都督徐兗等州軍事

戊晉太和三年

春三月朔日有食之

桓溫自加殊禮位諸侯王上

以仇池公楊世為秦州刺史

己晉太和四年

桓溫帥師伐慕容暉苻堅遣兵救之戰于枋

頭不利而還

慕容垂避其主瞞奔苻堅

苻堅遣王猛等伐慕容暉取洛陽

桓溫徙鎮廣陵

庚晉太和五年

秋七月朔日有食之

苻堅執慕容暉是歲前燕亡四

苻堅遷慕容暉及鮮卑四萬戶於長安

辛晉太和六年十一月以後簡文帝咸安元年

冬十一月桓溫入朝廢晉主奕為東海王迎

立會稽王昱是為簡文帝

晉簡文帝諱昱元帝少子

壬晉簡文帝咸安二年

秋七月晉主殂子昌明立是為孝

晉孝武帝諱昌明簡文子

癸晉孝武帝寧康元年

春二月桓溫來朝

秋七月桓溫死以溫弟冲都督揚豫江州軍

事

褚太后復臨朝

以王彪之為尚書令謝安為僕射共掌朝政

苻堅兵寇梁益陷之

以王坦之為中書令領丹陽尹

冬彗星見長十餘丈

卯晉寧康二年

以王坦之都督徐兗等州軍事謝安總中書

春三月彗星見

丑晉寧康三年

桓冲讓謝安領揚州刺史

王猛卒

凡仕夷者皆以死書而猛獨書卒何原其  
心也猛負高世之資生亂離之世不得已  
而仕秦其心蓋惓惓然以中國生靈為念  
觀其臨終秦主訪以從事猛曰晉雖僻處  
江南然正朔相承上下安和臣沒之後願  
勿以晉為圖噫所謂正朔相承一言其深  
明華夷之分繼順逆之理也歟表而出之  
以為不幸而仕夷者之法然既予之而不  
書其官何不書秦官以見仕夷非其得已  
也

冬十月朔日有食之

苻堅禁老莊圖讖之學

丙晉 太元元年

春正月朔晉主冠褚太后歸政

以謝安為中書監錄尚書事

苻堅兵擊涼州守將掌據死之

張天錫降于苻堅

詔除度田收租之制

冬十一月朔日有食之

苻堅兵于什翼犍敗之什翼犍為其子寔君

所弒堅誅寔君分代為二部

丑晉 太元二年

加謝安都督揚豫等州軍事

以桓冲都督江荆等州軍事謝玄監江北軍

事

寅晉 太元三年

苻堅兵陷南陽

苻堅遣兵分道入寇

卯晉 太元四年

苻堅兵陷襄陽及淮陰彭城

苻堅兵陷魏興太守吉挹死之

冬十二月朔日有食之

辰晉 太元五年

苻堅兵退以謝安為衛將軍

巳晉 太元六年

立佛精舍于內殿

夏六月朔日有食之

江東大饑

午晉 太元七年

苻堅入寇以苻融為征南大將軍

癸卯 太元八年

秋八月苻堅大舉入寇

命征討都督謝石冠軍將軍謝玄等率師拒苻堅

以琅邪王導子錄尚書六條事

謝石謝玄等大破苻堅兵于淝水堅走還長安

初開酒禁增民稅米口五石

甲申 太元九年

慕容垂稱燕王

遣將軍劉牢之等伐苻堅拔譙城魏興等城

以謝安為太保

姚萇自稱秦王于北地姚萇

遣謝玄取河南

加謝安都督十五州軍事

冬十月朔日有食之

乙酉 太元十年

慕容冲立復稱燕于阿房姚萇

慕容冲攻苻堅堅出奔五將山

太保健昌公謝安卒

以琅邪王導子領揚州刺史錄尚書都督中外諸軍事

姚萇弑苻堅

苻堅子丕立于晉陽

劉顯弑頭眷而代之拓跋珪奔賀蘭部

呂光殺涼州刺史梁熙而代之是為後涼

乞伏國仁稱單于是為西秦

國仁鮮卑種也

丙戌 太元十一年

拓跋珪復稱代王尋改稱魏居盛

北朝基于此

慕容垂立于中山復稱燕是為後燕

西燕人殺慕容冲立段隨為王又殺隨立慕容顥復見殺立冲子瑤慕容永又殺瑤立

泓之子忠尋殺忠而自立于長子

姚萇僭號于長安

馮該斬苻丕執其子望等送建康

苻堅放子登立于南安

丁亥 太元十二年

拓跋珪大破劉顯

戊戌晉太元十三年

康樂公謝玄卒

翟遼自稱魏天王

乞伏國仁死弟乾歸嗣金祚

丑晉太元十四年

姚萇襲苻登輜重登妻毛氏死之

庚申晉太元十五年

慕容永寇洛陽朱序擊走之還擊走翟遼

以王恭都督青兗等州軍事

秋七月有星孛于太微歷北斗入紫微

卯辛晉太元十六年

拓跋珪大破劉衛辰諸部悉降

辰晉太元十七年

夏五月朔日有食之

以殷仲堪都督荆益寧州軍事

徙導子為會稽王

李遼表請脩孔子廟不報

巳癸晉太元十八年

姚萇死于興即帥師擊苻登

甲午晉太元十九年

姚興殺苻登登子崇立尋敗死是歲秦亡六年

姚興立

慕容垂殺慕容永是歲西燕亡

乙酉晉太元二十年

春三月朔日有食之

秋七月長星見

丙申晉太元二十一年

慕容垂死子寶立

慕容寶弒其母

呂光稱涼天王

秋七月貴人張氏弒晉主于清暑殿子德宗立魏弒

拓跋珪大舉擊慕容寶

晉安帝諱德宗武帝子

春正月晉主冠

丁酉晉安帝隆安元年

以王珣為尚書令王國寶為左僕射

秃髮烏孤稱西平王魏弒南涼

烏孤鮮卑種也

王恭舉兵反脅誅王國寶王緒晉主賜國寶死殺緒

按胡安國曰春秋書趙鞅歸于晉先儒或謂言歸者以地正國也鞅取晉陽之甲以逐君側之惡人則其說誤矣以地正國而可是人主可得而脅人臣擅興無罪以兵諫者真愛其君也使後世賊臣稱兵向闕以誅君側為名而實欲脅君取國者則此說啓之矣嗚呼自王恭為此舉而後世握兵居外者往往以此藉口稱兵犯闕經旨之不明其禍一至此哉

以會稽王導子子元顯為征虜將軍

段業稱建康公尋稱涼王是為北凉

慕容詳自立于中山慕容儼襲殺詳而代之

拓跋珪大破慕容麟克中山

慕容德稱燕王于滑臺德名備德是後南燕

慕容寶為其下所殺子盛立

王恭殷仲堪桓玄楊佺期舉兵反

加會稽王導子黃鉞討王恭

桓玄大破王師于白石

王恭司馬劉牢之執恭以降誅之

以劉牢之都督青兗七州軍事桓玄楊佺期

殷仲堪為刺史敕仲堪使回軍

復以殷仲堪督荊益軍仲堪等罷兵還鎮

拓跋珪立官制作禮樂定律令考天象

珪稱號于代都是為魏命朝野束髮加帽

妖人孫泰謀亂伏誅兄子烈逃入海

拓跋珪置五經博士大索書籍

以元顯為揚州刺史

姚興寇洛陽拓跋珪遣兵來救

姚興自降稱秦王

姚興自降稱秦王

姚興自降稱秦王

姚興自降稱秦王

姚興自降稱秦王

姚興自降稱秦王

姚興自降稱秦王

桓玄攻江陵殺殷仲堪楊佺期

呂光死子紹嗣庶兄纂殺而代之

拓跋珪置五經博士大索書籍

春二月有星孛于奎婁

三月彗星見于紫微

慕容盛貶號為庶人天王

桓玄表求都督荆江八州軍事

夏六月朔日有食之

秋九月地震

以元顯都督揚豫等十六州軍事

李暠稱涼公是為西涼

冬十二月有星孛于天津轉作書

司馬元顯殺吏部尚書車胤御史中丞江績

葉適曰元顯一日以私意而擅殺二大臣

晉安得不亡

出半 晉 隆安五年

呂超誅呂纂而以其兄隆代之纂妻自殺

孫恩寇海鹽又寇丹徒劉裕討破之

沮渠蒙遜弑段業自稱張掖公北涼

以劉裕為下邳太守大破孫恩

段璣弑慕容盛其母立盛叔父熙

寅士 晉 元興元年

詔狀桓玄罪以元顯為征討大都督討之

元顯軍潰玄入建康自為太尉總百揆殺元顯等

妖賊孫恩死玄以恩黨盧循為永嘉太守

利鹿孤死弟儋檀嗣始稱涼王

柔然社論自號可汗

此北狄稱可汗之始前此拓跋之先雖有

可汗之稱然皆追封者耳唐杜佑謂可汗

之稱始此

癸卯 晉 元興二年

桓玄自為大將軍

夏四月朔日有食之

苻自為相國楚王

冬十一月苻纂位廢晉主為平固王遷于尋

陽

益州刺史毛璩起兵討桓玄

拓跋珪初制冠服

甲辰 晉 元興三年

晉主德宗居尋陽

劉裕起兵討桓玄

劉裕破桓謙桓玄出走裕立留臺于石頭

至尋陽逼晉主德宗西上劉毅等率兵追之

劉裕推武陵王遵承制行事

玄挾晉主德宗入江陵

何無忌等破玄于桑落州

玄挾晉主德宗東下

劉毅等及玄戰于崢嶸洲大破之玄復挾晉

主德宗入江陵

桓玄伏誅

晉主復位于江陵

呂隆降于姚興是歲後凉亡

乙晉義熙元年

姚興命鳩摩羅什翻譯佛書

中國有梵夾書始盛于此嗚呼書字自蒼

頡以來有所謂籀文篆隸行草其聲音丈

字三代以來未之有異也至是始有一種

怪體殊音之製以亂我中國自結繩以來

之書嗚呼作俑者漢明帝也然是時止有

四十二章之經藏之官寺是後雖有胡僧

安靜支讖康會等翻譯未甚傳布民間至

是姚興始大集胡僧以華音譯番語自時

厥後偽作日增無從質正遂至遍滿天下

家傳而人誦之而中國之人虛矯者又剽

竊老莊之緒餘以粉飾之遂至淪人肌膚

入人骨髓膠固深密而不可解散其尤可

惡者竊我聖經之名名其邪偽之作雖其

以經為訓異乎經常之義然亦無忌憚矣

嗚呼揆之名教其罪可勝誅哉

譙縱自稱成都王

晉主還建康

以劉裕都督十六州軍事出鎮京口

以賊黨盧循為廣州刺史

荆湘江豫平

劉裕遣使求和于姚興得南鄉等十二郡

慕容備德死子超立

丙晉義熙二年

論建義功封賞劉裕等有差

丁晉義熙三年

劉裕威殷仲文桓冲孫胤族

赫連勃勃稱大夏天王是為夏

秋七月朔日有食之

高雲弒慕容熙而滅之自立為天王是歲後燕亡

世二十四年高雲立是為北燕

戊晉義熙四年

劉裕自加揚州刺史錄尚書事

配晉義熙五年

春二月月犯昴

劉裕伐慕容超大破之遂圍廣固

乞伏乾歸復稱秦王

燕人殺高雲馮跋自稱天王亦稱北燕

秋九月月犯昴閏十月月又犯昴

拓跋珪子紹弒珪子嗣誅紹自立是為魏明元

庚晉義熙六年

劉裕拔廣固執慕容超送建康斬之是歲南燕亡

世十三年

盧循等復反

江荆都督何無忌討徐道覆戰敗死之

盧循進逼建康

劉裕自為太尉中書監加黃鉞復辭官而受

黃鉞

辛晉義熙七年

秋七月五虹見于東方

劉裕受太尉中書監之命

盧循伏誅

壬晉義熙八年

以劉毅都督荆寧秦雍軍事

乞伏乾歸為其下所弒子熾盤嗣

劉裕帥師襲荊州殺都督劉毅

裕自加太傅揚州牧復辭不受

癸晉義熙九年

劉裕殺豫州刺史譙郡長民

併省流寓郡縣

朱齡石誅譙縱成都平

甲晉義熙十年

劉裕廢譙王文思為庶人

乞伏熾盤襲殺俘檀是歲南凉亡

秋九月朔日有食之

乙晉義熙十一年

夏五月彗星二見

書彗並見始此



劉裕攻司馬休之于荊州休之出奔投姚興

裕劍履上殿入朝不趨贊拜不名

秋七月晦日有食之

癸亥不見八十餘日復出東并秦地大旱

劉裕自加都督二十二州軍事

姚興死子泓立

裕自加中外大都督督諸軍伐姚泓

將軍檀道濟克洛陽

詔遣王恢之脩謁五陵

裕自加相國揚州牧封宋公備九錫復辭不

受

丁酉義熙十三年

春正月朔日有食之

李嵩卒子韻嗣

裕遣使假道于拓跋嗣嗣遣兵屯河北裕兵

大破之裕入洛陽

秋八月裕至潼關遣王鎮惡自河入渭大破

姚泓兵遂入長安泓出降歲後秦紀三

九月裕至長安

劉裕自進爵為王增封十郡復辭不受

劉穆之死

冬十二月裕東還留子義真都督雍梁秦州

軍事

赫連勃勃遣兵向長安

沈田子矯殺王鎮惡王脩討田子誅之

劉裕始受相國宋公九錫之命

劉義真殺其長史王脩關中大亂

赫連勃勃陷長安

義真逃歸

赫連勃勃僭號于長安

彗星出太微進掃紫微

劉裕弑晉主于東堂立琅邪王德文魏書

晉主德文安帝弟

紀晉恭帝元熙元年

赫連勃勃還統萬

劉裕殺晉宗室之有才望者

宗室司馬楚之據長杜

冬十一月朔日有食之

晉元熙二年六月以後宋主劉裕末初元年

夏四月長星出竟天

六月劉裕篡位國號宋是為宋武帝廢晉主德文

為零陵王以兵守之是歲晉亡東晉主凡一百四年前後兩晉

共一百五十六年

劉裕改晉封爵

沮渠蒙遜殺李歆歆弟恂出奔是歲西涼亡

光緒戊寅年六月十日古河津濟南縣縣子古河城

世史正綱卷十二

丁集

世史正綱卷十三

南北朝世史

南

宋姓劉氏都建康

北

魏姓拓跋氏都平城

辛酉○宋主劉裕永初二年魏主拓跋嗣泰常六年北燕馮跋太平十二年西秦乞伏熾建弘二年北涼沮渠蒙遜玄始十年夏赫連勃勃貞興三年西涼李歆永建二年

春二月宋主裕祀南郊大赦

後世因郊肆赦始此裴子野曰郊祀天地

脩歲事也赦彼有罪夫何為哉

宋主以其子義真為司徒徐羨之為尚書令

傅亮為僕射

宋劉裕弑其故主德文

前此曹丕司馬炎雖奪人國而猶不忍加

逆於其故主劉裕既已得晉之天下而猶

介介然於一夫之防欲以一人之心防後患

自是以後故主得全者鮮矣是亦可見世

變之愈下也

沮渠蒙遜殺李恂是歲西涼亡凡二十二年  
壬戌  
宋永初三年西秦建弘三年北涼玄始十一年夏真興四年

宋以徐羨之為司空錄尚書事

春二月有星孛于虛危

宋主裕有疾出其子義真都督雍豫等州軍事

事

宋封楊盛為武都王

宋主劉裕死子義符立是帝

宋主遺詔母后不許臨朝

宋以傅亮為中書監尚書令謝晦為中書令

魏遣兵攻宋崔浩諫不聽

魏立子肅為太子監國

書太子監國始此

魏人擊宋取青齊諸郡

冬十二月有星孛于營室

癸亥  
宋主義符景平元年西秦建弘四年北涼玄始十一年  
夏真興五年

魏取宋金墉

宋以蔡廓為吏部尚書不受

魏築長城備柔然

魏取宋司充豫諸郡

冬十月有星孛于氏

魏主嗣殂子肅立是武

魏始封其臣為王

玉辭之輕自此始

魏立天師道場受方士寇謙之符籙

道家之法始盛於此嗚呼道家者流其原

出於老子漢初其法有三十七家大旨去

健羨處冲虛而已無上天官符籙等事東

漢之末張道陵始創其法然惟私相授受

於民間未盡傳布天下也至是嵩山寇謙

之脩張魯之法自言嘗遇老子降命繼道

陵為天師賜以雲中音誦科誡之書此後

世齋醮科儀所由起也授以玉女服氣導

引之法此後世辟穀脩養所由起也又言

老子玄孫李譜文授以圖籙真經劾召百

神此後世符籙攝召之術所由起也銷鍊

金丹雲英八石玉漿此後世烹鍊丹藥之

技所由起也謙之自言親得李君手筆付

以奉持輔佐北方太平真君出天宮靜輪  
 之法謙之獻其書于魏人多不信崔浩獨  
 上書神其事魏主遣使迎其弟子於嵩岳  
 起壇宇於代都而崇奉顯揚之親備法駕  
 而受符籙焉自是以來有陶弘景趙歸真  
 杜光庭之徒又從而推演張大之而其教  
 遂大行於世與儒釋並立而為三其尤悖  
 者謂道士為八師後世因之遂以稱漢張  
 道陵嗚呼莫大於天莫尊於君萬乘帝王  
 僅得以為天之子而一介方士乃得以為  
 天之師彼道陵謙之之徒其生也皆受胎  
 於父母稟氣於天地具血肉之軀有妻子  
 之屬縱有道德亦天生者耳安能為天之  
 師哉天而有師則是昊天上帝反北面而  
 受其教也豈有此理哉然自是以後嗣道  
 陵之世者世皆以天師稱之至我  
 聖祖始革其僭妄之號而即其所謂真人者稱  
 之嗚呼自夫太武信嵩浩之言而崇奉謙  
 之其法遂蔓延於天下後世流而為淫巫  
 小術無復五千言道德之餘意矣厥後二

人皆不得其死豈矯誣上天天亦惡之歟  
 甲○宋景平二年五月以後宋主義隆元嘉元  
 年魏主熹始光元年北燕太平十五年  
 夏真興六年北涼玄始十三年  
 春二月朔日有食之  
 宋徐羨之等奏廢廬陵王義真為庶人  
 夏五月宋徐羨之傳亮謝晦廢其主義符為  
 營陽王尋弒之殺前廬陵王義真迎立宜都  
 王義隆是為文帝  
 宋以謝晦行都督荆湘等州軍事  
 宋以徐羨之為司徒  
 乙○宋元嘉二年魏始光二年北燕太平  
 十六年西秦建弘六年北涼玄始十  
 四年夏赫連昌承光元年  
 宋主始親政  
 燕有女子化為男  
 魏主尊其保母竇氏為保太后  
 尊保母為太后  
 魏以長孫嵩為太尉長孫翰為司徒奚斤為  
 司空  
 魏遣使如宋  
 武都王楊盛卒子玄嗣

楊盛亦人也而書其卒何盛聞晉亡不改  
義熙年號謂世子玄曰吾老矣終當為晉

臣其心慕華可尚也已

夏赫連勃勃卒子昌立

魏大舉伐柔然

丙寅○宋元嘉三年魏始光三年北燕太平  
十七年西秦建弘七年北凉玄始十  
五年夏承光二年

宋誅徐羨之傳亮

以王弘為司徒錄尚書事彭城王義康都督

荆湘等州軍事

謝晦舉兵反江陵宋王自將討晦誅之

宋主以僧惠琳議朝政

魏立太學

卯丁○宋元嘉四年魏始光四年北燕太平  
十八年西秦建弘八年北凉玄始十  
六年夏承光三年

魏主擊夏取統萬

夏六月朔日有食之

晉前彭澤令陶潛卒

綱目書潛徵士此不然何史明言潛為彭  
澤令棄官去非但徵為著作佐郎不就也

戊辰○宋元嘉五年魏始光五年北燕太平  
宋元嘉五年魏始光五年北燕太平  
宋元嘉五年魏始光五年北燕太平

魏主昌立

夏赫連定立于平涼復取長安

秦乞伏熾磐卒子暮末嗣

宋以王弘為衛將軍開府儀同三司

冬十一月朔日有食之

宋元嘉六年魏神龜二年北燕太平  
二十一年西秦永弘二年北凉承玄二  
年夏勝光二年

宋以彭城王義康為司徒錄尚書事江夏王

義恭都督荆湘等州軍事

宋遣使如魏

魏主伐柔然

夏五月朔日有食之

冬十一月朔日有食之

宋元嘉七年魏神龜三年北燕太平  
二十二年西秦義興三年北凉承玄三  
年夏勝光三年

宋遣兵伐魏魏人撤戍兵

宋人取河南

魏人擊敗宋兵

燕馮跋卒弟弘殺其子翼代之

魏人擊夏

魏取宋金甌虎牢

宋遣檀道濟伐魏

魏人克夏平涼復取長安

宋檀道濟敗魏師于壽張

夏滅秦是歲西秦亡

魏克宋滑臺

魏復境內租一歲

吐谷渾襲夏主定執之是歲夏亡

魏求昏于宋

魏主以保太后為皇太后

宋以王弘為太保檀道濟為司空

魏殺故夏主定

宋遣使如魏

魏主攻燕圍和龍

涼王蒙遜卒子牧健嗣

西○宋元嘉十年北涼牧進永和二年

北燕太興

宋元嘉十年北涼牧進永和二年

北燕太興

北燕太興

北燕太興

宋裴方明平蜀

楊難當襲宋漢中據之

宋殺前臨川內史謝靈運

魏及柔然和親

宋復取漢中

燕稱藩于魏

涼遣使奉表于宋

魏人伐燕

春正月朔日有食之

燕稱藩于宋

宋以殷景仁為中書令中護軍

魏擊燕

宋大水設酒禁

宋禁擅鑄佛像造寺塔

宋主殺司空檀道濟

楊難當自稱大秦王

魏伐燕馮弘奔高麗

宋元嘉十三年北涼永和二年北燕太興

北燕太興

北燕太興

北燕太興

北燕太興

北燕太興

楊難當降魏

宋造水運渾儀

柔然入魏邊

丑○宋元嘉十四年 魏太延三年 北涼永

魏詔吏民得告守令罪

吏民告守令罪始此

涼遣子入侍于魏又遣使如宋

西域十六國朝貢于魏

戊○宋元嘉十五年 魏太延四年 北涼永

宋以吐谷渾慕利延為隴西王

冬十一月朔日有食之

宋立玄始文儒四學

卯○宋元嘉十六年 魏太延五年

宋以衡陽王義季都督荆湘等州軍事

魏以楊保宗為武都王

魏主伐涼牧健降世是歲北涼亡三

晉世五胡紛擾中原之地分為十有六曰

趙後趙涼後涼南涼北涼西涼燕後燕西

燕南燕北燕秦後秦西秦夏也宋初猶有

五國赫連沮渠最後亡至是盡入于魏

魏除田禁

庚○宋元嘉十七年 六月以後太平真君元年 此

夏四月朔日有食之

六月魏用方士神書之文改元

宋誅領軍劉湛出彭城王義康為江州刺史

以兵守之

宋以江夏王義恭為司徒錄尚書事始興王

濟為揚州刺史

辛○宋元嘉十八年

宋龍驤參軍扶令育以上表言義康賜死

魏主詣道壇受符籙作靜輪官

壬○宋元嘉十九年 魏太平真君三年

書人君受符籙始此

宋擊楊難當平之

秋七月晦日有食之

宋封沮渠無諱為河西王

柔然遣使如宋

宋脩孔子廟

魏以李寶為敦煌公

宋元嘉二十二年  
宋太平真君四年

魏都王楊保宗

宋元嘉二十一年  
魏太平真君五年

宋主耕籍田

魏太子晃總百揆

魏禁私養沙門巫覡

魏令公卿子弟皆入太學

沮渠無諱卒弟安周嗣

魏尚書令劉劭有罪誅樂平王丕以憂卒

宋以江夏王義恭為太尉領司徒

魏罷舊俗所祀胡神

乙酉  
宋元嘉二十二年  
魏太平真君六年

春正月朔宋行元嘉曆

何承天以前之曆合朔月食不專在朔望

承天更撰新曆皆取贏縮定其小餘以正

朔望自是日食多在朔日矣

魏詔中書以經義決疑獄

魏以夷狄主中國行事一以華夏為法蓋

欲以華變夷也春秋之法夷而進於夏則

夏之元魏之好尚如此其亦異乎蒙古之

所為矣

夏六月朔日有食之

鄯善降魏西域復通

魏人侵宋

宋洸曄謀反伏誅

宋廢其彭城王義康為庶人

宋始備郊廟之樂

戊戌  
宋元嘉二十三年  
魏太平真君七年

魏主討蓋吳宋發兵援之

宋伐林邑克之

魏誅沙門毀佛書佛像

嗚呼人君之於民其賢者智者固當愛之

其愚者不肖者亦當憐之故民有悖於教

違於禮犯於法者必先原其心察其情而

推究其所自苟上之所不為而又明有禁

令而民犯之違之悖之然後罪之誅之彼

固甘心而受也上之人分明為之而又無

禁令一旦不分彼此施之以一切之刑則



彼固有辭矣元魏之誅沙門雖若痛快人心然未嘗先有禁約之令限斷之期而即加之以不可復生之刑使之欲改過而無由亦云慘矣况其心偏有所向非一於扶正教以闢邪說也安能服其心哉

魏人侵宋

夏六月朔日有食之

丁亥○宋元嘉二十四年

楊文德據葭蘆五郡氏皆應之

戊子○宋元嘉二十五年

魏平西域

巳丑○宋元嘉二十六年

魏伐柔然大獲

庚寅○宋元嘉二十七年

宋平雍州蠻

魏主圍宋懸谿

宋以軍興減百官俸

魏崔浩譏國記不諱魏主殺之夷其族并殺其郎吏中書侍郎高允以不欺獲宥

宋人大舉侵魏魏主自將禦之

魏主進至魯郡以太牢祠孔子

宋柳元景大破魏師于陝

魏人敗宋師于尉武進逼壽陽

魏主引兵南下進次瓜步

宋人戒嚴守江

魏及宋平

辛卯○宋元嘉二十八年

宋主殺其弟義康

魏主攻盱眙宋將軍臧質拒之魏師退走

魏荊州刺史魯爽及其弟劼奔宋

夏五月彗星入太微

宋以何尚之為尚書令徐湛之為僕射

宋魏復通好

壬辰○宋元嘉二十九年

魏宦者宗愛弒其君壽而立安南王余

宋人侵魏

宋太子劼始興王濬巫蠱事覺赦不誅

魏宦者宗愛再弒其君余郎中劉尼等立太

武孫濬愛伏誅

魏復佛法

巳癸  
○宋元嘉三十年  
魏興安二年

春二月宋主義隆為其太子劉劭所弑

書子義始見于此

宋武陵王駿舉兵討劭宋人立駿是為劭及武帝

弟濬尋伏誅

秋七月朔日有食之

宋主駿潛殺其弟南平王鐸

甲午  
○宋主駿建元年  
魏興安二年七月以後興光元年

宋鑄建四銖錢

後世以年號為錢知始此

宋江州刺史臧質以南郡王義宣舉兵反質

與義宣尋伏誅

宋省錄尚書事官

秋七月朔日有食之既

乙未  
○宋主駿建元年  
魏興光二年六月以後大安元年

宋主殺其弟武昌王渾

宋郊廟初設備樂

宋裁損主侯制度

丙申  
○宋主駿建元年  
魏太安二年

宋以江夏王義恭為太宰

魏定州刺史許崇之誣民詆訕朝政坐誅

丁酉  
○宋大明元年  
魏太安三年

魏以尉眷為太尉錄尚書事

魏侵宋入兗州

戊戌  
○宋大明二年  
魏太安四年

魏增置內外候官以伺察百官過失

人君之臨下當如太陽之當天太陽當天

雖無物不照無處不臨然必當陽光之時

有容光之隙然後及之耳苟不當其時無

其隙而有可隱蔽之勢固未嘗紆曲其光

蒐尋其隙察察以用其明也人君臨下何

以異此自元魏置候官以伺察百官過失

後世踵而行之寄耳目於群小雖或因之

以得臣民之陰私然小人假是以中傷正

人君子亦多矣吁魏元成其作俑者歟

魏以高允為中書令

宋沙門曇標謀反伏誅

書像死始此

魏主伐柔然

魏侵宋清口敗退

宋主以前典籤戴法興等為中書舍人

巳亥 ○宋大明三年

宋竟陵王誕反遣兵討誅之

宋以沈慶之為司空

庚子 ○宋大明四年

宋廬陵內史周朗以言事切直被殺

魏復置史官

辛丑 ○宋大明五年

魏大旱脩群祀

秋九月朔日有食之

宋制民歲輸布戶四匹

壬寅 ○宋大明六年

宋策孝秀

宋始令沙門拜人主

癸卯 ○宋大明七年

宋詔禁專殺及擅動民興軍

魏遣游明根如宋

甲辰 ○宋大明八年

夏閏五月宋主駿卒子子業立

宋罷孝建以來所改制度出慕興宗為新昌

太守王玄謨為南徐州刺史

宋大錢

乙卯 ○宋主子業永光元年五月以後景和元年

宋鑄二銖錢

夏五月魏主濬殂子弘立

魏乙渾殺司徒陸麗自為丞相位諸侯王上

宋主殺其太宰江夏王義恭尚書令柳元景

等又殺其弟新安王子鸞義陽王昶出奔魏

宋聽民私鑄錢

宋主殺會稽太守孔靈符寧朔將軍何邁太

尉沈慶之

宋主幽其諸父湘東王彧等于殿內

宋江州刺史晉安王子勛舉兵尋陽

宋主殺其南平王敬猷廬陵王敬先安南侯

敬淵

冬十一月宋人弑劉子業而立湘東王彧

明帝

丙午 ○宋主子業永光元年

宋主或遣兵擊子勛子勛遂自立于江州司

豫等八州皆應之建安王休仁尋克之殺子

勛

宋斷新錢專用古錢

魏立郡學

書郡學始此

宋主殺其兄之子安陸王子綬等三人

宋以嬖人李道兒子昱為子立為太子

宋僑立州

丁未○宋泰始二年八月以後皇興元年

魏取宋淮北四州及豫州淮西地

魏侵宋青州取四城

魏作大像

戊申○宋泰始四年

宋徙東海王緯為廬江王

宋減民田租之半

宋以蕭道成為南兖州刺史

冬十月朔日有食之

己酉○宋泰始五年

魏取宋青冀地

魏立三等輸租法除其雜調

魏置僧祇佛圖戶

宋主殺其兄廬江王緯

冬十月朔日有食之

魏遣使如宋脩好

庚戌○宋泰始六年

宋定陽二年一祭南郊

宋以南兖州刺史蕭道成為黃門侍郎尋復

本任

宋立總明觀

辛亥○宋泰始七年

宋主殺其弟休祐等三人

宋主殺其豫州都督吳喜

宋以蕭道成為散騎常侍

魏主弘傳位於其子宏自稱太上皇帝是為

前此有尊其父為太上皇者明不統天下

也今魏傳位於其子稱太上皇帝者猶總

萬幾也

宋人侵魏

宋作湘宮寺

書作寺始此

壬子○宋泰始二年

宋殺其揚州刺史江安侯王景文

夏四月宋主或卒其養子李昱立是為蒼梧王

宋以沈攸之都督荆襄八州軍事

宋主昱以倖臣阮佃夫為給事中

癸卯宋主昱元徽元年

魏詔守令勸農事除盜賊

魏以孔子二十八世孫乘為崇聖大夫

冬十二月朔日有食之

甲寅宋元徽二年

宋桂陽王休範舉兵蕭道成擊斬之

柔然遣使如宋

宋以蕭道成為中領軍

魏罷門房之誅

宋以袁粲為中書監領司徒褚淵為尚書令

劉秉為丹陽尹

宋主昱微行自稱李將軍

乙卯宋元徽三年

魏初禁宰牛馬

宰牛馬有禁如此

丙辰宋元徽四年

魏太后馮氏弒其主弘

宋加蕭道成左僕射

宋建平王景素舉兵京口不克而死

宋李昱白晝出都市殺人

丁巳宋元徽五年七月以後宋主準昇明元年

秋七月宋人殺李昱蕭道成立安成王準是為

自為司空錄尚書事

魏詔工商賤族有役者止本部丞

宋蕭道成封其同事者楊丑等二十五人

官爵

宋荆襄都督沈攸之舉兵江陵討蕭道成

宋中書監袁粲尚書令劉秉謀誅蕭道成不

克而死

宋蕭道成假黃鉞出頓新亭

戊午宋昇明二年

宋沈攸之軍潰走死蕭道成自為太尉都督

十六州諸軍事

魏禁宗戚士族與非類昏偶

秋九月朔日有食之

宋蕭道成自為太傅揚州牧加殊禮

未已

○馬太后薨滅臣下有猜嫌者  
宋昇明三年四月以後齊主蕭道成薨元  
春三月朔日有食之

宋蕭道成自為相國齊公加九錫又進齊王

宋蕭道成殺臨川王綽又殺武陵王質

夏四月宋蕭道成篡位國號齊高帝廢宋主

準為汝陰王徙之丹陽即以褚淵為司空歲

宋七十九年

宋奉朝請裴顗數蕭道成罪道成殺之

蕭道成以宋大臣褚淵王儉等有佐命功進

其壽

嗚呼春秋於篡逆之臣必誅絕其黨與所

以孤亂賊之黨而絕其依附之心以垂世

戒也褚淵王儉皆以公主子為宋大臣主

弱國危不能扶持繼之以死可也顧以世

臣之華胄王室之懿親受權奸一時嫗乳

之恩忍將外王父之家國輸之崛起之夫

平日素所比肩者百拜稽首甘心以為之

臣僕曾無愧耻之心嗚呼斯人也曾狗彘

之不若哉

蕭道成弒宋主傳滅其族

嗚呼為帝為王者皆起自匹夫一旦而居

九重之尊享四海之富孰不欲傳之千萬

世而無窮哉然而積德不宏貽謀不遠遂

因而滅其先世自受姓以來千萬世之宗

祀者亦有之矣方漢之衰也魏得之魏之

衰也晉得之晉衰而宋得宋衰而齊得漢

之山陽魏之陳留猶得終其天年宋於零

陵直殺之而已然猶有遺種焉至于齊乃

奄汝陰之族類而滅之嗚呼漢得天下以

善而人亦報之以善故獻帝雖廢猶得善

終晉則弒君矣故其後也人亦弒之然彼

猶善待其所禪之人也至於宋則既受其

禪又弒其人此其所以得族滅之報也歟

契丹入附子魏

美丹之名始見于此

○南北朝世史

南

齊姓蕭氏

北

魏改姓元  
遷都洛陽

庚申  
○齊建元二年  
魏太和四年

魏遣梁郡王肅以宗室劉昶伐齊攻壽陽

齊檢定民籍

齊以兄子鸞為郢州刺史

魏徐兗州民聚眾思歸江南

秋九月朔日有食之

齊制和國治之法

齊以楊後起為武都王

齊以褚淵為司徒

辛酉  
○齊建元三年  
魏太和五年

魏沙門法秀作亂伏誅

秋七月朔日有食之

齊遣使如魏

壬戌  
○齊建元四年  
魏太和六年

春三月齊主蕭道成死子嗣立

齊以褚淵為錄尚書事王儉為尚書令

褚淵死

按晁說之曰自開闢以來未有比肩近臣  
一旦北面稱甥贊佐命以本朝輸人者有

之實自淵始嗚呼迹淵之所以忍耻而就

此者任遐謂其惜身保妻子淵知惜身保

妻子而不知惜理保名節此所以陷為

亡之罪人也觀考史淵死時年四十有八

齊主受禪至是纔三年爾僅苟三年之生

乃遺萬年之臭較其所得失孰為多哉

魏主始親祀七廟

秦以來祀七廟始見於此

齊罷國子學

魏罷山澤禁

癸亥  
○齊主廢永明元  
魏太和七年

齊主殺尚書增崇散騎常侍荀伯玉

冬十月癸亥逆行入太微

齊遣使如魏

冬十二月朔日有食之

魏始禁同姓為昏

夷狄於夫婦一倫潰亂尤甚在其域中無

足怪者既入中國之地雜中國之人習中

國之俗猶不知所慕倣則是無秉彝之性

羞惡之心不可以人理待之矣元魏入居

華夏事事慕中國聖人之教至是又有同  
姓為昏之禁其視蒙古之子承父妾兄收  
弟婦至於國終而不知變也異矣

子○齊永明二年

齊以其子良為司徒

齊分中書舍人為四

魏始班祿

乙○齊永明三年

魏禁讖緯巫卜

齊復立學釋奠先師

魏詔贖鐵民所蓄子女

齊開學士館

學士之名始見於此然尚未以名官也

魏詔均田

書均田始此給事中李安世上言田業多

為豪右所占奪雖桑井難復宜更均量使

力業相稱又所爭之田宜限年斷事以難

明悉歸今主帝善之下詔均天下人田

夫十五以上受露田四十畝婦人二十畝

奴婢受田三十畝

丙○齊永明四年

魏主朝會始服袞冕

魏制民間置隣長里長黨長

後世里長之始此

柔然遣使如魏

魏改中書學為國子學

魏分置州郡

丁○齊永明五年

魏定樂章除其非雅者

魏光祿大夫咸陽公高允卒

齊敗魏師取舞陽

魏大旱詔有司賑貸

魏出宮人寵末作

戊○齊永明六年

魏詔犯死刑而親老無他子旁親者以聞

魏侵齊齊擊破之

齊侵魏魏擊却之

乙○齊永明七年

魏主祀南郊始備大駕

齊王儉死



魏遣使如齊

齊遣使如魏

庚午○齊永明二年  
魏太和十四年

秋九月魏馮太后死魏主素服終制

馮太后書死何弑君之罪人也以母殺子

亦有罪邪嗚呼君所以承天道而奉宗祀

也父於適子且有三年之服況母乎母道

主於慈子非得罪於宗社而為存亡之所

係國無廢子之理況本無罪而以私意害

之乎

辛未○齊永明九年  
魏太和十五年

魏主始聽政

齊遣使如魏

魏遣常侍李彪如齊

魏定廟祧之制正祀典置樂官

壬申○齊永明十年  
魏太和十六年

魏主初朝日于東郊

魏脩堯舜禹文王周公之祀又親祠孔子

魏遣使如齊

魏主養老于明堂

齊遣使如魏

冬十二月朔日有食之

癸酉○齊永明十一年  
魏太和十七年

魏主親錄囚徒

魏詔大舉伐齊行至洛陽罷兵

秋七月齊主贖卒太孫昭業立

陵王子良為太傅蕭鸞為尚書令王融以謀

立子良伏誅

魏管洛都

戊戌○齊永明十一年七月  
魏太和十七年

魏主南巡祭于墓

齊竟陵王子良以憂卒

夏五月朔日有食之

魏遣使如齊

秋七月齊蕭鸞弑其主昭業立新安王昭文

是為海自為驃騎大將軍錄尚書事宣城公

魏主考績黜陟百官

齊蕭鸞殺都陽王綽等七人

齊蕭鸞自為太傅揚州牧進爵為王

王鈞等四人

冬十月齊蕭鸞廢其主昭文篡其位是為明帝

十一月壬申日有食之

齊蕭鸞弑其故主

魏禁胡服

魏主自將伐齊乙亥○齊建武二年  
魏太和十九年

魏主攻鍾離不克遣使臨江數齊主之罪而還

還

魏主如魯城祠孔子封其後為崇聖侯

魏主臨其廣川王諧喪

魏主禁胡語求遺書法度量

嗚呼魏主夷人乃能改其夷俗前既書禁

胡服今又書禁胡語其慕華之心可尚也

已近世蒙古視之蓋有愧矣

齊蕭鸞殺其領軍蕭謐及西陽王子明等

魏立國子太學四門小學

魏遷都洛陽

冬十一月魏主祀圜丘

魏頒品令賜冠服

丙○齊建武三年  
魏太和二十年

魏改姓元氏并改其群臣從代來者姓

此胡人冒中國姓之始元魏起漠北以九十九姓為部落其所謂姓者皆以土俗類多重複至是改之以從中夏遂使中國三代漢魏以來之姓氏華夷混雜不復可辨識矣

魏詔定諸州族姓

魏詔漢魏晉諸陵皆禁樵蘇

魏主廢其右為尼

此廢后為尼之始

魏太子恂有罪廢

丑丁○齊建武四年  
魏太和二十一年

魏新興公公有罪免其死

魏主自將伐齊

齊侵魏太倉口

戊寅○齊建武五年四月以後永泰元年  
魏太和二十二年

齊蕭鸞殺其河東王鈞等十人

宋武懲司馬氏復興滅晉子孫齊武效之

又滅劉氏子孫夫殺他人子孫將以安已之子孫也抑孰知身死之後不三四傳其

子孫乃自殺其子孫凡吾前日所以殺人以安之者今乃自相殺焉孟子曰殺人之父人亦殺其父殺人之兄人亦殺其兄嗚呼殺人之者非但他人殺之以還報幸而不報焉天乃假手殺人者之子孫俾自相殺以代他人之報之也後世好殺人者觀宋武之後有齊武之後有齊可以鑒矣齊大司馬王敬則舉兵尋敗死魏省宮掖費用以給軍賞齊以蕭衍為雍州刺史

秋七月齊蕭衍死子寶卷立

是為東魏

蕭衍書死何弑君之賊也嗚呼人道莫大於君父臣之於君齒其所乘馬蹴其馬所齧之芻尚且有誅况以刃加其君哉臣子有如是之罪幸而斧鉞不加其身至其死也後世之史官又因其已得者從而授之不加誅絕焉何以懼後世之亂臣賊子哉魏侵齊境聞齊有喪退師

紀○齊主寶卷元元年

齊侵魏

齊主寶卷元元年

魏主自將禦齊師還卒于穀塘原子恪立以遺詔誅馮氏

是為宣帝

魏以彭城王勰為驃騎大將軍都督冀定七州軍事

齊僕射江革侍中江祀謀立始安王遙光被誅遙光因而作亂遣兵討平之

齊主寶卷聽嬖倖諸殺大臣蕭坦之等

齊太尉陳顯達舉兵襲建康敗走死

庚辰○齊永元二年

齊主恪景明元年

齊裴叔業以壽陽叛降于魏

魏取齊合肥建安

齊遣將軍崔慧景討壽陽慧景以蕭寶玄舉

兵逼建康兵敗皆死

魏取齊淮南地

齊主殺其尚書令蕭懿

魏以彭城王勰為司徒錄尚書事

齊雍州刺史蕭衍有異謀齊主遣將軍劉山陽會荊州蕭頴之襲衍頴宵殺山陽與衍合

以南康王寶融起兵

辛巳

○齊永元三年

十二月以後齊主寶融中興

齊蕭寶融自稱相國蕭衍發襄陽圍郢城

春三月齊蕭衍立南康王寶融于江陵

魏彭城王勰歸第以咸陽王禧為太保北海

王諱為大將軍錄尚書事

齊巴東巴西郡遣兵擊蕭穎胄

齊蕭衍圍建康

冬十二月齊人弒寶融蕭衍入建康追廢其

故主為東昏侯自為大司馬承制

齊蕭衍入居殿中

壬午○齊中興二年四月以後梁主蕭衍天監元年

齊蕭衍自為相國梁公加九錫

齊蕭衍弒其故主妃

齊蕭衍殺齊諸王寶融寶俊等寶寅出奔魏

夏四月齊蕭衍篡位國號梁是為梁廢齊主

寶融為巴陵王遷太后于別宮是歲齊亡十四

年

梁封拜齊臣與謀有功者夏侯洋等為公侯

沈約范雲等為僕射等官

梁蕭衍弒其故主于姑孰齊御史中丞顏見

遠死之

梁以蕭寶義為巴陵王

梁置謗木肺石函

梁徵何遜何遜不至

齊故驛臣孫文明等入梁宮捕殺之

光緒以庚午六月五日周梁濟自然臨于巴陵城

世史正綱卷十四

○南北朝世史

南

梁姓蕭氏  
都建康

北

魏遷都長安  
魏都洛陽

東魏魏都洛陽  
魏都洛陽

北齊魏都洛陽  
魏都洛陽

齊魏都洛陽  
魏都洛陽

齊鄒陽王蕭寶寅請兵于魏魏封為齊王

魏伐梁

梁吉粉年十五請代父死罪赦之

甲申梁天監三年  
魏正始元年

魏營國學

梁除贖刑法

乙酉梁天監四年  
魏正始二年

梁置五經博士始立州郡學

魏取梁梁州

梁初立孔子廟

魏敗梁軍于洛城

梁遣臨川王宏帥師伐魏次于洛口

巴西叛魏降梁

梁大有年

丙戌梁天監五年  
魏正始二年

梁滅武興氏楊氏置東益州

春三月朔日有食之

魏罷鹽池之禁

魏遣中山王英督諸軍拒梁師

梁取魏宿預梁城等城

魏復取宿預梁蕭宏逃歸

魏圖梁鍾離

丁亥梁天監六年  
魏正始四年

梁大敗魏師于鍾離

梁馮翊等七郡叛降魏

梁以臨川王宏為司徒

魏后于氏暴卒其子昌尋亦卒

戊戌梁天監七年  
魏正始五年八月以後梁平元年

梁置州望郡宗鄉豪

魏立高肇女為后

魏京兆王愉反魏遣尚書李平討執之高肇

陰殺元愉除平名

魏主聽高肇諧殺其叔父彭城王勰

配○梁天監八年  
魏永平二年

魏取梁三關

三關者平靖武陽廣岷也皆在信陽界南

北朝分疆之要害也

梁求成于魏魏不應

魏主親講佛書大興寺宇

庚○梁天監九年  
魏永平三年

梁作緣淮塘

梁制尚書令史用士流

卯○梁天監十年  
魏永平四年

魏始設游軍巡察坊巷

後世於坊巷設巡軍察盜賊始此

士○梁天監十一年  
魏永平五年四月以後延昌元

梁免老小質作

魏以高肇為司徒清河王懌為司空

梁脩五禮成

巳○梁天監十二年  
魏延昌二年

夏五月魏壽陽大水

秋八月魏恒肆二州地震山鳴

青山鳴始此

甲○梁天監十三年  
魏延昌三年

魏遣司徒高肇督諸軍侵梁益州

梁築淮堰

乙○梁天監十四年  
魏延昌四年

春正月魏主恪殂子詡立是為太保高陽王

雍尚書令任城王澄同總國事

魏高肇伏誅

魏主尊其生母胡貴嬪為太妃廢其嫡母高

太后為尼

梁淮堰潰復築之

魏妖僧作亂伏誅

魏于忠殺僕射郭祚尚書裴植免太保高陽

王雍

魏尊太妃胡氏為太后

魏以清河王懌為太尉廣平王懷為司徒任

城王澄為司空于忠為尚書令元義為散騎

常侍

魏胡太后以其女弟為女侍中

女侍中之名始見于此

魏胡太后臨朝稱制出于忠為冀州刺史以

司空任城王澄領尚書令

魏胡太后加其父胡國珍侍中安定公尋以

叅大務為中書監

魏胡太后起高陽王雍為太師錄尚書事

胡太后攝行祭事

書后行祭見于此

冬大寒淮泗皆冰

丙申○梁天監十五年

春三月朔日有食之

夏四月梁淮堰成秋九月壞死者十萬餘口

魏胡太后大興佛寺

丁酉○梁天監十六年

魏以軍功多冒濫致勲籍

梁禁文錦不得為人獸之形

梁罷宗廟牲牢薦以蔬果

戊戌○梁天監十七年

魏太后父胡國珍死追號太上秦公

人臣稱太上僅見此

魏胡氏弑其主母高太后

魏遣使如西域求佛書

己亥○梁天監十八年

魏胡氏始稱詔

魏征西將軍張彝子仲瑀請抑武人羽林虎

賁殺彝父子焚其居魏主不窮治其罪

魏以崔亮為吏部尚書立停年格

此後世資格用人之始

魏胡氏遊嵩高

庚申○梁普通元年

春正月丙子日有食之

魏侍中元義宦者劉騰殺清河王懌幽胡氏

于北宮

魏相州刺史中山王熙起兵討元義不克而

死弟略奔梁梁以為中山王

梁車騎將軍求昌侯肅卒

書獻卒而書其官何獻仕佞佛之時能持

立而不阿世主之好此其可予者也

魏清河王懌弟悅以諛元義得為太尉

魏遣使如梁

梁普通二年

梁置孤獨園

柔然可汗阿那瓌奔魏立為蠕蠕王發兵納于柔然不克

魏元叉殺奚康生以宦者劉騰為司空京兆王繼為太保崔光為司徒

宦者為三公始見此嗚呼三公論道經邦廢理陰陽而以宦者為之世道可知矣

梁普通三年

魏分柔然為二國以處阿那瓌婆羅門

夏五月朔日有食之既

梁普通四年

梁西豐侯正德奔魏既而逃歸

柔然大饑魏遣使撫之

柔然王阿那瓌執魏使者犯魏邊魏沃野鎮民破六韓拔陵反

崔光死

冬十一月朔日有食之

梁始鑄鐵錢

以鐵為幣始見于此

梁普通五年

魏高平救勒胡琛反應破六韓拔陵魏遣元武討拔陵敗績復遣李崇討之

魏二夏幽涼寇盜群起魏莫折念生僭號于秦州

魏六鎮皆反魏取鎮為州

魏乞伏莫干等反于秀容酋長爾朱榮平之梁取魏睢陵荊山襲壽陽不克

魏朔方汾州胡反

梁復取三關梁以散騎常侍朱异掌機政

梁普通六年

梁取魏南鄉郡魏徐州刺史元法僧反降梁

魏蕭寶寅敗莫折念生弟天生岐雍隴東平梁裴邃敗魏師于壽陽

魏元叉求解領軍

柔然阿那瓌為魏討破六韓拔陵



魏胡氏復臨朝元义伏誅徵元順為侍中胡氏以其嬖臣鄭儼徐紇李神軌為中書舍人

梁豫章王綽叛降魏

魏廣陽王淵破拔陵降其衆二十萬

魏杜洛周反于上谷高歡等從之

北齊起於此

丙○梁普通七年

魏五原降戶及勅勒等皆反

魏元略自梁歸于魏

賊帥元洪業降魏其黨葛榮殺洪業領其衆

魏爾朱榮擅執肆州刺史而以其從叔爾朱

羽生代之

葛榮襲殺魏都督元融元深

梁侵魏取壽陽

魏豫徵六年租調

後世預徵民租始此

丁○梁普通八年三月以後大通元年

葛榮陷魏殷州刺史崔楷死之

梁侵魏復三關

梁主衍捨身于同泰寺

梁克魏廣陵渦陽

蕭寶寅叛魏舉兵稱齊帝

葛榮陷魏冀州

戊○梁大通二年魏武泰元年三月以後

杜洛周陷魏定州瀛州

魏潘嬪生女胡氏詐言皇子生大赦

葛榮殺杜洛周并其衆

魏胡氏弑其主詔立臨洮王世子釗

魏爾朱榮舉兵立長樂王子攸是為殺胡氏

弑幼主釗縱兵殺王公以下二千人自為都

督中外諸軍事太原主

魏北海王顥汝南王悅等奔梁

魏郢青南荊州皆附于梁

魏立肅宗嬪爾朱氏為后

魏爾朱榮還晉陽以元天穆錄尚書事兼領

軍將軍

魏方侯醜奴僭號于平鎮

魏泰山太守羊侃據郡歸梁

魏爾朱榮斬葛榮

魏爾朱榮以宇文泰為統軍

宇文周兆于此

魏爾朱榮自為大丞相

梁立元顥為魏王遣陳慶之納于魏

梁納魏逆臣徐紇

胡寅曰弑君天下之大惡人人之所同惡

人人之所得殺者也徐紇親弑其君梁當

聲言其罪肆諸市朝則君臣之義明乃受

而容之是教人為賊而無所懼也

己酉

○

梁大通三年十月以後中大通元年

年號上又加以中重紀元年始此

魏主追尊其父綱為皇帝而以高祖為伯考

梁陳慶之立魏王顥于榮城遂取梁國榮陽

虎牢

魏主子攸奔河內

元顥入洛陽以陳慶之為車騎大將軍

魏爾朱榮渡河元顥走死陳慶之走歸梁

魏主子攸歸洛陽爾朱榮自為天柱大將軍

梁主衍再捨身于同泰寺群臣以錢一億萬

贖之

庚辰

梁中大通二年九月以後建明元年

魏獲万俟醜奴誅之

梁以元悅為魏王

魏以宇文泰為征西將軍行原州事

秋九月長星見

魏主誅爾朱榮元天璽

魏爾朱世隆與爾朱兆等立長廣王曄東海

王弑魏主子攸

魏爾朱兆使高歡統六鎮

辛亥

梁中大通三年魏主恭泰元年十一月以後魏主朔中興元年

魏爾朱世隆廢其主曄立廣陵王恭

魏河北大使高乾起兵討爾朱氏

魏封高歡為渤海王徵不至

梁主長子統卒舍其孫而以次子綱嗣

魏高歡起兵討爾朱氏

爾朱世隆殺魏大臣楊津等夷其族

高歡立魏元朗自為丞相

子○梁中大通四年魏中興二年四月以後

魏誅爾朱世隆

高歡入洛陽廢魏主恭及其所立主朗立平

陽王脩

魏主恭自為大丞相

魏元脩弑其故主恭

秋十月甲辰星隕如雨

高歡立大丞相府于晉陽

魏元脩弑其故主朗及曄

魏高歡以其女為魏主后

○梁中大通五年 魏永熙二年

魏高歡殺爾朱兆

魏賜高乾死

魏以賀拔岳為都督二十州軍事雍州刺史

魏人侵梁雍州

甲○梁中大通六年 魏永熙三年 東魏主

魏泰州刺史侯莫陳悅殺賀拔岳魏以宇文

泰統其軍

夏四月朔日有食之

熒惑入南斗

魏宇文泰誅侯莫陳悅以泰為關西大都督

魏高歡舉兵反

魏主脩奔長安就宇文泰以泰為大將軍尚

書令分東魏

魏高歡入洛陽推清河王亶承制決事

魏高歡使侯景取荊州賀拔勝奔梁

高歡立魏清河王亶子善見於洛陽魏孝靜

魏以宇文泰為大丞相

梁伐東魏

東魏遷于鄴

魏宇文泰弑其君脩

乙○梁大同元年 魏主寶炬大統元年 東

宇文泰立魏南陽王寶炬是為西泰自為都

督中外諸軍事安定公

東魏高歡自為相國假黃鉞加殊禮復辭不

受

魏宇文泰以蘇綽為行臺左丞始制文案程

式及計帳戶籍之法

丙○梁大同二年 魏大統二年 東魏天平

高歡自以其子澄為尚書令京畿大都督居

鄴

梁及東魏平

東魏高歡弑其主之父清河王亶

丁○梁大同三年 魏大統三年 東魏天平

東魏高歡侵魏宇文泰擊破之

東魏遣使如梁

梁脩長干塔

東魏高歡復侵魏宇文泰大敗之

東魏秦州降魏

魏取洛陽

戊午○梁大同四年 魏大統四年 東魏元象

春正月朔日有食之

宇文泰廢魏主后為尼立柔然女為后

中國主用夷如為后始此

梁得佛舍利大赦其境內

魏與東魏合戰于河上

魏長安亂宇文泰平之

東魏拔魏金墉

東魏改停年格

己未○梁大同五年 魏大統五年 東魏元象

魏大丞相斛置行臺學

東魏城鄴

魏置紙筆于陽武門以求言

庚申○梁大同六年 魏大統六年 東魏興和

魏主殺故后已弗氏以退柔然兵

夏閏五月朔日有食之

辛酉○梁大同七年 魏大統七年 東魏興和

魏頒新編所上六條令百官誦習

一清心二敦教化三盡地利四擢賢良五

恤獄訟六均賦役

東魏大稔

書大稔始此

壬戌○梁大同八年 魏大統八年 東魏興和

魏初置六軍

東魏以侯景為河南大行臺

梁廣州亂參軍陳霸先討平之

陳起于此

癸亥○梁大同九年 魏大統九年 東魏武定

宇文泰高歡戰于邙山

東魏以侯景為司空

東魏築長城于肆州

甲子○梁大同十年 魏大統十年 東魏武定

東魏高歡以其子澄為大將軍領中書監

魏命尚書蘇綽定新制

乙丑○梁大同十一年 魏大統十一年 東魏

魏遣使如突厥

突厥始見于此

魏作大誥示群臣以文體

梁散騎常侍賀琛上書論事誥責之

司馬光曰賀琛之諫亦未至於切直而梁

武帝已赫然震怒護其所短矜其所長困

以難對之狀責以必窮之辭自餘切直之

言過於琛者誰敢進哉由是奸佞居前而

不見大謀顛錯而不知名辱身危覆邦絕

祀豈不哀哉

○梁大同十二年四月以後中大同元年

梁蕭衍講佛書於同泰寺閱月講畢是夕浮

圖災更作之

梁禁用短錢

東魏遷石經于鄴

東魏高歡侵魏攻玉壁魏韋孝寬禦之

魏度支尚書蘇綽卒

○丁卯梁太清元年魏大統十三年東魏武

春正月朔日有食之不盡如鉤

高歡死

東魏侯景以河南降魏尋叛附于梁

魏除官刑

梁封侯景為河南王遣兵援之

梁主衍三捨身於同泰寺

東魏遣兵討侯景魏遣兵救之徵景入朝景

不受命

梁大舉侵東魏

東魏高歡子澄自為都督中外諸軍錄尚書

事勃海王幽其主善見於宮中殺侍讀荀濟

等

東魏命杜弼作檄移梁責其納侯景

梁立魏元貞為咸陽王

○戊辰梁太清二年魏大統十四年東魏武

東魏慕容紹宗擊敗侯景景襲據梁壽春梁

主以景為南豫州牧

東魏求成于梁

梁交州司馬陳霸先討李賁平之

魏以宇文泰為太師

夏五月兩月夜見

梁遣使如魏

秋七月朔日有食之

東魏遣兵略地江淮取梁二十三州

侯景反以誅梁朱异為名

梁主遣其從子蕭正德督軍屯丹陽正德叛

引侯景渡江

侯景圍梁主于臺城縱兵大掠以蕭正德借

號江子一兄弟赴敵死

梁湘東王繹移檄遣兵赴援

侯景擊邵陵王綸兵大潰

梁鄱陽王範等將兵入援封山侯正表以鍾

離叛附侯景

梁散騎常侍韋粲等各以兵入援推柳仲禮

為大都督以討侯景

○梁太清三年 魏大統十五年 東魏武

侯景襲梁援兵散騎常侍韋粲死之柳仲禮

討景敗之

梁朱异死

侯景求和梁以為大丞相與之盟

梁湘東王繹次于武城與河東王譽桂陽王

緯皆淹留不進

梁臺城陷侯景自稱大都督錄尚書事蕭綸

奔合稽柳仲禮等叛降景景廢蕭正德為大

司馬

梁東徐北青州及淮陽郡降于東魏東魏遂

取青州及山陽郡

梁蕭繹歸江陵

夏五月梁主衍餓死于淨居殿子綱立是為蕭文

東魏攻魏潁川克之

梁蕭繹自稱假黃鉞大都督中外諸軍承制

侯景誅蕭正德

蕭正德與景同反者也怨景責已景殺之

而以誅書何正德為子則不孝為臣則不

忠乃天地間罪人也人人得而誅之幸而

不正於典刑而為同惡者所殺殺之之人

雖非而其所殺者則有罪者也以誅書之

垂戒萬世

梁永安侯確謀討侯景不克而死

東魏高澄為盜所殺

侯景陷梁吳興太守張嶮御史中丞沈浚死

之

梁蕭繹與其從子蕭譽蕭譽交兵繹弟綸以書諭繹不從

梁合州刺史鄱陽王範以州附于東魏以乞師

梁蕭繹遣兵攻其從子啓啓乞師于魏

侯景陷錢唐會稽執梁刺史蕭大連

梁始興太守陳霸先起兵討侯景

東魏取梁司州盡有淮南之地

○庚子梁主綱大寶元年北齊高洋天保十六年東魏武定八年東魏高洋自爲丞相都督中外諸軍錄尚書

事齊王

梁以陳霸先爲交州刺史

梁蕭綸自稱都督中外諸軍承制

梁前太守祖皓起兵復廣陵既而城陷卒

梁蕭繹殺其從子河東王譽

梁蕭繹始移檄討侯景

東魏高洋篡位國號齊是爲廢東魏王善見

爲中山王是廢東魏王

梁武陵王紹始遣其子將兵赴援次于白帝

魏立蕭譽爲梁王

梁高州刺史李遷仕反高涼太守馮寶妻沈氏討平之

婦人以兵討賊始見于此

侯景陷梁江州及豫章

齊始立九等戶富者稅其錢貧者役其力

梁蕭繹取郢州逐其弟綸侯景襲綸奔齊

齊以爲梁王

侯景自稱漢王

魏宇文泰伐齊不戰而還

魏初作府兵

府兵之制始此

○辛未梁大寶二年八月以後梁主棟大正元年魏大統十七年北齊天保二年

魏主寶炬殂子欽立是爲廢帝

齊以梁蕭繹爲梁相國承制

梁徐文盛伐侯景敗之

梁蕭繹遣王僧辯討侯景克郢州誅景將宋

子仙

梁蕭繹誘執其弟紀之子圓正

秋八月侯景廢梁主綱弑之并殺其子大器

立豫章王棟旣而廢之

侯景潛號于建康國號漢

高洋弑東魏故主善見

申○梁主紀承聖元年魏主欽元年北齊

梁湘東王繹遣王僧辯陳霸先討侯景景敗亡走吳

梁蕭繹殺豫章王棟

梁武陵王紀立于成都

侯景伏誅

東魏故后高氏適齊楊愔

楊愔亦嘗仕于東魏一旦國亡君弑而妻

其母后禽獸之為也書之于冊遺穢萬年

梁以王僧辯為司徒陳霸先為征虜將軍開

府儀同三司

梁蕭繹誅王偉

梁湘東王繹立于江陵是為元帝

癸○梁承聖二年魏主欽二年北齊天保

魏宇文泰自加都督中外諸軍事

梁蕭紀擊江陵魏遣將圍成都以救之

梁蕭紀衆潰梁王殺之及其諸子

甲○梁承聖三年魏主廓元年北齊天保

梁侵齊

魏始作九命九秩之典

後世以九叙品始此

魏宇文泰廢其主欽而立齊王廓復姓拓跋氏是為恭帝

魏遣使如梁

梁以陳霸先為司空

宇文泰弑故魏主欽

梁主繹講老子於龍光殿

魏伐梁入江陵執梁主繹殺之

魏取襄陽徙梁王譽于江陵

梁王僧辯陳霸先奉晉安王方智承制

乙○梁主淵明天成元年十月以後方智承制

梁王蕭譽立于江陵是為後梁宣帝

齊立梁貞陽侯蕭淵明以兵納于梁

梁晉安王方智立為梁王是為敬帝

齊人克梁東關

梁王僧辯奉淵明入建康降方智為太子

齊大發民築長城



齊以道士為沙門

梁陳霸先殺王僧辯廢淵明復立方智稱藩

于齊

梁陳霸先自為尚書令都督中外諸軍事

梁社龍據吳興叛徐嗣徽任約襲建康不克

齊兵援之戰敗嗣徽約奔齊

子丙

○梁紹泰二年九月以後太平元年  
北齊大保七年

魏初建六官

徐嗣徽引齊師侵梁陳霸先敗之誅嗣徽

梁陳霸先自為丞相錄尚書事

魏宇文泰死子覺為大師柱國大冢宰安定

公泰兄子中山公護輔之

魏宇文護自加覺為周公

齊築長城

丑丁

○梁太平二年後梁大定三年  
先永定元年魏主廟四年  
八年周主覺元年七月以後魏元年

宇文護立宇文覺為天王國號周

廢魏主廓為宋公護自為大司馬

至十三年魏自道武帝  
至一百六十八年

周宇文護殺其冢宰趙貴

周宇文護自為大冢宰

周宇文護弒故魏主廓

梁陳霸先遣兵擊主琳于郢城

周人歸故梁主繹之喪于王琳

梁陳霸先自為相國陳公加九錫

周宇文護弒其君覺及其柱國李遠立寧都

公毓

梁陳霸先篡位國號陳

江陰王

梁王琳及陳人戰敗之遂克江州

齊人於長城內築重城

光緒二十六年

世史正綱卷十四

世史正綱卷十五

南北朝世史

南

陳姓陳氏  
都建康

北

北齊姓高氏  
都鄴

周姓宇文氏  
都長安

戊寅○後梁大定四年陳末定二年北齊天

梁王琳伐陳遣使乞師于齊

周宇文護自為太師

齊以王琳為梁丞相立永嘉王珩于郢州

陳霸先弒故梁主方智

齊以高演錄尚書事

齊主洋幽其弟浚渙于地牢殺之

卯巳○後梁大定五年陳永定三年北齊天

周改都督為總管

夏五月朔日有食之

齊高洋殺魏宗室二十五家又殺元氏七百

二十一人

陳主霸先死兄子蒨立是為文帝

戊集

周宇文毓始僭帝號

齊主高洋死子殷立是為濟南王

庚辰○後梁大定六年陳主高洋天嘉元年北

齊主殷乾明元年周主高洋建元

梁丞相王琳伐陳敗績與梁主莊奔齊

齊高演殺尚書令楊愔等自為丞相都督中

外諸軍事

陳遣使如周

周宇文護弒其君毓立毓弟邕是為武帝

齊高演廢其主殷為濟南王而自立是為孝昭

辛巳○後梁大定七年陳天嘉二年北齊主

周宇文護自加都督中外諸軍事

齊以梁王琳為揚州刺史

夏四月朔日有食之

周鑄布泉錢

齊高演弒其故主殷

冬十月朔日有食之

齊主演死弟湛立是為廢其太子百年為樂

陵王

陳立鹽鐵權酤法

○後梁天保元年陳天嘉三年以後周保定二年

齊以和士開為黃門侍郎

陳改鑄五銖錢

齊始聘陳

後梁主督卒子歸立

陳安成王瑱歸自周

秋九月朔日有食之

齊主湍烝故后李氏殺其子紹德

○後梁天保二年陳天嘉四年以後周保定三年以後北齊河

春三月朔日有食之

周主養老于太學

○後梁天保三年陳天嘉五年以後周保定四年以後北齊河

齊主及周師戰于晉陽周師敗績

春二月朔日有食之

周初令百官執笏

古者笏以記遺忘而已執以為禮始此

夏六月白虹貫日齊主湍殺前太子百年

秋八月朔日有食之

周封李明為唐公

唐之基兆于此

齊人歸宇文護母于周

周宇文護會突厥侵齊

齊人大敗周師于洛陽

周滅宕昌置宕州

○後梁天保四年陳天嘉六年以後周保定五年以後北齊河

周遣使如突厥逆女

夏四月彗星見

齊主湍傳位於其子緯後主自稱太上皇帝

以祖珽為秘書監

秋七月朔日有食之

○後梁天保五年陳太康元年以後周天和元年以後北齊天

春正月朔日有食之

陳以孔奭為太子詹事

陳主衛卒子伯宗立是為陳

陳以安成王瑱為司徒錄尚書事徐陵為吏

部尚書

齊始用士人為縣令

○後梁天保六年陳主伯宗光大元年以後周天和二年以後北齊天

春正月朔日有食之

陳陳頊忌中書舍人劉師知僕射到仲舉殺之

齊以東平王儼為司徒領御史中丞坐舍光殿視事

周人梁人會華皎侵陳敗績

冬十一月朔日有食之

○後梁天保七年陳光大二年北齊天統四年周天和三年

陳陳頊自為太傅領司徒加殊禮

周納突厥女阿史那氏為后

夏六月彗星見

冬十一月朔日有食之

陳陳頊廢其君為臨海王殺始興王伯茂

齊故主湛卒

○後梁天保八年陳主頊太建元年北齊天統五年周天和四年

陳陳頊篡位宣帝

齊出胡后發臣和士開為兖州刺史既而留

之太尉趙郡王叡以諫被殺復以士開為僕

射

齊主以其嬖臣高阿那肱為尚書令韓長

為領軍宮婢陸令萱為女侍中令萱子穆

陳周復通好

○後梁天保九年陳太建二年北齊武平元年周天和五年

齊以斛律光為右丞相

陳廣州刺史歐陽紇反討斬之封陽春太守

馮僕母洗氏為石龍太夫人

陳陳頊弒故梁主方智

齊以和士開為尚書令

陳遣兵攻梁周人救之

冬十月朔日有食之

齊以梁蕭詧為梁王

○後梁天保十年陳太建三年北齊武平二年周天和六年

齊周戰于汾北周師敗績

夏四月朔日有食之

齊主弟儼殺和士開

齊主殺其弟儼贈楚恭哀帝

齊主緝幽其母胡太后于北宮傳墨獻伏誅

○後梁天保十一年陳太建四年北齊武平三年周天和七年三月以後建德元年

齊祖璉以諂陸令萱得為僕射

春三月朔日有食之

周主討其太師宇文護誅之

尹起莘曰權臣專制人君欲去之未有不反貽禍敗者觀曹昭曹景之類可見矣後世遂以權臣為不可去往往付之無可奈何而遂已後周誅鋤大慙不動聲色除積年根據之患於一旦俄頃之間然後知大奸未有不可去之理特患人君無其志爾

周遷宇文護書記庾季才大中大夫

周主親政以其弟齊公憲為大冢宰衛公直為大司徒

齊主緯信祖璉讒殺其左丞相咸陽王斛律光專以祖璉主機衡知騎兵外兵事

齊主廢后斛律氏立太后兄女胡氏又立穆氏為右后而以胡氏為左尋又廢胡氏

秋九月朔日有食之

癸巳後梁天保十二年 陳太建五年 北齊武平四年 周建德二年

陳取齊江北州郡

齊出祖璉為北徐州刺史

齊主殺其蘭陵王長恭

齊主遊南苑其從官喝死者六十人

陳敗齊師取山陽廣陵等城

周納隋公楊堅女為太子嬪妃

隋築局北于此

陳克齊壽陽執梁王琳遂取徐州等城

齊主立婢馮氏為淑妃

甲午後梁天保十三年 陳太建六年 北齊武平五年 周建德三年

春二月朔日有食之

周太后叱奴氏卒周主行三年喪

夏四月彗星見

周廢佛道教

周更鑄五行大布錢

乙未後梁天保十四年 陳太建七年 北齊武平六年 周建德四年

春二月朔日有食之

夏四月有星孛于大角

周遣使如齊齊人留之

周主伐齊

冬十二月朔日有食之

丙申後梁天保十五年 陳太建八年 北齊武平七年十二月 隋化元年 周建德五年

夏六月朔日有食之

周主自將伐齊取平陽而還齊主偕其妃馮氏來攻之周主復至齊主大敗奔鄴穆提婆降周

周主以齊叛臣穆提婆為柱國

晉陽人立齊安德王延宗周主執之

丁酉○後梁天保十六年陳太建九年北齊主恒承光元年周建德六年

齊高緯傳位於其幼子恒周師圍鄴緯出走

周主入鄴齊鮮于世榮死之

周主贈齊故左丞相斛律光官

齊丞相高阿那肱引周師追其主緯及太子

恒獲之是歲北齊亡六主二十八

齊廣陵王孝珩任城王潛起兵信都為周所執

梁主朝周于鄴

周封高緯為溫公尋殺之夷其族

周主毀其宮室之壯麗者

冬十一月晦日有食之

齊范陽王紹義立于北朔州

戊戌○後梁天保十七年陳太建十年周主宣政元年

周攻彭城獲陳將吳明徹周主初製紗縠服之

此後世縠頭之始嗚呼自有此製以來三代古制遂不可復

周主邕伐突厥有疾而還卒其子贇立宣帝

以鄭譯為內史中大夫委以朝政

周主贇殺其叔父齊王憲

周立后楊氏

齊高紹義奔突厥

周以后父楊堅為上柱國大司馬

陳主及其群臣盟乙亥○後梁天保十八年陳太建十一年周主闡大象元年

周主殺其徐州總管王軌官正宇文孝伯

周主贇傳位於其子闡諤帝自稱天元皇帝

立妃朱氏為天元帝后

周楊堅遣諸王皆就國

周鑄永通萬國錢當千

周初作乞寒胡戲

周取陳江北地

子庚○後梁天保十九年陳太建十二年周主大象二年

周前主贊立五后

夏五月周前主贊卒隋公楊堅自為大丞相  
假黃鉞居東宮徵諸王還長安

周復佛道二卷

周相州總管公尉遲迥舉兵討楊堅

楊堅殺周宗室畢王賢趙王招越王盛陳王

純代王遼滕王道

周青州總管尉遲勤鄆州總管司馬消難各

舉兵應相州

周楊堅自加都督中外諸軍事

周益州總管王謙起兵于蜀

周尉遲迥兵敗死之

冬十月甲寅日有食之

周楊堅自為相國隋王加九錫

辛丑○後梁天保二十年陳太建十三年周  
六象三年二月以後隋主堅開皇元年

春二月周楊堅逐其主居別宮篡位國號隋

是為  
文帝

隋改周官名

隋主堅追尊其考為武元帝立其妻獨孤氏

為后子勇為太子諸子皆為王

楊堅廢其主闢為介公廢周太后楊氏以為

樂平公主盡滅宇文氏之族是歲周亡五

隋主謀併江南以賀若弼為吳州總管韓擒

虎為廬州總管

隋以蘇威為納言威奏減賦役

隋放散樂禁雜戲

隋築長城

楊堅弑其故主闡

隋定服色始服黃

後世人君服黃始此

隋侵陳

隋復鑄五銖錢

隋上柱國鄭譯有罪除名

隋初行新律

後世以笞杖徒流死定罪始此死刑二絞

斬流刑三自二千里至三千里徒刑五自

一年至三年杖刑五自六十至百笞刑五

自十至五十又制議請減贖官當之科以

優士大夫除訊囚酷法考掠不得過二百

行杖者不得易人枷杖大小咸有程式民

有枉屈縣不為理者聽以次經郡州者若  
仍不為理聽詣闕伸訴自是法制始定凡  
前代所謂梟輶鞭法盡去之矣唐得天下  
制律一本乎此後世因之遂為百世通行  
之法

隋聽民出家賦錢造佛圖經像

天立君以安民故民出財力以奉君以為  
官闕朝廷郊廟學校軍國邊鄙之費雖曰  
奉君其實以安已也佛於生人有何所益  
乃至計口賦錢以為之寫書造像哉

周千金公主以突厥兵為周復讎伐隋

壬寅○後梁天保二十一年 陳太建十四年

陳主瑱死其次子叔陵作亂伏誅子叔寶立

隋以其諸子為行臺尚書令

陳遣使請和于隋

隋罷江陵總管梁主始專制其國

秋七月陳京口至荊州江水如血

八月夜有聲如風水相擊

○後梁天保二十二年 陳主叔寶至德元

春二月朔日有食之

隋遷于新都

隋弛酒鹽禁

隋詔求遺書

隋遣衛王爽伐突厥大破之

陳郢州叛降隋弗納

隋命左右僕射分判六部

六部之名始見于隋

隋與突厥盟

秋八月朔日有食之

隋罷郡為州

隋更定律置博士

隋沿河置倉運粟以給京師

庚申○後梁天保二十三年 陳至德二年 隋

春正月朔日有食之

梁主入朝于隋

隋作廣運渠鑿渭水至潼關

隋令公私文翰並宜實錄

隋與突厥和親

隋遣使如陳



東起臨春結綺望仙閣

乙未 後梁天保二十四年 陳至德三年 隋

春正月朔日有食之

隋初作義倉

此後世義倉之始度支尚書長孫平奏令

民間每秋家出粟麥一石以下貧富為差

儲之當社以備凶年名曰義倉民以為便

後世置倉于州郡主之不得其人行之不

得其道施之而不盡其委曲之計適足以

為民之害而已況欲賴其救饑荒之民哉

梁主歸卒子琮立

突厥遣子入朝于隋

陣中書通事舍人傅縡以直諫被殺

隋築長城

丙午 後梁主琮廣運元年 陳至德四年 隋

党項羗請降于隋

隋頒曆于突厥

頒曆外夷始此

隋制刺史上佐每歲入朝考課

丁未 後梁廣運五年 陳煬明元年 隋開皇

隋制諸州置貢士三人

隋開揚州山陽瀆

夏五月朔日有食之

秋九月隋滅梁是歲後梁亡三主三十三

陳臨平湖開陳主自賣於佛寺以厭之

西域大食人始至中國

此中國有回回人之始其國在玉門關外

萬里國俗惟祀天不為像設至是始有航

海至廣州者始於其地創寺禮拜然猶未

盛也至金元以後始蔓延于中國在在而

有所至輒相親而守其所謂教門者尤篤

云

戊申 隋煬明二年

隋遣晉王廣統諸軍侵陳

巳酉 隋煬明三年

隋滅陳獲其主叔寶斬張麗華誅其同惡施

文慶沈客卿陽慧朗徐祈暨慧景是歲陳亡

三年

金履祥曰孟子言不仁而得天下未之有

也孟子以前未有不仁而得天下之事但

夷羿寒浞本身即已誅滅孟子以後固多有不仁而得天下者矣不但一再傳失之然子孫誅滅殆無遺類不止於猶不得而

已孟子之言未嘗不驗也

陳湘川刺史陳叔慎起兵長沙

陳馮魂以嶺南地降于隋

隋世史姓楊氏都長安

隋文帝諱堅

隋主堅開皇十年

殺楚州參軍李君才於殿內

令軍人悉屬州縣

制民年五十免役收庸

江南亂以楊素為行軍總管討平之

以定嶺表功封故刺史馮寶妻洙氏為譙國

夫人

隋開皇十一年

平鄉令劉曠有異政擢荊州刺史

春二月晦日有食之

隋主以舊憾殺其弟滕王瓚

隋開皇十二年

秋七月晦日有食之

以楊素為僕射與高熲專掌朝政領軍大將軍賀若弼除名

免河北河東功調減田租

遣使均田

隋開皇十三年

作仁壽宮

禁藏讖緯

秋七月晦日有食之

隋開皇十四年

行新樂

始給公卿以下職田

詔高仁英蕭瑄陳叔寶脩其宗祀官給器物

齊州刺史盧賁坐民饑閉羅除名

隋開皇十五年

收天下兵器

鑿底柱

收盜邊糧升以上皆斬

詔文武官以四考受代

隋開皇十六年

初制工商不得仕進

詔死罪三奏然後行刑

丁巳隋 開皇十七年

詔諸司論屬官罪聽律外決杖

戊午隋 開皇十八年

高麗寇遼西遣漢王諒討之

隋伐高麗始于此

禁畜猫鬼

置行宮十二所

書行宮始此

隋 開皇十九年

遣楊素等分道伐突厥

隋主聽獨孤后諧除左僕射高穎名

庚申隋 開皇二十年

隋主遣晉王廣擊突厥

隋主聽獨孤后諧廢太子勇為庶人

立子廣為太子是日天下地震

辛酉隋 仁壽元年

春二月朔日有食之

夏六月大雷風雨宜君湫水移於始平

廢太學及州縣學專攻國子學為太學

戊巳隋 仁壽二年

廢蜀王秀為庶人

獨孤后死

癸亥隋 仁壽三年

詔父存喪母不宜有練

龍門王通獻策

甲子隋 仁壽四年

夏六月有星入月

長人見于鴈門

隋主堅有疾其子廣弑之而自立是為煬帝殺故

太子勇

以洛陽為東京

漢王諒以討楊素為名舉兵

隋煬帝諱廣文帝子

丑乙隋 主廣大業元年

命楊素管東京宮室

開通濟渠引汴水開邦溝入淮置離宮造龍

舟

大破林邑

隋書

秋八月廣如江都

其時煬帝名者何用莽溫仲也弑父之賊  
與君之罪同科

丙寅隋大業二年

始進士科

後世進士之科始此

楊素死

置洛口回洛倉

徵天下散樂

丁卯隋大業三年

春正月長星竟天

二月彗星見

廣殺故太子子八人

改州為郡

廣北巡次榆林郡突厥可汗來朝

築長城

殺太常卿高穎尚書宇文弼光祿大夫賀正

弼免僕射蘇威官

以裴矩為黃門侍郎經畧西域

辰戌隋大業四年

開永濟渠

如五原遼東長城

復築長城

秋九月彗星見

己巳隋大業五年

改東京為東都

禁民間兵器

廣巡河右遣兵擊吐谷渾西域諸國來朝置

西海等郡

殺司隸大夫薛道衡

午庚隋大業六年

盜入建國門

諸蕃來朝陳百戲以示之

遣兵擊流求

流求之名始見于此

以王世充領江都宮監

穿京口至餘杭河

徵高麗王元入朝不至

辛未隋大業七年

隋主自將擊高麗徵天下兵會涿郡

不書煬帝名而書隋主何對夷而言主雖無道中國君也

山東河南大水

底柱崩堰河逆流

王薄張金稱高士達竇建德等兵起

隋大業八年

分西突厥為三部

大發天下兵百餘萬遣諸軍分道擊高麗宇文述等九軍大敗於薩水而還遂班師

山東大旱

逆賊張衡伏誅

張衡之死煬帝殺之耳何以書誅况衡之躬行弑逆為煬帝所使也在他人則可書誅廣乃首惡之人為得而誅之哉夫衡為人之臣則弑其君又為人之子弑其人之父以奸天位所謂元惡大憝人人得而誅之者也是時天下無君矣而居君之位者廣也天假廣之位以殺衡雖廣殺也實天誅之也然衡可誅則廣之罪不言可知矣

衡臨死大言曰我為人作何等事而望以

活後之人尚監張衡故言勿為人作此等

逆天悖理之事事不成則駢首以同戮事

幸成則殺身以滅口

隋大業九年

復徵天下兵集涿郡始募民為驍果

隋主復自將擊高麗

楚公楊玄感起兵黎陽圍東都

攻遼東城久不克聞玄感亂引軍還

劉元進起兵餘杭

楊玄感敗死

以唐公李淵為弘化留守

杜伏威起兵掠江淮

隋大業十年

復徵天下兵擊高麗

高麗遣使請降

冬十一月祀南郊大風

離石汲郡兵起

太史令庾質以直諫被殺

隋大業十一年

以識殺郎公李渾夷其族

孔雀集朝堂群臣以為鸞稱賀

以李淵為山西河東撫慰大使

巡北邊突厥入寇圍之於鴈門尋解

令江都更造龍舟

李子通起兵東海

朱粲起兵城父

隋大業十二年

分遣使者十二道發兵擊諸起兵者

大業殿災

夏五月朔日有食之既

納言蘇威以言盜賊除名

廣如江都殺諫者任宗崔民象王愛仁

翟讓李密兵起

林士弘建號于江南稱楚

以李淵為太原留守

張金稱敗死竇建德收其眾取饒陽

羅藝起兵涿郡

丁酉

大業十三年

李密稱長樂王

翟讓李密據興洛倉擊敗東都兵讓推密

起公

劉武周起兵馬邑取汾陽宮突厥立武周為

定楊可汗尋建號

梁師都起兵朔方建號稱梁

薛舉起兵隴西稱西秦霸王尋建號稱秦

李密攻東都入其郭

唐公李淵起兵太原遣使稱臣於突厥請兵

中國稱臣於夷狄始此

李軌起兵河西稱涼王

李密取黎陽倉

柴紹妻李氏及李神通段綸各起兵應淵

李淵入關群盜悉降

蕭銑起兵巴陵稱梁王

李淵克長安約法十二條除隋苛禁

李密殺翟讓

李淵立代王侑自為大丞相唐王淵以子建

成為唐王世子世民為秦公元吉為齊公

嗚呼唐室之興庶幾正矣乃狃於見聞之故而蹈昔人竊慕之故智實有欲得之心而又立勿君以輔之自為大丞相加殊禮然後取焉苟不於起兵之初傳檄天下聲隋唐弑逆之罪數其滔虐之惡播告四方興平民問罪之師豈不名正而言順理直而氣壯哉則其得國也雖不能如湯武之正然亦庶幾矣惜乎一時君臣不明大義此其創孽所以不及漢高也雖然其得國比之於他則固優矣

河池太守蕭瑀以郡降唐

屈突通降唐唐遣通招河東通守堯君素不下

唐王淵遣使徇巴蜀下之

隋恭帝場帝孫

戊大業十四年五月以後隋主侗皇泰元年

李淵遣其子建成元吉徇東都

隋人殺楊廣于江都立秦王浩

蕭銑稱梁帝于江陵脩復園廟

唐王淵稱皇帝

唐罷郡置州以太守為刺史

隋越王侗立于東都

唐諸律令置學校

唐以其子世民為尚書令裴寂為石僕射知政事劉文靜為納言竇威蕭瑀為內史令

唐立四親廟

唐立建成為皇太子世民為秦王元吉為齊王

唐高祖之得天下大抵出於秦王也使無秦王高祖且不得安其祿位保其身家况有天下之大哉高祖有言今日破家滅軀亦由汝化家為國亦由汝是則唐三百年之基業肇於秦王其當有天下無疑也高祖於是時盡召建成明諭以其基業所由興之故非世民無以有今日俾其明白推讓則建成有讓國之美世民無推刃之慚萬一建成不從則斷以大義封之豈阻之地世民苦遜則質以至誠察其由衷之言至再至三表裏面皆始終無間然後定儲貳之位必至於兩全而後已則父子之道

付兄弟之好終君臣之分定而國家安於

磐石矣

唐主淵廢隋主侑為鄴國公而選用其宗室

范祖禹曰唐高祖錄隋之子孫由漢以來

最為忘厚其享國長世宜哉

唐以萬年縣法曹孫伏伽諫擢治書侍御史

賜帛三百匹

范祖禹曰天下之勢如人一身必血氣周

流無壅而後能存諫者使下情上通上意

下達如氣血周流於一身也故言路開則

治言路塞則亡唐高祖鑒隋之所以亡首

闢言路可謂知所先務矣

唐以陳叔達為納言

李密降隋主侑

薛舉卒子仁果嗣唐擊之仁果降唐唐斬之

李密與隋戰敗降唐

隋宇文文化及弒其主浩僭號稱許

冬十月朔日有食之

朱粲建號稱楚

隋王世充自為太尉尚書令

李軌建號稱涼

徐世勣降唐賜姓李氏

唐遣李密收撫山東

竇建德稱夏王

唐以世民為陝東大行臺

河東人以城降唐隋守將堯君素死之

李密叛唐討斬之

高開道據漁陽稱燕王

唐以監察御史李素立執法擢侍御史

唐以舞胡安叱奴為散騎侍郎

隋高祖二年

唐定租庸調法

有田則有租有身則有庸有戶則有調每

丁租二石絹二匹綿三兩自茲以外不得

橫斂

唐令文武官終喪

唐置宗師以攝總宗姓

朱粲降唐既而奔東都

竇建德誅宇文文化及

隋宇文士及封德彝降唐唐以士及為上儀



同德彛為內史侍郎

王世充將秦叔寶程知節降唐

王世充篡位稱鄭廢隋主伺為潞國公尋弒

之

唐執李軌河西平

唐各立周公孔子廟于國子監

唐初置十二軍統關內諸府

唐殺其民部尚書劉文靜

沈法興稱梁王于毘陵

李子通建號于江都稱吳

杜伏威降唐

唐以李綱為太子少保

竇建德克唐黎陽虜李神通李世勣以父為

所執往降之

李世勣虜劉黑闥以獻竇建德

編以寅年二月二十三日古風集濟南以

世史正綱卷十五

戊集

世史正綱卷十六

○唐世史姓李氏都長安

高祖皇帝諱淵

唐高祖神堯皇帝武德三年

綱目武德七年始以大統予唐此大書於

三年何夫隋既亡則大統在唐矣彼竇建

德之徒乃群盜耳人心所歸是之謂王當

時天下人心歸唐久矣群盜固非其倫况

其未久又皆敗亡也哉

李世勣復來歸

突厥立揚政道為隋王

改官名以納言為侍中內史令為中書令

秦王世民大破宋金剛尉遲敬德降金剛及

劉武周皆走死

命涇州縣暴骨

帝聽妖人言立老子廟

遣秦王世民督諸軍伐鄭

高開道遣使來降

鄭遣使乞師于夏

吳敗梁兵取京口杜伏威擊之李子通敗走

龔沈法興法興走死

時唐武德四年

秦王世民圍王世充于洛陽高祖遣將軍尉遲敬德將兵救之世民擒建德世充降

秦王世民獻俘太廟赦王世充斬竇建德廢五銖錢

初行開通元寶錢

後世錢文用寶字始此五銖之後惟此錢輕重大小最為折中徑八分積十錢重一兩後世三銖四銖當十當千之類皆行之

不久惟此錢至今猶用之為千百年無窮之利

大赦給復一年

竇建德故將劉黑闥起兵潼南徐圓朗應之秋八月朔日有食之

括戶口

特置天策上將以授秦王世民世民開館延文學之士房玄齡等十八人分番進講

世傳十八學士登瀛洲蓋本諸此是時高祖在御建成為太子固無恙也而高祖乃

為秦王特置天策上將開府置屬而秦王

又自開館以延文學之士彼自延其府僚

各仍本官所謂記室參軍典籤之屬相與

講學而論治可也君父在上乃舍其職各

別立稱謂至形於丹青著為贊頌互相標

榜欲何為哉昔漢武帝為戾太子立博望

苑通賓客從其所好司馬氏猶謂正直難

親諂諛易合此固中人之常情宜太子之

不終也夫太子國之儲貳國乃其國君父

為之立苑通賓客謹微之君子猶以為非

況太宗乃藩王功高望重處危疑之地而

可使之日夜聚徒黨乎在太宗非導養之

道在高祖非教子之法而亦非所以安儲

位定國家也其後建成兄弟互相傾奪太

宗幾危而所以為太宗設謀効力以成其

基業者皆天策府中之人遂至推刃同氣

踈血禁庭以貽百世之譏太宗為三代以

後之令主而不免有慙德亦或因此哉

遣李孝恭李靖伐梁梁主蕭銑降以歸殺之杜伏威執李子通送長安

劉黑闥取定州總管李玄通死之

高開道叛稱燕王尋為其下所殺

冬十一月有事于南郊

命秦王世民齊王元吉擊劉黑闥

壬午武德五年

劉黑闥稱漢東王

秦王世民破劉黑闥黑闥奔突厥引突厥入

寇

秦王世民討徐圓朗杜伏威入朝

馮盎以所部嶺南八州來降

突厥入寇連破之遣使說頡利引兵還

林士弘卒其眾遂散

遣太子建成擊劉黑闥黑闥亡走

癸未唐武德六年

劉黑闥為其下所執以降斬之

以裴寂蕭瑀為僕射楊恭仁封德彝為中書

令

輔公祏反尋斬之

置屯田于并州

冬十二月朔日有食之

甲子武德七年

州置大中正

封高麗王建武為遼東王

置州縣鄉學

帝視國子監釋奠于先聖先師

改大總管府為大都督府

初定内外官制居官以五歲為限

頒新律令

初定口分世業法

制食祿之家不得與民爭利工商雜類無預

士伍

胡寅曰食祿之家無得與民爭利此以廉

恥待士大夫之美政也然古之仕者世祿

故仕則不嫁後世用人不慎升黜無常則

此制將有不可行者必也仕者視其品而

給之田進而任用則有祿以酬其勞置而

不用則有田以資其生必有大罪然後收

其田里如此則不特爭利之法可行而廉

恥之風益勸矣

突厥入寇遣秦王世民將兵禦之突厥受盟

而還

武德八年

詔許突厥吐谷渾互市

西突厥遣使請昏許之

復置十二軍

令太府檢校諸州權量

加秦王世民中書令

戊戌唐武德九年

詔太常少卿祖孝孫定雅樂

春二月有星孛于胃昴又孛于卷舌

初令州縣里閭各祀社稷

沙汰僧道省寺觀

夏六月丁巳太白經天已未太白復經天

秦王世民弑太子建成誅齊王元吉并殺其

子十人世民立為皇太子決軍國事

范祖禹謂為唐史者書曰秦王世民殺皇

太子建成齊王元吉立世民為皇太子則

太宗之罪著矣綱目從之今書秦王世民

弑太子建成何蓋世民於建成以家言則

兄也家之宗子也以國言則儲君也天子

之副貳也自高祖為唐王時已立建成為

王世子及即位又進為皇太子矣若臣

之分已定書之以弑彼又何辭然則為太

宗計奈何觀高祖謂太宗有曰首建大謀

削平海內皆汝之功吾欲立汝為嗣而汝

固辭則高祖本意固欲立太宗也太宗於

是時誠念天顯以為兄弟雖異形而實原

於父母之一氣在彼猶在此也真心推讓

退處藩服是故無得而議矣若不能然揣

之於已勢有不容已量之於彼力有不足

任則承高祖見命之意而不為虛辭以偽

讓恬然居之而不疑焉則彼雖有辭而吾

得以父命為據矣不知出此而父子兄弟

之間詭言偽貌以相臨強顏虛意以相容

懷機蓄智以相待一旦事激勢逼遂至喋

血禁庭推刃同氣以貽千古之譏其為太

宗累也大矣或曰溫公謂太宗始欲俟其

先發然後應之如此則事非獲已猶為愈

也嗚呼天理民彝至真至切不容一毫人

為智術之私俟之應之之言豈所以為於

骨肉手足之親哉若夫元吉以殺書而加以誅何蓋元吉之於二人均之為兄也為元吉則當問尋而和解之使之各止其所而兩全可也而元吉乃陰與建成圖害太宗幸其事成為異日并圖建成之地則是元吉非但得罪於太宗乃得罪於唐之宗社也非但太宗之罪人亦建成之罪人也其罪蓋不容誅矣若緊與建成一例書殺豈不失輕重之倫哉

復興僧道

以魏徵王珪為諫議大夫

帝自稱太上皇

廬江王瑗反王君廓殺之賜以瑗家口

以高士廉為侍中房玄齡宇文士及為中書

令蕭瑀封德彝為僕射

秋八月皇太子世民即位是為太宗

放宮女三千餘人

立妃長孫氏為皇后

突厥入寇盟于便橋而退

定功臣爵邑

禁淫祀雜占

置弘文館聚書精選文學之士虞世南等更

日宿直

冬十月朔日有食之

立子承乾為皇太子

降宗室郡王為縣公

景州錄事參軍張玄素以言政道擢侍御史

前幽州記室張縉古上大寶箴以為大理丞

太宗皇帝諱世民

太宗文武皇帝貞觀元年

制諫官隨宰相入閣議事

更定律令

分天下為十道

因山川形便分為十道曰關內河南河東

河北山南隴右淮南江南劔南嶺南

皇后帥內外命婦親蠶

春閏三月朔日有食之

命京官五品以上更宿中書內省

封德彝死

以蕭瑀為左僕射長孫無忌為右僕射

秋九月朔日有食之

以御史大夫杜淹參預朝政

以他官預政始此

以孫伏伽直諫擢為諫議大夫

令吏部四時選集併省吏員

貞觀二年

罷周公祠始以孔子為先聖顏回為先師

此後世學校專祀孔子之始前此所謂先

聖者周公也先師者孔子也後世特以

子配享孔子亦始于是晉宋以至於隋

亦專祀孔顏然未為定制也至是始定

春三月朔日有食之

關內旱饑遣使贖饑民鬻子者大赦

詔收瘞隋末暴骸

梁師都為其下所殺

隋末群盜至是盡滅

祖孝孫奏唐雅樂

殺瀛州刺史盧祖尚

復出宮女三千餘人

冬十一月有事于南郊

以王珪為侍中

詔舉堪為縣令者

貞觀三年

春正月耕籍東郊

以房玄齡杜如晦為左右僕射魏徵守秘書

監參預朝政

上旱徙居大安宮

中郎將常何薦馬周以為監察御史賜何綰

三百匹

秋八月朔日有食之

遣李靖統諸將分道討突厥

突厥突利可汗入朝

貞觀四年

春正月朔日有食之

以溫彥博為中書令戴胄參預朝政蕭瑀參

議朝政

帝從四夷請稱天可汗

蔡公杜如晦卒

行軍副總管張寶相擒突厥頡利可汗以獻

脩洛陽宮張玄素諫罷之

秋七月朔日有食之

勅百司詔勅未便者許執奏

詔定常服差等

三品以上服紫四品五品服緋六品七品

服綠八品服青

以李靖為右僕射

以侯君集參議朝政

除鞭背刑

高昌王麴文泰入朝

大有年

辛卯貞觀五年

詔僧道致拜父母

以金帛賜突厥贖男女八萬口

殺大理丞張繡古

詔議封建

冬十一月有事于南郊

開党項地為十六州

制自今決死刑者皆覆奏決日徹樂減膳

壬辰貞觀六年

春正月朔日有食之

群臣請封禪不許

置三師官

詔天下行鄉飲酒禮

省内外官定制為七百三十員

癸卯貞觀七年

以魏徵為侍中

造渾天黃道儀

縱死囚還其家復來歸獄詔赦之

歐陽脩曰堯舜三代之治必本於人情不

立異以為高不逆情以干譽

頒新定五經于天下

以長孫無忌為司空

帝奉太上皇置酒未央宮

甲午貞觀八年

遣黠陟大使分行天下

夏五月朔日有食之

營大明宮

李靖罷為特進三二日至中書平章政事

平章政事之名始此

吐蕃遣使入貢

此吐蕃通中國之始

中牟尉皇甫德參直言以為監察御史

紀唐貞觀九年

分民貲為九等

夏閏四月朔日有食之

五月庚子太上皇崩于垂拱前殿在位十九年

李靖擊吐谷渾破之

詔禮官議廟制

冬十月葬高祖于獻陵

以蕭瑀為特進參預政事

兩唐貞觀十年

以荆王元景等為諸州都督

以溫彥博為右僕射楊師道為侍中魏徵為

特進知門下省事

皇后長孫氏崩

禁上書告訐者

按太宗謂羣臣曰朕開直言之路以利國

也而比來上封事者多訐人細事自今復

有為是者朕當以讒人罪之范祖禹曰太

宗欲聞直言而惡告訐可謂明且遠矣此

為君為長之道也朱子書此於綱目以警

悟萬世人君使知過絕朋奸保全善類

治書侍御史權萬紀以言采銀黜之

定十道府兵之制

西唐貞觀十一年

定律令格敕

帝幸顯仁宮以魏徵諫而自省

春三月朔日有食之

詔行新禮

南平公主適王敬直始行婦禮

古者王姬下嫁於諸侯車服不繫其夫下

王后一等猶執婦道以成肅離之德蓋不

敢挾貴以驕其夫也自秦以後天子之女

乃為尊貴之稱曰主易其嫁娶之名曰尚

夫屈於妻舅姑下於婦父母不得畜其子

逆人倫之理反陰陽之常推原其故蓋始

於秦人尊君卑臣其來久矣至唐太宗女

適王珪子始與其妻坐受公主執筭盤饋

是後公主始行婦禮是雖珪之知禮亦由

太宗盛德有以容之也太宗女又有襄城



公主者適蕭瑀子帝欲為起第主餅曰婦  
事舅姑如子事父母定省朝夕所以養也  
而容別居據何理也觀其所言雖曰女子  
其天資之明識趣之高可敬也或曰後世  
欲為公主之制當如何而可曰品式儀衛  
畧如藩王之制親族姻婭一遵人家之禮  
以宗室及功臣為諸州世襲刺史  
秋七月穀洛溢詔百官極言過失  
以武士護女為才人

戊戌  
(唐)貞觀十二年

須氏族志

贈隋堯君素蒲州刺史

春閏二月朔日有食之

以高士廉為右僕射

吐蕃寇松州遣侯君集擊之

唐吐蕃之禍始于此

突厥分為兩可汗

紀(唐)貞觀十三年

加房玄齡太子少師領度支

永寧公王珪卒

停世封刺史

帝如九成宮中郎將突厥結社率有

代詩

夏五月早詔五品以上言事無微上跪論十

漸

立李思摩為突厥可汗師發洛還舊部

秋八月朔日有食之

以楊師道為中書令劉洎黃門侍郎參知政

參知政事之名始此

太史令傅奕卒

庚(唐)貞觀十四年

帝視國子監命祭酒孔穎達講孝經增築學

舍增廣生員

命孔穎達會諸儒撰五經正義

侯君集擊高昌滅之以其地為西州置安西

都護府

詔定衣服之制

辛(唐)貞觀十五年

以帝女嫁吐蕃

命呂才判定宅葬祿命等書

夏五月有星孛于太微從宿遂良請罷明年封禪

起復于志寧為太子詹事

書起復始見于此

遣陳大德使高麗

并州長史李世勣守邊有功以為兵部尚書薛延陀攻突厥遣李世勣討破之

唐貞觀十六年

括浮民附籍

以岑文本專知機密

詔太子用庫物有司勿為限制

以長孫無忌為司徒房玄齡為司空

宇文士及死

高麗泉蓋蘇文弑其王建武

癸亥唐貞觀十七年

帝臨魏徵第視疾

鄭公魏徵卒帝為製碑

圖功臣于凌煙閣

帝命圖畫功臣長孫無忌趙郡王孝恭杜

如晦魏徵房玄齡高士廉尉遲敬德李靖

蕭瑀段志玄劉弘基屈突通殷開山柴紹

長孫順德張亮侯君集張公謹程知節虞

世南劉政會唐儉李世勣秦叔寶凡二十

四人

皇太子承乾謀反廢為庶人立晉王治為皇

太子貶魏王泰為東萊郡王

制自今太子失道藩王窺伺者兩棄之

侯君集伏誅而取其妻子

以長孫無忌兼太子太師房玄齡兼太傅蕭

瑀為太保李世勣為詹事瑀世勣並同中書

門下三品

同三品之名始此

制太子見三師儀

黃門侍郎劉洎以太子希見言宜勤學問親

師友

夏六月朔日有食之

遣使問高麗王藏為遼東郡王

碑魏徵碑

房玄齡等上高祖今上寶錄

新羅乞兵伐高麗遣使諭之蓋蘇文不奉  
謀臣高麗李世勣勸之褚遂良諫不聽  
詔封德彝贈諡

甲寅貞觀十八年

以劉洎為侍中岑文本馬周為中書令

以褚遂良為黃門侍郎參預朝政

郭孝恪擊焉耆執其王

高麗遣使入貢不受

冬十月朔日有食之

帝如洛陽

以張亮李世勣為行軍大總管下詔諭天下

親征高麗

乙未貞觀十九年

春正月帝發洛陽

封比干墓

李世勣等拔蓋牟等城

以所克高麗城置遼州巖州

秋九月攻安市城不下詔班師

遣使祀魏徵復立所踣碑

祭戰亡士卒

贖諸軍所虜高麗民萬四千口

殺侍中劉洎

丙午唐貞觀二十年

遣大理卿孫伏伽等以六條察四方

帝還京師

詔皇太子聽政

殺刑部尚書張亮

春閏三月朔日有食之

遣李世勣擊薛延陀降之勅勅諸部遣使請

吏

蕭瑀乞為僧賤商州刺史

冬十二月帝生日罷燕樂

幸房玄齡第

丁未唐貞觀二十一年

以勅勅諸部為州府其酋長為都督刺史

范祖禹曰先王御夷狄不以利誘不以威

脇故不勞民不費財至於後世之君或讎

疾而欲殄滅之或愛悅而欲招來之二者

皆非也何則彼夷狄亦人類也王者於天

地間物無所不養況人類而欲殘之乎殘

之固不可況不能勝而欲自殘其民乎仁  
人之所不為也為之者秦始皇是也山川  
之所限風氣之所移得其地不可居得其  
民不可使列為州縣是崇虛名而受實弊  
也且得之既以為功則失之必以為恥其  
失之不在已則在子孫故有征討之勞鎖  
餉之煩民不堪命而繼之以亡隋煬帝是  
也人君類忽近而喜遠厭故而謀新雖或  
未至於亡而常與之同事其累德豈細哉  
皇太子釋菜于太學

始以左丘明等二十二人從祀孔子

此後世以儒先從祀孔子廟庭之始左丘  
明卜子夏公羊高穀梁赤伏勝高堂生戴  
聖毛萇孔安國劉向鄭衆杜子春馬融盧  
植鄭玄服虔何休王肅王弼杜預范甯賈  
逵也

復伐高麗以牛進達李世勣為行軍大總管  
立故巢刺王妃所生皇子明為曹王尋以繼  
刺王後  
發江南工人造大舡

遣將擊龜茲尋執其王

貞觀二十二年

作帝範以賜太子

以崔仁師為中書侍郎兼知機務

遣薛萬徹擊高麗

以長孫無忌檢校中書令

充容徐氏上書諫征伐管絃

遣使往天竺因襲擊之執其王

以讖言殺武衛將軍李君羨

司空梁公房玄齡卒遣表諫伐高麗

秋八月朔日有食之

以褚遂良為中書令

回紇吐迷度為其下所殺詔立其子婆闍

回紇始見于此

貞觀二十三年

春三月帝有疾詔太子聽政

夏四月帝如翠微宮

出李世勣為揚州都督

衛公李靖卒

己巳帝崩于含風殿長孫無忌褚遂良受命

詔輔皇太子還宮發喪葬位二十三年  
罷遼東兵

以于志寧張行成爲侍中高季輔爲中書令  
六月皇太子浹卽位是爲高宗

改官名犯先帝諱者

周人以諱事神故於先世之諱祭祀之際  
尤嚴焉然禮不諱嫌名二名不偏諱詩書  
不諱後世乃至以理易治以代易世諱晉  
而不稱進士之名諱桓而併改音完之字  
則太甚矣雖然臨文讀書嫌名二名固可

以不諱也若夫命名之際則不可不謹焉  
夫嫌名固不諱矣若姓同於國者名字偶  
有犯於嫌音疑似之間可但已乎二名固  
不諱矣然以祖宗廟諱爲己之名稱及以  
命其子孫可乎故雖君上不爲之禁而凡  
爲臣子者心有所不安則耳有所不忍聞  
口有所不忍道也

以長孫無忌爲太尉徵李勣還爲開府儀同  
三司並同三品

秋八月河東地震晉州尤甚

以李勣爲左僕射

葬昭陵

冬十一月晉州地再震

世史正綱卷十七

○唐世史

高宗皇帝諱治太宗子

戊戌唐高宗皇帝永徽元年

立妃王氏為皇后

以張行成為侍中

詔日引刺史入閣問民疾苦

夏四月朔晉州地震

六月晉州地又震

詔衡山公主侯三年喪畢成昏

高祖擊突厥車鼻可汗擒之

癸亥唐永徽二年

以黃門侍郎宇文節中書侍郎柳奭同三品

以于志寧張行成為僕射同三品高季輔為

侍中

冬十月晉州地震

壬子唐永徽三年

梁建方大破處月朱邪於牢山

朱邪之名始見此

以褚遂良為吏部尚書同三品

帝御安福門樓觀百戲

以宇文節為侍中柳奭為中書令韓瑗為黃

門侍郎同三品

立子忠為皇太子

以中書侍郎來濟同三品

丑癸唐永徽四年

房遺愛及高陽公主謀反伏誅遂殺吳王恪

流江夏王道宗

罷梁公房玄齡配饗

以李勣為司空

秋八月隕石于馮翊有聲如雷

以褚遂良為右僕射

卯唐永徽五年

以大宗才人武氏為昭儀

夏閏四月帝在萬年宮夜大水漂溺三十餘

人

恒州大水

武昭儀自殺其女誣皇后

帝及武昭儀幸長孫無忌策賜無忌金綰十

車以其庶子三人為朝散大夫

卯乙 唐 永徽六年

遣將擊高麗

以韓瑗為侍中來濟為中書令

壁州司馬李義府表請立武氏為后特以為

中書侍郎

始置員外同正官

員外之名始此

以許敬宗為禮部尚書

帝欲立武氏褚遂良韓瑗來濟爭之貶遂良

潭州都督

李勣許敬宗勸立武氏

廢皇后王氏為庶人立武才人為皇后

帝命百官四夷朝后于肅義門

后初立百官朝始此

命內外命婦入謁

後世命婦朝后亦自此始

以李義府參知政事

武氏弒故后王氏

辰丙 唐 顯慶元年

春正月改元

自漢武帝建元以來一主往往有數改元

者至唐高祖之武德太宗之貞觀一號紀

年用以終世高宗輕變父祖之成憲其後

乃至一年一元甚有改稱僅一二月而遽

止者

廢皇太子忠

立武后子弘為皇太子

贈武后父士護司徒賜爵周國公

免山東丁役

詔以高祖配昊天于園丘太宗配五帝于明

堂

丁酉 唐 顯慶二年

以李義府兼中書令

禁舅姑拜公主父母拜王妃

許敬宗誣韓瑗來濟與褚遂良為亂貶瑒等

遠州刺史

以許敬宗為侍中杜正倫為中書令

以洛陽為東都

禁僧尼受父母及尊者拜

戊午 唐 顯慶三年

頒新禮

以許敬宗為中書令辛茂將為侍中

愛州刺史褚遂良卒

紀唐顯慶四年

以于志寧同三品許圜師參知政事

許敬宗誣太尉趙公長孫無忌謀反詔削其

官封黔州安置

改氏族志為姓氏錄

以許圜師為侍中

殺長孫無忌柳奭韓瑗籍沒其家

貶于志寧為涿州刺史

庚唐顯慶五年

遣將擊契丹

夏六月朔日有食之

遣蘇定方擊百濟降之

初令皇后決百司奏事

遣三大總管擊高麗

辛唐顯慶六年二月以後龍朔元年

後遣行軍六總管率三十五軍擊高麗

帝及后幸李勣許圜師第

夏四月晦日有食之

以西域諸國為州府

武唐龍朔二年

改侍中為左相中書令為右相

鐵勒入寇鄭仁泰敗之

以許圜師為左相

以許敬宗上宮儀同三品

西突厥寇庭州刺史來濟死之

武唐龍朔三年

以李義府為右相既而以罪除名流嶺州

吐蕃併吐谷渾

吐谷渾自晉永嘉有國至是吐蕃取之凡

三百五十年

秋八月彗星出于左攝提

孫仁師攻百濟拔之

遣使按察十道

神唐麟德元年

以皇子殷王旭輪遙領單于大都護

以劉祥道竇德玄為左右相

帝與宦者王伏勝同三品上官儀謀廢武氏



不果武氏使詐敬宗誣儀伏勝與廢太子忠謀逆殺儀及伏勝賜忠死

帝與武氏同聽政

以樂彥璋孫處約同三品

乙巳唐麟德二年

以姜恪同三品

春閏三月朔日有食之

以陸敦信為右相

帝東巡

幸壽張民張公藝家

大有年

丙寅唐乾封元年

春正月封泰山禪社首

車駕還過曲阜祠孔子贈以太師至亳州尊

老聃為太上玄元皇帝

李義府死

夏四月帝還京師

以李勣為遼東行臺大總管擊高麗

以劉仁軌為右相

武氏以舊憾殺其兄子惟良懷遠

丁巳唐乾封二年

以楊弘武戴至德李安期張文瓘趙仁本並同三品

秋八月朔日有食之

戊辰唐乾封三年三月以後總章元年

春二月皇太子釋奠于國學

夏四月彗星見于五車

李勣拔平壤高麗王藏降

分高麗地為州縣立安東都護府

以姜恪閻立本為左右相

京師山東江淮旱饑

己巳唐總章二年

以李敬玄郝處俊同三品

始以同三品入銜

徙高麗人於江淮山南京西諸州

夏六月朔日有食之

秋九月大風海溢

李勣死

定銓注法以身言書判取人

以言書判取人可也以身取人而求其體

貌豐偉焉如是則體若不勝衣之趙文子  
容貌若婦人女子之張良不在所取矣烏  
在其為良法哉

庚午唐總章三年三月以後咸亨元年

春二月東南有聲如雷

夏六月朔日有食之

薛仁貴擊吐蕃敗績

關中旱饑

武后以旱請避位

加贈后父武士彠為太原王

遣姜恪擊吐蕃

詔官名復舊

辛未唐咸亨二年

冬十一月朔日有食之

壬申唐咸亨三年

吐蕃遣使入貢

許敬宗死

冬十一月朔日有食之

以劉仁軌同三品

西唐咸亨四年

詔劉仁軌改脩國史

戊戌唐咸亨五年八月以後上元元年

遣劉仁軌擊新羅

春三月朔日有食之

封武氏兄子承嗣為周國公

帝稱天后后稱天后

復長孫無忌官爵

武后始請父在為母服齊衰三年

後世為母服三年始此是時雖請也而未

行至垂拱中始行焉遂為不易之制

上元二年

帝議使武后攝政以郝處俊諫止

武氏殺太子弘諡以孝敬皇帝

范祖禹曰皇帝者有天下之號非所以為

贈也父沒而後子立今父在而追尊其子

豈禮也哉蓋武后謀篡國醜太子而加之

尊名以掩其迹李泌之言信矣

立子賢為皇太子

以戴至德劉仁軌為左右僕射張文瓘為侍

中郝處俊為中書令李敬玄同三品

冬十月彗星出于角亢

子丙唐上元三年十一月以後儀鳳元年

以來恒薛元超李義琰高智周同三品  
始遣使如遠方注擬

吐蕃入寇

秋七月彗星出于東井

以狄仁傑為侍御史

冬十月祫饗太廟

以李敬玄為中書令

丑唐儀鳳二年

以高藏為朝鮮王扶餘隆為帶方王遣歸故

地安輯餘衆

寅唐儀鳳三年

春正月百官四夷朝武氏於光順門

元唐儀鳳四年六月以後調露元年

以郝處俊為侍中

命皇太子監國

遣裴行儉擊西突厥執其可汗都支

庚唐調露二年八月以後永隆元年

遣裴行儉擊突厥平之

以裴炎崔知溫王德真同三品

吐蕃寇河源將軍黑齒常之擊却之

秋八月武氏廢皇太子賢為庶人立子哲為  
皇太子

冬十一月朔日有食之

辛唐永隆二年九月以後開耀元年

春正月宴百官及命婦于麟德殿

太平公主適薛紹

以裴炎為侍中崔知溫薛元超為中書令

秋八月河南河北大水

九月彗星出于天市

裴行儉擊突厥阿史那伏念降之

冬十月朔日有食之

壬唐開耀二年二月以後永淳元年

立孫重照為皇太孫

自古未有太子在而立太孫者有之始見  
于此

夏四月朔日有食之

關中饑帝如東都

王方翼平西突厥

以郭待舉岑長倩郭正一魏玄同並中書門

下同承受進止平章事

夏五月洛水溢關中旱蝗

監察御史衷行李善感諫營宮室

以劉景先同平章事

未終唐永淳二年十二月弘道元年

春三月彗星出于五車

以郭待舉郭正一同平章事

詔皇太子監國以裴炎劉景先郭正一兼東

宮平章事

東宮有平章僅見于此

冬十二月丁巳帝崩于貞觀殿在乾寧五十六

皇太子哲即位後更名顯

尊天后為皇太后臨朝稱制

以劉仁軌為左僕射裴炎為中書令劉景先

為侍中同門下三品

中宗皇帝諱顯高宗子

甲申唐中宗皇帝嗣聖元年二月以後睿宗文明元年九月武氏宅

年元

立妃韋氏為皇后

以韋弘敏同三品

春二月戊午武氏廢帝為廬陵王

己未立豫王旦為皇帝以其妃劉氏為皇后

子成器為太子廢太孫重照為庶人改元文

明

武氏始御紫宸殿視事

武氏殺其子故太子賢

武氏遷帝顯于房州又遷于均州

書帝顯者以別豫王旦也

武氏以兄子武承嗣同三品

秋七月彗星出于西方

温州括州大水

秋八月葬高宗于乾陵

秋九月武氏紀元光宅以東都為神都尚書

省為文昌臺僕射為左右樞門下省為鸞臺

中書省為鳳閣侍中為納言中書令為內史

此武氏革命之漸

改御史臺為肅政臺

許諫官御史風聞言事

後世蓋諒風聞言事始此嗚呼此豈治世  
盛德之事哉夫泛論事情風聞可也若乃  
訖人陰私不究其實而輒加以惡聲是豈  
忠厚誠實之道哉胡寅有言朝廷者衆正  
之原是非所仰以決譖愬所望以明毀譽  
所待以公人心服與不服一在是焉彼風  
聞者得於道聽途說或兩怒溢言豈皆真  
實遽然按之以施刑罰其差失多矣言者  
既以風聞初不審諦被言者又泯默受罪  
不得申理而冤結無告傷平明之政亦甚  
矣噫後世有道之主公恕之士其尚以胡  
氏斯言為鑒毋蹈武氏之失而輕易中傷  
善類也哉

### 武氏立武氏七廟

英公李敬業起兵討武氏移檄州縣

武氏殺侍中裴炎

李孝逸用魏元忠計敗敬業殺之

武氏殺安撫大使程務璣

乙酉唐武氏垂拱元年

春正月帝顯居均州

### 武氏紀元垂拱

按唐史臣沈既濟謂魯昭公之出春秋書  
其居曰公在乾侯君雖失位不敢廢也每  
歲之首必書中宗所居紀稱中宗而事述  
武后范祖禹作唐鑑非唐書列武后于本  
紀故繫嗣聖之年黜武后之號綱目本此  
二說於每歲甲子下大書嗣聖之年分註  
武氏年號於其下終武后世每歲書帝所  
在而武氏行事則以太后書之可謂萬世  
之高見矣說者謂天無二日民無二王一  
國不容有兩號武氏既革唐為周有周則  
無唐無唐則無帝矣同一疆域也同一時  
世也而帝與周同書豈得無窒礙乎且是  
時武后既廢中宗立睿宗睿宗雖擁虛器  
武后未嘗明廢之也書帝在某處而不著  
其名則混而無辨矣况魯昭公乃列國之  
君是時未有年號昭公雖次于外季氏專  
國猶虛其位以待之不取別有所立也中  
宗即位僅一月即立豫王為皇帝改元文  
明矣曾未幾時武氏自御正朝行人君事

至于九月又改元光宅焉明年又有武氏之紀則是中宗既廢之後別立君矣屢跋元矣所謂嗣聖之號僅有再閱月之稱若仍以其年次第書之則是假辭以立義非紀實也史綱於國中書唐字而於其下分書武氏之年以見是時天下雖專制於武氏而實唐之天下雖曰唐之天下而所以專制之者實武氏也及乎每年帝在之書必著其名而使人不疑中宗於睿宗如此則義得其正事不沒其實賊后之罪既得以暴著於天下君臣之義又得以昭明於後世云

武氏以其兄子承嗣同三品

三月遷帝顯于房州

武后制官民皆得自舉

毀乾元殿為明堂

武氏以所嬖僧懷義為白馬寺主入宮營造

補闕王求禮請宮之不報

兩唐武氏垂拱二年

春正月帝顯居房州

武氏歸政于帝旦尋復稱制

二月朔日有食之

武氏大開告密無實者不問置銅甌受之以

告密人索元禮為游擊將軍令按制獄

武氏用酷吏周興為秋官侍郎來俊臣為御

史中丞

有山出于新豐

狄仁傑為冬官侍郎

丁亥武氏垂拱三年

春正月帝顯居房州

冀州雌鷄變雄

魏州人楊初成矯制募人迎帝顯于房州武

氏殺之

武氏流李孝逸于儋州

罷御史監軍

戊子武氏垂拱四年

春正月帝顯居房州

武氏殺太子舍人郝象賢

武氏自加號聖母神皇

夏六月朔日有食之

琅邪王冲越王貞舉兵匡復不克而死武氏遂大殺唐宗室

武氏萬象神宮成又作天堂以僧懷義為威衛大將軍封梁國公

武氏永昌元年

春正月帝顯居房州

武氏服袞冕饗萬象神宮

大赦改元

朗州雌鷄變雄

武氏追尊其父母為太皇太后

武氏以其兄子承嗣為納言

武氏追宗室汝南王煒等十二人

武氏殺天官侍郎鄭玄挺內史張光輔同平

章事魏玄同大將軍黑齒常之等十餘人

又殺唐宗室鄭王璿等六人

武氏以僧懷義為新平道大總管擊突厥

松州雌鷄變雄

武氏改十一月為正月十二月為臘月正月

為一月

武氏自製璽字以為名改詔曰制

武氏除唐宗室屬籍

武璽載初元年九月以後天授元年

春正月帝顯居房州

璽以是月為一月

璽以武承嗣為左相武攸寧為納言

璽殺同三品王本立同平章事竇方質范履

冰尚書右丞張行廉納言裴居道

誅李孝逸

始試士於洛城殿

此後世進士殿試之始按漢策問賢良非

試之也後世出題試士於殿廷始見于此

遂因之以為定制

璽以告密人侯思止王弘義為侍御史

僧法明偽作大雲經言璽乃彌勒下生當代

唐顯示天下

璽殺宗室澤王上金許王素節及南安王穎

等十二人又自殺其孫二人

秋九月武璽改國號周自為皇帝以唐帝旦

為皇嗣改其姓武

嗚呼此開闢以來未有之大變也太極

而生陽靜而生陰天陽而地陰也日陽而月陰也男陽而女陰也乾道成男坤道成女男正位乎外女正位乎內君道象日后道象月此天地之常人倫之正自有天地以來未之有改焉者武璽一旦以陰柔之資當陽剛之位則地升而為天也月易而為日也女變而為男也反陰陽之常變剛柔之質易內外之位程子所謂非常之變不可言者此也嗚呼言且不可況見之乎當是之時武璽以女而統男而一時公卿將相群臣庶僚莫不以男而奉女就其養之恩畏其誅戮之慘忘其身之為男子也嗚呼人亦不幸而生於斯時哉或曰此非但起於武氏也前此呂雉蓋嘗為之矣雖然呂氏於是時猶依所名惠帝之子以臨朝稱制漢之為漢固自若也武璽則革唐之命滅夫之族被天子之袞冕稱天子之名號巍然居殿陛之間偃然行人君之事以受群臣之朝以為萬邦之主忘其身之為女也而天下臣民亦翕然視之以男

焉嗚呼此豈但人世之理悖哉亦天地之氣亂也若夫以睿宗為皇嗣賜姓為武元為悖逆夫婦優之子則從母之姓睿宗於此不父其父而父其母禮所謂禽獸知有其母而不知有其父者也雖然睿宗蓋亦不幸而生為武璽之子也雖然則舊書睿宗皆作豫王且不予武氏之立也史綱前此之書亦然而此又以為唐帝且者蓋以見豫王前此固為唐之帝矣至是又為璽之嗣焉吁前也承父則姓父之姓以為唐之君後也承母則姓母之姓以為周之嗣嗚呼人之生也合父母而有此身承祖宗而有人理哉書之于冊以紀世道之大變大赦改元天授武氏凡改元必大赦徐有功為侍御史璽易服色改置唐社稷宗廟

如唐 周武璽天授二年 春正月唐帝居房州



此不書帝顯之名何武氏已以旦為皇嗣  
無所疑也上加以唐別于周也

流酷吏周興于嶺南為仇家所殺

夏四月朔日有食之

酷吏來俊臣殺將軍張虔勗

改唐故太子賢子光順等姓為武幽之宮中  
狄仁傑同平章事

同平章事格輔元右相岑長倩等以不肯立

武承嗣為太子被殺

墨殺右將軍李安靜

壬辰唐周武墨天授三年四月以後如意元年九

春正月唐帝居房州

墨引見存撫使所舉者各試以官

後世試官自此始

御史劾舉人沈全交續謠言誹謗不問

來俊臣誣殺大將軍泉獻誠

夏四月朔日有食之

來俊臣誣同平章事任知古狄仁傑等七人

謀反既而得白皆貶為縣令

萬年縣主簿徐堅上書請簡擇法官

李昭德言左相武承嗣權重罷之以昭德同  
平章事

流平章事李游道等于嶺南

御史嚴善思按制獄囚得引虛伏罪者八百

餘人為酷吏所搆流驪州尋召還

墨以補闕朱敬則侍御史周矩言稍寬制獄

更以九月為社

以并州為北都

墨殺其子婦劉氏

墨從姚璹請命宰相撰時政記月送史館

己亥唐周武墨長壽二年

春正月唐帝居房州

婁師德同平章事

尚方監裴匪躬謁皇嗣墨殺之

酷吏誣皇嗣有異謀太常工人安金藏剖心

明之得停推

李昭德按誅侯思止

萬國俊殺諸道流人擢為侍御史尋亦貶死

秋九月朔日有食之

墨自號金輪聖神皇帝

甲午 周武聖長壽三年五月以後延載元年

春正月唐帝居房州

聖以僧懷義為朔方道大總管擊默啜

聖加越古之號尋又加慈氏

聖鑄天樞

秋九月朔日有食之

貶來俊臣

懷義燒明堂聖諱不問更命懷義造之

乙未 唐周武聖證聖元年九月以後天冊萬歲元

春正月唐帝居房州

二月朔日有食之

萬象神宮火

聖陰使人殺其所嬖僧懷義

聖建大周萬國頌德天樞

聖自號天冊金輪大聖皇帝

聖封嵩山禪少室

聖從孫安平王武攸緒棄官隱嵩山

突厥請降

丙申 唐周武聖萬歲登封元年二月以後萬歲通

春正月唐帝居房州

三月作通天宮

吐蕃遣使請和

姚元崇為夏官侍郎

徐有功用法平恕起為殿中侍御史

武懿宗誣刺史劉忠禮謀反滅同平章事

元素等三十六家流其親屬千餘人

聖以嬖倖張昌宗為散騎常侍張易之為同

衛少卿

婁師德同平章事

丁酉 唐周武聖萬歲通天二年九月以後神功元

春正月唐帝居房州

聖鑄九鼎成

武承嗣滅郎中喬知之家

遣武懿宗等擊契丹

酷吏來俊臣伏誅李昭德亦被殺

聖以武承嗣武三思同三品

遣武懿宗等安撫河北

起魏元忠為肅政中丞

狄仁傑同平章事

置員外官數千人

唐武曌聖曆元年

春三月武氏用狄仁傑言召唐帝顯還東都

狄仁傑象納言

突厥陷趙州刺史高徽死之

皇嗣曰請遜位於其兄武氏許之後以帝顯

為皇太子改姓以武

武氏命帝顯為河北道元帥討默啞狄仁傑

知元帥事代其行

武承嗣死

以狄仁傑為河北道安撫大使

姚元宗同平章事

封皇嗣為相王

置置控鶴監

閻知微降突厥伏誅

唐武曌聖曆二年

春正月帝在東宮

吐蕃贊婆弓仁降

聖命帝顯及武攸暨等誓于明堂

聖貶吉頊為安固尉

狄仁傑為內史

唐武曌聖曆三年五月以後久視元年

春正月帝在東宮

夏五月朔日有食之

狄仁傑薦張柬之為秋官侍郎

聖以張易之為奉宸令

聖選少年之美者為內供奉

契丹平

聖造大像

梁公狄仁傑卒

冬十月復以建寅月為正月

唐武曌大足元年十月以後長安元年

春正月帝在東宮

三月雨雪蘇味道帥百官入賀

聖殺其孫重潤

蘇安恒上疏請傳位太子

唐武曌長安二年

春正月帝在東宮

始設武舉

聖賜嬖倖張昌宗薛顗國公

秋九月朔日有食之不盡如鉤

吐蕃遣使求和

唐用監察御史魏靖言命蘇頲按雪冤獄

河東採訪使張循憲薦平鄉尉張嘉貞以為

監察御史擢循憲司勳郎中

卯唐武曌長安三年

春正月帝在東宮

三月朔日有食之

秋九月朔日有食之既

曌以張易之譖貶同平章事魏元忠為高要

尉流鳳閣舍人張說于嶺南

甲唐武曌長安四年

春正月帝在東宮

楊再思以諂媚得為內史左補闕戴令言以

譏再思貶長社令

姚元之為靈武道安撫大使薦張柬之以為

同平章事

曌嬖倖張昌宗下獄既而赦之

乙唐中宗神龍元年

春正月張柬之等舉兵討武氏之亂張易之

昌宗伏誅帝顯復位大赦改元

遷武氏于上陽宮上其號曰則天大聖皇帝

嗚呼皇帝者天子之嘉稱非婦人女子所

得稱也彼其逆理亂常自為稱謂勢必行

而威可畏臣下懼死而不敢拒猶之可也

今既立皇帝矣而遷於別宮顧猶尊之以

上聖皇帝何邪其罪不特在武氏矣先儒

胡寅追咎當時大臣不能數其九大罪而

廢之以為千古遺恨嗚呼武氏之罪誅之

固不容誅矣何廢之足云但中宗其所生

也以義論之母雖輕於祖以恩論之子終

無絕母之理也當時大臣遷之別宮復其

后號誅絕其宗族黨與凡在武氏臨朝之

時助武氏抑唐宗者一切按問之量其輕

重以定其罪狀或誅或竄以為後世之戒

可也一時具臣不知出此反仍其舊稱而

加以美號豈不悖哉

錄反正功以張柬之袁恕已同三品崔玄暉

為內史敬暉梅彥範為納言李多祚等進官

賜爵有差

革去周號

舊書後國號曰唐此書韋去周號何武氏  
所以據尊位臨萬方以臣其人民者豈盡  
出其智力哉因唐之勢善彼其韋去唐號  
而稱曰周特見於稱呼施之文移馬耳人  
心天意之在唐者固未嘗有渝也武氏一  
旦去位則唐之社稷固自如也又何俟於  
復哉韋去周號唐斯在矣

復唐制度

復以神都為東都北都為并州

流貶周宰相韋玄慶房融崔神慶于嶺南

以楊再思同三品

復皇后韋氏贈后父玄貞上洛王

復宗室死于周者官爵

帝偕后視朝

縱胡僧慧範出入宮禁桓彥範諫不聽

帝以武后兄子三思為司空同三品

帝微行幸武三思第

韋氏貶其庶子重福為均州刺史

以武攸暨為司徒祝欽明同三品

徵武攸緒為太子賓客固辭還山

以方士鄭普思為秘書監葉靜能為國子祭  
酒

以魏元忠韋安石李懷遠唐休璟崔玄暉並  
同三品張柬之為中書令

遷周廟主於西京猶避其諱

敬暉等請降諸武王爵不許

帝用韋后及武三思計賜敬暉等五人以王

爵而罷其政事

以宋璟為黃門侍郎

從皇后表請改易制度

以唐休璟豆盧欽望為左右僕射

以韋安石為中書令韋巨源同三品

以漢陽王張柬之為襄州刺史

河南北十七州大水求直言參軍宋務光請

絕後庭干政之萌不省

以魏元忠為中書令楊再思為侍中

群臣上皇帝皇后尊號

帝御樓觀凌寒胡戲

武曌死位二十一年

武氏自稱皇帝中宗復位又尊之以為則

天大聖皇帝其崩也以其所尊者書之可也而綱目乃以皇太后武氏書之蓋不予其為皇帝也是何也女不可以統男皇帝本非婦人女子之所得而稱者也書之曰太后武氏崩則凡其生時所自稱及人所尊之者皆非所宜也如是書之不啻足矣今史綱直斥其姓名而且以死書何嗚呼武氏起自閭閻使其不入官闈一匹婦耳所以生得為后死得書崩徒以其作配高宗以承唐家之宗祀焉耳今武氏為人妻則淫蕩為人妾則妬害為人母則殘虐為人婦則廢人之宗祀滅人之國祚殺人之族屬凡其一生所以孤人之子寡人之妻絕人之宗祀不知其凡幾百千萬矣其於李氏固已義絕葬不可以列李氏之園陵祭不可以入李氏之宗廟由是觀之乃天地間一不仁不義之婦人耳死全首領固已為幸而又稱之以為后書之以為崩何以誅絕其既往而示戒於將來哉

兩唐神龍二年

以李嶠同三品于惟謙同平章事制太平公主安樂公主各開府置官屬武三思惡敬暉等出為諸州刺史授僧慧範道士史崇恩等五品階置十道巡察使宋之遜告其友王同皎謀害武三思殺同皎置貞外官二千餘人處士韋月將上書告武三思通官掖帝殺之黃門侍郎宋璟大理卿尹思貞皆以直諫貶州刺史貶敬暉桓彥範張柬之袁恕已崔玄暉為遠州司馬立衛王重俊為皇太子以李嶠為中書令敬暉桓彥範張柬之袁恕已崔玄暉為武三思所殺方士鄭普思謀作亂帝庇之不得已流儋州安樂公主求為皇太女以魏元忠言而止

唐神龍三年九月以後景龍元年

復武氏崇恩廟

立韋氏廟

夏六月朔日有食之

吐蕃遣使入貢

皇太子瑛倒屣禁兵誅武三思不克而死

安樂公主及宗楚客等誣相王旦與重俊通

謀以御史中丞蕭至忠諫而止

帝后並加尊號

賜魏元忠務川尉

以蕭至忠宗楚客紀處訥同三品

侍御史魏傳弓發銀青光祿大夫上庸公僧

慧範姦賊四十餘萬僅削其階爵

以楊再思為中書令

殺蘇安恒

冬十二月朔日有食之

彗星出于西方

遣使往江淮贖生

戊申  
唐景龍二年

以皇后楊等御雲起救天下

朔方總管張仁愿築三受降城

置脩文館學士以李嶠等二十人為之命女

官上官氏第其女

以學士名官始見于此

以張仁愿同三品

秋七月有星孛于胃昴

安樂長寧公主上官健仔皆以斜封墨敕除

官

宗楚客紀處訥受突騎施故將闕啜忠節賂

奏遣牛師獎擊娑婆葛師獎敗沒

安樂公主再適其夫之弟武延秀

以健仔上官氏為昭容

酉巳  
唐景龍三年

以韋巨源楊再思為左右僕射同三品宗楚

客為中書令蕭至忠為侍中

帝及后幸太常寺

監察御史崔琬劾宗楚客紀處訥罪帝和解

之

以后兄韋溫同三品

以李嶠同三品韋安石為侍中蕭至忠為中

書令蘇瓌為僕射同三品

秋八月有星孛于紫宮

冬十一月祀南郊皇后亞獻

以唐休璟同三品

關中錢

唐景龍四年六月以後廢宗皇帝景雲元年

帝及后徵行縱宮女出游

帝御梨園命三品以上拔河

韋后殺許州司兵參軍燕欽融

夏六月壬午韋氏弑帝韋后位十六年

韋氏以裴談張錫同三品張嘉福岑羲崔湜

同平章事

韋氏自為太后臨朝攝政立溫王重茂改元

唐隆

相王旦子臨淄王隆基起兵討韋氏族誅之

安樂公主武延秀上官婉兒等皆伏誅

隆基為平王以鍾紹京劉幽求參知機務李

日知同三品蕭至忠等貶官有差

相王旦即位繼為廢重茂復為溫王

從宋王成器讓立平王隆基為皇太子

以薛稷參知機務

追削武三思等爵諡恭其屍

復武氏號曰天后

以姚元之同三品韋嗣立蕭至忠為中書令

趙彥昭崔湜同平章事

加太平公主實封萬戶

贈郎叟燕欽融蘇安恒皆諫議大夫韋月將

宣州刺史

以崔日用參知機務

追復敬暉桓彥範崔玄暉張柬之袁恕已等

官爵

以宋璟同三品

廢崇恩廟追廢韋氏為廢人

譙王重福及汴州刺史鄭愔謀入東都反敗

死愔族誅

罷斜封官數千人

以薛訥為幽州經畧節度大使

節度之名自此始

以姚元之為中書令

帝以公主為女道士資天皇天后之福

長安令李朝隱不聽官者囑權為大中大夫

唐宗皇帝諱宗



唐景雲二年

突厥默啜遣使請和

以郭元振為說同平章事

太平公主誅廢太子立宋王成器帝用宋璟

等言出成器及幽王守禮皆為刺史公主蒲

州安置

命皇太子監國

復斜封官

皇太子請貶姚元之宋璟皆以為刺史遂寢

二王刺史之命

以左右萬騎羽林為北門四軍

以韋安石為中書令李日知為侍中

制政事皆取皇太子處分

皇太子請召太平公主還京師

僧慧範奪民田御史大夫薛謙光劾之出謙

光為岐州刺史

置十道按察使

按察使之名始此

以韋安石為左僕射同三品竇懷貞為侍中

尋罷之

以劉幽求魏知古崔暹並同三品陸象先同平章事

遣御史中丞和逢堯使突厥俾襲冠帶

壬唐大極元年五月以後延和元年八月以後

玄宗明皇帝先天元年

春正月合祭天地于南郊

自此以後天地又合祭

二月皇太子釋奠于國學

以竇懷貞岑羲同三品尋以岑羲為侍中

秋七月彗星出西方入太微

以竇懷貞為左僕射平章軍國重事

八月庚子帝傳位於皇太子自為太上皇五

日一受朝聽大事在位三年

皇太子隆基即位是為玄宗

立王氏為皇后

以劉幽求為僕射同三品

沙陀金山入貢

流劉幽求於封州

以王琚為中書侍郎

九月朔日有食之

上皇誥遣皇帝巡邊

世史正綱卷十七

已集

世史正綱卷十八

○唐世史

玄宗皇帝

諱隆基

癸丑先天二年十二月開元元年

以蕭至忠為中書令

以高麗大祚榮為渤海郡王

以郭元振同三品

太平公主謀逆蕭至忠岑羲竇懷貞崔湜伏

誅賜公主死

上皇誥自今軍國事一取皇帝處分

詔獎同平章事陸象先

以宦者高力士為右監門將軍知內侍省事

范祖禹曰國家之敗未有不由子孫廢祖

宗之業也創業之君得之難故其防患深

慮之遠故其立法密後世子孫雖有聰明

才智高出群臣之表然未若祖宗更事之

多也夫中人不可假以威權蓋近而易以

為姦也明皇不戒履霜堅冰而輕變太宗

之制崇寵宦者增多其員自是以後浸干

國政末流之禍蓋基於此書曰監于先王

成憲其求無愆為人後嗣可不念之哉

以張說為中書令

以劉幽求為左僕射平章軍國大事

引見張說縣令戒諭之

帝就詩武于驪山斬知禮儀事唐紹流兵部

尚書郭元振

以姚元之同三品元之陳十事

左拾遺劉彤議鹽鐵

此唐鹽鐵所自起

群臣上尊號

天子之稱上至皇帝無得而加矣漢哀帝

雖有聖劉太平之號然出于方士厭禪之

說非加美稱也至唐高宗徇武后之意而

稱天皇然止加天於皇耳中宗從韋氏之

欲乃有應天之號彼昏庸之主固無遠

玄宗以剛明之君有父在上臨御未久遽

為虛美之稱嗚呼名者實之賓無此實而

有此名聞人之呼寧能不愧於心報於顏

乎

改僕射為丞相中書為紫微省門下為黃門

省侍中為監

吐蕃遣使求和

以姚崇為紫微令左遷張說為相州刺史

避開元尊號改名崇

以盧懷慎同平章事

甲寅唐開元二年

制均內外之任定為恒式

置左右教坊典倡優雜伎

教坊之設始此

沙汰僧尼

以薛訥同紫微黃門三品將兵擊契丹

春二月朔太史奏日食不應姚崇請表賀

帝以徐有功子惲為恭陵令

功臣劉幽求鍾紹京以怨望貶州刺史

放武氏時酷吏周利貞等終身勿齒

貶韋氏時宰相韋安石韋嗣立趙彦昭李嶠

為州別駕

罷員外檢校官

以宋王成器統領諸州刺史

禁采珠玉織錦繡

作興慶宮賜諸王第宅環宮側

出宮人

姚崇請宣布武后鼎銘

敕諸州脩常平倉法

大破吐蕃

以長子嗣真為鄮王立其弟嗣謙為皇太子

乙卯唐開元三年

以盧懷慎為黃門監

御史大夫宋璟坐監杖人輕貶睦州刺史

突厥諸部降處之黃河以南地遣薛訥郭虔瓘為大總管備默啜尋遣訥討之

山東大蝗遣官捕而瘞之

秋七月朔日有食之

選儒士入內侍讀待以師傅之禮

侍讀之名始見于此

京兆尹崔日知有罪御史李傑將糾之反構

傑罪事聞貶日知為歙縣丞

初置翰林院

翰林院之置始此

丙辰唐開元四年

以鄮王嗣真等遙領大都護

諸王遙領外鎮始此

召新除縣令試治民策

夏六月癸亥太上皇崩于百福殿壽五十五

葬橋陵

以源乾曜同平章事

姚崇薦宋璟自代以璟為黃門監蘇頌同平

章事

丁酉唐開元五年

春正月太廟四室壞帝如東都

復三省官舊名

令史官隨宰相入侍群臣對仗奏事

左拾遺張九齡以帝嗣位未郊見請行郊祀

九齡言天百神之君王者所由受命自古

繼統之主必有郊祀蓋敬天命報所受也

詔訪逸書命博士尹知章等編校刊正

戊午唐開元六年

今州縣行鄉飲酒禮

紀唐開元七年

夏五月朔日有食之

敕喪服並從禮制父在為母期如禮

宋三成器更名憲政封寧王

皇太子入學齒胄

唐開元八年

始改顏回等從祀孔子者為坐像

古者祀神以尸其後代之以主未有像設也所謂俑者特像人而用之非用以寓神也佛氏入中國始鑄金為像後又為土木之偶焉後世祀先師亦以塑像不知始何時考史開元八年改顏子等十哲為坐像則前此固有為塑像者矣但先聖坐而諸賢皆立至是乃改立為坐耳然非但有像也至二十七年又內出袞冕之服以初之嗚呼百年夷教至我

太祖乃革之而易以木主於是聖人在天之靈

始安於享祀焉卓矣哉

聖人之見乎可以為百王法矣

始詔孔門弟子從祀

前此孔門弟子惟列像廟堂不預饗祀至是因李石確言始得列享於左丘明等二

十二人之上

以優人言罷相臣宋璟

以源乾曜張嘉貞同平章事尋以乾曜為侍

中嘉貞為中書令

唐開元九年

監察御史宇文融請檢括戶口以融為勸農使

突厥遣使請和

秋九月朔日有食之

梁公姚崇卒

以張說同三品

罷諸王都督刺史召選

造新曆及黃道游儀

唐開元十年

伊汝水溢

河決博棣二州

增制太廟為九室

安南亂遣宦者楊思勗討平之

此後世內臣專兵之始真德秀曰唐世中人預國政自玄宗任高力士始中人預軍

政自玄宗用楊思勗始

北平節度使張嵩大破吐蕃

始募兵充宿衛

廂地之制於此始廢

突厥請和

癸亥唐開元十一年

春正月帝北巡

以并州為太原府置北都

祭后土于汾陰

以張說為中書令

置麗正書院聚文學士脩書侍議

書書院始此

始置長從宿衛

改政事堂為中書門下

冬十一月有事于南郊

甲子唐開元十二年

以宦者楊思勗為輔國大將軍

內臣為將軍稱大始此

廢皇后王氏

冬閏十二月朔日有食之

乙丑唐開元十三年

以宇文融兼戶部侍郎

更命長從宿衛為彍騎

帝自選諸司長官為州刺史賜以詩命百官

餞送

禁錮酷吏來俊臣等子孫

更集仙殿為集賢殿置書院以張說知院事

遣使如突厥

張說薦張九齡可備顧問

禁奏祥瑞

帝東封泰山

開廐使王毛仲加開府儀同三司

車駕還詣孔子宅

分吏部為十銓親決試判

大有年

丙寅唐開元十四年

命張說脩五禮

以李元紘同平章事

河南北大水

魏州河溢

以梓暹同平章事

丁卯唐開元十五年

吐蕃入寇追擊至青海西破之

作十王宅以居皇子

戊辰唐開元十六年

改曠騎為羽林飛騎

行開元大衍曆

以蕭嵩同平章事

制戶籍三歲一定分為九等

己巳唐開元十七年

克吐蕃石堡城

限明經進士及第每歲毋過百人

以宇文融裴光庭同平章事

以蕭嵩兼中書令

秋八月以帝生日為千秋節賜百官宴

後世以人君始生之日為節而表賀之始

此

冬十月朔日有食之不盡如鉤

庚午唐開元十八年

吏部尚書裴光庭始奏用循資格

遣十八總管擊奚契丹

夏六月彗星出于五車

梓唐開元十九年

置太公廟如孔子廟制

唐開元二十年

春二月朔日有食之

秋八月朔日有食之

開元禮成蕭嵩請父在為母服如武后制

癸酉唐開元二十一年

以韓休同平章事

秋七月朔日有食之

左丞相宋璟致仕

以裴耀卿同平章事

起復張九齡同平章事九齡辭終喪不許

分天下為十五道置採訪使

以楊慎矜知大府出納

卯唐開元二十二年

春二月秦州地震

以裴耀卿為侍中張九齡為中書令

李林甫以結宦官媚武惠妃得同三品是日

大風按本

置河口輸場

以方士張果爲銀青光祿大夫

冬十二月朔日有食之

乙酉開元二十三年

張璠張琬殺殿中侍御史楊汪以復父讎敕殺之

冬閏十月朔日有食之

冊楊玄琰女爲壽王妃

丙唐開元二十四年

帝欲廢太子以張九齡諫而上

敕禮部侍郎掌貢舉

張守珪使討擊使安祿山擊奚契丹敗績張

九齡當以死帝赦之

加母黨罪

秋八月張九齡上千秋金鑑錄

冬十月小師地震十一月東都地震

賜朔方節度使牛仙客爵隴西縣公

張九齡罷政事以李林甫兼中書令牛仙客

同三品

唐室治亂之幾分於此按崔融對憲宗曰

人皆以天寶十五年祿山自范陽起兵是

理亂分時臣以爲開元二十四年罷賢相

張九齡任奸臣李林甫理亂自此已分矣

丁酉開元二十五年

置玄學博士

立明經問義進士試經法

監察御史周子諒劾牛仙客被殺貶張九齡

爲荊州長史

范祖禹曰古之殺諫臣者必亡其國玄宗

親爲之其大亂之兆也

廢太子瑛鄂王瑒光王琚爲庶人而殺之

從裴耀卿請士人當決杖者勿解體受答

募丁壯充邊軍

詔選宗子補官

大理寺有鵲來巢賜李林甫爵晉國公牛仙

客幽國公

行和釋法

書和釋始此

廣平公宋璟卒



成  
開元二十六年

以牛仙客為侍中

以王璵為祠祭使始用楮為錢以祭

後世用紙錢代帛始此

令天下州縣里皆置學

立忠王璵為皇太子改名亨

突騎施分為兩可汗

秋九月朔日有食之

冊南詔為雲南王始合六詔為一

始置學士院改翰林供奉為學士

翰林學士始見于此

卯  
開元二十七年

磧西節度使蓋嘉運擒突騎施可汗

追諡孔子為文宣王贈弟子為公侯伯

按自漢平帝追諡孔子為褒成侯宣尼公

後世因謂孔子為宣父又謂之為宣尼至

是又加文與宣為諡然文之為言諡法有

所謂經天緯地者矣孔子亦曰文王既沒

文不在茲乎以是諡之固亦幾矣然亦有

所未盡焉若夫宣之為宣諡法之美者不

過聖善周聞而已豈足以盡吾聖人之大

德哉況唐未加聖人此諡之前北齊高洋

李元忠南齊蕭子良隋長孫賢固有此諡

矣天生聖人為萬世道德之宗主稱天以

誅之猶恐未足以稱其德彼區區荒誕之

君汗下之見何足以為吾聖人之輕重當

其時行之可也後世乃遵之百世而不改

何耶

庚  
開元二十八年

荊州長史張九齡卒

春三月朔日有食之

吐蕃寇安戎城發關中兵救之

辛  
開元二十九年

立賑饑法

洛水溢

以安祿山為營州都督

太尉寧王憲卒諡曰讓皇帝

吐蕃入寇陷石堡城

壬  
天寶元年

置十節度經畧使以備邊

以安祿山為平盧節度使

穿三門運渠

加天寶於皇帝之上

春二月饗玄元皇帝于新廟越三日饗太廟  
越二日合祀天地于南郊

改侍中中書令為左右丞相為僕射

改州為郡刺史為太守

以韋堅為江淮租庸轉運使

李林甫忌兵部侍郎盧綽絳州刺史嚴挺之  
出為貧外詹事

秋七月朔日有食之

以李適之為左相

癸未唐天寶二年

安祿山入朝

追尊老聃父為先天大皇鼻陶為德明皇帝  
廣運潭成

甲申唐天寶三載

春正月改年曰載

以安祿山兼范陽節度使

李林甫忌戶部尚書裴寬貶為睢陽太守

始祀九宮貴神

初令民十八為中二十三歲成下

乙酉天寶四載

以朔方節度使王忠嗣兼河東節度使

以子壽王瑁妃楊太真為貴妃

贈太真父楊玄琰兵部尚書以從兄錡為殿

中少監三姊皆賜第京師

以楊慎矜為租庸調轉運使

安祿山侵奚契丹契丹叛各殺其所尚公主

以王鉷為京畿採訪使鉷奏貴妃族兄釗充

判官

丙戌天寶五載

李林甫使楊慎矜告韋堅皇甫惟明謀立太

子堅堅惟明州太守

以王忠嗣為河西隴右朔方河東節度使

李林甫引吉溫為法曹羅希奭為殿中侍御

史

以陳希烈同平章事

夏五月朔日有食之

敕左降官日馳十驛

張九章玉翼以所獻精美加官

丁未唐天寶六載

李林甫殺北海太守李邕及皇甫惟明韋堅等李適之玉珽自殺

令士通一藝以上皆請京師李林甫請試之無及第者表賀野無遺賢

以安祿山兼御史大夫許出入禁中

以陳希烈為左相

李林甫忌王忠嗣解其河東朔方節度

制僧尼令祠部給諡

此後世慶僧給諡之始

冬十月帝偕貴妃如驪山浴溫泉

遣王忠嗣攻吐蕃石堡城忠嗣言不可攻董

延光攻之不克李林甫構忠嗣罪貶漢陽太

守

以突厥別部酋長哥舒翰充隴右節度使

以天下歲貢賜李林甫

李林甫構戶部侍郎楊慎矜罪殺之

以高麗人高仙芝為安西四鎮節度使

子唐天寶七載

群臣上尊號

以宦者高力士為驃騎大將軍

賜安祿山鐵券

以貴妃從兄楊釗判度支事

以貴妃諸姊為國夫人

哥舒翰築應龍城以拒吐蕃

丑唐天寶八載

帝帥群臣觀左藏庫以帑藏充牣賜楊釗金

紫

咸寧太守趙奉璋欲告李林甫罪林甫諷御

史殺之

弛天下兵備

加聖祖及諸帝后號諡

范祖禹曰堯舜禹湯文武之君諡號惟一

而已既稱天以誅之則子孫不可得而改

也高宗不師古昔始改祖宗舊諡天寶以

後增加復重至繁而不可紀夫祖宗苟有

高世之功德則曰文曰武足矣若其無功

德而子孫妄加之則是誣之而使天下後

世以為譏玩也故孝子慈孫之欲顯其親

莫若使名副其實而不浮則天下心服之矣未聞以諡號繁多為貴也唐之典禮不經甚矣

唐天寶九載

賜安祿山爵東平郡王

唐將帥封王自此始

秋八月五星聚于箕尾

以安祿山兼河北道採訪處置使

安祿山入朝獻所鑄錢樣

從楊釗請追復張易之兄弟官爵

賜楊釗名國忠

南詔反陷雲南郡

辛卯唐天寶十載

為安祿山起第

以安祿山兼河東節度使

鮮于仲通擊南詔大敗死者六萬人楊國忠

掩其敗復驅民為兵擊之

高山芝擊大食敗績

秋八月武庫火

安祿山擊契丹大敗

楊國忠遙領劍南節度使

壬辰天寶十一載

以官物易惡錢

改吏兵刑部為文武憲部

戶部侍郎王鉞伏誅

范祖禹曰夫利百物之所生而天地之所  
以養人也專之必壅壅則所害者多故君  
子不盡利以遺民所以均天地之施也聖  
王寧損己以益人不損人而益己記曰與  
其有聚斂之臣寧有盜臣是以興利之臣  
鮮不禍敗自桑弘羊以來未有令終者也  
必若公劉之厚民管仲之富國李悝之平  
糴耿壽昌之常平不為培克上下皆濟則  
身享其榮後嗣蒙其慶矣吉凶禍福之效  
如此可不戒哉

以楊國忠為御史大夫京畿採訪使

楊國忠奏鳳凰見左藏以魏仲犀為殿中侍

御史

李林甫死

以楊國忠為右相兼文部尚書領四十餘使

楊國忠薦吉溫為御史中丞

哥舒翰安祿山入朝

癸唐天寶十二載

楊國忠注選人於都堂一日而畢選人請為國忠刻頌從之

追削李林甫官爵剖其棺子孫流嶺南黨與坐貶者五十餘人

以哥舒翰兼河西節度使

帝如華清宮號國夫人等從

前此每歲十月幸華清宮至祿山亂乃止

甲唐天寶十三載

安祿山入朝加左僕射又以兼閑廐群牧使以楊國忠為司空是日雨土

安祿山歸范陽奏賞部將除將軍者五百餘

人中郎將二千餘人

夏六月朔日有食之不盡如鉤

李宓擊南詔敗沒楊國忠以捷聞益發兵擊

之前後死者二十萬人

以韋見素同平章事

關中大饑

紀唐天寶十四載

安祿山請以蕃將代漢將從之

肅見素言安祿山必反帝不聽遣中使輔

琳察之

夏六月徵安祿山入朝不至

安祿山反

遣封常清募兵東京

以郭子儀為朔方節度使

安祿山陷靈昌及陳留

安祿山陷東京河南尹達奚珣降賊留守李

愔御史中丞盧奕來之

安祿山陷河南諸郡

東平太守吳王琬起兵討賊

帝欲制太子監國貴妃沮之不果

平原太守顏真卿起兵討賊

殺高仙芝封常清以哥舒翰為副元帥

郭子儀遣兵破祿山兵於振武

常山太守顏杲卿起兵討賊

丙唐天寶十五載宗至德元載

正統之君大書其號與年非正與統者則

分書之若正統之君一歲而兩元者亦接而大書之獨於肅宗分書至德號年於天寶十五載大書之下者肅宗不受命於玄宗不予其繼統也

安祿山僭號

以許遠為睢陽太守

賊將史思明陷常山太守顏杲卿死之

以李光弼為河東節度使尋又以為河北節

度使

真源令張巡起兵雍丘討賊

郭子儀李光弼與史思明戰于九門又戰于

嘉山皆敗之復河北十餘郡子儀等請引兵

取范陽不從

楊國忠逼哥舒翰出關與賊戰大敗于靈寶

翰降賊賊遂入關

帝出奔蜀

次于馬嵬諸將誅楊國忠及楊太真

發馬嵬留皇太子亨東討賊

皇太子至平涼

安祿山遣孫孝哲陷京師殺如主皇孫數十

人陳希烈張垧等降賊

秋七月甲子太子亨自立于靈武改元至德是為肅宗尊帝為上皇天帝遂以裴冕同平章事

帝制以太子亨充天下兵馬元帥

舊史於肅宗即位之後即以上皇稱玄宗而此仍以帝書何肅宗立時玄宗在蜀聲問不相聞肅宗無所受命而自立所謂上皇天帝者肅宗擅去乃父之名位而加以虛稱耳是時玄宗未知也史綱不從其所尊之稱而仍稱以帝據其時即其實而書之也玄宗傳位之後始以上皇書庶幾得其實哉

李泌至靈武

郭子儀將兵至靈武李光弼引兵赴太原

回紇吐蕃遣使請助討賊

八月己亥帝遣使齎冊寶如靈武傳位太子

亨制自今稱太上皇軍國重事以聞在位二

按肅宗以七月甲子即位于靈武至八月

己亥玄宗命韋見素等奉冊詣靈武傳位

首尾僅三十六日耳。蓋少待遣使上請。俟命下而後即位。豈不名正而言順哉。况肅宗居儲位有年。玄宗素有傳位之意。特為貴妃國忠所沮。爾今二人既死。帝發馬嵬。又有留東討賊之命。其天位不歸肅宗。將誰歸哉。燭理不明。欲速而見小利。遂陷于不孝不忠之罪。嗚呼。天理人欲之間。幾不容髮。可不畏哉。

以廣平王俶為天下兵馬元帥。李泌為長史。制諫官言事。勿白宰相。

勸爵度僧尼

冬十月朔日有食之既

加第五琦山南等道度支使

以房琯為招討節度等使。與賊戰于陳濤斜。敗績。

史思明攻陷河北諸郡。饒陽裨將張興死之。求王璘反。

肅宗皇帝

諱亨 玄宗子

丁酉肅宗至德二載

春正月帝居彭原

安祿山子慶緒殺祿山

帝聽張良娣李輔國譖殺其子建寧王倓。

賊寇睢陽。張巡以兵入睢陽。合許遠拒却之。

郭子儀平河東。春二月帝至鳳翔。李泌請取范陽。不從。李璘伏誅。

徵苗晉卿為左相。

上皇遣中使祭始興文獻公張九齡。

以郭子儀為司空。天下兵馬副元帥。制以官爵賞功。

是時府庫無蓄積。朝廷專以官爵賞功。諸

將出征。皆給空名告身。聽臨事注名。有至

開府特進異姓王者。諸軍但以職任相統

攝。不復計官爵高下。及是復以官爵收散

卒。由是官爵輕而貨重大。將軍告身一通

纔易一醉。凡應募入軍者。一切衣金紫。名

器之濫至。是極焉。范祖禹曰。官爵者。人君

所以馭天下。不可以虛名而輕用也。君以

為貴。而加於君子。則人貴之矣。君以為賤

而施於小人。則人賤之矣。肅宗欲以苟簡

成功而濫假名器輕於糞土此亂政之極也唐室不競不亦宜哉

以張鎰同平章事

郭子儀與賊戰于清澗敗績詣闕請自貶以爲左僕射

賊攻睢陽張巡遣南霽雲赴臨淮告急賀蘭進明按兵不救

秋九月廣平王俶郭子儀收復京師

遣使請上皇還京師

郭子儀克華陰弘農

賊陷睢陽張巡許遠死之南霽雲雷萬春等皆死

冬十月廣平王俶郭子儀收復東京

李泌歸衡山

賊將嚴莊來降以爲司農卿

帝始入京師

安慶緒走保鄴郡

勒受賊僞官者宰臣陳希烈等赴京

甄濟不汙僞命以爲秘書郎館于三司令受

賊官者列拜之

以國子司業蘇源明不受賊官擢考功郎中知制誥

歲遣回紇絹二萬匹

此歲幣之始

朝饗于長樂殿

十二月上皇還京師

赦天下惟與安祿山同反及李林甫王鉞楊

國忠子孫不在免例

加郭子儀司徒李光弼司空功臣進階賜爵有差

追贈死節之臣李愬盧奕顏杲卿袁履謙許

遠張巡張介然蔣清龐堅等官其子孫

蠲來歲租庸三分之一

復郡名官名

上上皇尊號

以良娣張氏爲淑妃

史思明降

制陷賊官以六等定罪達奚珣陳希烈等伏

誅

司馬光曰爲人臣者策名委質有死無貳



希烈等或貴為卿相或親連肺腑承平之日迎合取容禍亂既作偷生苟免至乃媚賊稱臣為之陳力此乃犬馬之不如儻更全其首領是諂諛之臣無往而不得計也彼顏杲卿張巡之徒世治則擯斥外方沈抑下僚世亂則委棄孤城壘粉寇手何為善者之不幸而為惡者之幸待忠義之薄而保姦邪之厚耶

置左右神武軍

戊戌

至德三載二月以後乾元元年

春二月上皇賜帝號帝復上上皇尊號

大赦盡免今載租庸

復以載為年

以宦者李輔國兼太僕卿

徙楚王俶為成王

立張氏為皇后

改黜陟使為觀察使

立子俶為皇太子更名豫

以王璵同平章事

贈顏杲卿太子太保諡曰忠節

史思明復反

初鑄當十大錢

文曰乾元重寶

冊回紇英武可汗以寧國公主歸之

以郭子儀為中書令李光弼為侍中

命郭子儀等九節度討安慶緒以宦官魚朝

恩為觀軍容使

觀軍容之名自此始范氏曰風沙衛殿齊

師殖綽郭最曰子殿國師齊之辱也以諸

侯之師闖入殿之猶以為辱况天子之師

使宦者為之主是辱天下之眾也且慶緒

窮虜郭李不世出之將也使朝恩節制之

猶不免於敗則庸人可知矣肅宗初復兩

京舉六十萬眾棄之其不亡亦幸哉

平盧節度使王玢志卒遣宦者察軍中所欲

立者裨將李懷玉殺玄志子推裨將侯希逸

為節度副使從之

節度使由軍士廢立自此始司馬光曰民

生有欲無主乃能故聖人制禮以治之所

以辨上下定民志也凡人君所以能有其

臣民者八柄存乎已也苟或捨之則彼此

勢均何以其下哉肅宗遭唐中衰幸而復國宜正上下之禮以綱紀四方而偷取一時之安不思永久之患委一介之使徇行伍之情無問賢愚惟其所欲積習為常謂之姑息乃至偏裨殺逐主帥亦不治罪因而授之然則爵賞廢置殺生予奪皆不出於上而出於下亂之生也庸有極乎古者治軍必本於禮今唐蔑之使士卒得以陵偏裨偏裨得以陵將帥則將帥陵天子自然之勢也

已唐 乾元二年

史思明自稱燕王

春二月月有食之既

書月食僅見于此

九節度之兵潰于相州

史思明殺安慶緒

以李峴李揔呂諲第五琦同平章事

以郭子議為東畿等道元帥

史思明僭號

李峴陳宦者李輔國專權擅稱制敕下制停

口敕處分

貶李峴為蜀州刺史

宦者魚朝恩譖郭子儀召還京師以李光弼為朔方節度使兵馬元帥

更鑄當五十大錢

李光弼與史思明戰于河陽大敗之

史 乾元三年閏四月以後上元元年

以李光弼為太尉兼中書令

以郭子儀領邠寧鄜坊節度使

李光弼連破史思明

夏四月彗星出于婁胃

襄州軍亂殺節度使

唐世將吏逐帥阻兵始此

閏四月彗星又出于西方

以王思禮為司空

唐三公不為宰相拜者始見于此

追諡太公望為武成王

以苗晉卿行侍中

行官始此

以劉晏為戶部侍郎充度支鑄錢鹽鐵等使

羌渾寇鳳翔

敕小錢一當十其重輪者當三十

張后子興王侶卒

宦者李輔國矯帝詔遷上皇于西內

真德秀曰玄宗始壞太宗之法以重中人而已之幽鬱殂謝乃出於中人之手此可  
以為人君邇奸者之戒

刑部尚書顏真卿帥百僚問上皇起居坐懸

流上皇近侍高力士于巫州

江淮都統劉展反陷昇潤等州

辛酉唐上元二年九月以後止稱元年

劉展伏誅

李光弼與史思明戰于邙山敗績

以蕭華同平章事

史思明子朝義殺思明

段子璋反于梓州尋伏誅

復以李光弼為太尉統八道行營鎮臨淮

秋七月朔日有食之既大星皆見

以宦者李輔國為兵部尚書

置道場于三殿鋪宮人以為神帝命大臣膜

拜

九月制去尊號及年號月數以建子月為歲首

范祖禹曰肅宗信禳祈之小數以為更制改號可以致福而弭禍夫畏鬼神聽巫覡者匹婦之愚也以天下之君為之不亦異哉

制除五品以上官令舉一人自代

授官舉人自代始此

江淮大饑

江淮都統崔圓殺孫待封

建子月受朝賀如正旦儀

以元載為度支鹽鐵轉運等使

帝朝上皇于西內

范祖禹曰陽失其所以為陽則制於陰剛

失其所以為剛則制於柔肅宗失其所以

為君故制於小人女子至不敢見其父而

况能保四海乎

壬寅唐二年四月以後實應元年

建寅月追冊故太子瑛為皇帝

河東軍亂殺其節度使鄧景山遣使慰諭之  
又從其請以兵馬使辛雲京為鄧度使

行營兵殺都統李國貞鄧度使荔非元禮衆  
推裨將白孝德為帥因而授之

賜郭子儀爵汾陽王知諸道行營朔方河中  
等軍副元帥

以元載同平章事領度支轉運使如故

楚州獻寶玉群臣表賀

建巳月甲寅上皇崩于神龍殿壽七十八  
始服喪二十七日

自漢文遺詔以月易日景帝遵之為三十

六日至唐太宗遺詔亦然至是始有二十

七日之制遂為後世常制

帝不豫命太子監國

復建年號以正月為歲首

改巳月為四月

丙寅宦者李輔國程元振遷皇后于別殿殺

越王係究王僦帝崩于長生殿輔國弒后張

氏在位七年  
壽五十二

范祖禹曰肅宗信任宦官上不保其父中

不保其身下不保其妻子此近小人之禍  
也可不戒哉可不戒哉

皇太子豫卽位是為代宗

罷郭子儀副元帥

號宦者李輔國為尚父而不名以為司空兼  
中書令尋進爵博陸王

宦者封王始見于此真德秀曰以一閹尹  
而寵之以宰相尊之以尚父自有中人以

來未之有也其為可醜不亦甚哉

爵李光弼臨淮郡王

敕大小錢皆當一

李光弼兵大破史朝義

追廢皇后張氏為庶人

以劉晏為度支轉運鹽鐵等使

郭子儀請解副元帥居京師

台州袁晁作亂

以宦者程元振為驃騎大將軍

回紇舉兵入援

以雍王造為天下兵馬元帥討史朝義大敗

之取東京及河陽

帝遣盜誅宦者李輔國復遣使存問其家仍贈太傅

真德秀曰輔國頗志兩朝卒不免肢體殊分投首涸刳之慘其亦何利耶此可以為小人稔惡者之戒

以賊降將張忠志為成德軍節度使賜姓名李寶臣

以僕固懷恩為河北副帥

諸軍圍史朝義于莫州

召李泌

光緒四年六月二十三日

世史正綱卷十九

唐世史

代宗皇帝

諱豫宗子

癸唐代宗皇帝廣德元年

以劉晏同平章事度支等使如故

官者程元振殺平章事來瑱

以朝義還范陽其將田承嗣以莫州降

史朝義伏誅

帝用僕固懷恩言以城將薛嵩田承嗣李懷

仙為河諸鎮節度使

唐失河北自此始

兵馬使梁崇義據襄陽以為節度

書留後始此

春三月葬玄宗于泰陵肅宗于喬陵

袁晁伏誅浙東平

分河北節度為六節

回紇回國書四國幸之也

禮部侍郎楊綰請罷明經進士科察舉孝廉

遣使徵僕固懷恩入朝不至

秋七月吐蕃入大震關盡取河西諸州

者程元振不以聞

涇州刺史高卿吐蕃為嚮導

冬十月辛未吐蕃寇近畿以雍王適為關內

兵馬元帥起郭子儀為副元帥子儀遣使請

益兵元振遏之詔徵諸道兵李光弼等忌元

振皆不起

丙子帝如陝州

戊寅吐蕃犯京師立廣武王承宏縱兵大掠

癸巳吐蕃副元帥郭子儀至兵自潰子儀

復京師

尚暉伏誅

太常博士柳伉請誅程元振詔放元振歸田

里舉流漆州道死

真德秀曰險人非人主借以聲光未有能

自跋扈者也既長其焰然後從而撲滅之

所傷多矣苟若制之於初俾臣主兩全之

為得哉

宦官呂太一反于廣州

冬十二月甲午帝還京師是日仍以宦者魚

朝恩為天下觀軍容宣慰處置使總禁兵

以李峴同平章事

放廣武王承宏于華州

吐蕃降松維保三州

甲廣德二年

立雍王適為皇太子

從田承嗣請以魏博為天雄軍

僕固懷恩反

以郭子儀為河中節度等使

以王縉杜鴻漸同平章事

以劉晏為河朔江淮轉運使

以楊綰言罷李勉力田及董子仲

郭子儀請罷諸節度自河中始

稅青苗錢給百官俸

青苗之始始見于此

以李光弼為東都留守光弼歸徐州尋卒

僕固懷恩引回紇吐蕃入寇詔郭子儀出鎮

奉天子儀出兵懷恩退

加郭子儀為尚書令子儀以太宗嘗為此官

不受

乙唐永泰元年

命文武臣十三人於集賢殿待制

吐蕃遣使請和

旱斗米千錢

平盧將李懷玉逐其節度使侯希逸詔以懷

玉為留後

秋九月置百高座講仁王經

僕固懷恩引虜入寇懷恩道死虜大掠而去

冬十月復講仁王經

虜復入寇圍涇陽郭子儀與回紇盟吐蕃夜

遁

漢州刺史崔旰殺西川節度使郭英乂

始置內樞密使以宦者參掌其事

後世樞密之名兆于此是時雖置是官而

無司屬首以宦官董廷秀掌其事專主

樞密文書如漢之中書謁者令也中有處

分則令內樞密宣付中書門下施行然猶

未用以專典武事也

唐末泰二年十一月以後大曆元年

以劉晏第五琦分理天下財賦

釋奠于國子監命宰相帥常參官魚朝恩帥

諸將往聽講

元載請論事者先白宰相顏真卿疏論之貶

真卿為峽州別駕

以杜鴻漸為劍南東西川副元帥鴻漸請以

節制讓崔旰

以宦者魚朝恩判國子監事

冬十二月彗星出于瓠瓜

大曆二年

周智光殺峽州監軍伏誅

杜鴻漸薦崔旰為西川節度使

大曆三年

帝幸魚朝恩所作章敬寺為度僧尼千人

春三月朔日有食之

追諡齊王倓為承天皇帝

幽州將朱希彩殺其節度使李懷仙詔以希

彩知留後

遣右散騎常侍蕭昕使回紇

吐蕃寇靈武鳳翔都將李晟屠吐蕃定秦堡

吐蕃遣還

大曆四年

郭子儀徙鎮邠州

以裴冕同平章事

成唐大曆五年

帝以宦官魚朝恩專恣與宰臣元載謀誅之猶賜錢以葬

胡寅曰古今皆謂宦官難去者以其掌兵也是則然矣而或不然輔國元稹朝恩相繼掌兵氣勢隆重然代宗去之而無肘腋反噬之變是知宦官非難去顧人主喜怒如何耳其至於無可奈何者以人主無意於可為之時及不可為然後為之故也代宗之政無可紀述獨誅三宦官及元載為最武而就其事論之皆不能盡善豈非不若慎之於初之為美歟既寵之又殺之復隱之而厚賜之非政刑矣

罷度支轉運常平鹽鐵等使委宰相領之吏部侍郎楊綰不附元載以為國子祭酒嶺南節度使徐浩以賂得代綰為吏部侍郎京畿錢斗米千錢

夏四月彗星出于五車五月又出于北方

帝出幸泌為江西觀察判官以避元載

粹唐大曆六年

河北旱

帝欲收元載權以李栖筠為御史大夫

粹唐大曆七年

盧龍將吏殺其節度使朱希彩經畧副使朱

此權知留後因以授之

粹唐大曆八年

永平節度使令狐彰平封府庫以請命

晉州布衣郭模獻三十帝召見之

賊將田承嗣為安史父子立四聖祠帝諷令

毀之加平章事

吐蕃寇涇邠郭子儀遣渾瑊拒却之

粹唐大曆九年

詔許永樂公主妻賊將田承嗣之子田華

范祖禹曰齊景公諸侯也涕出而女于吳

後世且猶羞之代宗以天子之尊而以女

許嫁叛臣之子苟欲姑息反以納侮卑替

甚矣此公卿大夫之耻也



胡僧不空死贈司空賜爵肅國公

司空周六卿也而漢魏以來之三公非其人不必備况可以贈無父無君之夷人哉

乙卯唐大曆十年

田承嗣復反陷相衛等州

發諸道兵討田承嗣李正己按兵不進

冬十月朔日有食之

丙寅唐大曆十一年

田承嗣請入朝詔赦其罪

汴宋軍亂討平之

丁巳唐大曆十二年

田承嗣不入朝詔討之既而承嗣謝罪令不

必入朝

元載伏誅籍其家發其祖墓暴其尸貶王縉

為括州刺史

以楊綰常袞同平章事

司徒同平章事楊綰卒

罷諸州團練守捉使

起顏真卿為刑部尚書

以段秀實為涇原節度使

戊午唐大曆十三年

勅段白渠碾磧

回紇寇太原

隴右獻猫鼠同乳宰相帥百官賀

己未唐大曆十四年

田承嗣死從子悅自為留後

淮西將李希烈逐節度使詔以希烈為留後

夏五月辛酉帝崩于紫宸內殿遺詔以郭子儀攝冢宰

皇太子适即位

常袞奏貶崔祐甫為河南少尹既而郭子儀

等表其非罪貶袞為潮州刺史復以祐甫同

平章事

罷四方貢獻

號郭子儀為尚父加太尉兼中書令

詔天下毋得奏祥瑞縱馴象出官女

中使邵光遠以使藩鎮受其賂遺杖而流之

殺兵部侍郎黎幹

以劉晏判度支

禁置寺觀度僧尼

詔寃滿聽詣三司使及提登聞鼓

詔六品以上清望日令二人待制

以宦者白志真為神策都知兵馬使

淄青節度使李正已獻錢三十萬緡詔以賜

將士因慰勞之

秋七月朔日有食之

吏部尚書顏真卿請省祖宗謚

罷權酒

胡寅曰先王善政後世鮮克遵之以謂時

異俗殊不可膠柱而調瑟也不善之政興

於聚歛之臣若後世多不肯改以謂疆兵

足用不可既有而棄之也不知三代之天

下亦後世之天下所仰者獨貢助什一而

足是何道也取之有制用之有節量入為

出無侈靡妄費則貢助什一不啻足矣是

故知治體者欲罷官權酒使民自為之而

量取其秋雖未盡合古制亦裕民去奢之

漸也

以楊炎喬琳同平章事

遣使和吐蕃

沈既濟上選舉議

吐蕃南詔入寇遣神策都將李晟擊破之

葬元陵

立子誦為皇太子

詔財賦皆歸左藏

冬十二月晦日有食之

德宗皇帝諱适子

唐德宗皇帝建中元年

始作兩稅法

夏輸無過六月秋輸無過十一月置兩稅

使以總之其租庸調雜徭悉省皆總於度

支兩稅外輒率一錢者以枉法論

罷轉運租庸鹽鐵等使貶劉晏為忠州刺史

命黜陟使分巡天下

以陸贄為翰林學士

以朱泚為涇原節度使

吐蕃遣使入貢復遣韋倫使吐蕃

劉文舉據涇州作亂詔討之朝臣請赦文喜

帝不從既而諸將殺之以降

築奉天城

按術士桑道茂言德宗不出數年有離宮之厄望奉天有天子氣宜高大其城以備非常不三四年果有朱泚之變德宗思其言於是幸奉天果獲其濟然則治亂皆前定歟吁是不然術士之言不中者多矣其億而中者千百之一二也道茂知德宗將有離宮之厄盡勸之親賢遠奸輕徭薄賦至誠待下坦懷不疑如是而猶有厄焉歸之天數可也曾無一言及此顧惟發丁夫以脩城既而有變奔君其中幸而諸將亦勇得復舊京德宗因是之言一切歸之氣數不復反已自咎嗚呼朱泚之反也以道茂言脩奉天城而得全不知懷光之反也亦曾以人言脩梁州城否乎何亦得全也由是觀之則術士之言亦億中而已矣

遙尊帝母沈氏為皇太后以睦王述為奉迎使

楊炎誣殺忠州刺史劉晏始定公主見舅姑禮

辛酉唐建中二年

李寶臣死子惟岳自稱留後以楊炎盧杞同平章事

盧杞引裴延齡為集賢直學士

范祖禹曰君子與小人莫不引其類故任一小人而天下被其災害者數十年而未已焉德宗相杞而杞引延齡則其國政可知矣置相可不慎哉

加梁崇義同平章事既而拒命詔李希烈督諸軍討之

田悅反侵邢治

帝以藩鎮阻兵漕運路絕以張萬福為濠州刺史

尚父太尉中書令汾陽王郭子儀卒

安西北庭遣使詣闕詔賜李元忠等為郡王

贈袁光庭工部尚書

以張鑑同平章事

馬燧等大破田悅

李正已死其子綱自領軍務

梁崇義伏誅

張孝忠舉易州來歸以為成德軍節度使

盧杞誣殺楊炎

李洧以徐州來歸盧杞以洧為招諭使

唐建中三年

馬燧等大破田悅等于洹水

王武俊殺李惟岳

李納復陷海密

李惟岳田悅李納部將各以州降

李納求自新以中使宋鳳朝言不許

朱滔王武俊反發兵救田悅詔李懷光討之

括富商錢

范祖禹曰人君征伐不庭所以保民也而

兵革既起未嘗不虐其民暴斂之害甚於

寇盜寇盜害民之命而暴斂害民之心害

民命者君得而治之君失民心則不可復

收也

召朱泚入朝留居京師

初稅商錢茶漆竹木

以關播同平章事

朱滔田悅王武俊李納皆自稱王

李希烈反自稱天下都元帥建興王

唐建中四年

夏四月京師地震五月又震

盧杞惡顏真卿遣宣慰李希烈

以宦者白志貞為京城召募使

秋八月有星隕于京師

初行稅間架除陌錢法

房屋有稅及官用省錢始此所謂稅間架

者每屋兩架為間計間稅錢除陌錢者每

公私給與及買賣每錢一緡官除五十錢

李希烈寇襄城詔發涇原等道兵救之

冬十月涇原兵過京師作亂

召禁兵無一人至者

帝奔奉天從者僅百人

朱泚反據京師殺宗室七十七人

金吾將軍吳叔請入城宣慰朱泚為所害

司農卿段秀實謀誅朱泚不克死之

朱泚僭號

盧杞殺右僕射崔寧

李懷光師眾赴長安

以蕭復劉從一姜公輔同平章事

賊犯奉天詔韓遵環渾城拒之

翰林學士陸贄上疏論致寇之由

以韋臯為奉義軍節度使

靈武鹽運使諸將合兵入援遇賊潰歸

十一月李晟將兵入援

渾城討朱泚破走之奉天圍解

李懷光入援至奉天盧杞恐其發已奸不許

入見詔引軍還

江西節度使曹王臯遣使貢獻

李懷光上表暴盧杞等罪貶杞及白志貞趙

贊為遠州司馬

李希烈陷汴滑州

陳少遊叛

甲子  
唐興元元年

下詔罪已

制曰致理興化必在推誠忘已濟人不吝

改過小子長於深宮之中暗於經國之務

積習易溺居安忘危不知稼穡之艱難不

恤征戍之勞苦澤靡下究情未上通事既

壅隔人懷疑阻由昧省已遂用興戎天譴

於上而朕不寤人怨於下而朕不知馴致

亂階變興都邑萬品失序九廟震驚上累

祖宗下負烝庶痛心覲貌罪實在予自今

中外書奏不得言聖神文武之號李希烈

等咸以勳舊各守藩維朕撫馭乖方致其

疑懼皆由上失其道下罹其災朕實不君

人則何罪宜并所管將吏等一切待之如

初朱泚盜竊名器暴犯陵寢獲罪祖宗朕

不敢赦其脅從將吏百姓等官軍未到以

前並從赦例翰林學士陸贄所撰也愚備

錄此詔使後世人主觀其罪已之言當承

平無事時反躬省咎惴惴焉惟恐或蹈其

覆轍則不至於顛沛流離而貽後時之悔

也

也

罷間架墊陌錢竹木茶漆稅

始賜有功將士以功臣名號

此後世賜功臣名號之始所謂奉天定難

功臣是也然其所謂奉天者以地言也後

世遂襲之以為奉天命失初意矣

王武俊田悅李納上表謝罪

李希烈僭號

置瓊林大盈庫於行宮

肅復以直言出為江淮等道宣慰安撫使

詔復王武俊田悅李納官爵

遣崔漢衡詣吐蕃發兵

贈段秀實太尉諡忠烈

李懷光反帝奔梁州

李懷光與朱泚連兵

加神策行營節度使李晟同平章事

魏博兵馬使田緒殺田悅權知軍府尋以為

節度使

崔漢衡以吐蕃兵至諸將分屯受李晟節度

李懷光奔河中

以韓遊瓌為邠寧節度使

加李晟諸道副元帥

渾瑊以吐蕃兵拔武功

姜公輔以諫造塔羅為左庶子

以山南東道行軍司馬樊澤代其節度使贊

馳以耽為工部尚書

韓滉遣使貢獻于行在

李抱真王武俊大破朱泚于貝州

夏六月李晟等收復京城

朱泚伏誅

以李晟為司徒中書令渾瑊為侍中駱元光

等遷官有差

賊黨李忠臣喬琳蔣鎮張光晟等伏誅

遣給事中孔巢父宣慰河中為李懷光所害

帝還京師

徵李泌為左散騎常侍

顏真卿為李希烈所害

遣渾瑊等討李懷光

以李勉同平章事

以宦者竇文場王希遷為監神策軍兵馬使

蝗大饑

乙丑  
贈顏真卿

贈顏真卿司徒謚文忠

馬燧渾瑊連破李懷光兵

朱滔死以劉軻為幽州節度使

以韋臯為西川節度使

陝虢兵馬使殺其節度使詔以李泌為都防

樂轉運使

盧杞死

馬燧平河中李懷光伏誅其子璿自殺

初懷光之解奉天圍也上以其子璿為監

察御史及懷光也咸陽不進璿密言於上

曰臣父必負陛下願早為之備上曰卿以

何策自免對曰臣父敗則臣與之俱死復

有何策哉使臣賣父求生陛下亦安用之

懷光死璿亦自殺胡寅曰嗟乎李璿之死

也知父非義說之而不從知君之不可背

欲事之而不可得德宗既欲全之則宜預

詔馬燧以懷光叛逆罪止其身念嘗勤王

特有其子使懷光父子知之則懷光必使

璿勿死而璿亦可以不死矣

冬十一月有事于南郊

召張延賞入相李晟表陳其過以延賞為左

僕射

兩唐貞元二年

以劉滋崔造齊映同平章事

宰相分判六曹

李泌開集津至三門運道

淮西將陳仙奇誅李希烈以仙奇為節度使

仙奇尋為其將吳少誠所殺少誠自為留從

李晟遣兵敗吐蕃于汧城又敗其摧沙堡

立皇后王氏尋崩

吐蕃陷鹽夏等州

江淮運米至京師以韓滉兼度支鹽鐵轉運

等使

令李晟與張延賞釋怨

初唐貞元三年

以張延賞同平章事

雲南王異牟尋請內附

以柳渾同平章事

遣使如吐蕃

以宦者白志貞為浙西觀察使

用張延賞言以李晟為太尉罷其兵柄

渾瑊與吐蕃盟于平涼吐蕃劫盟

以馬燧為司徒兼侍中

以李泌同平章事

李泌議復府兵請募戍卒屯田京西

秋八月朔日有食之

帝欲廢太子以李泌諫而止

吐蕃寇邊

妖僧李軟奴作亂伏誅

太穆詔和羅粟麥

冬十一月京師東都河中地震

帝畋于新店復民趙光奇家

唐貞元四年

以諸道稅外錢帛輸大盈庫

李泌薦處士陽城徵為諫議大夫

回紇改號回鶻

吐蕃寇西川韋臯拒破之

以咸安公主嫁回鶻

是歲京師地屢震

唐貞元五年

春正月朔日有食之

以董晉竇參同平章事

李泌卒

唐貞元六年

吐蕃陷安西

唐貞元七年

詔六軍與民訟者府縣毋得笞辱

吐蕃寇靈州回鶻擊敗之遣使來獻俘

唐貞元八年

諫議大夫吳通玄作書謗陸贄賜通玄死貶

竇參為柳州別駕

以趙憚陸贄同平章事

以司農少卿裴延齡判度支事

四十餘州大水遣使宣撫

減江淮運米令京兆遠鎮和糴

冬十一月朔日有食之

監軍竇文場惡神策大將軍柏良器遷為右

領軍

自是軍政事掌於宦官真德秀曰宦官常

主兵柄自德宗始然開其端又自明皇肅

代始四君者皆太宗之罪人歟

唐貞元九年

鹽鐵使張滂請稅茶

自此茶利遂興鹽並

賜竇參死



以趙憬為門下侍郎與賈耽盧邁同平章事

韋舉授吐蕃五十餘柵

詔宰相送秉筆以處政事

中書令西平王李晟卒

宣武將李萬榮拒節度使劉士寧士寧逃歸

京師帝以萬榮知留後陸贄諫不聽

范祖禹曰以下犯上以臣逐君此為國者

所深惡聖王之法必誅而無赦者也不惟

不討而又賞之使天下皆無君豈得不偏

天子乎禮曰政不正則君位危為國者必

嚴上下之等明長幼之序使不相陵越若

蓋君欲自安也唐之人主壞法亂紀無政

刑矣其何以為天下乎

唐貞元十年

雲南大破吐蕃來獻捷遣使立異年尋為南

詔

陸贄論裴延齡罷為太子賓客

唐貞元十一年

裴延齡諸陸贄貶贄為忠州別駕

諫議大夫陽城坐言裴延齡左遷國子司業

唐貞元十二年

以潭城王武俊兼中書令嚴震田緒劉濟韋

臯並加同平章事諸節鎮並加檢校官

以宦者竇文場霍仙鳴為護軍中尉

宣歙判官嚴綬以進奉擢刑部員外郎

宣武軍亂以董晉為節度使

秋八月朔日有食之

裴延齡死

以崔損趙宗儒同平章事

以韋渠牟為諫議大夫

唐貞元十三年

起復張茂宗成婚禮拾遺將入諫不聽

以宦者為宮市使

按史謂宮中市外間物名為市實奪之也

嗚呼堂堂大朝富有四海乃與小人爭金

毫之利甚至白奪而有之是豈君人之道

哉胡寅曰匹夫交易價不相直取而有之

旁觀不平廉者愧耻富有四海而行同匹

夫書之青史千古不泯豈非求監乎

唐貞元十四年

以鄭餘慶同平章事

初置御史統軍

吳少誠反

貶陽城為道州刺史

祀唐貞元十五年

以李錡為浙西觀察使諸道鹽鐵轉運使

以韓弘為宣武節度使

後唐貞元十六年

宦者竇文場薦韓全義為蔡州招討使統諸

道兵討吳少誠

監軍薛盈珍遣吏誣節度使姚南仲罪牙將

曹文治追殺吏表仲南仲冤而自殺詔徵盈

珍掌機密

范祖禹曰德宗之心常與宦者為一故雖

妄言必聽之疎群臣而外之故雖有實言

而人殺身以明之亦不信也是以其害如

木之有蠹人之有膏肓之疾蠹深則木不

可攻疾久則與身為一必俱亡而後已可

不為深戒哉

于頔奏元洪罪流洪端州頔復表責太重

以洪為吉州長史

韓全義為吳少誠所敗

以齊抗同平章事

赦吳少誠復其官爵

祀唐貞元十七年

春二月大雨雹霜雪震電

遣宦官詣朔方詢軍情以高固為節度使

夏五月朔日有食之

韋臯大破吐蕃賜臯爵南康王

浙西崔善貝上封事詔送李錡錡殺之

范祖禹曰德宗本惡崔善貝故使李錡甘

心焉善貝之死非特以告錡也錡天下之

口而長姦臣之威實德宗殺之是朝廷殺

諫者非錡殺告者也

壬唐貞元十八年

詔百官毋得正牙奏事

癸唐貞元十九年

以杜佑同平章事

京兆尹李實與御史王播爭道奏擢為三原

令廷辱之

以宦者孫崇義為右神策中尉

自春正月不雨至于秋七月

以高郢鄭珣同平章事

以神策軍奏杖監察御史崔遠流崖州

監察御史韓愈以言事貶山陽令

神唐貞元二十年

早關內飢京兆尹李實奏歲旱不害

王伾王叔文以書恭侍太子

配唐貞元二十一年正月丙申以後順宗永貞元年

元年

春正月癸巳帝崩于會寧殿在位二十七年

皇太子誦即位是為順宗

帝有疾百官奏事王伾王叔文居禁中決事

宦者李忠言稱詔行下

以韋執誼同平章事

以王伾為左散騎常侍王叔文為翰林學士

尋又以伾為學士

罷宮市

忠州刺史陸贄卒贈兵部尚書諡曰宣

以杜佑為度支等使王叔文為副使

立子緝為皇太子

王叔文以范希朝為神策京西行營節度使

韓泰為行軍司馬專其事

以王叔文為戶部侍郎削去其翰林之職

韋皋表請皇太子監國

秋七月皇太子監國

以杜黃裳表滋同平章事

八月乙巳帝傳位于皇太子自號太上皇

貶王伾為開州司馬叔文渝州司戶

立良娣王氏為太上皇后

皇太子緝即位是為憲宗

勸夏綏節度使韓全義致仕

罷裴延齡所置別庫

以鄭餘慶同平章事

始令史官撰日曆

田曆之者始見于此胡寅曰古者史官世

掌其職大臣不與天子下觀故得直筆取

信於後世其次如貞觀制史官日隨仗入

隨事記之猶為近古自李義府許敬宗不

許史官聞仗後事姚璿建令宰相撰時政

記今事執誼又奏令史官撰日曆蓋欲迷眩千古以蓋其誣上行私之心也夫天下有公是非不為言語文字可以變移黑白清亂忠邪有志於垂名竹帛者自脩而已韓泰韓曄柳宗元劉禹錫以阿附土叔文貶遠州刺史尋再貶遠州司馬

葬德宗于崇陵

貶韋執誼為崖州司戶

以鄭絪同平章事

憲宗皇帝諱宗子

唐憲宗皇帝元和元年

春正月甲申太上皇崩于咸寧殿廟號順宗

在位未踰年壽四十六

西川節度使劉闢及命高崇文討之

夏綏留後楊惠琳拒命詔河東天德軍討誅之

之

韋丹表請以征蜀將高崇文為東川節度使

改稱太上皇后為皇太后

以李異為度支鹽鐵轉運使

葬順宗于豐陵

高崇文克成都劉闢伏誅

以高崇文為西川節度使

以宦者劉光琦知樞密院

樞密院始此代宗初置樞密使以宦官參掌其事至是始以光琦知樞密院其後

又以梁守謙為使然皆內臣也至於唐末

以樞密使與宰相同奏事聽進止五季因

以為二府則又以處勳舊之臣宋興因之

委以兵柄而與中書省並焉

以宦者吐突承璀為左神策中尉

唐元和二年

杜黃裳通饒謝罷為河中節度使

以武元衡李吉甫同平章事

以李絳為翰林學士

以范希朝為朔方靈鹽節度使

鎮海節度使李錡反兵馬使張子良執錡送

京師誅之

盧從史擅出兵屯邢洛

山南東道節度使于頔為子季友求尚主帝

以普寧公主歸之

李吉甫上之國計簿

武唐元和三年

策試賢良方正直言極諫舉人牛僧孺李元  
閔指陳時政之失

唐末黨禍起於此胡寅曰宗閔對策亦據  
已見論國事爾使言而非無足校者使言  
而善則亦力善效忠以蓋前愆不當怨而  
不解也

沙陀來降以其酋長執宜為陰山兵馬使

此五李唐之始

秋七月朔日有食之

以裴增同平章事

武唐元和四年

南方旱饑遣使宣慰賑恤

以李藩同平章事

制降繫囚蠲租稅出官人絕進奉禁掠賣

詔贖醵徵故第賜其家

立子寧為皇太子

吐蕃請和

王承宗表獻德棣二州詔以承宗為成德

度使分德棣為保信軍以師昌朝為節度使  
承宗執昌朝

吐蕃寇邊

以宦者吐突承瓘為招討處置等使統諸道  
兵討王承宗翰林學士白居易等諫不聽

武唐元和五年

盧龍節度使劉濟自將兵討王承宗拔饒陽  
束鹿

吐突承瓘討王承宗戰不利

赦王承宗復以德棣二州與之

劉總弒其父濟及其兄緝自為留後詔以總

為節度使

裴增等以吐突承瓘師出無功請黜之罷承

瓘中尉

以權德輿同平章事

武唐元和六年

以李吉甫同平章事

宦者惡李絳在翰林以為戶部侍郎

省内外官八百餘員諸司流外七百餘員

劉希光伏誅出宦者吐突承瓘為淮南監軍

封恩王等女為縣主

書縣主僅見此

以李絳同平章事

皇太子薨卒

大稔斗米二錢

壬辰唐元和七年

蠲淮南租稅

立子恒為皇太子

魏博田季安死兵馬使田興請吏奉貢詔以

興為節度使

遣知制誥裴度宣慰魏博

置振武天德營田

吐蕃寇涇州

己亥唐元和八年

徵武元衡入知政事

夏六月大水出官人二百車

徙受降城于天德軍

群臣請立后不許

甲午唐元和九年

罷李絳復以杜突承瑞為左神策中尉

以張弘靖同平章事

岐陽公主適司議郎杜悰行家人禮

以韋貫之同平章事

乙未唐元和十年

吳元濟反發諸道兵討之

盜焚河陰轉運院群臣請罷征淮西兵不許

遣御史中丞裴度宣慰淮西行營

盜殺中書侍郎同平章事武元衡擊裴度傷

首

以裴度同平章事

秋八月朔日有食之

李師道遣兵襲東都捕得伏誅

以韓弘為淮西諸軍都統

盜焚柏崖倉

吐蕃請互市從之

丙申唐元和十一年

學士錢徽知制誥蕭俛請罷征淮西兵黜之

削王承宗官爵發兵討之

昭義節度使鄒士美大破王承宗于柏鄉

盜斷建陵門戟

以李逢吉同平章事

皇太后王氏崩

以皇甫鏘判度支

以王涯同平章事

以李愬為唐鄧節度使

元和十二年

春正月彗星出于畢

罷征王承宗兵專討淮西

以裴度兼彰義節度使充淮西宣慰招討使

以崔群同平章事

李愬襲蔡州

吳元濟伏誅

吐突承璀為李愬同平章事罷由宦官進

尋固辭罷為戶部尚書

賜李愬爵涼國公韓弘等遠官有差

賜裴度爵晉國公後入知政事

元和十三年

李師道奉表納質并獻三州

脩麟德殿浚龍首池起承暉殿

以李夷簡同平章事

王承宗納質請更復獻二州詔復其官爵

夏六月朔日有食之

詔諸道發兵討李師道

李夷簡以方用兵求出鎮以為淮西節度使

以皇甫鏘繼昇同平章事鏘仍判度支

以方士柳泌為台州刺史以求藥

元和十四年

遣中使迎佛骨至京師刑部侍郎韓愈表諫

貶潮州刺史

李師道伏誅

平盧都將劉愜以執李師道功用為義成節

度使

詔諸道支郡兵馬並令刺史領之

范祖禹曰後世郡縣古之諸侯也委之以

土地人民而不與之兵是以匹夫而守一

州也天下有變則城郭不守而朝廷無藩

籬之固何以異於無郡縣乎是故為法者

必關盛衰使一縣之衆必由於令一郡之

衆必由於守守之權歸於按察按察之權

歸於天子則天下如網網之相維臂指之

相使矣唐自中葉郡置鎮兵主將有擅兵之勢而刺史無專城之任是以郡縣愈弱藩鎮愈強橫海一帥制之得宜而數世順命况天下處之皆得其道何危亂之有哉皇甫鑄黨擄裴度詔罷度平章事出為河東節度使

左右軍中尉各獻錢萬緡

以今狄楚同平章事

起居舍人裴潯上言方士不可信貶為江陵令

按潯言大略謂借令真有神仙彼必深潛巖壑惟畏人知凡侯伺權貴之門以大言自衛奇技驚眾者皆不軌徇利之人豈可信其說而餌其藥邪夫藥以愈疾非朝夕常餌之物况金石酷烈有毒又益以火氣殆非五臟所能勝也古者君飲藥臣先嘗之乞令獻藥者先餌一年則真偽可辨矣

唐元和十五年

春正月庚子宦者陳弘志弒帝時十五年范祖禹曰憲宗伐叛討逆威令復張而變

生近習身陷大禍由任相非其人故也可不為深戒哉可不為深戒哉然陳弘志弒憲宗而穆宗不討賊故舊史傳疑而已其後文宗謀誅宦官蓋以討亂而宣宗追治逆黨戮之殆盡其子孫皆以為弒復何疑哉

中尉梁守謙等立太子恒是為穆宗殺宦者吐突承璀及澧王渾

唐世宦官弒君立君始此真德秀曰憲宗英主也不知春秋書開弒吳子餘祭之惡

而昵近刑人以殞其身又不知顧命呂伋等逆子鈞之事而使嗣子之立出宦者之手以是觀之人主其可以不學哉

貶皇甫鏘為崖州司戶

以蕭俛段文昌同平章事

蕭俛段文昌請銷兵密詔軍鎮每歲軍百人

中限八人逃死

方士柳泌伏誅貶李道古為循州司馬

尊貴妃郭氏為皇太后

帝御樓肆赦觀倡優雜戲



葬景陵

以崔植同平章事

大宴

王承宗死其弟承元表請除師詔以田弘正為成德節度使以承元為義成節度使

光緒四年六月二十五日

世史正綱卷十九

庚集

世史正綱卷二十

○唐世史

穆宗皇帝諱恒憲宗子

辛丑唐穆宗皇帝長慶元年

詔河北諸道各均定兩稅

以杜元穎同平章事

以王播為鹽鐵使

逆賊劉總棄官為僧以張弘靖代之為節度使

段文昌言禮部侍郎錢徽等知貢舉不公令

覆試錢徽等外姓

唐末黨禍成於此

以太和長公主妻回鶻可汗

盧龍軍將朱克融囚其節度使張弘靖自為

留後以克融為節度使

成德兵馬使王庭湊殺節度使田弘正起復

田布為魏博節度使

瀛州軍亂執觀察使盧士玫

以牛元翼為深冀節度使王庭湊圍之

相州軍亂殺刺史邢楚

庚集

吐蕃遣使來盟

詔兩稅皆輸布絲纈

以王播同平章事

以裴度為鎮州行營都招討使

裴度奏學士元稹與知樞密魏弘簡交結詔

罷弘簡及稹

誅宿州刺史李直臣

壬寅唐長慶二年

王庭湊掠官軍糧運

魏博節度使田布為其將史憲誠所逼自殺

詔以憲誠代之

以王庭湊為成德節度使遣兵部侍郎韓愈

宣慰其軍

以元稹同平章事

以裴度為司空東都留守

帝以羽林將軍李聽為河東節度使

昭義節度使劉惔執監軍劉承偁詔惔送承

偁不奉詔乃流承偁於遠州

詔內外諸軍將士有功者奏與除官

武寧副使王智興作亂詔以為節度使

詔以裴度為

夏四月朔日有食之

詔元逃戶欠錢

以李逢吉同平章事

宣武押牙李昇作亂誅之

太后幸華清宮帝畋于驪山

帝擊毬墜馬得疾宦者王守澄專制國事

立子澹為皇太子

卯癸唐長慶三年

以牛僧孺同平章事

以韓愈為京兆尹

秋九月朔日有食之

李逢吉惡裴度出為山南西道節度使

復以韓愈為吏部侍郎李紳為戶部侍郎

甲寅唐長慶四年

春正月帝餌金石藥有疾

命皇太子監國

宦官請太后臨朝太后不從

壬申帝崩于清思殿在位四年

皇太子澹即位

是為敬宗

李逢吉諸李紳出為端州司馬

尊皇太后為太皇太后

尊所生母王氏為皇太后

帝幸中和殿擊毬

帝悅朝晏左拾遺劉栖楚叩首殿墀以諫

李逢吉引用李虞等時號八關十六子

太白經天

盜入清思殿

以李程竇易直同平章事

宦者李文德反伏誅

加裴度同平章事

御史溫造劾夏綏節度使李祐達救進馬

葬光陵

吏部侍郎韓愈卒

敬宗皇帝諱宗子

乙丑唐敬宗皇帝寶曆元年

李德裕獻丹表六箴

一曰宵衣二曰正服三曰罷獻四曰納諫

五曰辨邪六曰防微

鹽鐵使王播進羨餘絹百萬匹

辛酉驪山溫泉拾遺張權輿諫不聽  
唐寶曆二年

以裴度為司空同平章事

幽州軍亂殺朱克融而以其子代之其將李

載義又殺之滅其族尋以載義為節度使

冬十二月辛丑宦者劉克明等弒帝于室內

在位二年立絳王悟宦者王守澄等誅克明

殺悟立江王涵更名昂是為文宗

唐世宦官弒君立君再見于此

尊母蕭氏為皇太后

以韋處厚同平章事尋請避位不許

出宮女放鷹犬省冗食罷別貯宣索

文宗皇帝諱昂

丁丑唐文宗皇帝太和元年

以宦者王守澄為神策中尉

裴度等奏用高瑀為忠武節度使以韋僕誦

之弊

鹽鐵使王播以賄得同平章事

胡寅只姦貪之人持金帛躋廊廟其瀆天

職滓上心多矣

葬敬宗于莊陵

以橫海權知軍務李同捷為充海節度使不受詔發兵討之

成唐太和二年

親策制舉人劉蕡對策極言官寺之禍黜之

李卻請田所授以旌蕡直不報

秋七月彗星出于右攝提

王庭湊反發兵討之

以路隋同平章事

配唐太和三年

魏博殺史憲誠其將何進滔拒命因為節

度使

李同捷伏誅

以李宗閔同平章事

命宦官毋得衣紗縠綾羅

禁獻奇巧及織麗布帛

南詔寇成都入其郭

成唐太和四年

以牛僧孺同平章事

興元監軍楊叔元殺節度使李絳

以柳公綽為河東節度使公綽奏以沙陀酋

長朱邪執宜為陰山都督

以溫造為山南西道節度使造誅亂兵

裴度辭位以為司徒平章軍國重事三五日

一入中書李宗閔惡其薦李德裕尋出度為

山南東道節度使

以宋申錫同平章事

以李德裕為西川節度使

辛唐太和五年

盧龍楊志誠逐李載義因為留後

宦者王守澄誣宋申錫謀立漳王湊帝欲屠

申錫家以宦者馬存亮諫而止貶湊為巢縣

公申錫為蘭州司馬

左常侍馬存亮致仕

吐蕃將悉怛謀舉維州來降李德裕受之以

聞牛僧孺言不宜受從之

壬唐太和六年

春正月以水旱降繫囚

立子永為皇太子

牛僧孺罷為淮南節度使

癸巳 太和七年

以李德裕同平章事

以王涯同平章事兼度支鹽鐵轉運使

李德裕請宗室諸王出閣不畧行

李德裕請罷詩賦取士

以鄭注為右神策判官

群臣請上尊號帝聽中使薛季昶言不受優

賜季昶

甲寅 太和八年

春二月朔日有食之

夏六月旱

秋九月彗星出于太微

幽州軍亂楊志誠伏誅

以李宗閔同平章事罷李德裕為山南西道

節度使以李仲言為翰林侍讀學士仲言改名訓政

令進士復試詩賦

李德裕乞留京師以為兵部尚書李宗閔言

制命已行改鎮海節度使

乙卯 太和九年

鄭注言秦地有炎浚曲江及昆明池以厭之

京師地震

以賈餗同平章事

貶李德裕為袁州長史

以宦者仇士良為神策中尉

貶李宗閔為明州刺史以李固言同平章事

以鄭注為翰林侍讀學士貶李珣為江州刺

史

始正宦者陳弘志弑逆罪誅之

以鄭注為鳳翔節度使

以宦者王守澄為神策觀軍容使

以舒元興李訓同平章事

以王涯兼權茶使

帝陰遣人誅王守澄

加裴度兼中書令

李舒元興鄭注等謀誅宦官不克以鄭

李石同平章事宦官仇士良殺訓注及王涯

賈餗等十一族自是天下事皆決於宦官

范祖禹曰文宗憤宦官之弑逆而欲除之

當擇賢相而任之朝廷既清紀綱既正賞

罰之柄出于人主執其元惡付之有司正

典刑而已矣乃與訓注為詭計欲用甲兵於陞城之間不以有罪無罪皆夷滅之召外寇以攻內寇是以一敗塗地幾亡社稷非徒無益而愈重禍蓋用小人以去小人未有不害及國家者也

丙辰唐開成元年

春正月朔日有食之

二月京師地震

以李固言同平章事

復宋申錫官爵

秋七月雨土

丁巳唐開成二年

春三月彗星出于張長八丈餘

以陳夷行同平章事

國子監石經成

戊午唐開成三年

盜射傷同平章事李石

以楊嗣復李珣同平章事

皇太子承繼卒

彗星出于軫

詔裴度入知政事

起唐開成四年

春正月彗星出于羽林又出于卷舌

司徒中書令晉國公裴度卒

以崔郾同平章事

立從子成美為皇太子

誅伶人劉楚林等

唐肅宗五年

春正月帝不豫楊嗣復李珣欲奉太子監國

宦者仇士良以太子立功不在己矯詔立穎

王瀍為皇太弟

辛巳帝崩于太和殿在位十三年

瀍弒皇太子成美而自立武宗

胡寅曰昔成王有疾已困殆而正衣冠就

公卿出經遠保世之格言女子小人何由

得乘其隙此固周召作聖之功而成王敬

德之效也文宗有美質而無聖學故於始

終大節惜惜焉不然當疾病之時自力御

殿引召宰執面命太子臨見群臣仇士良

輩雖欲移易安得而移易哉故孔子作春

秋公薨必書其所垂教之意深矣遠矣

殺賢妃楊氏安王溶

追尊母韋氏爲皇太后

以宦官仇士良爲開府儀同三司左衛上將軍

二月彗星出于室壁

仇士良殺先朝近侍

以崔珙同平章事

夏五月大風拔木

葬章陵

內樞密使劉弘逸薛季校等謀因山陵殺仇士良不克士良殺之

按唐書武宗紀此事在是年葬章陵後通鑑書在會昌元年今從本紀以其因山陵謀之故也

以李德裕同平章事

仇士良請以開府蔭其養子給事中李中敏判不與出中敏爲婺州刺史

冬十一月彗星出于東方

武宗皇帝

詳通鑑

醉唐武宗會昌元年

文宗已立太子成美帝不豫宦者仇士良乃立武宗舊嘗大書其年號而此分書之者以見其非所當立而立也

春正月有事于南郊

以陳夷行同平章事

用仇士良諧欲殺故相楊嗣復李珣以李德裕諫而止貶嗣復珣遠州刺史

詔群臣言事毋得乞留中

帝受法錄於方士拾遺王哲諫坐貶

秋七月彗星出于羽林

加宦者仇士良觀軍容使

盧龍軍殺節度使自推其將主留務朝廷不問既而雄武軍使張仲武自討平之詔以仲武知留後尋以爲節度使

蘇轍曰盧龍軍連害帥臣最後張絳殺陳行泰李德裕以爲河朔諸帥皆報下太速故其軍得以安若稍緩之必且有變果如其言德裕之謀即貞元中陸贄之故智也

唐

會昌二年

以李紘同平章事

以李綱同平章事

因紘入寇詔發兵禦之

帝欲相白居易李德裕沮之薦其從弟白居易

中為翰林學士

帝幸涇陽校獵高少逸鄭朗切諫擢少逸給

事中朗諫議大夫

唐會昌三年

劉沔大破回鶻其將石雄迎太和公主以歸

春二月朔日有食之

贈悉怛謀右衛將軍

昭義劉從諫死其子賴自為留後詔發諸道

兵討之

詔諭王元逵何弘敬以澤潞事體與河朔不

同

以崔鉉同平章事

築望仙觀于禁中

內侍監仇士良致仕教其黨勿使人主讀書

近儒生

嗚呼人君一身天地人物之主百萬生靈

之命係焉所以廣其智慮裨其政治者當

務之急孰有要於讀書親賢哉彼小人者

恐其君見古今治亂而知儆省聞儒生陳

說而開悟有以燭己之奸而不得恣其欲

蓋愚其君也愚其君將以遂其所大欲也

苟惟遂己之欲則雖致君於幽厲措世於

亂亡有弗暇顧焉者後世英明之主尚當

以士良斯言為戒服之心胷列於屏障丁

寧告戒於子孫官中暇日只是讀書接賢

士大夫之時多親官官妾之時少毋為

小人所愚弄而墮其術中夫然則君道

而天地人物有所倚賴而不至於墮

惡於斯世斯民矣

遣御史中丞李回宣慰河北三鎮

王元逵破昭義兵拔宣務柵詔加元逵平

事

詔王宰趨磁州何弘敬拔肥鄉平恩

以王宰兼河陽行營攻討使

李德裕與宦者議約敕監軍

以石雄為晉絳行營節度使雄即引兵破五



塞

子甲

唐會昌四年

河東都將楊弁作亂討平之

春三月朔日有食之

以左僕射王起同平章事充山南西道節度使

相臣除使相始于此

以趙歸真為道門教授先生

胡寅曰三教之名自其徒失本真而云然其謬悠之甚者道教是也儒以名學仁義

道德之人自周有之佛者覺也為其道而

覺則瞿曇之徒是也若夫道則以天下共

由而得名猶道路然得道而盡惟堯舜文

王孔子耳老聃之言獨善其身不可與天

下共由也而名之曰道自漢以來失之矣

其後乃有飛僊變化之術丹藥符籙之技

禱祠醮祭之法沈淪鬼獄之論雄然並興

皆歸於道家者流豈不遠哉

減州縣冗食

詔削宦官仇士良官爵籍沒家貲

以杜宗同平章事

劉稹所部邢洺磁三州降以盧鈞為留後乘

驛赴鎮

劉稹將郭誼斬稹以降

加李德裕太尉賜爵趙國公

李德裕奏貶牛僧孺為循州司馬流李宗閔

于封州

北唐

會昌五年

帝從李德裕請受尊號

胡寅曰莫難強如怠心莫難制如欲心莫

難降如驕心莫難平如怒心莫難抑如忌

心莫難開如惑心莫難解如疑心莫難正

如偏心然皆放心也大人格君心之非者

格此等也未至乎大人而當大臣之任亦

當勉之要使君心常收而不放則善日起

惡日消治可立安可保矣武宗英斷削平

叛亂唐室威令赫然復張此正驕欲易生

之時也三鎮未朝河湟未復天子偏感方

士餌金石以濟其淫溺宰相逃憂免責之

不暇德裕乃請上尊號是以滿假矜伐勸

其君夫豈引君於當道之義哉

義安太后王氏崩

淮南節度使李紳奏江都令吳湘罪李德裕

惡湘李父武陵處以死

以李回同平章事

秋七月朔日有食之

以鄭肅同平章事

用趙歸真言毀天下佛廬四萬四千餘區革

僧尼為民二十六萬丁得其田十萬頃奴婢

十五萬人

以道士劉玄靜為崇玄館學士

給事中韋弘質言李德裕權重被貶

帝服道士藥有疾

詔罷來年正月朝會

丙唐會昌六年

春三月帝疾篤宦官馬元贇立光王怡為皇

太叔

稱皇太叔始此嗚呼太弟已非況太叔乎

甲子帝崩于大明宮年三十三

皇太叔立改名忱是為宣宗

尊所生母鄭氏為皇太后

罷李德裕為荆南節度使

道士趙歸真伏誅

詔上京增置八寺復度僧尼

以白敏中同平章事

定太廟為九代十一室

葬端陵

以盧商同平章事

帝受三洞法籙

冬十二月朔日有食之

宣宗皇帝諱懿子

丁卯唐宣宗皇帝大中元年

宣宗之立亦不出武宗意而出於宦官乃

大書其年號者武宗未立太子而儲位未

定故也然其立也不書即位而書立其亦

異於諸帝者矣

春正月有事于南郊

早出宮女縱鷹隼止營繕

白敏中使其黨訟李德裕罪以德裕為太子

少保分司尋以吳湘兄訟冤貶潮州尉馬

以崔元式韋璋同平章事

吐蕃寇河西河東節度使王宰擊破之

帝以故相令狐楚子綯為考功郎中知制誥

作雍和殿於十六宅

戊辰唐大中二年

補闕丁柔立訟李德裕寃貶為南陽尉

作五王院以處皇子之幼者

夏五月朔日有食之

以周墀馬植同平章事

帝悅弒太皇太后郭氏不以祔葬配饗

胡寅曰古聖人之重嫡妾之辨以人道尊

其父也父之妾猶父之僕也吾之母則父

之敵體也舉父妾齊之母而可則崇父之

僕而儕諸父而可乎故孔子作春秋凡以

私恩崇其所生必加譏貶以示嫡妾之必

不可紊其為後世法戒深矣今宣宗嫡母

無恙遽奉侍兒比肩宸極而又鐫刻儀數

親行弒逆此豈人理哉設使太后得罪先

帝臣子猶無貶黜之禮况過失不聞徒以

曖昧之說加之乎是宜革前史疑似之言

正名宣宗弒母之罪使知大惡之不可以  
小善掩嫡母之不可以妾母黜雖獲罪於  
君子而不辭也

貶李德裕為崖州司戶

萬壽公室適趙居郎鄭顥詔公主執婦禮

配唐大中三年

帝聞故江西觀察使韋丹有德政詔史館撰

遺愛碑擢其子宙為御史

吐蕃二州七關來降

周墀以直言罷為東川節度使加檢校右僕

射

以崔鉉魏扶同平章事

右補闕鄭魯言武寧節度使李廓不治狀既

而為亂軍所逐擢魯為起居舍人

克復河湟

李德裕卒

唐大中四年

以馬植交通宦者貶常州刺史

以崔龜從同平章事

補闕孔溫裕疏諫開邊貶郴州司馬

以令狐綯同平章事

辛唐大中五年

沙州人張義潮以沙瓜等十一州來歸尋置歸義軍以義潮為節度使

以裴休為鹽鐵使

帝以党項反由邊帥貪暴擇儒臣代之以李福為夏綏節度使

以白敏中充招討党項都統制置使

吐蕃論恐熱入朝

以魏謩同平章事謩請立太子

壬唐大中六年

春三月彗星出于觜參

帝詔翰林學士畢誠論邊事以誠為邠寧節度使

以裴休同平章事

復禁私度僧尼

癸唐大中七年

春正月有事于南郊

帝以元舅鄭光為羽林統軍

甲唐大中八年

春正月朔日有食之

擢縣令李行言為海州刺史賜金紫

詔雪玉涯賈餗等

亥唐大中九年

以醴泉縣尹李君奭有異政擢懷州刺史

詔州縣作差科簿

浙東軍亂逐觀察使李訥貶訥為刺史并杖配其監軍著為令

以柳仲郢為鹽鐵轉運使

以魏謩同平章事

丙唐大中十年

以鄭朗同平章事

裴休請建太子不聽休以疾辭位

胡寅曰豫建太子所以重宗廟也宣宗之

論一何異哉蓋以大利為心至乃靳於其

子故雖賞罰嚴必措時康定而器局褊促

無人君偉然之度矣然裴休既發其端當

卒其說使以帝所目擊文宗武宗之事為

戒則宣宗亦必惕然而省矣

以崔慎由同平章事

內園使李敬寔遇宰相不避詔剥色配南牙

丁巳大中十一年

帝欲以韋澳判戶部澳以不出宰相辭以蕭鄴同平章事

秋九月彗星出于房

以伶人劉漢貞言及外事流遠方遣使迎方士軒轅集于羅浮山

大中十二年

崔慎由言及建儲尋罷政事

以劉瑒同平章事

以夏侯孜同平章事

湖南江西宣州軍亂各逐其觀察使尋皆討平之

河南北淮南大水

以蔣伸同平章事

肥唐大中十三年

秋八月癸巳帝崩于咸寧殿年五十三

官者王宗實立帝長子鄆王灌繼宗

尊皇太后為太皇太后

方士李玄伯等伏誅

范祖禹曰三代之時自天子至於庶人皆

有常職以食其力有常行以勤其生幼而

強勉焉老而教訓焉脩己以俟死而已天

下無異道未有衆人皆死而欲一己獨不

死者也執左道以亂政者殺故無迂怪之

士由秦漢以來乃有神仙服食不死之說

故人心多惑聖道不明此其一端也而人

主尤甘心焉以唐考之自太宗至於武宗

餌藥以敗者六七君亦可以為戒矣而宣

宗又敗以藥至以儲嗣為諱惡豈不蔽甚

矣哉

以杜審權同平章事

復以白敏中同平章事

南詔僭號

懿宗皇帝諱宗子

懿宗皇帝咸通元年

浙東民裘甫作亂以王式為觀察使討之甫

伏誅

葬宣宗于貞陵

禁州縣稅外科率

以白敏中為司徒中書令

追復李德裕官爵贈左僕射

以畢誠同平章事

冬十一月有事于南郊

辛巳咸通二年

以杜悰同平章事

南蠻攻陷邕州

遣使吊祭南詔

壬午咸通三年

南詔寇安南

置戒壇度僧尼

分嶺南五管為東西二道

廣南分東西始此東道治廣州西治邕州

徐州軍亂

以夏侯孜同平章事

嶺南西道軍亂節度使蔡京以苛慘誅

癸未咸通四年

南詔陷交趾經略使蔡襲死之

畢誠以同列多徇私稱疾辭位

楊收與宦官叙宗相結得同平章事

以曹確同平章事

秋七月朔日有食之

甲申咸通五年

春三月彗星出于婁司天監以為瑞星詔宣示中外

以蕭寔同平章事

南詔寇邕州官軍敗沒加康承訓檢校右僕射

發徐州兵三千人戍邕州

以路巖同平章事

乙酉咸通六年

始以郭太后配饗憲宗

以高瑒同平章事尋卒以徐商代之

丙戌咸通七年

嶺南西道節度使高駢大破南詔蠻復取交趾

吐蕃拓跋懷光斬論恐熱傳首京師吐蕃自

是衰絕

置靜海軍于安南

以高駢為節度使

丁亥咸通八年

懷州民逐刺史劉仁規

以于琮同平章事

子成唐咸通九年

春正月彗星出于婁胃

桂州戍卒久不代龐勛等反還陷宿徐州執觀察使崔彥曾遣康承訓發諸道兵討之勛陷滁和州

唐末之亂始比宋祁曰易云喪牛于易有國者知戒西北之虞而不知患生於其所無備漢亡於董卓而兵兆於冀州唐亡於黃巢而禍基於桂林易之意深矣

江淮旱蝗

丑唐咸通十年

同昌公主適韋保衡

龐勛殺崔彥曾自稱天冊將軍

陝州觀察使崔堯不恤民民作亂逐之

秋八月彗星出于大陵

徐州降龐勛伏誅

以劉瞻同平章事

以朱邪赤心為大同軍節度使賜姓李

南詔入寇陷嘉黎雅州

寅唐咸通十一年

南詔攻成都

以韋保衡同平章事

補闕楊瑒等請嚴禁百姓不許在逐刺史

復置徐州觀察使統徐濠宿三州

同昌公主卒殺醫官二十餘人

以韋保衡等諸貶同平章事劉瞻為驪州司

戶

以王鐸同平章事

以李國昌為振武節度使

卯唐咸通十二年

以劉鄩同平章事

辰唐咸通十三年

以趙隱同平章事

殺國子司業韋殷裕

晁補之曰殷裕論妃戚家私而當大逆不

道之戮唐之亡自此兆矣

巳唐咸通十四年

遣使迎佛骨帝膜拜流涕迎入禁中下詔降

中外繫囚

秋七月辛巳帝崩于咸寧殿諡世十四年

宦者劉行深等立帝幼子儼改名僖是為僖宗

關東河南大水

裴韋保衡為賀州刺史尋賜死

以蕭倣同平章事

光緒四十四年

世史正綱卷二十一

○唐世史

僖宗皇帝諡僖宗子

中唐僖宗皇帝乾符元年

關中旱饑

賜路巖死

葬懿宗于簡陵

以裴坦同平章事

復起劉瞻同平章事瞻暴卒

以崔彥昭同平章事

以鄭畋盧攜同平章事

南詔寇西川陷黎州

濮州人王仙芝作亂

乾符二年

以高駢為西川節度使

以宦者田令孜為中尉政事一委之

胡寅曰唐自明皇以來尊寵宦者德宗始

委以禁兵文宗以後天子由其所立故其

未流子孫至於如此夫國之興也未有不

由親賢及其衰也猶以小人取敗况祖宗



所任不正則後世必有甚焉者矣是以明王必慎其所與恐開禍亂之源也

田令孜籍兩市商貨輸內庫陳訴者殺之

王郢作亂陷蘇常州

以李蔚同平章事

王仙芝陷濮曹州冤句人黃巢聚衆應之

范祖禹曰自古賊盜之起國家之敗未有

不由暴賦重斂而民之失職者衆也唐之

李世政出閭閻不惟賦斂剝削復販鬻百

物盡奪民利故有私鹽之盜使民無衣食

之資欲不亡其可得乎

秋七月大蝗京兆尹奏蝗不害稼宰相稱翼

右補闕董璲上疏論事語侵宦官貶郴州司

馬

以宋威爲諸道行營招討使

唐乾符三年

天平軍亂詔本軍宣慰之無得窮詰

令天下鄉村各置弓刀以備盜

以王鐸同平章事

雄州地震裂水涌出

宋威大破王仙芝奏其已死縱遣諸道兵百官入賀既而州縣奏仙芝攻剽如故復詔留安潛發兵討之

秋九月朔日有食之

王仙芝陷淮汝等州

以王仙芝爲神策押牙其黨黃巢不容仙芝受二賊遂分兵

唐乾符四年

王仙芝陷鄂州

王郢陷明台州尋爲官軍所誅

黃巢陷鄆沂等州

以王鐸同平章事

夏四月朔日有食之

唐乾符五年

大同軍亂推李克用爲留後

招討使魯元裕大破王仙芝誅之

黃巢自稱衝天大將軍陷沂濮掠宋汴又陷

虔吉饒信等州

詔河南貸商稅富人錢穀賜以空名告身

南詔請和親

以豆盧瑑崔沆同平章事

黃巢入浙東

以鄭從讜同平章事

黃巢陷福州

乾符六年

春二月京師地震藍田山裂出水

黃巢趣廣南

嶺南西道節度使辛謙遣使如南詔

夏四月朔日有食之

黃巢表求廣州節度使授巢率府不受巢陷

廣州

高駢請分兵守要害以擊黃巢不從

以高駢為淮南節度使充鹽鐵轉運使崔安

潛為西川節度使

黃巢陷潭州

冬十一月兩日並出而鬪

劉巨容破黃巢于荆門賊渡江東走陷鄂州

以盧攜同平章事

廣明元年

沙陀寇忻代逼晉陽

以左拾遺侯昌業上疏諫遊戲及內侍專權

殺之

以宦者田令孜兄陳敬瑄為西川節度使

以高駢為諸道行營都統

以宦者李順融為樞密使始降麻如將相

黃巢北渡江又渡淮

沙陀李國昌及其子克用皆為官軍所敗亡

走達韃

達韃之名始見于此

盜陷澧州殺刺史李詢判官皇甫鎮與同死

以宦者田令孜為諸道兵馬制置招討等使

黃巢逼東都制置使齊克讓請兵詔選神策

兵得二千餘人令張承範將以赴之士卒飢

不能戰

黃巢陷東都留守劉允章帥百官迎謁

黃巢入潼關陷華州

以黃巢為天平節度使

田令孜以黃巢入關罪歸同平章事盧攜殺

之

以王徽裴澈同平章事

黃巢入京師帝僂走興元

賊兵大掠殺官吏

黃巢僭號殺唐宗室

黃巢殺豆盧瑑劉鄴等將作監鄭綦郎中鄭係義死之

賊將朱溫屯東渭橋

賊殺于琮廣德公主死之

鳳翔節度使鄭畋合鄰道兵討賊

帝至興元漢陰令李康獻糗糧帝始得食

召張濬為兵部郎中

義成節度使王處存舉兵入援

賊將朱溫攻河中節度使王重榮破之遂入援

辟唐廣明二年七月以後中和元年

春正月帝居于興元尋入成都

以蕭遘同平章事

以王鐸同平章事

加高駢東面都統

以鄭畋為京城四面諸營都統

赦李克用遣李友金召之

賓州刺史拓拔思恭會鄜延節度使李昌言同盟討賊

拓拔思恭西夏之先也

奉天鎮使齊克儉遣使請鄭畋求自效

鄭畋傳檄天下合兵討賊

諸將入京師黃巢帥眾東走詢知無備還襲官軍京師復為所據

高駢移檄討賊屯東塘不行

忠武監軍楊復光克鄧州

以鄭畋為司空同平章事都統如故

以韋昭度同平章事

左拾遺孟昭圖以直言為田令孜所殺

秋八月星交流如織或大如杯碗

壽州人王緒作亂陷光州以固始縣佐王潮為軍正

李昌言逐鄭畋

以拓跋思恭為節度使

南詔上表款附

以董昌為杭州刺史

莊唐中和二年

春正月帝居于成都

以王鐸為諸道行營都統

朱溫據同州

以鄭畋為司空同平章事軍事一以咨之

王鐸以諸道兵逼長安

加高駢侍中罷鹽鐵轉運使

邛州牙官所能作亂蜀中群盜應之官軍與

戰不利執村民以為俘

以鍾傳為江西觀察使

賊將朱溫以華州降王鐸以為同華節度使

賊將韓秀昇等斷峽江路

以朱溫為河中行營招討副使賜名全忠

李克用趣河中以克用為鴈門節度使

高仁厚討所能平之

關中大饑

唐中和三年

春正月帝居于成都

李克用敗賊將黃揆于沙苑王鐸以克用為

東北面行營都統

田令孜罷王鐸兵柄以鐸為義成節度使

以宦者田令孜為十軍十二衛觀軍容使

李克用破黃巢收復京師

黃巢取蔡州節度使秦宗權降之合兵圍陳

州

以劉謙為封州刺史

南漢之基兆于此

以李克用為河東節度使

後唐之基成于此

以朱全忠為宣武節度使

梁之基成于此

左驍衛上將軍楊復光卒

復光宦官也而書其爵與卒忠於王室也

鄭畋罷為太子少保

以鄭從讜同平章事

以裴澈同平章事

李克用取潞州

以宗女妻南詔

以宗室女妻南蠻始見于此

朱全忠據亳州

唐中和四年

春正月帝居于成都

東川節度使楊師立反尋將其將吏所誅

李克用會諸道軍于陳州黃巢退走

黃巢趣汴州李克用等追擊大破之賊將尚

讓降巢收餘衆奔兗州

李克用至汴州朱全忠襲害之克用走免上

表乞討朱全忠詔諭解之

尚讓敗黃巢于瑕丘

黃巢伏誅

進李克用爵為隴西郡王

以王徽為京兆尹招撫流散繕治宮室

以陳巖為福建觀察使

盜殺中書令王鐸

乙巳唐中和五年三月以後光啓元年

春正月帝居于成都

三月帝至京師

秦宗權僭號詔以特溥為行營都統討之

田令孜自兼兩池權鹽使

秦宗權將孫儒陷東都焚掠而去

右補闕常濬言宜稍振典刑帝以田令孜言

殺之

范祖禹曰殺諫臣者其國必亡故侯昌業

孟昭圖常濬皆以諫死而唐亡之兆決矣

何必天變彗孛之為妖乎夫忠臣欲救社

稷之危人主不惟棄其言而又戮其身不

祥莫大焉此其國所以為墟也

王潮擒王緒衆奉潮為將軍

田令孜遣朱玫李昌符攻王重榮李克用救

之表請誅令孜等詔和解之克用進逼京城

令孜奉帝奔鳳翔

丙午唐光啓二年

宦者田令孜劫帝獨如寶鷄失太廟神主遣

孔緯召百官以令孜皆不赴

朱玫李昌符追逼車駕令孜復挾帝如大散

關李克用還太原王重榮與朱玫等表請誅

田令孜

帝至興元百官罪狀田令孜請誅之

詔加王重榮應接糧料使調其粟以繼國用

重榮以不誅田令孜不奉詔

遣王建成三原遙領壁州刺史

將帥遙領州自此始

以孔緯杜讓同平章事

朱致以襄陽入京師權置軍國事以則昌

圖同平章事致自為侍中承制封拜

田令孜薦楊復恭為中尉自為西川監軍

朱致以蕭遵為太子太保

王重榮李克用表請討朱致詔楊復恭假子

楊守亮與重榮克用共討之

朱致遣王行瑜寇興州詔李茂貞拒之

王潮陷泉州

朱致立李煜稱帝改元

董昌趣越州

王行瑜誅朱致李煜奔河中王重榮誅之

新唐光啓三年

春正月帝居于興元

以王行瑜為靜難軍節度使李茂貞領武定

節度使楊守亮為山南西道節度使

以錢鏐為杭州刺史

吳越之基始于此

流宦者田令孜干端州不行

誅偽宰相蕭遵鄭昌圖裴澈

三月帝至鳳翔

利州刺史王建襲閬州而據之

玉蜀之基始于此

淮南將畢師鐸幽高駢

宣州觀察使秦彥入揚州廬州刺史楊行密

引兵攻之

楊吳之基始于此

李昌符作亂敗走

河中軍亂殺王重榮

張全義為河南尹招懷流散勸之樹藝

李昌符伏誅以茂貞為鳳翔節度使

以張濬同平章事

秦彥殺高駢

楊行密克揚州

以朱全忠兼淮南節度使

新唐光啓四年二月以後文德元年

春二月帝還京師

以朱全忠為蔡州四面行營都統

以楊行密為淮南留後

三月朔日有食之

宦者楊復恭立壽王傑為皇太弟更名敏

范祖禹曰宦者利於立幼而使已得以專威權苟以長而立則已無功矣故必有所廢置而謂之定策嗚呼立君以為天下而使宦者專以為功未有不亂國家者也胡寅曰甚哉宦豎之害亡人之國也如不身惟賢君可恃君而不賢亂所由生何身之能保耶

癸卯帝崩于武德殿

在位十五年二十七年

宦官立太弟敏

昭宗

按歐陽脩曰唐自穆宗以來八世而為宦官所立者七君嗚呼唐之衰亡豈止藩鎮之患哉蓋朝廷天下之本人君朝廷之本始即位人君之本其本始不正欲以正天下其可得乎史綱於此七君皆不書即位所以正其始也

葬靖陵

秦宗權將申叢執宗權來獻誅之

以王建為永平軍節度使

削陳敬瑄官爵

朱全忠取宿州

贈孟昭圖起居郎常滑禮部員外郎

昭宗皇帝

配唐昭宗皇帝龍紀元年

以劉崇望同平章事

進朱全忠爵東平郡王

以楊行密為宣歙觀察使

帝更名晬

冬十一月有事于南郊宦官始服劍佩

胡寅曰僭亂之事未有不自微而著故孔子曰惟名與器不可以假人臯陶曰五服

五章哉故亂之所生則衣服以為階

宦者楊復恭肩輿至太極殿

姨唐大順元年

以楊行密為寧國軍節度使

張潛請討李克用詔削奪克用官爵以潛為

招討使討之潛等兵潰遁還

以朱全忠兼宣義節度使尋加中書令

王建蜀州

復置昇州

辛唐大順二年

以崔緯徐彥若同平章事

李克用上表詔貶孔緯張濬為遠州刺史復

李克用官爵尋加中書令

復陳敬瑄官爵

夏四月彗星出三台入太微長十丈餘

王建克成都自稱西川留後尋以為節度使

宦者楊復恭殺帝舅王瓌

以宦者楊復恭為上將軍致仕使者致詔命

還復恭殺之

宦者楊復恭反走興元與楊守亮舉兵拒命

天威都頭李順節驕橫誘誅之

壬唐景福元年

李茂貞王行瑜等請加李茂貞為招討使帥

諸道兵討楊守亮詔和解之茂貞行瑜擅舉

兵乃以茂貞為山南西道招討使

以時溥為太子太師溥不奉詔尋復以為感

化節度使

以鄭延昌同平章事

以錢鏐為武勝軍防禦使

以楊行密為淮南節度使

李茂貞取興元楊復恭守亮奔閬州

李克用養子存孝以邢洺磁歸以為節度使

冬十一月有彗孛于牛斗

癸唐景福二年

李茂貞自請鎮興元以為山南西道節度使

茂貞以不兼鳳翔不受命

王建請誅田令孜陳敬瑄不從自殺之

朱全忠拔徐州時溥自殺

夏四月彗星入于太微

王潮陷福州

詔親王代掌禁兵

以錢鏐為鎮海節度使

以覃王嗣周為招討使帥禁兵討李茂貞禁

軍自潰茂貞犯京師表罪太尉杜讓能貶雷

州司戶尋殺之以茂貞為鳳翔兼山南西道

節度使

以韋昭度崔胤同平章事



以王潮為福建觀察使

北閩王之基

以王行瑜為太師號尚父賜鐵券

甲子乾寧元年

以鄭絳同平章事屢讓不獲尋致仕

按黃震曰大臣之事君未有進退之迹不明而可以成事業者也唐末諸相率賂權宦以求進用及其得之又相率植黨與以持之絳之初相獨驚怪而固辭其進甚明也既相未幾又獨致仕而速去其退甚明也使世之仕者人人如絳豈有欺君誤國貪權固寵之患哉吁人皆曰彼必不能而彼獨曰已必能汲汲於求而戀戀不能去者皆絳之罪人也

李克用克邢州戮其養子李存孝

以李穀同平章事知制誥劉崇魯廷評其附宦者無相業尋罷之

以徐勣若同平章事

楊復恭等伏誅

以劉隱為封州刺史

乙未唐乾寧二年

楊行密表朱全忠罪惡請會諸道兵討之

李克用入幽州

以陸希聲同平章事

董昌偕號于越州詔錢鏐討之

以王搏同平章事

帝欲令宗室諸王將兵以群臣論諫而止

王行瑜李茂貞韓建舉兵犯闕殺韋昭度李

谿留所將兵宿衛

朱全忠薦張濬為相李克用表言濬不可用

詔和解之

李克用表數王行瑜等罪舉兵討之

秋七月辛酉王行約李繼鵬作亂帝如石門

鎮

以崔胤同平章事

八月辛亥帝至自石門寓尚書省

以孫偃同平章事

李克用克邠州王行瑜伏誅

進李克用爵晉王詔免入朝克用還晉陽

丙午唐乾寧三年

武安軍亂殺劉建鋒推馬殷為留後

馬殷之難始于此

錢鏐克越州勸昌伏誅

李茂貞舉兵犯闕帝如華州茂貞焚京師

以宦者張承業監河東軍

以陸扆同平章事

李克用發兵入援

以國子博士朱朴同平章事

以王潮為威武軍節度使

以馬殷判湖南軍府事

以崔胤胤遠同平章事

以孫偓為鳳翔四面行營招討使討李茂貞

復以王搏同平章事

以錢鏐為鎮海鎮東節度使

以劉隱為清海軍行軍司馬尋以為節度副

使

丁巳唐乾寧四年

春正月帝居于華州

韓建誣睦濟等王謀害已表請罷其所領兵

及殿後親軍

韓建與宦者劉季述殺通王滋等十一人

立子稱爲皇太子

朱全忠克鄆州韓朱瑄殺之進襲兗州

朱全忠以葛從周守兗州

遣使和解兩川

韓建與宦者劉季述殺通王滋等十一人

胡寅曰御得其道則昆虫草木無不感天

關之患不然一身無所容於天地之間况

妻子哉古之明君所以不敢不敬德不敢

不教子不敢用小人不敢失大柄爲易世

之後末流之若此也唐室至此豈非祖宗

詒謀有未孫歟

以韓建爲鎮國匡國節度使

詔削奪李茂貞官爵姓名發兵討之

復以王建爲西川節度使

立淑妃何氏爲皇后

右拾遺張道古上疏言國家有五危二亂貶

施州司戶

戊戌唐乾寧五年八月以後光化元年

春正月帝居于華州

詔復李茂貞官爵姓名罷諸道兵

以朱全忠為宣武宣義天平節度使

以馬殷知武安留後

朱全忠擊李克用敗之拔洛邢磁州

秋八月帝還京師

遣使宣慰河東宣武李克用欲奉詔朱全忠

不從

錢鏐克蘇州

以王審知為威武節度使

徵前常州刺史王祝道陝節度使王珙殺之

朝廷不敢詰

紀唐光化二年

以陸扈同平章事

以李茂貞為鳳翔彰義節度使

馬殷陷郴州連州盡據湖南

唐光化三年

崔胤遣朱全忠書使表論王搏胤得同平章

事胤搏崖州司戶尋殺之又殺樞密使宋道

胤景務倫

以裴贄同平章事

冬十一月宦者劉季述幽帝于少陽院允

以通欽食矯詔立太子裕

唐光化四年四月以後天復元年

春正月神策指揮使孫德昭等討劉季述等

皆伏誅

帝復位降太子裕為德王

進朱全忠爵為東平王

李茂貞來朝進爵岐王守尚書令

崔胤陸扈請分主左右禁軍不從仍以宦者

韓全誨張彥弘為左右神策軍中尉

朱全忠取河中晉絳等州

以王溥裴樞同平章事

大赦雪王涯等十七家

朱全忠取河東沁澤潞遼等州

朱全忠自為宣武宣義天平護國節度使

帝與崔胤謀除宦官宦官解胤鹽鐵使

崔胤密召朱全忠迎車駕全忠發大梁

韓全誨劫帝如鳳翔朱全忠取華州

朱全忠引兵至鳳翔城東而還

以盧光啓參知機務

成王唐天復二年

春正月帝居于鳳翔

以韋貽範同平章事尋罷之

李克用遣兵攻磁隰逼晉絳朱全忠還河中

遣兵擊之

盜發簡陵

汴軍圍晉陽

以楊行密爲行營都統賜爵吳王

朱全忠至東渭橋

進錢錡爵爲越王

以蘇檢同平章事

契丹寇河東陷九郡

楊行密取昇州

朱全忠圖鳳翔

起復韋貽範同平章事

王建取興元

李茂貞自爲鳳翔靜難武定昭武節度使

朱全忠遣使奉表迎車駕

唐天復三年

春正月帝居于鳳翔

平盧節度使王師範發兵討朱全忠克兗州

李茂貞誅韓全誨等與朱全忠和解帝幸人

忠營遂發鳳翔復以崔胤爲司空同平章事

帝至京師哭于太廟崔胤請罷內諸司及諸

道監軍從之

朱全忠以兵驅宦者第五可範等七百餘人

盡殺之止留黃衣三十人備灑掃以崔胤判

六軍十二衛事

司馬光曰宦者用權爲國家患其來久矣

蓋以出入官禁人主自勿及長與之親狎

非如公卿進見有時可嚴憚也其間復有

性識僂利言語辨給善伺候顏色承迎志

趣受命則無違逆之患使令則有稱愜之

效自非上智之主燭知物情慮患深遠侍

奉之外不任以事則近者日親遠者日疎

甘言悲辭之請有時而從浸潤膚受之懇

有時而聽於是黜陟刑賞之政潛移於近

習而不自知如飲醇酒嗜其味而亡其醉

也黜陟刑賞之柄移而國家不危亂者未

之有也東漢之衰宦官最名驕橫然皆假人主之權依憑城社以濁亂天下未有能劫脅天子如制嬰兒廢置在其手東西出其意如唐世者也所以然者非他漢不握兵唐握兵故也蓋其禍始於明皇盛於肅代成於德宗極於昭宗而唐之廟社因以丘墟矣爲國家者可不慎其始哉夫寺人之官所以謹閭門之禁通內外之言安可無也如巷伯之疾惡寺人披之事君鄭衆之辭賞呂彊之直諫曹日昇之救惠馬存亮之弭亂楊復光之討賊嚴遵美之避權張承業之竭忠其中豈無賢才乎顧人主不當與之謀議進退士大夫使有威福足以動人耳果或有罪小則刑之大則誅之無所寬赦如此雖使之專橫孰敢哉豈可不察臧否不擇是非欲草薶而禽獮之能無亂乎是以袁紹行之於前而董卓弱漢崔胤襲之於後而朱氏篡唐雖快一時之忿而國隨以亡是猶惡衣之垢而焚之惡木之蠹而伐之其爲害豈不益多哉

賜朱全忠號四天再造竭忠守正功臣以輝王祚爲諸道兵馬都元帥朱全忠守太尉中書令以副之進爵梁王崔胤爲司徒兼侍中貶翰林學士承旨韓偓爲濮州司馬朱全忠辭歸鎮以裴樞同平章事馬殷陷江陵進王建勳爲蜀王李茂貞李繼徽舉兵逼京畿以獨孤損同平章事朱全忠使張全義殺左僕射張濬子甲唐天復四年四月以後天祐元年朱全忠殺崔胤以崔遠樞璨同平章事春二月日中北斗見朱全忠屯河中逼帝遷都洛陽王建遣兵迎車駕朱全忠判六軍諸衛事帝遣間使以密詔告難于四方以京兆府爲瑤國軍

帝至洛陽

朱全忠為護國宣武宣義忠武節度使

更封錢鏐為吳王

進羅紹威爵為鄴王

朱全忠還鎮

李茂貞王建李繼徽合兵討朱全忠

秋八月壬寅朱全忠弒帝在十六年立輝

王祚改名祝朱全忠以弒逆罪歸朱友恭氏

叔琮等殺之

冬十月朔日有食之

以劉隱為清海節度使

昭宣帝諱宗子

丑唐帝祝元年仍稱天祐二年

按昭宣帝未嘗改元即位之後仍稱先朝

年號故舊書曰昭宣帝天祐二年然不書

仍稱二字則若帝去年改元天祐今年為

天祐二年也初學不能無疑故今書作帝

祝元年仍稱天祐二年以見是年乃帝即

位之首年而其所稱年號乃仍先朝舊號

也或曰帝未嘗改元而以元年稱可乎三

代以前未有年號建號始於漢世此所謂

元年者紀帝即位此年其首年耳夫事莫

不有始人君即位亦莫不有元雖以帝制

於權奸而不暇紀年延號然所以即位之

始是即所謂元也號者其名元者其實實

之所在夫豈權奸所得而廢哉

朱全忠殺德王裕等九人

葬昭宗于和陵

以張文蔚楊涉同平章事

夏四月彗星出西北長竟天

朱全忠除朝士之異已者貶官有差

朱全忠殺裴樞獨孤損崔遠陸泰玉溥等三

十餘人于白馬驛投屍黃河

楊行密卒子渥代為淮南節度使

朱全忠弒太后何氏自殺其謀臣蔣玄暉柳

璨張廷範

寅唐天祐三年

羅紹威以朱全忠兵殺其牙軍八千家

以朱全忠為三司都制置使

三司之名始于此

劉仁恭始文臣面爲軍

後世刺兵而始此

夏四月朔日有食之

昭義節度使丁會降于河東朱全忠引兵還

丁卯唐天祐四年四月以後梁朱全忠開平元年

淮南牙將張顥徐溫作亂

盧龍節度使劉仁恭爲其子守光所囚

夏四月朱全忠篡位更名晃國稱梁廢帝祝爲濟陰王在位三年

按歐陽脩曰昔孔子作春秋而亂臣賊子

懼其於弑君篡國之主皆不黜絕之豈以

其盜而有之者莫大之罪也不泯其實所

以著其大惡而不隱歟信斯言也使世之

人皆中人之資觀筆削之書而自有以得

其微意於書法之表固知所懼矣然彼之

所以敢於爲亂爲賊者皆目不知書心不

信道之徒間有一二知者亦皆粗通文墨

而已彼見史之所書者如是安知其遂不

以爲實然哉夫然愚恐非不能使之懼而

反有起其欣慕倣效之心聖人作經以垂

世竊恐不如是也况聖人之經直書其事

之大綱而不詳其所以然之故然其所以

然之微意固隱然自見於書法之間如望

日月而見其明沾雨澤而覺其潤也後世

史官無聖人之心之學之筆力之萬一乃

欲效聖人之書其可乎哉歐陽脩作五代

史於梁始書溫繼書全忠又書梁王又進

而書帝隨其所稱而書之不沒其實以著

其罪而信乎後世與其爲君而不得掩其

惡以息人之爲惡謂此乃春秋之志嗚呼

脩爲五代史以此著溫之惡似矣設使脩

爲漢史其於高祖亦不免始書劉邦繼書

沛公進而書漢王又進而書帝則亦何以

異於書溫哉雖曰美惡不嫌同辭然淺學

諛識之士何以知其爲然哉史綱之作爲

學生小子而設將以懼夫世之愚頑強悍

之徒使其知所懼而不敢爲惡故於歐陽

氏之說不敢以爲然

唐亡唐九代二十包共二

按史臣論唐有天下雖歷二十君然爲子

所逼奪者三、為婦所乘者三、為賊所弑者五、為妻所弑者一、為閹宦所立者七、及為所弑者三、為所廢者一、為方士所敗者七、為強臣所弑者二、其間不為小人所惑者僅一二君而已。在昔三代之君莫不脩身齊家以正天下，而唐之人主起兵而誅其親者，謂之起內難；逼父而奪其位者，謂之受內禪。始也高祖納君之妾，其後高宗納父之妾，始也太宗亂弟之婦，其後玄宗亂子之婦。此其閨門無禮，不足以正天下亂之大者也。其治安之久，不過數十年，或變生於內，或亂作於外，未有內外無患承平百年者也。自唐之亡，其遺酷餘烈，更五代五十餘年，至於天下分裂，大敗極亂，而後止。嗚呼！後世人主，盍近鑒諸君之虐，而遠法夫三代脩身以道，持家以禮，審於幾微之先，慎於舉動之際，必崇正學，不惑異端，必用君子，不昵小人，必存公正，不徇私邪，信任常功，一己之偏，運用一惟天下之義，庶幾不蹈唐人覆轍，以播惡一世遺臭萬年。

朱晃以馬殷為楚王

舊史皆書曰梁，而史綱於晃直書其名，何循綱目書王莽例也。莽猶假仁義以潛移漢祚，晃則公肆劫奪罪浮於莽矣。若循舊史，使莽復生，豈免有辭哉。

晃以敬翔知崇政院事

淮南西川移檄興復唐室

岐王李茂貞開府

契丹阿保機遣使如梁

晃以錢鏐為吳越王

晃以高季昌為荆南節度使

荆南高氏始于此

晃遣兵圍晉潞州

晃以劉守光代其父

蜀王王建稱帝

劉守文舉兵討其弟守光

光緒四年八月三日古蜀漢代

世史正綱卷二十一

庚集



世史正綱卷二十二

○五季世史

唐亡之後相繼而起者五姓所謂梁唐漢  
晉周是也自宋人作五代史世因稱之為  
五代夫謂之代者必繼世之長歷十數世  
也五姓僭亂歟起忽滅甚至繼世止有二  
主歷年僅見四稔較之有周一代八百年  
之長何如哉同以代稱似非其倫今因朱

子大學章句序中語改稱五季云

辰戌  
○晉岐淮南稱唐天祐五年梁主見開平二年蜀王建武成元年吳越王錢鏐

天寶元年

晉王李克用卒子存勗嗣

朱晃弑其故主

晉王存勗攻梁夾寨破之潞州圍解歸晉陽

始承制封拜

淮南張顥徐溫殺其節度使楊偁溫復殺顥

蜀岐晉會兵攻梁雍州

淮南將吏推楊隆演為節度使

華原賊帥溫韜發唐諸陵

○晉岐淮南稱唐天祐六年梁開平三年蜀武成二年

春二月朔日有食之

梁兵攻岐

梁以王審知為閩王

劉守光執其兄守文尋殺之

梁以劉守光為燕王

淮南盡取江西地

午庚  
○晉岐吳稱唐天祐七年梁開平四年蜀武成三年

楚王殷自為天策上將軍

岐晉合兵攻梁夏州

吳越築捍海塘廣杭州城

錢唐即是始富庶

淮南楊隆演稱吳王

兗遣兵襲據趙深冀三州進軍鎮州晉王合

義武等三鎮兵救之

辛未  
○晉岐吳稱唐天祐八年梁乾化元年蜀康平元年

春正月朔日有食之

晉王討朱晃大破其兵于柘鄉河朔大震

清海節度使劉隱卒弟巖知留後

晉王推劉守光為尚父

朱晃淫亂於其臣張全義家全義子繼祚欲

殺之不果

梁屯兵邢州趙王鎔會晉王于承天軍

劉守光稱帝于燕

晉遣使如燕

幽州參軍馮道奔晉

中  
○晉岐吳稱唐天祐九年 梁乾化二年

晉師及鎮定兵伐劉守光朱晃救之大敗還

朱晃子友珪殺晃

忠武軍亂殺韓建

梁朱友謙以河中附晉

西  
○晉岐吳稱唐天祐十年 梁乾化三年

晉拔燕順薊等州

梁均王友貞起兵討友珪誅之友貞立于大

梁更名瑱

晉師逼幽州拔平營州

梁擊趙以救燕

蜀以道士杜光庭為諫議大夫

高季昌受梁封爵為渤海王

晉王入幽州執劉仁恭及守光以歸

梁遣兵侵吳

戊甲  
○晉岐吳稱唐天祐十一年 梁主瑱元年

晉王誅劉守光械仁恭祭其先王墓斬之

趙王鎔推晉王為尚書令始置行臺

晉伐梁邢州

南詔侵蜀

蜀攻岐階州

乙  
○十一月貞明元年 蜀永平五年 梁乾化五年

梁分天雄為兩鎮魏人降晉晉王入魏斬軍

校張彥

晉拔梁德澶州

吳徐溫出鎮潤州留子知訓江都輔政

梁朱友敬作亂誅之自是疎忌宗室

廣南與梁絕

蜀攻岐階成等州

丙  
○晉岐吳稱唐天祐十三年 梁貞明二年

吳將馬謙等起兵討徐知訓不克而死

梁劉鄩攻晉魏州晉王擊敗之

梁遣兵襲晉陽晉擊却之

晉克梁衛磁洺州

梁成卒作亂攻宮門

梁以吳越王錫為諸道兵馬元帥

晉拔梁相邢等州

契丹侵晉入薊州

晉王遣使如吳

楚王遣使如晉

契丹阿保機僭號于其境

嗚呼自春秋以來夷狄之禍蓋三變矣始也吳楚之類以中國之人居夷狄之地以

僭中國之分一變也中也淵勒之徒以夷

狄之人生中國之地以為中國之害再變

也至是契丹則是以夷狄之人生夷狄之

地以戕中國之人豈非三變乎其禍愈流

而愈遠愈遠而愈大履霜堅冰至聖人逆

觀其然知其禍必將至於冠履倒置以敦

敗我彝倫也春秋之作不少假借於吳楚

徐越之稱王其意豈不深切而著明哉

契丹始用中國人韓延徽為相

嗚呼夷狄不能為中國害也所以為中國

害者中國之人也是故匈奴之為漢害者

以中行說也西夏之為宋害者以張元昊

吳也方契丹之初起也阿保機之為人性

雖悍鷙而無遠大之謀心雖變詐而無經

久之計一旦得劉守光所使之韓延徽教

之以建牙開府築城郭立市里以處漢人

使各有配偶墾藝荒田用中國之法以變

夷狄之習凡吾中國自古以來所以立國

者因事教之俾其假中國之法侵中國之

地用中國之人為中國之害遂貽中國無

窮之禍患向使吾中國之關隘有禁而吾

之人無由以至其地中國之人才無遺而

吾之人不暇以為之用彼肆其鷙猛之力

桀驁之智雖能為吾近邊一時之害不旋

踵而息滅矣豈能侵入持久以得志於吾

中國哉是以善於防患者恒於無事之時

未然之始嚴謹邊關之出入收拾遺逸之

人木

契丹圍晉幽州

契丹圍晉幽州

吳徐溫徙治昇州

劉巖稱越帝于廣州尋改稱漢

晉遣將敗契丹幽州圍解

梁以吳越王錡為天下兵馬元帥

晉王襲梁楊劉拔之

寅○晉岐吳稱唐天祐十五年梁貞明四年蜀光天元年南漢乾亨二年

夏六月蜀主建卒子宗衍立

吳朱瑄殺徐知訓而自殺

吳徐溫以養子知誥為淮南行軍副使輔政

晉王大舉伐梁

梁泰寧節度使張萬進降晉

晉王與梁軍戰于胡柳陂周德威敗死晉王

收兵復戰大破梁軍

卯巳○晉岐稱唐天祐十六年南漢乾亨三年吳王楊隆演武義元年

晉以郭崇韜為中門副使掌機務

吳王隆演建國改元

梁攻晉德勝南城不克

晉王以馮道掌書記

吳與吳越連和

梁以王質為招討使與晉王戰敗績以戴思

遠代之

庚○晉岐稱唐天祐十七年梁貞明六年蜀乾德二年南漢乾亨四年吳武義二年

梁朱友謙以河中降晉

吳王隆演卒弟溥嗣

巳辛○晉岐稱唐天祐十八年梁龍德元年蜀乾德三年南漢乾亨五年吳王溥順義元年

晉王命有司造法物欲稱帝唐監軍使張承

業哭諫成疾

趙王鎔為其下所殺

夏六月朔日有食之

王處直為其假子所囚死

契丹拔晉涿州進侵義武

午壬○晉岐稱唐天祐十九年梁龍德二年蜀乾德四年南漢乾亨六年吳順義二年契丹天寶元年

晉王大敗契丹于新城

梁襲晉魏州不克

梁取晉衛州

晉王克鎮州

唐宦者特進河東監軍使張承業卒于晉

癸未  
岐簡唐天祐二十年  
主存勗同元年  
乾亨七年  
吳順義二年  
梁龍德三年  
南唐

梁以錢鏐為吳越王

晉王存勗稱帝于魏州國號唐

唐以豆盧革盧程同平章事郭崇韜張居翰為樞密使

唐立廟祀唐高祖太宗懿宗昭宗

唐遣李嗣源襲梁取鄆州以嗣源為節度使

梁欲翔薦王彥章為招討使彥章攻唐德勝南城拔之進攻楊劉唐王救之梁兵退彥章

尋以諸罷

梁取唐澤州裴約死之

梁將康延孝奔唐

冬十月朔日有食之

唐王救鄆州梁師敗績王彥章死之唐王入

大梁梁主瑱自殺唐遂滅梁

唐主責梁宰相鄭元等十一人世受唐恩而

仕梁貶之

唐主詔數敬翔李振等佐朱溫傾唐祚罪誅之夷其族

唐追廢朱溫朱友貞為庶人

梁藩鎮入朝于唐者皆復其任

唐以郭崇韜為侍中

唐主欲斲朱溫棺焚其屍以溫故臣張全義言而止

唐加李嗣源中書令

楚王殷遣使入貢于唐

吳遣使如唐

彗星見輿鬼

溫韜入朝郭崇韜發其發陵之罪請誅之唐

主以經赦免之

胡寅曰罪人不可不誅赦令不可不守二者將何處必於未赦之前揆情法審輕重

而區別之使預赦者無可誅之罪被刑者無可恕之人則一舉而兩得矣

唐省文武官

唐以趙光胤韋說同平章事豆盧革判租庸

兼鹽鐵轉運使

荆南節度使高季興朝于唐

唐復以長安為西京京兆府

唐遷都洛陽

吳復遣使如唐

甲申  
○岐稱唐天祐十一年唐同光二年  
蜀乾德六年南漢乾亨八年吳順義四年  
吳越寶大元年

契丹入唐幽州

岐王洵貞遣使入貢于唐

唐復以宦者為內諸司使及諸道監軍

唐以王正言為租庸使

唐主大赦境內尋復徵所赦租稅

唐以李茂貞為秦王尋卒

茂貞書卒者以其不忘本朝稱天祐年也

唐郭崇勳請立夫人劉氏為后

按張耒曰自古大臣權勢已隆極富貴已

尤滿前無所希則必退為身慮然其為慮

也思之非不深計之非不工然異日累之

所起往往又自失其至深至工者焉是故

人之處心行事莫若以正夫正者無所事

計也行所當然而已郭崇勳佐莊宗決策

滅梁遂一天下自見功高權重姦人議已

而莊宗之昏為不足賴也乃為自安之計

時劉氏有寵莊宗嬖之因請立為后用是

以中莊宗之欲結劉氏之援其為計宜矣

如是之良者然卒之殺崇勳者劉氏也嗚

呼正之一言其真萬世人臣處心行事之

要乎

唐遣使按視唐諸陵

唐遣客省使李嚴如蜀

唐貸民錢

唐以伶人為刺史

唐以李嗣源為宣武節度使番漢馬步總管

唐以孔謙為租庸使

吳越入貢于唐

蜀遣使如唐

唐劉后以父事河南尹張全義帝偕后幸其

第

乙酉  
○唐同光三年蜀成康元年南漢白龍元年  
吳順義五年

唐以李嗣源為成德節度使

漢遣使如唐

夏四月朔日有食之

唐主親帥后如拜五臺僧誠惠既而誠惠

兩不應遁死

唐述魏王繼岌及郭崇韜將兵伐蜀

蜀主東遊

蜀主王衍降唐是歲前蜀亡二

唐以董璋為東川節度使

唐郭崇韜誅蜀姦臣王宗弼王承休蜀人食其肉

閩王王審知卒其子延翰嗣

唐以孟知祥為西川節度使

唐遣宦者馬彥珪使蜀軍劉后自為教與繼

岌令殺崇韜

楚鑄鉉鐵錢

以鉉為錢始見於此

丙○唐同光四年四月以後李嗣源天成元年南漢白龍二年吳順義六年吳越

唐魏王繼岌殺招討使郭崇韜

唐鄴都亂遣李紹榮攻之不克

唐李紹琛反于蜀尋擒之孟知祥討定餘寇

唐主遣李嗣源將親軍討鄴都親軍作亂劫

嗣源入城嗣源奔相州

唐豫借河南夏秋稅

嗚呼橫斂厚征治天下之大蠹也所以失人心者在是所以促國脉者在是然猶未至於豫借之甚者也方其行橫斂厚征之法也天下之民雖怨咨愁感然猶歸咎於上之人用非其人取非其道幸其一旦更之尚可以為生也惟豫借之令一行示天下以國儲之虛國用之竭國計之窮天下之人譁然謂天下不復可為而生其泮渙離散之心者未必不自此也掌國計者其謹之哉

唐李嗣源反引兵向大梁

按綱目於李嗣源多恕辭亮其無利之心也史綱乃從歐陽氏五代史書其反何明君臣之大義也方張破敗劫嗣源入城得間出宿魏縣奔相州時而書其反是誣之也若夫聽石敬瑭之計急趨汴州令安重誨移檄會兵欲何為哉及嗣源在汴唐主至萬勝鎮君臣相望僅數十里間耳苟無反心胡不遣腹心之使陳忠赤之詞明

其爲元行欽所隔絕安知唐主不亮其心也哉況大梁天子之城乃公然占而據之車駕將至不行遜避及其返也又以兵踵之而西其意果何在哉謂其無利之心愚不敢以爲然也五代史以反書之夫豈過哉然通以一反辭該之則似乎無所分辨故史綱於前書親軍劫其入城至是大梁始以反書焉或曰嗣源非有篡國之心爭帝之意偶爲亂兵所劫姦臣所逼迫於死進退惟谷蓋有不得已焉耳嗚呼春秋無將將則必誅茲何等事而可以不得已而不已哉然則爲嗣源計將奈何方其出宿魏縣之時聽安重誨之言束身單騎由間道星行赴闕面陳其被劫之狀伏地俟罪元行欽雖欲問之胡可得耶又不然得李紹真五千之兵即整肅部伍申明號令移檄遠近以明本心返旆直抵鄴城期縛趙在禮以獻闕下雖所奏之辭沮而不達而所行之事足以自明百元行欽不能間之矣計不出此乃陷於篡逆之罪惜

載

唐主如關東李嗣源入大梁唐主乃還夏四月唐伶人郭從謙弒其主存勗李嗣源入洛陽

唐太原軍亂

唐李嗣源監國以安重誨爲樞密使

唐元行欽出奔被執李嗣源殺之

唐李嗣源弒劉后殺諸王

唐李嗣源廢租庸使及諸道監軍

唐魏王繼岌至長安自殺

李嗣源自稱唐帝

綱目於非正統之君其子嗣位書立嗣源立非唐主意而以唐主立書之豈非以嗣源於五代主中之彼善於此故恕之歟史綱於此不書其立而以稱帝書以明其不得以嗣莊宗之位也況前既書其反乎何則五常之中君臣獨謂之義臣之事君獨謂之忠義者斷制之宜忠者心無不盡之謂也嗣源本夷種李克用養以爲子賜以姓名附之屬籍莊宗嗣位委以重任付以



兵權臣之分素定一旦為亂兵所脇不得已而入亂城幸而以計得出單騎歸朝明其本心可也却乃回翔不進及夫車駕東出又不即赴行在趨拜道左公然擁兵亟趨汴州以爭先奪利車駕之還又不扈送且以兵踵之所謂斷制之義盡心之忠安在哉假使嗣源之心實出避禍一聞莊宗被弒當即日揚旗西指以討罪人傳檄四方遣使西迎魏王奉請劉后臨朝以俟嗣君之至顧乃遽然居太子監國之位布置私人以掌樞機殺害國母以及親王魏王聞之安得而不自殺雖曰自殺其與嗣源殺之也無異此史綱所以書其反又書其稱帝以明明宗實非沙陀之種類而於莊宗之義則已絕矣或曰史綱亦有所據歟曰觀明宗欲殺元行欽責之曰我兒何負于爾行欽瞋目直視之曰先帝何負于爾歐陽子謂行欽誠節有足嘉者則明宗逆節有足惡者不言可知矣不特此也綱目引胡氏論李琪諫改國號臣心不安之

言亦謂國亡君弒子不得立而他人是保是亦不滿於明宗之立也史雖委曲為之開說若明宗有若不得已焉者嗚呼史豈皆實哉按莊宗實錄明宗時宰相趙鳳脩明宗實錄潞王時宰相姚顗脩至宋薛居正等採以為正史司馬公又據正史以為通鑑其所書者果得其實否乎雖然其明白昭著者亦自有不容掩焉者歐陽氏作史時去五代未遠其必有所據矣夫唐大赦省官人宦官伶官廢內藏庫四方所上物悉歸有司

唐復假子本生姓名

唐初令百官轉對

瓦官轉對始見于此

唐選文學臣以馮道趙鳳為端明殿學士

唐遣使如契丹

契丹阿保機死子德光立

秋八月朔日有食之

唐初賜百官春冬衣

王延翰自稱閩王尋為王延稟所弒而立其

第延鈞

唐天十二年 南漢白龍三年 吳乾貞元年

唐主更名亶

唐以趙在禮為鄴都留守皇甫暉為秦州刺史

啓鄴城之亂者皇甫暉而成其亂者趙在禮也莊宗之禍自暉始而在禮成之明宗吳無利之之心即位之後即當以二人肆諸市朝庶以少白此心顧乃首擢在禮為義成節度使其不受命又以為鄴都留守暉自軍卒即擢秦州刺史由是觀之五代史所謂明宗至鄴軍變因入城與在禮啓謀者豈虛語哉

唐以馮道崔協同平章事

唐初令長史每旬慮囚

唐孟知祥殺監軍李嚴

唐以逆賊郭從謙為景州刺史尋誅之夷其族

唐以石敬瑭為六軍諸衛副使

唐初置監牧

唐以馬殷為楚國王

唐主如汴州宣武節度使朱守殷反唐主遣兵討之遂遣使殺任圜守殷自殺

唐兗三司通負二百萬緡

唐以石敬瑭為侍衛親軍都指揮使

吳王楊溥稱帝

有年

唐天咸三年 南漢大有元年 吳乾貞二年

春二月朔日有食之

吳遣使如唐不受

唐王都反遣王晏球討破之契丹復遣兵來救晏球擊走之擒其將楊隱

唐以王延鈞為閩王

契丹遣使如唐

溫韜段凝伏誅

唐天成四年 南漢大有二年 吳大和元年

唐王晏球克定州誅王都并獲奚酋餒斬之

唐禁鐵錫錢

唐置緣邊市馬場

唐以子為河南尹

唐遣使如兩川

唐以高從誨為荆南節度使

有年

唐別錢鏐官爵

吳加徐知誥兼中書令

唐興元年 南漢大有三年 吳大和

唐兩川董璋孟知祥上表拒命慰諭之

河中牙將楊彥溫逐其節度使卒從珂

夏六月朔日有食之

唐誅告密人邊彥溫等

唐以張延朗為三司使

三司有使其名自此始

唐兩川節度使董璋孟知祥連兵反

唐安重誨求出鎮不聽以范延光為樞密使

胡寅曰重誨不得於君則當奉身而力退

明宗不安其相則當聽去而保終既各有

所懷而以虛文飾貌相處其能久而無變

耶雖然與其疆留而存形迹之嫌不若優

以外鎮之為全也

董璋陷閬州唐將姚洪死之唐錄洪二子尸給其家

唐遣石敬瑭討董璋尋命并討孟知祥

漢取交州

楚王昶卒子希聲嗣始去國號

唐石敬瑭攻劍州不克

契丹東丹王突欲奔唐賜姓名李贊華

唐遣安重誨督征蜀諸軍

唐長興二年 南漢大有四年 吳大和

孟知祥陷遂州唐守將夏魯奇死之

唐石敬瑭引兵遁歸兩川兵追之陷利州

唐以安重誨為護國節度使

吳以宋齊丘為右僕射致仕

唐起李從珂為左衛大將軍復錢鏐官爵

唐主以諧殺其太子太師致仕安重誨及其

二子

唐均田稅

唐以王延政為建州刺史

冬十一月朔日有食之

吳中書令徐知誥鎮金陵以其子景通輔政

唐初聽民鑄田器計畝稅錢

唐初興三年南漢大有五年吳大和

唐初刻九經板

經籍有刻本始此

唐賜高從誨爵渤海王

吳越王錢鏐卒子元瓘嗣

契丹遣使如唐

孟知祥說董璋上表謝罪璋不從舉兵襲知

祥璋敗死知祥遂取東川

唐以馬希聲弟希範為武安節度使

唐大理少卿康湑論國家有深可畏者六唐

主優詔答之

按所謂深可畏者六謂賢人藏匿四民遷

業上下相徇廉耻道消毀譽亂真直言蔑

聞歐陽子謂澄之言豈止一時之病凡為

國者可不戒哉

唐以石敬瑭為河東節度使敬瑭以部將劉

知遠為押牙

北漢之基起于此

唐長興四年南漢大有六年吳大和

閩王延鈞稱帝更名璘

唐以孟知祥為蜀王

唐定難節度使李仁福卒以安從進為留後

仁福子彝超拒命命從進討之不克引還

唐主有疾秦王從榮作亂伏誅

唐主亶卒子從厚立

唐主從厚應順元年四月以後唐主從厚

唐以高從誨為南平王馬希範為楚王錢元

瓘為吳越王

唐蜀王孟知祥稱帝

唐從誨王從珂為河東節度使石敬瑭為成

德節度使從珂反平鳳翔兵至長安官軍迎

降潰散

唐康義誠自請為招討使

李從珂執唐西京留守王思同思同死之從

珂至陝諸將及康義誠皆迎降

唐主從厚以五十騎出奔至衛州遇石敬瑭

敬瑭盡殺唐主從厚

唐孟漢瓊詣李從珂降從珂誅之

唐興元武定兩鎮降蜀

唐李從珂入洛陽宰相馮道等上殿勸進

珂篡位廢唐主從厚而弑之磁州刺史宋人詢死之

唐族誅康義誠

胡寅曰誤閔帝者朱弘昭馮寶孟漢瓊康

義誠為甚潞王行此雖不足以贖奪國弑

君之罪亦足少懲姦賊快於人心才諸符

堅之不殺慕容評隋文之不殺江總太宗

之不殺封倫宇文士及使小人洋洋然得

志自謂無適不容者豈不賢哉

唐李從珂竭府庫賜將士

唐復以石敬瑭為河東節度使

蜀孟知祥死子昶嗣

乙未唐清泰二年南漢大有八年吳天祚元年

閩李倣弑其主璘而立福王繼鵬更名昶

唐夏州節度使李彝超卒

徐知誥自加大元帥齊王

丙申唐清泰三年晉主石敬瑭天福元年蜀明德三年

唐以石敬瑭為天平節度使敬瑭拒命唐發兵討之

石敬瑭求救於契丹請事以父禮契丹德光自將兵救之唐兵大敗

唐以趙德鈞為行營都統

契丹冊石敬瑭為皇帝國稱晉敬瑭割幽薊十六州以賂之

皇帝者天子之稱所謂德兼三皇功過五帝者也必上應天命下順人心然後足以

當之彼石敬瑭者乃為夷狄所立則是所

以君國子民者不受命於天而受命於腥

羶之醜類也則夫端冕垂旒尊居于廣陛

之間以受天下臣民之朝不亦可羞可愧

也哉且中國之土地二帝三王之所自立

衣冠禮樂之所在也一旦以吾欲求富貴

安榮之故割而棄之以畀夷狄俾奴婢我

子女草芥我性命魚肉我族類吾自為計

則得矣如生靈何遽使山前山後十六州

之地歷宋至元不見天日者四百三十二

年敬瑭之罪大矣幸而天生我

太祖高皇帝出而復之

太宗皇帝遂於是乎建都焉聲明文物一還乎

二帝三王之舊鳴呼厥功大哉

契丹以石敬瑭南下破唐兵于團栢

唐主還河陽趙德鈞降契丹

石敬瑭至河陽唐主從珂自焚死敬瑭入洛

陽是歲唐亡四主

晉以馮道同平章事

丁酉晉天福二年南漢大有十年開通文二年蜀明德四年南唐徐誥昇元元年遼德光會通元年

春正月朔日有食之

吳徐知誥建齊國于金陵吳更名誥

晉遷都汴州

吳徐知誥篡其主位國稱唐廢其主溥稱讓

皇是歲吳亡四世四十六年

契丹改號遼

高麗併新羅百濟

戊戌晉天福三年南漢大有十一年南唐昇元二年蜀主孟昶廣政元年

春正月朔日有食之

晉上尊號于契丹契丹亦加石敬瑭號

河決鄆州

晉聽公私自鑄錢尋禁私鑄

唐徐知誥弑其故主

己亥晉天福四年南漢大有十二年蜀廣政二年南唐昇元三年

唐徐知誥復姓李氏更名昇

晉加劉知遠同平章事

晉廢樞密院

晉加楚王希範天策上將軍

秋七月朔日有食之

閩王曦弑其主昶而篡其位稱藩于晉

河決博州

石敬瑭以唐許王從益為郇國公

晉禁造佛寺

庚子晉天福五年南漢大有十三年南唐昇元四年蜀廣政三年

楚平群蠻立桐柱於溪州

閩王曦遣兵擊其弟延政于建州敗績

晉罷翰林學士

辛丑晉天福六年南漢大有十四年南唐昇元五年蜀廣政四年

國以王延政為富沙王

唐遣使如晉

晉成德節度使安重榮執契丹使者上表

伐契丹

晉以劉知遠為北京留守

閩王曦自稱大閩皇

晉石敬瑭如鄴都諭安重榮

吳越王錢元瓘卒子弘佐嗣

河決滑州

周王稱帝

晉安從進反于襄州

唐定田稅

唐徵諸郡丁口鹽錢

後世徵九口食鹽鈔始此

晉安重榮舉兵尋潰死

王○晉天福七年南漢主玢光天元年蜀廣政五年南唐昇元六年

漢主龔自製龔字為名尋卒子玢嗣

晉石敬瑭死兄子重貴立

晉高祖書死何不予夷狄之立中國君也

中國之君乃為夷狄所立則是以夷而統

華也吁夷狄為中國君中國之人且不予

之況以夷狄而立中國君後世之人孰肯

從而君之哉堂堂中國之君乃受命於夷

狄君既受命於夷則是舉中國之人皆胡

人之臣妾也書此以戒萬世使後世之人

知借勢於夷狄者雖僥倖得於一時萬世

之下終不之與也或曰晉五季之君得國

皆不相遠而史綱於石晉獨誅之深何譬

則郡邑之中除一守令非受大君之命乃

以蠻夷之令來為民之父母民肯父母之

乎史綱於石敬瑭亦猶是也

晉加景延廣同平章事兼侍衛都指揮使

晉復行官賣鹽法收食鹽錢

癸○晉主重貴元年南漢主玢天福八年蜀廣政五年南唐昇元六年

唐主李昇死子璟立

閩富沙王延政稱帝于建州國號殷

漢劉晟弒其主玢而篡其位

夏四月朔日有食之

晉遣使括民穀

晉執契丹使者既而歸之

晉主立其叔母馮氏為后

晉楊光遠反

契丹遣趙延壽入晉境

晉旱水蝗民大饑

甲辰 晉天福九年七月以後開運元年南唐保大二年

契丹陷晉貝州

晉主自將禦契丹以景延廣為御營使

契丹渡河晉遣李守貞等分道擊之契丹敗走

晉定難節度使李彝殷侵契丹以救晉

晉詔劉知遠擊契丹知遠屯兵不進

閩朱文進弒其主曦而代之既而為其下所誅

晉籍鄉兵

晉主還大梁罷景延廣為西京留守

晉遣使分道括率民財

晉以桑維翰為中書令兼樞密使

晉以折從遠為府州團練使

晉復置翰林學士

秋七月晉始改元

晉以劉知遠為行營都統杜威為招討使督諸道以備契丹

秋九月朔日有食之

晉師圍青州楊光遠子劫其父以降

契丹大舉入晉

乙巳 晉開運二年南唐保大三年蜀廣政八年

契丹至相州引還晉主自將追之

晉主至澶州諸將引兵北上

王延政稱閩

契丹破晉祁州刺史沈斌死之

閩李仁達作亂以僧卓巖明僭號仁達尋殺巖明稱藩于唐

契丹南下符彥卿等擊之契丹敗走

晉遣使奉表稱臣求和於契丹

秋八月朔日有食之

唐兵拔建州閩王延政出降

是歲閩王延政出降

晉罷桑維翰政事



丙午○晉開運三年南漢乾和四年蜀廣政九年南唐保大四年

春二月朔日有食之

契丹侵晉定州張彥澤敗之

晉遣杜威將兵伐契丹至瀛州與契丹戰不利而還

契丹大舉入晉杜威等以兵降契丹遣兵入

大梁執晉主重貴以歸殺桑維翰囚景延廣

未○漢主劉知遠元年仍稱晉天福十二年南唐保大五年南漢乾和五年蜀廣政十年

契丹德光入大梁殺張彥澤景延廣自殺

契丹廢晉主石重貴為負義侯徙之黃龍府

是歲晉亡二主十二年

契丹改服中國衣冠以李崧為樞密使馮道

為太傅

契丹縱兵大掠遣使括借士民錢帛

晉劉知遠遣使奉表于契丹

唐遣使如契丹

契丹行朝賀禮以趙延壽為中京留守

晉劉知遠稱帝于晉陽更稱天福十二年

胡寅曰五代之取國惟後唐與漢為此善

於彼蓋深慕唐而後唐代之晉為契丹所

滅而漢興焉非若李嗣源之逼莊宗石敬瑭之奪潞王郭威之逐漢隱帝也晉受虜

擊知遠不救固為罪矣然是時朝權則付

之李崧馮玉而顧命大臣如桑維翰不得

與兵柄則付之杜威李守貞而熟舊重將

如知遠不得聞故維翰可以當國責李崧

而後世不當以幸禍責知遠也

晉主知遠自將迎故主重貴至壽陽而還

晉故主重貴出塞契丹令拜阿保機墓

晉主知遠從其夫人李氏言出宮中所有以

勞軍

陝晉潞州殺契丹使者奉表詣晉陽

契丹以唐郇公李從益為許王

契丹以張礪和凝同平章事

契丹行入閣禮

胡寅曰衛宣公淫亂遂為狄所滅晉室三

綱絕遂召五胡之亂唐世家法不正又好

結戎狄非獨當其世數困於猾夏流及五

代更七八轉其甚則至此而天下之亂極

夷亮與脩德而建士師三王自治而立司寇謹華夷之辨禁侵亂之階所以深扶人理慮未流之若此使斯人與禽獸雜處而罹其凶害也

契丹以蕭翰為宣武節度使

契丹德光北歸

晉主知遠以其弟崇為太原尹

契丹陷相州屠之

晉以武行德為河陽節度使

契丹耶律德光死于殺胡林

契丹既稱皇帝矣既改國號為遼矣其權力足以廢置中國人主固非前代匈奴突厥比也然朱子綱目未嘗書其為皇帝而止書其名未嘗書其為遼而仍書其為契丹及其死也以死書之未嘗少假焉大賢君子所以處境外之戎夷凜凜乎聖人春秋之大義也後人議元者乃欲以其混一中國而進之漢唐之間何所見耶且忽必烈之於德光同一夷種也但得中國地有廣狹耳徒以其得地廣狹而高下之是以

功利論事也豈春秋意哉春秋謹微於華夷尤加嚴焉者以是為防後世乃至有執中國主據中國地為中國君者况又獎而進之乎綱目之書萬世之法也

契丹趙延壽入恒州自稱權知南朝軍國事

契丹兀欲執趙延壽而自立

晉以劉崇為北都留守

楚王希範卒弟希廣嗣

晉史弘肇克澤州契丹將遁

契丹將蕭翰劫唐李從益稱帝于大梁遂北

走從益避位

契丹兀欲勒兵出塞

吳越王弘佐卒弟弘儉嗣

晉主知遠入洛陽遣使殺李從益

夏六月晉主知遠入大梁始改國號為漢

契丹兀欲幽其祖母于木葉山

秋七月漢始改元

漢以杜重威為歸德節度使重威拒命漢發

兵討之尋出降

恒州將遂契丹將降漢

漢制盜賊母問賊多少皆死

南漢主晟殺其弟八人

蜀人侵漢

吳越統軍使胡進思廢弘侑而立其弟弘倣

戊申漢乾祐元年南漢乾和六年蜀廣政十一年

漢遣王景崇等經略關中

漢以馮道為太師

漢主更名暉尋卒杜重威伏誅子承祐立

趙思綽據長安城作亂

漢李守貞反

漢以郭威為樞密使

夏六月朔日有食之

漢王景崇叛降于蜀

漢以郭威為西面招慰安撫使

荆南節度使高從誨卒以其子保融知留後

巳酉漢主承祐元年仍稱乾祐二年南唐保大七年

夏四月太白晝見漢民有仰視者史弘肇腰

斬之

趙思綽遣使請降于漢漢以為華州留後尋

殺之

夏六月朔日有食之

漢郭威克河中李守貞自殺

漢樞密使郭威過西京罷留守王守恩以白

文珂代之

歐陽脩曰自古亂亡之國必先壞其法制

而後亂隨之五代之際是已文珂守恩皆

漢大臣而郭威以一樞密使頭子更置之

如更戍卒文珂不敢違守恩不敢拒威既

處之不疑而漢廷君臣亦置而不問豈非

綱紀壞亂之極而至於此歟是以善為天

下慮者不敢忽於微而常杜其漸也可不

戒哉

漢加郭威侍中威請加恩將相藩鎮從之

吳越募民墾田

契丹侵河北漢遣郭威督軍禦之

漢趙暉攻鳳翔王景崇自殺

庚辰漢乾祐三年南漢乾和八年蜀廣政十三年

漢以郭威為鄴都留守樞密使如故

漢以郭崇為貴州刺史

夏閏五月漢大風

冬十一月朔日有食之

漢主承祐殺其樞密使楊邠侍衛指揮使史弘肇三司使王章遣使殺郭威威舉兵反漢主承祐被弑于趙村

按通鑑隱帝出勞軍將還宮至玄化門因劉銖射左右回轡至西北趙村追兵已至帝下馬入民家爲亂兵所弑綱目書威舉兵反遂殺其主承祐汪氏考異謂書殺爲

誤尹氏發明劉氏書法皆以爲書殺不書

弑罪承祐也夫史之作信以傳信疑以傳

疑隱帝之死在郭威未入城之前其死之

時史明言郭允明露刃隨帝後歐陽五代

史於帝紀書曰郭允明反於允明傳云帝

走趙村允明追之弑帝於民舍而自殺及

太后因郭威早立嗣君之請亦下詔云危

明綏遜說者謂太后之許云然郭處之志

也。劉恕亦曰：「允明帝所親信，佞由穀逆，蓋

郭茂實勅諭事斥之往計之因允明自執

歸罪耳夫當隱帝入民舍之時在其左右

者皆其平日所親信者也未必有威之黨

謂爲威弑不可也然威雖不弑帝而帝所

以倉皇出村落之中而至於野死者誰所

致耶威雖不粒而實得弑之罪矣然比之

造謠加功之勸則有間矣此史經所以不

敢從細目之書殺而亦不敢歸以弑逆之

大罪也

太后遣太師馮道迎湘陰公墳于徐州

享厥訖鑒金

郭威將兵擊契丹至澶州擁兵還乃遣兵

湘陰公遷於外館威自爲監國

綱目書自立而還此書擁兵何按是時威

猶稱監國未稱尊號也至明年正月乃篡

立馬

以范質爲樞密副使

[illegible]

四年 南唐 信力 力生 五年 南唐 信力 力生

正月漢郭威篡位國稱唐

帝开名邦及逆母得訟惠族集家貴

契丹使至大梁

郭威弑漢湘陰公其父崇立于晉陽

漢主崇遣其子承鈞將兵伐郭威不克

舊史書劉崇為北漢此止稱漢何按劉崇

乃知遠之弟承祐之季父也於劉氏為親

屬非疎遠之比郭威篡漢劉崇即立于晉

陽所以承漢之統也况漢之亡在宋太宗

之太平興國四年其國祚視周為遠矣豈

得以其微弱之故即不予以繼漢乎宋人

作通鑑亦猶晉人之作三國志以魏承漢

以為晉地爾今既隔數世矣安得尚徇其

舊哉

周郭威以其養子榮為鎮寧節度使

契丹遣使如周周報之

漢遣使如契丹乞師

周克徐州鞏廷美死之

周以范質同平章事

契丹遣使如漢冊命其主崇更名昊

契丹兀欲為其下所殺述律立

契丹會漢兵伐周

楚馬希崇降唐遷其族于金陵是歲馬楚

六年

南漢取桂州盡有嶺南地

○漢主昶二年仍稱乾祐五年周廣順二

南唐保大十年

夏四月朔日有食之

周主自將討兗州慕容彥超自殺

周主如曲阜謁孔子祠拜其墓

周禁邊民毋得入契丹界俘掠

契丹侵周邊

周立訴訟法必自下而上毋得挾租客訴

周制稅牛處法

河決鄭滑

○漢乾祐六年周廣順三年南唐保大十

一年

周以劉言為武平節度使

周罷戶部營田務除租牛課

周主以其養子榮為開封尹封晉王

周九經刻板成

周築郊社壇作太廟于大梁

唐後置科舉

甲寅 其號年 七年 南唐保大十二年 周顯德元年 周主榮仍十

春正月丙子周祀園丘改元顯德

周以晉王榮判內外兵馬事

周主疾篤詔晉王榮聽政

周以王溥同平章事

壬辰周主威死養子榮立

漢主以契丹兵擊周周李筠逆戰敗績

周主榮自將與漢戰于高平漢兵敗績周將

樊愛能何徽等引兵先遁周主誅之

周遣符彥卿督諸將攻漢汾遼等州降

馮道死

周主立故李崇訓妻符氏為后

周主攻晉陽不克還

周加吳越王弘俶天下兵馬都元帥

周以魏仁浦為樞密使

周簡閱諸軍募壯士以補宿衛

漢主旻卒子鈞立

卯乙 年 漢主鈞元年 仍稱乾祐八年 周顯德二年

南唐保大十三年

周制給漕運斗耗

周詔群臣極言得失

周制舉主連坐法

胡寅曰保任天下之至難也夫中人以上

不萬一焉中人以下滔滔是也迫禍難處

困窮臨勢利怵交黨此改行易守之會也

中人者一出一入焉忍與不忍敢與不敢

相權於中未至甚忍而不取之心勝怵迫

甚矣不忍而取之心決此人情之大常物

理之必至也誠知其人今不為是安知他

日渝與不渝況其下者乎故連坐之法似

美而實弊似美故其初激昂實弊故其終

廢格若曰姑嚴為之防爾姦人窺之其弊

益甚然則奈何曰人君惟典學明道識拔

真賢以為輔相則有成材之具得人之方

如儲木於山育魚於淵惟吾所取此非一

日之力也立法保任苟給目前策之下也

春二月朔日有食之

周比部郎中王朴獻開邊策擢諫議大夫知

開封府

周遣王景伐蜀

周廢無名寺三萬餘所禁私度僧尼

周主親錄囚徒於內苑

周括民間銅器佛像鑄錢

周取蜀秦成階等州

周遣李穀督諸軍伐唐

周疏汴渠

周克蜀鳳州擒其節度使使王環都監趙崇

溥死之

宦者死節僅見于此

吳越遣使入貢于周

丙辰十四年漢乾祐九年 蜀廣政十九年 南唐保大十四年

周主嘉蜀王環不降以為驍衛大將軍

周主自將伐唐大敗唐兵斬其將劉彥貞

周遣趙匡胤襲滁州克之擒其將皇甫暉姚

鳳

唐遣使請和于周周主不答

周遣將襲唐揚州取之

吳越遣兵襲唐常州

唐李璟滅故吳主楊氏之族

唐遣孫晟奉表于周請正朔

周主欲得唐江北地遣李德明還唐唐主殺

之

唐主以其弟李景達為元帥將兵拒周

周主還大梁

唐遣員外郎朱元將兵復江北諸州并取舒

和蘄州

周以周行逢為武平節度使

周以王朴為樞密副使

周立二稅起徵限夏稅以六月秋稅以十月

周以趙匡胤為定國節度使兼殿前都指揮

使

周殺唐使者司空孫晟

周召華山隱士陳搏詰問尋遣還山

丁巳十五年漢天會元年 蜀廣政二十年 南唐保大十五年

唐遣兵救壽州周師擊破之

周主復入壽州大破唐兵

唐壽州監軍周延構以城降周唐節度使劉仁贍死之

周主榮父光祿卿致仕柴守禮犯法周主不問

胡寅曰世宗不知其姓出於柴氏而守禮又亡則無責矣其父固在乃以元舅處之果何義也然則宜奈何為郭氏立後封以太國如周之杞宋得用天子禮樂以不忘撫愛富貴之恩而復姓曰柴尊守禮為太上皇立柴氏宗廟以別生分類正本始以示天下則其道並行而不相悖矣

周疏汴水入五丈河

周以律令文古敕格煩雜命刑官刪為刑統

周以玉朴為樞密使

周中書舍人竇儼請令有司討論禮儀考正

鍾律以為政本

周設賢良經學吏理等科

周主自將伐唐攻濠泗州

戊午  
○漢天會二年以後劉龔大寶元年南漢乾和十六年八月南唐中興元年周正

周克唐海州

周鑿鵠水引戰艦入江

周主克唐楚州防禦使張彥卿死之

高保融以水軍會周師伐唐

周主臨江遣水軍擊唐兵破之唐主遣使盡

獻江北地周主罷兵引還

周汴渠成江淮舟楫始通

夏五月朔日有食之

唐主更名景去帝號奉周正朔

周主遣使如唐餽之鹽還其俘

唐廢太弟景遂為晉王以其子弘冀為太子

弘冀殺景遂

南漢劉晟卒子鋹嗣

周主謀伐蜀以高防為西南制置使

周遣使均定境內田租

南漢仕者自宮以進

嗚呼人之所甚愛者肢體也昔人謂折其

一肢而與之天下有所不為况絕其世乎

其所以為此者必有所大欲於此矣明主

盡求其故而痛禁絕之哉彼偏據膏肓之



君不足道也

周命竇儼撰通禮正樂

未巳  
漢天會三年  
蜀廣政二十一年  
南漢大寶

周命王朴作律準定大樂

周導汴水入蔡水

周淮南饑命以米貸民不責其償

胡寅曰世宗視民猶子救其乏而不責必

償仁人之心王者之政也五代十二君愛

民者三人而世宗為最蓋自唐宣宗而後

政不及民而置諸湯火之中者將百年而

後世宗有君人之德行不忍人之政宜其

赫然興起南面指揮而四海賓服也

周樞密使王朴卒

周主自將伐契丹取瀛莫易置雄霸州遂趣

幽州有疾乃還

河決原武周塞之

唐遣其子入貢于周周主令其脩守備

周主立其子宗訓為梁王

周以魏仁浦同平章事趙匡胤為殿前都點

檢

周主榮祖于宗訓云

周趙匡胤領歸德軍節度使

唐鑄當十當二錢

南漢以宦者龔澄樞為內大師

唐以洪州為南都

契丹遣使如唐周人殺之

世史正綱卷二十二

字佳

世史正綱卷二十三

辛集

○宋世史趙氏

太祖皇帝諱匡衡

庚申宋太祖建隆元年周主宗訓元年凡四

三年南漢劉鋹大寶三年蜀孟昶

春正月癸卯兩日重出周殿前都點檢趙匡

胤帥師禦契丹次于陳橋甲辰諸將擁匡胤

還朝乙巳逼幼主宗訓禪以位國號宋廢宗

訓為鄭王周侍衛副都指揮使韓通死之是

生周亡二

史謂宋太祖得國與晉漢周無甚相絕續

綱目者亦分書其年而史綱於稱帝之初

即以宋書何世至五季大亂極矣武夫悍

卒殘胡養兒兵強馬壯乘機構隙即為天

子始終五十二年之間歷五朝易八姓此

何等時邪禮教之陵夷生靈之塗炭自秦

漢以來所未有也幸而有若宋太祖者出

焉雖其得國不若漢唐之正然視不炎堅

溫之輩處心積慮以劫持攘奪者則固有

間矣春秋以義正名急於進人以善據事

直書其功罪各有不相掩者論世者固

為萬世之綱常計亦不可不為一世之生

靈計此孔子所以不徒取夷齊而亦不罪

武王也故史綱於太祖之立上書兩日重

出下書諸將擁還以見亂極當治而天意

人心於是有在然不免書以逼之之辭則

其罪亦有不可掩者矣然書逼而加以以

之一辭則分其罪於諸將其與魏晉之初

不炎逼禪之書亦異矣然則逼之之書有

所本歟曰有孟子曰居堯之宮逼堯之子

宋贈周韓通為中書令

君臣之義天理民彝之正根於天命人心

之本然不容泯滅雖或時蔽於物欲之私

而其本然之明者固昭昭如也太祖委質

事周君臣之分素定一旦據其位而有之

其心固有所不安也韓通聞變亟歸將帥

衆禦之使其謀果遂將寘太祖於何地耶

則通乃太祖之深仇也而太祖致元肆赦

之後未遑他務即贈通為中書令於此可

見天理民彝之在人心者不可泯也

宋論翊戴功加石守信等官爵

宋立四親廟追帝其祖考

宋遣使賵貸諸州

宋主視學

宋主尊其母杜氏為太后

宋以周故相范質王溥魏仁浦同平章事吳

延祚為樞密使始廢宰臣坐論禮

宋始賜進士第

唐吳越遣使如宋

周昭義節度使李筠會漢伐宋

夏五月朔日有食之

宋主克昭義周節度使李筠死之

宋以大梁為東京洛陽為西京

宋立后王氏

宋以趙普為樞密副使

宋定天下縣為五等

周淮南節度使李重進舉兵宋主自將兵克

之重進自焚死

辛酉

宋建隆四年  
漢天會五年  
南漢大寶四年  
蜀廣政二十四年  
唐中興四年

占城國遣使朝宋

宋度民田

宋詔課民種植

唐徙都洪州

夏四月朔日有食之

宋商河縣令李瑤坐賊杖死

宋太后杜氏疾革召趙普入受遺命遂殂

宋罷石守信等典禁兵

宋主以其弟光義為開封尹光美為興元尹

唐主景卒于燭立

女真入貢于宋

宋制宦者給事據庭母過五十人

壬戌

宋建隆三年  
漢天會六年  
南漢大寶五年  
蜀廣政二十五年  
唐李昪元年

春正月癸未宋主視太學二月丙辰復視

宋廣京城

宋初定百官輪對制

宋令諸州不得專決死罪

宋禁民火葬

定難節度使李彝興入貢于宋

宋以趙普為樞密使

宋趙匡胤遷其故主宗訓于房州

癸亥宋漢天會七年宋建隆四年十一月以後  
乾德元年南漢大寶六年蜀廣政二十六年

宋初以文臣知州事

宋初置諸州通判

宋初以常參官知縣事

知州通判知縣之名始見此三者皆以草

藩鎮之弊也

宋禁民間童男

荆南高繼冲降宋是歲高氏降

宋平湖南

宋主殺殿前都虞候張瓊

宋主以舊憾黜鄭超楊徽之

冬十一月癸亥宋主享太廟甲子合祭天地

于南郊大赦

宋詔州縣徵科置簿籍

甲寅宋漢天會八年宋乾德二年南漢大寶  
七年蜀廣政二十七年

宋以趙普同平章事

宋初置參知政事以薛居正呂餘慶為之

宋主以其子德昭為貴州防禦使

宋頒刑統

宋置樞密務

宋范質卒

宋遣王全斌等伐蜀

宋兵克蜀夔州寧江制置使高彥儔死之

宋定雅樂

乙丑宋漢天會九年宋乾德三年南漢大寶  
八年

蜀主孟昶降宋以為秦國公是歲後蜀亡

宋初置諸道轉運使

宋選諸道兵入補禁衛

宋始令婦為舅姑服三年

丙寅宋漢天會十年宋乾德四年南漢大寶  
九年

宋求遺書

韃靼入貢于宋

此蒙古通中國之始

丁卯宋漢天會十一年宋乾德五年南漢大  
寶十年

宋征蜀將王全斌等有罪徵還貶官以曹彬

為宣徽南院使

宋以沈義倫為樞密副使

春三月五星聚于奎

前三代夏商周也而周之文大備至其  
世也六經以成後三代漢唐宋也而宋之  
文大著至其末世也六經以明斯文起廢  
關世道之興衰人文將著於下天文預兆  
於上是豈偶然之故哉

夏六月朔日有食之

秋八月河湓入衛州

定難節度使李彝興卒子克獻代領其衆

戊戌宋漢劉繼元廣運元年南宋乾德六年十一月以後開寶元年

宋主立宋氏爲后

漢主劉鈞卒養子繼恩立

宋遣兵擊漢契丹救之

漢郭無爲弑其主繼恩立弟繼元

漢劉繼元弑其母郭氏

宋判大理寺雷德驤以言趙普貶官

己巳宋漢廣運二年宋開寶二年南漢大寶

宋始制州郡盛暑恤獄

契丹述律爲其下所殺明宸立

宋主自將擊漢

宋罷王彥超等節度使

庚午宋漢廣運三年宋開寶三年南漢大寶

夏四月朔日有食之

宋賜屢試不第舉人出身

特奏名科始此

宋除河北鹽禁

宋立報水旱期式

宋省州縣官增其俸

宋詔脩前代帝王陵盜發者

宋遣潘美等伐南漢

辛未宋漢廣運四年宋開寶四年

宋克廣州南漢主鋹降是歲南漢亡五

宋初置市舶司于廣州

冬十月朔日有食之

唐貶國號曰江南

河決諸州大水

壬申宋漢廣運五年宋開寶五年

宋始放進士榜

夏五月河決霖雨宋主出宮人

秋九月朔日有食之

宋禁玄象天文圖識

宋始禁道士不得畜妻孥

前此道士皆有妻室至是始與僧同禁

癸宋 漢廣運六年 宋開寶六年

周故主郭宗訓卒于宋

宋初親御殿試貢士

宋禁銅錢不得出化外

宋封交州丁璉為交趾郡王

此交人封王之始

宋主封其弟光義為晉王

戊宋 漢廣運七年 宋開寶七年

春二月朔日有食之

宋遣曹彬伐江南

宋始脩日曆

乙宋 漢廣運八年 宋開寶八年

契丹遣使來通好宋遣使報之

夏六月彗星見東方

秋七月朔日有食之

宋將曹彬克江南江南主李煜降其門下侍

郎陳喬死之

是歲南唐亡三十九年

子宋 漢廣運九年 宋開寶九年十二月太宗

宋以曹彬為樞密使

吳越王俶朝宋

宋主以子德芳為貴州團練使

夏四月宋主有事于南郊大赦

冬十月癸丑夕宋主殂于萬歲殿

在位十七年壽五十七

嗚呼太祖太宗臨崩嗣位之際此千載不

決之疑執筆者輕信傳聞之言而不加考

覈之實可乎傳曰信以傳信疑以傳疑因

其信而信之因其疑而疑之可也按宋史

元 歐陽文 太祖紀云開寶九年冬十月癸

丑夕帝崩于萬歲殿殂于殿西階太宗紀

云開寶九年冬十月癸丑太祖崩帝遂即

皇帝位王繼恩傳云繼恩事太祖特承恩

顧及太祖崩太宗在南府繼恩中夜馳詣

府邸請太宗入程德玄傳云太祖大漸之

夕德玄聞夜有扣關疾呼赴官邸者德玄

遽起赴府父之見王繼恩馳至稱遺詔迎

太宗即位馬紹傳云九年冬十月十九日

既夕詔造程德玄德玄詰其所以來詔曰

明日乃晉王利息之辰詰旦太宗入謁此  
受遺踐阼此宋史所載可信者也胡一桂  
史纂通要云太宗善政史不絕書所可惜  
者太祖臨崩但遙見燭影搖紅及聞大聲  
汝好爲之之言不能不起萬世之疑陳桎  
通鑑續編云冬十月宋主有疾壬子召其  
弟晉王光義入侍是夕宋主殂甲寅光義  
立註載壬子夜召晉王入寢殿屬以後事  
宦官官婢皆不得近但遙見燭影下晉王  
離席若有遜避之狀既而宋主引柱斧戳  
地大聲曰好爲之俄而宋主殂宋后見晉  
王遽呼曰吾母子之命皆託于王王曰共  
保富貴無憂也此二書所載可疑者也愚  
嘗因其信疑之故而考校之則宋史的爲  
可信也何也元人去宋未遠且史成於衆  
人之手使太宗誠有此事當時秉筆諸人  
豈無一人一言及此而畧不少見焉其散  
見於各傳者不約而同皆云太祖既崩太  
宗始入並無所謂斧聲燭影之事屬以後  
事之言信以傳信斷以宋史其可信無疑

矣胡陳二子生草澤之中考究不精見聞  
不廣輕信傳聞之言質以一己之私見烏  
足信哉原其所以爲此說者其原蓋出於  
李燾之長編意在當時必有傳說疑似之  
言有不得其實者故燾爲長編痛欲表白  
之謂正史實錄於顧命大事皆不能記故  
深爲之惜不得已而采錄雜說刪潤其文  
以補史氏之闕云耳故既節國史符瑞志  
僧瑩湘山野錄語於太祖未崩之前長編  
實九年冬十月有神降于藍屋縣民張守  
真家自言我天之尊神號黑將軍張守  
真之輔也神降于真家所言福壽上  
陳召守真至闕守真命內侍王繼恩詣  
之觀其神降守真有仁心言說不復降  
成王額開晉王有仁心言說不復降  
分註云此據國史符瑞志增以楊億談  
苑又云上聞其言即夜召晉王屬以後事  
左右皆不得聞但遙見燭影下晉王時或  
離席若有遜避之狀既而宋主引柱斧戳  
地大聲謂晉王曰好爲之俄而宋主殂宋  
后見晉王遽呼曰吾母子之命皆託于王  
王曰共保富貴無憂也此二書所載可疑  
也愚嘗因其信疑之故而考校之則宋史  
之爲可信也何也元人去宋未遠且史成  
於衆人之手使太宗誠有此事當時秉筆  
諸人豈無一人一言及此而畧不少見焉  
其散見於各傳者不約而同皆云太祖既  
崩太宗始入並無所謂斧聲燭影之事屬  
以後事之言信以傳信斷以宋史其可信  
無疑



入時久不出思從之曰亭久將為他人有矣時大直廬日王且待此恩當先入王止其直廬日王且待此恩當先入言之德也直廬日王且待此恩當先入繼進王直廬日王且待此恩當先入口無憂矣王命之命此官王日共紀實無憂矣王命之命此官王日共紀又云甲寅太宗即位見萬歲將以暴之東帝號太宗即位見萬歲將以暴白二帝授受之明以解世俗疑似之傳者也胡陳二子作為私史紀載其事考究不詳剛節欠精立言無法遂使太祖有不得其死之疑太宗有賊害其君之謗嗚呼茲豈小事而可輕忽如此哉設使太宗誠有此事其罪固不容誅矣萬一無之豈不負千古之冤哉抵罪反坐韓子所謂人禍天刑必有所歸矣且符瑞志及野錄所載者皆以神異人之靈驗而已非國正史也野云祖宗潛躍日嘗與一道士遊無定跡自曰混元又曰真無三道人者每劇飲醉喜歌引其喉於香冥間時或一二句隨風飄下惟祖宗問之曰金張虎頭四真龍也得真位極至受禪宗間之曰乃庚申正虎頭初四日也乙亥上巳駕幸西苑生醅坐干岸木陰下笑揖太祖曰別來喜安上大喜遂遣中人召我至後掖上謂之曰我父欲見汝決一日夜晴則可得幾多生日但今年十月十一後苑死矣或見宿于木末鳥巢中或

日不見上嘗切切記其語至所期之夕御太清閣以望氣是夕果晴星斗明紫雲降方喜俄而陰雲四起天地陡變雪驟降移仗下閣急傳宮僉召開封尹即太宗也延見燭影下太宗對飲宦官安悉屏之但狀飲雪禁漏三鼓太宗曰好雪已數寸太宗柱斧戲雪顧太宗曰好雪已數寸太宗侍廬者寂無所聞太宗曰好雪已數寸太宗聲認于引前臣環王宸以瞻聖體玉色瑩然達生知命有如此者其言固無足信然其中所云帝引群臣環王宸以瞻聖體玉色瑩然如出湯沐似亦知當時人有此傳聞之疑也惟凍水紀聞乃溫公所述溫公平生無妄語其筆之於書必不妄也溫公亦以為太祖既崩而後太宗入則無此事也明矣其召德芳及宋后託命之言史雖不載然觀其後太宗不成宋后喪及二王不得其死容或有之亦未可知此於太宗比諸弑逆其罪為小不必深辯然溫公而著此說似亦知當時人有此傳聞之疑也雖然胡陳二子固非矣而李燾之書此亦豈得為是哉夫志與錄二也所載之事與其人不同也燾乃強合之以為一又改載



雪為戡地改好做為好為之又加以大聲  
屬以後事之語何所據哉嗚呼有此事乎  
無此事乎果一事乎果二事乎史者實錄  
也不核其實而輕信人言可乎由是觀之  
啓後世之疑者胡陳二子也啓二子之疑  
者燾也况燾明言此據吳僧文瑩所謂湘  
山野錄者正史實錄並無之噫正史實錄  
皆無彼一僧之微居湘山之遠且生後此  
母慮百餘年何從而得此言乎惟歐陽玄  
等所脩宋史於太祖本紀書癸丑夕帝崩  
加以夕之一言於癸丑之下則凡所疑士  
子夜之事皆不待辯矣秉筆者似亦知世  
俗有此傳疑故於諸帝之崩皆未有書夕  
者而此獨書其微意亦可見矣

宋主弟晉王光義立

是為太宗

宋主遷宋后于西宮

宋主以弟廷美為開封尹封齊王兄子德昭  
封武功郡王德芳為興元尹

宋以盧多遜同平章事趙鼎輔為樞密使

十二月改元

宋詔群臣論列者即時引對

宋初詔諸道轉運使紘密官史

太宗皇帝

初名匡義

太祖弟義改光義即位更名晃

丁未

漢廣運十年

宋太平興國二年

宋主更名晃

宋賜江州白鹿洞九經

夏四月宋葬太祖于永昌陵

宋罷節鎮領支郡

冬十一月朔日有食之既

戊寅

漢廣運十一年

宋太平興國三年

陳洪道獻濟泉二州于宋

吳越王錢俶以其地歸宋

是歲吳越降五世八十四年

定難節度使李克獻卒子繼筠代領其眾

宋以孔宜襲封文宣公

宋制賊吏會赦不叙令

冬十一月宋主合祀天地于園丘

卯巳

宋太宗皇帝太平興國四年

初以石照載簽書樞密院事

簽書之名始此

帝自將伐漢契丹遣兵救之

漢主繼元降宋漢亡是歲漢主二十二年始三

十二年

所謂五季者梁唐漢晉周是也史綱於梁唐晉周之亡皆不書而獨書漢亡者著漢之亡不在於郭威之代周而在繼元之降宋也其諸異乎歐陽氏五代史所書漢亡者歟况自唐末以來乘時僭竊者至是始殄滅無餘譬則氛祲陰霾一旦廓清始見天日是亦治亂之一大幾也

漢劉繼文奔契丹

帝遂伐契丹與契丹將戰于高梁河敗績乃還

皇子武功郡王德昭自殺

定難留後李繼筠卒弟繼捧代領其衆

以楊業為代州刺史

進封齊王廷美為秦王

庚宋太平興國五年

定差役法

交州亂命將討之

契丹寇瓦橋關帝自將禦之

辛宋太平興國六年

皇子興元尹德芳卒

秋九月朔日有食之

以趙晉為司徒兼侍中

壬宋太平興國七年

詔詳定士庶車服喪葬制度

始以侯陟王明同判三司

判三司各始此

春三月朔日有食之

罷秦王廷美為西京留守

趙普白盧多遜交通秦王廷美王溥奏其罪

勒廷美就第尋貶涪陵縣公安置房州

李繼捧入朝獻銀夏綬宥四州其弟繼遷叛

走尋以繼捧為彰德節度使

契丹耶律明昌死子隆緒立

冬十二月朔日有食之

諸州置農師

宋太平興國八年

春二月朔日有食之

始分進士為三甲

進士分甲次始此

河決滑州東南流入于淮

契丹復稱本號

秋七月大水

以宋琪李昉同平章事

太平興國九年十一月以後雍熙元年

建號於年之上宜於歲前豫為頒布天下

使遠邇咸知之至于歲首即用以冠年必

使遠邇如一而不至於前後互異所以一

統紀防偽妄也歲至於十一月僅一閱月

而歲終矣顧乃追而改之凡諸内外上下

簿籍文移舉皆更革之不亦錯紊乎

求遺書

涪陵公廷美以憂卒

華山隱士陳搏入朝

立妃李氏為皇后

賜京師大酺三日

西巳宋雍熙二年

禁增置寺觀

銀麟夏州蕃內附

廢子楚王元佐為庶人

冬十二月朔日有食之

江水冰

西宋雍熙三年

遣將伐契丹取涿剌等州與契丹戰于岐溝

敗績

楊業與契丹戰死契丹獲陰雲朔等城

夏六月朔日有食之

契丹大舉入寇

張齊賢敗契丹于代州

丁未宋雍熙四年

遣使募兵于諸州

出李繼捧為崇信軍節度使

戊宋端拱元年

春正月親耕籍田

以呂蒙正同平章事

改補闕拾遺為司諫正言

作秘閣

賜李繼捧姓名趙保忠遣歸為定難節度使

倖臣侯莫陳利用有罪賜死

鄧王錢俶卒

己未宋端拱二年

契丹陷易州遷其民于燕

以國子監為國子學

秋七月彗出東井

都巡檢使尹繼倫大敗契丹于徐河

庚申宋淳化元年

詔歲貸江州義民陳魏粟表

詔致仕官給半俸

辛卯宋淳化二年

春旱蝗

閏二月朔日有食之

置諸路提刑官

李繼遷降賜姓名趙保吉

置審刑院

以李昉張齊賢同平章事

趙保忠叛降契丹

女真請伐契丹不許自是不復入貢

壬辰宋淳化三年

春二月朔日有食之

趙普卒

癸巳宋淳化四年

春二月朔日有食之

置審官院

封黎桓為交趾郡王

青神民王小波作亂既而死其黨李順寇掠

州縣

以何承矩為河北屯田制置使

秋八月朔日有食之

復以呂蒙正同平章事

甲午宋淳化五年

李順陷成都遣宦者王繼恩討之

趙保吉反寇靈州

李繼隆執趙保忠送京師

王繼恩復成都李順伏誅

立宣政使以授宦者王繼恩

以張詠知益州

以子襄王元偁為開封尹進封壽王

以寇準參知政事

冬十二月朔日有食之

紀宋至道元年

蜀盜平

以呂端同平章事

開寶皇后宋氏崩不成服因貶翰林學士王禹偁知滁州

禹偁知滁州

立子元佐為皇太子更名恒

兩宋至道二年

以太祖孫惟吉為閬州觀察使

遣將計李繼遷敗之于烏白池

秦晉諸州地日凡十二震

大有年

丁酉宋至道三年

分天下州軍為十五路各置轉運使

京東京西河北河東陝西江東江西浙東

浙西淮南荆湖福建劍南東劍南西廣南

凡十五路各置轉運使

春三月癸巳帝崩于萬歲殿年五十九二年

皇太子恒即位是為

尊皇后為皇太后

李昌齡有罪貶行軍司馬

立郭氏為皇后

追復涪王廷美為秦王復封元元佐為楚王

以曹彬為樞密使

冬十月葬永熙陵

追尊生母賢妃李氏為皇太后

李繼遷請降復賜姓名趙保吉

世史正綱卷二十三

年集

世史正綱卷二十四

辛集

○宋世史

真宗皇帝

諱恒 太宗子

戊戌 真宗皇帝咸平元年

春正月彗星見詔求直言

用三司判官王欽若言除逋負

夏五月朔日有食之

冬十月朔日有食之

以張齊賢李沆同平章事

己巳 咸平二年

詔群臣迎養父母

春閏三月旱求直言

視曹彬疾

樞密使兼侍中魯公曹彬卒帝臨其喪

初給外任官職田

始置講讀學士

此侍讀學士侍講學士之始

詔儒臣校定諸經義疏

秋九月朔日有食之

契丹入寇康保裔死之

帝自將禦契丹

庚戌 咸平三年

范廷召敗契丹

益州盜起陷漢州尋平之

春三月朔日有食之

太子太保呂端卒

辛酉 咸平四年

以呂蒙正向敏中同平章事

汰冗吏十九萬五千八百人

頒九經于學校

趙保吉復縣

契丹入寇都部署王顯敗之

壬戌 咸平五年

趙保吉陷靈州以居知州事裴濟死之

秋七月朔日有食之

癸亥 咸平六年

復以張詠知益州

以西涼首領潘羅支爲靈州西面都巡檢

冬十一月有星孛于井鬼

甲子 景德元年

春正月京師地屢震

李繼遷取西涼府潘羅支會蕃部擊敗之繼遷走死子德明領其衆

皇太后李氏崩

尚書右僕射同平章事李沆卒帝臨其喪以畢士安寇準同平章事

契丹大舉入寇尋議和遣曹利用報之始置閣藏先朝文籍設待制學士

自是每帝崩後皆置閣以藏御書此其始契丹進寇澶州寇準請帝親征

契丹將蕭撻覽中流矢死

冬十二月朔日有食之

帝渡河次澶州與契丹盟各解兵歸

帝至自澶州

乙未宋景德二年

春正月以契丹和大赦

置國信司

始與契丹歲幣

此宋人納幣夷狄之始夫謂之和者兩相交好之謂也今契丹圍城遣使與之議歲

幣用銀絹各三十萬定議而歸是則所謂

和者以幣易之也自是歲歲送至境上交納以爲常嗚呼國家取民賦稅以養兵將

以禦寇也今既養兵矣而又責民貨財以

賂寇又烏用養兵爲哉

秋八月有星孛于紫微

以向敏中知延州經畧西邊

同平章事畢士安卒賻白金五千兩

契丹使來

丙午宋景德三年

錄唐張九齡九世孫元吉爲韶州文學

王欽若諸寇準罷知陝州

以宋州爲應天府

以王旦同平章事

置常平倉始令三年以上不糶回充糧廩

交州黎桓死其子龍廷殺其兄龍鉞尋封龍

廷爲交趾郡王賜名至忠

趙德明降以爲定難節度使

丁未宋景德四年

皇后郭氏崩

夏五月朔日有食之

大中祥符元年

春正月帝與王欽若謀作天書置于承天門大赦改元

王欽若進泰山天書帝受之群臣上尊號

史臣曰真宗澶淵既盟封禪事作祥瑞沓臻天書屢降導迎莫安一國君臣如病狂然吁可怪也他日脩遼史見契丹故俗而後推求宋史之微言焉宋自太宗幽州之敗惡言兵矣契丹其主稱天其右稱地一

宋史卷五

五

歲祭天不知其幾儀而手接飛鴈鵠自投地皆稱爲天賜祭告而誇耀之意者宋之諸臣因知契丹之習又見其君有厭兵之意遂進神道設教之言欲假是以動狄人之聽聞庶幾足以潛銷其窺覷之志歟然不思脩本以制敵又效尤焉計亦末矣作玉清昭應宮貯天書

冬十月帝封泰山禪社首大赦

帝過曲阜謁孔子廟加謚曰玄聖追封從祀

者以公侯伯爵

詔禁銷金

大中祥符二年

詔禁誘人子弟析家產舉息錢壞墳域用方士言立聖祖祀之尋加號司命天尊

春三月朔日有食之

夏四月昇州大火陝西旱蝗

丁謂上封禪祥瑞圖

大中祥符三年

交州將李公蘊殺黎至忠封公蘊交趾郡王頒釋奠先聖儀并祭器圖于天下

宋史卷五

六

高麗康肇弑王誦而立其兄詢契丹伐高麗

誅康肇

誅內侍

大中祥符四年

春二月帝祭后土于汾陰

加五嶽神以帝號

詔文武官言刑政得失邊防機事者許賜對

大中祥符五年

復以向敏中同平章事

以占城稻種給于民



此中國有祀之始

秋八月朔日有食之

以犯聖祖諱改孔子謚為至聖

德妃劉氏立為皇后

癸卯宋大中祥符六年

禁內臣出使干預公事

除農器稅

冬十二月朔日有食之

甲寅宋大中祥符七年

帝如亳州祠老子

以應天府為南京

以寇準為樞密使

上昊天上帝號曰玉皇大帝

卯乙宋大中祥符八年

夏六月朔日有食之

始賜信州道士張正隨號真靜先生

漢張道陵之後世守其法前此未有賜以

號也賜以號始於是後凡嗣世者皆賜

以先生號然無階品至胡元乃封為真人

給以銀印視三品始有階品矣

兩宋大中祥符九年

以旱蝗罷諸營建

丁未宋天禧元年

以王欽若同平章事

王清昭應宮使王旦卒

論諸州非時災沴不以聞者論罪

戊午宋天禧二年

夏六月彗出北斗魁

立子禎為皇太子

起宋天禧三年

春三月朔日有食之

寇準言天書降于乾佑山以準同平章事

冬十一月己巳帝謁景靈宮庚午享太廟辛

未祀天地于園丘大赦

自是每三歲行禮必三處同舉為宋制

以下謂為樞密使

庚申宋天禧四年

夏四月有兩月並見于西南

寇準罷為太子太傅

以李迪下謂為平章事馮拯為樞密使

內侍周懷政因帝有疾謀欲帝傳位太子事

泄伏誅出寇準知相州再貶道州司馬

李迪丁謂罷謂復以計留學士劉筠不草制

詔皇太子參議朝政

以馮拯同平章事

西宋天禧五年

秋七月朔日有食之

吐蕃唃廝囉來降

初以宦者劉崇超監三館祕閣圖籍

宋乾興元年

春二月戊午帝崩于延慶殿在位二十六年

皇太子禎卽位是為仁宗

尊皇后為皇太后權處分軍國事

丁謂誣寇準李迪為朋黨貶準雷州司戶參

軍迪衡州團練副使

內侍雷允恭以擅移陵寢伏誅丁謂免

秋七月朔日有食之幾盡

以王曾同平章事

貶丁謂崖州司戶參軍

帝與皇太后同御殿聽政

葬永定陵

始給諸州學田

始開經筵

仁宗皇帝諱煚

宋仁宗皇帝天聖元年

以王欽若同平章事

寇準卒

初置益州交子務

此交會之始按周禮小宰聽稱責以傳別

特民間私相稱貸以為符驗公家未嘗為

之漢皮幣惟王侯朝餐用以薦璧民間未

用唐憲宗始為飛錢之法委錢京師以輕

裝趨四方合券取之以通商賈之厚齋者

其法執券以取錢而非即以券為錢也宋

真宗時張詠鎮蜀患鐵錢重不便貿易設

質劑之法一交一緡以三年為一界而換

之富民十六戶主之後富民衰不能償所

負爭訟不息轉運使薛田請官為置務至

是蜀守臣寇瑊置益州交子務以權其出

入始屬之官而有禁焉自是以後始以楮

代銅交子代錢限年以爲界而交易之

壬寅宋天聖二年

帝視國子監

立皇后郭氏

冬十一月有事于南郊

丑宋天聖三年

王欽若死

以張知白同平章事張旻爲樞密使

寅宋天聖四年

夏六月京師大水

詔舉內外官通經術者

冬十月朔日有食之

卯宋天聖五年

春正月朔帝率群臣朝太后

天無二日民無二王人君之於母后以子

道事之可也而以臣道事之則不可何也

禮於冢子爲之服三年以其主宗祀也豈

有踐祖宗之位爲萬乘之主率臣下北面

朝其母於外朝之禮哉

辰宋天聖六年

春三月朔日有食之

以張士遜同平章事

巳宋天聖七年

參知政事魯宗道卒

以呂夷簡同平章事

復制舉諸科

秋七月大雷雨玉清昭應宮災

八月朔日有食之

秘閣校理范仲淹以言事出通判河中

午宋天聖八年

復解鹽通商法

未宋天聖九年

出內帑市糧

契丹隆緒死子宗真立

申宋天聖十年十一月以後明道元年

復以張士遜同平章事

宸妃李氏卒同平章事呂夷簡請成禮

秋八月宮中火

封趙德明爲夏王德明尋卒以其子元昊爲

西平王

癸卯明道二年

春二月彗星見于東北

太后服天子袞冕享太廟

三月太后劉氏崩尊楊太妃為皇太后

帝始親政罷呂夷簡等

召還言事出外任者范仲淹等

以李迪同平章事

追尊生母宸妃李氏為皇太后

夏六月朔日有食之

秋七月旱蝗詔求直言

復以呂夷簡同平章事

贈寇準中書令

廢皇后郭氏黜御史中丞孔道輔右司諫施

仲淹

復置諸路提點刑獄

戊申景祐元年

始置說書

以王曙同平章事

趙元昊反

秋八月有星孛于張翼

立曹氏為皇后

癸卯景祐二年

育從弟允讓子宗實于宮中

以王魯同平章事

詔天下求達鍾律者

始作睦親宅

故后郭氏暴卒竄內侍閻文應于嶺南

子丙宋景祐三年

詔汰冗吏杖其喧訴者配沙門島

詔優給致仕官俸

知開封府范仲淹以言事出知饒州集賢校

理余靖館閣校勘尹洙上書救之歐陽脩以

書責諫官高若訥皆貶官

初置大宗正司

皇太后楊氏崩

丁丑宋景祐四年

以王隨陳堯佐同平章事

丁謂死

冬十一月地大震

戊申景祐五年十一月以後寶元元年

以張士遜章得象同平章事

詔戒百官朋黨

趙元昊僭號于夏州

沂公王魯卒

冬十二月京師地震

以夏竦范雍為安撫使經畧夏州

肥宋寶元二年

削趙元昊賜姓官爵

詔節省浮費

辰庚宋寶元三年二月以後康定元年

春正月朔日有食之

李元昊寇延州劉平石元孫戰沒

以內侍王守忠為都鈐轄

命韓琦安撫陝西琦薦范仲淹

張士遜致仕

宋宰相致仕始此

以呂夷簡同平章事

以范仲淹兼知延州

韓琦遣將攻李元昊白豹城克之

鄜州將种世衡城青澗

禁以金飾佛像

辛巳宋康定二年十一月以後慶曆元年

李元昊寇渭州任福與戰于好水川敗死

韓琦知秦州

范仲淹坐擅與夏人通書貶知耀州

李元昊陷豐州

分陝西為四路

壬午宋慶曆二年

契丹遣使求關南地

以大名府為北京

以王德用判定州

命宰相兼樞密使

遣知制誥富弼如契丹增歲幣與契丹平

李元昊寇鎮戎軍葛懷敏敗死元昊遂大掠

渭州

以韓琦范仲淹龐籍為陝西安撫經畧招討

使

徵處士孫奭為國子監直講

癸未宋慶曆三年

元昊上書請和

罷呂夷簡為司徒與議軍國大事

以晏殊同平章事兼樞密使

以歐陽脩王素蔡襄余靖為諫官

遣使如夏州

以韓琦范仲淹為樞密副使

石介進慶曆聖德詩

夏五月朔日有食之

以許元為江淮兩浙荆湖制置發運判官

始置武學

此武學之始

詔諫官日赴內朝

以范仲淹參知政事富弼為樞密副使

以韓琦為陝西安撫使

以張溫之等為都轉運按察使

更定磨勘法及廢子法

冬十一月五星皆在東方

十二月河北雨赤雪

甲申宋慶曆四年

詔天下州縣立學

詔官禁市物給實道非所關者毋市

歐陽脩進朋黨論

作太學帝躬拜孔子

元昊上誓表

范仲淹請行邊以為陝西河東宣撫使

富弼自請為河北宣撫使

呂夷簡卒

以杜衍同平章事兼樞密使

契丹伐夏夏人敗之與夏平

詔戒文人肆言行怪者

歐陽脩曰人之才行若不因臨事而見則

守常循理無異眾人苟欲異眾則必為迂

僻奇怪以取德行之名

冊趙元昊為夏國主

乙酉宋慶曆五年

以賈昌朝同平章事兼樞密使

罷范仲淹等所建磨勘蔭子法

罷韓琦知揚州

夏四月朔日有食之

以陳執中同平章事兼樞密使

丙戌宋慶曆六年

春三月朔日有食之

丁未慶曆七年

春二月六日詔求直言

以夏竦同平章事尋改樞密使

貝州卒王則據城反

戊申慶曆八年

以文彥博為河北宣撫使討王則誅之以彥

博同平章事

夏曩霄死冊其子諒作為夏國主

夏五月無雲而震夏竦免

丑宋皇祐元年

春正月朔日有食之

二月彗星見

以知青州富弼賑饑加禮部侍郎辭不受

以宋庠同平章事

九月廣源州蠻儂智高反

庚寅宋皇祐二年

命近臣同三司較天下財賦出入之數

秋九月始親享天地于明堂

詔胡瑗定雅樂

辛未皇祐三年

以貴妃兄張堯佐為宣徽南院使

唐介劾文彥博賂官掖貶英州別駕文彥博

免

以龐籍同平章事

壬申宋皇祐四年

資政殿學士汝南公范仲淹卒

儂智高陷邕等州遂圍廣州

以狄青為荆湖宣撫使討儂智高

以范祥制置解鹽

以胡瑗為國子監直講

癸未宋皇祐五年

狄青破邕州儂智高走死以狄青為樞密使

陝西轉運使李參始行青苗法於慶州

定內侍員以一百八十人為額限年五十無

賊犯者始得為都知押班

以陳執中為同平章事

夏及契丹平

冬十月朔日有食之

甲申宋皇祐六年四月以後至和元年

貴妃張氏卒追冊為溫成皇后

京師大疫

夏四月朔日有食之用牲于社

五月客星出于昴

按史劉義叟曰客星出昴契丹主其死乎

明年宗真果死則昴主胡明矣

以劉沆同平章事

乙未至和二年

改封文宣公為衍聖公

以文彥博富弼同平章事

契丹宗真死子洪基立

丙申至和三年九月以後嘉祐元年

召唐介知諫院

知諫院范鎮等請建儲

夏六月大水社稷壇壞

秋七月彗出紫微垣

罷狄青判陳州以韓琦為樞密使

八月朔日有食之

以包拯知開封府

丁未嘉祐二年

翰林學士歐陽脩變文格

契丹來聘

始詔進士預殿試者不黜落

詔間歲一舉士

戊戌嘉祐三年

以韓琦同平章事

秋八月朔日有食之

己亥嘉祐四年

春正月朔日有食之仍用牲于社

封周後柴誅為崇義公

汝南王允讓卒追封濮王

召河南處士邵雍不至

庚子嘉祐五年

王安石上萬言書

辛丑嘉祐六年

夏六月朔日有食之

以司馬光知諫院

以王安石知制誥不辭

以魯公亮同平章事

以歐陽脩參知政事



寅<sup>上</sup>宋嘉祐七年

立宗實為皇子賜名曙進封鉅鹿郡公

卯<sup>癸</sup>宋嘉祐八年

春三月辛未帝崩于福寧殿在位四十二年

鉅鹿公曙即位是為英宗

尊皇后為皇太后

帝有疾請皇太后權同聽政

立皇后高氏

葬永昭陵

英宗皇帝諱曙太宗曾孫

辰<sup>甲</sup>宋英宗皇帝治平元年

夏五月帝親政

加韓琦尚書右僕射

內侍任守忠以離間竄斬州

刺陝西民為義勇軍

吐蕃不征以河州內附

以宦者為陝西諸路鈐轄

巳<sup>乙</sup>宋治平二年

詔議崇奉所生父濮王典禮

八月京師大水

午<sup>丙</sup>宋治平三年

契丹復號其國曰遼

詔罷濮王為親謫侍御史呂誨等外任

春三月彗星見西方

秋九月朔日有食之

詔禮部三歲一貢舉

此後世三年一開科之始

冬十一月帝有疾

立子頊為皇太子

未<sup>乙</sup>宋治平四年

春正月丁巳帝崩于福寧殿在位五年

皇太子頊即位是為神宗

尊皇太后曰太皇太后皇太后曰皇太后

以韓琦為司空兼侍中

立皇后向氏

始命公主行見舅姑禮

歐陽脩罷

以司馬光為御史中丞

秋八月葬永厚陵

曾公亮為王安石召為翰林學士罷司空侍

中韓琦

京師地震

詔韓琦經畧陝西

夏諒祚卒子秉常嗣

杜鵑鳴于洛陽

按趙訪曰宋治平間邵雍居洛陽聞杜鵑

聲曰洛陽舊無杜鵑今始至矣天下將亂

地氣自南而北禽鳥氣類得氣之先者也

春秋書鸛鵒來巢氣使之也杜鵑之鳴來

史不書訪謂在宋治平間然治平僅四年

故附書於是年之末

光緒四年六月三日言國祚既短天祚于宋

世史正綱卷二十四

辛集

世史正綱卷二十五

○宋世史

神宗皇帝

諱瑋

熙寧元年

春正月朔日有食之

世道之興衰事幾之起伏皆自夫人為之

而天道亦未嘗不與之相符應焉神宗即

位之初首召王安石為學士明年紀元之

始日即食於三朝人事欲興於下天道遽

兆於上天人交感之際微矣蓋由此而上

則為英宗仁宗真宗太宗太祖由此而下

則為哲宗徽宗欽宗以至于南渡乃有宋

一代消長升降之會也

詔王安石越次入對

始勸僧道度牒

宋朝黨度牒始于此

錄唐魏徵狄仁傑後

冬十一月有事于南郊

熙寧二年

以富弼同平章事王安石參知政事

用王安石言創制置三司條例司議變舊法  
參知政事唐介劾發

王安石以計罷知開封府滕甫

鄭獬王拱辰錢公輔范純仁以言新法補外

御史中丞呂誨劾王安石出知鄭州

秋七月朔日有食之

行均輸法

以程顥權監察御史裏行

行青苗法

王安石薦呂惠卿為崇政殿說書

富弼罷

以陳升之同平章事

增置官觀官

先王設官以治事治事以立國無非以為  
民而已故有是事則設是官既設是官則  
程功計效以上下其秩多寡其祿雖出  
於君而實則民之所供受民之所供而無  
益於民挽之者固非而受之者獨無乎  
宋自王安石行新法而欲去異議者  
皆先朝舊臣素有聞望一旦去之無

其然說乃為祠祿處之嗚呼所謂官觀者

所業何道所以為之使者所治何事而一

時士大夫甘心受其養養而不知則又

何哉雖然此猶國家方盛之時用以處其

父壯而顯異者也若夫南渡以後國計不

足之時乃有方登仕途即有祠祿之請者

食焉而不理其事雖以大賢君子亦不免

焉豈孔子所謂事君敬其事而後其食者

哉

以張載為崇文院校書

宋熙寧三年

韓琦請罷青苗法王安石稱疾不朝詔諭起  
之

嗚呼三代以下人君之信任其臣孰有篤  
於神宗者哉一入安石之言即惟其言之  
是信雖以母后之親大臣之舊言皆不入  
一語或違其心一事少拂其意安石即稱  
疾不朝上章求去神宗喻之留之至再至  
三然後肯起切切然惟恐其一旦舍我  
而吾不足以有為也嗚呼神宗好治之心

如此其切。漢唐以來所未有也。惜乎加以非其人。而安石不足以副之。而又有以了之耶。然其一念好善求治之心。任賢勿貳之意。真無愧乎古之帝王。使其移是心以待程顥。得光明正大之學。以為推誠好治之輔。三代之治其庶幾乎。

### 司馬光辭樞密副使

始以策試進士。葉祖洽以附會新法擢首選。科目以文取士。本非三代帝王之法也。然既為上人所重。而天下靡然趨向之。而世道亦由之而升降焉。宋自太宗重甲科之選。擢居選首者。曠取華要。有不十年而至宰相者。往往多為名臣。自治平更三歲之制。繼以王安石變一代之法。倡一家之言。一時士子咸希其意。習其說。非是無以得高第。葉祖洽首迎合安石。意得為首選。自是士風大壞。得人亦不如前。非徒無呂蒙正。王曾者出於其間。而所得者皆俞杲。蔡薊。愴邪小人之輩。阿趨時好。誣陷善人。以成一代之禍。此無他。蓋由王氏之學不

正。有以啓之也。孰謂科舉取士不關於治亂乎。

王安石薦選人李定為監察御史。衷行知制誥。宋敏求。蘇頌。李大臨。封還制書。

詔言官坐罪免杖黜。著為令。

改諸路更成法。

立保甲法。

以韓絳。王安石。同平章事。

行募役法。

宋熙寧四年

始以經義取士。

此後世經義之始。

王安石廢春秋儀禮。

後世不用儀禮取士。始此。嗚呼。五經之在

世。猶五行之在天。五倫之在人。缺一不

可。春秋一經。自聖人筆削以來。至是千五

百餘年。未有一人敢非而議之者也。安石

何人。敢目之以斷爛朝報。言於其君。貢舉

不以取士。庠序不以設官。經筵不以進講。

先儒胡氏謂斷國論者。無所折衷。其效使

夷狄亂華莫之能遏噫春秋之經聖人手  
親所筆著世之叛經僭經者有矣未有廢  
經者也廢經始自王安石安石罪非止一  
端其立新法作新說罔民以取利欺世以  
盜名皆其罪之小者也罪之大者惟在於  
此蓋與廢君叛國者同科若安石若其萬  
世名教之罪人歟陸九淵曲為之回護不  
知何見也

趙秉常兵陷撫寧諸城

詔察奉行新法不職者

以王安石子雱為崇政殿說書

命王韶主洮河安撫司事

鬻坊場河渡祠廟

立太學生三舍法

壬子宋熙寧五年

置京城邏卒察謗時政者

嗚呼天下有道則庶人不議善於為治者  
反求諸已而已矣在已所行有可議者得  
人言而亟改之是人之言有益於我也大  
矣夫如是惟恐吾行之而人不我議議之

而我不聞聞之而我不能改焉可設法以  
禁人之議已哉王安石平日所學何事自  
諉謂何乃效衰世君臣寄耳目於群小或  
者謂安石直不曉事耳非奸也豈其然哉  
行市易法  
行保馬法

王安石求去位帝不許

命章惇經制湖北蠻事

王韶城武勝

觀文殿學士致仕歐陽脩卒

頒方田均稅法

置熙河路

癸丑宋熙寧六年

王韶克河州

置經義局

夏四月朔日有食之

文彥博罷

始置濬河司

以熊本為梓夔察訪使

大儒周敦頤卒

卒或書官不書官史例也今周敦頤卒不  
書其官而以大儒書何曰此綱目書徵士  
陶潛卒之例也自孟子沒後孔孟之學不  
講久矣而周子始倡而傳之然卒未嘗自  
言也吁道喪千載聖遠言湮不有先覺孰  
開我人敦頤有功於世教大矣哉

初策武舉士

河州平

行折二錢

甲寅熙寧七年

春三月大旱詔求直言夏四月權罷新法兩

鄭俠上流民圖尋下俠獄復行新法

王安石免安石請以韓絳同平章事呂惠卿

參知政事

初權蜀茶

立手實法

置三司會計司

乙卯熙寧八年

後以王安石同平章事

頒王安石詩書周禮經義

司徒仲平韓琦卒

劉北邊地七百里界契丹

秋八月朔日有食之

呂惠卿有罪免

九月彗星見

罷手實法

交趾大舉入寇陷欽廉州

丙辰熙寧九年

交趾陷邕州知州事蘇緘死之

呂惠卿上書訟王安石

王安石免以吳充王珪同平章事

交趾納款治開邊罪安置劉彝沈起隨秀

遣宦者節制西邊彭汝礪等諫不聽

丁巳熙寧十年

河決澶州

處士邵雍卒

同知太常禮院張載卒

戊午宋元豐元年

夏六月朔日有食之

議復肉刑

紀(宋)元豐二年

太皇太后曹氏崩

知湖州蘇軾坐賦詩下獄

庚(宋)元豐三年

詔詳定官制

定雅樂

秋七月彗出太微垣

冬十一月朔日有食之

辛(宋)元豐四年

築河隄

夏人幽趙秉常

詔宦者李憲帥五路兵伐夏會于靈州憲後

期不至高遵裕兵潰

冬十一月朔日有食之

吳居厚以言利得為都轉運使

壬(宋)元豐五年

治兵敗罪貶高遵裕等官以李憲為經畧安

撫制置使

夏四月朔日有食之不見

行新官制改同中書門下平章事為尚書左

右僕射參知政事為中書門下侍郎尚書左

右丞

改王珪為尚書左僕射兼門下侍郎蔡確為

尚書右僕射兼中書侍郎

城永樂趙秉常遣兵來寇士卒役夫死者二

十餘萬人帝臨朝大慟

癸(宋)元豐六年

趙秉常兵寇蘭州

貶宦者李憲官

趙秉常復脩貢

司徒富弼卒

秋九月朔日有食之

子甲(宋)元豐七年

趙秉常大舉兵入寇

始以孟軻配享孔子及荀况揚雄韓愈從祀

司馬光上資治通鑑

王安石以所居為僧寺乞賜額

乙(宋)元豐八年

春正月帝有疾

立子傭為皇太子改名煦

戊戌帝崩于福寧殿三十八年

皇太子煦即位

尊太后曰太皇太后皇后曰皇太后

罷京城邏卒

司馬光入臨

大儒程顥卒

嗚呼程顥其幾於聖人也歟自其幼而學壯而仕而教凡其所言所行未嘗離夫道也而口未嘗自言行未嘗立異其於聖人所謂中庸之道日用常行由之而不疑而

人亦不疑之也其為御史時也則曰使臣拾遺補闕裨贊聖政則可使臣擻拾臣下長短以沾直名則不能其於新法也則曰新法之行吾黨激成之當時自愧不能以誠感上心遂成今日之禍考其所存所論皆與一時諸人不同愚故舉其二端以示學者使世之居官論事者皆以之為法則士大夫無激切之風而國家享和平之福矣

以蔡確韓琦為尚書左右僕射兼門下中書

侍郎章惇知樞密院事

以司馬光為門下侍郎

以呂公著為尚書左丞

令侍從各舉諫官二人

罷保甲等法

葬永裕陵

哲宗皇帝

諱元初名備

黃內宋哲宗皇帝元祐元年

劉摯朱光庭等交章論蔡確章惇韓縝張璪

君子小人勢不並立為君子者必求所以

勝小人之術然後小人合德其惡雖有

禍害也亦不甚焉苟為不然不量時勢之

可否情分之深淺而輕於用言語筆舌以

相攻擊愚知其不能去之而反甚之

其禍不獨在人臣而且移於國家矣蓋小

人之為小人也其心亦未嘗不知小人之

非美名也方其為之之時昧於私欲不能

自克及其既為之後亦未嘗不自知其非

也但以業已為之已為衆人之所指撻雖

欲掩之有不可得者惴惴焉恐其彰者不



已非但失名亦恐因此得禍操心愈危慮患愈深於是恣其忿戾不肖之心凡可以掩已惡而中傷他人者無所不至甚至建異議立奇功以固其位使人不能動而禍及宗社矣苟當小人惡念未稔之時為君子者有以善導而巽入之或盡忠告焉秉彝好德之心人孰無之安知其無因吾言而少已者哉縱其人下愚不移不可告語然無有激發之者則其惡亦將不至於太甚也元祐諸賢疾惡太甚往往逆料他人未然之惡而極力誅毀之非但攻小人也見君子少有纖芥之失即已遽然攻之不少假借形於章奏者不分輕重淺深一舉目以奸邪一時人主眩於名實不知所從故其所言悉多不售其攻小人也小人不未必去適所以自攻其同類而已同類既去已亦不自保矣於是善類空而惡人得志肆其報復之心行其狠毒之政遂使生民受其害國家罹其患縉紳之禍不足言也蔡確有罪免

以司馬光為尚書左僕射兼門下侍郎  
以呂公著為門下侍郎

罷青苗法

司馬光請罷免役錢

召程頤為崇政殿說書頤上疏論輔養君德  
王安石死

王安石直偏狃耳非奸惡也今書以死何按朱熹曰安石以文章節行高一世而尤以道德經濟為已任被遇神宗致位宰相世方仰其有為庶幾復見二帝三王之盛而安石乃汲汲以財利兵革為先務引用凶邪排擯忠直躁迫彊戾使天下之人囂然喪其樂生之心卒之群奸嗣虐流毒四海至于崇宣之際而禍亂極矣觀熹所論豈有正人君子而引用凶邪排擯忠直躁迫彊戾者乎矧其擅廢聖經而敢為天不足畏之說其得罪名教也甚矣書之以死夫豈過乎

以呂公著為尚書右僕射兼中書侍郎  
詔起文彥博平章軍國重事

黜內侍李憲等于外

置春秋博士

呂惠卿有罪建州安置

夏國主趙秉常死子乾順嗣

尚書左僕射兼門下侍郎司馬光卒

以蘇軾為翰林學士

改封衍聖公為奉聖公

元祐二年

禁用王安石新經義

秋七月朔日有食之

程頤蘇軾劉摯等自分黨相攻擊

天下之理二善與惡公與私義與利而已

矣其在人則君子小人所由分焉一於善

則心存乎公行合乎義而為君子一於惡

則心存乎私行依乎利而為小人君子小

人如薰蕕冰炭之相反各以類而立其不

相能也必矣為君子者必不同乎小人為

小人者必不同乎君子邪正不並立是以

小人慮君子之不吾容君子恐小人之害

吾正協力以相攻則有之矣又不然小人

以勢力相軋名位相逼以小人而攻小人

亦有之矣未聞君子以道義而相攻者也

其所以相攻者必其有偏黨之私也孔子

曰君子周而不比小人比而不周今觀元

祐諸臣皆一時所謂賢人君子者也一旦

伸於久屈之餘不幸而當群奸誤國之後

正當相與同心協力以翼正拒邪猶恐不

足以勝之胡乃以私忿小怨有分黨與互

相攻擊如此果善乎惡乎公乎私乎義乎

利乎蓋其心介乎善惡之際而出入乎公

私義利之間比而不周不能公天下以為

心也嗚呼彼徒以文章鳴世功名建事者

黨同伐異無足恠也若夫以斯文為己任

自謂繼千載之絕學者而亦視其徒為之

而不救正何哉

罷崇政殿說書程頤

元祐三年

以呂公著為司空同平章軍國事

以呂大防范純仁為尚書左右僕射兼門下

中書侍郎

已宋元祐四年

司空同平章軍國事呂公著卒

分經義詩賦為兩科

蔡確以詩得罪再貶新州

劉安世論范純仁黨蔡確純仁自求罷政

按邵伯溫謂公卿大臣當知國體以蔡確奸邪投之死地固何足惜而純仁乃欲薄其罪存大體也而劉安世乃論其黨確至謂其有朋奸之心嗚呼元祐所以變為紹聖者豈但小人之罪哉一時所謂賢人君子者亦未當無罪也愚故舉安世一事可以因類推矣

劉安世諫求乳母

已宋元祐五年

以米脂葭蘆浮圖安疆四若昇夏人

潞公文彥博致仕

召鄧潤甫為翰林學士承旨罷御史中丞梁燾諫議大夫劉安世未光庭

已宋元祐六年

以劉摯中尚書右僕射兼中書侍郎尋罷

夏五月朔日有食之

翰林學士承旨蘇軾罷

中書侍郎傅堯俞同知樞密院韓忠彥等以論事同異各求罷

大臣以道事君當同寅協恭可否相濟以共成國家之事所見雖有不同而同於為國豈可人自為心必遂已而後行哉蓋天下之事端緒孔多其後效之或成或敗亦難以逆觀方事之來也商議之際各盡所見量度其可否虛其心以公聽並觀擇其善者而從之若所見各有不同相與委曲開譬必相洞達而後已萬一相持不決各列上之從上所取既用其一則相與協力殫慮從容成全之補偏塞罅逆閉其旁出之途期以臻于萬全而無後患政不必其出於已也縱彼所用者不如吾策之良然上之人業已用之則當以國事為重而不復計其策之出於誰某而幸其事之敗以實吾之言宋世所謂賢士君子者一有議論異同即便求去當國家無事之時猶之

可也及乎宗社存亡在乎此舉猶以所定  
不同潔身求去嗚呼發言盈庭人各其  
所言亦皆有理也人君未必皆有生知之  
明灼見之真勢無全用之理苟用其中一  
人之言則衆人者皆當舍已從人期以共  
成國家之事而不使其至於債敗可也譬  
如行舟焉一主帆一主櫓一主篙主人從  
主帆者之言則主櫓與篙者即棄去不顧  
幸其舟覆以快吾言之不用不知舟既覆  
矣吾身能免乎宋世士夫之見絕有類于  
是爲國乎爲已乎人臣委質事君豈宜如  
此愚嘗謂宋朝待士大夫極厚而一時士  
大夫負宋朝者多矣

帝臨國子監釋奠

中壬  
宋元祐七年

以程頤判西京國子監尋致仕

備六禮聘孟氏立爲皇后

以蘇頌爲尚書右僕射兼中書侍郎

西癸  
宋元祐八年

以范純仁爲尚書右僕射兼中書侍郎

秋九月戊寅太皇太后高氏崩

帝始親政翰林學士范祖禹首上疏不報

楊畏上疏請紹述神宗

復章惇呂惠卿官

甲宋元祐九年四月以後紹聖元年

以李清臣爲中書侍郎鄧潤甫爲尚書左丞

春三月朔日有食之雲霧不辨

嗚呼宣仁后崩帝始親政祖禹之疏不報

楊畏之言即入宋朝治亂興亡之幾於此

乎判人事變於下天象應於上天人之理

影響如是天變果不足畏哉

罷呂大防

策進士畢漸以對策希時政擢首選

進士首選號爲狀元始于唐而極盛于宋

大爲一時學士大夫之榮選非特人重之

往往見于識兆形於夢寐是天因人所重

而亦重之也其得之者以直言極諫上也

隨問而答者次之趨時好而迎合者不足

道矣夫取一日之長於三年之近數百人

之中固無甚異者而又曲所學以得之所

以為榮也祇以為辱哉

罷門下侍郎蘇轍

夏四月詔改元

罷翰林學士范祖禹

以章惇為尚書左僕射兼門下侍郎

范純仁罷

召蔡京

章惇以林希為中書舍人

復免役法

蔡卞請刊定神宗實錄以卞為國史脩撰

詔進士專習經義

以黃履為御史中丞

奪司馬光呂公著等贈諡貶呂大防劉摯蘇軾等官

安置范祖禹于遠州

元祐二年

復保甲法

監察御史常安民坐直言貶

元祐三年

廢皇后孟氏

冬十月雷大雨雹

元祐四年

追貶司馬光呂公著等官流呂大防等于

南大防道卒

以蔡卞為尚書左丞

降太師致仕文彥博為太子少保尋卒

編類元祐臣僚章疏

夏六月朔日有食之

秋八月彗星見西方

以邢恕為御史中丞

編管程頤于涪州

復立市易務

元祐五年六月以後元符元年

咸陽民得玉印群臣賀以為秦璽

劉定之曰此天書之故智也

下文彥博子及甫于同文館獄劉摯梁燾

子孫于嶺南以蔡京為翰林學士承旨安惇

為御史中丞

章惇蔡卞請追廢宣仁聖烈皇后以皇太后

言而止

再寬范祖禹劉安世祖禹卒于化州

京師地震

平夏城成趙乾順來寇敗之

卯宋元符二年

契丹為夏請和

河決內黃

城會州

立妃劉氏為皇后竄右正言鄒浩于新州

卯宋元符三年

春正月己卯帝崩于福寧殿在位十六年

皇弟端王偁即位徽宗

皇太后權同聽政

尊皇后劉氏為元符皇后

立皇后王氏

詔求直言以崔鷟為相州教授

召陳瓘鄒浩

詔許劉摯梁燾歸葬錄其子孫

夏四月朔日有食之

陳瓘上書論國是

按國是之說始于孫叔敖其言曰夏桀商

紂不定國是而以合其取舍者為是不合

其取舍者為非叔敖之意亦不專以其私

取舍者為是非而以眾人之所同取舍者

為是非此國是之說所由起也王安石始

自是其是而盡非天下之人以為國是蓋

借叔敖之言以文其奸耳自後京下輩祖

述其說以箝天下之口行一己之私遂至

宗社丘墟神州陸沉安石之罪大矣孟子

曰是非之心人皆有之眾人以為是則是

眾人以為非則非矣今天下之人之言咸

以為是而不非之者是則所謂國是也因

時隨事擇其可否權其輕重而必原於天

理之正合於人心之安斯則所謂國是者

乎故不必立為一定之名以必天下人之

同已也

以韓忠彥為尚書右僕射兼中書侍郎

復范純仁等官從蘇軾等于內郡

詔復哲宗廢后孟氏為元祐皇后

蔡卞有罪免

追復文彥博司馬光等三十三人官爵

皇太后罷聽政

秋八月葬永泰陵

章惇有罪免

復以程頤判西京國子監

蔡京有罪免削林希官

改韓忠彥尚書左僕射兼門下侍郎以曾布為尚書右僕射兼中書侍郎

光

史綱卷二十五

三

史綱卷二十五

王集

世史正綱卷二十六

宋世史

徽宗皇帝神宗子

帝信建中靖國元年

春正月朔有赤氣亘天

高平公范純仁卒

皇太后向氏崩

貶章惇雷州司戶參軍

夏四月朔日有食之

罷權給事中陳瓘等

復蔡卞邢恕等官

勢丹洪基死孫延禧立

宋崇寧元年

追封孔鯉泗水侯復沂水侯

太原等十一郡地震

罷韓忠彥

復追貶司馬光等四十四人官禁其子弟不得官京師

得官京師

詔籍元祐元符黨人

以蔡京為尚書右僕射兼中書侍郎

王集

蔡元祐法置講議司於都省蔡京自為提舉  
作辟雍

帝親書黨人碑立于端禮門

小人欲空人之國則肆為朋黨之說君子  
指小人為黨小人亦指君子為黨甚至君  
子亦自指君子以為黨而小人亦然始以  
黨敗人終以黨敗國宋自元祐以來黨論  
滋起互相指斥不復能辨衣冠塗炭垂三  
十年至于崇寧其禍極矣嗚呼有國者其  
尚公以存心恕以待物無偏無黨一惟理

之是準庶幾消朋黨之禍於未然哉

復廢元祐皇后

以蔡卞知樞密院事

宋崇寧二年

安置任伯雨等十二人于遠州

以蔡京為尚書左僕射兼門下侍郎

尊元符皇后劉氏為皇太后

除故直秘閣程頤名

更鹽鈔法

詔宦者童貫監洮西軍

令州縣立黨人碑

甲宋崇寧三年

鑄當十大錢

命謫徒魏漢津定樂鑄九鼎

春三月大內火

以復鄆靡州封蔡京為嘉國公

以王安石配享孔子位次孟軻

重定黨人刻石朝堂

罷科舉法詔天下取士悉由學校升貢

復封孔子後為衍聖公

大堽

配宋崇寧四年

始令州縣學以諸儒從祀孔子

蔡卞罷

以宦者童貫為熙河蘭湟秦鳳路經略安撫

制置使

以趙挺之為尚書右僕射兼中書侍郎尋擢

趙乾順遣兵寇涇原

置四輔郡

以朱勔領花石綱



始諸路提舉學官

蔡京

戊午(宋)崇寧五年

春正月彗出西方長竟天

詔求直言毀黨人碑復謫者仕籍

蔡京有罪免

復以趙挺之為尚書右僕射兼中書侍郎章

蔡京弊政

策進士蔡疑以阿附得首選頒所對于天下

按史稱宋自太宗設科士居首選者躡取

華要而亦多忠亮雅厚之士自王安石改

新法作新經士習始變倫魁所得多齷齪

庸流而蔡疑尤為儉邪大為科目之累由

王氏之學不正害人心術橫潰爛漫并邦

家而覆之孟子必辨邪說正人心正謂此

也

紅(宋)大觀元年

復以蔡京為尚書左僕射兼門下侍郎

以京子攸為龍圖閣學士兼侍讀

立八行取士科

蔡京以蔡疑為給事中

大儒程頤卒

方軫上書言蔡京流轉于嶺南

冬十一月朔日有食之

加蔡京太尉

子(宋)大觀二年

夏五月朔日有食之

童貫復兆州加檢校司空

皇后王氏崩

詔以孔伋從祀孔子廟

此子思從祀之始

丑(宋)大觀三年

右正言陳禾以言童貫被謫

孟珙言宋將中微流于遠方

蔡京有罪免

以何執中為尚書左僕射兼門下侍郎

詔蔡京以太師致仕留京師

鯁(宋)大觀四年

夏五月彗出奎婁

石公弼等論蔡京罪降京太子少保出居

則

以張商英為尚書右僕射兼中書侍郎

秋九月朔日有食之

立貴妃鄭氏為皇后

辛卯 政和元年

遣鄭允中及宦者童貫使遼

羈管陳瓘于台州

童貫以遼李良嗣來賜以國姓

壬辰 政和二年

復蔡京太師賜策京師詔三日一至都堂議

事

夏六月白虹貫日

禁史學

更定官名以太師太傅太保為真相三少副

之尚書左僕射為太宰兼門下侍郎尚書右

僕射為少宰兼中書侍郎

加童貫太尉

癸卯 政和三年

追封王安石為舒王子寧為臨川伯從祀孔

子廟

以何執中為太宰

太后劉氏自殺

春三月朔日有食之

改公主為帝姬

以何執中為少師

賜方士王老志王仔昔先生號

冬十一月祀天于圜丘以天神降詔百官

甲午 政和四年

置道隊

春二月月犯昴

遼女真阿骨打起兵叛遼遼遣將伐之為所

敗

以童貫為陝西經略使

乙未 政和五年

遼女真阿骨打僭號于按出虎水國號金

立子桓為皇太子

秋七月朔日有食之

作明堂

遼伐女真

女真取遼黃龍府

舊史於女真紀帝建國之後即以金書而  
史綱始終以女真書何此朱子綱目之書  
法也綱目於晉天福二年既書契丹改號  
遼矣然自是以後有事仍書以契丹之舊  
未嘗因其稱遼而遼之此其例也或曰金  
人執二帝奄有中原而高宗受其冊命稱  
臣奉表固非遼比也烏得同焉乎誠若此  
言是獎夷也夫夷狄處化外守疆域是其  
分也夷而守分在所當獎越我邊防僭我  
名號其犯分甚矣又從而獎之是豈聖人  
作春秋之意哉春秋之意若何曰楚祝融  
之後先王之所封也而國在九州之中聖  
人以其僭王也故不書以楚而以荆書其  
書於越也亦然况女真純乎夷狄生乎沙  
漠之外而又凌蔑我中國之主舉其本號  
夫豈過哉

王厚攻夏城底河城敗績匿不以聞

兩宋政和六年

賜方士林靈素號通真達靈先生

立道士學

女真取遼東京州縣  
詔祭京三日一朝總治三省事

以鄭居中為太宰劉正夫為少宰  
帝上昊天上帝徽號

莫尊於天天神之最尊者上帝也謂之昊  
天上帝帝者主宰之稱以帝稱之而又加  
以天天之上加以昊天帝之外加以上可謂  
極至而無以加矣天之大不可名帝之尊  
無以對天之下地之上無一物而非天所  
有無一事而非帝所主故祀之也牲必以  
犧器必以陶匏席必以藁越蓋以物無足  
以稱其德者姑以是寓吾誠而已祀之者  
尚不敢以備物恐或有以褻之况敢以虛  
誕之辭而加之冲漠之表乎其為褻也大  
矣夫以中材之主而臣下加之以美稱彼  
且喟然怒知其諛已也孰謂天帝而可以  
虛辭諂乎夫君之事天猶臣之事君也臣  
瀆乎君必遭君之誅君瀆乎天安能遠天  
之譴乎是故唐玄宗崇天帝位號於天寶  
於是乎有漁陽之變宋徽宗上玉皇徽號

於政和於天二有之禍嗚呼可畏也哉

趙乾順寇涇州靖夏城

西宋政和七年

大理入貢始封以王

此大理入貢中國之始

始給道士俸

帝聽林靈素講道經

道士冊帝為教主道君皇帝

嗚呼人君受命于天以為天子踐祖宗之

祚繼先君之體以為臣民華夷之主稱之

曰皇帝蓋無以加矣徽宗乃諷道士曰朕

乃上帝元子為太霄帝君憫中華被金狄

之教遂懇上帝願為人主令天下歸于正

道卿可冊朕為教主道君皇帝考封冊之

制惟天子得行之道士何人敢以此而加

之君上徽宗承神宗之遺體而自謂為上

帝之元子為中國之帝王而自謂為太霄

之帝君不知徽宗夙生而勿悟此或得

之夢寐也抑或亦方士輩為之言乎堂

萬乘之主巍巍九重之尊乃受方士之冊

不為儒教之主而主異端之教不為萬乘

之君而為道士之君本欲以自尊自大而

不知適以自卑自小也但其所謂中華被

金狄之言遂成完顏氏之讖豈非神鑒昏

濁鬼或使之以儆天下後世歟

命蔡京五日一赴都堂治事

起復鄭居中為太宰以余深為少宰

誅方士王仔昔

有星如月南行

以宦者童貫領樞密院事

作萬歲山

侍御史黃葆光劾蔡京被貶

女真遣使求封冊于遼

成宋政和八年十一月以後重和元年

以王黼為尚書左丞

始遣使浮海通女真

夏五月朔日有食之

以宦者童貫為太保

秋九月掖庭大火

立周恭帝後

紀宋重和二年二月以後宣和元年

詔更寺院為宮觀僧為德士

女真來聘

以余深為太宰王黼為少宰

以張邦昌為尚書右丞尋以為左丞

夏四月朔日有食之

五月京師大水起居郎李綱上言被貶

趙乾順使來授以詔棄之

以宦者童貫為太傅封涇國公

帝幸蔡京第

頒紹述熙豐政事書于天下

帝數微行

召楊時為秘書郎

紀宋宣和二年

斥林靈素

遣趙良嗣如女真約攻遼

女真侵遼上京

勒蔡京致仕

女真來議攻遼及歲幣遣馬政報之

冬十月朔日有食之

加內侍梁師成太尉

青溪民方臘反陷睦歙杭等州

以王黼為太宰

遣宦者童貫討方臘

丑宋宣和三年

鄧洵武死

罷蘇杭州造作局

梁山泊盜至海州為張叔夜所擒

方臘寇秀州官軍敗之

方臘平

大蝗

復置應奉司

黑眚見于禁中

加宦者童貫太師封楚國公

遣宦者李彥括民田于京東西路

女真侵遼中京

紀宋宣和四年

以蔡京子攸為少保

女真克遼中京耶律延禧走雲中

前左司諫陳瓘卒

女真襲遼軍延禧走夾山

遼李處溫逼耶律淳僭號于燕京奉表于金

求為附庸

女真克遼西京

童貫等勒兵巡邊以應女真

女真克遼東勝諸州

童貫擊遼敗績詔班師

遼耶律淳死其妻蕭氏誅李處溫

夏人救遼女真敗之

童貫再舉代遼以劉延慶為都統制

初收經制錢

女真阿骨打襲遼主遼主敗走

朝散郎宋昭上書請誅童貫王黼黼除其名

女真遣使來命趙良嗣報之

遼將郭藥師以涿易來降

劉延慶遣兵襲遼燕山敗績

以蔡攸為少傅

女真來議燕地遣趙良嗣求營平灤三州

加郭藥師武泰節度使

女真克遼燕京

宋宣和五年金完顏吳乞買天會元年

遼奚回離保自稱奚帝

女真遣使來趙良嗣復如女真

以王安中知燕山府郭藥師同知府事

女真以遼平州為南京而以張穀留守

女真來歸燕及涿易檀順景薊之地

童貫蔡攸入燕

女真襲遼主延禧于青塚延禧走雲內

以楊時為通英殿說書

以王黼為太傅總治三省事

遼延禧奔夏其臣蕭特烈立其子梁王雅里

張穀以平州來歸

童貫致仕以內侍譚稹為兩河燕山路宣撫

使

禁元祐學術毀司馬光等文集

秋八月朔日有食之

女真阿骨打死弟吳乞買立

遼雅里死蕭特烈復立木烈尋為亂兵所殺

帝幸王黼第觀芝

女真襲平州張毅奔燕山

詔發張毅函首以昇女真

女真歸武朔州

辰卯(宋)和六年

夏稱藩于金

女真來索糧不與

春閏三月京師河東陝西地震

科免夫錢

遼延禧復東勝等州

復以童貫領樞密院事兩河燕山路宣撫使

以白時中為太宰李邦彥為少宰

王黼有罪免

置講議財利司

詔蔡京復領三省事

河北山東盜起

乙未(宋)宣和七年

女真獲遼主延禧以歸是歲遼亡

遼耶律大石立于起兒漫

勸蔡京致仕

復元豐官制

封宦者童貫為廣陽郡王

嗚呼宦者真封王始見于此嗚呼王者封

而至于嬖倖之臣其君可知矣其時世可

知矣噫

前待制劉安世卒

王偁曰安世忠直有餘特疾惡太甚以激

小人之怒及章惇得志流毒縉紳貽患國

家朋黨之禍徧于四海嗚呼天下不幸小

人竊君之權使生民受弊為君子者宜求

所以勝小人之術而無務於口舌力爭啓

其狼戾不肖之心以重天下之不幸庶幾

其有濟也夫

熙河等處地震而裂

秋九月有狐升御榻而坐

冬十月女真分道入寇

太常少卿傅察使女真不屈死之

召种師道為兩河制置使

廣陽王童貫自太原逃歸

女真陷朔代州遂圍太原

女真入檀薊州

郭藥師叛降女真女真盡陷燕山州縣  
始罷花石綱及內外製造局  
悉以禁旅付內侍梁方平守黎陽  
以皇太子為開封牧

下詔罪已

詔曰朕獲承祖宗休德託于士民君王之  
上二紀于茲雖兢業存於中心而過咎形  
於天下蓋以寡昧之資藉盈成之業言路  
壅蔽導諛日聞恩倖持權貪饕得志縉紳  
賢能陷于黨籍政事興廢拘于紀年賦歛

竭生民之財戎役困軍旅之力多作無益  
侈靡成風利源酷摧已盡而牟利者尚肆  
誅求諸軍衣糧不時而冗食者坐享富貴  
災異謫見而朕不寤庶衆怨懟而朕不知  
追惟己愆悔之何及愚按此詔乃徽宗招  
伏狀也錄之于此以示後世使世主觀之  
以為永鑑當無事時凡所施行有類其中  
所述者宜亟改之毋詒後時無及之悔云  
詔天下勤王許臣庶直言極諫罷道官及行  
幸諸局

召姚古糾師中將兵入援

以吳敏為門下侍郎

帝傳位于皇太子在位二十五年

皇太子桓即位是為欽宗

尊帝為教主道君太上皇帝皇后為太上皇  
后

有鴉鳴于郊宮端誠殿

以李綱為兵部侍郎

立皇后朱氏

遣使如女真告內禪

太學生陳東上書請誅蔡京梁師成李彥

劾王黼童貫

欽宗皇帝諱桓宗子

柄宋帝桓靖康元年

春正月詔許中外臣庶直言得失

按史自金人犯邊屢下求言之詔事稍緩  
則沮抑言者當時有城門閉言路開城門  
開言路閉之謗嗚呼後世為國者常使言  
路與城門並開天下國家豈有危亡之禍  
哉



壬申女真徑渡河

王補李彥伏誅

太上皇奔亳州遂如鎮江

帝欲出遊敵李綱留之以綱為尚書右丞東

京留守兼親征行管使

以李邦彥為太宰張邦昌為少宰

遣使督諸道兵入援

癸酉女真犯京師兵屯牟駝岡

牟駝岡乃宋朝牧馬之所芻豆山積往年

郭藥師來朝奉命擊越於其間至是導金

人據之資其芻豆飼馬得以久留嗚呼後

世積蓄者盡為城守其母為大盜之資乎

李綱督兵禦女真何灌力戰而死

女真遣使勒取金帛割地以和帝從之

李綱以言不用求去位

嗚呼茲何等時而綱欲去耶去又將何之

耶夫人臣事君有死無貳當是時也宗社

之危僅如一髮之引千鈞茲正人臣捐軀

報國之秋去之之言固不可萌諸心况敢

出諸口耶然則為綱計奈何毀形泣血披

肝瀝膽明言事勢至此無可和之理言何

不從繼之以死又不然姑從其計身隳其

間為之委曲彌縫死中求生萬一或有可

濟之理綱計不出此而欲求去茲豈人臣

委身事君之義哉

詔出內帑及括借士民金帛遣康王構少宰

張邦昌往女真軍為質

种師道入援以師道統四方勤王兵

梁師成伏誅

二月丁酉姚平仲襲女真營不克

罷李綱以謝女真

太學生陳東等上書復以李綱為京城防禦

使

始除元祐黨籍學術之禁

以肅王樞質于女真康王構還

丙午割三鎮地畀女真女真北去

以張邦昌為太宰吳敏為少宰李綱知樞密

院事

姚古等以兵入援

种師道罷

以楊太后子祭酒

女真陷太原

以徐處仁為太宰

太上皇后至自鎮江

太上皇召李綱

太上皇至京師

立子諶為皇太子

罷王安石配享孔子猶從祀

种師中與金人戰死之

以李綱為兩河宣撫使尋召還

天狗星殞

彗出紫微垣

蔡京童貫趙良嗣伏誅

復以种師道為兩河宣撫使

甲寅女真復分道入寇

遣使如女真軍求緩師

女真陷太原副都總管王稟等死之

蔡攸朱勔伏誅

冬十月罷李綱知揚州尋安置于建昌軍

置四道都總管府

唐恪耿南仲主和議罷西南勤王兵

女真陷真定都鈐轄劉靖死之

兩河宣撫使种師道卒

御史中丞呂好問劾大臣畏懦誤國坐貶

女真陷河東諸州郡尋渡河陷西京

遣使如女真軍請和

下哀痛詔徵兵于四方

遣康王構如女真軍不至還次相州

以范致虛為陝西五路宣撫使會兵入援

閏十一月丙申女真再犯京師

女真粘沒喝屯于青城

張叔夜將兵勤王

復元豐三省官名

以何臬為尚書左僕射兼中書侍郎

女真陷懷州守臣霍安國等死之

詔康王構為天下兵馬大元帥

彗星長竟天

丙辰京城陷帝幸女真營請降

康王構帥師入援次于東平

帝至自女真營遣使割兩河地畀女真兩河

民不從

女真索金一千萬錠銀二千萬錠帛一千萬匹

宋靖康二年五月以後建炎元年

春正月庚子帝命太子監國復幸女真營

副元帥宗澤大敗女真于衛州

遼耶律大石復立于虎思斡耳朶

丁未大風霾雲霧四塞

丁卯太上皇及后妃宗戚至女真營吏部侍郎李若水死之

郎李若水死之

嗚呼宋人以忠厚立國而其敗也受禍乃

慘于晉人何哉是非獨天數蓋亦人謀之

不臧也所謂人謀之不臧奈何曰方虜騎

之未渡河也拒禦之計莫急於防扼河津

可用汪立信沿江之策及虜勢不可遏也

自全之計莫切於權行避敵可用唐玄宗

幸蜀之策若夫車駕既行京城防守之計

又莫要於堅壁清野可用周亞夫斃吳之

策何也有古立國必據險阻宋都汴梁平

原之地而與疆虜為敵所以限之者一河

耳謀國者不知據險以守境危急之際乃

以要害之地附之庸腐闖人虜之渡河如

履平地既渡笑曰南朝可謂無人若以一

三千人守此吾豈得渡耶當時誠有能建

策如汪立信沿江之守盡出內地之兵以

實外禦四五十里而為一屯屯有守將十

屯而為府府有總督其尤要害處則叅倍

其數而命一大將領勁兵數萬往來巡督

況河面比江面為不遠用兵不多雖虜兵

併聚而來然亦可以少延月日而吾之勤

王兵日集矣若夫真宗澶淵之寇王欽若

勸幸江南陳堯叟勸幸蜀當全盛之時為

遷幸之說誠為失策靖康之際則非景德

比矣蓋效有唐乎唐玄宗避安祿山之寇

而幸蜀肅宗起於靈武遂復唐祚其後德

宗幸奉天僖宗幸興元皆用此策也況女

真又非唐三寇比其意在於金幣而不在

土地其技長於野戰而不能攻城觀其得

汴京既以與張邦昌邦昌不能立又以與

劉豫其意蓋可見矣使當時謀國者當虜

騎尚遠之時先請上皇率六宮以幸江南  
逼近之際繼擁欽宗領禁兵以巡襄鄧二  
帝在外號召四方之兵以爲救援京師之  
舉京城之守則付之大臣如李綱者使之  
內堅城壁外清草野屯重兵而不動閉重  
門以自居彼欲縱兵以遠追慮吾扼其歸  
路彼欲肆暴以劫掠則又野無所得其勢  
自然不能久居而有畏散之心矣然後遣  
使與之通好或增歲幣或遣重盟縱有屈  
抑不至受禍如此之慘矣說者徒以人君  
死社稷爲言且謂天下城池豈復有如都  
城者嗚呼此老生之常談爾蓋量其君曰  
彼能死社稷否乎都城雖堅孰能守之乎  
吾之言彼能始終聽之不移乎苟不能然  
孰若委任一人如漢人之用周亞夫者以  
守都城雖以九重宣命三軍夜驚略不少  
動如是則號令出于一人持守定而事功  
易集以俟機便使凡虜之所以令其下尅  
期以取效者皆過期而不應其徒衆自然  
解體後有所言皆不之信而主謀者亦且

持議不固矣其心不能以不離其勢不能  
以不散計不出此乃苦留車駕又併其已  
出者而返之遂使九族六宮盡遭荼毒嗚  
呼諱之咎歟治夫高宗之中興也父母兄  
弟盡在他人手巾爲所劫質一舉手動足  
輒有防礙遂致不能復不共戴天之讎以  
貽千萬古之笑恨嗚呼天乎人乎  
女真以金帛不足殺戶部尚書梅執禮等  
宋王次于濟州  
女真議立異姓執孫傳張叔夜秦檜  
女真以僞號加張邦昌邦昌受之宣贊舍人  
吳革率衆討邦昌不克死之是日風霾日暈  
無光  
女真奉太上皇愍帝桓北行盡脅其后妃太  
子親王公主等以從  
女真實脇二帝也而書以奉何嗚呼中國  
雖弱夷狄雖強而天地之大名分故在也  
呂好問馬伸勸張邦昌請廢后孟氏出宮尊  
爲宋太后  
夏五月康王構即位于南京建元建炎

遙尊靖康帝曰孝慈淵聖皇帝

以黃潛善為中書侍郎汪伯彥同知樞密院事

尊哲宗廢后孟氏為元祐太后遙尊母章氏

為宣和皇后遙立夫人邢氏為皇后

以張邦昌為太保封同安郡王

召李綱為尚書右僕射兼中書侍郎

置御營司

論主和割地罪竄李邦彥吳敏等

追貶蔡確蔡卞邢恕等官

女真遷簽樞密院事張叔夜至界河死之

女真陷河中府及解絳等州

黃潛善沮宗澤出知襄陽府

安置監察御史張所于江州

李綱至行在上十議

以黃潛善為門下侍郎

安置張邦昌于潭州貶放其黨王時雍等有

差

贈李若水霍安國劉韜官詔諸路訪死節之

臣

女真知樞密院事劉彥宗請復立趙氏吳

買不地

以李綱為御營使

子車生

復元祐黨籍及元符上書人官爵

以汪伯彥知樞密院事

遣使通問二帝

立沿河江淮帥府

以宗澤為東京留守澤累表請帝還京師

李綱離不死

殺宋齊愈

奉元祐太后如揚州

命將分討江淮群盜

以李綱為尚書左僕射兼門下侍郎黃潛善

為尚書右僕射兼中書侍郎

更號元祐太后曰隆祐太后

侍御史張浚劾尚書左僕射李綱綱落職提

舉洞霄宮

殺太學生陳東布衣歐陽澈

張邦昌伏誅

女真陷河北州郡

帝如揚州

安置李綱于萬安軍

遣王倫如女真

女真分道入寇

世史正綱卷二十七

(王集)

○宋世史

高宗皇帝

諱構徽宗子

中成(宋)高宗皇帝建炎二年

春正月帝在揚州

女真陷鄧州范致虛出奔安撫使劉汲死之

女真犯東京宗澤敗之

女真破永興軍經略使唐重死之

內侍邵成章言黃潛善汪伯彥誤國竄之

以劉豫知濟南府

河北盜降于宗澤

女真陷淮寧知府事向子韶死之

女真焚西京

以信王櫟為河外兵馬都元帥

遣宇文虛中充金國祈請使虛中降女真

詔韓世忠會宗澤禦女真

以王族節制陝西諸軍曲端為都統制

東京留守宗澤卒

以杜充為東京留守

中侍御史馬仲言黃潛善汪伯彥罪請監

世史正綱卷二十六

(王集)

濮州酒稅

女真吳乞買稱太上皇信為昏德公帝桓為重昏侯居于韓州

舊書金於二帝皆曰廢曰封而此曰稱何不予夷狄之漬中國主存大分也當是時虜之彊橫吾中國之人固莫如之何也已矣若夫易世之後而又從其所為不反之於正焉則人眾者勝天終無可定之時矣是故彼實廢也而書以稱使後世之戎狄知天理之不可滅天經之不可犯彼雖如此為之而天下後世不以彼為然不敢肆其彊力用其私智以漬亂我天經則吾中國之主庶其實安矣乎然則二帝皆書以名何胡安國曰國君死杜稷正也逃之雖罪猶有耻焉虜甚矣春秋之法諸侯不生名失地則生而名之比於賤者欲使有國之君戰戰兢兢長守富貴無危濫之行也

隆祐太后如杭州

女真陷濮州知州楊粹中死之  
新寧祖宗神主於壽寧寺

郊大赦

劉豫入降女真

女真北北京授刑郭永死之

汪藻曰靖康之禍以二百年全盛之中國而在位皆拘繫章句之徒謂名節非所急士之精銳銷喪盡矣一旦為虜所乘無不全軀保妻子奉頭鼠竄惟求不為世所推移以身殉國當是時以節死者若劉韜李若水向子韶霍安國張克猷楊邦乂皆其章章尤著者也

以黃潛善為尚書左僕射兼門下侍郎汪伯彥為尚書右僕射兼中書侍郎  
女真陷襲慶府禁軍士發孔子墓  
以張浚參贊御營軍事

配宋建炎三年

春正月帝在揚州

女真陷徐州知州事王復死之

女真兵入淮泗陷天長軍

帝奔鎮江亟如杭州

以呂頤浩守鎮江

女真陷晉寧軍知軍事徐徽言死之

帝至杭州即州治為行宮

女真焚揚州黃潛善汪伯彥以罪免

贈諱東歐陽澈官

以朱勝非為尚書右僕射兼中書侍郎

命張浚駐平江

二月苗傅劉正彥作亂劫帝傳位于皇子勇

請隆祐太后臨朝

張浚呂頤浩會兵討賊

夏四月帝復位

呂頤浩張浚兵至抗苗傅劉正彥夜遁

以呂頤浩為尚書右僕射兼中書侍郎

禁內侍干預朝政交通外官

重正三省官名

帝如江寧

立子勇為皇太子尋卒

鄉貢進士李時雨請選立宗子

遣洪皓如女真女真拘之

苗傅劉正彥伏誅

女真大舉入寇

以張浚為川陝宣撫處置使

范瑗有罪伏誅

升杭州為臨安府

詔李邵等奉隆祐太后如洪州

以呂頤浩為尚書左僕射杜充為尚書右僕

射並同平章事

帝如臨安府

秋九月朔日有食之

女真陷南京

帝如越州

女真兵趨江西隆祐太后如虔州

帝如臨安府未至復如越

知徐州趙立將兵勤王敗女真于淮陰

女真渡江入建康杜充叛以降通判楊邦乂

死之

帝如明州

女真陷臨安帝航于海

江淮統制岳飛敗女真于廣德

女真陷越州遂寇明州楊沂中敗之于高橋

庚戌宋建炎四年



女真屠明州帝如温州

女真陷陝州知州事李彥仙死之

女真屠潭州

女真入東京

女真禁繼父繼母之男女無相嫁娶

女真入中國未久即以華風變其國俗蒙

古不如之遠矣今中國猶有習夷俗者何

哉

女真兀術引兵北還至平江大掠

遣使迎隆祐太后于虔州

女真入潼關

帝還越州

韓世忠大敗女真于江中

以范宗尹為尚書右僕射同平章事趙鼎簽

書樞密院事

以岳飛為通泰州鎮撫使

張浚遣兵復陝西州軍

二帝居女真五國城

建州范汝為作亂

隆祐太后至越州

女真以偽號加劉豫於大名

女真陷楚州趙立死之

張浚兵敗于富平

秦檜偕其孥來自女真

女真寇熙河劉惟輔死之

女真大索客戶拘殺之

宋紹興元年

春正月帝在越州

以秦檜參知政事

隆祐太后孟氏崩

上虞縣丞婁寅亮請育太祖後

封太祖後令話為安定郡王

張浚殺前威武大將軍曲端

以秦檜為尚書右僕射同平章事兼知樞密

院事

詔贈符願直龍圖閣

以呂頤浩為尚書左僕射同平章事兼知樞

密院事

復脩日曆

長星見

升越州為紹興府

吳玠及其弟玠大敗女真兵于和尚原

初置見錢關子

女真以陝西地界劉豫

壬(宋)紹興二年

春正月帝在紹興府

韓世忠平建州

帝如臨安

起李綱為湖廣宣撫使

詔呂頤浩都督諸軍開府鎮江

女真以其兄孫亶為諸班勅極烈

諸班勅極烈其國儲貳也金主此舉非但

元仁宗不如宋太宗視之亦有愧矣

劉豫徙居汴是日大風振瓦

詔編次建炎以來譜牒

育太祖後伯琮于宮中賜名瑗

秦檜免

秋八月彗星見

王倫還自女真

以朱勝非為尚書右僕射同平章事兼知樞

密院事

女真大殺遼宗室

李綱平湖南群盜

始收諸路月椿錢

召張浚知樞密院事

癸(宋)紹興三年

春正月帝在臨安

詔春秋望祭諸陵

女真入興元劉子羽擊破之

遣韓肖胄使女真議和

岳飛平江廣群盜

命韓世忠岳飛等分屯沿江諸州

韓肖胄偕女真使來

甲(宋)紹興四年

吳玠大敗女真兵于仙人關

落張浚職居福州

重脩神宗哲宗實錄

以岳飛兼荆南制置使復襄陽等六郡

以趙鼎知樞密院事都督川陝荆襄諸軍事

遣使如女真通問

劉豫使其子麟以女真兵入寇  
以趙鼎為尚書右僕射同平章事兼知樞密  
院事

韓世忠大敗女真于太儀

帝自將禦女真次于平江

起張浚知樞密院事視師江上

女真圍廬州岳飛救之敗走

女真兵退

宋紹興五年 金主璽仍稱天會十三年

春正月朔日有食之

女真吳乞買死兄孫亶立

金主之死舊皆書卒此以死書何本朱子  
綱目書法也綱目於阿保機德光皆以死  
書故爾或曰遼人僅得山前山後數州之  
地金則奄中原而有之例之於遼可乎蓋  
論事者當以理之正否不當計其地之廣  
狹也揆之以春秋之法華華夷夷天地之  
常經古今之大限也夷而居夷之地正也  
亦其分也夷而侵中國之地則非正矣作  
史者當計其侵之多寡而定其罪之輕重

焉苟以得中國之地多即與而進之豈非  
示則於夷狄使之依例做做為中國無窮  
之害哉或曰綱目於五胡皆以卒書何曰  
五胡雖夷狄之種然皆生於中國之地固  
非阿保機阿骨打化外之夷之比也例之  
於匈奴突厥彼又何辭

帝還臨安

以趙鼎為尚書左僕射張浚為尚書右僕射  
並同平章事兼知樞密院事都督諸路軍馬  
始作太廟于臨安

置總制司

命張浚視師潭州

封周後柴叔夏為崇義公

龍圖閣直學士楊時卒

上皇信亡于女真五國城年五十四在虜地八年

遣使如女真中書舍人胡寅諫不聽出知邵

州

岳飛平楊太

以李綱為江西安撫制置大使

金伐蒙古

三月帝如建康

追尊帝母韋氏為皇太后

召胡安國安國上疏乞崇程氏學未至而罷

虜酋粘沒喝死

鄜瓊以眾叛降劉豫殺呂祉張彥免罷都督

府安置浚于永州

以趙鼎為尚書左僕射同平章事兼樞密使

召尹焞為崇政殿說書

金降劉豫為蜀王

韓世忠岳飛請復中原不報

王倫還自女真尋復遣之

戊午宋紹興八年

胡安國進春秋傳

帝至臨安

始定都臨安

以秦檜為尚書右僕射同平章事兼樞密使

詔王庶視師江淮

王倫偕女真使來

賜衍聖公孔珣田奉先聖歲祀于衢州

秋七月彗星見

王倫復如女真定和議

趙鼎罷

秦檜以勾龍如淵為御史中丞

女真以張通古為江南詔諭使來言歸河南

陝西之地

女真使至命秦檜攝冢宰受書

直學士院曾開不肯草國書罷之

樞密院編脩官胡銓極言屈已之非坐貶

紀宋紹興九年

以與女真通和求救

遣宗室士儂等詣河南脩奉陵寢

以王倫為東京留守

女真歸河南陝西地

李世輔自夏來歸賜名顯忠

夏李乾順卒子仁孝嗣

王倫如女真為所執

續宋紹興十年

遣莫將使女真

觀文殿大學士隴西公李綱卒

女真分道入寇復陷河南陝西州郡

吳璘討賊西諸將  
吳玠敗女真使張風於

東吳副將劉錡大敗女真兵于順昌

岳飛遣兵敗女真兵于京西

秦檜主和議遣使諭岳飛班師

女真寇涇州田晟破走之

岳飛收復河南諸郡

安置趙鼎于潮州

秦檜以其黨王次翁參知政事

岳飛擊走女真兵于郾城追至朱仙鎮大破

之遣使脩治諸陵

兩河豪傑帥眾歸岳飛

秦檜連遣使召岳飛河南州郡復陷于女真

秘閣脩撰張九成等言和議非計坐貶

女真屠宿州

遣使諭韓世忠罷兵

女真陷慶陽府經畧使王忠植死之

女真封孔子四十九代孫璿為衍聖公

西辛  
宋紹興二年  
金皇統元年

王德復和州

楊沂中劉錡敗女真兵于柘皋遂復廬州

女真改稱太上皇佖為天水郡王帝相為天

水郡公

詔張俊楊沂中劉錡班師

女真陷濠州

秦檜罷諸將兵權以韓世忠張俊為樞密使

岳飛為副使

逆秦檜為尚書左僕射

罷淮北宣撫判官劉錡

罷岳飛為萬壽觀使奉朝請

吳玠收復陝西諸州詔班師

秦檜奏遣魏良臣為全國稟議使

帝下岳飛于大理寺獄

按岳飛之死世皆以為秦檜矯詔殺之而

此特筆帝下飛于獄何高宗非幼弱昏昧

之主檜非承其意決不敢殺其大將藉使

檜矯其詔以殺飛則必高宗之為君可以

欺而蔽也春秋於其臣不能討賊而久不

越境而還歸之以弑逆之獄然則高宗之

於飛既不知檜之矯詔又不能正其悍

之罪準以趙盾之誅又安能逃殺戮功臣之罪哉况宋史何鑄傳明言鑄白飛冤而檜荅以此上意也哉

罷韓世忠

安置李光于藤州

帝奉表稱臣于女真

割唐鄧商秦之地以畀女真

帝殺故少保樞密副使武昌公岳飛

宋紹興十二年

進封建國公瑗為普安郡王

詔諸州脩學宮

何鑄還自女真

夏四月女真遣使以袞冕來冊帝為大宋皇

帝

嗚呼帝者中國所自立上受天命而下應人心者也所傳者二帝三王之統所踐者祖宗列聖之阼况高宗被袞冕即皇帝位郊天饗廟君國子民至是已十有六年矣乃始受金人之封冊被其袞冕以為大宋皇帝抑不知自此前所被者何等服所

稱者何等號邪嗚呼夷狄之禍至是極矣天理人倫於是乎掃地天冠地履於是乎倒置秦檜之罪上通乎天矣或曰此非特高宗之創始前此石晉固已行之矣嗚呼敬塘一武夫爾事出於救死非得已也君子猶不之與焉况高宗繼體之君而啓有宋一代中興之業者乎或曰高宗亦為親而屈有不得已焉耳嗚呼高宗救親之道亦多端矣而必為此者由其心術不明怵於秦檜之邪說所謂秦檜之罪上通于天者此也

置榷場于盱眙

三喪來自金帝為服總麻

太后韋氏至自金

大赦加秦檜太師封魏國公

詔秦檜于煬脩日曆

陝西大旱

宋紹興十三年

作太學于臨安

築園丘及大社大稷壇

宋紹興十七年

安撫使于英州

故相趙鼎卒于吉陽軍

久十月朔日有食之

金及蒙古和

宋紹興十八年

以秦檜子熿知樞密院事

夏四月朔日有食之

竄胡銓于海南

女真以完顏亮為右丞相

宋紹興十九年 金廢主元天德元年

春三月朔日有食之

女真完顏亮弑其生母而自立

宋紹興二十年

軍士施全刺秦檜不克死之

女真完顏亮殺吳乞買子孫七十餘人及諸

宗室五十餘人粘沒喝子孫三十餘人

嗚呼孰謂天道無知哉吳乞買執宋徽欽

二帝而辱之而害及帝戚屬當時

為之致力者粘沒喝即粘也夫中華之主

奉天子民乃天之子也以裔夷之賤而陵

天子之尊是不知有天矣天豈容之乎宋

人力微不能報之天乃假手於其子孫俾

自殺其子孫以代宋人報讎焉自歲丁未

至此僅二十有四年欽宗猶及見之出乎

爾反乎爾其受禍之慘蓋亦相當矣嗚呼

天道果無知哉後之夷狄恃其疆力以為

中國害者亦可以鑒已

命秦檜有與入官門升殿不拜

宋紹興二十一年

以巫優為金國祈請使

太傅咸平王韓世忠卒

宋紹興二十二年

襄陽大水

宋紹興二十三年

女真都燕

宋紹興二十四年

夏五月朔日有食之

女真製交鈔

元以宋之製始此按宋之交會其製無考  
金史交鈔之製外為闊作花紋其衡書貫  
例外書禁條闕下備書經由行換之法及  
其印章花押元承其舊至今沿用之中雖  
小異而其大槩實相同也宋之交會猶與  
錢相為輕重而有稱提之法此後則錢自  
錢鈔自鈔各自與物相為輕重矣

宋紹興二十五年

夏五月朔日有食之

秦檜誣趙鼎等以不軌下鼎子汾等于獄

進封秦檜為建康郡王是夕檜死

黜秦檜姻黨

復張浚等官徙李光胡銍于近州

宋紹興二十六年

復趙鼎等官

制宰相不兼樞密使

以沈該為尚書左僕射萬俟卨為尚書右僕

射並同平章事湯思退知樞密院事

命史館重脩秦熈所脩日曆

秋七月彗出井

以陳淵伯為尚書左僕射朱倬為尚書右僕  
射並同平章事  
始聞帝桓之訃

徽宗之崩猶知歲月欽宗之崩但聞其訃  
而已嗚呼貴為天子富有四海之內一旦  
失身夷落死無殯斂之具葬埋之地嗚呼  
人主而思念及此可不兢兢業業乎哉

以吳玠為四川宣撫使

以劉錡為江淮浙西制置使

女真遷都于汴

女真大括馬

女真完顏亮大殺宋遼宗室之在其國者

宿遷人魏勝起兵復海州

女真完顏亮弑其嫡母徒單氏大舉入寇

吳玠復秦隴洮三州

劉錡遣兵復泗州

高平人王友直起兵復大名

女真圍海州魏勝李寶合擊大敗之

女真渡淮

女真立烏祿干遼陽

更名



復安置張浚于永州

丁未紹興二十七年

以湯思退為尚書右僕射同平章事

戊申紹興二十八年

春三月朔日有食之

己卯紹興二十九年

遣王綸使女真

召監南嶽廟朱熹不至

以湯思退為尚書左僕射陳康伯為尚書右

僕射並同平章事

皇太后韋氏崩

庚辰紹興三十年

立普安郡王瑗為皇子更名瑋進封建王

秋八月朔日有食之

湯思退有罪免

初行會子

辛巳紹興三十一年

春正月朔日有食之

風雷大雨雪

分經義詩賦為兩科

女真完顏亮入廬州

吳拱成閔復唐鄧諸州

帝親征

女真陷真州

吳璘復商虢州

女真完顏亮入和州

女真陷揚州劉錡大敗之

召張浚判建康府

虞允文大敗女真于采石完顏亮趨揚州

以成閔李顯忠吳拱為兩淮京湖三路招討

使

女真完顏亮為其下所殺

成閔等收復兩淮州軍

帝如建康

女真完顏雍入燕

壬午紹興三十二年

春正月朔日有食之

耿京起兵復東平遣辛棄疾來朝

女真遣使來聘

以虞允文為川陝宣諭使

帝遣使安

六瑋後大收關

太尉劉鈞卒

辛棄疾執殺耿京者來獻斬之以棄疾為江

淮判官

遣洪邁如女真議正敵國禮

張子蓋魏勝大敗女真于海州

立建王瑋為皇太子更名昀

夏六月追封子偁為秀王

丙子帝傳位于太子昀自稱太上皇帝皇后

稱太上皇后在位三十六年

高宗志氣昏懦不能恢復土宇以報不共  
戴天之讎不孝之罪固大矣甚至受罔於  
仇虜稱臣上表大為中國千萬世之恥吁  
固然矣然論事者先設以身處其地當其  
時審其勢然後足以厭伏其心使無後辭  
若但據理而言而不復論其事勢之如何  
愚未見其可也歷考前代人君其君父為  
虜所害者凡三焉周平王晉元帝及高宗  
是也平王不徒不能報讎而反為讎人之

役此固不足道也元帝渡江之後虜勢分  
合不常忽起忽伏猶有可乘之機若夫高  
宗所遇之虜其勢方張視元帝尤為難焉  
可為之機惟在李綱為相之日宗澤守汴  
之時河朔人心未肯嚮虜中原豪傑未盡  
忘宋而虜人莫測中國猶有畏懼之心於  
斯之時誠能如漢光武躬與諸將驅馳於  
戎馬之間庶或有可濟之理失此不為則  
後欲有所為難矣何也自古敵國有所疑  
貳必交相質其所親愛之子弟以母起兵  
端高宗君父母妻兄弟戚屬為金人所繫  
者非止一質子也凡其中國兵彊馬壯之  
地盡為虜有而甘遜於山窮水絕之處而  
馭夫土綿力薄之人徽宗一派子孫於斯  
盡矣而榮業一身僅有一子而又夭死譬  
則以一髮而引千鈞之重也一時所謂將  
相者一彼一此無有定見相如張趙將如  
韓岳輩雖極一時之選然補偏救弊因機  
乘會一事之中節一戰之成功則有之矣  
若藉此諸人制虜人之死命長驅中原以

復祖宗之境土恐亦未必能也況其中多有苟安便已之人見其君無志中原也則進言曰上皇有子三十一人存者僅陛下一身耳而又未有儲嗣輕信或者之言妄興兵端萬一有所蹉跌其如宗廟何非惟二帝不得歸且併七廟不血食矣又曰徽欽失守宗祧非由陛下而群臣建議者方且喋喋歸陛下以不能恢復報仇之罪有如萬分一虜人不道將二帝母后於邊境甘心焉彼喋喋者歸罪于我又將有甚焉矣陛下何以處之乎聞此言者非真有周宣撥亂之才而灼知其事之必然有漢高制勝之術而逆料其人之不敢必不能有所為也況高宗素無奮發之志應變之才輔之者始乃柔奸之汪黃終則剛惡之秦檜也哉然則宋朝終無可中興之時歟愚故曰在宗澤守汴時也若夫劉錡順昌之捷岳飛朱仙之進雖有可乘之勢然事之機變無窮國之計議靡定兵之勝敗不常終亦不見其有善後之策而果有必成之

功也為高宗計柰何曰擇形勝之地定為行都以固國基求太祖之後眾建蕃屏以壯王室存越王復讎雪恥之心堅先主百挫不折之志用漢高屈群策光武攬英雄之術庶其有濟乎

皇太子昀卽位

是為

帝朝太上皇于德壽宮

朱熹上封事言帝王之學

召張浚入朝以為江淮宣撫使封魏國公追復岳飛官以禮改葬官其孫六人

以史浩參知政事

故遼人移刺窩斡稱帝女真平之

詔宰相仍兼樞密使

詔吳玠班師

又正綱卷二十七

王集

世史正綱卷二十八

宋世史

孝宗皇帝

諱昀 太祖七世孫

癸卯孝宗皇帝隆興元年

置武舉十科

吳玠還河池女真遂陷新復州軍

以史浩為尚書右僕射同平章事兼樞密使

以張浚為樞密使都督江淮軍馬

女真以書來求海泗唐鄧商州及歲幣

張浚遣李顯忠邵宏淵分道伐金

李顯忠復靈壁遂會邵宏淵復虹縣

張浚渡江李顯忠大敗女真復宿州

李顯忠邵宏淵之師潰于符離

夏六月朔日有食之

貶張浚為江淮宣撫使安置李顯忠于筠州

以湯思退為尚書右僕射同平章事兼樞密使

復以張浚都督江淮軍馬尋召還

女真復以書來求地及歲幣遣盧仲賢報之

立賢妃夏氏為皇后

全集

盧仲賢還有罪除名遣胡昉如女真軍

以湯思退為尚書左僕射張浚為尚書右僕

射並同平章事兼樞密使浚仍都督江淮軍

馬

中興二年

女真執胡昉尋遣還

張浚視師江淮女真軍退

罷張浚判福州

夏六月朔日有食之

張浚卒

浚不書官何浚學雖正而術則疎謀雖

深而機則淺原其心不可謂不忠於宋也

考其行事有富平之敗淮西之變符離之

潰區區江左奔敗之餘奄奄之氣僅續能

堪此幾敗邪揭僕斯以宋南渡之不能復

歸其罪於浚詳見宋史或者不以為非作史

論者比之於諸葛武侯其然豈其然哉

何彥直家藏宋文公墨蹟有云十年前車

爾後見他書所記多或為之臨觀文公此

朝史載浚事皆實蓋世大儒此世人也

所以多為之辭也

遣魏杞如金

女真兵復渡淮魏勝死之楚州陷

以楊存中都督江淮軍馬尋召還

湯思退有罪竄永州

復以陳康伯為尚書左僕射同平章事兼樞

密使

詔王之望勞師江上女真寇揚州

乙酉宋乾道元年

魏杞還自金始正敵國禮易表為書改臣稱

姪

立子惇為皇太子

以洪适為尚書右僕射同平章事兼樞密使

戊戌宋乾道二年

以葉顥為尚書左僕射魏杞為尚書右僕射

並同平章事兼樞密使

亥子宋乾道三年

出倖臣龍大淵曾覲于外

秀王夫人張氏卒帝成服於後苑

皇太子惇奉

冬十一月合祀天地于園立雷

戊戌宋乾道四年

起復蔣芾為尚書左僕射同平章事兼樞密

使

以陳俊卿為尚書右僕射同平章事兼樞密

使

大閱于茅灘

己丑宋乾道五年

措置兩淮屯田

秋八月朔日有食之

以陳俊卿為尚書左僕射虞允文為四書右

僕射並同平章事兼樞密使

庚寅宋乾道六年

遣范成大如金求陵寢地

卯辛宋乾道七年

上太上皇尊號

立子惇為皇太子

以戚屬張說簽書樞密院事左司員外郎張

栻切諫罷之

詔皇太子領臨安尹

金人來聘

金人或書女真或書金者何春秋書荆楚例也胡安國曰荆自莊公十年始見于經十四年入蔡十六年伐鄭皆水州舉者惡其猾夏不恭故狄之也至二十二年書來聘稱人者嘉其慕義自通故進之也夫楚祝融之苗裔鬻熊者為周文王師成王封其曾孫熊繹胙以子男之田是楚國者先王之所封也春秋猶且或書或否矧女真化外夷狄其所建之號乃其所自為稱者哉

者哉

宋乾道八年

改左右僕射為左右丞相以虞允文梁克家為之並兼樞密使

朱熹資治通鑑綱目成

熹因司馬光資治通鑑作為綱目綱做春秋而兼採群史之長目做左氏而稽合諸儒之粹歲周於上而天道明統正於下而人道定大綱舉舉而監戒昭衆目畢張而幾微著春秋以後僅見此書春秋者

之史綱目者史中之經

罷左司員外郎兼侍講張栻

復以張說簽書樞密院事罷侍御史李衡等四人

金除金銀坑冶之稅

宋乾道九年

夏五月朔日有食之

以曾懷為右丞相

宋淳熙元年

安南始稱國

按周必大云安南初封交趾郡王後進南平王奏章文移止稱安南道孝宗時始封以王稱國蓋宰相曾懷之失也夫安南在秦為象郡在漢為九真日南象三郡魏晉至唐皆與南海桂林同為嶺南郡縣五代始失之然猶受宋之官爵階號未顯然自為一國也自是遂以國稱而天下以高麗真臘視之不復知其為中國郡縣矣我朝嘗郡縣其地既而棄之中華之地遂再淪於夷狄嗚呼此方生靈何其重不幸哉

冬十一月朔日有食之

以葉衡為右丞相兼樞密使

宋淳熙二年

宴輔臣于玉津園

遣使如女真求陵寢地

贈趙鼎太傅追封豐國公

高麗將以四十餘城叛附金金主不受

宋淳熙三年

春三月朔日有食之

召朱熹為秘書郎不至

立貴妃謝氏為皇后

罷鄧綬

宋淳熙四年

帝視太學

金葬宋遼宗室之死在其國者

罷王雱從祀孔子

秋九月朔日有食之

宋淳熙五年

謝廓然請禁有司毋以程頤王安石之說取

士

以史浩為右丞相兼樞密使尋罷之

以趙雄為右丞相兼樞密使

宋淳熙六年

夏旱求直言知南康軍朱熹上疏言事

宋淳熙七年

右文殿脩撰張栻卒

呂祖謙作大事記

記起於周敬王二十九年上接春秋絕筆

下迄于五代也至武帝征和三年未及成

書而祖謙卒朱子謂其考按精博規模宏

大議論純壹自有史冊來未之有也祖謙

作此書蓋采左傳歷代史及邵子經世溫

公通鑑等書而參稽百氏之說既標其題

而又為之解焉史綱之作博采群言畧倣

此書而間有所言論者倣其解題也

宋淳熙八年

詔罷內侍兼兵職

著作郎呂祖謙卒

以王淮為右丞相兼樞密使

以朱熹提舉浙東常平茶鹽下熹社倉法于

諸略

法始于此

宋淳熙九年

以王淮為左丞相梁克家為右丞相並兼樞密使

宋淳熙十年

內侍陳源有罪竄郴州陳賈請禁程氏學

冬十一月朔日有食之

宋淳熙十一年

春正月朔雨土

宋淳熙十二年

禁胡服蕃樂

宋淳熙十三年

宴講臣于秘書省

秋八月日月五星聚于軫

宋淳熙十四年

以周必大為右丞相

冬十月乙亥太上皇出朋于德壽殿遺詔大

皇后改稱皇太后

帝行三年喪

詔皇太子參決庶務

宋淳熙十五年

葬高宗于永思陵

以朱熹為兵部郎官未上而罷

秋八月朔日有食之

以朱熹為宗政殿說書辭不至

宋淳熙十六年

金主完顏雍卒孫璟立

以周必大為左丞相留正為右丞相

春二月朔日有食之

朱熹大學章句或問成

大學中庸二篇在戴記中程氏始表章之

熹又為之章句或問併與其所集註論語

孟子通稱為四書云熹言平生精力盡在

此書故特著之

帝傳位于皇太子

皇太子惇即位

尊帝為壽聖皇帝皇后為壽成皇后皇太后

為壽聖皇太后



立皇后李氏

光宗皇帝諱宗子

庚戌宋光宗皇帝紹熙元年金主璟明昌元年

殿中侍御史劉光祖乞禁譏議道學者

以伯圭嗣秀王

以留正為左丞相

辛亥宋紹熙二年

冬十一月辛未帝有事于太廟后李氏殺黃

貴妃壬申郊犬風雨不卒事而還帝有疾

壬戌宋紹熙三年

春三月帝疾瘳群臣請朝壽皇

以丘密為四川制置使

冬十一月帝始朝壽皇

后李氏出謁其家廟

諸路大水

癸亥宋紹熙四年

以葛邲為右丞相

召內侍姜特立還留正乞罷相不許出城待

罪

以趙汝愚知樞密院事

秋九月群臣屢請朝壽皇

冬十一月帝始朝壽皇

召留正視事出姜特立還浙東

夏李仁孝卒子純佑嗣

以朱熹知潭州

甲寅宋紹熙五年

春正月壽皇有疾

帝及后遊王津園群臣請朝壽皇不從

夏六月戊戌壽皇聖帝崩于重華宮年六帝

疾不勝喪留正等請壽聖皇太后代主喪禮

尊壽聖皇太后為太皇太后壽成皇后為皇

太后

留正請建太子不從遂稱疾而遁

趙汝愚請太皇太后降詔立皇子嘉王橫攢

襲位是為寧宗尊帝為太上皇帝在位五年皇后為太

上皇后

寧宗書襲位者何不受命于光宗也光宗

是時雖曰有疾然未至於彌留也盍如留

正之請建嘉王為太子監國代主壽皇之

喪於禮為順異時光宗之疾復瘳父子之

尚雨無猜嫌豈不名正正言順哉今  
請皇太后降詔得享宗內禪假饒光宗

廖萬一不以其事為然又若何而處哉

立皇后韓氏

復召留正赴都堂視事尋內批罷之  
推定策功加郭杲武康節度使韓侂胄汝州  
防禦使

正內侍陳源等十人離間罪貶之

秋八月召朱熹至以為煥章閣待制兼侍講  
詔經筵官開陳經旨救正闕失

以趙汝愚為右丞相

韓侂胄請御筆以謝深甫為御史中丞劉德  
秀為監察御史罷右正言黃度

詔議祧廟

冬閏十月罷朱熹

以韓侂胄兼樞密都承旨

詔行三年喪

葬永阜陵

京鏜以附韓侂胄參知政事

以趙彥逾為四川制置使

寧宗皇帝

光宗子

卯(宋)寧宗皇帝慶元元年

春正月白虹貫日

韓侂胄引李沐為右正言劾罷趙汝愚遂逐  
兵部侍郎章穎國子祭酒李祥博士楊簡  
三月朔日有食之

太府寺丞呂祺儉上書訴趙汝愚安置韶州  
以余端禮為右丞相

劉德秀乞考核邪正真偽

何澹請風厲學者不必自相標榜詔榜于朝

堂

嗚呼道原于天而具于人人如日月星辰  
之麗天如粟菽布帛之濟世無一日無之  
亦無一人不有也但所稟有清濁粹駁所  
得有先後淺深稟之清粹而得之深且先  
者則是道既具於已而又推以及人或行  
之以身或明之以書非我有而人無我獨  
見而人皆不見也不幸世無聖賢而其遺  
書成法布於簡冊者故在苟有志於為學  
或從師友以求或即簡編以究各隨其所

至而有所從入也惟用功有不同故所得  
有至有不吾惟知吾所當知者而已而  
不是已以非人行吾所當行者而已而不  
必人以同已如是則是爲已之學孔門所  
謂君子儒者也學以爲已而不求異於人  
秉彝好德之心人所同有見吾之善者未  
必不興信從之心聞吾之風者未必不起  
羨慕之意又豈肯怒罵謗訕而至形於謠  
言奏牘也哉所以至於如此者必在我者  
有以來之也使一時講學明道之君子皆  
如濂溪明道豈有是哉濂溪胸中灑落如  
光風霽月明道怒人而人不怒聞風者誠  
服覩德者心醉況肯肆言以排擊之哉意  
或爲是學者未至於大公無我之地而所  
傳不能以無弊學之者不能絕無欲上人  
之心而與物不能以無競此無他蓋在已  
者未至於及人而樂而人不知猶未能以  
無愠也其後流弊之極乃有一種淺薄之  
徒自視無堪以爲進取之地而自附於道  
學之名褒衣博帶危坐澗步互相標榜以

爲高於一世之人甚至閉眉合眼號爲默  
識而以讀書窮理爲戒曰我惟得之於心  
也時或作爲語言本無甚異者乃遽相錄  
示驚駭讚歎以爲古所未有傳播遠近惟  
恐人之不聞知一時隨聲附和者書讀往  
來互相推獎往往有憫世悼俗之言若真  
有得於聖賢之道者及考其平日所存所  
行亦夫人耳甚者乃至於人不屑爲不敢  
爲者亦或爲之非徒不知愧而反自以爲  
高意以一人之爲僞遂使天下之人併其  
真者而疑之小人之無忌憚者得以藉口  
曰凡爲是者皆僞也乃至形之奏章聞之  
朝廷立法以爲厲禁而凡吾所謂賢人君  
子者一切受玉石俱焚之禍矣嗚呼斯人  
之徒豈非名教之罪人也哉然則有志於  
聖賢之道而爲儒者之學當奈何曰主敬  
窮理以脩乎已讀書講學以授其徒用則  
推行所學以濟當時不用則著書立言以  
俟後世不孑孑以立異不繞繞以啓爭  
竄故相趙汝愚于永州行至衡州暴卒

兩(宋)慶元二年

以余端禮為左丞相示鑑為右丞相

葉翥知貢舉稍涉義理者皆黜落

何澹以攻道學得參知政事

詔禁用所謂偽學之黨

以陳賈言攻朱熹召為兵部侍郎

削秘閣脩撰朱熹官竄處士蔡元定于道州

丁(宋)慶元三年

貶留正于邵州

太皇太后吳氏崩

籍所謂偽學趙汝愚朱熹等五十九人

年戊(宋)慶元四年

加韓侂胄少傅封豫國公

詔嚴所謂偽學之禁

育太祖十世孫與愿于官中賜名曦

以趙師昇為工部侍郎

紀(宋)慶元五年

奪彭龜年等官

帝始朝太上皇于壽康宮

加韓侂胄少師封平原郡王

諸州大水

輟(宋)慶元六年

以京鏐為左丞相謝深甫為右丞相

大儒朱熹卒

黃榦曰道之正統待人而後傳自爾以來

任傳道之責不過數人而能使斯道章章

較著一二人而止耳由孔子而後曾子子

思得其微至孟子而始著由孟子而後周

程張子繼其絕至熹而始著

夏六月朔日有食之

太上皇后李氏崩

韓侂胄以其童子師陳自強簽書樞密院事

秋八月辛卯太上皇崩于壽康宮十四

京鏐死

處士呂祖泰上書請誅韓侂胄

加韓侂胄太傅

皇后韓氏崩

葬永崇陵

醉(宋)嘉泰元年

春二月臨安大火

以吳曦為興州都統制

大旱

乃蠻滅西遼

遼自天祚為金所執大石建號絕漠之外

凡四世其祀始絕

壬戌宋嘉泰二年

以蘇師旦兼樞密都承旨

弛所謂偽學黨禁復諸貶謫者官

夏五月朔日有食之

立貴妃楊氏為皇后

加韓侂胄太師

大蝗

癸亥宋嘉泰三年

帝視太學

夏四月朔日有食之

以陳自強為右丞相

甲子宋嘉泰四年

韓侂胄議恢復

臨安大火

追封岳飛為鄂王

詔丞相兼國用使

丑宋開禧元年

以皇甫斌知襄陽府

武學生華岳乞誅韓侂胄

詔韓侂胄平章軍國事

以蘇師旦為節度使領閣門事

以郭倪知揚州兼山東京東招撫使

丙寅宋開禧二年 蒙古鐵木真元年

壽慈宮火

以程松為四川宣撫使

追奪秦檜王爵改謚謬醜

女真復會兵河南

吳曦反獻階成和鳳四州于女真

下詔伐女真

郭倪兵敗于宿州

皇甫斌敗于唐州

以丘密為兩淮宣撫使

安置蘇師旦于韶州

以張巖知樞密院事李壁參知政事

夏李安全廢其主純祐而代之

女真分兵入寇

命丘密督視江淮軍馬

女真陷京西州軍

女真陷安豐軍

女真陷真州

郭倪走棄揚州

女真入大散關

丘密遣使如女真軍議和

以畢再遇權山東京東招撫司

程松自興元逃歸

蒙古奇渥溫鐵木真起于斡難河稱成吉思

可汗是為元太祖

此胡元之始

卯丁宋開禧三年

罷丘密以張巖督視江淮軍馬

命陳自強兼樞密使

吳曦自稱蜀王楊震仲死之

吳曦逐四川制置使楊輔

以葉適為江淮制置使

安丙誅吳曦

遣方信孺如女真軍

安丙復西河等四州及大散關

太皇太后謝氏崩

大旱蝗

貶方信孺官遣王紳如女真軍

禮部侍郎史彌遠誅韓侂胄

呂中曰小人擅朝欲為事寵固位之計往

往至於與兵侂胄窮奸極惡海內切齒恐

無善後之計乃假恢復之名以為固寵之

誅抑不思兵凶戰危不可僥倖人為計則

得矣天道肯從之乎

治韓侂胄黨竄陳自強誅蘇師旦流郭倪貶

李壁等官

立子曦為皇太子更名詢

以錢象祖為右丞相兼樞密使史彌遠同知

樞密院事

辰戌宋嘉定元年

以史彌遠知樞密院事

以毛自知廷對首論用兵奪其恩例

以韓侂胄蘇師旦首昇女真

嗚呼宋自南渡以後論國大計者莫不以  
雪讎恥復土疆為言切切然以時君不從  
其言為恨往往咎汪黃而惜李綱罪秦檜  
而痛岳飛非史浩而是張浚佐胃此舉其  
心雖非其事則未必不是也彼有罪焉朝  
廷自誅之可也乃至函首虜庭是何與乎  
昔正人君子所論者之不同哉昔人有言  
譬則人家子孫其祖父為人所殺其田宅  
為人所有一狂僕不量力欲為之復讎謀  
跡計淺迄不能遂乃歸罪此僕送之仇家  
使甘心焉可乎哉

增賂女真歲幣

復壽櫓爵諡

臨安大火

女真使來和議成

以錢象祖為左丞相史彌遠為右丞相

女真完顏璟死叔父永濟立

贈趙汝愚太師沂國公

宋嘉定二年 金永濟大安元年

夏李安全降于蒙古

宋嘉定三年

夏六月朔日有食之

蒙古侵金境

宋嘉定四年

春三月臨安大火

金遣人求和于蒙古蒙古不許

遣使如女真不至而還

夏李安全死族子遵頊嗣

蒙古攻金西京西北諸州降

蒙古大敗金兵遂入居庸關大掠

冬十一月朔日有食之

山東兵起

宋嘉定五年

安南王李龍翰死其婿陳日煚襲主國事

秋七月雷雨太廟屋壞

宋嘉定六年 金主珣貞祐元年

故遼人耶律留哥自立為王于遼東

女真胡沙虎弒其主永濟而立完顏珣

蒙古圍燕

蒙古拔金河北河東州郡

戊辰宋嘉定七年

女真以女歸蒙古及蒙古平

女真徙都汴

蒙古復圍燕

罷女真歲幣

秋九月朔日有食之

蒙古拔金遼西州郡

濰州李全兵起

己亥宋嘉定八年

蒙古入燕

夏人取金臨洮

以真德秀為江東轉運副使

丙子宋嘉定九年

春二月朔日有食之

東西兩川地大震

遼王留哥降蒙古

丁丑宋嘉定十年

女真分道入寇詔制置使趙方等禦之

趙方等救棗陽女真敗走

詔伐女真

東川大水

太白經天

秋七月朔日有食之

李全率眾來歸

女真以河南為中京

蒙古圍夏興州夏主遵頊出奔西涼

戊寅宋嘉定十一年

以李全為京東路總管

女真圍棗陽孟宗政敗之

蒙古取金河東州郡烏古論德升等死

女真遣使來求和不納遂使其太子守緒會

兵入寇

卯辰宋嘉定十二年

女真入黃牛堡吳政死之

夏人請會師伐金詔許之

女真寇淮西

以安丙為四川宣撫使

金河北郡縣多降蒙古

孟宗政等大敗女真于棗陽

李全復齊州



京湖制置大使趙方卒

立宗室貴誠為沂王後

蒙古侵夏夏人以兵附之遂取金陂等州

以崔與之為四川制置使

張林叛降蒙古

遣使如蒙古

壬午(宋)嘉定十五年

李全復泗州

女真復入寇淮兵襲敗之

進封子竑為濟國公以貴誠為邵州防禦使

秋八月長星見西方

大名忠義彭義斌復京東州縣

蒙古取金河中

蒙古取金同州

以李全為保寧節度使京東河北鎮撫副使

蒙古鐵木真大掠西域

癸未(宋)嘉定十六年

蒙古木華黎死

蒙古初置達魯花赤監治郡縣

秋九月朔日有食之

女真完顏珣死子守緒立

蒙古攻夏李遵瑄傳國于其子德旺

甲申(宋)嘉定十七年金主守緒正大元年

女真來請和

秋閏八月丁酉帝崩于福寧殿在位三十七年

史彌遠立沂王子貴誠更名昀昀理宗

尊皇后為皇太后同聽政

史彌遠出皇子竑居湖州

召傅伯成楊簡俱辭不至

以真德秀直學士院魏了翁為起居郎

追封所生父希範為榮王

夏及金平

甲申(宋)嘉定十七年

史正綱卷二十八

(壬集)

世史正綱卷二十九

○宋世史

理宗皇帝

諱昀 太祖九世孫 理宗皇帝寶慶元年

理宗之立不承命于寧宗故不書即位而分書其年號焉

湖州潘壬起兵謀立皇子竑竑率州兵平之

史彌遠殺竑

李全焚楚州

葬寧宗于永茂陵

太后罷聽政

加封史彌遠魏國公

錄程頤四世孫源為籍田令

嚴實以蒙古兵襲彭義斌義斌死之

大理評事胡夢昱言濟王寃竄于象州

史彌遠以梁成大為監察御史逐真德秀洪

咨夔

蒙古鐵木真取夏甘涼等州郡

史彌遠以李知孝為右正言

給京軍緡錢

寶慶二年

錄張栻呂祖謙陸九淵後

九淵之學與朱熹異熹嘗言曰近世乃有假佛釋之似以亂孔孟之實者其法以讀書窮理為大禁蓋指九淵也歟後元儒吳澂又謂熹道問學功多九淵尊德性功多嗟乎熹豈偏廢之學哉熹之學專主程頤所謂涵養源用敬進學在致知二言蓋孔孟正傳行之萬世而無弊者也九淵則以讀書窮理者為意見而注心於茫昧不可執着之地以求其所謂自悟者誠如所言則孔子之博學於文顏子之博我以文子思言博學而繼以問思辨孟子言博學而詳說之皆可廢而惟從事於約禮篤行以為學可乎哉九淵所學淪於禪而不自知吳澂以生同地而為之回護亦猶九淵之於荆舒也其流弊至于今而猶未已吁可慨也夫

圖功臣像于昭勲崇德閣

趙普曹彬薛居正石熙載潘美李沆王旦

李繼隆王魯呂夷簡韓琦魯公亮

弼司馬光韓忠彥呂頤浩趙鼎韓世忠張

俊陳康伯史浩葛邲後益以趙汝愚凡二

十四人

夏李德旺卒從子覲嗣

丁宋寶慶三年

贈朱熹太師信國公

李全以青州降蒙古

夏六月朔日有食之

改楚州為淮安軍

蒙古鐵木真滅夏

是歲夏亡自元昊至是百九十五年

夏本拓跋氏元魏之後也自唐貞觀有銀

夏等州之地唐末賜姓李自王其地然猶

未建國宋興即西平王加彛興太尉祥符

間德明已追帝其父於國中至元昊始顯

稱帝

蒙古入關外諸隘

蒙古鐵木真死于六盤山少子拖雷監其軍

蒙古入西和州陳寅死之

丁宋紹定元年

金將完顏陳和尚大敗蒙古兵于大昌原

夏六月朔日有食之

以鄭清之簽書樞密院事

此宋紹定二年蒙古窩闊台元年

蒙古窩闊台立

是為元太宗

元太祖於去年七月死至是年八月太宗

始立無君者幾一年

蒙古以史天澤等為萬戶分守中原

興宋紹定三年

起復趙范趙葵節制鎮江滁州軍馬

以趙善湘為江淮制置使

蒙古窩闊台帥衆入陝西

李全寇揚州

以鄭清之參知政事

詔史彌遠十日一赴都堂治事

立皇后謝氏

興宋紹定四年

趙范趙葵大敗李全于揚州全走死

金完顏陳和尚敗蒙古兵于倒回谷

趙范收復淮安

蒙古以耶律楚材為中書令

秋九月太廟火

蜀口諸郡陷于蒙古

蒙古擊高麗

壬辰宋 紹定五年

以孟珙為京西兵馬鈐轄屯棗陽

以史嵩之為京湖安撫制置使

蒙古圍金汴京

蒙古大敗金軍于三峰完顏陳和尚死之

禁監司守臣毋輒籍沒民家

按宋史刑法志理宗朝天下之獄不勝其

酷每歲冬夏詔提刑行郡決囚提刑憚行

悉委倅貳倅貳不行復委幕屬所委之人

肆行威福以要覬遺監司郡守擅作威福

意所欲黜則入其當黜之由意所欲殺則

證其當死之罪呼喝吏卒嚴限日時監勤

招承催促結款而又擅制獄具非法踐民

有夾幫腦箍超棍等名富貴之家稍有賢

星動籍其貲不問輕重並從科罰州縣往

往專殺拘鎖淹滯囚繫死而後已又以已

私摧折手足受豪強賂羅織平民囚殺之

至度宗時雖累詔切責而禁止之終莫能

勝而國亡矣說者謂宋以仁厚立國而理

宗得諡以理以其能尚理學也今觀刑法

志所云云者則其一時司刑之吏刑人之

具殆與漢武帝唐則天時無以異也嗚呼

宋至理度時土地日蹙窮民殘喘待日而

斃多方以嫗乳之猶恐不足以存而一時

監司守令乃為淫刑苛法以籍民財殘民

命理宗在位方且務虛名而蔑實政當是

之時為監司守令者皆趣時好名之士驚

虛翼偽者也卒至感天地之和促國家之

脉而召裔夷之禍嗚呼豈無自而然哉

金遣親王為質于蒙古請和蒙古退軍河洛

秋閏九月善出于角

金盱眙守將以城來歸

皇太后楊氏崩

蒙古遣使來議伐金許之

金完顏守緒出奔河北蒙古軍復圍汴

癸巳宋 紹定六年

金完顏守緒濟河復走歸德  
蒙古速不臺屯汴之青城

金崔立以汴城降蒙古大括金銀

時汴京內外不通米升銀二兩人有自食其妻女者劉昫曰金自南渡後為宰執者往往無遠謀臨事相習低言緩語互相推讓以為養相體每四方災異民間疾苦將奏必相謂曰恐主上心不喜事下議衆相視毋先發言者事至危處輒罷散曰俟再議已而復然或有言當改革者輒以生事抑之用必擇懦熟無鋒鋠易制者又多取渾厚少文者置之台鼎每北兵壓境則君臣相對泣下或發長吁而已兵退則大張具會飲因循苟且竟至國亡

金崔立執其主之后妃及梁王從恪等送蒙古軍蒙古殺從恪送后妃等于和林

立以金兩宮梁王荆王及諸宗室皆赴青城是日宮車三十七輛太后先后次之妃嬪又次之宗族男女凡五百餘口次取三教醫流工匠繡女皆赴比史臣曰金俘人

之主帝人之臣百年之後適啓崔氏之狂謀以成青城之烈禍曾子曰戒之戒之出乎爾者反乎爾者也豈不信哉由是以觀天道可謂不爽矣方金人之俘宋也屯于汴京之青城至是百有六年而元人之俘金也即前日金人俘宋之地元與金同是夷也金以夷而戕華元不負戕其類而天假手於華人之崔立以代宋之報復焉諺有之曰人雖巧於施為天更巧於報應嗚呼豈非萬世末監哉

金蒲察官奴幽其主守緒

蒙古取洛陽金留守強伸死之

金完顏守緒走蔡州

蒙古從耶律楚材請以孔元措襲封衍聖公史嵩之以兵會蒙古伐金取唐州

秋九月朔日有食之

金人來乞糧不與

蒙古圍金蔡州孟珙等帥師會之

金徐州降于蒙古完顏賽不死之

以史彌遠為左丞相鄭清之為右丞相

封史彌遠為會稽郡王奉朝請

史彌遠死

梁成大等無罪免

帝親臨

甲子平元年

金主守緒傳位于其宗室承麟孟珙以蒙古

兵入蔡州金主及其尚書右丞完顏忽斜虎

死之承麟為亂兵所殺金亡仇世八年

金主不書名何子其死社稷也

分陳蔡西北地屬蒙古

以賈貴妃弟似道為籍田令

遣朱楊祖詣河南省謁八陵

獻女真俘于太廟論功行賞有差

詔復故濟王竑封爵

趙葵請復三京喬行簡等諫不聽

全子才會兵趨汴金故將誅崔立以降

趙葵至汴遣兵入洛陽

蒙古兵至洛陽趙葵等棄汴歸

召真德秀為翰林學士魏了翁直學士院

真德秀進講其所著大學衍義

蒙古使王樞來

乙未平二年

以樞為蒙古通好使

詔孟珙屯黃州

蒙古城和林

春二月乙巳以真德秀參知政事

夏五月甲辰參知政事真德秀卒

以鄭清之為左丞相喬行簡為右丞相

蒙古分兵入寇尋附隨郢等州軍

蒙古寇唐州趙范敗之

金汪世顯降蒙古

以魏了翁同簽書樞密院事督視江淮京湖

軍馬

丙子端平三年

蒙古初行交鈔

蒙古耶律楚材請召儒士編集經史

以陳韓為沿江制置使史嵩之淮西制置使

襄陽將王昉等作亂以城降蒙古

魏了翁罷

史謂理宗崇尚理學是以得此為理然以

愚觀之理宗之崇尚理學亦好其名尔非  
真有其實也當時之臣如真德秀魏了翁  
二人者蓋深有得於理學者也其始也制  
於史彌遠而不能用於史彌遠既死用真  
德秀不久而遽卒猶有可誣者幸而了翁  
一人猶存可以用矣然而簽樞未幾即出  
督出督未幾即乎祠安在其為能崇尚理  
學也哉假令程朱復生愚知其決不能用  
也昔人葉公好龍之喻理宗殆似之歟  
蒙古欲以丁為戶耶律楚材奏止之

史綱卷五十九

以趙葵為淮東制置使

秋九月有事于明堂大雨震電

召崔與之為右丞相兼樞密使辭不至

曹友聞與蒙古戰于陽平關敗死之蒙古

遂入成都大殺掠

按宋楠曰國兵入蜀蜀民就死者率五十  
人為一聚人悉刺一刀至暮疑積屍中有  
不死者復人刺一刀是時成都城中骸骨  
計一百四十萬城外者不計惟成都一城  
計之元得天下不知殺人凡幾千百萬也

蒙古陷文州劉蛻等死之

以喬行簡為左丞相兼樞密使

蒙古兵入淮西詔史嵩之等分道拒之

孟珙敗蒙古兵于江陵

蒙古寇真州丘岳敗之

復成都

丁未嘉熙元年

以李奎同知樞密院事宣撫四川

蒙古始用耶律楚材言給官府符印定驛舍

資政殿大學士魏了翁卒

蒙古擊欽察諸部降之

夏五月臨安大火

蒙古用耶律楚材言考校儒士

冬十二月朔日有食之

戊戌嘉熙二年

以史嵩之參知政事督視京湖江西軍馬

蒙古圍廬州杜杲敗走之

以孟珙為京湖制置使珙復郢州荊門軍

濂洛之書始至河朔

儒者之學復盛於宋昉於周敦頤成於程

顯允其門人楊時傳以入閩及高宗南渡一時學道之士盡從而南終金之世惟崇眉山蘇軾之學蘇學行于北程學行于南當時南方程學盛行而大明於朱熹而北方之士則未有聞至是德安趙復始傳其書至燕按對程歸潛志王鶴欲以韓柳之文程張之理合而為一及其他文往住言及伊川則是時中州人非不知有程張但未詳耳朱氏之書則未行于北至是始至焉

董誥臣棄光州城伏誅

嚴收租苛取之禁

紀宋嘉熙三年

以喬行簡為少傅平章軍國重事李宗勉為左丞相史嵩之為右丞相並兼樞密使督視

江淮四川京湖軍馬

孟珙復襄陽

蒙古復破成都而去

觀文殿大學士致仕崔與之卒

孟珙遣兵禦蒙古于蜀口遂復夔州

子宋嘉熙四年

春正月彗見營室

臨安大饑

蒙古與宋等分道入寇

以孟珙為四川宣撫使大興屯田

以趙葵為沿江制置使

蒙古復使王檣來

蒙古嚴實死

附宋淳祐元年

加周敦頤張載程顥程頤封爵與朱熹並從

祀孔子廟庭始黜王安石從祀

求遺書

蒙古窩闊台死其次妻乃馬真氏稱制

按元史窩闊台死于辛丑之十月乃馬真氏專國至丙午年七月貴由乃立為君鳴

呼秦晉鄭宋燕趙之區古所謂中州者也

當是時中州之地盡屬蒙古非徒華統于

夷而又男統于女天地之間純陰用事無

復一綫之陽開闢以來未之有也豈非天

地之大變哉

成都將田世顯叛以城降蒙古制置使陳隆

之死之



淳祐二年

以范鍾知樞密院事

蒙古復寇蜀孟珙分兵禦之

蒙古兵渡淮

癸卯九月朔日有食之

淳祐三年

春三月朔日有食之

以余玠為四川制置使城諸要害

蒙古耶律楚材卒

蒙古之臣皆書死而楚材書以卒何楚材

仕於蒙古法制未立之初宋子貞謂當時

無楚材不知人類何如耳是其有功于華

人甚大蓋非本華黎輩專以拓地開疆者

比也蒙古之人言漢人無益欲空其人以

為牧地賴楚材之言而止蒙古攻汴梁久

不下欲城下之日屠之亦以楚材言而止

嗚呼仕夷之人皆以救民為心如楚材又

何責哉

余玠城釣魚山徙合州治之

淳祐四年

以呂文德為淮西招撫使

起復史嵩之尋許終喪

以范鍾為左丞相杜範為右丞相並兼樞密

使

淳祐五年

蒙古兵掠淮西至揚州而去

以游倡為右丞相兼樞密使趙葵知樞密院

事

淳祐六年 蒙古貴由元年

春正月朔日有食之

蒙古貴由立

元太宗死至是貴由始立國無君者五年

嗚呼當是時中國之人仕蒙古者咸受制

於一胡婦人非獨忘其身之為華而亦不

自知其身之為男也世道至此何等時耶

寧武節度使孟珙卒

以賈似道為京湖制置使

勒史嵩之致仕

蒙古寇京湖江淮之境

淳祐七年

以鄭清之為太傅右丞相兼樞密使

以趙葵為樞密使督視江淮京湖軍馬陳

知樞密院事湖南安撫大使

蒙古侵高麗

戊申 祐八年

蒙古貴由死其妻幹兀立海迷失稱制

配宋 淳祐九年

以鄭清之為左丞相趙葵為右丞相並兼樞

密制

夏四月朔日有食之

嚴中外上書之禁

庚戌 淳祐十年

以賈似道為兩淮制置大使

癸亥 淳祐十一年 蒙古蒙哥元年

蒙古蒙哥立是為元

九定宗死至是憲宗始立國無君者又三

年嗚呼國而無君何以為國蒙古初起本

無遠圖其後皆中國人教之以害中國爾

蒙古蒙哥命其弟忽必烈總治漠南

蒙古分兵寇淮蜀

以謝才叔為左丞相吳潛為右丞相並兼

樞密

蒙古忽必烈置經略司于汴

癸亥 淳祐十二年

春二月朔日有食之

蒙古蒙哥徙諸族屬于邊

夏六月閏浙大水

蒙古分中國地封其宗屬

蒙古忽必烈擊大理

冬十一月臨安火

癸亥 寶祐元年

詔以與芮子樸為皇子封永嘉郡王

蒙古兵渡漢江寇萬州高連拒却之

春二月朔日有食之

蒙古城利州

召余玠還

蒙古擊西域

余玠暴卒

以余晦為四川制置使

蒙古忽必烈滅大理遂入吐蕃降之

宋 寶祐二年

以李曾伯為四川宣撫使

蒙古忽必烈以廉希憲為京兆宣撫使

蒙古城亳州

卯 宋 寶祐三年

春正月迅雷

治金子才等入洛襲師罪

蒙古忽必烈徵訥衡為京兆提學

兩土

禁傳播邊事

夏五月四川地震閬浙大水

以下大全為右司諫

以監察御史洪天錫上疏論宦者董宋臣罪

罷之

西南夷盡降蒙古

以董槐為右丞相兼樞密使

丙 宋 寶祐四年

加賈似道參知政事

丁大全遂右丞相董槐詔罷槐提舉洞霄宮

太學生陳宜中等上書攻丁大全大全為小

遠州

以程元鳳為右丞相兼樞密使

以下大全簽書樞密院事

丁 宋 寶祐五年

加賈似道知樞密院事

蒙古寇襄陽入其郭

蒙古兵入交趾屠其城

蒙古蒙哥自將分兵入寇

戊 宋 寶祐六年

以馬光祖為京湖制置使

蒙古入西域降乞石迷諸國

以下大全為右丞相兼樞密使

蒙古蒙哥入劍門陷諸城堡

以賈似道為樞密使兩淮宣撫使

詔馬光祖等進軍援蜀

蒙古蒙哥入閬州楊大淵以城降

己 宋 開慶元年

以賈似道為京湖南北四川宣撫大使

蒙古兀良合台掠靜江遂圍潭州

蒙古蒙哥圍合州

以呂文德為四川制置副使

蒙古蒙哥死于合州城下餘衆解圍北還

蒙古忽必烈將兵渡淮遂渡江圍鄂州

蒙古哈臨江陳元桂死之蒙古遂入瑞州

詔諸道出師以禦蒙古大出內府銀幣犒師

丁大全有罪免

以吳潛為左丞相兼樞密使

即拜賈似道右丞相兼樞密使軍漢陽以援

鄂

以趙葵為江東西宣撫使

蒙古忽必烈遣使招諭鄂州守將張勝勝斬

其使出戰敗死

賈似道移軍黃州

以呂文德知鄂州向士璧知潭州

賈似道遣宋京詣蒙古軍請稱臣納幣忽必

烈聞蒙哥許之引兵還

蒙古兀良合台引兵趨湖北潭州圍解

庚申宋景定元年 蒙古忽必烈中統元年

賈似道命夏貴斷蒙古兵浮橋殺其殿後卒

百餘人

春三月朔日有食之

賈似道置議和事奏大捷于朝

召賈似道還朝

白氣如匹練亘天

夏四月蒙古忽必烈立始建元世禡元

元朝至是始有年號

蒙古始立中書省

蒙古召寶黜許衡至開平

加賈似道少師封衛國公

蒙古初定官制

蒙古阿里不哥自立于和林

蒙古以王文統為中書平章政事

夏五月蒙哥入南斗

立子襁為皇太子

蒙古退江上軍

蒙古李璫寇淮安

蒙古使郝經來賈似道幽之真州

蒙古立十路宣撫司

蒙古號西僧八思巴為國師

宋景定二年

加張拭呂祖謙伯鸞從祀孔子

春三月朔日有食之

劉整以瀘州叛降蒙古參謀官許彪孫死之

以呂文德兼四川宣撫使

賈似道殺湖南制置使向士璧

蒙古立孔顏孟三氏學

蒙古忽必烈擊阿里不哥

竄丁大全于貴州

壬戌  
宋景定三年

詔賜賈似道第宅家廟

呂文德復瀘州

蒙古脩孔子廟

臨安饑

蒙古李璫以京東來歸

蒙古殺王文統

蒙古陷濟南殺李璫

蒙古以阿朮為征南都元帥

蒙古命阿合馬專理財賦

癸亥  
宋景定四年

詔買公田置官領之

蒙古計誘呂祖謙推場于樊城

宋景定五年  
蒙古中統五年八月以後至

增公田官于平江諸路

秋七月彗星出柳光燭天中外上書乞罷公

田賈似道力求去位

蒙古始立行中書省

蒙古命僧孺聽復姓名劉秉忠以為太保參

領中書省事

蒙古入都于燕

行經界推排法

冬十月帝崩于書殿  
在位六十四年

史稱帝自繼統首黜王安石從祀升濂洛

九儒表章四書丕變士習後世以理學復

帝王之治者自帝始廟號曰理其殆庶乎

嗚呼天地間惟理為無偽至誠不息不息

則久又則徵徵則悠遠傳厚而高明蓋此

理出於天而存於人心本之以為學乃天

地元氣之所存帝王治道之所出豈人私

意所能掩蔽而泯滅之哉濂洛之學得孔

孟之正傳不幸為小人所混亂遂使不逞

之徒得以藉口而攻擊之然事久則論定人心之天理無終泯之理況此學乃聖人之大經大法者哉理宗通達其當明之會非真有闡明恢廓之功也而得自古帝王所未有之識豈非幸哉夷考其所存所行其與理合也蓋無幾史亦言其嗜慾既多怠於政事權移奸臣經筵性命之講徒資虛談固無益也嗚呼虛之一言其理宗膏肓之病歟夫上以實自居猶恐下之人應以虛也況倡之以虛哉人知帝之所好尚在此往往慕而倣之處學校者借濂洛之書以為課業應科目者剽濂洛之言以為程文及其仕宦所至立書院祠堂以為崇儒表遺書語錄以為示教遂至天下從風而靡凡勤政事者即目為俗吏固邊圉者即目為寵才甚至讀書作文者亦目之以玩物喪志焉一時任用者多作偽趨時之人同聲附和稍有議及之者則以陳賈胡絃目之是以人才大壞高談有餘實用不足權奸用事知其無能為引以為助一時

居高位據要地者多憤憤不事事之徒遂至百事廢弛九廟丘墟而與晉之清談梁之苦空同一其歸是豈理學之罪哉假之者之罪也濂洛之傳所謂明德新民之實學全體大用之極功博厚高明萬世無弊者也豈若是哉大抵論事者當即其效觀之宋亡于理宗雖曰未運亦人事使然也愚特推原其流弊之極以為世戒焉耳若其慕道之心崇儒之意亦豈可少之哉後世人主其尚以誠實為務毋徇虛名以嫁禍於斯文而貽世道之憂

皇太子襟卽位

尊皇后為皇太后

蒙古以阿合馬善理財超拜平章政事

元祐

世正綱卷三十

癸集

宋世史

度宗皇帝諱從子

○度宗皇帝咸淳元年

春正月朔日有食之

葬理宗于永穆陵

加賈似道太師封魏國公

蒙古召許衡議中書省事

○咸淳二年

賈似道求去帝拜留之

○咸淳三年

立皇后全氏

始以顏回曾參孔伋孟軻並配孔子升顯孫

師于十哲列邵雍司馬光于從祀

蒙古許衡謝病還懷孟

以賈似道平章軍國重事三日一朝治事都

堂

以程元鳳為右丞相兼樞密使

夏五月朔日有食之

進封嗣榮王與芮為福王

以韓鼎為右丞相兼樞密使

以留夢炎為樞密使

以呂文煥知襄陽府

叛賊劉整上攻宋方略于蒙古請先事襄陽

蒙古謀入寇城白河口

西域人進萬年曆于蒙古

北回曆法之始

○咸淳四年

蒙古圍襄陽

冬十月朔日有食之

○咸淳五年

以李庭芝為兩淮制置大使

葉夢鼎乞致事不待報而去

蒙古益兵圍襄陽

蒙古行新字加號西僧八思巴為大寶法王

蒙古圍樊城鹿門

以江萬里為左丞相馬廷鸞為右丞相並兼

樞密使馬光祖知樞密院事

○咸淳六年

以李庭芝為京湖制置大使督師援襄樊

蒙古立尚書省以阿合馬平章政事

春三月朔日有食之

蒙古以許衡為中書左丞

詔賈似道十日一朝入朝不拜

詔范文虎總中外諸軍救襄樊

蒙古史天澤城萬山

宋咸淳七年

春二月大饑

蒙古分兵寇嘉定諸路

范文虎帥師至鹿門而遁

蒙古許衡上書論阿合馬以衡為集賢大學

士兼國子祭酒

秋八月朔日有食之

蒙古號其國曰元

自古國號皆以地名以義起者始見于此

賈似道置士籍

宋咸淳八年

蒙古罷尚書省

張貴張順救襄陽戰敗死之

秋八月朔日有食之

九月有事于明堂大雨賈似道夫位詔出貴嬪胡氏為尼似道乃還

嗚呼賈似道所以敢要其君而度宗所以不敢拂其意者豈不以外敵方彊國家一日不可無之乎噫度宗固愚矣然猶出於衆人之所蔽似道則真天下之至愚者也蓋亦反已自思乎北狄之勢力如此吾有何術可以制之乎吾之人孰可恃乎吾既無術以制之而吾之人又無可恃者一旦彊虜復來則吾之手足盡露矣何以善其後乎如此則國必亡國既亡矣吾身安能獨存乎愚故曰似道者真天下之至愚者也

賈似道加太學養錢寬科場恩例

嗚呼處士橫議必在國家未造之秋當隆盛時無此事也方漢盛時無有所謂浮議也而鉤黨之興乃在桓靈之世宋時亦然然漢之黨也以義宋之黨也以利蓋宋以忠厚立國不殺士大夫當時士夫毅然以氣節自高名義為重一遇國家有事輒明



曰張膽則曰言之不少願其往往以此得  
美名躋顯位不幸則思遺還謫以去及  
其事久論定直聲勁節亦從此益大以著  
士夫習見其然其中不逞者遂借此以為  
取名之階進身之徑其流弊之極遂至學  
校所養之士亦效尤之至於景定淳祐之  
間朝廷任一宰執用一臺諫稍不合衆心  
三學之士相率攻之必去其人而後已稍  
不如意則加以無名之謗造為不根之言  
或有所行違則必借秦為論動以焚坑惡  
聲加諸君相一時權相如丁大全極力與  
之為敵方大猷者與力其間其後諸生協  
力合黨以攻大全大全既去而大猷題名  
之石亦被磨去以快宿憾自是之後恣橫  
益甚賈似道入相度其不可以力勝遂以  
術籠絡之於是加太學餐錢寬科場恩例  
三學之士啖其利而感其恩目擊似道之  
誤國禁不敢出一聲甚至要君去國也上  
書替美挽留之無所不至嗚呼三學諸生  
平日所以扣閣上書經臺投卷者無非仁

義之言聖賢之道至是其心迹盡露矣嗚  
呼士大夫之在學校者讀聖賢之書受教  
養之恩其尚當知所以自守而毋蹈宋人  
之失哉或曰學校之士遇國家有事上下  
蒙蔽之時亦可以默歟曰漢之王咸唐之  
何蕃宋之陳東當言而言專為乎國而不  
為乎私是固君子之所與也

宋咸淳九年

樊城陷范天順牛富死之

呂文煥以襄陽叛降蒙古

城清口

蒙古召姚樞許衡徒單公履等議南伐  
以汪立信為京湖制置使趙潛為沿江制置  
使

分淮東西制置為二司淮東以屬李庭芝而  
以淮西屬夏貴

蒙古許衡乞罷從之

宋咸淳十年

賈似道母死詔以天子鹵簿葬之即起復入  
朝

秋七月癸未帝崩于福寧殿年三十一

皇子瓘即位是為太后臨朝稱制

封兄瓘為吉王弟昂為信王

詔賈似道獨班起居

尊皇太后曰太皇太后皇后曰皇太后

罷京湖制置使汪立信

以朱洪孫為京湖四川宣撫使

八月大霖雨天目山崩

蒙古遣伯顏大舉入寇

叛賊呂文煥以伯顏趨鄂州劉整以博羅懽

趨淮西

嗚呼呂文煥劉整千載名教之罪人也文

煥守襄歷年無救不得已而為一郡之生

靈救命整為權奸所害不得已而為避禍

之計揆之正理固已失臣節矣然猶有可

護者忍耻偷生苟度殘年而甘與草木同

腐幸矣何忍而又為異類之嚮道以戕我

同類伐其父祖之邦獨不思所以為我仇

者權奸也吾君有何罪乎縱使有罪臣子

亦無讎君父之理况吾家國也危主幼而

毋老乎二人若泉鏡豺狼之類誠狐兔之

不若也書之于冊遺穢萬年

蒙古伯顏潛兵入漢原沙洋隔新郢守將邊

居死之

元史明言伯顏屠沙洋嗚呼所屠豈一

二人哉而謂之不殺一人何也

以陸秀夫參議淮東制置司事

以王燦為左丞相章鑑為右丞相兼樞密使

蒙古兵渡江

蒙古拔陽邏堡會兵趨鄂州

鄂州降蒙古伯顏引兵東下

詔賈似道都督諸路軍馬開府臨安

詔天下勤王

以高遠為湖北制置使

陳奕以黃州叛降蒙古

帝昞度宗子

紀宋帝昞德祐元年

葬度宗于永紹陵

呂師夔以江州叛降蒙古

叛賊劉整死

劉整陣元元用之爲中書左丞矣曷不以  
元書嗚呼此所以絕後世亂臣賊子之惡  
念也彼其所以甘心夷虜之臣而爲其效  
力者欲盡一時之富貴以爲身榮也愚故  
痛加誅絕使後世之亂臣賊子不臣而黨  
異類者視此爲戒咸知人生幾何雖可僥  
倖於生前而卒不能逃公論於後世庶幾  
中國少禍亂乎或曰春秋據事直書而善  
惡自見今不書其官而名以叛賊無乃非  
書法乎吁史綱書此所以示後世之愚民

悍卒使人人易曉也豈敢上擬春秋乎

范文虎以安慶叛降蒙古

賈似道出師次于蕪湖

以汪立信爲沿江招討大使

賈似道遣宋京如蒙古軍請納幣稱臣伯顏  
不許

張晏然降蒙古上書乞存宋祚

以黃萬石爲江西制置使

蒙古陷池州權守趙卯發死之

蒙古史天澤死

蒙古遣使往日本

潘虎臣夏貢之師潰于江上賈似道走揚州

蒙古盡陷江淮州軍

宋古簡饒州知州事唐震故相江萬里死之

趙潛奪建康

賈似道上書請遷都

張世傑將兵入衛遂復饒州

江西提刑文天祥起兵勤王

湖南提刑李芾遣兵入援

以陳宜中知樞密院

遣蒙古行人郝經還

或曰元世祖本無伐宋之意使宋人不拘  
郝經其後不殺廉希賢必將通和講好而  
中國不至於一統於夷矣惜乎宋人自速  
其咎也嗚呼其然豈其然哉元世祖未即  
位之前憲宗已興師萬里外擊安南矣而  
世祖亦嘗自將擊大理入吐蕃當是時也  
未興伐宋之師已侵廣西湖南之境其地  
在宋都之南數千里之遠其務遠略也如  
此雖不毛瘴癘之鄉亦無所不至况江浙

財賦所出之地素稱富饒也哉其所以遺  
使者襲用金人愚宋之術焉耳豈真其心  
哉夫以緬甸交趾在江浙以南幾於萬里  
占城爪哇日本之域隔越大海風波險惡  
忍棄數十萬人之命以爭之況中國帝王  
之都人物財寶所聚在其壤土之近者哉  
春秋推見至隱雖幽潛隱微之未發者猶  
聞而闢之矧其昭昭素著者又豈能逃明  
者之見哉嘗觀元初一時腹心股肱之臣  
雖多中國之人然受其豢養貪其富貴忘  
其身之為華並無一人一言勸其存宋者  
雖以劉因之賢猶作渡江賦以欣幸之而  
有戰則為土降則為奴之語他又何則哉  
在昔五胡亂華姚弋仲一老羗耳猶能言  
胡人自古無為天子之理王猛臨終拘能  
勸苻堅以存晉祚許平仲一世大儒得君  
行道章疏屢上曾無一言及此何也況其  
將議伐宋也又與姚樞徒單公履同召也  
哉本紀載公履勸伐之言使平仲有湯之  
之語未必見遺也

陳宜中請誅賈似道罷其平章都督  
右丞相章鑑遁  
沿江招討大使汪立信卒于軍  
蒙古兵入澶海州  
陳宜中殺韓震  
蒙古伯顏入建康  
以王燾為左丞相陳宜中為右丞相並兼樞  
密使都督諸路軍馬  
復吳潛向士璧等官貶竄賈似道黨與  
潛說友以平江府叛降蒙古  
詔張世傑總都督府諸軍世傑分道出兵  
有二星闕于中天一星殞  
書星闕始見此  
曾淵子文及翁倪普等遁  
蒙古使廉希賢等來至獨松關守將殺之  
蒙古阿里海涯入岳州  
朱禔孫高達叛以江陵降蒙古荆南州軍皆  
陷  
以福王與芮為浙東安撫大使開府紹興  
蒙古兵寇真揚州

呂文煥等家

夏六月朔日有食之既晝晦

外萬壽以嘉定諸城叛降蒙古

以王煥平章軍國重事陳宜中為左丞相留

夢炎為右丞相並兼樞密使都督諸路軍馬

張世傑大敗于焦山

放賈似道于循州籍其家

京學生上章論陳宜中宜中擅去位詔罷王

煥召宜中于溫州

以夏貴為兩淮宣撫大使貴不奉詔

以李芾知潭州文天祥知平江府

蒙古廉希憲行省事于江陵

蒙古兵陷泰州

詔張世傑劉師勇總出戍兵

以留夢炎為左丞相陳宜中為右丞相並兼

樞密使都督諸路軍馬

蒙古兵圍潭州李芾力戰禦之

賈似道伏誅

蒙古兵圍揚州李庭芝力戰禦之

蒙古伯顏渡江分兵東下

文天祥遣兵救常州不克

以陳文龍同知樞密院事

蒙古兵陷廣德軍召文天祥入衛

蒙古兵陷江西州軍都督密祐逆戰于撫州

死之

蒙古伯顏陷常州屠其民止存七人知州事

姚訔通判陳炤都統王安節死之

作元史者謂伯顏下江南不殺一人嗚呼

常州非江南之地邪元之號令尤攻城臨

敵但以一矢加遺者得即屠之伯顏前此

潛兵渡漢固已屠沙洋矣至是攻常州分

其久不下招之不從於是役城外居民運

上為壘併人築之殺人煎膏取油作砲及

城陷之日盡屠戮之一城生聚何啻千萬

斬之之餘止存七人嗚呼夷性殘忍一至

此哉彼夷狄如虎狼殺人固其本性而中

國之人秉史筆者乃亦曲為之諱至北之

曹彬豈其倫哉或曰所謂不殺謂入臨安

之時也嗚呼伯顏軍至皋亭謝太后即遣

使奉璽迎降，毋無一人敢出一語者，當是之時，苟具人心者，皆不殺也。豈但伯顏哉？

蒙古破獨松關

左丞相留夢炎遁

遣柳岳如蒙古軍，哀請禮不伐喪。伯顏不聽，以陳文龍參知政事。

蒙古伯顏入平江

復遣柳岳如蒙古求對為小國。

以文天祥簽書樞密院事

黃萬石叛降蒙古，米立死之。

丙子（宋）德祐二年五月以後，端宗景炎元年。

蒙古陷潭州，李希死之。湖南州軍皆陷。

蒙古制江南人為十等。

按宋謝枋得曰：大元制典，人有十等：一官

二吏，先之者貴之也；貴之者，謂有益於國

也。七匠、八倡、九儒、十丐，後之者賤之也。賤

之者，謂無益於國也。嗟乎！卑哉！介乎娼之

下丐之上者，今之儒也。考元史，不載此制。

蓋為世祖諱也。作史者不虛美，不隱惡。

惡皆當直書，不然豈得為直筆哉？

以吳堅為左丞相兼樞密使，常琳參知政事，琳尋遁。

劉漢傑以嘉興府叛降蒙古。

遣劉岳奉表稱臣于蒙古。

進封吉王，是為益王。判福州信王昺為廣王。

判泉州。

召留夢炎不至，以為江東西湖南北宣撫大使。

蒙古伯顏軍皋亭山，太皇太后遣使奉璽迎之。

右丞相陳宜中夜遁。

張世傑、劉師勇各以所部兵入于海。

吳堅、文天祥如蒙古軍，伯顏執天祥。

駙馬都尉楊鎮等奉益王、廣王走婺州。

以家鉉翁簽書樞密院事，賈餘慶同簽書院事。

春二月，日中有黑子。

蒙古伯顏遣人入臨安，罷官府及侍衛軍。

以賈餘慶為右丞相兼樞密使，劉岳同簽書

樞密院事，吳堅、謝堂、家鉉翁並充祈請使。

如蒙古軍當逃歸

蒙古執文天祥北去

蒙古使范文虎追益王廣王不及執楊鎮還

歸安二王遂走溫州

葛其以淮西叛降蒙古洪福死之

蒙古索宮女赴水死者數百人

蒙古伯顏入臨安帝及皇太后等皆北去

文天祥自鎮江亡入真州遂浮海如溫州

蒙古以阿剌罕行省事于臨安

陳宜中等奉益王為天下兵馬都元帥廣王

副之開府福州起兵興復

帝至瓜洲李庭芝使姜才將兵夜擣蒙古軍

不克

夏五月朔益王昀即位端宗為昀改元景炎遙上

帝尊號尊度宗淑妃楊氏為太妃同聽政

進封廣王昀為衛王

以陳宜中為左丞相兼樞密使都督諸路軍

馬陳文龍劉黼參知政事張世傑為樞密副

使陸秀夫直學士院蘇劉義主管殿前司

文天祥至溫州以為右丞相兼知樞密院事

同都督諸路軍馬

蒙古忽必烈稱帝為瀛國公

留燕降蒙古

蒙古軍入廣州

文天祥開府南劍州經畧江西

李庭芝姜才赴召至泰州遇蒙古兵死之

蒙古兵陷真州苗再成死之

太皇太后謝氏北去

蒙古賜宋播州安撫使楊漢英名

按金史阿骨打自改其名曰旻吳乞買曰

晟又改其臣之名韓離不曰宗望元術曰

宗弼金雖夷人既入中國即有慕華之心

惟元則不然不徒安其夷俗之陋又欲率

華人盡變以為夷往往賜華人以夷狄之

名而其所賜之名又皆鄙野不經如世祖

賜楊漢英名以賽因不花譯以華言賽因

好也不花牛也嗚呼君之賜臣將以為榮

也稱之曰楊好牛榮邪辱邪

蒙古兵分道寇閩廣

東莞民熊飛復韶廣二州



文天祥帥師入于汀州

蒙古兵陷韶州熊飛死之

蒙古兵陷處州秀王與擇等戰敗死之

陳宜中張世傑奉帝航海

帝至泉州蒲壽庚作亂降蒙古帝走潮州

蒙古兵陷興化軍陳文龍死之

蒙古兵陷靜江坑其民馬堅死之

帝次惠州遣使奉表請降于蒙古

蒙古兵分道入兩川

端宗皇帝諱昀

丁未宋端宗皇帝景炎二年

春二月彗星出東北

文天祥屯漳州

蒙古兵陷廣東諸郡

文天祥復梅州

陳瓚起兵復興化軍

張鎮孫復廣州

張世傑復潮州

文天祥敗蒙古兵于雲都

文天祥兵潰于興國縣走循州諸將聶信趙

時諸將皆死之

秋九月帝遷潮州之淺灣

冬十月朔日有食之

以陸秀夫同簽書樞密院事

蒙古攻都屠興化軍血流有聲陳瓚死之

蒙古兵襲淺灣帝奔井澳蒙古又襲之帝奔

謝女峽

陳宜中逃之占城

蒙古伐緬

戊寅宋景炎三年五月以後帝昀稱興元年

蒙古兵入重慶張珣死之

蒙古攻都屠潮州

文天祥收兵復出麗江浦

帝浮海至化州之碇洲

曾淵子至日雷州以為參知政事廣西宣諭

使

夏四月戊辰帝崩于碇洲在位三年

衛王昺即位昺是昀弟

帝昺遷新會之崖山

蒙古張弘範將兵入閩廣



蒙古封泉州女神林氏為天妃

湖南制置使張烈良等起兵應厓山與蒙古戰敗死之

蒙古陷海南州縣趙與珞死之

秋八月有大星墜于海中小星千餘隨之葬端宗于厓山

蒙古張弘範執文天祥

冬十二月黃河清

帝昺度宗子

卯巳 宋帝昺祥興二年

蒙古張弘範襲厓山張世傑力戰禦之

春二月戊寅張世傑與張弘範戰于厓山世

傑兵潰陸秀夫負帝赴海崩秀夫死之楊左

后聞帝崩亦赴海崩世傑復收兵至海陵山

舟覆而死在位二年

宋亡前後十八年主共三百二十年東都一百六十八年南渡一百五十二年

按元揭傒斯曰宋南渡不能復振者本於

張浚抑李綱殺曲端引秦檜殺岳飛父子

而終於賈似道之專劉整之叛又曰以主

柔臣彊之宋豈能以數萬之金幣保區區

江南之地故宋戰亦亡和亦亡由是觀之

宋至是蓋無可存之道矣雖曰天數亦由

人謀之不臧為一世計則中國之臣誤國

之罪也為萬世防則中國之人助夷之罪

也嗚呼自古雖無不亡之國而中國則無

絕統之理謝枋得有言五帝三王自立之

中國乃滅於諸儒道學大明之時此宇宙

間大變也春秋責備賢者而識治道者咸

謂上策莫如自治此愚於宋之亡所以不

罪夷而罪華咎人而不咎天也歟

蒙古西僧八思巴死加號皇天之下一人之

上大元帝師

文天祥至燕不屈蒙古囚之

世史正綱卷三十

癸集

○元世史

史而謂之世者何舉一世言之也天處乎上地處乎下人處乎中人所處之處是則所謂世也世即所謂天下也民生有欲無主乃亂天生烝民必命一人主天下以任世道之責得其人則華華夷夷各止其所而不相侵亂否則土地為之分裂人類為之混殺史綱之作必加世於國號之下以見此一時之君臣民事物凡在斯世者皆具於是史之中焉是故有華夏純全之世漢唐是也有華夏割據之世三國是也有華夷分裂之世南北朝及宋南渡是也有華夷混亂之世東晉及五代是也若夫胡元入主中國則又為夷狄純全之世焉噫世道至此壞亂極矣此世史正綱所由作歟

元世祖

諱忽必烈太祖孫

辰

元主忽必烈至元十七年

嗚呼孔子春秋絕筆之後至是一千八百

六十一歲矣其憂世之心始大騷於此嗚呼極矣天位乎上地位乎下而人居乎其中心人必得其所以為人然後天地得其所以為天地是則人之為人天地賴焉以有立者也人所以不得其所者孰使之哉夷狄害之也天生聖人以為一世之主必使華夷各止其所而安其分則人道立而天理明地利得矣不然則紛紛擾擾相爭相奪乾地之利昧天之理而人道於是乎不立矣聖人有見乎此故其致治保邦拳拳以蠻夷猾夏為憂著書立言諄諄以內夏外夷為戒非徒為一世計所以為萬世計也世儒以其一世之微功而忘萬世之大戒是豈上天立君之意哉是豈聖人立教之心哉竊原天地之理惟聖賢之意以嚴萬世華夷之防於元之混一天下依綱曰南北朝五代例分書其年號于甲子之下且黑其圈以見其為純陰之世天翻地覆夷狄反為華夏之主自大地開闢以來未始有也之始於此嗚呼豈非天地間極

大之變也哉。歟。規。劉。淵。二。陣。或曰。孟子言舜生於諸馮。遷於負夏。卒於鳴條。東夷之人也。文王生於岐周。卒於畢郢。西夷之人也。舜與文王皆生於夷古之聖賢未嘗以其生於夷而廢之焉。噫。舜與堯同祖。文王乃后稷之後。夫其所謂負夏。鳴條。岐周。畢郢之地。皆在九州之中。特居中國之邊境耳。固非疆界之外。荒漠不毛之地也。孟子猶恐世之拘儒妄謂二聖人居邊夷之境。而疑其道之不必同。而為此言。豈女真韃靼之比哉。愚嘗因是而考春秋之世之夷矣。吳楚徐越。此中國之人。變於夷者也。山戎赤狄。之類。此夷狄之人。居中國者也。春秋因其出入於華夷之間。上不使與中國等。下不使與夷狄均有罪。則推而遠之。使其知所做。有善則引而進之。使其知所慕。聖人謹華夷之分。若寬而實嚴也。如此在當時。若吳若楚。若越。固自僭稱王矣。春秋未嘗因其稱王而王之。而書曰。吳王。楚王。越王也。然聖人豈特不與之以王稱哉。

終春秋之世。迄不得與滕薛小國之例。以爵通於中國焉。聖人拔本塞源之慮深且遠矣。况韃靼遠在朔漠。不毛之地。衣皮而不布帛。茹肉而不菽粟。無宮室之居。無彝倫之理。其去禽獸也。若幾希。一旦恣其狼虎之毒。戕我中國之主。據我帝王所自立之地。統我華夏衣冠禮義之民。彼自稱曰皇帝。吾亦從而皇帝之。生其時者。在其陷牢之中。刀鋸之下。固無如之何也。已矣。後世之史臣。又背吾孔子之家法。而忘我聖人春秋之大戒。世道之責。將焉賴哉。

擊羅氏鬼國

張弘範死

弘範以死書。何誅其以華人為夷用。而滅中國之統也。弘範既為之臣矣。臣為君用。不得不然。又何誅。嗚呼。周平王遣宰嚭來。賄仲子。先儒謂其以太宰承命。以賄諸侯之妾。不知其不可。是為不智。知其不可。而不言。是為不忠。言不用。而居其位。不辭。是為不禮。貶而書名。賤之也。且宰亘所事者。

周之天子諸侯之妾行之於時日之間雖曰於禮有悖而綱常之大分未盡潰也聖人猶必貶絕之况以中國之人仕於夷之虜賊我自三皇五帝以來中國之統者乎仕元之人不止弘範誅其一以儆其餘

### 始窮河源

自有河以來皆言其源出崑崙而以張騫之言為信至是始知其源之所自

### 集賢大學士兼國子祭酒許衡致仕

### 姚樞卒

### 復大發兵擊日本

### 行授時曆

辛巳  
元至元十八年

### 許衡卒

仕元之臣衡為之冠冕而卒不書其官爵者何原其心也衡臨終之言曰我平生虛名所累竟不能辭官死後慎勿請謚但書許某之墓四字嗚呼人之將死其言也善觀斯言也則衡固亦自知其仕元之非矣

可見天理之在人心未嘗或泯也徒以其知之未真行之不決至其臨終之際天理發見出於由衷之言味其不能辭官之一語則可見元人之官在所當辭而不能辭焉以是負愧云爾衡不自諱後世之人乃曲為之諱何哉春秋責備賢者故綱目於揚雄之仕莽以死書之衡之仕元較之雄尤甚焉者然其有自知自悔之辭此其所行其義也許衡生充人域中而不仕元將何以行君臣之義哉夫謂之義者宜也可仕則仕不可仕則不仕合其宜則為義不合其宜則為非義夫以中國之人學周公孔子之道雜群胡之中毀冠裂冕以事夷主以絕我中國帝王之統為宜乎不宜乎然則孔子欲赴中山弗擾之召非歟程子曰聖人以天下無不可為之事亦無不可改過之人故欲往然而終不往者知其必不能改故也吁以臣而畔君一旦而革其非心則君臣之分故在也以夷而戕中國

之丰秋華夷之分安在哉聖人則欲往而終不往而術則卒往焉其亦異乎聖人矣然則為許子計奈何曰隱君教授明道以激其徒立言以範乎俗如劉因之屢召不出出而亟歸可也宋荊贊臨終戒其家勿請謚立碑其

衡同擊日本兵十餘萬死于海島還者僅三人

始皇築長城漢武伐匈奴後世以其窮兵黷武目之以為無道主元世祖世所謂賢者也在位之日擊緬甸擊占城擊爪哇

擊日本殆無虛歲其所以窮兵黷武比之秦始漢武何如哉夫以長城之築出塞之師所以為中國生靈計耳蓋以害中國者莫如北狄方吾盛時苟不驅之除之異日為吾子孫害必深也秦始漢武之心不過如此世祖之擊此諸國則異于是緬甸接于百夷占城隔乎交趾爪哇日本皆在大海之外地勢不相接也兵力不相及也而必征之何哉利其所有耳蓋聞此諸國多珠貝寶石之類欲得之耳嗚呼求無用之

物害有用之人為民人之主而殺人臣以逞所欲一之不已而至再至三焉有之之主果若是哉或者至比世祖以堯舜而比許衡以孔孟噫世祖得為堯舜則衡優為孔孟矣

括江南戶口稅

焚毀道書

道家所謂經者率多偽妄俚淺之言焚之誠是也然則道士當用何書歟曰老子莊子列子之類其本書也道士之書可焚毀而佛氏之書獨不可焚毀歟曰以五十步笑百步同一走爾奚用相笑為哉世祖崇佛而黜道周武帝唐武宗之故步爾

以阿合馬為左丞相

壬午元至元十九年

復遣兵擊緬國

益都千戶王著擊死阿合馬于闕下

戮阿合馬屍

夏六月朔日有食之

命唆都擊占城不克

秋七月朔日有食之

遣使括雲南金

以宋衍聖公孔洙為國子祭酒提舉浙東學

殺宋丞相文天祥

徵處士劉因為右贊善大夫尋辭歸

始海運

癸卯 元至元二十年

復擊緬國

春二月庚寅太陰掩昴丁酉太白犯昴士

復犯

廣州兵起平之

復發兵擊日本

詔益兵擊占城

秋七月太陰復掩昴

建寧黃華兵起稱宋年號

破緬諸部俱降

甲申 元至元二十一年

遣王積翁使日本未至舟人殺之

命脫歡假道安南擊占城安南拒之

秋九月京師地震

以安童為右丞相盧世榮為右丞

詔盧世榮行鈔法罷御史中丞崔彥

乙卯 元至元二十二年

元主從西僧請發宋會稽諸陵

按宋濂文集至元二十一年僧嗣占妙高

上言欲毀宋會稽諸陵西僧楊璉真加與

桑哥相表裏為奸明年乙酉正月奏請如

三僧言發陵取寶器以諸帝遺骨建浮屠

于杭之故宮截理宗頂以為飲器我

太祖洪武元年始命索飲器于西僧而以藏之

舊穴云夫楊璉真加發陵之罪固不容誅

矣然其發之也乃奏請而後行則其罪固

有所歸矣嗚呼盜賊發前代之陵寢以求

寶玉不知其主名尚當為之根究誅捕况

知其故而使之戕其遺體也哉世祖因其

奏請而從之是則以帝王而為赤眉溫韞

之事也世祖不君之事非止一端而此為

甚說者乃欲後世作史者比元魏而進之

果何見哉按飲器見于漢書今西僧或以

兩相背以為鼓恐與漢史所謂飲器不同

立規措所

脫觀兵擊安南陳日烜敗走入其城而還遣使往馬八國求奇寶

三代以來中國所謂寶者珠玉金貝而已至西域通中國始有所謂木難琉璃瑪瑙珊瑚之類雖無益於世用然猶可製以為器至元所謂寶者則異于是是皆塊石碎礫之類形既不圓文又不瑩用之麗金銀以為服飾乃至費貲萬億以售之世祖在元君中為最賢猶遣使絕域求之他固不足責矣

復會兵擊日本尋罷之

盧世榮伏誅

太子真金卒

丙戌 元至元二十三年

春正月太陰掩昴

禁漢人持兵器

遣使求江南人才

河決

丁亥 元至元二十四年

復擊安南陳日烜棄城走

復置尚書省以桑哥鐵木兒並為平章政事阿魯軍薩里為右丞葉李為左丞

初置國子監

設江南各路儒學提舉司

行至元鈔

諸王乃顏反元主自將平之

冬十月朔日有食之

檢覈中書錢穀殺參知政事郭佑楊眉完以桑哥為尚書右丞相

戊子 元至元二十五年

毀宋故宮為佛寺

江南兵起

行省丞相忙兀帶殺南臺御史中丞劉宣遣使鉤考諸路錢穀

立桑哥輔政碑

己丑 元至元二十六年

開會通河

春三月朔日有食之

執宋知信州謝枋得至燕不屈死之

禁江南民挾弓矢

禁百官受饋酒食者籍其家貲之半

庚寅元至元二十七年

秋八月朔日有食之

地大震江南大水

癸卯元至元二十八年

春二月太白犯昴

桑哥葉李以罪免

罷徵理司

以完澤為尚書右丞相

逮西僧楊璉真加下獄尋釋之

天下之惡一也盜賊發前代帝王之陵寢後世帝王所當禁戒者也所以禁戒之者非但為前人亦將為吾易世之地也楊璉真加發宋帝陵寢之在會稽者凡一代帝王之遺骸皆為其暴露甚至截其頭顱以為器有人心者所不忍聞也世祖於此略無惻然之心幸有發覺其事者既逮之下獄矣而又釋之迨其死也又用其子以為行省執政之官謂世祖不知情可乎蓋世

祖實使彼髡為之不得已逼於公論而逮其下獄故不徒不罪之又賞其功而錄用其子也

後徵劉因為集賢學士辭不至

罷尚書省

桑哥伏誅

按元史奸臣傳凡五人而四人者在世祖之世其臣固奸矣而用之者何人哉夫叔季之世昏弱之主為奸臣所怵誘脇制者則有之矣未聞創治立法之君而為奸人所動者也述世祖之臣所謂阿合馬盧世榮桑哥三人者皆以則利進既而皆以則利誅豈世祖皆不知其人而誤用之哉蓋三人者不知世祖之心而誤為世祖之用者也世祖之心公私善惡交戰于胷中所以甚愛者利也而好名之心亦未嘗無焉見彼三人者善於理財故驟用之謂其可以富國而裕財雖有人言不入也及財既得矣而又慮人議我後而加我以好利之名人或有言焉者於是從而誅之以解人言



以全吾名後來者不悟其機又從而蹈之  
嗚呼可哀也哉愚故曰三人者不知世祖  
之心而誤為世祖用者此也或者不以愚  
言為然以為誤用其人吁所謂誤者一斯  
可矣何乃至于再至于三乎世祖用此三  
奸亦所謂怙終者邪

遣使招諭流求

壬辰  
元至元二十九年

春正月朔日有食之

開通惠河以郭守敬領都水監事

詔江南避亂者令復業

遣亦黑迷失等擊爪哇

夏六月兩浙水

詔貸楊璉真加罪給還其人口土田

癸巳  
元至元三十年

遣使招諭暹國

以楊璉真加子暗普為江浙行省左丞

徵士劉因卒

劉因卒而書以徵士何做綱目書陶潛例  
也因生元人近旬而不仕元其志可尚也

已蓋嘗觀其所作退齋記有曰挾老氏之  
術者以一時之利害而節量天下之休戚  
其終必至於誤國害民然而特立萬物之  
表而不受其責焉且方以孔孟之時義程  
朱之名理自居不疑而人亦莫知奪之也  
其徒楊俊民申之曰先正得時行道大闡  
文風衆人宗之如伊洛先生斥之曰老氏  
之術也由此言觀之則因之不仕蓋的然  
有所見也但所指言者不知何人然味其  
辭所謂以孔孟程朱自居及其徒所謂得  
君行道衆以伊洛宗之似指當時許衡也  
若然則因亦不然衡之仕元歟雖然因知  
元乃夷狄之君不可事而不知宋乃中華  
之統不可絕而作渡江賦以籌畫忻幸之  
何歟豈非幽燕之地淪入夷狄已久雖豪  
傑之士如因者亦不免為見聞習染所局  
歟毋怪乎盧摯之徒謂宋為淮夷也

詔擊八百息婦國

冬十月誓出紫微垣

甲午  
元至元三十一年

春正月元主忽必烈死在位三十五年

為呼世道極變之大者三曰臣而僭君之位也婦而當陽之剛也夷狄而為中國之主也自秦漢以來僭君之位有莽溫焉然前此猶有舜也當陽之位有武曌焉然前此猶有姁也夷狄之主中國則首昉於蒙古焉前乎此者淵勒非不稱帝也然崛起而倏滅遼金非不僭號也然偏安於一隅未有混一天下使凡覆載之間止有夷而無華如元世者也嗚呼豈非世道極變之

會歟作俑之尤在於世祖故援王莽武曌之例而以死書非忘其宏闊及民之仁著此以立萬世華夷之防焉耳

得王印以為秦璽

此印得之故相之家楊桓考證以為秦璽按璽在漢為元后所擲角有微玷魏文帝刻其旁曰魏受漢傳國之璽今此印無之其非秦所製者明甚疑即宋元符所得於咸陽民家者也

孫鐵木耳立是為宗尊其父真金曰裕宗

以玉昔帖木兒為太師伯顏為太傅月赤察兒為太保

夏六月朔日有食之

賜宋使臣家鉉翁號處士

秋七月詔中外崇奉孔子

臣按寧獻王所著通鑑博論於至元十八年有云帝信桑門之惑盡焚中國道藏闕儒道二教為外學貶孔老為中賢尊桑門為正道又為世祖斷云聽妖僧祥邁之誘作妖書以毀昊天上帝貶孔子為邪道擬為中賢不足稱聖及考元史止於是年焚毀道書而不見所謂貶孔子之實惟成宗本紀世祖正月崩成宗即位是年秋七月即書詔中外崇奉孔子夫孔子自唐宋以來天下學校通祀之已非一日又何待今日始詔中外崇奉之哉意當時必有所施行如博論所云者元史臣為世祖諱故畧去之嗚呼孔子既沒之後世主未嘗敢有異論者使誠有是事則世祖之罪浮於始皇矣疑以傳疑史家通例也特因所疑而

書之以俟知者初得此論而讀之見其祖是著白鹿相配所生心疑之後  
入內閣見元朝秘史用蒙古字書旁註之  
華言果有其事由是以觀則祥邁之感  
亦有所據必

禁侵擾農桑者

元成宗諱鐵木耳世祖孫

乙未元主鐵木耳元貞元年

宋狀元宰相留夢炎仕元為學士承旨致仕

蘭州河清

陞江南大縣為州

陝西旱饑

丙申元元貞二年

禁諸王公主駙馬毋輒罪官吏

以不忽木為昭文館大學士平章軍國事

括江南隱蔽田

贛州兵起舊士選平之

丁酉元元貞三年三月以後大德元年

夏四月朔日有食之

河決杞縣蒲口

秋星出奎

禁諸王駙馬奪民田

戊戌元大德二年

罷中外土木之役

開鐵幡竿渠

以兩淮閒田給蒙古軍

秋七月大雨河決

定歲課三十取一

彗星見

己亥元大德三年

遣使問民疾苦

以哈刺哈孫為左丞相

遣僧如日本

更定律令

復立征東行省

放江南僧寺佃戶五十萬為編民

省民出公田租

庚子元大德四年

春二月朔日有食之

緬王為其下所弑發雲南兵討之

遣劉深擊八百息婦

丑辛 元大德五年

詔兵次順元蠻酋宋隆濟等連兵反

詔擊緬兵擊金齒諸蠻

秋八月彗入紫微垣

寅壬 元大德六年

誅朱清張瑄

西南夷俱反遣也速解兒等擊平之

夏六月朔日有食之

龍興民訛言括童男女

卯癸 元大德七年

遣使巡行天下

宋隆濟等平

夏閏五月朔日有食之

兩浙大饑

以哈刺哈孫為右丞相阿忽台為左丞相

冬十二月彗出紫微垣

辰甲 元大德八年

春正月平陽地震不止

夏五月朔日有食之

乙 元大德九年

三月陰雲霧桑

大同地震

立子德壽為太子尋卒

命兄子愛育黎拔力八達居懷州

給曲阜林廟廩掃戶

元大德十年

罷江南白雲宗都僧錄司

元大德十一年

安西王阿難答等來朝

元主鐵木耳卒壽四十三年

世祖嘗死而成宗以卒書何視魏明晉惠

例也夫夷狄固不可主華夏然業已得之

非處心積慮之人其罪固輕於造謀主意

者也

左丞相阿忽台等謀奉后伯岳吾氏臨朝以

安西王阿難答為政右丞相哈刺哈孫遣使

迎懷寧王海山于漠北及其弟愛育黎拔力

八達于懷州

愛育黎拔力八達至自懷州誅阿忽台等

阿難答歸于上都

夏五月海山至上都廢后伯岳吾氏殺阿難

營等

懷益主海山立于上都

謁謁

追其父為順宗皇帝

加哈喇哈孫為太傅

以塔刺海為左丞相

立弟愛育黎拔力八達為太子

封禿刺為越王遷哈喇哈孫為和林左丞相

以塔刺海為右丞相塔思不花為左丞相

制加孔子號曰大成

按自古謚號必加以實字未有用譬喻之

語者成之言出於尚書大成之言出於孟

子成者樂之一終也孟子以樂之始終兼

聖智之全譬喻孔子之聖兼伯夷伊尹柳

下惠之清之任之和而時出之蓋假設之

辭非真實之德也加此二字於至聖文宣

王之上固於聖德無所增益也竊觀孔子

作春秋其意切切於華夷之辨毫髮不肯

假借政恐後世夷狄或至犯我中國之

防微杜漸無所不至豈意莫極之後千

八百餘年天翻地覆而有蒙古之禍哉由  
是推聖人之心切恐其在天之靈必不之

愛也

停內降旨選官

元主至自上都

山東饑

徵處士蕭對為太子右諭德尋以病辭歸

元武宗諱海山

以阿沙不花為右丞相行御史大夫事

兩浙饑

西僧毆上都留守李璽釋不問

詔毆西僧者斷其手詔者截其舌

加宦者李邦寧大司徒兼左丞相

以塔思不花為右丞相乞台普濟為左丞相

諸路水旱蝗

以西僧教瓦班為翰林學士承旨

以乞台普濟為右丞相脫虎脫為左丞相

詔有司贖饑民所鬻子女

配

元至大二年

追還內降書

河決歸德封丘

復置尚書省保八請以乞台普濟為右丞相

脫虎脫為左丞相三寶奴樂實為平章政事

保八為右丞王羅為參知政事從之

頒行至大銀鈔

始鑄錢

質江南富民子為軍

以阿散為尚書左丞相行中書平章政事

戊辰  
元至大三年

徵李孟入見

以樂實為尚書左丞相

詔脫虎脫三寶奴總百司庶務

荆襄大水山崩

修明勸農之令

癸亥  
元至大四年

春正月元主海山卒在位五年

愛育黎拔力八達罷尚書省誅脫虎脫三寶

奴樂實等

以鐵木迭兒為右丞相李孟平章政事

召先朝舊臣程鵬飛等十五人

三月愛育黎拔力八達立仁宗

寧夏地裂

遣宦者李邦寧釋奠于孔子是日大風

罷至大銀鈔銅錢

遣兵擊八百息婦

壬子  
元仁宗  
愛育黎拔力八達  
立  
元主  
愛育黎拔力八達  
皇  
慶  
元  
年

以阿散為左丞相

夏六月朔日有食之

癸丑  
元皇慶二年

以禿忽魯為右丞相

春二月葺出東井

夏六月京師地大震

以許衡從祀孔子

自唐以諸儒從祀孔子廟庭後世因之必

其人於孔子之道有發明衛翼之功然後

與焉非徒崇德亦以報功也夫孔子有大

功於天地以其刪述六經也世之儒者必

於是大者之經躬而行之聞而明之然後

得以與於從祀之列苟棄其書而不用  
其道而逆施陪食聖人廟庭之謂其心  
乎春秋一經關係尤大宋王安石棄春秋  
之經者也一時群小附和雖躋之於從祀  
之列其後公論卒定統而去之元之許衡  
則悼春秋之道者也春秋之道內夏外夷  
一會之頃尚不容其主中國况四海之大  
其肯容之為君乎或曰仕元之人多矣乃  
獨責衡可乎曰此朱子責備揚雄之意也  
他人隨世就功名者何責焉愚情無知識  
少時嘗安有所論謹錄其畧分書于下  
或曰宋室南遷文真據中原韃靼而  
有之三綱淪而九法敗矣賴許子以河  
正傳起而補之中國不絕於變功也夷  
不盡入於禽獸未必非許子功也使當  
許子豈可輕譽乎我必為一派世計則  
固不為無功矣考為萬世計則許子豈  
罪哉嘗即元史考之妻無偏正皆稱后  
而第妻其嫡太史父死而子孫其兄  
夷狄之朝賀又造為字殿以與其君  
同受群臣之朝賀又造為字殿以與  
之正員必以後之文焉其教蓋遜出  
是不得與治天之下大抵元法也許  
言子之乎是言則史必書之矣此其

者不能變之則其功矣不  
於行也人所以為不盡  
天理在人心者不容  
言乎豈必當行於時  
皆不足以為當行於時  
當大宋明成之時所以  
許少壯明成之時所以  
於身身壯明成之時所以  
室既亡矣則已如神乎  
中也不仕則已如神乎  
子也春秋主則已如神乎  
道說魏齊之君而曾無  
氏李泰伯亦嘗非之而  
於孟子然且為之辨折  
言孟子然且為之辨折  
然戰國之時周過其  
之戰國之時周過其  
以戰國之時周過其  
乎王天下者以城野  
下之亂云耳今乃  
空名哉蓋王侯之天下  
則非主善矣孟子之  
已焉耳王善乎先儒  
周文王事殷之心也  
武王伐紂善乎先儒  
知孟子善學孔子也  
也而足跡未嘗適秦  
此賈誼所以未嘗適秦  
建國誼胡銓也況揚  
中國乎也胡銓也況揚  
上為中國主事足矣  
漢為中國主事足矣  
欲為中國主事足矣





漢北

丙辰 元延祐三年

太史令郭守敬卒

立子碩德八剌為太子

丁巳 元延祐四年

以阿散為右丞相

以伯答沙為右丞相復以阿散為左丞相

嶺北地震三日

戊午 元延祐五年

春二月朔日有食之

未巳 元延祐六年

春二月朔日有食之

山東淮南諸路大水

庚申 元延祐七年

春正月朔日有食之

元主愛育黎拔力八達卒在位十六年

太后以其倖臣鐵木迭兒為右丞相

鐵木迭兒殺前中書平章政事蕭拜住御史

中丞楊朵兒只

太子碩德八剌立是歲

尊其祖母為太皇太后母為皇太后

加鐵木迭兒太師

左遷李孟

殺上都留守賀勝

以拜住為左丞相

秋七月太陰犯昴

許上書言事者得專達

元英宗諱碩德八剌

西辛 元主碩德八剌至治元年

遷武宗子圖帖睦爾于海南

夏六月朔日有食之

禁妄言時政

冬十二月大陰犯昴

戊壬 元至治二年

春正月太陰犯昴

命有司恤孔子子孫貧乏者

禁捕駕鴛鴦違者籍其家

以旱潦免河間等十二郡民租之半

秋九月京師地震

以拜住為右丞相

冬十一月朔日有食之

癸元至治三年

春三月元主如上都

秋八月御史大夫鐵失弒元主碩德八剌于

坡及其右丞相拜住在位四十年

諸王按梯不花等迎晉王也孫鐵木兒于北

邊

九月也孫鐵木兒立于龍居河是為泰定帝

以也先鐵木兒為右丞相鐵失知樞密院事

冬十月逆黨也先鐵木兒鐵失等伏誅

元主至大都

雪楊朵兒只蕭拜住賀勝等寃

元主追尊父晉王甘剌麻為皇帝

流諸王按梯不花等于邊地

以倒刺沙為左丞相

元泰定帝諱也孫鐵木兒世祖曾孫元主也

召圖帖睦爾于海南封懷王尋出居建康

立子阿速吉八為太子

冬十月太白入斗

元泰定二年

以塔失鐵木兒為右丞相

元泰定三年

河決陽武

元泰定四年

旱蝗民饑

秋八月山崩地震

秋九月朔日有食之元泰定五年二月以後致和元年九月以

元主如上都命簽書樞密院事燕帖木兒留

守大都

徙圖帖睦爾于江陵

禁蒙古色目人不許居親喪

寧夏地震

秋七月元主也孫鐵木兒卒于上都在位六年

燕帖木兒執大都臺省臣烏伯都刺等下之

獄遣使迎圖帖睦爾于江陵

太子阿速吉八立于上都改元天順遣梁王

王禪等將兵分道討燕帖木兒

圖帖睦爾入大都殺烏伯都剌流朶朶等于遠州

圖帖睦爾立于大都

是為文宗

梁王王禪等兵入居庸關

圖帖睦爾兵陷上都王禪遁走倒剌沙等出降圖帖睦爾弑阿速吉八

考元史書阿速吉八不知所終而此書圖

帖睦爾弑之何法春秋書趙盾之意也泰

定帝乃裕宗之嫡孫甘麻剌之長子於屬

為宗子非不當立也英宗鐵失所弑諸

王迎立之初不與其謀武宗二子次雖當

立然既為英宗所據則非其所有矣泰定

初立之年即立阿速吉八為太子至是五

年各分已定圖帖睦爾遣兵攻之以致于

死地史不明言其所以致死之由然所以

致之死地者圖帖睦爾也政不必追究其

用挺與刃也

圖帖睦爾遣使迎其兄和世琜于漠北

圖帖睦爾殺梁王禪及左丞相倒剌沙等

四川行省平章政事囊加台稱兵燒絕棧道

弛蒙古色目人居親喪之禁

世史正綱卷三十一

卷三十一

世史正綱卷三十二

元世史

元文宗

諱圖帖睦爾  
武宗次子

元天曆二年

周王和世㻋立于和寧之北

陝西大旱饑

圖帖睦爾立其妃為后

圖帖睦爾追尊和世㻋女及其母並為后

圖帖睦爾遣燕帖木兒奉皇帝寶赴漠北和

世㻋以燕帖木兒為太師

和世㻋遣使立圖帖睦爾為太子

秋七月朔日有食之

太白經天

八月丙戌和世㻋次旺忽察都地圖帖睦爾

入見庚寅和世㻋暴卒

按順帝紀後至元六年詔天下謂文宗謀

為不軌使明宗欲恨而崩則文宗弒逆明

矣史綱書以暴卒何夫弒逆大罪也加人

以大罪自非覈其獄詞真無毫髮之疑何

可以輕加人哉考史文宗崩有子燕帖古

纂集

思其后舍已子而立明宗之子寧宗寧宗

死又迎寧宗兄順帝於廣西而立之設使

文宗果有弒逆之舉文宗后獨不慮立所

害之人之子他日不報讎於我乎使已無

子不得已尚求諸他况已有子乎雖后婦

人慮不及此當時同事之人如燕帖木兒

輩固在也不慮及此何哉意必順帝憾文

宗謂已非明宗子出之于外欲逞其憾或

者遂從而搆之邪其事之可疑有如此者

此其所以不敢加以大罪歟然則文宗謂

順帝非明宗子是歟四順帝生朔漠之外

其事之真偽不可知若謂其為瀛國公之

子則愚決不敢信以為然也

圖帖睦爾以伯顏為左丞相

圖帖睦爾復立于上都

國子監祭酒孛術魯翀不拜帝師

按元史元起朔方崇尚釋教及得西域世

征郡縣其地而領之於帝師帝師之命與

詔勅並行於西土所以敬禮之者無所不

至帝后妃主皆受其戒為之膜拜正衙朝

會百官班列而帝師專席於座隅其來朝也未至而迎之中書大臣馳驛累百騎以往既至則命朝臣一品以下咸郊迎大臣俯伏進饗帝師不為動惟天曆中國子酒字未魯辨舉饗立進曰帝師釋迦之徒天下僧人師也予孔子之徒天下儒人師也請各不為禮蒙古百年之間僅見此爾史氏書以為美談則前此無一人敢與之抗禮者可知也然字未魯辨所值帝師者乃其徒類依次而為之者耳其禮尚加嚴重如此况其始封之人上之人謂之為皇天之下一人之上者哉當時以道紀自名一世士大夫以之接孔孟之緒者考其居位之日政與其人相當不知其所以為禮何如也設或有之作史者必大書以誇謝之矣又何貴於字未魯辨也

午

元天曆三年五月以後至順元年

封明宗子懿璘質班為鄜王

罷置左丞相

弘吉刺氏殺明宗后八不沙

加封顏回為充國復聖公曾參鄆國宗聖公孔伋沂國述聖公孟軻鄒國亞聖公詔加孔子父母封爵

孔子父母有封爵始此

江南大水

始親祀南郊

始以漢董仲舒從祀孔子

立子阿剌忒納答刺為太子尋卒

辛

元至順二年

元翰林學士吳澄卒

許衡之卒不書官而澄書官且加之以元何也衡生元人域中不得已而為之用其心尚有不慊焉者澄宋朝鄉貢進士平昔所志者何道仕之所得幾何而頓忘孔子春秋之教哉

秋八月朔日有食之

冬十一月朔日有食之

壬

元至順三年

元圖帖睦爾死

在位五年壽二十九

和世琜子懿璘質班立尋卒

是為寧宗

元主妥懽帖睦爾于靜江  
元主妥懽帖睦爾于靜江

燕帖木兒死

夏五月京師地震

女懽帖睦爾立于上都是為順帝

以伯顏為太師右丞相撒敦為太傅左丞相

京畿大霖雨

立燕帖木兒女伯牙吾氏為后

封撒敦為榮王唐其勢襲封太平王

封伯顏為秦王是日蔡州山崩地裂

元順帝諱妥懽帖睦爾

甲戌元主妥懽帖睦爾元統二年

春正月汴梁雨血

三月雨毛

水旱疫民饑

夏四月朔日有食之

京師地震鷄鳴山崩

乙亥元統三年十一月以後至元元年

唐其勢反伯顏弒后伯牙吾氏

罷科舉

冬十月太陰犯昴

太白屢經天

丙子元至元二年

秋八月朔日有食之

冬十月太陰犯昴

水旱蝗

戊申元至元三年

春二月朔日有食之

太陰犯昴

廣東朱光卿湖南捧胡等兵起

弛江浙諸處山澤之禁

禁漢人南人不得執兵器

民訛言采童男女

夏五月彗星見自昴至房歷十五宿

京師地震

伯顏請殺漢人張王劉李趙五姓不從

太白屢經天

庚戌元至元四年

漳州袁州兵起

秋八月朔日有食之

太陰犯昴

京師地震

冬十二月太陰復犯昴

太白屢經天

犯  
元至元五年

春二月太陰犯昴

以伯顏為大丞相

秋八月太陰復犯昴

太白屢經天

庚辰  
元至元六年

春二月太陰犯昴

伯顏有罪黜為河南行省左丞相尋竄南恩

州死

以馬扎兒台為太師右丞相脫脫知樞密院

事

彗星見

廢文宗廟主遷其后于東安州幽以死放其

子燕帖古思于高麗殺諸途

御史崔敬言燕帖古思不宜放逐不報

秋九月太陰復犯昴

以脫脫為右丞相鐵木兒不花為左丞相

復行科舉

元至正元年

湖廣山東燕南兵起

大饑

元至正二年

聞金河口

大同饑人相食

秋八月朔日有食之

冬十月朔日有食之

十二月京師地震

癸卯  
元至正三年

鞏昌山崩

脩宋遼金三史

夏四月朔日有食之

秋七月汴梁大水

以別兒怯不花為左丞相

甲申  
元至正四年

河決曹州

以阿魯圖為右丞相

温州海溢

秋九月朔日有食之

乙元正五年

蕪州地震

秋九月朔日有食之

丙元正六年

春二月朔日有食之

賜賀惟一以蒙古姓名曰太平以為御史大夫

元故事正官非國人不以授故賜賀惟一

以胡姓名而後以為御史大夫嗚呼唐以

華姓賜夷狄蓋廢之也君子猶識其亂中

國之族元以夷狄之姓名賜華人豈非欲

率中國之人而盡為夷種乎中國之人貪

其爵祿非徒忘其身且忘其祖不有

聖君者出天下幾何而不盡為夷哉

山東地震

陝西饑

羅天麟等兵起破河州

河決

元正七年

春正月朔日有食之

以宦者伯帖木兒為司徒

二月山東地震

以鐵木兒塔識為左丞相

河東大旱

放馬扎兒台于西寧

沿江兵起

以朶兒只為右丞相太平為左丞相

戊元正八年

霖雨山崩江溢

秋七月朔日有食之

虞集卒

台州方國珍兵起

丑元正九年

棗陽童子暴長

書人暴長始此

以脫脫為右丞相

脫脫奏事內庭以左丞韓元善參知政事韓

鏞皆漢人使退避



嗚呼疑人不用用人不疑既用中國人以  
爲執政大臣事皆預聞可也元制凡事關  
軍機則屏出漢人不使預聞是其心恒以  
夷自居而疑漢人也自元得中國至是幾  
百年矣而彼我疑似之心猶存是蓋未嘗  
一日以華自居也而議者剛欲以華待之  
何

冬十一月朔日有食之

庚寅  
元至正十年

夏六月有星大如月入北斗震聲若雷

冬十一月朔日有食之

更鈔法

辛卯  
元至正十一年 天完主徐壽輝治平元

詔脩河防以賈魯爲總治河防使

冀晉地震半月乃止

夏五月朔日有食之

潁州劉福通蕭縣李二羅田徐壽輝等兵起  
江浙行省左丞孛羅帖木兒爲方國珍所執  
遣官招降方國珍授以官

先正有言元之失天下招安之說誤之也

何則人君所以立國者以其有紀綱也所  
以振其紀綱者以其有賞罰也賞必加於  
善刑必施諸惡使天下知所勸懲焉則治  
本立矣方國珍者當天下無事之時一旦  
敢爲亂首以爲天下先爲元人計則痛誅  
勦之以懲夫民之不逞者可也乃聽人言  
行招安之策不徒不加之罪而又授之  
以官是以賞善之具以勸惡也由是群不  
逞之徒紛然相倣倣相謗謗事幸成或得  
以爲王爲伯不成亦不失州縣之官用是  
盜賊蠭起而元因是亡矣雖然豈但元哉  
宋人有詩云仕途捷徑無過賊將相奇謀  
只是招則其來遠矣然則國家不得已而  
當此時有此寇何以處之乎曰弭禍亂者  
必折其萌國家無事之時齊民無故首與  
禍亂要必合天下之力以攻之遏絕其萌  
使無至于蔓衍決不可用招安之策也萬  
一不得已而用焉必播告之曰除首惡一  
名不赦外自首名外有能自首及縛其人  
來者皆宥其罪或加以賞焉使天下之人

曉無皆知朝廷嚴首惡之誅的然不輕恕  
則禍亂之源庶幾少塞乎

也先帖木兒元遣使通其黨韓咬兒

冬十月元帖木兒遣使通其黨韓咬兒

太陰犯昴

徐壽輝稱帝于蘄水號天完

十一月有星孛于西方自奎至昴

太白屢經天

元至正十二年

徐壽輝兵破漢陽諸郡又破江州總管李嗣

戰死

定遠郭子興等兵起破濠州

徐壽輝兵破袁瑞饒信徽等州

省臺官始兼用南人

台州路達魯花赤泰不花與方國珍戰死之

隴西地震

徐壽輝破吉安

夏四月朔日有食之

徙故宋主子趙完普筓于沙州

大名旱蝗

徐壽輝兵破杭州樊抗戰死

徐壽輝破李二於徐州屠其城

以和闐為淮西宣慰副使行安慶

冬十月霍山崩

是言輩趙普勝兵敗死之

趙普勝用據濠州

察罕帖木兒李思齊起義兵授以官

元至正十三年

立分司農司募人耕京畿近水地

泰州張士誠兵起據高郵執知府李齊

立子愛猷識理達臘為太子

秋九月朔日有食之

十顏帖木兒等會兵破徐壽輝于蘄水

哈麻達西番僧獻淫戲

冬十二月大都無雲而雷

郭子興入滁州

元至正十四年

春正月汴河水五色

京師食不足遣貢師泰和糴于浙西

三月朔日有食之

江西湖廣大錢

張士誠攻揚州

秋七月太陰犯昴

命脫脫督諸軍擊張士誠

以定住為左丞相哈麻為平章政事

哈麻嗾御史袁賽因不花等劾脫脫削脫脫

官爵安置淮安以太不花代總其軍

大都大饑民相食

冬十二月太陰掩昴

元主製龍舟於內苑

元主至正十五年宋主韓林兒龍鳳元年

入元以來歲下之圖皆塗以黑而此年白

之者何天運轉而陽道復陰翳消也然則

圖之黑白亦有所本歟曰本太極圖之陰

陽也中國為陽夷狄為陰

教授鄭咥請禁國俗不許妻諸母及兄妻不

報

元主中國至是七十六年又十有四年元

亡矣而胡俗之妻其繼母庶母伯叔母及

嫂終元之世未嘗或改也夫男女有別然

父子兄弟之別正洪範之

彝倫攸斁之時百年之間中國淪於

狄人類同於禽獸可嘆也哉

遣兵分戍河南諸路

劉福通以韓林兒稱宋帝

徐壽輝兵破襄陽

竇脫脫于雲南

蘇州雨血

以定住為右丞相哈麻為左丞相哈麻弟雪

雪為御史大夫

削太不花官爵命答失八都魯總其兵

倪文俊破中興路

夏六月我

太祖皇帝起兵自和陽渡江取太平路

蒙古招諭諸起兵者

自元世祖之後皆書以元至是書以蒙古

何大明出而燭火熄也

蒙古兵圍亳劉福通以韓林兒走安豐

哈麻殺其故相脫脫

蒙古置大兵農司招人耕水田

○元至正十六年

春正月太陰犯昴

蒙古哈麻雪雪伏誅

荊州地震

徐壽輝據漢陽

張士誠入平江據之

三月我

太祖克金陵改集慶路為應天府

方國珍降于蒙古

是月有兩日相盪

彰德李實如黃瓜

張士誠兵破杭州

夏五月太陰犯昴

秋八月彗星見

冬十月星殞大名化為石

淮安城破褚不華戰死

丁酉○元至正十七年

春正月朔日有食之

毛貴破膠萊諸州

蒙古以糊思監為右丞相太平為左丞相

夏六月有龍闕于樂清江

秋七月蒙古大都晝霧

劉福通攻汴梁遂分兵略山東西

苗軍大掠于浙西

張士誠降于蒙古

陳友諒襲殺倪文俊

冬十月太陰掩昴

十一月汾州桃花

明玉珍據蜀

河南大饑

蒙古以孛羅帖木兒為河南平章政事

蒙古詔天下團結義兵

蒙古歐陽玄致仕不能還卒于大都

戊戌○元至正十八年

春正月太陰犯昴

陳友諒破安慶余闕死之

毛貴破濟南董博霄戰死

田豐破濟寧

毛貴破荊州蒙古徵四方兵入衛

大同夜空中有聲如雷有雲如火

陳友諒破龍興

劉福通破汴梁奉韓林兒居之

蒙古誅太不花以悟良哈台代總其軍

山東地裂

夏六月朔日有食之

關先生破遼州大掠塞外諸郡

秋八月太陰掩昴

蒙陰縣饑斗米金一斤

冬十月太陰犯昴

十一月太陰復犯昴

蒙古搆恩監有罪免以紐的該為右丞相

冬十二月朔日有食之

關先生破上都焚宮闕

大饑疫

太白經天

紀○元至正十九年

春正月太陰犯昴

方國珍以溫台慶元三郡附我

太祖

趙均用殺毛貴

夏五月大蝗

京師大饑斗米銀六兩

陳友諒攻信州蒙古伯顏不花的斤往救死之

蒙古察罕帖木兒克汴梁韓林兒復走安豐

蒙古徵糧于張士誠海運至者十一萬石

嗚呼民以食為天人七日無穀氣則死則

食乃生民之命國家所恃以為國者也方

元人盛時歲漕江淮米以給京師幾至四

百萬石及其衰也道路不通哀求于反賊

僅得十一萬石其後升斗不與焉譬則富

室之城居者仰資郊外粟以自給而負郭

之產無半畝焉一旦路梗而外粟不來惟

坐以待斃而已嗚呼後世食人之祿而謀

人之國者當承平無事之時烏可不深思

遠計以為先事之慮哉詩不云乎殷鑒不

遠在夏后氏之世

蒙古授方國珍江浙行省平章政事

大都有杜鵑

陳友諒幽徐壽輝于江州自稱漢

漢主陳友諒大義元年

春正月彗見北方

蒙古復以搠思監為右丞相

夏五月朔日有食之雨雹

陳友諒弒徐壽輝遂自稱帝

蒙古孛羅帖木兒攻冀寧察罕帖木兒拒戰

遣使和解之

蒙古陽翟王阿魯輝帖木兒舉兵于北邊

夏四月朔日有食之

蒙古以張良弼為陝西行省參知政事

秋八月我

太祖拔江州陳友諒走武昌

田豐等降于察罕帖木兒

明玉珍破東川郡縣

冬十一月黃河清

大饑

春正月彗星見長二丈餘三月滅于昴

夏四月長星見

蒙古將李思齊攻張良弼良弼敗之

明玉珍破雲南自稱龍蜀王

夏六月彗出紫微垣

田豐殺察罕帖木兒蒙古以其子擴廓帖木

兒代總其兵

擴廓帖木兒斬田豐

明玉珍稱帝于蜀

張士誠兵入安豐殺劉福進等據其城我

太祖帥兵擊走之

春三月彗見東方

陳友諒圍洪都我

太祖討之大戰于鄱陽湖友諒敗死子理立還

武昌

張士誠自稱吳王蒙古遣使徵糧不與

冬十月山東赤氣千里

孛羅帖木兒兵攻冀寧擴廓帖木兒擊走之

蒙古殺太平

蒙古治書侍御史陳祖仁上書被黜

春正月我

太祖建國號曰吳自將伐陳理克湖廣江西

蒙古削李羅帖木兒官爵不受命命擴廓帖木兒討之

夏四月李羅帖木兒舉兵犯闕殺搠思監太子愛猷識理達臘出奔

五月愛猷識理達臘還遣兵攻大同李羅帖木兒復舉兵犯闕愛猷識理達臘率師拒之不利復出奔以李羅帖木兒為右丞相

秋八月朔日有食之

張士誠逐江浙丞相達識帖睦爾

P.7  
○元至正二十五年

春二月日旁有一月一星

蒙古愛猷識理達臘討李羅帖木兒李羅帖木兒幽其二皇后奇氏

夏五月大都雨雹

蒙古命擴廓帖木兒總制諸道軍馬

我

太祖立國子學于應天府

○元至正二十六年

春二月黃河北徙

蒙古擴廓帖木兒張良弼李思齊連兵交戰明玉珍卒子昇立

我

太祖求遺書

我

太祖肇造之初其所以建創者多矣皆不之書而獨書其求遺書者何曰此

聖祖所以為天下萬世之慮者也夫豈為一時建一事者之可倫哉秦之所以無道以其

專尚法律而焚詩書漢之所以雜伯以其

惟收圖籍而棄墳典我

聖祖於庶事草創日不暇給之際已留神及此

嗚呼所以為天地立心為生民立命為往

聖繼絕學為萬世開太平端在此歟

秋七月朔日有食之

有星孛于東北

韓林兒卒于瓜步

○元至正二十七年

春正月朔日無光

夏六月朔日有食之

蒙古命太子總制天下軍馬置大撫軍院

秋九月我

太祖克平江執張士誠

冬十月我

太祖傳檄中原

檄曰自古帝王臨御天下中國居內以制夷狄夷狄居外以奉中國未聞以夷狄治天下者也自宋祚傾移元以北狄入主中國四海內外罔不臣服此豈人力實乃天授然達人

志士尚有冠履倒置之嘆自是以後廢壞綱常至於弟收兄妻子烝父妾上下相習恬不為怪其於父子君臣夫婦長幼之倫瀆亂甚矣夫人君者斯民之宗主朝廷者天下之根本禮義者御世之大防其所為如彼豈可為訓於天下後世哉及其後嗣沈荒失君臣之道又加以宰相專權憲臺報怨有司毒虐於是人心離叛天下兵起使我中國之民死者肝腦塗地生者骨肉不相保雖因人事所致實天厭其德而棄之之時也古云胡虜無百

年之運驗之今日信乎不繆當此之時天運循環中原氣盛億兆之中當降生聖人驅逐胡虜恢復中華立綱陳紀救濟斯民今一紀于茲未聞有濟世安民者徒使爾等戰戰兢兢處於朝秦暮楚之地誠可矜閔方今河洛關陝雖有數雄忘中國祖宗之姓反就胡虜禽獸之名以為美稱假元號以濟私恃有眾以要君阻兵據險互相吞噬反為生民之巨害皆非華夏之主也予本淮右布衣因天下亂為眾所推率師渡江居金陵形勢之地今十有三年西抵巴蜀東連滄海南控閩越湖湘漢沔兩淮徐邳皆入版圖奄及南方盡為我有民稍安食稍足兵稍精控弦執矢目視我中原之民久無所主深用疚心予恭天成命罔敢自安方欲遣兵北逐群虜拯生民於塗炭復漢官之威儀慮民人未知反為我讎挈家北足陷溺尤深故先諭告兵至民人勿避子號令嚴肅無秋毫之犯歸我者求安於中華背我者自竄於塞外蓋我中國之民天必命中國之人以安之矣夷狄何得而治哉



○明世史

我

太祖聖神文武欽明啓運俊德成功統天大孝高皇帝

帳明太祖高皇帝洪武元年元至正二十八年

春正月我

太祖即皇帝位復中國之統國號曰大明

嗚呼上天下地而人處乎其中人所處之處是則所謂世也天道有陰有陽世道有治有亂世道之治亂本乎天道之陰陽各

以其類而應是故陽之類中國也君子也天理也陰之類夷狄也小人也人欲也陽明用事則中國尊安君子在位天理流行如此則為治世陰濁用事則夷狄僭亂小人得志人欲恣肆如此則為亂世天生聖人稟天德之全任世道之責是以其持世也必用君子而不間以小人必存天理而不雜以人欲此無他所以立其極以為內治之本謹其防以為外侮之禦也夫以中國之人為中國之主苟用小人縱人欲且

不足以制伏夷狄矧以夷狄之人而為中國之主哉以夷狄之人為中國之主是天地翻覆也是首足倒置也地上乎天則天非天矣足反為首則人非人矣噫天而非天人而非人茲何等時世哉此世道之責所以必有待乎

聖人之生也自有天地以來中國未嘗一日而無統也雖五胡亂華而晉祚猶存遼金僭虜而宋系不斷未有中國之統盡絕而皆夷狄之歸如元之世者也三綱既淪九法亦斁天地於是乎易位日月於是乎晦冥陰濁用事遲遲至於九十三年之久中國之人漸染其俗日與之化身其氏名口其言語家其倫類忘其身之為華十室而八九矣不有

聖君者出乘天心之所厭驅其類而蕩滌之中國尚得為中國乎哉中國不得為中國則凡天之所覆者皆腥膻侏離之類瘠惡驚悍之徒斯世斯民無復所謂衣冠禮樂仁義道德者矣由是觀之則我

聖祖有功於生民有功於天地有功於歷代帝

王萬萬矣夫有非常之功必享非常之祚

先儒謂漢高祖有除秦之功享國四百餘

年唐太宗有平隋之功享國三百餘年憲

秦隋之亂禍及民身而已而吾中國所謂

綱常倫理者固自若也有元之世所謂綱

常倫理蓋蕩然無餘矣天生我

聖祖付以世道之責恢復二帝三王既淪之境

土脩明三綱五典既墜之彛倫中國之統

既失而復得陽明用而天理昭著賢哲登

庸萬方之廣四海之大一旦皆為雍熙泰

和之世國號大明豈不名符其實也哉

是月彗星見于昴畢三月又出于昴北

史綱終於彗見于昴何以天道終也終于

天道何昴胡星也彗除舊布新之象也唐

李淳風作晉天文志成帝咸和七年十一

月熒惑守昴八年七月熒惑入昴占曰胡

王死是月石勒果死九年八月月又犯昴

十一月石虎廢石弘幽殺之淳風曰是時

雖二石僭號而其疆弱常占于昴不關太

微紫宮也自古精於天文者首稱淳風其

言如此則昴為胡星明矣又言彊弱不關

太微紫宮則胡人雖入中國僭大號不得

當正統又明矣嗚呼天人之際淵乎微哉

我

聖祖以正月即皇帝位復中國之統彗星即見

于昴畢之間三月又出于昴北七月而元

亡除腥膻之舊穢布

文明之新化以開千萬年太平之端天也

大文志昴畢間天街也天街北胡也南

也今彗出昴畢之間蓋天厭胡人之

亂中國故清而正之而見其象於此天

之既而除之於化外也觀其後歲在庚

戌平定沙漠於應昌巖在戊辰歲滿胡種

於捕魚兒海天

道何昭昭哉

聖丹于公集

世史正綱卷三十二終

癸集

世史正綱後序

世史正綱瓊山丘先生本朱文公  
資治通鑑綱目呂成公大事記而  
約之以為此編也綱目之作本溫  
公之通鑑表其綱而繫以目大事  
有記則本史記之年表而兼采左  
氏傳記諸書輯而廣之而附以通  
釋解題今是編則增損二書而顯

世史正綱後序

其所難明續其所未盡者也然治  
鑑始周威烈王之二十三年大記  
始敬王之三十九年史綱託始不  
本於二書而起於秦始皇二十六  
年之滅齊者蓋治鑑接左氏之終  
篇大記續獲麟之絕筆是時雖曰  
末季然猶三代封建之餘也秦罷  
侯置守以來自漢魏訖于

今日更十數代閱千數百年其建立  
規模稱謂名號維持法制皆自此  
權輿之也前乎此而為夏商周後  
乎此而為漢唐宋是蓋天地間世  
道一大變也世道之大者其要有  
三曰世曰國曰家世主華夷而言  
要必華內而夷外國主君臣而言  
要必君令而臣共家主父子而言  
要必父傳而子繼統非得之正弗  
取權非濟夫經不用君必死其社  
稷臣必死其職事父必授之於子  
子必受之於父而其極至尤在於  
嚴內夏外夷之限以為萬世大防  
故以世史為名其大義有十數焉  
學者即此以考世變求事始是亦  
格物致知之先務而脩齊治平之

要道亦不外焉開卷之際上下數  
千百年間興亡治亂之迹是非邪  
正之辨瞭然於心目之間使夫天  
下後世之人知善可鑒而惡可戒  
銷僭竊者之非望啓幽憤者之善  
念其所以扶持世教警省人心者  
其功蓋亦不小也先生在翰林時  
已屬筆及來太學始脫稿每以示  
閭且言其所以著書託始之義因  
與監丞蕭中林大猷謀刻之梓以  
永其傳既而林君以憂去而西蜀  
汪洋繼之方將具板鳩工而先生  
陞秩尚書掌詹事府入為  
國史副總裁閭因請于先生曰先生  
在太學踰十年多所著述其所著  
大學衍義補

聖天子已詔書坊板行天下矣請留世  
史正綱于太學為板本以傳天下  
後世先生曰諾我遂請其稿刻之  
梓藏之載道所付典籍掌焉謹述  
所聞于先生者而并識其歲月于  
卷末云

弘治元年歲次戊申秋八月既望  
賜進士出身朝列大夫國子祭酒

經筵講官前

太子諭德同脩國史門人京口費閭序

光緒四年歲次庚辰

濟陽

不

杜

世史正綱三十二卷

副都御史黃登賢家藏本

明邱濬撰濬有家禮儀節已著錄是書本明方孝孺釋統之意專明正統起秦始皇帝二十六年訖明洪武元年以著世變事始之所由於各條之下隨事附論然立說多偏駁不經如紀年干支之下皆規以一圈中書國號至元代則加以黑圈迨至正十五年明太祖起兵則爲白圈其說以爲本之太極圖之陰陽至是天運轉而陽道復陰翳消也率臆妄作爲史家未有之變例可謂誕王士禎池北偶談稱其議論嚴正殊爲太過陶輔桑榆漫志稱其義嚴理到括盡幽隱深得麟經之旨胡應麟史學佔畢稱春秋之後有朱氏而綱目之後有邱氏更乖舛矣

通鑑綱目前編三卷

〔明〕許誥撰

天一閣文物保管所藏明嘉靖五年刻本

附《四庫全書總目·通鑑綱目

前編三卷》提要

通鑑綱目前編序

作史果難乎據事直書吾未見其難也作史果易乎孔子作春秋筆則筆削則削游夏不能贊一辭然則謂之易不可也蓋據事直書可能也攷訂史籍之訛曲盡事物之變使往古之迹洞見於筆削之間是非之實不謬於予奪之際則非學問精博識見平正者不能也是固不易矣友人函谷許子以春秋終

綱目前編序

於獲麟綱目始於周戾三晉中間斷而不續者餘七十年廼作通鑑綱目前編三卷以補其缺叅稽諸史旁及經傳歲月事迹之訛悉加考訂至於大書提要分註備言則取法於春秋綱目其用心可謂勞矣間以示瑋俾序諸首瑋惟古之聖賢得位行道則不暇著書其著書者大抵多出於窮居困阨之士蓋其學問識見既足以經濟天下而目前之事又

有以感觸其心欲起而治之不可得故不得已而寓於著述之間使後世有能信而行之者則施設之權雖不自我出而道固已行矣孔子之作春秋朱子之作綱目皆此意也函谷之作是編夫豈偶然哉函谷在

孝宗朝任黃門給事在

武宗朝任翰林檢討位嘗顯矣值逆瑾用事尊甫冢宰公以持正相忤致仕函谷及弟皆

綱目前編序

二

外補瑾誅徵拜尚寶卿函谷遂辭位家居著書立言若將沒齒其作此編不可謂之無意項以當道論薦徵拜南京通政司叅議漸當柄用嗚呼聖賢之道未得位則寓於書得位則行於時自古皆然吾於函谷有望矣函谷之學問識見備作史之難觀者自能得之不暇多贊姑書此編首以明雅志以徵他日云嘉靖四年冬十月下弦日懷慶何瑋撰

通鑑綱目前編序

經以載道史以紀事因行事善惡以示勸戒以明道義是史亦載道也唐虞三代之史爲書書之後孔子作春秋以正王道明大法斷自聖筆故亦謂之經說者謂春秋絕筆綱目繼作予攷春秋終周敬王三十九年庚申爲魯哀公十四年溫公通鑑朱子綱目始威烈王二十三年戊寅中間尚有元貞定考三王

綱目前編序

二

夫以五王二十國諸侯七十餘年之事廢絕不紀信史氏之缺典也仁山金氏履祥作通鑑前編雖嘗補繼斷缺第書未立勸戒不明歲時間有錯誤統系亦未詳列觀者病焉如晉侯午卒而曰晉定公卒趙鞅卒而曰趙簡子卒陳恒弑君而曰陳成子卒之類甚衆誥病居之餘不揣寡陋妄自稽考叅酌史傳編纂成書始於敬王癸亥終于威烈戊寅大

書天王之統分繫諸侯之國事據實而直陳  
義因文而自見匪敢上繼春秋之後特欲下  
補綱目之前中間書法立例悉與弟譔訂議  
可否務俾不背聖經或者乃謂溫公朱子必  
缺此者避續經之嫌恐後學不當要有所述  
予謂孔子作春秋主于明道非禁後學之著  
述也溫公始戊寅蓋因趙韓魏事頗重大或  
以此後載籍稽攷可據朱子因而不改恐無

綱目前編序

二

避嫌之意且著述所以明道今之大嫌在問  
學寡昧不足明道耳使著述而能明道固孔  
子所不罪溫公朱子所與進庸何害焉前有  
春秋後有綱目中間乃獨缺此凡有識者咸  
以爲憾矧編中亦有義可言歟書甲子者明  
天運也書周王者大一統也書列國者臣諸  
侯也書春者行夏時重歲首也書侵者兵非  
義也書取者非其有也諸侯而生名討其罪

也諸侯而書卒不請命也大夫而書卒譏世  
卿也或不書大夫以著其擅興師旅或特書  
大夫以著其擅滅鄰國或原始以正其誅或  
要終以昭其亂或與而進之或抑而退之引  
而伸之觸類而長之善善惡惡之義存焉匪  
敢自謂能載道也嘉靖甲申二月望日函谷  
居士靈寶許誥書

綱目前編序

三



通鑑綱目前編序

正德戊辰兄函谷先生自翰林出判全州讚  
示謫知臨淄縣庚午同丁先大宰公憂制後  
讚復覲顏仕途兄閉門不出日惟討探經史  
著述理義詩有攷易有參丁丑起尚寶丞三  
月即陳情回籍學益精勤辛巳冬讚以山西  
提學叅蜀藩過家一日先生呼讚坐而言曰  
春秋自夫子絕筆後至通鑑綱目威烈王二

綱目前編序

十三年間七十餘年之事兩不該載間有散  
見各書又多錯誤年號名系予先考正年號  
繼而訂正諸國君長生卒嗣滅之詳叅攷羣  
書實其事於間俱有次第但避續經之嫌耳  
讚曰七十餘年天時人事紊亂不明恨見不  
及此耳既有見焉忍置而不為之一著明乎  
先生因出所攷與讚訂議書法凡例叅據各  
書詳條定要書將就成先生猶以續經為嫌

讚曰春秋自夫子筆削後謂之經其先實魯  
史之舊文也夫子之筆削不可攷而所因者  
諒亦多焉褒貶舉刺安知舊史不有其法乎  
麟經絕筆夫子豈拒後世之傳述也哉何嫌  
之有先生又以所考綱似經目似傳為嫌讚  
曰經者先以天時大書天王之統分系列國  
之號揭要提領朱子通鑑之綱用其例傳者  
詳其事而叙其實通鑑之目用其例綱目之

綱目前編序

於經傳文不相同而意實相承後世雖有作  
者弗可易也已自今觀之以綱目為經傳以  
經傳為綱目亦可也先生之所考續麟經之  
絕天王之統列國之系人情事勢猶未改移  
不得不用經傳之法周滅秦興列國續亡勢  
漸歸一人事頓異蓋又一事例也故通鑑綱  
目作焉然豈盡謂避忌經傳之文而離其法  
哉先生又曰余之所考綱目書有前後高下

有可議乎讚曰綱雖先生之筆總會其意而實不出於條目之所陳不得不先目雖羣賢之言詳叙其事而散見於羣書之所載不得不後自古惟春秋先有經而左氏傳其事于後雖朱子通鑑亦因目而作綱此古今通例又何議焉且使七十餘年之事散漫遺逸者總類而條陳之補廢續缺彰隱正誤事從其人人系於國國統於王王從乎天歲時正而

綱目前編序

三

天道明列土分而地道正善惡判而人道開祖述聖賢之道而師承其遺法以成此書必聖賢之所不罪也先生其何嫌何疑顧亟成之甲申歲書成獨始授讚適有浙藩

命下携來錢塘捐俸錄梓以與四方之士君子共詳覽云

嘉靖丙戌秋七月望日靈寶松臯居士弟許讚拜書

通鑑綱目前編凡例

一今所攷以左傳史記國語戰國策稽古錄吳越春秋大事記通鑑前編諸書為據其有年時不合者則以本國所書之年為正如晉事則以晉世家所書者為正餘國所書有不同者亦不計也

一諸侯書薨公書卒者以其上不請命于天子已欲立而即立胡傳所謂不與其

綱目前編凡例

為諸侯也

一弑君之賊削爵書死討人倫之大變也春秋中如楚子虔誘蔡侯般殺之於申般仍書爵聖人權以合道親見當時之史必有深意故弑君書爵在春秋則可在後學則不可也

一聲罪致討曰伐潛師掠境曰侵今於有為有名而加兵有則書伐無為無名而

擅加兵者則書侵

一通鑑前編所載史記諸書或不載者今亦仍舊附書如田汾敗晉趙氏獲其將韓舉取平邑之類是已

一春秋中書盟有參盟特盟等類今因史無攷止書曰盟

一太子踐位書立諸侯之子大夫之子不請命而立者書嗣取繼嗣之義不與其

綱目前編凡例

繼位也篡弑之賊書自立者見其不當立于天地之間也

一書法微意略註數字于本文之下以便覽閱

一提綱高一字錄之傳文低一字錄之以別綱目便檢閱也

通鑑綱目前編卷之一

孔子春秋經終周敬王二十九年庚申為魯哀公十四年春西狩獲麟左傳經終周敬王四十一年壬戌為魯哀公十六年夏四月己丑孔丘卒則辛酉壬戌二年經文蓋孔門弟子欲記聖師之卒故採魯史記以續夫子之經而終于此自此以下無復經矣誥不敢上繼聖經

綱目前編卷上

但繼孔門弟子經文以補綱目之前所缺者故自癸亥始云

癸亥周敬王四十二年名丐景○魯哀公十七年○晉定公三十四年○齊平公三年○衛莊公三年○蔡成公十三年○鄭釁公二十三年○陳閔公二十四年○杞閔公九年○宋景公三十九年○秦悼公十四年○楚惠公十一年○燕獻公十五年○邾桓公七年○吳子夫差十八年○越子句踐十九年○曹伯陽先於魯哀八年○滕隱公廩母先於魯哀十二年○薛惠公夷先於魯哀十年○莒郊公狂先於魯哀十四年○許元公成先於魯哀十三年○平子結嗣○小邾子射先於魯

哀十四年見左傳經○詒按曹勝薛莒春書  
許小邾六國曹已滅餘立國以後無攷春書  
重歲首行○三月越伐吳報會稽敗之于笠  
夏時也

澤○夏六月晉師圍衛不書趙鞅非鞅得齊

師救衛齊書救善晉師還○秋七月己卯楚子

章滅陳名楚子滅殺陳侯越自陳胡公滿至

恒復得政于齊○冬十月晉復侵衛書復侵

衛人出其君蒯聵子不君也與晉平晉立公

孫般師晉不得蒯聵入戎州己氏己氏殺之

綱目前編卷一

二

不書弒不○十二月齊伐衛衛亂故立公子

起執般師而歸齊不得立○齊侯魯侯盟于

蒙魯地○秦伯卒史失月日後同此悼公也子

其名者  
十世

越子勾踐即位三年興師伐吳戰于五湖

不勝棲于會稽用范蠡計令大夫種行成

于吳曰請士女女于士大夫女女于大夫

隨之以國家之重器吳人不許種來而復

往曰請委晉鑄屈國家以身隨之君王制

之吳人許諾越子曰蠡爲我守于國對曰

四封之內百姓之事蠡不如種也四封之

外敵國之制立斷之事種不如蠡也越子

曰諾令大夫種守于國與范蠡入宦于吳

三年而吳人遣之句踐之地南至于句無

北至于禦兒東至于鄞西至于姑蔑廣運

百里乃致其父兄昆弟而誓之曰寡人聞

綱目前編卷一

三

古之賢君四方之民歸之若水之歸下也

今寡人不能將帥二三子夫婦以蕃命壯

者無取老婦老者無取壯妻女子十七不

嫁其父母有罪丈夫二十不娶其父母有

罪將免者以告公醫守之生丈夫二壺酒

一犬生女子二壺酒一豚生三人公與之

母生二人公與之餼當室者死三年釋其

政支子死三月釋其政必哭泣葬埋之如

子令孤子寡婦貧病者納宦其子其達士  
潔其居美其服飽其食而摩厲之于義四  
方之士來者廟禮之非其身之所種則不  
食非其夫人之所織則不衣十年不收于  
國民居有三年之食吳子夫差還自黃池  
息民不戒越大夫種曰吾謂吳王將遂涉  
吾地今罷師而不戒以忘我我不可以怠  
今吳氏既罷而大荒荐饑市無赤米而困

綱目前編卷一

四

康空虛其民必移就浦羸於東海之濱王  
若今起師以會奪之利無使失悛夫吳之  
邊鄙遠者罷而未至吳王將耻不戰必不  
湏至之會也而以中國之師與我戰我遂  
踐其地甚至者亦將不能之會也已吾用  
禦兒臨之吳王若愠而又戰幸遂可出若  
不戰而結成王安厚取名而去之越子曰  
善乃大戒師伐吳吳子起師軍于江址越

子軍于江南越子乃中分其師以為左右  
軍以其私卒君子六千人為中軍明日將  
舟戰於江及昏乃令左軍銜枚泝江五里  
以湏亦令右軍銜枚踰江五里以湏夜中  
命左軍右軍涉江鳴鼓中水以湏吳師聞  
之大駭曰越人分為二師將以夾攻我師  
乃不待旦亦中分其師將以禦越越子乃  
令其中軍銜枚潛涉不鼓不譟以襲攻之

綱目前編卷一

五

吳師大北越之左軍左軍乃遂涉而從之  
又大敗之於沒又郊敗之三戰三北乃至  
於吳趙鞅趙鞅使告于衛曰君之在晉也  
志父趙鞅為主請君若太子來以免志父  
不然寡君其曰志父之為也衛侯辭以難  
太子又使趙鞅之夏六月趙鞅圍衛齊國  
觀陳瓘救衛得晉人之致師者子王陳瓘  
使服而見之曰國子實執齊柄而命瓘曰

無辟晉師豈敢廢命子又何辱簡子曰我  
卜伐衛未卜與齊戰乃還出左楚白公之  
亂陳人恃其褻而侵楚楚既寧將取陳麥  
楚子問師於大師子穀與葉公諸梁子穀  
曰右領差重與左史老皆相令尹司馬以  
伐陳其可使也子高曰率賤民慢之懼不  
用命焉穀曰觀丁父郤俘也武王以為軍  
率是以克州蓼服隨唐大啓群蠻彭仲爽

綱目前編卷一

六一

申俘也文王以為令尹實縣申息朝陳蔡  
封畛於汝唯其任也何賤之有子高曰天  
命不謬令尹有憾於陳天若仁之其必令  
君之子是與君蓋舍焉臣懼右領與左史  
有二俘之賤而無其令德也王卜之武城  
尹吉使帥師取陳麥陳人御之敗遂圍陳  
秋七月己卯楚公孫朝帥師滅陳王與葉  
公校卜子良以為令尹沈尹朱曰吉過於

其志葉公曰王子而相國過將何求他曰  
改卜子國而使為令尹出左舜之德可謂  
至矣禪位於夏而後世血食者歷三代及  
楚滅陳而田常得政於齊卒為建國出史  
衛侯謂渾良夫曰吾繼先君而不得其器  
若之何良夫代執火者而言曰疾與亡君  
皆君之子也召之而擇材焉可也若不材  
器可得也暨告太子太子使五人輿緘刼

綱目前編卷一

七一

公而強盟之且請殺良夫公曰其盟免三  
死曰請三之後有罪殺之公曰諾哉衛侯  
為虎幄於藉圃求令名者而與之始食焉  
太子請使良夫良夫乘裘甸兩牡紫衣狐  
裘至桓裘不釋劍而食太子使牽以退數  
之以三罪而殺之衛侯夢于北宮見人登  
昆吾之觀被髮北面而譟曰登此昆吾之  
虛縣綿生之瓜余為渾良夫叫天無辜衛

侯貞卜其繇曰如魚窺尾衡流而方羊裔  
馬大國滅之將亡闔門塞竇乃自後踰冬  
十月晉復伐衛入其郭將入城簡子曰止  
叔向有言曰怙亂滅國者無後衛人出莊  
公而與晉平晉立襄公之孫般師而還十  
二月衛侯自鄆入般師出初公登城以望  
見戎州問之以告公曰我姬姓也何戎之  
有焉翦之公使匠久欲逐石圃未及石圃

綱目前編卷一

八

因匠氏攻公公闔門而請弗許踰于址方  
而隊折股戎州人攻之太子疾公子青踰  
從公戎州人殺之公入于戎州已氏初公  
自城上見已氏之妻髮美使髡之以爲呂  
姜鬋既入焉而示之璧曰活我吾與女璧  
已氏曰殺女璧其焉往遂殺之而取其璧  
衛人復公孫般師而立之十二月齊人伐  
衛衛人請平立公子起執般師以歸舍諸

潞○公會齊侯盟于蒙孟武伯相齊侯稽  
首公拜齊人怒武伯曰非天子寡君無所  
稽首武伯問於高柴曰諸侯盟誰執牛耳  
季羔曰鄆衍之役吳公子姑曹發陽之役  
衛石魋武伯曰然則彘也○宋皇瑗之子  
麋有友曰田丙而奪其兄剋般邑以與之  
剋般愠而行告桓司馬之臣子儀克子儀  
克適宋告夫人曰麋將納桓氏公問於子

綱目前編卷一

九

仲初子仲將以杞姒之子非我爲子麋曰  
必立伯也是良材子仲怒弗從故對曰右  
師則老矣不識麋也公執之皇瑗奔晉召  
之左傳

甲子周敬王四十四年○魚豢公十八年○齊  
定公三十五年○齊  
平公四年○衛公子起元年○蔡成公十四  
年○鄭聲公二十四年○杞閔公十年○宋  
景公四十年○秦厲共公元年○楚惠公十  
二年○燕肅公十六年○邾桓公八年○吳  
子夫差十九年○越  
子句踐二十一年○宋殺其右師皇瑗



書右師無罪也

○三月巴人侵楚圍鄭楚敗巴師于

鄭○夏衛石圃逐其君起奔齊衛侯輒自

齊復歸○齊陳恒殺鮑氏晏氏及公族奪齊

安平至瑯琊為封邑

春秋殺皇瑗公聞其情復皇氏之族使皇

瑗為右師○巴人伐楚圍鄭初右司馬子

國之卜也觀瞻曰如志故命之及巴師至

將卜師王曰寧如志何卜焉使帥師而行

綱目前編卷一

十一

請承王曰寢尹工尹勤先君者也三月楚

公孫寧子國吳由于寢尹遠固工尹敗巴

師于鄭故封子國於析君子曰惠王知志

夏書曰官占唯能蔽志昆命于元龜其是

之謂乎志曰聖人不煩卜筮惠王其有焉

○夏衛石圃逐其君起奔齊衛侯輒自

齊復歸逐石圃而復石魋與大叔遺衛侯

田常既殺簡公懼諸侯共誅已乃盡歸魯

衛侵地西約晉韓魏趙氏南通吳越之使

修功行賞親於百姓以故齊復定田常言

於齊平公曰德施人之所欲君其行之而

罰人之所惡臣請行之行之五年齊國之

政皆歸田常於是盡殺鮑晏及公族之強

者而割齊自安平以東至瑯琊自為封邑

大於平公之所食出史記

玆周敬王四十四年○魯哀公十九年○晉

綱目前編卷一

十二

平公五年○衛出公後元年○蔡成公十五

年○鄭穆公二十五年○杞閔公十一年○

宋景公四十一年○秦厲共公二年○楚惠

公十三年○燕獻公十七年○邾桓公九年

○吳子夫差二十一年○春○越侵楚○秋楚

伐東夷盟于敖○王崩太子仁立是為元王

○吳侵楚○冬魯使叔青如京師叔還之子

越侵楚以誤吳也夏楚公子慶公孫寬追

越師至冥不及乃還○楚沈諸梁伐東夷



三夷男女及楚師盟于敖呂氏報越之侵

也三夷越之屬也言男女無君長也傳左

吳為越所驕也楚世家書吳夫差疆陵齊

晉來伐楚出呂魯州青如京師敬王崩故

也傳左

兩周元王元年名仁敬○魯哀公二十七年○

十六年○齊平公六年○衛出公後二年○杞閔公十二年○

楚惠公十四年○宋景公四十二年○秦厲共公三年○

綱目前編卷一

十三

十年○越子句踐二十二年○春○齊人魯人鄭

人會于廩丘○冬吳殺其公子慶忌書公子

以忠見殺雖不知量非其罪也○十一月越圍吳○晉侯午

卒名諸侯告終也○晉趙鞅卒卒大夫譏

子平子無恤○晉趙鞅使楚隆如吳書使

夫外交諸侯也史記在元王二年○蜀聘于秦

史記作○晉侵鄭取九邑史記二十六年晉

春齊人來徵會于廩丘為魯哀十五

年晉伐鄭故謀報伐晉鄭人辭諸侯秋師

還終叔向言晉公室卑○吳公子慶忌驟

諫吳子曰不改必亡弗聽出居於艾遂適

楚聞越將伐吳冬請歸平越遂歸欲除不

忠者以說于越吳人殺之○十一月越圍

吳趙孟降於喪食楚隆曰三年之喪親暱

之極也王又降之無乃有故乎趙孟曰黃

池之役先王與吳王有質曰好惡同之今

綱目前編卷一

前十三

越圍吳嗣子不廢舊業而敵之非晉之所

能及也吾是以為降楚隆曰若使吳王知

之若何趙孟曰可乎隆曰請賞之乃往先

造于越軍曰吳犯間上國多矣聞君親討

焉諸夏之人莫不欣喜唯恐君忘之不從

請入視之許之告于吳王曰寡君之老無

恤使陪臣隆敢展謝其不共黃池之役君

之先臣志父得承齊盟曰好惡同之今君

在難無恤不敢憊勞非晉國之所能及也使陪臣敢展布之王拜稽首曰寡人不佞不能事越以爲大夫憂拜命之辱與之一簞珠使問趙孟曰句踐將生憂寡人寡人死之不得矣王曰溺人必笑吾將有問也史黯何以得爲君子對曰黯也進不見惡退無謗言王曰宜哉傳出左越師伐吳至於五湖吳人聞之出挑戰一日五反王弗忍

綱目前編卷一

十三

欲許之范蠡進諫曰謀之廊廟失之中原其可乎王姑勿許也臣聞之得時無怠時不再來天子不取反爲之灾羸縮轉化後將悔之天節固然唯謀不遷王曰諾弗許范蠡曰臣聞古之善用兵者羸縮以爲常四時以爲紀無過天極究數而止天道皇皇日月以爲常明者以爲法徵者則是行陽至而陰陰至而陽日因而還月盈而匡

古之善用兵者因天地之常與之俱行後則用陰先則用陽近則用柔遠則用剛後無陰蔽先無陽察用人無競往從其所剛彊以禦陽節不盡不死其野彼來從我固守勿與若將與之必因天地之灾又觀其民之饑飽勞逸以參之盡其陽節盈吾陰節而奪之宜爲人客剛彊而力疾陽節不盡輕而不可取宜爲人主安徐而重固陰節不盡柔而不可迫凡陳之道設右以爲牝益左以爲牡蚤晏無失必順天道周旋無究全其來也剛彊而力疾王姑待之王曰諾弗與戰居軍二年吳師自潰出國趙簡子之子長曰伯魯幼曰無恤將置後不知所立八書訓戒之辭於二簡以授二子曰謹識之三年而問之伯魯不能舉其辭求其簡已失之矣問無恤誦其辭甚習求

綱目前編卷一

十四

其簡出諸袖中而奏之於是簡子以無恤  
為賢立以為後簡子使尹鐸為晉陽請曰  
以為繭絲乎抑為保障乎簡子曰保障哉  
尹鐸損其戶數簡子謂無恤曰晉國有難  
而無以尹鐸為少無以晉陽為遠必以為  
歸通鑑蜀見於牧誓地與秦接秦記書蜀  
人來賂賂即聘也聘必有幣秦用夷不能  
盡行聘禮故其國史凡聘皆謂之賂出呂氏

綱目前編卷一

十五

荀瑶智伯也初智宣子將以瑶為後智果  
曰不如宵也瑶之賢於人者五其不逮者  
一也美鬚長大則賢射御足力則賢伎藝  
畢給則賢巧文辯慧則賢彊毅果敢則賢  
如是而甚不仁夫以其五賢陵人而以不  
仁行之其誰能待之若果立瑶也智宗必  
滅弗聽知果別族於太史為輔氏通鑑誥  
按無恤荀瑶二事皆在前以二人初見於

史故附此又司馬公通鑑將春秋後周威  
烈王前六七十年事盡附於周威烈王二  
十三年以後頗為不順詒故於有攷證者  
附之本年之下無攷證者附之初見于史  
之下

附周元王二年魯哀公二十一年○晉出  
衛出公後三年○蔡成公十七年○鄭聲公  
二十一年○杞門公十三年○宋景公四十  
三年○秦厲共公四年○楚惠公十五年○  
燕獻公十九年○邾桓公十一年○吳子夫

綱目前編卷一

十六

差二十二年○越春○夏五月越使使聘于  
子句踐二十三年○秋八月齊侯魯侯邾子盟  
于顧齊進之也○晉趙無恤滅代書無恤滅代也代北狄之別也  
國在今在今蘇州

越既勝吳欲伯中國始遣使適魯出杜齊  
平公七年越人始來出史記盟于顧齊人  
青稽首因歌之曰魯人之皐數年不覺使  
我高蹈唯其儒書以為二國憂是行也公

先至于陽穀齊聞丘息曰君辱舉玉趾以

在寡人之軍群臣將傳遠以告寡君比其

復也君無乃勤為僕人之末次請除館于

舟道曰敢勤僕人傳出左趙襄子姊前為代

王夫人簡子既葬未除服北登夏屋請代

王使厨人操銅料以食代王及從者行斟

陰令宰人各以料擊殺代王及從官遂興

兵平代地其姊聞之泣而呼天摩笄自殺

代人憐之所死地名之為摩笄之山遂以

代封伯魯子周為代成君伯魯者襄子兄

故太子太子蚤死故封其子出史記

戊周元王三年○魯哀公二十二年○晉出

衛出公後○杞閔公十四年○宋景公十四

四年○秦厲共公五年○楚惠公十六年○

燕獻公二十二年○邦桓公十二年○吳子夫

差二十二年○越春○夏四月越納邾子益

于邾太子莖奔越書越納罪中○冬十一月

丁卯越句踐滅吳去爵名之吳子夫差自殺

○越子會齊晉諸侯于徐州徐音舒即舒州也書越子會見

中夏諸侯之不振也○越子貢子王王賜之胙命為伯

善越也○越子以地與楚及魯又歸吳侵

地于宋善越也書與書歸○越大夫范蠡去越書大

也○越殺其大夫文種書大夫無罪也

邾隱公自齊奔越曰吳為無道執父立子

越人歸之太子莖奔越出左越師遂入吳

國夫差帥其賢良與其重祿以上姑蘇越

圍王臺夫差懼使王孫雄行成於越曰昔

不穀先委制於越君君告孤請成男女服

從孤無柰越之先君何畏天之不祥不敢

絕祀許君成以至于今今孤不道得罪於

君王君王以親辱於敝邑孤敢請成男女

服為臣御句踐弗忍將許之范蠡進諫曰

聖人之功時為之庸得時弗成天有還刑

天節不遠五年復反小凶則近大凶則遠  
伐柯者其則不遠全君王不斷其志會稽  
之事乎乃不許使者往復來辭愈卑禮愈  
尊句踐又欲許之蠡曰孰使我蚤朝而晏  
罷者非吳乎與我爭三江五湖之利者非  
吳邪十年謀之一朝而棄之其可乎王姑  
勿許其事將易其已句踐曰吾欲勿許而  
難對其使者子其對之蠡乃左提鼓右援

綱目前編卷一

九

杞以應使者曰昔天以越賜吳而吳不受  
今天以吳賜越越敢不聽天之命而聽君  
之令乎乃不許成因使人告于夫差曰天  
以吳賜越孤不敢不受以民生之不長王  
其無死民生於地上寓也其與幾何寡人  
其達王於甬句東夫婦三百唯王所安以  
沒王年夫差辭曰寡人禮先一飯君不忘  
周室而為敝邑宸宇亦寡人之願也君若

曰吾將殘汝社稷滅汝宗廟寡人請死吾  
何面目以視於天下乎夫差將死曰使死  
者無知則已若其有知吾何面目以見員  
也乃縊越人以歸吳自太伯至夫差二十  
五世今日本國亦云吳太伯之後詘國句  
踐已平吳乃以兵北渡淮與齊晉諸侯會  
于徐州○越致貢于周周元王使人賜句  
踐胙命為伯出世家句踐乃使使弼令齊楚

綱目前編卷一

十

秦晉皆輔周室盟而去秦不如越之命  
句踐乃選吳越將士西渡河以攻秦軍士  
苦之會秦怖懼逆自引外越乃還軍越出吳  
秋句踐已會渡淮而南以江址淮上至泗  
上地與楚又與魯泗東地方百里歸吳所  
侵地於宋越兵橫行於江淮東諸侯畢賀  
弼稱伯王出世家越索率於楚而攻晉左史  
倚相謂楚子曰越已破吳豪士死銳卒盡

大甲傷索兵攻晉示我病也不如起師與之分吳楚子曰善起師從之越伯怒將擊楚文種曰我憊矣與戰必不克不如賂之乃割露山之西五百里以與楚○按史記國語范蠡與句踐深謀二十餘年竟滅吳北渡兵於淮以臨齊晉及國蠡以為大名之下難以久居且句踐可與同患難與處安反至五湖辭於句踐曰君王勉之臣不

綱目前編卷一

二十三

復入越國矣句踐曰不穀疑子之所謂者何也對曰臣聞之為人臣者君憂臣勞君辱臣死皆者王辱於會稽臣所以不死者為此事也今事已濟矣蠡請從會稽之罰句踐曰所不掩子之惡揚子之美者使其身無終沒於越國子聽吾言與子分國不聽吾言身死妻子為戮范蠡對曰臣聞命矣君行制臣行意遂乘輕舟以浮於五湖

莫知其所終極紀出外范蠡去自齊遺大夫種書曰蜚鳥盡良弓藏狡兔死走狗烹越王為人長頸烏喙可與共患難不可與共安樂子何不去種見書稱病不朝人或讒種且作亂越王乃賜種劔曰子教寡人伐吳七術寡人用其三而敗吳其四在子子為我從先王試之種自殺出史記

己周元王四年○

魯哀公二十三年○晉出公三年○齊平公九年○

綱目前編卷一

二十三

衛出公後五年○杞閔公十五年○宋景公十四年○秦厲共公六年○楚惠公十七年○燕獻公二十一年○春○夏六月晉使荀瑶伐齊荀瑶伯勾踐二春○秋八月魯使叔青如越越諸晉有辭也○楚人聘于鞅聘魯○蔡侯朔卒子莊嗣是為聲侯○楚人聘于秦秦表秦表

春宋元公夫人景曹卒季康子使冉有弔且送葬曰敝邑有社稷之事使肥有職

競焉是以不得助執紼使求從與人曰以肥之得備彌甥也有不腆先人之產馬使求薦諸夫人之宰其可以稱旌繁乎○夏六月晉荀瑶伐齊高無平齊大帥師御之知伯視齊師馬駭遂驅之曰齊人知余旗其謂余畏而反也及壘而還將戰長武子請卜知伯曰君告于天子而卜之以守龜於宗祧吉矣吾又何卜焉且齊人取我英

綱目前編卷一

壬三

丘君命瑤非敢耀武也治英丘也以辭伐罪足矣何必卜壬辰戰于犁丘齊師敗績知伯親禽顏庚○秋八月叔青如越始使越也越諸鞅來聘報叔青也左傳

庚周元王五年○魯哀公二十四年○晉出公四年○齊平公十年○衛出公六年○蔡聲侯元年○鄭釐公三年○杞閔公十六年○宋景公四十六年○秦厲共公七年○楚惠公十八年○越伯句踐公二十二年○邾隱公後二年○越伯句踐公二十二年○夏四月晉侯及魯臧石侵齊取廩

丘書侵責晉與○越人執邾子益以歸立公子何益無已也○魯侯以妾爲夫人子荊爲太子書以不○閏月魯侯如越朝王而朝越○杞閔路弒其君維而自立閔公弟哀公○義渠聘秦出年

綱目前編卷一

壬四

晉侯將伐齊使來乞師曰晉臧文仲以楚師伐齊取穀宣叔以晉師伐齊取汝陽寡君欲徼福于周公願乞靈于臧氏臧石帥師會之取廩丘軍吏令繕將進萊章曰君卑政暴往歲克敵今又勝都天奉多矣又焉能進是龜也龜過言也役將班矣晉師乃還饋臧石牛太史謝之曰以寡君之在行牢禮不度敢展謝之○邾子又無道越人執之以歸而立子何何亦無道○公子荊之母嬖將以爲夫人使宗人躋夏獻其禮對曰庶之公怒曰女爲宗司立夫八國之



大禮也何故燕之對曰周公及武公娶于薛孝惠娶于商目桓以下娶于齊此禮也則有若以妾為夫人則固無其禮也公卒立之而以荆為太子國人始惡○公如越得太子適郢將妻公而多與之地公孫有山使告于季孫季孫懼使因太宰嚭而納賄焉乃止俱出左傳

辛未周元王六年○曾哀公二十五年晉出公五年齊平公十一年

綱目前編卷十一 主五

衛出公後七年 蔡聲侯二年 鄭聲公三十一年 杞哀公元年 宋景公十四年 秦厲共公八年 楚惠公十一年 越伯句踐獻公二十三年 邾子何元年 二十七年春○夏五月庚辰衛侯輒出奔宋○六月魯侯至自越

夏五月庚辰衛侯出奔宋衛侯為靈臺于藉圃與諸大夫飲酒焉褚師聲子戰而登席公怒辭曰臣有疾異于人若見之君將殺殺音整也是以不敢公愈怒大夫辭之不

可褚師出公戟其手曰必斷而足聞之褚師與司寇亥乘曰今日幸而後亡公之入也奪南氏邑而奪司寇亥政公使侍人納公文懿子之車于池初衛人翦夏丁氏以其帑賜彭封彌子彌子飲公酒納夏戊之女嬖以為夫人其弟期太叔疾之從孫甥也少畜于公以為司徒夫人寵衰期得罪公使三匠久公使優佼盟拳彌而甚近信

綱目前編卷十一 主五

之故褚師比公孫彌牟即南氏公文要子即懿子司寇亥因三匠與拳彌以作亂皆執利兵無者執斤使拳彌入于公宮而自太子疾之宮譟以攻公鄆子士請禦之彌援其手曰子則勇矣將若君何不見先君乎君何所不逞欲且君嘗在外矣豈必不反當今不可衆怒難犯休而易間也乃出將適蒲彌曰晉無信不可將適鄆彌曰齊晉爭我



不可將適泠音彌曰魯不足與請適城鉏  
鉏邑以鉤越越有君乃適城鉏彌曰衛盜  
不可知也請速自我始乃載寶以歸公為  
支離之卒因祝史揮以侵衛衛人病之懿  
子知之見子之即南青氏也請逐揮文子曰無罪  
懿子曰彼好專利而妄夫見君之入也將  
先道焉若逐之必出于南門而適君所夫  
越新得諸侯將必請師焉揮在朝使吏遣

綱目前編卷一

二十七

諸其室揮出信弗納五日乃館諸外里遂  
有寵使如越請師○六月公至自越季康  
子孟武伯逆子五梧郭重僕見二子曰惡  
言多矣君請盡之公宴于五梧武伯為祝  
惡郭重曰何肥也季孫曰請飲彘也以魯  
國之密邇仇讎臣是以不獲從君克免于  
大行又謂重也肥公曰是食言多矣能無  
肥乎飲酒不樂公與大夫始有惡出左傳詰

按左傳魯哀公十八年甲子夏衛侯輒自  
齊復歸至哀公二十五年辛未夏五月庚  
辰出奔宋則復歸之後正立七年耳通先  
立十四年共立二十一年史記乃云先立  
十二年亡誤矣亡壬戌癸亥二年史記乃  
云亡在外四年又誤矣

周元王七年○魯哀公二十六年 晉出  
衛悼公元年○齊景公二十二年 齊平公十二年  
十二年 紀襄公二年 宋景公四十八年

綱目前編卷一

二十八

秦厲共公九年 楚惠公二十年 燕獻  
公二十四年 邾子何二年 越伯句踐二  
十一年 春○夏五月魯使齊使也叔孫舒帥師  
會越師宋師納衛侯輒不克納衛人立黔公  
季父是為悼公按衛侯輒以辛未夏五月出  
奔宋壬申夏五月立悼公衛一年無君故以  
立悼公之年 為悼公元年○王崩太子史是為貞定王立  
○冬十月辛巳宋公頭曼卒庶孫得為嗣是  
為昭 公○彗星見年表失月日○衛使司徒期聘于  
越書聘越罪魯○楚公子英奔秦○晉荀瑶

城宅陽其專也

夏五月叔孫舒帥師會越臯如后庸宋樂  
茂音納衛侯文子欲納之懿子曰君懷  
而害少待之必毒子民乃睦于子矣師侵  
外州大獲出禦之大敗掘褚師定于之墓  
焚之于平莊之上文子使王孫齊私于臯  
如曰子將大滅衛乎抑納君而已乎臯如  
曰寡君之命無他納衛君而已文子致衆

綱目前編卷一

五

而問焉曰君以蠻夷伐國國幾亡矣請納  
之衆曰勿納曰彌牟亡而有益請自北門  
出衆曰勿出重賂越人申開守陴而納公  
公不敢入師還立悼公南氏相之以城鉏  
與越人公曰期則爲此今苟有怨于夫人  
者報之司徒期聘于越公攻而奪之幣期  
告王王命取之期以衆取之公怒殺期之  
甥之爲太子者遂卒于越○宋景公無子

取公孫周之子得與啓齒于公宮未有立  
焉于是皇緩爲右師皇非我爲大司馬皇  
懷爲司徒靈不緩爲左師樂伐爲司城樂  
朱鉏爲大司寇六卿三族降聽政因大尹  
以達大尹常不告而以其欲稱君命以令  
國人惡之司城欲去大尹左師曰縱之使  
盈其罪重而無基能無敝乎冬十月公游  
于空澤辛巳卒于連中大尹興空澤之士

綱目前編卷一

三

千甲奉公自空桐入如沃宮使召六子曰  
聞下有師君請六子晝六子至以甲劫之  
曰君有疾病請二三子盟乃盟于少寢之  
庭曰無爲公室不利大尹立啓奉喪殯于  
大宮三日而後國人知之司城伐使言  
于國曰大尹惑亂其君而專其利今君無  
疾而死死又匱之是無他矣大尹之罪也  
得夢啓止首而寢于盧門之外已爲臣而

集于其上味加于內門尾加于桐門曰余  
夢美必立大尹謀曰我不在盟無乃逐我  
復盟之乎使祝為載書六子在唐孟將盟  
之祝襄以載書告皇非我皇非我因子潞  
門尹得左師謀曰我與民逐之乎皆歸授  
甲使徇于國曰大尹惑蠱其君以陵虐公  
室與我者救君者也無曰與之大尹徇曰  
戴氏皇氏將不利公室與我者無憂不富

綱目前編卷一

三十一

衆曰無別戴氏皇氏欲伐公樂得曰不可  
彼以陵公有罪我伐公則甚焉使國人施  
于大尹大尹奉啓以奔楚乃立得司城為  
上卿盟曰三族共政無相害也○衛出公  
自城鉏使以弓問于貢曰吾其入乎子貢  
稽首受弓對曰臣不識也私于使者曰皆  
成公孫于陳甯武子孫莊子為宛濮之盟  
而告人獻公孫于衛子鮮子展為夷義之

盟而君入今君再在孫矣內不聞獻之親

外不聞成之卿則賜不識所由入也詩曰

無競惟人四方其順之若得其人四方以

為主而國于何有但出左傳水經注竹書紀年

晉出公六年荀瑶城宅陽濟瀆之旁有故

宅陽城也魏冉攻魏芒卯于北宅乃此地

屬滎陽出大事記按左傳魯昭公二十六年

乙酉春正月齊定元公是為宋景公元年

綱目前編卷一

三十二

至魯哀公二十六年壬申冬十月辛巳景

公卒于連中則在位四十八年矣史記作

六十四年蓋字之誤也世家又云宋公子

特攻殺太子而自立是為昭公昭公元公

之曾庶孫也昭公父公孫糾糾父公子端

秦禘秦即元公少子也景公殺昭公父糾

故昭公怨殺太子而自立此說與左傳不

合宜以左傳為正又史記以得為元公曾

庶孫左傳註以得為周元王孫子高忌宋  
國無取周元王孫為後之理宜從史記為  
宋元公曾庶孫者是

通鑑綱目前編卷之二

西周貞定王元年名介元五子史記作定王

古史並作貞王皇甫謐經世稽古錄並作貞

定王今姑從稽古錄紀年並列衆說以待知

者○魯哀公二十七年○衛悼公二年○晉

出公七年○齊平公十三年○蔡聲侯四年

○鄭聲公三十三年○杞哀公三年○宋昭

公元年○秦厲共公十年○楚惠公二十一

年○燕獻公二十五年○越使后庸聘魯

○越伯句踐二十九年○春○越使后庸聘魯

魯侯及后庸盟書及后庸盟也于平陽○夏四月

己亥魯季孫肥卒康子也○晉使荀瑤侵九邑

而復興兵鄭齊使陳恒救鄭書救善晉師還

故書侵鄭鄭齊使陳恒救鄭齊也晉師還

○秋八月甲戌魯侯將名魯侯失地也奔越歸卒于

有山氏子寧嗣是為悼公

春越子使后庸來聘且言邾田封于駘上

二月盟于平陽三子皆從康子病之言及

子贛曰若在此吾不及此夫武伯曰然何

瑤帥師伐鄭次于桐丘鄭駟弘請救于齊  
齊師將與陳成子屬孤子三日朝設乘車  
兩馬繫五邑馬名頡頏聚之子晉曰隱之  
役而父死焉以國之多難未女卹也今君  
命女以是邑也服車而朝毋廢前勞乃救  
鄭及留舒遠穀七里穀人不知及濮雨不  
涉子思鄭國參名也曰大國在敝邑之宇下是  
以告急今師不行恐無及也成子衣製校

綱目前編卷二

二

戈立于阪上馬不出者助之鞭之知伯聞  
之乃還曰我卜伐鄭不卜敵齊使謂成子  
曰大夫陳之自出陳之不祀鄭之罪也故  
寡君使瑤察陳衷焉謂大夫其卹陳乎若  
利本之傾瑤何有焉成子怒曰多陵人者  
皆不在知伯其能久乎中行文子告成子  
曰有自晉師告寅者將為輕車千乘以厭  
齊師之門則可盡也成子曰寡君命恒曰

無及寡無畏衆雖過千乘敢辟之乎將以  
子之命告寡君文子曰吾乃今知所以亡  
君子之謀也始衷終皆舉之而後入焉今  
我三不知而入之不亦難乎○公患三桓  
之侈也欲以諸侯去之三桓亦患公之妄  
也故君臣多間公游于陵阪遇孟武伯於  
孟氏之衢曰請有問於子余及死乎對曰  
臣無由知之三問卒辭不對公欲以越伐

綱目前編卷二

三

魯而去三桓秋八月甲戌公如公孫有陘  
氏因孫于邾乃遂如越國人施公孫有山  
氏俱出左傳○國人迎哀公復歸卒于有山氏  
子寧立是為悼公悼公之時三桓勝魯如  
小侯卑於三桓之家出史記

史記索隱曰魯世家云宋武公之世獲緣  
斯於長丘今昭公四年宋敗長狄緣斯於  
長丘蓋此昭公當為武宋前代雖已有武

公此梓曰當亦謚武不然豈下五代公子  
特為君又合謚昭乎諸按此說是前宋昭  
公當謚武公矣但既云下五代不合又謚  
昭則宋前代亦有武公此又安可謚武哉  
或乃字畫之誤缺之以俟再攷

戊周貞定王二年○魯悼公元年○晉出公  
十四年○杞哀公四年○宋昭公二年○秦  
厲共公十一年○楚惠公二十二年○燕  
獻公二十六年○越伯句踐三十年○春

綱目前編卷二

秦庶長將兵拔魏城○彗星見表

乙周貞定王三年○魯悼公二年○晉出公  
十五年○衛悼公四年○蔡穀侯六年○鄭  
共公十一年○杞哀公五年○宋昭公三年○秦  
厲共公十二年○楚惠公二十三年○燕  
獻公二十七年○越伯句踐三十一年○春

○晉地震史失

丙周貞定王四年○魯悼公三年○晉出公  
十六年○衛悼公五年○蔡穀侯七年○鄭  
共公十三年○杞哀公六年○宋昭公四年○秦  
厲共公十四年○楚惠公二十四年○燕  
獻公二十九年○越伯句踐三十二年○春

○衛悼公五年○蔡穀侯七年○鄭共公十三年○杞哀公六年○宋昭公四年○秦厲共公十四年○楚惠公二十四年○燕獻公二十九年○越伯句踐三十二年○春

○衛侯黜卒子弗嗣是為敬公○燕伯平獻公也子  
失其冬十一月越伯句踐卒子適郢史  
記作左傳是

誥按左傳魯哀公二十六年壬申為周元  
王七年夏五月叔孫帥師會越臯如后  
庸宋樂拔納衛侯衛侯不敢入師還立悼  
公公五年當在周貞定王四年丙子悼公  
卒通鑑前編誤書于周貞定王十八年庚

綱目前編卷二

五

寅衛悼公卒子弗嗣為敬公則多却十  
四年矣故衛敬公之卒之卒衛昭公之立  
之祇俱誤十四年

丁周貞定王五年○魯悼公四年○晉出公  
十七年○衛敬公元年○杞哀公七年○宋  
昭公五年○鄭共公十四年○楚惠公二十  
五年○燕孝公元年○越伯句踐三十五年○秦  
厲共公十五年○鄭共公十五年○鄭伯勝  
使荀孫趙無恤帥師圍鄭鄭書圍罪○鄭伯勝

晉荀瑶帥師圍鄭未至鄭駟弘曰知伯悞而好勝卑下之則可行也乃先保南里以待之知伯入南里門于桔株之門鄭人俘鄢魁壘賂之以知政閉其口而死將門知伯謂趙孟入之對曰王在此知伯曰惡而無勇何以爲子對曰以能忍耻庶無害趙宗乎知伯不悛趙襄子由是悉知伯遂喪之知伯貪而悞故韓魏反而喪之傳出左

綱目前編卷二

六

戊寅周貞定王六年魯悼公五年○晉出公八年○衛敬公二年○蔡獻侯九年○齊平公十八年○杞哀公八年○宋昭公六年○鄭哀公二年○楚惠公二十六年○燕孝公二年○越伯適郢二年春○晉人楚人聘于秦作來賂○晉河絕于扈出通鑑前編  
卯周貞定王七年魯悼公六年○晉出公九年○衛敬公三年○蔡獻侯十年○齊平公十九年○杞哀公九年○宋昭公七年○鄭哀公三年○燕孝公三年○越伯適郢三年春○秦擊河旁○秦伐大荔取其土城

大荔戎之別種也徐廣曰今之臨晉也按匈奴傳岐梁山涇漆之北有義渠大荔烏氏朐衍之戎外紀曰是時義渠大荔最強築城數十皆自稱王出大事記

庚周貞定王八年魯悼公七年○晉出公十三年○衛敬公四年○蔡獻侯十一年○齊平公二十二年○杞哀公十年○宋昭公八年○鄭哀公三年○燕孝公四年○越伯適郢四年春○杞闕路死去爵書死討弑君也闕

綱目前編卷二

七

辛巳周貞定王九年魯悼公八年○晉出公十四年○衛敬公五年○蔡獻侯十二年○齊平公二十三年○杞哀公十一年○宋昭公九年○鄭哀公四年○燕孝公五年○越伯適郢五年春  
壬午周貞定王十年魯悼公九年○晉出公十五年○衛敬公六年○蔡獻侯十三年○齊平公二十四年○杞哀公十二年○宋昭公十年○鄭哀公五年○燕孝公六年○越伯適郢六年春○越伯適郢卒壽嗣  
癸未周貞定王十一年魯悼公十年○晉出公十六年○衛敬公七年○蔡獻侯十四年○齊平公二十五年○杞哀公十三年○宋昭公十一年○鄭哀公六年○燕孝公七年○越伯適郢七年



二十三年○衛敬公七年○蔡穀侯十四年  
○鄭哀公六年○杞出公三年○宋昭公十  
一年○秦厲共公二十年○楚惠公三十春  
一年○燕公七年○越伯不壽元年

○晉荀瑶趙無恤韓虎魏駒分范氏中行

氏地晉侯約齊魯伐之瑶無恤虎駒反攻弑

奔齊道卒而書弑誅其始也此其君鑒而立

與亡不出境及不討賊者異矣○晉荀瑶滅夙

公孫驕為晉君

昭公曾孫

○晉荀瑶滅夙

知伯與趙韓魏共分范氏中行氏地以為

綱目前編卷二

邑出公怒告齊魯欲以伐四卿四卿怨遂

反攻出公出公奔齊道死故知伯乃立昭

公曾孫驕為晉君是為哀公大父雍晉昭

公少子也驕為戴子戴子生忌忌善知伯

蚤死故知伯欲盡并晉未敢乃立忌子驕

為君當是時晉國政皆決知伯晉哀公不

得有所制知伯遂有范中行地最強出史記

夙絲狄國也知伯欲攻夙絲而無道鑄大

鐘方車二軌以遺之夙絲之君斬岸堙谿

以迎鐘赤章蔓枝諫曰知伯貪而無信欲

攻我而無道今師必敗之君曰大國為權

而子逆之不祥赤章蔓枝曰為人臣不忠

貞罪也忠貞不用速言可也斷轂而行至

齊七月而夙絲亡外紀載於此年今從之

申周貞定王十二年○魯悼公十一年○晉

二十四年○衛敬公八年○蔡穀侯十五年

綱目前編卷二

九

十二年○秦厲共公二十一年○楚惠公三

○蔡侯產卒子元侯嗣○晉荀瑶襲衛罪其

○晉河水赤三日○秦伯帥師與縣諸戰出

表

知伯欲伐衛遺衛君野馬四百白璧一群

臣皆賀南文子有憂邑曰此小國之禮而

大國致之君其圖之衛君以其言告邊境

知伯果起兵襲衛至境而反曰衛有賢人



先知吾謀也已而又欲襲衛亡其太子使奔衛南文子曰太子顏甚有寵亡必有故使人迎之於境曰車過五乘慎勿納知伯乃止出戰國策還自衛三卿宴于藍臺知襄子戲韓康子而侮段規知國聞之諫曰主不備難必至矣曰難將由我我不為難誰敢與之對曰卻氏有車出戰國策之難趙有孟姬之讒樂有叔祁之愬范中行有幽冶之難皆

綱目前編卷三

十一

主之所知也夏書曰一人三失怨豈在明不見是圖周書曰怨不在大亦不在小君子能勤小物故無大患公主一宴而耻人之君相又弗備曰不敢與難夫誰不可喜而誰不可懼螭蛇逢蠶豈能害人況君相乎弗聽自是五年乃有晉陽之難段規反首難而殺知伯于師出國語

乙周貞定王十三年○魯悼公十二年○晉哀公二年○齊平公

二十五年○衛敬公九年○蔡元年○鄭哀公八年○杞出公五年○宋昭公十三年○秦厲共公二十二年○楚惠公三十三年○燕孝公九年○越伯不壽三年○秦初縣頻陽地理志在共公二十一年○晉取秦武城書取非其有也秦武城在華州鄭縣東北○齊侯驚卒子積嗣是○鄭人弑其君易公弑鄭人立穀公○齊陳恒死討弑君也成子襄弟丑是為共公

襄子既相齊宣公三晉殺知伯分其地襄

綱目前編卷三

十一

子使其兄弟宗人盡為齊都邑大夫與三晉通使且有齊國出史記誥按陳故國號自陳完奔齊齊以田為完封邑故春秋謂之陳史記謂之田以後遂稱田氏也

丙周貞定王十四年○魯悼公十三年○晉元年○衛敬公十年○蔡元侯二年○鄭共公元年○杞出公六年○宋昭公十四年○秦厲共公二十三年○楚惠公三十四年○燕孝公十年○越伯不壽四年○春○晉荀瑶以韓虎魏駒攻趙無恤出史記無恤奔晉陽

知襄子爲室美士茁夕焉知伯曰室美夫對曰美則美矣抑臣亦有懼也知伯曰何懼對曰臣以秉筆事君志有之曰高山峻原不生草木松柏之地其土不肥今土木勝臣懼其不安人也室成三年而知氏亡

綱目前編卷二

十三

嚮之以兵然則我得免於患而待事之變矣康子曰善乃與之知伯悅又求地於魏桓子桓子欲弗與任章問焉桓子曰無故任章曰無故索地諸大夫必懼吾與之地知伯必驕彼驕而輕敵此懼而相親以相親之兵待輕敵之人知氏之命必不長矣不如與之以驕知伯然後可以擇交而圖之奈何獨以吾爲知氏質乎桓子曰善

與之知伯又求蔡皋狼之地於趙襄子襄子弗與知伯怒帥韓魏之甲以攻之襄子將出曰吾何之乎從者曰長子近且城厚完襄子曰民辭力以完之又斃死以守之其誰與我從者曰邯鄲之倉庫實襄子曰浚民之膏澤以實之又因而殺之其誰與我其晉陽乎先主之所慮也尹鐸之所寬也民必和矣乃走晉陽

綱目前編卷二

十三

鑑始周威烈王二十三年戊寅如荀瑶約韓魏攻趙無恤諸事皆在戊寅數十年前不應繫于戊寅之後朱子修綱目亦未改正今如此類仍繫本年之下通鑑之重出不能計也

刻周貞定王十五年○魯悼公十四年○晉二年○衛敬公十一年○蔡元侯三年○鄭共公二年○杞出公七年○宋昭公十五年○秦厲共公二十四年○楚惠公三十五年○燕孝公十一年○越伯不惠五年○春

○晉荀瑶韓虎魏駒圍晉陽三月丙戌趙無恤約虎駒攻荀瑶滅之○晉趙無恤使新稚狗伐狄罪其專也

三家圍而灌之城不浸者三板沈竈產鼃民無叛意知伯行水魏桓子韓康子駮乘知伯曰吾乃今知水可以亡人國也桓子肘康子康子履桓子之跗以汾水可以灌安邑絳水可以灌平陽也絳疵謂知伯曰

綱目前編卷十

十四

韓魏必反矣知伯曰子何以知之對曰以人事知之夫從韓魏而攻趙趙亡難必及韓魏矣今約勝趙而三分其地城降有日而二子無喜志有憂色是非反而何明日知伯以其言告二子二子曰此讒臣欲為趙氏游說使主疑二家而解於攻趙也不然二家豈不利朝夕分趙氏之田而欲為此危難不可成之事乎二子出絺疵入曰

主何以臣之言告二子也知伯曰子何以知之對曰臣見其視臣端而趨疾知臣得其情故也知伯不悅趙襄子使張孟談潛出見二子曰臣聞晉亡則齒寒趙亡則韓魏為之次矣二子乃陰與約為之期日而遣之襄子夜使人殺守隄之吏而決水灌知伯軍知伯軍亂韓魏翼而擊之襄子將卒犯其前大敗其眾遂殺知伯滅其族而分其地唯輔果在通鑑趙襄子漆知伯之頭以為飲器知伯之臣豫讓欲為之報仇乃詐為刑人挾匕首入襄子宮中塗廁左右欲殺之襄子曰智伯死無後而此人欲為報仇真義士也吾謹避之耳讓又漆身為癩吞炭為啞行乞於市其妻不識也其友識之為之泣曰以子之才臣事趙孟必得近幸子乃為所欲為顧不易邪何乃自

苦如此讓曰委質爲臣而求殺之是二心也吾所以爲此者將以愧天下後世之爲人臣而懷二心者也後又伏於橋下欲殺襄子襄子殺之通鑑段規謂韓康子曰分地必取成臯康子曰成臯石溜之地也寡人無所用之段規曰臣聞一里之厚而動千里之權者地利也千人之衆而破三軍者不意也君用臣言則韓必取鄭矣康子

綱目前編卷二

十六

曰善果取成臯至韓之取鄭也果從成臯始趙襄子行賞與爲上晉陽之難唯共無功功臣皆怒蘓李曰方晉陽急群臣皆懈唯共不敢失人臣禮是以先之張孟談既固趙宗告襄子曰五霸之所以致天下者主勢能制臣無令臣能制主故貴爲列侯者不令在相位自將軍以上不爲近大夫今臣之名顯而身尊通鑑而衆服臣願

捐功名去權勢以離衆襄子悵然曰何哉吾聞輔主者名顯功大者身尊任國者權重此先聖之所以集國家安社稷乎子何爲然對曰臣觀成事聞往古臣主之權均能美未之有也君若弗圖則臣力不足愴然有決色乃納地釋事而耕於負薪之丘出大事記按國語列子外紀趙襄子使新稚穆子伐狄勝之取左人中人遽人來告襄子

綱目前編卷三

十七

方食而有憂色侍者曰狗之事大矣而主之色不怡何也襄子曰夫江河之大也不過三日飄風暴雨不終朝日中不須臾今趙氏之德行無所積一朝而兩城下亡其及我哉君子曰趙氏其昌乎夫憂者所以爲昌也喜者所以爲亡也勝非其難者也持之者其難者也唯有道之主爲能持勝外紀載於此年今從之出大事記

周貞定王十六年○魯悼公十五年○齊宣公三年○衛敬公十二年○蔡元侯四年○鄭共公三年○杞出公八年○宋昭公十六年○秦厲共公二十五年○越伯不壽六年○春

周貞定王十七年○魯悼公十六年○齊宣公四年○衛敬公十三年○蔡元侯五年○鄭共公四年○杞出公九年○宋昭公十七年○秦厲共公二十六年○越伯不壽七年○春

晉大夫知開奔秦○書大夫知開奔秦○奔非其罪也

開荀瑶之族也荀氏自晉以來或謂知氏

網目前編卷二 十八

按秦年表晉大夫知開率其邑人來奔○出

周貞定王十八年○魯悼公十七年○齊宣公五年○衛敬公十四年○蔡元侯六年○鄭共公五年○杞出公十年○宋昭公十八年○秦厲共公二十七年○越伯不壽八年○春

秦使左庶長城南鄭○蔡侯卒○史失名子

庶長秦官吏失其名見于左傳○魯襄公十一年秦記則庶長弗已當桓王二十二年

是秦有此官久矣秦楚變於夷狄不周禮

故官名異於他國○事記

周貞定王十九年○魯悼公十八年○齊宣公六年○衛敬公十五年○蔡元侯七年○鄭共公六年○杞出公十一年○宋昭公十九年○秦厲共公二十八年○越伯不壽九年○春

燕伯卒○史失其名子載

周貞定王二十年○魯悼公十九年○齊宣公七年○衛敬公十六年○蔡元侯八年○鄭共公七年○杞出公十二年○宋昭公二十年○秦厲共公二十九年○越伯不壽十年○春

伯叔救卒○子簡公是

越迎女子秦○子簡公是

周貞定王二十一年○魯悼公二十年○齊宣公八年○衛敬公十七年○蔡元侯九年○鄭共公八年○杞出公十三年○宋昭公二十一年○秦厲共公三十年○越伯不壽十一年○春

晉大夫知寬奔秦○書大夫知寬奔秦○奔非其罪也

伯既滅六年而寬始率邑人奔秦或者守

別邑而未下若燕將守聊城之類歟事出大

甲午周貞定王二十二年○魯悼公二十一年

○齊宣公九年○衛敬公十八年○蔡侯齊

四年○鄭共公九年○杞簡公二年○宋昭

公四十二年○燕成公三年○越伯翳二年

春○楚子章滅蔡名楚惠滅與國也蔡侯齊出亡蔡

侯仲至侯齊二十四世

乙未周貞定王二十三年○魯悼公二十二年

○齊宣公十年○衛敬公十九年○鄭共公

十年○杞簡公三年○宋昭公二十三年○

秦厲共公三十二年○楚惠公四十年春○衛

侯弗卒子糾嗣是

甲申周貞定王二十四年○魯悼公二十三年

○齊宣公十一年○衛昭公元年○鄭共公

十一年○杞簡公四年○宋昭公二十四年

○秦厲共公三十三年○越伯翳四年春○

楚子章復滅杞書名三○楚及秦平楚侵地

東至于泗○秦伐義渠執其君以歸○晉伐

不書韓魏不與其事也伊洛陰戎滅之

杞東樓公者夏后禹之後周武王克殷封

之於杞自東樓公至簡公春凡十九世楚

惠王滅之出史記宋杞天子之事守也蓋禮

樂車服在焉故孔子曰夏禮吾能言夏杞

不足徵也殷禮吾能言之宋不足徵也文

獻不足故也宋雖不足徵然春秋之際晉

楚大國有所不知未嘗不問焉如杞遂至

綱目前編卷二 三

於用夷無足言者昔孔子學官名於郊子

邾至微矣而其先王之遺文於諸侯為詳

孔子之於夏禮蓋猶有攷於杞歟而國無

君子不能自列悲夫史記論楚滅杞與秦平

是時越已滅吳而不能正江淮北楚東侵

廣地至泗上出史記秦伐義渠虜其君是時

韓魏共滅伊洛陰戎其遺脫者皆西走踰

開龍自此中國無戎寇惟餘義渠一種焉

出外紀

丁酉周貞定王二十五年○魯悼公二十四年

○齊宣公十二年○衛昭公二年○鄭共公

十二年○宋昭公二十五年○秦厲共公三

十四年○楚惠公四十五年○春○秦伯卒

燕成公六年○越伯翁五年○秦伯卒

厲共公卒史失其名

子躁公嗣史亦失名

戊戌周貞定王二十六年○魯悼公二十五年

○齊宣公十三年○衛昭公三年○鄭共公

十三年○宋昭公二十六年○秦厲共公元

○楚惠公四十六年○燕春○日有食之○

成公七年○越伯翁六年

晝晦星見

其年表大

綱目前編卷二

三

己亥周貞定王二十七年○魯悼公二十六年

○齊宣公十四年○衛昭公四年○鄭共公

十四年○宋昭公二十七年○秦厲共公二

○楚惠公四十七年○燕春○秦南鄭反

成公八年○越伯翁十年

漢中郡○晉趙無恤卒是為襄子以兄伯魯

治也

子徙治

趙襄子北有代南并知氏彊於韓魏其後

堅空同氏生五子襄子為伯魯之不立也

不肯立子且必欲傳位與伯魯子代成君

成君先死乃取代成君子浣立為太子襄

子立三十三年卒浣立是為獻侯獻侯少

即位治中牟按中牟當漂水之北乃趙中

牟非鄭中牟也出史記詒按左傳魯哀公十

七年癸亥為周敬王四十二年冬十月晉

復伐衛將入城簡子曰止則趙鞅尚未卒

也至魯哀公二十年丙寅為周元王元年

為晉定公三十七年十一月越圍吳趙孟

降於喪食則簡子趙鞅之卒當在此年是

史記所云晉出公十七年趙簡子鞅卒者

誤矣次年丁卯為晉出公元年為趙無恤

元年晉出公十七年癸未奔齊卒于道則

為趙無恤十七年也無恤三十三年卒為

歲己亥為周貞定王二十七年為晉哀公

十六年是通鑑前編所云周威烈王元年



丙辰晉趙襄子無恤卒者又誤矣

庚周貞定王二十八年○魯悼公二十七年

○齊宣公十五年○衛昭公五年○鄭共公十五年○宋昭公二十八年○秦躁公三年

○楚惠公四十八年○燕春○王崩太子去疾立

是為哀王○王弟叔弑其君而自立

是為思王○王少弟嵬討殺叔而自立

是為考王○王封弟揭於河南以續周公之官職○晉趙嘉逐趙浣

自立于代

綱目前編卷二 二十四

貞定王崩子去疾立是為哀王三月弟叔

襲殺去疾而自立是為思王立五月少弟

嵬攻殺思王而自立是為考王皆貞定王

子出史河南即邲邲周武王遷九鼎周公

營以為都是為王城又遷殷民於洛陽下

都是為成周平王東遷定都于王城王子

朝之亂其餘黨多在王城敬王畏之徙都

成周至是考王以王城故地封其弟桓公

馬和古錄謂桓公為東周桓公非也平王

東遷之後所謂西周者豐鎬也所謂東周

者東都也威烈王之後所謂西周者河南

也所謂東周者洛陽也河南桓公之時雖

未有東西周之名推本而言之謂之西周

桓公則可矣何以稱河南為西周自洛陽

下都而視王城則在西也何以稱洛陽為

東周自河南王城視下都則在東也君陳

綱目前編卷二 二十五

畢公尹殷民蓋在下都之地今書皆謂之

東郊則下都在王城之東明矣出大事記趙燕

恤弟嘉逐趙浣自立于代一年卒國人曰

桓子嘉立非襄子意乃共殺嘉子而復迎

立獻子浣是時三晉強衛如小侯屬之出史

記

通鑑綱目前編卷之二終



通鑑綱目前編卷之三

辛周考王元年名嵬貞定○魯悼公二十八年

八年○齊宣公十六年○衛昭公六年○鄭共公十六年○宋昭公二十九年○秦繆公十年○楚惠公四年○趙伯翁九年○春○晉侯驕卒

燕成公十年○楚惠公四年○趙伯翁九年○春○晉侯驕卒

為○衛公子亹弑其君糾而自立為

壬周考王二年○魯悼公二十九年○齊宣公十七年

寅周考王二年○魯悼公二十九年○齊宣公十七年

三○衛懷公元年○鄭共公十七年○宋昭公三十年○秦繆公五年○楚惠公五十年○

綱目前編卷三

燕成公十一年春

晉幽公之時晉畏及朝趙韓魏獨有絳曲

沃餘皆入三晉出史記

癸周考王三年○魯悼公三十年○齊宣公十八年○

衛懷公二年○鄭共公十八年○楚惠公五十年○

燕成公十二年春

甲周考王四年○魯悼公三十一年○齊宣公十九年

三○衛懷公三年○鄭共公十九年○楚惠公五十二年○秦繆公七年○

年○燕成公十三年春

乙周考王五年○魯悼公三十二年○齊宣公二十年

○衛懷公四年○鄭共公二十年○宋昭公三十三年○秦繆公八年○楚惠公五十三

年○燕成公十四年春

丙周考王六年○魯悼公三十三年○齊宣公二十一年

昭公三十四年○鄭共公二十一年○楚惠公十四年○燕成公十五年

年○趙伯翁十四年○春○日有食之史天

秦六月雪

綱目前編卷三

丁周考王七年○魯悼公三十四年○齊宣公二十二年

昭公三十五年○鄭共公二十二年○楚惠公十五年○燕成公十六年

年○趙伯翁十五年○春○燕伯載卒嗣立

戊周考王八年○魯悼公三十五年○齊宣公二十三年

昭公三十六年○鄭共公二十三年○楚惠公十六年○燕成公十七年

年○趙伯翁十六年○春○彗星見史失

己周考王九年○魯悼公三十六年○齊宣公二十四

年○燕成公十八年○鄭共公二十四年○楚惠公十七年○秦繆公八年○

年○衛懷公八年○鄭共公二十四年○宋昭公三十七年○秦繆公十二年○楚惠公五十七年○燕昭公二年○春○楚子章卒子中

為簡  
庚周考王十年○晉悼公三十七年○晉幽公九年○齊宣公二十三年○鄭共公二十五年○宋昭公三十八年○秦繆公十三年○楚簡公元年○燕昭公三年○春○魯侯寧卒子嘉嗣

公○楚子中滅莒名楚子滅與國也○義渠侵外夷

也  
秦至渭南

綱目前編卷三

三

楚世家簡公元年北伐滅莒杜氏釋例曰

莒國贏姓少昊之後也周武王封茲與期

於莒今城陽莒縣是也世本自紀公以下

為已姓不知誰賜之姓也十一世茲丕公

始見春秋共公以下微弱不復見矣四世

楚滅之出大悼公之喪季昭子問於孟敬

子曰為君何食子曰食粥天下之達禮也

吾三臣者之不能居公室也四方莫不聞

矣勉而為瘠則吾能母乃使人疑夫不以情居瘠者乎哉我則食食出禮記

辛周考王十一年○魯元公元年○晉幽公十年○齊宣公二十六年○鄭共公二十八年○宋昭公三十九年○秦繆公十四年○楚簡公二年○燕昭公四年○春○秦伯卒公也史

公○嗣立厲共公子也史亦失名

壬周考王十二年○魯元公二年○晉幽公十一年○齊宣公二十七年○宋昭公四十年○秦繆公十五年○楚簡公三年○燕昭公五年○春○衛公子頹弒豐

三年○燕昭公五年○春○衛公子頹弒豐

○越伯二十春○衛公子頹弒豐

綱目前編卷三

四

○越伯二十春○衛公子頹弒豐

○越伯二十春○衛公子頹弒豐

○越伯二十春○衛公子頹弒豐

○越伯二十春○衛公子頹弒豐

○越伯二十春○衛公子頹弒豐

○越伯二十春○衛公子頹弒豐

○越伯二十春○衛公子頹弒豐

○越伯二十春○衛公子頹弒豐

五年○燕閔公七年  
○越伯翁二十二年春○晉侯魯侯會于楚丘

卯周考王十五年○魯元公五年○晉幽公十四年○齊宣公三十三年○衛懷公三年○鄭共公三十年○宋昭公十四年○秦懷公四年○楚簡公六年○燕閔公八年○春○王崩太子午立威烈王

○鄭伯丑卒子已嗣是○秦庶長毚弑其君懷公史失名而立懷公之孫史亦失名○西

周公自封其少子班於鞏以奉王是為東周

書自非○晉韓虎卒是為康子卒子啓章嗣

註國語曲沃桓叔生韓萬○晉魏駒卒魏桓

自萬至康子虎凡九世○晉魏駒卒魏桓

文侯也世家畢公高之苗裔孫畢萬事晉獻

公賜邑于魏為大夫

自萬至桓子駒八世

此東西周分之始也初考王封其弟揭於

河南是為河南桓公桓公卒子威公立威

公卒子惠公立河南惠公復自封其少子

於鞏以奉王號東周自河南桓公續周公

綱目前編卷三 五

之職而秉政三世蓋專所以別封少子使

奉王者殆欲獨擅河南之地而不復奉王

歟前漢地理志曰鞏東周所居非也東周

者指威烈王所居之洛陽也鞏班之采邑

也世本曰東周惠公石班居洛陽是班秉

政於洛陽而采邑則在鞏安得遂指鞏為

東周乎當是時東西周雖未分治然河南

惠公既號奉王者為東周亦必自號為西

周矣出大事記秦庶長毚與大臣圍懷公懷公

自殺懷公太子曰昭子蚤死大臣乃立太

子昭子之子是為靈公秦記作肅靈公居

涇陽出大事記詰按史記魏文侯元年即秦靈

公元年則魏桓子駒之卒當在周考王十

五年乙卯通鑑前編所書于周威烈王元

年丙辰者誤矣

丙辰周威烈王元年名午考○魯元公六年

綱目前編卷三 六

○齊宣公三十一年○衛慎公四年○鄭幽公元年○秦靈公元年○宋昭公十四年○楚簡公七年○燕湣公九年○越伯翳二十四年○春○晉韓啓章侵鄭殺鄭伯已鄭人立其弟駘是為鄭幽公史記  
 兩侯通鑑前編誤在周威烈王三年戊午  
 丁巳周威烈王二年○魯元公七年○齊宣公三十二年○衛慎公五年○鄭繆公三年○楚簡公八年○越伯翳二十年○春  
 戊午周威烈王三年○魯元公八年○齊宣公三十四年○衛慎公六年○鄭繆公四年○楚簡公九年○越伯翳二十一年○春  
 己未周威烈王四年○魯元公九年○齊宣公三十四年○衛慎公七年○鄭繆公五年○楚簡公十年○越伯翳二十二年○春○盜殺晉侯柳弼是  
 編烈公事當在此年通鑑前○秦作上下時  
 ○宋公得卒于賁由立是為悼公按宋昭公十二年丁丑  
 周威烈王二年

晉幽公淫婦人夜竊出邑中盜殺之魏文侯以兵誅晉亂立幽公子止是為烈公史出  
 記誥按年表誤書為魏誅晉幽公皇極經世亦因年表誤書為魏文侯殺晉幽公○  
 秦靈公作上下時於吳陽上時祭黃帝下時祭炎帝事出大  
 曰吾被服而立侍御者數十人無不曰吾君麗也吾發言動事朝臣數百人無不曰  
 綱目前編卷三 八十一  
 吾君聖也內外不見吾過失是以亡也乃改操易行二年而美聞於宋宋人迎而復之  
 出大事記  
 申周威烈王五年○魯元公十年○齊宣公三十五年○衛慎公八年○鄭繆公四年○宋悼公元年○秦靈公五年○楚簡公十一年○燕湣公十三年○越伯翳三十八年○春  
 辛酉周威烈王六年○魯元公十一年○齊宣公三十六年○衛慎公九年○鄭繆公五年○宋悼公二年○秦靈公六年○楚簡公十二年○

燕閔公十四年○越伯翁二十九年春○晉魏斯城少梁韓啓  
章都平陽趙浣城泫氏罪也

按秦本紀靈公六年晉城少梁秦擊之年  
表靈公七年與魏戰少梁蓋出師在六年  
而戰在七年也竹書紀年晉烈公二年韓  
武子都平陽趙獻子城泫氏少梁故城在  
同州韓城縣南二十二里泫氏今澤州高  
平縣出大誥按此事當在此年通鑑前編

綱目前編卷三

九一

誤在後一年

壬戌周威烈王七年○魯元公十二年○晉烈  
公三年○衛慎公十年○鄭繻公六年○宋悼  
公三年○秦靈公七年○楚簡公十三年○  
燕湑公十五年○春○秦與晉魏氏戰少梁  
越伯翁三十年

癸亥周威烈王八年○魯元公十三年○晉烈  
公四年○齊宣公三十  
八年○衛慎公十一年○鄭繻公七年○宋  
悼公四年○秦靈公八年○楚簡公十四年  
燕湑公十六年○春○越伯翁滅郢

郢少皞氏之後也嬴姓國在東海郡今海  
州方春秋時大皞之後猶有任宿須句顓  
臾四國存而少皞之祀昔郟實司之至於  
戰國二皞之世獨任僅見於孟子之書而  
已此臧文仲所以發不祀忽諸之嘆也出大

記事

甲子周威烈王九年○魯元公十四年○晉烈  
公五年○衛慎公十二年○鄭繻公八年○宋  
悼公五年○秦靈公九年○楚簡公十五年

綱目前編卷三

十一

○燕湑公十七年春○晉魏斯復城少梁  
○秦城塹河瀨○秦初以君主妻河樂也  
謂秦初以此年取他女為君主君主猶公  
主也妻河謂嫁之河伯故魏俗猶為河伯  
取婦蓋其遺風殊異其事故云初出史記  
以君甥妻河用諸河以求福也戎狄之俗  
也魏文侯使西門豹為鄴令鄴民苦為河  
伯取婦豹始禁之正與同時魏與秦鄰意

者染秦俗與事出大

乙丑周威烈王十年○魯元公十五年○齊宣公十四年○衛慎公十三年○鄭繻公九年○宋悼公六年○秦靈公十年○楚簡公十六年○

越伯公三十八年○春○晉趙浣城平邑○罪其世家在十五年○

丙寅周威烈王十一年○魯元公十六年○齊宣公十四年○衛慎公十四年○鄭繻公十年○宋悼公七年○秦靈公十一年○楚簡公十七年○

丁卯周威烈王十二年○魯元公十七年○齊宣公十八年○衛慎公十五年○秦靈公十二年○楚簡公十八年○

戊辰周威烈王十三年○魯元公十八年○齊宣公十九年○衛慎公十六年○秦靈公十三年○楚簡公十九年○

己巳周威烈王十四年○魯元公十九年○齊宣公二十年○衛慎公十七年○秦靈公十四年○楚簡公二十年○

庚午周威烈王十五年○魯元公二十年○齊宣公二十一年○衛慎公十八年○秦靈公十五年○楚簡公二十一年○

辛未周威烈王十六年○魯元公二十一年○齊宣公二十二年○衛慎公十九年○秦靈公十六年○楚簡公二十二年○

壬申周威烈王十七年○魯元公二十二年○齊宣公二十三年○衛慎公二十年○秦靈公十七年○楚簡公二十三年○

癸酉周威烈王十八年○魯元公二十三年○齊宣公二十四年○衛慎公二十一年○秦靈公十八年○楚簡公二十四年○

甲戌周威烈王十九年○魯元公二十四年○齊宣公二十五年○衛慎公二十二年○秦靈公十九年○楚簡公二十五年○

乙亥周威烈王二十年○魯元公二十五年○齊宣公二十六年○衛慎公二十三年○秦靈公二十年○楚簡公二十六年○

丙子周威烈王二十一年○魯元公二十六年○齊宣公二十七年○衛慎公二十四年○秦靈公二十一年○楚簡公二十七年○

丁丑周威烈王二十二年○魯元公二十七年○齊宣公二十八年○衛慎公二十五年○秦靈公二十二年○楚簡公二十八年○

戊寅周威烈王二十三年○魯元公二十八年○齊宣公二十九年○衛慎公二十六年○秦靈公二十三年○楚簡公二十九年○

己卯周威烈王二十四年○魯元公二十九年○齊宣公三十年○衛慎公二十七年○秦靈公二十四年○楚簡公三十年○

庚辰周威烈王二十五年○魯元公三十年○齊宣公三十一年○衛慎公二十八年○秦靈公二十五年○楚簡公三十一年○

四十二年○衛慎公十五年○鄭繻公十一年○宋悼公八年○秦靈公十二年○楚簡公十八年○燕閔公二十年○春○中山狄武公初立○書狄外○宋公購由卒○子田嗣是

按左傳魯昭公十二年八月晉荀吳假道於鮮虞滅肥是冬晉復伐鮮虞杜預曰鮮虞白狄別種在中山新市縣中山名見於傳蓋始於此及定公四年晉合諸侯於名陵謀為蔡伐楚荀寅曰諸侯方貳中山不

服無損於楚而失中山不如辭蔡侯則中山是時勢已漸強能為晉之輕重矣史記趙世家是年書中山武公初立意者其辨益強遂建國備諸侯之制與諸夏抗歟索隱曰中山古鮮虞國姬姓也而徐廣曰中山武公周定王之孫西周桓公之子古史謂周襄已甚安能使子弟據中山乎其說是也或者徐廣徒聞中山姬姓遂傳會其

綱目前編卷三 十三

服無損於楚而失中山不如辭蔡侯則中山是時勢已漸強能為晉之輕重矣史記趙世家是年書中山武公初立意者其辨益強遂建國備諸侯之制與諸夏抗歟索隱曰中山古鮮虞國姬姓也而徐廣曰中山武公周定王之孫西周桓公之子古史謂周襄已甚安能使子弟據中山乎其說是也或者徐廣徒聞中山姬姓遂傳會其

綱目前編卷三 十三

服無損於楚而失中山不如辭蔡侯則中山是時勢已漸強能為晉之輕重矣史記趙世家是年書中山武公初立意者其辨益強遂建國備諸侯之制與諸夏抗歟索隱曰中山古鮮虞國姬姓也而徐廣曰中山武公周定王之孫西周桓公之子古史謂周襄已甚安能使子弟據中山乎其說是也或者徐廣徒聞中山姬姓遂傳會其

綱目前編卷三 十三

服無損於楚而失中山不如辭蔡侯則中山是時勢已漸強能為晉之輕重矣史記趙世家是年書中山武公初立意者其辨益強遂建國備諸侯之制與諸夏抗歟索隱曰中山古鮮虞國姬姓也而徐廣曰中山武公周定王之孫西周桓公之子古史謂周襄已甚安能使子弟據中山乎其說是也或者徐廣徒聞中山姬姓遂傳會其

綱目前編卷三 十三

服無損於楚而失中山不如辭蔡侯則中山是時勢已漸強能為晉之輕重矣史記趙世家是年書中山武公初立意者其辨益強遂建國備諸侯之制與諸夏抗歟索隱曰中山古鮮虞國姬姓也而徐廣曰中山武公周定王之孫西周桓公之子古史謂周襄已甚安能使子弟據中山乎其說是也或者徐廣徒聞中山姬姓遂傳會其

綱目前編卷三 十三

服無損於楚而失中山不如辭蔡侯則中山是時勢已漸強能為晉之輕重矣史記趙世家是年書中山武公初立意者其辨益強遂建國備諸侯之制與諸夏抗歟索隱曰中山古鮮虞國姬姓也而徐廣曰中山武公周定王之孫西周桓公之子古史謂周襄已甚安能使子弟據中山乎其說是也或者徐廣徒聞中山姬姓遂傳會其

綱目前編卷三 十三

服無損於楚而失中山不如辭蔡侯則中山是時勢已漸強能為晉之輕重矣史記趙世家是年書中山武公初立意者其辨益強遂建國備諸侯之制與諸夏抗歟索隱曰中山古鮮虞國姬姓也而徐廣曰中山武公周定王之孫西周桓公之子古史謂周襄已甚安能使子弟據中山乎其說是也或者徐廣徒聞中山姬姓遂傳會其

綱目前編卷三 十三

服無損於楚而失中山不如辭蔡侯則中山是時勢已漸強能為晉之輕重矣史記趙世家是年書中山武公初立意者其辨益強遂建國備諸侯之制與諸夏抗歟索隱曰中山古鮮虞國姬姓也而徐廣曰中山武公周定王之孫西周桓公之子古史謂周襄已甚安能使子弟據中山乎其說是也或者徐廣徒聞中山姬姓遂傳會其

綱目前編卷三 十三

世系歟事記

成周威烈王十三年○魯元公十八年○齊宣公十四年○宋休公元年○衛慎公十六年○鄭繻公十二年○燕閔公二十六年○秦靈公十三年○楚簡公十九年○越伯翳三十六年春○秦伯卒也于獻公不得立靈公季父悼子立是為簡公簡公乃昭子之弟而懷公子也通鑑前編誤書此于十一齊田白侵晉毀黃城圍陽狐田白魏子卒于田莊子白立至是伐晉黃城在魏州冠氏縣南十里陽孤郭在魏州元城縣東北三秦與晉戰敗于鄭下秦敗晉河

綱目前編卷三

十三

岸崩雍龍門至于底柱○晉魏斯使書使非其子擊圍繁龐出其民春秋後河患見於史傳者始於此漢待詔賈讓曰隄防之作近起戰國雍防百川各

以自利齊與趙魏頻河齊地卑下作隄去河二十五里河東抵齊隄則西泛趙魏亦為隄去河二十五里雖非其正水尚有所

遊盪時至而去則填淤肥美民耕田之或

久無害稍築室宅遂聚落大水時至漂

沒則更起隄防以自救稍去其城郭排水

澤而居之湛溺自其宜也戰國之時河水

潰圯隄岸如今歲所書者蓋亦無幾至於

秦漢以後河始為世大患賈讓之論可謂

究其本末矣出大事記

已周威烈王十四年○魯元公十九年○齊宣公十四年○宋休公二年○衛慎公十七年○鄭繻公十三年○燕湣公二十二年○秦簡公元年○楚簡公二十二年○越伯翳三十七年○春○齊田白侵魯

綱目前編卷三

十四

首及安陽○越伯翳卒史記世家作伐魯葛及安陵史記正義曰後魏地形志云己氏有安陽城今宋州縣西北四十里安陽故城是

庚周威烈王十五年○魯元公二十年○齊宣公四十五年○衛慎公十八年○鄭繻公十四年○宋休公三年○秦簡公二年○楚簡公十四年

史記世家作伐魯葛及安陵史記正義曰後魏地形志云己氏有安陽城今宋州縣西北四十里安陽故城是



公二十一年○越伯鸢元年○春○齊田白侵魯

取有也一城取都

辛未周威烈王十六年○魯元公二十一年○齊

宣公四十六年○衛慎公十九年○鄭繻公

十五年○宋休公四年○秦簡公三年○楚

簡公二十二年○越伯鸢二年○春○日有食之失

明○晉韓啓章趙浣伐齊入長城○魯侯嘉

卒公顯嗣是為穆○齊田汾敗晉趙氏獲其

將韓舉取非其平邑按史記趙世家十三年

獲韓舉○齊田白卒子嗣是○晉魏斯侵

也罪專秦築臨晉元里魏世家十六年伐秦築

申于壬

按外紀王命韓趙伐齊入長城是時三晉

自通王室亦如列國特未賜命耳後漢志

齊北國有長城至東海史記蘇代說燕王

曰齊有長城巨防巨防即防門在平陰大

事陳穉子死赴於魚魯人欲勿哭繆公召

縣子而問焉縣子曰古之大夫束修之問

不出竟雖哭之安得而哭之今之大夫

交政於中國雖欲勿哭焉得而弗哭且臣

聞之哭有二道有愛而哭之有畏而哭之

公曰然則如之何而可縣子曰請哭諸

異姓之廟於是與哭諸縣氏出禮和曰太

公也史記索隱曰按汲冢紀年曰莊子卒

明年立悼子悼子卒乃次立和是莊子後

有悼子蓋歷年無幾所以世本及史記不

得錄也出大臨晉按前漢地理志故大荔

秦滅之更名臣瓚曰舊說秦築高壘以臨

晉國故曰臨晉元里失其地皆魏文侯伐

秦所取築而守之也秦孝公所謂厲蹕簡

公出于之不寧三晉攻奪我河西地此類

是也史記正義曰臨晉故城在同州馬翊

縣西南二里元里故城在同州澄城縣界



軒周威烈王十七年○魯穆公元年○晉烈

四十七年○衛慎公二十年○鄭繻公十六

年○宋休公五年○秦簡公四年○楚簡公

二十三年○燕昭公二年○魯侯見孔伋○

十五年○越伯翳三年春○魯侯見孔伋○

魯侯以公儀休為相泄柳申詳為臣○晉魏

斯侵罪也秦至鄭而還築洛陰郃陽○晉魏

斯侵罪也宋使樂羊伐中山克之使其子擊

守中山史記在魏文侯十七年通鑑前○晉

韓啓章卒是為武子卒子○晉趙浣卒是為

卒子籍嗣是為烈侯綱目前編卷三 十七

繆公亟見於子思曰古千乘之國以友士

何如子思不悅曰古之人有言曰事之云

手豈曰友之云乎又曰繆公之於子思也

亟問亟饌鼎肉子思不悅於卒也標使者

出諸大門之外北首稽首再拜而不受曰

全而後知君之犬馬畜伋蓋自是臺無饌

也出孟公儀子相魯之其家見織帛怒而

出其妻食於舍而茹荼愠而拔其葵曰吾

已食祿又奪園夫紅女利乎仲舒昔者魯

繆公無人乎子思之側則不能安子思泄

柳申詳無人乎繆公之側則不能安其身

出孟鄭蓋長安之鄭乃桓公所始封非新

鄭也史記正義曰雒漆沮水也雒陰城在

水南郃陽洽水之北括地志云郃陽故城

在同州河西縣南三里雒陰在同州西出

綱目前編卷三 十七

事魏文侯嘗借道於趙攻中山趙不許趙

利曰魏攻中山而不能取則魏罷而趙重

魏拔中山必不能越趙而守是用兵者魏

而得地者趙也君不如許之彼知君利之

必將轍行君不如借之道而示不得已也

出外按史記戰國策韓詩外傳古史樂羊

攻中山其子在中山懸之以示羊羊不顧

中山烹而為羹羊啜之盡一盃中山知

其怒下之文侯賞其功而疑其心文侯愛  
少子摯使太子擊守中山趙倉唐傳之居  
三年往來之使不通倉唐使於文侯以詩  
諷之文侯乃出少子摯封之中山而復太  
子擊出大事記文侯伐中山克之以封其子擊  
他日問於羣臣曰我何如主皆曰仁君任  
座曰君得中山不以封君之弟而以封君  
之子何謂仁君文侯怒座趨出次問翟璜

綱目前編卷三

九

對曰仁君也文侯曰何以知之對曰君仁  
則臣直嚮者任座之言直是以知之文侯  
悅使璜召座而反之親下堂迎之以爲上  
客出通鑑文侯子武侯之世趙世家書與中  
山戰于房子是時蓋已復國其後與諸國  
並稱王則其勢又強矣意者若鄭莊公克  
許雖有其地而不絕其祀所以能復興歟  
索隱之說亦然出大事記

周威烈王十八年魯穆公二年○晉烈  
公十四年○齊宣公  
四十八年○衛真公二十一年○鄭繻公十  
七年○宋休公六年○秦簡公五年○楚簡  
公二十四年○燕湣公二年春○齊田和侵魯  
十六年○越伯翳四年  
取非其成○秦初租禾出年表○楚子中卒當  
其是為○晉韓虔侵鄭取有也非其  
雍丘鄭世家  
十五年雍丘今汴  
州縣也在杞國○鄭城京備韓也括地志  
鄭州滎陽縣  
東南二十里

秦不用周禮所謂初租禾者變其國之舊

綱目前編卷三

二十一

制耳其增其損不可知也出大事記淳于髡曰  
魯穆公之時公儀子為政子柳子思為臣  
魯之削滋甚質諸孟子皆非是穆公亟見  
於子思曰古千乘之國以友士子思不悅  
曰古之人有言曰事之云乎豈曰友之云  
乎是穆公欲友子思而不可得況敢臣之  
乎以臺無餽之事觀之悅賢不能舉又不  
能養無惑乎魯之削也穆公雖不能終用

予思然尊賢尚德之意當時所罕而公儀之廉儉亦得相小國之道以魯之弱崎嶇於強暴之間竟能與戰國相終始未必非其君相之力也按魯自三家四分公室而魯君無民久矣孔子相魯亦季氏暫授之政而尋自取之哀公既死於外而悼公之立反卑於三家三十八年而至于元公元公之世齊田正熾魯於是乎失莒失

通鑑前編卷三

三

安陽又失都則元公之世削已甚矣穆公立於失都之後二年而失成則田氏之列未戢也不知公儀子之為相其時三家之勢何如公儀子諸賢所以處之者何策然自失成之後又十五年而失最而韓又來救則諸賢所以交鄰固國者必有道矣又四年而敗齊于平陸又四年而為齊所破又十年而穆公卒卒之四年而伐齊入陽

關則魯之勢其相為勝負者未為甚削也然自穆公之立以來凡百六十餘年而始亡則諸賢所與立者亦必有道矣不然以魯之弱一日不可存況於百六十年乎云金氏

甲戌周威烈王十九年魯穆公三年○晉烈公十九年○衛慎公二十二年○鄭繻公十八年○宋休公七年○秦簡公六年○楚聲公元年○越王無疆五年春秦初令吏帶劍

綱目前編卷三

三

讎也○秦斬洛城重泉○鄭伐鄭復讎韓取負黍鄭世家在洛陽城西三十六年括地志云負黍在洛陽城西三十六年括地志云負黍在洛陽城西三十六年括地志云南○齊侯鄭伯會于西城史記作鄭會于西城齊侵衛又非其母丘通鑑前編作田和代衛取母丘有也母丘丘母音貫即古貫國在曹州濟陰縣南○晉魏斯受經于卜子夏友田子方及段干木○晉魏斯以罪無君也吳起守西河西門豹令鄴李悝守上地佩王三代也佩劍秦也秦與三代之分無

他觀其所佩而已矣秦紀七年文書百姓

初帶劔史記在簡公六年事出大洛城失其

地重泉屬焉括地志云重泉在同州蒲

城縣東南四十五里本紀書于七年今按

洛城蓋以上洛水為名上雒漆沮也史記

在簡公六年事出大洛城失其

方為師每過段于木之廬必式四方賢士

多歸之子擊出遭田子方于道下車伏謁

綱目前編卷三

二十三

子方不為禮擊怒謂子方曰富貴者驕人

乎貧賤者驕人乎子方曰亦貧賤者驕人

耳富貴者安敢驕人國君而驕人則失其

國大夫而驕人則失其家失其國家者未

聞有以國家待之者也夫士貧賤言不用

行不合則納履而去安往而不得貧賤哉

擊乃謝之魏文侯受子夏經藝客陰

十木過其間未嘗不也史記亦曰子方

為文侯師說苑載翟璜謂子方曰公孫成

進子夏而君師之進段干木而君友之進

先生而君敬之蓋得其寶事出大洛城失其

段干木之閭而軾之其僕曰君胡為軾曰

段干木賢者也未嘗肯以已易寡人也吾

安敢不軾段干木光乎德寡人光乎地段

干木富乎義寡人富乎財吾安敢驕之於

是君請相之段干木不肯受乃致祿百萬

綱目前編卷三

二十四

而時往館之國人皆喜居無幾何秦欲攻

魏司馬唐諫曰段干木賢者也而魏禮之

天下莫不聞無乃不可加兵乎秦君以為

然乃不敢攻出呂氏春秋吳起者衛人仕於魯

齊人伐魯魯人欲以為將起娶齊女魯人

疑之起殺妻以求將大破齊師或謂之曰

起始事魯魯母死不奔喪魯絕之又殺

妻以求為將起殘忍薄行人也起恐得罪

聞魏文侯賢乃往歸之文侯問諸李克曰  
起貪而好色然用兵司馬穰苴弗能過也  
於是文侯以為將擊秦拔五城起之為將  
卧不設席行不騎乘親裹贏糧與士卒最  
下者同衣食分勞苦卒有病疽者起為吮  
之卒母聞而哭之或問之對曰往年吳公  
吮其父其父戰不還踵遂死於敵吳公今  
又吮其子妾不知其死所矣是以哭之

通出

綱目前編卷三

圭

吳起事文侯為將拔秦五城乃以為西  
河守以拒秦李悝為上地守下令曰人有  
狐疑之訟令射的中者勝不中者負令下  
而人皆習射及與秦人戰大敗之文侯以  
鄴為憂任西門豹守鄴而河內稱治按前  
漢晉志杜佑通典李悝為魏文侯作盡地  
力之教以為地方百里提封九萬頃除山  
澤色居三分去一為田六百萬晦治田勤

謹則蠶桑三斗不勤則損亦如之地方百  
里之增減輒為粟百八十萬石又曰糴甚  
貴傷民甚賤傷農民傷則離散農傷則國  
貧蓋平糴者必謹觀歲有上中下熟上熟  
其收自四餘四百石上糴三而舍一中熟  
自三餘三百石上糴二而舍一下熟自倍  
餘百石上則糴一使民適足價平則止小  
饑則發小熟之所歛中饑則發中熟之所

綱目前編卷三

圭

歛大饑則發上熟之所歛而糴之又撰次  
諸國法著法經以為政莫急於盜賊故始  
於盜律盜賊須劾捕故着囚捕二篇其輕  
狡越城傳戲借假不廉淫侈踰制以為雜  
律一篇終以具律具其加減凡六篇商君  
受之以相秦具律今之名例律也

出大事記

紀周威烈王二十年○魯穆公四年○晉烈  
王十年○衛慎公二十三年○鄭繻公十九  
年○宋休公八年○秦簡公七年○楚威公

二年○燕滑公二十年春

周威烈王二十一年○魯穆公五年○齊宣公五十年○宋休公九年○秦簡公八年○鄭繻公二十一年○燕滑公二年○齊侯積卒

○齊田會以廩丘叛○晉魏斯以解也魏成為相○晉趙籍以罪也公仲連為相

史記世家年表皆書田會以廩丘反會非

叛齊叛田氏也出大事記文侯謂李克曰先生

綱目前編卷三

重

有言家貧思良妻國亂思良相今所置非成則璜二子何如對曰居視其所親富視其所與達視其所舉窮視其所不為貧視其所不取五者足以定之矣文侯曰先生就舍吾之相定矣李克出翟璜曰聞君召先生而卜相果誰為之克曰魏成璜忿然曰西河守吳起臣所進也君內以鄴愛臣進西門豹君飲伐中山臣進樂羊中山

已援無使守之臣進先生君之子無傳臣

進屈侯鮒以耳目之所睹記臣可負於魏

成克曰子之言克於君者豈將比周以求

大官哉君問相於克克之對如是所以知

君之必相魏成者成食祿千鍾什九在外

是以東得卜子夏田子方段干木此三人

者君皆師之子所進五人者君皆臣之子

惡得與魏成比也璜再拜曰鄙人失對願

綱目前編卷三

重

卒為弟子趙烈侯好音謂公仲連曰

寡人有愛可貴之乎連曰富之可貴之則

否君曰然鄭歌者槍石三人吾賜之田人

萬畝連諾而不與烈侯屢問連乃稱疾不

朝番吾君謂連曰君實好善而未知所持

公仲亦有進士乎連曰未也曰牛畜荀欣

徐越皆可連進之畜侍以仁義烈侯道然

明日欣侍以舉賢使能明日越侍以節財

儉用察度功德所與無不允君說乃謂連  
曰歌者之田且止以畜為師欣為中尉越  
為內史賜連衣二龍山史記舊作相國公仲  
連相國非當時之官後人追書也年表書  
此事於威烈王二十四年以番吾君之言  
逆數公仲初相之歲當載於此出大事記

丁丑周威烈王二十二年魯穆公六年○晉烈公十八年○齊康公元年○衛慎公二十五年○鄭繻公二十一年○宋休公十年○秦簡公九年○楚

綱目前編卷三

三九一

敬公四年燕湣公三年○越伯駘八年○

始黃周威烈王二十三年司馬溫公通鑑朱子綱目俱自此年

通鑑綱目前編卷之三

終

通鑑綱目前編後序

著書非古也自仲尼始也然而非聖人之得已也古者包羲堯舜禹湯文武之王天下也皆以聖德致治身睹厥成何以言為仲尼之德數聖人之儔也然不得位以行其道於是恐數聖人開物成務之道遂無傳於後世也又恐後世不可數得聖人也乃取數聖人已行之迹筆之於書是故易弗贊則陰陽不可

綱目前編後序

二

得而明矣書弗序則政事不可得而用矣詩弗刪則性情不可得而正矣禮樂弗定則人鬼不可得而理矣春秋不修則名分不可得而秩矣故謂之六經焉自夫人主之有六經也用之則治違之則亂自夫學者之有六經也守之則為聖為賢習之則為愚為不肖然而無有能易之者故曰非聖人之得已也夫經所以載道也史所以紀事也世之所不可



無者也若夫六經之春秋固史也已載道而至易書詩紀事而至春秋粹乎不可尚已由孔子之後而有作者若曾子之大學子思之中庸孟氏之七篇其經之翼乎若左傳國語其春秋之裔乎由四子而後作者益多矣談道者宗經言文者宗左氏或僭擬經其粹且高者僅可以爲三者之翼左氏之裔耳下焉者吾不欲觀之矣書可易爲哉不可已繼春

綱前編後序

三

秋而作者其史乎若近世司馬氏之通鑑朱氏之綱目蓋史中之傑然者也仲尼作春秋也終周敬王三十九年而通鑑暨綱目始成烈王二十三年其間七十餘年之事邈焉無聞非史之缺典也歟吾友函谷許子賢者也以忤時退處龍灣十有餘年探道既精稽古既悉乃爲通鑑綱目前編三卷以續朱氏之決其書法不襲近代而亦不詭於春秋至其

表微闡隱將善黜惡之意嚴且正矣其斯世之不可缺者乎而函谷未嘗以示人也夫鑒往戒來人心之同也世烏得而舍諸是書之成在嘉靖二年春元年夏則中庸本義并詩考五卷成最先成者易參五卷春秋意見一卷在正德十六年夏夫十年之間而著五書函谷之於問學可謂強力不怠者矣

綱前編後序

三

嘉靖乙酉冬十二月之望儀封郭維藩書



通鑑綱目前編三卷

江蘇巡撫  
採進本

明許誥撰誥自號函谷山人靈寶人吏部尚書進  
之子文淵閣大學士讚之兄兵部尚書論之弟宏  
治己未進士官至南京戶部尚書諡莊敏事迹附  
見明史許進傳是書以司馬光通鑑朱子綱目皆  
不直接春秋中間闕七十餘年之事金履祥通鑑  
前編書法又多舛迂乃重輯是編以訂訛補闕其  
中如辨宋昭公非周元孫魏文侯未弑晉幽公趙  
鞅趙無卹之卒歲史記並誤亦小有考証而摹仿  
春秋過甚拘文牽義往往畫虎不成又或生例於  
春秋之外如春秋書衛侯燬滅邢說者謂惡其滅  
同姓又或以爲因下衛侯燬卒之文而訛已非成  
例而誥於楚子章滅陳書名於越勾踐滅吳併削  
爵史記越世家越致貢于周周元王使人賜勾踐  
胙命爲伯所謂伯者蓋爲方伯非由于爵晉爲伯  
爵也誥乃自是俱書越伯至於春秋無事必書時  
例也於春特書王正月明正朔也誥於無事之年  
既不備書又不書王正月必於年下別標一春字  
自序謂行夏時重歲首也亦不善於學步矣

經世策一卷

〔明〕魏校撰

北京大學圖書館藏明嘉靖四十年王道行  
刻莊渠先生遺書本

附《四庫全書總目·經世策一

卷》提要

莊渠先生遺書經世策卷之八

兵備副使太原王道行梓門人歸有光校

經世策

漢策

漢太祖高皇帝

甲午歲楚懷王命沛公伐秦扶義而西項籍從宋義北  
救趙籍殺義大敗秦師遂為諸侯上將軍

枉矢西流

漢元年五星聚于東井

冬十月沛公入秦弔其民除秦苛政約法三章

經世策卷八

一

項籍坑秦降卒于新安

沛公守函谷關項籍復入秦沛公見籍于鴻門張良以

項伯解沛公之厄

項籍屠咸陽為寇而東焚秦宮室府庫

沛公掾蕭何收丞相府圖籍不及收博士所藏先王典

籍遂滅齊魯諸儒傳習自孔氏者不復全

沛公會諸侯于戲項籍主命尊楚懷王為義帝徙都郴

奪其彭城籍自立為西楚霸王封楚將英布為九江

王

沛公立為漢王都南鄭分秦為三王秦降將軍章邯司馬

欣董翳以距塞漢分齊趙韓魏燕以桐黨王其將善地而徙其王

諸侯罷兵之國

齊相田榮距楚留故齊王市不徙市畏楚之膠東榮遂

弑其君逐齊王假戕濟北王安復并三齊為一

楚留韓王成不之國戕之韓人張良復歸漢

漢王以張良為師蕭何為丞相韓信自楚適漢築壇拜

為大將軍

楚號范增為亞父

漢王定三秦

經世策卷

二

故燕王廣不肯徙國燕王荼弑其君

楚封故吳令鄭昌為韓王以距漢

漢二年西楚霸王項籍弑義帝

趙將陳餘以齊師復趙常山王耳奔漢

彭越因齊師畧梁地

楚王籍滅齊王榮虐其民榮弟橫立榮之子廣逐楚所

立齊王假楚威之以兵齊民不附

漢王如陝鎮撫關外父老丞相何守關中養民給軍食

河南王陽韓王昌魏王豹殷王卬地各入于漢

漢弛秦苑囿園池之禁令民田

漢令民除秦社稷立漢社稷

漢置縣三老與令丞尉以事相教鄉各置三老教其民

漢王遇三老董公于洛陽

漢王為義帝發喪會諸侯討項籍

漢王入彭城燕諸侯

楚王籍大敗漢師于睢是日大風晝晦漢王遜諸侯歸

漢者復背歸楚

楚獲漢王之父

漢王治兵守滎陽築甬道取敖倉粟遣使誘九江王布

背楚歸漢與梁相國彭越犄角距楚

經世策卷

三

漢王還櫟陽立太子盈諸侯子在關中者集櫟陽為衛

漢王如滎陽

漢修祀典令祠官祀上帝山川增立北時祠黑帝與四

時而五

關中大饑

漢三年冬十月十有一日有食之者再

漢遣使立六國後未行而罷

匈奴冒頓弑其父頭曼單于復取秦蒙恬所收地

漢復封九江王布為淮南王

楚絕甬道食圍滎陽紀信以死解漢王于阨漢王出師

千完葉楚王籍從之漢王還守成臯

楚入滎陽漢御史大夫周苛死之

漢復據敖倉彭越楚積聚漢楚相距于廣武

秋七月有星孛于大角

漢四年漢韓信北定魏趙及燕遂東襲齊楚救齊弗克

齊王廣滅齊王橫收其民距漢不勝入于海韓信請為假王填齊

漢立韓信為齊王徵其兵伐楚楚求成于齊約三分天下不從

漢王還櫟陽留四日復如廣武

紀漢書卷之

四

漢王令軍士死者吏為棺斂送其家

漢初為筭賦

楚及漢平約中分天下

楚歸漢王之父于漢

五年冬十月漢王追楚王籍及于固陵期齊王信梁相

國越不至楚人大敗漢師

漢許齊梁分地

十有二月漢王會諸侯滅項籍天下一統

以國姓賜項伯謂之為劉纏封射陽侯宗系始亂

春二月尊漢王踐皇帝位分封諸侯王郡國錯治大國

地方千里

更王后曰皇后王太子曰皇太子追尊母為昭靈夫人  
兵賜爵罷歸家輕徭役省刑罰與天下休息令民聚保  
山澤者各歸其縣自賣為人奴婢者免為庶人  
詔守尉長吏善遇高爵

因秦之制以丞相外總九卿御史大夫執法丞相太尉  
典兵不常置有事御史大夫下相國相國下諸侯王  
御史中執法下郡守郡國守相各課其所屬丞相總  
受郡國之要自丞相以下其屬皆自辟除  
輕田租十五而稅一民兼并者仍私收稅太半

紀漢書卷之

五

帝都洛陽戍卒妻敬見帝是日帝遷都關中

留侯張良謝病辟穀

燕王荼反帝討荼誅之立盧綰為燕王綰通于匈奴

六年令天下縣邑城

冬十有二月帝巡狩會諸侯于陳誘執楚王信以歸貶

為淮陰侯是日赦天下

剖符封功臣為徹侯詔定元功位次封相國何劬履上

殿入朝不趨

大封同姓從兄賈為荆王弟交為楚王兄喜為代王子  
肥為齊王分天下半

以曹參為齊相國參師蓋公治齊

命丞相何次律令韓信申軍法張蒼明章程叔孫通定

朝儀徵魯兩生興禮樂不至

夏五月尊父太公為太上皇

徙韓王信于太原以備匈奴信叛從匈奴入寇

七年冬十月長樂宮成諸侯群臣朝賀置法酒御史舉

不如儀者

月暈圍參畢七重帝伐匈奴困于平城歸而議和親北

狄始為敵國

信敗伏誅

經世彙纂

本

代王喜棄其國封皇子如意為代王

以陳豨監趙代邊兵豨招賓客

令民產子復勿事二歲

選宗室為宗正叙九族

八年令賈人毋得衣錦繡綺縠紵屬操兵乘騎

九年徙山東大族實關中

帝不禮于趙王敖其相貫高謀大逆覺伏誅敖坐失國

選用其從官

徙代王如意為趙王特命御史大夫周昌出相趙

夏六月乙未日有食之

十年秋七月太上皇崩令諸侯王國各立廟

詔縣道官獄疑者各讞所屬不能決者移廷尉廷尉不

能決者以聞

十有一年陳豨反通于匈奴帝討豨誅之

皇后呂氏誘殺淮陰侯韓信及其三族

立皇子恒為代王與其母之國以孝聞

立郡國朝獻口賦法

詔郡國求賢

滅梁王越及其三族

分梁地立皇子恢為梁王皇子友為淮陽王

經世彙纂

七

帝遣陸賈立南粵王趙佗

帝欲以趙王如意易太子群臣固諫不從東園公角里

先生綺里季夏黃公侍太子見帝國本遂定

淮南王布反滅荆王賈逐楚王交并淮東西

帝征布赦天下死罪以下皆從軍發關中巴蜀兵衛太

子起留侯張良行太子少傅事

立皇子長為淮南王

布大戰于蘄敗走長沙伏誅

十有二年立兄子濞為吳王既而悔之

帝過魯以太牢祀孔子

帝辱相國何于獄既而釋之何復治事

右燕王綰不至帝遣樊噲帥師征之既而命陳平馳斬

噲周勃代之將平執噲歸于京師

立皇子建為燕王

帝厭兵詔不義擅起兵者天下共誅之

帝與群臣約非劉氏不王非有功不侯不如約者天下共誅之

十有三年夏四月詔陳平灌嬰帥師屯滎陽甲辰帝崩于長樂宮

夏五月丙寅葬高皇帝于長陵令郡國立廟

經世文叢本

皇太子嗣位

孝惠皇帝

元年太后呂氏召趙王如意相周昌固拒之乃先召昌

復召如意殺之殘其母戚夫人帝不能制因而成疾

二年秋七月相國鄒侯蕭何卒薦齊相國曹參代為相

國參遵何約束民頌清淨

四年舉孝弟力田

除挾書律

五年夏大旱

秋八月相國平陽侯曹參卒

六年冬十月遵高帝遺命參用王陵為右丞相陳平為左丞相周勃為太尉

夏留侯張良卒

七年春正月辛丑朔日有食之

夏五月丁卯日有食之既

秋八月戊寅帝崩于未央宮諸大臣避禍歸兵權于太后呂氏以兄子呂呂呂產據南北軍

太后呂氏當陽立少帝幽殺之復立少帝

太后議王諸呂王陵不可陳平周勃可之遷陵為帝太

傅病免乃先立宗正劉澤為瑯琊王使宦官諷大臣

經世文叢本

立諸呂為主

九

封妹故舞陽侯樊噲妻呂嬃

南粵逆命

星晝見

庚申歲春正月日有食之晝晦

辛酉歲太后呂氏將死遺命相國呂產上將軍呂祿以

兵衛宮

齊王襄聞內變起兵討呂氏之亂大將軍灌嬰帥師伐

齊次滎陽與齊連兵

太尉勃丞相平宗室朱虛侯章奪南北軍誅滅諸呂注

稷復安

逆代王入踐位以宋昌為衛將軍鎮撫南北軍

太宗孝文皇帝

元年冬十月尊生母薄氏為皇太后

陳平讓周勃功以勃為右丞相平為左丞相灌嬰為太尉行賞有差勃免平專為相平卒勃復為相

十二月詔議除收斂諸相坐律令大臣不可復議除之其後遂除古肉刑法

春正月立皇太子啓

選師傅賓客教后昆弟

無書東來入

詔振貸鰥寡孤獨佐百姓養老著為令

夏四月齊楚地震二十九山同日崩大水潰出

六月卻千里馬令郡國毋來獻

帝賜南粵王佗書佗復稱臣順命

召循吏河南守吳公為廷尉

吳公薦賈誼召遷大中大夫誼請改正朔興禮樂以定

漢制帝讓未遑

蜀守文翁興學校

二年冬十有一月癸卯日有食之詔求言舉賢良方正能直言極諫者

春正月賈誼請廣積貯帝親耕籍田勸農賜今年田租之半

三月立朱虛侯章為城陽王

以太中大夫右奮代張相如為太子太傅

除誹謗妖言律

三年冬十月丁酉十有一月丁卯日有食之者再

絳侯周勃免相就國灌嬰張蒼相繼為丞相

淮南王長來朝殺辟陽侯審食其

匈奴入寇遣將禦之出塞而還

謫賈誼于長沙

無書東來入

四年秋七月下絳侯周勃廷尉獄既而赦之

五年除盜鑄錢令

六年淮南王長謀反廢徙蜀道死追謚為厲王

吳世子來朝不恭于皇太子皇太子殺之

復與匈奴和親入寇愈數

七年召賈誼還復遷為梁王太傅誼陳治安策請教大

子尊禮大臣正風俗制匈奴推恩諸侯分封子弟以

消亂原

八年有長星出于東方

九年春大旱

十年太后弟大將軍薄昭殺使者帝令自殺

遣太常掌故鼂錯往濟南伏生所受尚書還奏太子未

知術數以為太子家令

十有一年夏六月皇子梁王揖卒徙皇子淮陽王武為

梁王蓋其地為藩扞

鼂錯論兵事帝璽書報之請削諸侯王不聽

募民徙塞下

十有二年冬十有二月河決東郡酸棗潰金隄始興卒

塞之河民數被河患

三月除關無用傳

後漢書卷六

十二

募民入粟于邊賜農民今年田租之半其後盡除田租

十有三年春定親耕及后親桑儀

夏除祕祝

吳有馬生角

十有五年齊王則卒無子國除

新垣平以候氣見始崇鬼神

十有六年命博士諸生刺六經作王制

分齊地立悼惠王子六人為王分淮南地立厲王子三

人為王

新垣平言候日再中詔更以明年為後元年

十有七年新垣平詐覺伏誅

詔議可以佐百姓者

十有八年帝賢后弟竇廣國欲相之不果以關內侯申

屠嘉為丞相封故安侯嘉檄召幸臣太中大夫鄧通

責大不敬將斬之帝使使持節謝丞相赦通

十有九年謁者張釋之以直諫擢為廷尉釋之持法平

二十年夏四月丙寅日有食之

二十有一年齊有狗生角

二十有二年夏大旱蝗詔弛利省費以振民

匈奴大入寇詔遣諸將屯兵備之帝勞軍至細柳周亞

後漢書卷六

十三

夫以軍禮見

帝拜周亞夫為中尉備國急難

二十有三年夏六月己亥帝崩于未央宮遺詔毋厚葬

己巳葬孝文皇帝于霸陵皇太子踐位遵遺詔始短

喪

莊渠先生遺書經世策卷之八



經世策一卷

安嶽巡撫  
採進本

明魏校撰校有周禮沿革傳已著錄是書編年紀  
事起漢高祖奉楚懷王命伐秦之歲止文帝末年  
似於通鑑綱目中偶拈一二卷以已意筆削之大  
旨欲仿春秋而既非經體又非傳體如高帝元年  
書曰沛公掾蕭何收丞相府圖籍不及收博士所  
藏先王典籍遂滅齊魯諸儒傳習自孔氏者不復  
全此仿春秋何例也

人代紀要三十卷(一)

〔明〕顧應祥撰

北京大學圖書館藏明嘉靖三十七年黃庚刻本

人代紀要序

天位乎上地位乎下而人生其間也者天地之心也欲知天地之變者必以人君也者人之主也欲知人代之興替者必以君上古之時茫乎遠矣不可得而知矣自夫書契既立人文日開於是乎始有簡策以紀之唐虞有典三代有書以其載道而言則謂之經以其紀事而言則謂之史其實一也春秋者魯國之史也孔子取而筆削之遂得與經並傳其餘弗傳者多矣漢司馬遷氏始會詩書左傳國語世本戰國策諸書上自黃唐迄于秦漢立帝紀年表八書世家列

傳共爲一書謂之史記班氏父子繼之爲西漢書自是而後有一代之興必有一代之史皆宗其槩襲而莫能尚之至宋司馬溫公又取諸家之史萃而爲一以爲編年是謂資治通鑑不曰史而曰鑑者蓋欲人君以古爲鑑之義也朱子因之而作綱目大書以提其要分註以紀其實約文隱義而褒貶寓焉作史之法無踰於此矣應祥幼好讀史而苦於浩瀚嘗效皇極經世起自唐堯甲辰畫爲編年圖專紀人代以便觀覽既而病其太簡未及改也乃今謝事家居閉門杜客每嘆餘生無幾不敢惕玩復取前書

重複增定秦漢以前則證之於子由古史秦漢以後則證之於二十一史通鑑纂要世史正綱諸家雜史僞史至於稗官小說釋老之書咸取而參訂之大率以紀人代爲主故於人君之創業繼統篡弒之事必求其實而詳書之雖僭僞之主夷狄之君亦必具其顛末而政事之有關於治亂興亡之大者則櫟括其語而明白書之使善者知其爲善惡者知其爲惡篡弒者知其爲篡弒中國知其爲中國夷狄知其爲夷狄窮鄉下邑之士無書可考者一覽而得其槩矣祥也學不足以博古又無鄴侯三萬軸之蓄

掛一漏萬之誚知不能免豈敢附于  
作者之末聊以便初學云爾嘉靖三  
十七年歲在著雍敦牂端陽日吳興  
林下七十六翁顧應祥序

人代紀要序

刻人代紀要序

君子之道進則立功以匡時退則立言以垂  
世其致一也孔子歸魯脩春秋說者謂史外  
傳心之要典於是魯史以經名矣漢魏以降  
代有作者雖以子長孟堅之雄君實子由之  
博僅稱良史尚多遺憾焉以非性命之書也  
繼麟經而作者惟朱子綱目庶為近之何者  
史一經也經一理也吾心之中萬理咸備以  
心之理而觀經則理不在經而在心以經之  
理而觀史則史不以迹而以理故或恃其聰  
明足以辦天下之事而不考求古人已試之  
成規固無以窮理致知而底於至善精微之  
極然不知涵養本原而徒以涉獵記誦為能  
則又墮於玩物喪志之病雖博文強識終不  
足以為畜德之資矣綱目之作效法乎經茲  
其仰紹乎心傳而陋諸家於不足言者歟乃

今箬谿先生自少即馳聲藝苑既而敷歷中外位陟台司其功業掀揭已足焜耀史籍矣致政之暇復潛心理學遊神墳典凡天地陰陽之化古今治亂之形靡不探索鉤致而冥會其微乃出其心所自得著為人代紀要云夫紀代以人紀人以要刪繁蕪詳蘊奧淵乎深矣其性命之涵乎自今而觀扶正抑邪則名分秩彰善彈惡則懲勸公微顯闡幽則義

人代紀要

本

六

例明其大要尤嚴於帝王統系以正君道之綱而即位改元則紀禪繼放伐則紀篡弑僭偽則紀禮樂刑政之大則紀天變人事之異則紀以至宰執之忠邪聖賢之出處佛老之害正有關於天下國家之安危者亦必謹書而備錄之其迹參乎史其理準乎經進退予奪森然筆削之精而華袞斧鉞凜々於片言隻字之內上下數千年間縱橫變化程以一

人代紀要

本

七

理如持權衡以低昂輕重銖積黍分芒忽靡忒其有裨世教弘矣謂可與綱目並傳非耶而視諸逞博炫奇者奚翅霄壤哉維時大埔及泉黃侯蒞政長興本經術以為教首閱是書即銳然起曰政以代殊理本則一萬世之速猶一日萬方之大猶一邑稽其成敗酌其損益補偏揅弊三變而帝道可舉况為宰乎資而行之治效既張遂捐金授梓以傳不朽而謂明善典司教事也乃屬之校訂以董其事、既竣明善拜手而言曰猗與休哉洪荒不可作矣唐虞之前無文三代之上無事渾噩雍熙遐哉邈乎世變愈趨則上日以察下日以偽而天下寔以多事故先生之為是編也畧於上古其淳龐之思乎詳於叔季其衰世之意乎又非直紀年叙事云爾抑真得傳心之要者耶而黃侯抱悃々之誠施問々之

政欲挽衰敝而進之隆古獨契乎是編者多矣先生之書因侯以傳侯之政得先生之書而益信他日傳儒林傳循吏者不可併考而知乎若夫名繡之旨則先生之自序悉矣時則同事讐校者倪生佩減生繼華亦有功於是編者也

嘉靖戊午夏五月既望後學江陰湯明善序

人代紀要

序

刻人代紀要序

人代紀要凡例

一是書以甲子支干衡書于上而以人事繫之天運于上而人處於下也

一編年倣皇極經世起於帝堯甲辰然無事可書詩書所載者亦不敢妄入至周共和以後有史記十二諸侯年表六國年表可據然後書

一是書止紀人代興亡原無褒貶故於人君終始或禪或篡或弑皆詳其故

一弑君者或以刃或以醢或以飲食進毒或逼令自縊主意者某下手者某咸備書史無明文者則書曰人

人代紀要

凡例

曰某弑之

一人君即位元年書於甲子之下次年不書改元亦書女后稱制則旁書篡位者亦旁書凡僭偽之主建立年號者不拘久近俱旁書於下方

一三國蜀漢偏安一隅魏篡位皆旁書吳僭偽旁書下方南北朝以南為正書於上北朝書於下宋南渡以後亦書於上而遼金夏書於下若夷狄稱年號者止於各年之後書曰某國改號某而甲子之下不書其所據者非中華之土也

一正統之君三代稱王秦漢以後稱帝篡位若僭偽及

偏安者稱主東晉南宋仍稱帝凡夷狄為中國主者不拘大小俱稱主胡元雖混一天下止稱主

一人臣被戮綱目有罪者曰伏誅無罪者曰殺然而其中有不同者或戮之於市或賜死或杖死或遣人刺之或下獄而死或自剄或仰藥而死皆明白書之有罪者書其罪無罪者書其獲罪之故

一禮樂刑政有關於興亡之大者書餘不書

一宰相輔君為治後漢魏晉改為司徒而權不在宰相唐稱謂不一宋謂之平章而進退不常故賢者書關於興亡者書餘不能盡書

人代紀要

凡例

二

一聖賢出處書孔門弟子生年未知的否照通鑑前編舉要書之以備參考

一秦漢以後賢人君子書隱士書

一權臣之害國害民者必形容其為惡之跡以為世戒一釋老俱異端而釋氏尤甚歷代之倡亂者往往起於奉佛故備書之以祛世人之惑

一天變之大者人事之極乖異者書有可喜可愕之事亦書以資聞見

一紀事間有通鑑與史不同者從史或前人論斷不及或鄙見與前人不合者畧附數語于後

一我

紀事蹟載於金匱石室不敢妄書而止於洪武二十一年者蓋至是而北靖沙漠南平六詔天下大一統也

人代紀要凡例

人代紀要

凡例

三

人代紀要目錄

卷之一

唐虞夏

卷之二

商

卷之三

周武王 成王 康王 昭王 穆王 共王

懿王 孝王 夷王 厲王 宣王 幽王

卷之四

周平王 桓王 莊王 僖王 惠王 襄王

人代紀要目錄

頃王 匡王 定王 簡王 靈王 景王

敬王 元王 貞王 哀王 思王 考王

卷之五

周威烈王 安王 烈王 顯王 慎觀王

赧王 東周君

卷之六

秦始皇帝 二世皇帝 子嬰

漢高祖皇帝 惠帝 呂后

卷之七

漢文帝 景帝 武帝 昭帝

卷之八

漢宣帝 元帝 成帝 哀帝 平帝

孺子嬰 附新王莽

卷之九

漢淮陽王 光武帝 明帝 章帝 和帝

殤帝

卷之十

漢安帝 北鄉侯 順帝 冲帝 質帝

桓帝 靈帝

卷之十一

人代紀要目錄

漢獻帝 蜀漢昭烈帝 後主

魏文帝 明帝 齊王芳 帝髦 元帝

吳大帝 帝亮 景帝 皓

卷之十二

晉武帝 惠帝 懷帝 愍帝

東晉元帝 明帝 成帝

附前趙後趙成前涼

卷之十三

晉康帝 穆帝 哀帝 帝奕 簡文帝

孝武帝 安帝 恭帝



附漢後趙前秦後秦西秦前燕後燕西燕南燕北  
燕前凉後凉南京北凉西凉魏

卷之十四

宋武帝 少帝 文帝 孝武帝 廢帝 子業

明帝 蒼梧王 順帝

齊高帝 武帝 鬱林王 海陵王 明帝

東昏侯 和帝

北朝魏太武帝 南安王 文成王 獻文帝

宣武帝 上

附北燕西秦夏北凉

人代紀事

目錄

六

卷之十五

梁武帝 簡文帝 豫章王 元帝 敬帝

陳武帝 文帝 臨海王

北朝魏宣武帝 下 孝明帝 孝莊帝

東海王 節閔帝 廢帝 孝武帝

西魏文帝 廢帝 恭帝

東魏孝靜帝

北齊文宣帝 主廢 孝昭帝 武成帝

後主

北周愍帝 明帝 武帝

後梁宣帝 明帝

卷之十六

陳宣帝 後主

北齊幼主恒

北周宣帝 靜帝

後梁公琮

隋文帝 煬帝 恭帝

卷之十七

唐高祖 太宗

卷之十八

人代紀事

目錄

七

唐高宗 中宗 武后 溫王 睿宗

卷之十九

唐玄宗 肅宗 代宗

卷之二十

唐德宗 順宗 憲宗 穆宗 敬宗

卷之二十一

唐文宗 武宗 宣宗 懿宗 僖宗 昭宗

哀帝

卷之二十二

梁唐晉漢周

附契丹 蜀南唐吳越閩楚南漢北漢

卷之二十三

宋太祖 太宗 真宗 仁宗

附契丹 穆宗 遼景宗 契丹 聖宗 興宗

遼道宗 上 夏西平王 毅宗

卷之二十四

宋英宗 神宗 哲宗 徽宗 欽宗

附遼道宗 下 天祚帝 梁王 西遼德宗

夏惠宗 崇宗

金太祖 太宗

人代紀要 目錄

卷之二十五

宋高宗

附西遼 感天后 仁宗 承天后

夏仁宗 上

金熙宗 海陵王 世宗 上

卷之二十六

宋孝宗 光宗 寧宗

附西遼 直古魯

夏仁宗 下 桓宗 襄宗 神宗 獻宗

金世宗 下 章宗 衛紹王 宣宗

蒙古太祖

卷之二十七

宋理宗 度宗 幼帝 昀 端宗 帝昺

附夏 昀

金哀宗 末帝

蒙古太宗 定宗 后海迷失 憲宗

卷之二十八

元世祖 成宗 武宗 仁宗 英宗 晉王

卷之二十九

元明宗 文宗 寧宗 順帝

人代紀要 目錄

卷之三十

吳元年

九

人代紀要目錄

人代紀要卷之一

明吳興顧應祥編集

大埔黃裳校刊 江陰湯明華

解書紀年九年丙子帝即位唐虞

庠生倪佩同校

甲辰唐堯 肇位于平陽號陶唐氏

命羲和曆象

乙巳二

丙午三

丁未四

戊申五

初巡狩四岳

巳酉六

人代紀要

卷之一

一一

庚戌七有麟

辛亥八

壬子九

癸丑十

甲寅十一

乙卯十二初治象

丙辰十三

丁巳十四

戊午十五

巳未十六

漢禮氏未賓

庚申十七

辛酉十八

壬戌十九

命共工治河

癸亥二十

甲子二十一

乙丑二十二

丙寅二十三

丁卯二十四

戊辰二十五

巳巳二十六

人代紀要

卷之一

二

庚午二十七

辛未二十八

壬申二十九

春儀使氏未朝有汶羽

癸酉三十

甲戌三十一

乙亥三十二

丙子三十三

丁丑三十四

戊寅三十五

巳卯三十六

庚辰	辛巳	壬午	癸未	甲申	乙酉	丙戌	丁亥	戊子	己丑	庚寅	辛卯	壬辰	癸巳	甲午	乙未	丙申	丁酉	戊戌	己亥
三	八	九	十	十一	十二	十三	十四	十五	十六	十七	十八	十九	二十	二十一	二十二	二十三	二十四	二十五	二十六
						景星見于翼							帝遊于首山乘玄車玄駒			帝祭于洛			
人本紀要 卷之一																			
三																			

庚子	辛丑	壬寅	癸卯	甲辰	乙巳	丙午	丁未	戊申	己酉	庚戌	辛亥	壬子	癸丑	甲寅	乙卯	丙辰	丁巳	戊午	己未
七	八	九	十	十一	十二	十三	十四	十五	十六	十七	十八	十九	二十	二十一	二十二	二十三	二十四	二十五	二十六
	帝使后稷放帝子朱於丹水			洪水方割命鯀治之								黜崇伯鯀	帝微舜登庸春正月帝使四岳錫虞舜命	帝命二女嬪于舜	薦舜于天命之位	正月上帝舜受命于文祖	虞舜初巡狩四岳	司空高圉河	司空後齊觀之戒克之
人本紀要 卷之一																			
四																			

庚申五	辛酉六	壬戌七	癸亥八禹治水成功	甲子九	乙丑十	丙寅十一	丁卯十二	戊辰十三	巳巳十四司空入觀費用玄圭	人代紀要	庚午十五初達十有二州	辛未十六	壬申十七作游居于陶	癸酉十八帝遊居于陶	甲戌十九	乙亥二十	丙子二十一	丁丑二十二	戊寅二十三	巳卯二十四
										五										

庚辰五	辛巳六	壬午七	癸未八帝堯祖落帝陟於陶丹朱避舜於房陵遂封于房	甲申九	乙酉十	丙戌十一月正元日舜格于文祖都蒲坂號有虞氏	丁亥十二	戊子十三命皋陶作刑	巳丑十四	人代紀要	庚寅十五	辛卯十六	壬辰十七	癸巳十八	甲午十九西王母來朝	乙未二十	丙申二十一	丁酉二十二	戊戌二十三	巳亥二十四
										卷之一										卿雲見命禹代虞事

庚子 <small>五</small>	帝命夏后有事于太室
辛丑 <small>六</small>	
壬寅 <small>七</small>	春二月入學初月萬
癸卯 <small>八</small>	
甲辰 <small>九</small>	
乙巳 <small>十</small>	
丙午 <small>十一</small>	
丁未 <small>十二</small>	
戊申 <small>十三</small>	
巳酉 <small>十四</small>	
人代紀要 卷之七 庚戌 <small>十五</small> 帝命夏后有事于太室	
辛亥 <small>十六</small>	
壬子 <small>十七</small>	
癸丑 <small>十八</small>	
甲寅 <small>十九</small>	帝命子義鈞封于商
乙卯 <small>二十</small>	帝命子義鈞封于商
丙辰 <small>二十一</small>	帝命子義鈞封于商
丁巳 <small>二十二</small>	夏禹正月朔日禹受命于神宗 遂復九州
戊午 <small>二十三</small>	
巳未 <small>二十四</small>	

庚申 <small>四</small>	帝命夏后有事于太室
辛酉 <small>五</small>	
壬戌 <small>六</small>	
癸亥 <small>七</small>	
甲子 <small>八</small>	
乙丑 <small>九</small>	
丙寅 <small>十</small>	
丁卯 <small>十一</small>	帝命夏后有事于太室
戊辰 <small>十二</small>	
巳巳 <small>十三</small>	
人代紀要 卷之八 庚午 <small>十四</small> 帝命夏后有事于太室	
辛未 <small>十五</small>	
壬申 <small>十六</small>	帝命夏后有事于太室
癸酉 <small>十七</small>	帝命夏后有事于太室
甲戌 <small>十八</small>	帝命夏后有事于太室
乙亥 <small>十九</small>	
丙子 <small>二十</small>	禹踐天子之位都安邑建領尚黑鑄九鼎
丁丑 <small>二十一</small>	帝命夏后有事于太室
戊寅 <small>二十二</small>	
巳卯 <small>二十三</small>	

庚辰 四	辛巳 五	壬午 六	癸未 七 <small>禹東巡至會稽崩元子啓踐位</small>	甲申 八 <small>夏啓</small>	乙酉 九	丙戌 十 <small>三征有扈氏作甘誓</small>	丁亥 十一	戊子 十二	己丑 十三	人代紀要 卷之一	庚寅 十四 <small>七</small>	辛卯 十五 <small>八</small>	壬辰 十六 <small>九啓崩元子太康踐位</small>	癸巳 十七 <small>夏太康</small>	甲午 十八 <small>二</small>	乙未 十九 <small>三</small>	丙申 二十 <small>四</small>	丁酉 二十一 <small>五</small>	戊戌 二十二 <small>六</small>	己亥 二十三 <small>七</small>
---------	---------	---------	--	------------------------------	---------	------------------------------------	----------	----------	----------	-------------	------------------------------	------------------------------	--------------------------------------	--------------------------------	------------------------------	------------------------------	------------------------------	-------------------------------	-------------------------------	-------------------------------

庚子 八 <small>帝太康元年癸未</small>	辛丑 九	壬寅 十	癸卯 十一	甲辰 十二 <small>十四年陟</small>	乙巳 十三	丙午 十四	丁未 十五	戊申 十六	己酉 十七	人代紀要 卷之一	庚戌 十八	辛亥 十九	壬子 二十	癸丑 二十一	甲寅 二十二	乙卯 二十三	丙辰 二十四	丁巳 二十五	戊午 二十六	己未 二十七
-----------------------------------	---------	---------	----------	---------------------------------	----------	----------	----------	----------	----------	-------------	----------	----------	----------	-----------	-----------	-----------	-----------	-----------	-----------	-----------

庚申十

辛酉 太康盤于遊畋有窮后羿距于河而死弟仲康立

通鑑前編於太康十九歲辛亥年下書畋于洛表

羿拒于河遂都陽夏二十九歲辛酉年下書王崩

于陽夏弟仲康立註云用尚書路史修今考書序

及史記子由古史不曾分年皇極經世亦不分年

按太康盤于遊畋為羿所拒不得反國昆弟五人

須于洛汭作五子之歌固非一年之事然辛亥至

辛酉不應十年之久而立君也數千年前之事不

宜大分別也故從經世併書於辛酉年下

壬戌夏仲康 經世以為太康子史以為弟恐弟是

癸亥二

甲子三

乙丑四

丙寅五

丁卯六

戊辰七

巳巳八

庚午九

辛未十

壬甲十

癸酉十

甲戌仲康崩子相繼立依同姓諸侯斟灌斟鄩氏

乙亥夏相 徙都商丘

丙子二

丁丑三

戊寅四

巳卯五

庚辰六

辛巳七

壬午八

癸未九

甲申十

乙酉十一

丙戌十二

丁亥十三

戊子十四

巳丑十五

庚寅十六

辛卯十七



壬辰八

癸巳  
九十

甲午十二

乙未

丙申

丁酉

戊戌  
四

巳亥

庚子  
六十二

辛丑年

人代紀要

卷之十一

三

壬寅 寒浞殺有窮后羿代立使子澆及豷伐斟灌斟尋氏滅

相封澆于過，豷于戈，相之臣靡逃于有鬲氏相之

后緡還于有仍氏

癸卯  
少康生于有仍

甲辰

乙巳

丙午

丁未

戊申

巳酉

庚戌

辛亥

壬子

癸丑

甲寅

乙卯

丙辰

丁巳

戊午

巳未

人代紀要

卷之一

市

庚申

辛酉

壬戌

癸亥

甲子

乙丑

丙寅

丁卯

戊辰

巳巳

庚午	辛未	壬申	癸酉	甲戌	乙亥	丙子	丁丑	戊寅	巳卯	人代紀要	庚辰	辛巳	壬午	夏少康	夏之遺臣靡自鬲收斟灌斟鄩之墟以滅 浞而立少康少康既立遂滅澆于過滅豷于戈 以絕有窮氏之族	癸未	甲申	乙酉	丙戌	丁亥
										卷之十一										

戊子	巳丑	庚寅	辛卯	壬辰	癸巳	甲午	乙未	丙申	丁酉	人代紀要	戊戌	巳亥	庚子	辛丑	壬寅	癸卯	甲辰	乙巳	丙午	丁未
七	八	九	十	十一	十二	十三	十四	十五	十六	卷之十二	十七	十八	十九	二十	二十一	二十二	二十三	二十四	二十五	二十六
																少康崩子杼踐位封少子熊余於越				

戊申五

巳酉六

庚戌七

辛亥八

壬子九

癸丑十

甲寅十一

乙卯十二

丙辰十三

丁巳十四

人代紀要

卷之一

三

戊午十五

巳未十六

庚申十七  
杼崩子槐踐位

辛酉夏槐

壬戌二

癸亥三

甲子四

乙丑五

丙寅六

丁卯七

戊辰八

巳巳九

庚午十

辛未十一

壬申十二

癸酉十三

甲戌十四

乙亥十五

丙子十六

丁丑十七

人代紀要

卷之一

六

戊寅十八

巳卯十九

庚辰二十

辛巳二十一

壬午二十二

癸未二十三

甲申二十四

乙酉二十五

丙戌二十六  
槐崩子芒踐位

丁亥夏芒

戊子二

巴丑三

庚寅四

辛卯五

壬辰六

癸巳七

甲午八

乙未九

天中

一

人休

力	力
力	力
力	力

卷之十三

二十四

二	三
頁	頁
十	五

冬月十六

卷之十七

乙丑夏

五千二

五

卷之一

五

戊申四

巳酉五

庚戌六

辛亥七

壬子八

癸丑九

甲寅十

乙卯十一

丙辰二十

丁巳  
三十

代紀

戊午  
一四一

巳未  
五

庚申六

辛酉夏

壬戌二

又亥三

五

五

西定

卷之一

二十

戊辰	八	巳巳	九	庚午	十	辛未	十一	壬申	十二	癸酉	十三	甲戌	十四	乙亥	十五	丙子	十六	丁丑	十七	戊寅	十八	巳卯	十九	庚辰	二十	辛巳	二十一	壬午	二十二	癸未	二十三	甲申	二十四	乙酉	二十五	丙戌	二十六	丁亥	二十七
人代紀要																																							
卷之一																																							
三十一																																							

戊子	八	巳丑	九	庚寅	十	辛卯	十一	壬辰	十二	癸巳	十三	甲午	十四	乙未	十五	丙申	十六	丁酉	十七	戊戌	十八	巳亥	十九	庚子	二十	辛丑	二十一	壬寅	二十二	癸卯	二十三	甲辰	二十四	乙巳	二十五	丙午	二十六	丁未	二十七
人代紀要																																							
卷之一																																							
三十一																																							

八十四

九十四

三十五

五

五十一

三十五

四

五

七十五

第

八五

小九

中夏

11. 11. 11

四

十五

六

與上

卯八

三十一

九

十

十一

十一

三十一

西

六十日

七十六

八十

紀

二九

二、三

香

二

全

甲 四

四五

成

1-5

二十四

戊子八

巳丑九

庚寅十

辛卯十一

壬辰十二

癸巳十三

甲午十四

乙未十五

丙申十六

丁酉十七

戊戌十八

巳亥十九

庚子二十

辛丑二十  
一子  
厲崩不降之子孔甲踐位

壬寅夏孔甲

癸卯二

甲辰三

乙巳四

丙午五

丁未六

卷之十一

五十一

戊申七

巳酉八

庚戌九

辛亥十

壬子十一

癸丑十二

甲寅十三

乙卯十四

丙辰十五

丁巳十六

戊午十七

巳未十八

庚申十九

辛酉二十

壬戌二十

癸亥二十

甲子二十

乙丑二十

丙寅二十

丁卯二十

卷之十一

五十二

戊辰 <sub>時</sub>	巳 <sub>巳</sub>	庚午 <sub>三</sub>	辛未 <sub>三</sub>	壬申 <sub>三</sub> 孔甲崩子皐踐位	癸酉 <sub>夏</sub> 皐	甲戌 <sub>二</sub>	乙亥 <sub>三</sub>	丙子 <sub>四</sub>	丁丑 <sub>五</sub>	人代紀要	戊寅 <sub>六</sub>	巳卯 <sub>七</sub>	庚辰 <sub>八</sub>	辛巳 <sub>九</sub>	壬午 <sub>十</sub>	癸未 <sub>十一</sub> 皐崩子發踐位	甲申 <sub>夏</sub> 發	乙酉 <sub>二</sub>	丙戌 <sub>三</sub>	丁亥 <sub>四</sub>
										卷之一										
										十七										

戊子 <sub>五</sub>	巳丑 <sub>六</sub>	庚寅 <sub>七</sub>	辛卯 <sub>八</sub>	壬辰 <sub>九</sub>	癸巳 <sub>十</sub>	甲午 <sub>十一</sub>	乙未 <sub>十二</sub>	丙申 <sub>十三</sub>	丁酉 <sub>十四</sub>	人代紀要	戊戌 <sub>十五</sub>	巳亥 <sub>十六</sub>	庚子 <sub>十七</sub>	辛丑 <sub>十八</sub>	壬寅 <sub>十九</sub> 發崩子發踐位是謂發	癸卯 <sub>夏</sub> 發	甲辰 <sub>二</sub>	乙巳 <sub>三</sub>	丙午 <sub>四</sub>	丁未 <sub>五</sub>
										卷之一										
										天										



戊申 六	巳酉 七	庚戌 八	辛亥 九	壬子 十	癸丑 十一	甲寅 十二	乙卯 十三	丙辰 十四	丁巳 十五	戊午 十六	巳未 十七	庚申 十八	辛酉 十九	壬戌 二十	癸亥 二十一	甲子 二十二	乙丑 二十三	丙寅 二十四	丁卯 二十五
																是年公劉遷國于豳			

戊辰 六	巳巳 七	庚午 八	辛未 九	壬申 十	癸酉 十一	甲戌 十二	乙亥 十三	丙子 十四	丁丑 十五	戊寅 十六	巳卯 十七	庚辰 十八	辛巳 十九	壬午 二十	癸未 二十一	甲申 二十二	乙酉 二十三	丙戌 二十四	丁亥 二十五
									是年商癸斃子履嗣是謂成湯始居亳	是年商湯征葛						四湯于夏臺			

戊子六

巳丑七

庚寅八

辛卯九

壬辰十

癸巳十一

甲午十二

人代紀要卷之二

人代紀要

卷之二

三十一

人代紀要卷之二

明吳興顧應祥編集

大埔黃宸校刊 江陰湯明善

庠生倪佩同校

乙未商湯 伊尹相成湯伐桀升自陟遂與桀戰于鳴條

桀敗走三朧遂伐三朧俘厥寶王放桀南巢至大

坰仲虺作誥歸至亳乃大誥萬方南面朝諸侯建

國曰商建丑尚白

丙申二

丁酉三桀卒于亭山

人代紀要

卷之二

一

戊戌四

己亥五

庚子六

辛丑七

壬寅八

癸卯九

甲辰十

乙巳十一

丙午十二

丁未 湯崩孫太甲踐位不明伊尹放之桐宮

按孟子曰湯崩太丁未立外丙二年仲壬四年太甲顛覆湯之典刑趙氏註曰太丁湯之太子未立而死外丙立二年仲壬立四年皆太丁弟也太甲太丁子也程子曰古人謂歲為年湯崩時外丙方二歲仲壬方四歲惟太甲差長故立之史記云湯崩太子太丁未立而卒立弟外丙三年崩立弟仲壬四年崩伊尹廼立太丁之子太甲作伊訓子由古史因之蔡氏書傳又引吳氏之言謂太甲則位於仲壬之極前居憂於仲壬之殯側吳草廬尚書纂言亦云湯四世太丁之子太甲立邵子皇極經世則直書湯崩元子太甲踐位仁山金氏通鑑前編與金應諸史會編皆云嫡孫太甲踐位蓋主程子邵子之論而會編又云邵子以曆數推之而知外丙仲壬之無位愚竊有疑焉夫書序明言成湯既沒太甲元年伊尹作訓若外丙嗣湯而立伊尹何故獨無一言直待四世而後作訓乎詳玩孟子本文專言伊尹不有天下而於外丙仲壬未嘗言其立與否也司馬遷採入史記始言之而又以外丙立三年而崩與孟子稍異蔡氏以書序淺陋

簡畧非孔子所作遂一槩非之草廬纂言則又併伊訓諸篇皆疑其非孔壁之舊又云古文尚書乃東晉時梅賾所上方行於世今考遷史殷本紀伊尹作伊訓又曰伊尹作太甲則司馬遷之時已行於世矣不知草廬何以不詳考也邵子之學固能通天地造化之妙至於上考往古有位無位恐未必然愚以為邵子與程同時當時因有此論故缺其名位以存疑亦未可知但邵以為元子程則不言或孫或子俱無所考大抵千載以前之事闕之可也今照通鑑前編止

書嫡孫太甲踐位而詳著其說如此

戊申商太甲

巳酉二

庚戌 太甲思庸伊尹乃冕服奉嗣王歸于亳作太甲三篇

辛亥四

壬子五

癸丑六

甲寅七

乙卯八

丙辰九	丁巳十	戊午十一	己未十二	庚申十三	辛酉十四	壬戌十五	癸亥十六	甲子十七	乙丑十八	丙寅十九	丁卯二十	戊辰二十一	己巳二十二	庚午二十三	辛未二十四	壬申二十五	癸酉二十六	甲戌二十七	乙亥二十八
人代紀要																			
卷之二																			
四																			

丙子九	丁丑十	戊寅十一	己卯十二	庚辰十三	辛巳十四	壬午十五	癸未十六	甲申十七	乙酉十八	丙戌十九	丁亥二十	戊子二十一	己丑二十二	庚寅二十三	辛卯二十四	壬辰二十五	癸巳二十六	甲午二十七	乙未二十八
人代紀要																			
卷之三																			
五																			



丙子二

丁丑三

戊寅四

巳卯五

庚辰六

辛巳七

壬午八

癸未九

甲申

二

人代紀要

卷之二

人

丙戌

丁亥

戊子  
四

巳丑

庚寅

辛卯七月甲戌朔葬已歸

壬辰商葬巳

癸巳

甲午三 南楚牙言例不草

て未

丙申五

丁酉六

戊戌七

巳亥八

庚子九

五十五

王角一

身以踐位伊沙臣詹格于上帝巫咸又

王家

王家大仙所涉之正

人代紀要

卷之二

九

乙巳

丙午三

丁未四

戊申五

巴里

庚戌

五	五
---	---

卷之九

夢王

一

甲戌	癸酉	壬申	辛未	庚午	巳巳	戊辰	丁卯	丙寅	乙丑	人代紀要	甲子	癸亥	壬戌	辛酉	庚申	巳未	戊午	丁巳	丙辰	乙卯
一	十三	九	八	七	六	五	四	三	二	卷之二	一	十二	九	八	七	六	五	四	三	二
										十										

甲午	癸巳	壬辰	辛卯	庚寅	巳丑	戊子	丁亥	丙戌	乙酉	人代紀要	甲申	癸未	壬午	辛巳	庚辰	巳卯	戊寅	丁丑	丙子	乙亥
一	十五	九	八	七	六	五	四	三	二	卷之二	一	十四	九	八	七	六	五	四	三	二
										十一										

甲寅	癸丑	壬子	辛亥	庚戌	己酉	戊申	丁未	丙午	乙巳	甲辰	癸卯	壬寅	辛丑	庚子	己亥	戊戌	丁酉	丙申	乙未
一	二	三	四	五	六	七	八	九	十	十一	十二	十三	十四	十五	十六	十七	十八	十九	二十

卷之七

七

甲戌	癸酉	壬申	辛未	庚午	己巳	戊辰	丁卯	丙寅	乙丑	甲子	癸亥	壬戌	辛酉	庚申	己未	戊午	丁巳	丙辰	乙卯
一	二	三	四	五	六	七	八	九	十	十一	十二	十三	十四	十五	十六	十七	十八	十九	二十

卷之七

七

戊午 太戊崩是為中宗子仲丁踐位

己未 商仲丁 遷于囂

河南 穀倉

辛未 仲丁崩國亂弟外壬踐位



乙亥四	丙子五	丁丑六	戊寅七	巳卯八	庚辰九	辛巳十	壬午十一	癸未十二	甲申十三	乙酉十四	丙戌十五	丁亥十六	戊子十七	巳丑十八	庚寅十九	辛卯二十	壬辰二十一	癸巳二十二	甲午二十三
											外于崩國復亂弟河重甲立	徙居相商道復襄	相州余						

卷之二

古

乙未九	丙申十	丁酉十一	戊戌十二	巳亥十三	庚子十四	辛丑十五	壬寅十六	癸卯十七	甲辰十八	乙巳十九	丙午二十	丁未二十一	戊申二十二	巳酉二十三	庚戌二十四	辛亥二十五	壬子二十六	癸丑二十七	甲寅二十八
河重甲崩子祖乙踐位	地于相徙都耿	龍門縣							甲辰九地于耿徙居邢巫賢為相商道復興	龍門縣									祖乙崩子祖辛踐位

卷之三

十五

乙卯商祖辛	丙辰二	丁巳三	戊午四	巳未五	庚申六	辛酉七	壬戌八	癸亥九	甲子十	乙丑十一	丙寅十二	丁卯十三	戊辰十四	巳巳十五	庚午十六	辛未商沃甲	壬申二	癸酉三	甲戌四
人代紀要										卷之二									
十六																			

乙亥五	丙子六	丁丑七	戊寅八	巳卯九	庚辰十	辛巳十一	壬午十二	癸未十三	甲申十四	乙酉十五	丙戌十六	丁亥十七	戊子十八	巳丑十九	庚寅二十	辛卯二十一	壬辰二十二	癸巳二十三	甲午二十四
人代紀要										卷之二									
十七																			

乙未 <sub>五</sub>	沃甲崩國亂兄祖辛之子祖丁立	丙申商祖丁	丁酉二	戊戌三	巳亥四	庚子五	辛丑六	壬寅七	癸卯八	甲辰九	人代紀要	乙巳十	丙午十一	丁未十二	戊申十三	巳酉十四	庚戌十五	辛亥十六	壬子十七	癸丑十八	甲寅十九
卷之二												大									

乙卯十二	丙辰十三	丁巳十四	戊午十五	巳未十六	庚申十七	辛酉十八	壬戌十九	癸亥二十	甲子二十一	人代紀要	乙丑二十二	丙寅二十三	丁卯二十四	祖丁崩國亂沃甲之子南庚立	戊辰商南庚	巳巳二十五	庚午二十六	辛未二十七	壬申二十八	癸酉二十九	甲戌三十
卷之二												九									

乙亥八	丙子九	丁丑十	戊寅十一	巳卯十二	庚辰十三	辛巳十四	壬午十五	癸未十六	甲申十七	人代紀要	乙酉十八	丙戌十九	丁亥二十	戊子二十一	巳丑二十二	庚寅二十三	辛卯二十四	壬辰二十五	癸巳商陽甲	甲午二
										卷之二								南庚崩國亂祖丁之子陽甲立諸侯不朝		
										主										

乙未三	丙申四	丁酉五	戊戌六	巳亥七陽甲崩弟盤庚踐位改號曰殷復婦亳	庚子商盤庚	辛丑二	壬寅三	癸卯四	甲辰五	人代紀要	乙巳六	丙午七	丁未八	戊申九	巳酉十	庚戌十一	辛亥十二	壬子十三	癸丑十四	甲寅十五
										卷之二										
										主										

乙卯  
六十一

丙辰  
七十

丁巳

戊午

巳未十二

庚申

辛酉

壬戌

癸亥二十四

甲子五辛

人代紀

乙丑

丙寅

丁卯

戊辰商

巴 二

庚午三

辛未四

壬申五

癸酉六

甲戌七

卷之二

生

乙亥八

丙子丸

丁  
五  
十

戊寅

巳卯二十

庚辰三十

辛巳  
四十

壬午  
五十

癸未  
六十

甲申  
七十

人代紀

乙酉  
十八

丙戌九十

丁亥十二

戊子

巳丑商

庚寅二

辛卯三

壬辰四

癸巳五

甲午六

卷之二

— 111 —

乙未七

丙申

丁酉九

戊戌

巳亥

與子  
二十

辛丑  
三十一

壬寅

癸卯

甲辰

人作經

二十七

河上十八

九

四  
五  
六

與戈子

辛亥年

王字

癸丑年

甲寅 二十

是年幽古公亶父遷于岐號曰周

卷三

三十五

乙卯  
七

丙辰年小乙崩子武丁踐位甘盤為相

丁巳商武丁

戊午二

巴朱三夢得傳說

庚申四

辛酉五

壬戌六

癸亥七

甲子八

乙丑九

丙寅十

十

一  
十

二二

庚午十一月

辛未 五十

壬申

癸酉

甲戌

卷之二

三

甲午	癸巳	壬辰	辛卯	庚寅	己丑	戊子	丁亥	丙戌	乙酉	甲申	癸未	壬午	辛巳	庚辰	己卯	戊寅	丁丑	丙子	乙亥
八	七	六	五	四	三	二	一	十	九	八	七	六	五	四	三	二	一	十	九
										人代紀要									
										卷之二									
										三十一									

乙卯	武丁崩是為高宗子祖庚踐位
丙辰	商祖庚
丁巳	三
戊午	三
巳未	四
庚申	五
辛酉	六
壬戌	七祖庚崩弟祖甲踐位殷道復衰
癸亥	商祖甲
甲子	二
本代紀要 卷之二 天	
乙丑	三
丙寅	四
丁卯	五
戊辰	六
巳巳	七
庚午	八
辛未	九
壬申	十
癸酉	十一
甲戌	十二

乙亥	三
丙子	四
丁丑	五
戊寅	六
巳卯	七
庚辰	八
辛巳	九
壬午	十
癸未	十一
甲申	十二
本代紀要 卷之二 壬九	
乙酉	三
丙戌	四
丁亥	五
戊子	六
巳丑	七
庚寅 是年周古公亶父薨少子季歷嗣是為王季生子 昌	
辛卯	九
壬辰	十
癸巳	十一



甲午 <sub>三十</sub>	乙未 <sub>三十</sub> 祖甲崩子廩辛踐位	丙申商廩辛	丁酉 <sub>二</sub>	戊戌 <sub>三</sub>	己亥 <sub>四</sub>	庚子 <sub>五</sub>	辛丑 <sub>六</sub> 廩辛崩弟庚丁踐位	壬寅商庚一	癸卯 <sub>二</sub>	人代紀要	甲辰 <sub>三</sub>	乙巳 <sub>四</sub>	丙午 <sub>五</sub>	丁未 <sub>六</sub>	戊申 <sub>七</sub>	己酉 <sub>八</sub>	庚戌 <sub>九</sub>	辛亥 <sub>十</sub>	壬子 <sub>十一</sub>	癸丑 <sub>十二</sub>
										卷之二										
										三										

甲寅 <sub>三十</sub>	乙卯 <sub>四十</sub>	丙辰 <sub>五十</sub>	丁巳 <sub>六十</sub>	戊午 <sub>七十</sub>	己未 <sub>八十</sub>	庚申 <sub>九十</sub>	辛酉 <sub>十二</sub>	壬戌 <sub>一</sub> 庚丁崩子武乙踐位	癸亥商武乙徙居河北之閭	人代紀要	甲子 <sub>二</sub>	乙丑 <sub>三</sub>	丙寅 <sub>四</sub> 武乙出畋震死于太丁踐位	丁卯商太丁	戊辰 <sub>二</sub>	己巳 <sub>三</sub> 太丁崩子帝乙踐位殷道益衰	庚午商帝乙	辛未 <sub>二</sub>	壬申 <sub>三</sub>	癸酉 <sub>四</sub>
										卷之二										
										五										

甲戌五	乙亥六	丙子七 是年周王季薨子昌嗣是為文王	丁丑八	戊寅九	巳卯十	庚辰十一	辛巳十二	壬午十三	癸未十四	人代紀要	甲申十五	乙酉十六	丙戌十七	丁亥十八	戊子十九	巳丑二十	庚寅二十一	辛卯二十二	壬辰二十三 是年周文王生子發	癸巳二十四
										卷之五										
										三										

甲午五	乙未六	丙申七	丁酉八	戊戌九	巳亥十	庚子十一	辛丑十二	壬寅十三	癸卯十四	人代紀要	甲辰十五	乙巳十六	丙午十七 帝乙崩子受辛立是謂紂	丁未商受辛	戊申二	巳酉三	庚戌四	辛亥五	壬子六	癸丑七
										卷之六										
										三										

甲寅八壁姐巳

乙卯九

丙辰十

丁巳十四西伯开姜里

戊午二十

巳未三十釋西伯

庚申四十

辛酉五十

壬戌六十

癸亥七十錫周文王命為西伯

甲子八十

乙丑九十是年周文王伐崇徙豐

丙寅十是年周文王薨子發嗣是謂武王

按禮記文王世子篇文王問武王曰女何夢矣

對曰夢帝與我九齡文王曰女以為何也武王

曰西方有九國焉君王其終撫諸文王曰非也

古者謂年齡齒亦齡也我百爾九十吾與爾三

馬文王九十七乃終武王九十三而終夫年壽

稟於天父豈能與之子此好事者為之也

丁卯十一

戊辰二十

巳巳三十

庚午四十

辛未五十

壬申六十

癸酉七十是年周成王誦生

甲戌八十

乙亥九十

丙子三十

丁丑一

戊寅二

己卯三

庚辰四

辛巳五

壬午六

癸未七

甲申八

乙酉九

丙戌十

丁亥十一

戊子十二



人代紀要卷之三

明吳興顧應棧

大埔黃宸校刊

法陰陽明著

庠生倪佩同校

己卯 周武王

周武王伐商殺受辛立其子武庚為後還豐踐天子位是年商亡

商自唐堯甲子契受封于商至夏桀甲午有國

凡五百二十一年自成湯十有八祀乙未伐夏

有天下至紂三十二祀戊寅凡二十有八主六

人代紀要

卷之三

百四十四年

庚辰二命管叔蔡叔霍叔守邯鄲衛三邑謂之三監

辛巳三

壬午四

癸未五

甲申六

乙酉七王崩元子誦踐位

丙戌周成王 三監以股叛淮夷叛

周公居東鄭玄以為避位孔安國以為東征二

說不同今依史記書之以存疑

周公東征

丁亥二

戊子三三監平殺武庚

封微子于宋康叔于衛箕子于高麗辟管叔于商

囚蔡叔于郭隣降霍叔為庶人東平淮夷

己丑四

庚寅五周公營成周

辛卯六

壬辰七

癸巳八周公分政成周東郊

人代紀要

卷之三

命蔡叔子蔡仲之蔡

甲午十封弟叔虞于唐

乙未

丙申 周公歿 君陳分政成周東郊

丁酉二

戊戌三

己亥四

庚子五

辛丑六

壬寅七

癸卯	八十	甲辰	九十	乙巳	十	丙午	十一	丁未	十二	戊申	十三	己酉	十四	庚戌	十五	辛亥	十六	壬子	十七	癸丑	十八	甲寅	十九	乙卯	二十	丙辰	二十一	丁巳	二十二	戊午	二十三	己未	二十四	庚申	二十五	辛酉	二十六	壬戌	二十七	王崩召公畢公輔元子釗踐位	
----	----	----	----	----	---	----	----	----	----	----	----	----	----	----	----	----	----	----	----	----	----	----	----	----	----	----	-----	----	-----	----	-----	----	-----	----	-----	----	-----	----	-----	--------------	--

卷之三

三

癸亥	周康王	甲子	二	乙丑	三	丙寅	四	丁卯	五	戊辰	六	己巳	七	庚午	八	辛未	九	壬申	十	癸酉	十一	甲戌	十二	乙亥	十三	丙子	十四	丁丑	十五	戊寅	十六	己卯	十七	庚辰	十八	辛巳	十九	壬午	二十	是年魯考公卒弟熙立是為煬公	
----	-----	----	---	----	---	----	---	----	---	----	---	----	---	----	---	----	---	----	---	----	----	----	----	----	----	----	----	----	----	----	----	----	----	----	----	----	----	----	----	---------------	--

卷之三

四

癸未 <sub>二十</sub>	甲申 <sub>二十</sub>	乙酉 <sub>二十</sub>	丙戌 <sub>二十</sub>	丁亥 <sub>二十</sub>	戊子 <sub>二十</sub>	是年魯煬公卒子宰立是為幽公	巳丑周昭王	庚寅 <sub>二十</sub> 子滿生	辛卯 <sub>二十</sub>	壬辰 <sub>二十</sub>	癸巳 <sub>二十</sub>	甲午 <sub>二十</sub>	乙未 <sub>二十</sub>	丙申 <sub>二十</sub>	丁酉 <sub>二十</sub>	戊戌 <sub>二十</sub>	巳亥 <sub>二十</sub>	庚子 <sub>二十</sub>	辛丑 <sub>二十</sub>
人代紀要										卷之三									
五																			

壬寅 <sub>二十</sub>	癸卯 <sub>二十</sub>	甲辰 <sub>二十</sub>	乙巳 <sub>二十</sub>	丙午 <sub>二十</sub>	丁未 <sub>二十</sub>	戊申 <sub>二十</sub>	巳酉 <sub>二十</sub>	庚戌 <sub>二十</sub> 是年釋氏生于酉戌	辛亥 <sub>二十</sub>	壬子 <sub>二十</sub>	癸丑 <sub>二十</sub>	甲寅 <sub>二十</sub>	乙卯 <sub>二十</sub>	丙辰 <sub>二十</sub>	丁巳 <sub>二十</sub>	戊午 <sub>二十</sub>	巳未 <sub>二十</sub>	庚申 <sub>二十</sub>	辛酉 <sub>二十</sub>
人代紀要										卷之三									
六																			

魯侯弟潰弑幽公自立是為魏公

壬戌

癸亥  
五

甲子

乙丑  
七三

丙寅八

丁卯

戊辰十四

巳巳  
一四

庚午  
二

辛未  
四

木代紀要

卷之三

七

壬午三

癸未  
四

甲申五

乙酉六

丙戌七

丁亥八

戊子九

巳丑十

庚寅

辛卯

人代紀要

卷一

人

史 6-741

壬寅	癸卯	甲辰	乙巳	丙午	丁未	戊申	巳酉	庚戌	辛亥	壬子	癸丑	甲寅	乙卯	丙辰	丁巳	戊午	巳未	庚申	辛酉
三	四	五	六	七	八	九	十	十一	十二	三	四	五	六	七	八	九	十	十一	十二
												征犬戎							
										八代紀要	卷之三								
										九									

壬戌	癸亥	甲子	乙丑	丙寅	丁卯	戊辰	巳巳	庚午	辛未	壬申	癸酉	甲戌	乙亥	丙子	丁丑	戊寅	巳卯	庚辰	辛巳
三	四	五	六	七	八	九	十	十一	十二	三	四	五	六	七	八	九	十	十一	十二
												王崩于祗宮子繫扈即位							
										八代紀要	卷之三				王遊於涇上密康公從				
										五									



壬午八	癸未九	甲申十	乙酉十一	丙戌十二 王崩子懿即位	丁亥周懿王	徙都槐里	戊子二	巳丑三	庚寅四	辛卯五	壬辰六	癸巳七	甲午八	乙未九	丙申十	丁酉十一	戊戌十二	巳亥十三	庚子十四	
										人代紀要										
										卷之三										
										十二										

庚子 <sub>九</sub>	巳未 <sub>八</sub>	戊午 <sub>七</sub>	丁巳 <sub>六</sub>	丙辰 <sub>五</sub>	乙卯 <sub>四</sub>	甲寅 <sub>三</sub>	癸丑 <sub>二</sub>	壬子 <sub>周孝王</sub>	辛亥 <sub>二十王崩共王之弟辟方即位</sub>	人代紀要	庚戌 <sub>四</sub>	巳酉 <sub>三</sub>	戊申 <sub>二</sub>	丁未 <sub>一</sub>	丙午 <sub>十二</sub>	乙巳 <sub>十一</sub>	甲辰 <sub>十</sub>	癸卯 <sub>九</sub>	壬寅 <sub>八</sub>	辛丑 <sub>七</sub>
										卷之三										
										十三										

辛酉十	壬戌十一	癸亥十二	甲子十三 封非子為附庸邑之秦	乙丑十四	丙寅十五 王崩國人立懿王子燮	丁卯周夷王 始下堂見諸侯	戊辰二	巳巳三	庚午四	八代紀要 卷之三	辛未五	壬申六	癸酉七	甲戌八	乙亥九	丙子十	丁丑十一	戊寅十二	巳卯十三	庚辰十四
										十三										

辛巳五十	壬午六十 王崩子胡即位	癸未周厲王 是年楚子去僭號	甲申二	乙酉三	丙戌四	丁亥五	戊子六	巳丑七	庚寅八	八代紀要 卷之三	辛卯九	壬辰十	癸巳十一	甲午十二 衛貞伯卒子頤侯繼	乙未十三	丙申十四 曹孝伯卒子喜立是為夷伯	丁酉十五 燕惠侯立自召伯至此九世 繼蔡仲至此五世	戊戌十六	巳亥十七
										十四									

庚子 <sub>八</sub>	辛丑 <sub>九</sub>	壬寅 <sub>十</sub>	癸卯 <sub>十一</sub>	甲辰 <sub>十二</sub>	乙巳 <sub>十三</sub>	丙午 <sub>十四</sub>	丁未 <sub>十五</sub>	戊申 <sub>十六</sub>	巳酉 <sub>十七</sub>	庚戌 <sub>十八</sub>	辛亥 <sub>十九</sub>	壬子 <sub>二十</sub>	癸丑 <sub>二十一</sub>	甲寅 <sub>二十二</sub>	乙卯 <sub>二十三</sub>	丙辰 <sub>二十四</sub>	丁巳 <sub>二十五</sub>	戊午 <sub>二十六</sub>
齊公好弒胡公自立是為獻公	晉厲侯卒子宜曰立是為靖侯	宋厲公卒子舉立是為愬公 齊徙臨淄	秦嬴卒子秦侯嗣			陳填卒子寧立是為幽公 衛頃侯卒子伋侯繼			齊獻公卒子壽立是為武公				秦侯卒子公伯立 楚熊延卒子熊勇立		殺言者	泰伯卒子仲立		

巳未 <sub>二十七</sub>	庚申 <sub>二十八</sub>	辛酉 <sub>二十九</sub>	壬戌 <sub>三十</sub>	癸亥 <sub>三十一</sub>	甲子 <sub>三十二</sub>	乙丑 <sub>三十三</sub>	丙寅 <sub>三十四</sub>	丁卯 <sub>三十五</sub>	戊辰 <sub>三十六</sub>	巳巳 <sub>三十七</sub>	庚午 <sub>三十八</sub>	辛未 <sub>三十九</sub>	壬申 <sub>四十</sub>	癸酉 <sub>四十一</sub>	甲戌 <sub>四十二</sub>
國人叛王出奔彘太子靖匿于召公之家周召三公行政謂之共和	晉靖侯卒子司徒繼是為僖侯			蔡武侯卒子夷侯繼 楚熊勇卒弟熊嚴立			曹夷伯卒弟驪立是為幽伯			陳幽公卒子孝立是為僖公	宋僖公卒子睟立是為惠公			王崩于彘周召二伯立太子靖仲山甫尹吉甫方叔申伯為輔大修文武之功 是年楚熊嚴卒子熊霜立	以秦仲為大夫伐西戎 尹吉甫為將伐玁狁 燕惠侯卒子莊嗣是為僖侯

乙亥 以方叔為將征蠻荆 命召虎征淮夷 王伐淮

徐 魯貞公卒弟敖立是為武公

曹公子蘇弑幽伯自立是為戴伯

丙子 三齊武公卒子無忌立是為厲公

丁丑 四

戊寅 五 晉僖侯卒子籍嗣是為獻侯

巳卯 六 大旱 秦仲伐西戎死子莊公代破西戎

楚熊霜卒弟熊徇立

庚辰 七

辛巳 八

人代紀要

卷之三

七

壬午 九

癸未 十

甲申 十一

乙酉 魯侯以長子括次子戲來朝王以戲為魯太子

魯武公卒子戲立是為懿公 齊胡公子攻厲公

齊人誅之立厲公子赤是為文公

丙戌 十二

丁亥 十三

戊子 衛懿侯卒少子伋立是為武公

巳丑 晉獻侯卒子費生立是為穆侯

庚寅 十

辛卯 蔡夷侯卒子所事立是為僖侯

壬辰 九

癸巳 十

甲午 魯懿公兄括之子伯御弑公自立

乙未 封弟友于鄭是為鄭桓公

丙申 晉侯伐條生太子仇

丁酉 齊文公卒子說立為成公

戊戌 五

巳亥 晉戰于千畝生子成師

人代紀要

卷之三

十八

庚子 宋惠公卒子哀公繼

辛丑 宋哀公卒子戴公繼 楚熊徇卒子熊罥立

壬寅 九

癸卯 馬化為人

甲辰 三

乙巳 伐魯誅伯御立懿公弟稱是為孝公 平化為狐

陳僖公卒子靈立是為武公 曹戴伯卒子兕立

是為惠伯

丙午 齊成公卒子購立是為莊公

丁未 四

庚申

巳酉六足年衛武公立

庚戌七燕僖侯卒子頃侯繼 楚熊渠卒子儀立是為共

敖

辛亥八

壬子九伐姜戎王師敗績于千畝

祭丑十料民于太原

甲寅十一

乙卯十二

丙辰十三晉穆侯卒弟殇叔自立太子仇出奔

丁巳十四

人代紀要 卷之三

五

戊午十五

巳未十六王崩太子宮涅即位

庚申周幽王 晉太子仇襲殺傷叔而立是為文侯

陳武公卒子說嗣是為夷公

辛酉十七三川震

壬戌十八三始嬖褒姒 涇渭洛竭岐山崩

癸亥十九陳夷公卒弟燮立是為平公 秦莊公卒子襄公

繼

甲子二十

乙丑六

丙寅七

丁卯八以鄭伯友為司徒 仲武公時亦在相作卿戎

戊辰九廢申后及太子宜臼立褒姒為后伯服為太子

巳巳十

庚午 申侯以大戊攻周弑王於驪山秦晉率鄭衛逐犬

戎立故太子宜臼是謂平王徙都洛邑

人代紀要

卷之三

三

人代紀要卷之三終

人代紀要卷之四

明吳興顧應祥編集

大埔黃展校刊 江陰湯明善校正

庠生倪佩同校

辛未周平王 鄭武公掘突元年 鄭桓公死于犬戎之難

壬申 魯孝公卒子弗湟立是為惠公

癸酉

甲戌 燕頃侯卒子哀侯繼

乙亥 宋戴公卒子司空繼是為武公

秦襄公伐戎卒于岐子文公繼

人代紀要 卷之四

丙子 燕哀侯卒子鄭侯繼

丁丑 楚若敖卒子熊坎繼

戊寅

巳卯 蔡僖侯卒子興立是為共侯 秦徙汧渭之間

庚辰

辛巳 蔡共侯卒子戴侯繼 曹惠伯卒子石甫立其弟

武殺之自立是為穆公

壬午

癸未 衛武公卒子楊立是為莊公

楚霄敖卒子熊眴立是為蚡冒

甲申 曹穆公卒子終生立是為桓公

乙酉

丙戌 陳平公卒子圉立是為文公

丁亥

戊子 是年秦初有史

巳丑

庚寅

辛卯 蔡戴侯卒子考父立是為宣侯

壬辰

癸巳 宋武公卒子力立是為宣公 經世作宋桓

人代紀要 卷之四

甲午

乙未 晉文侯卒子伯繼是為昭侯

丙申 晉封叔父成師于曲沃是為桓叔

陳文公卒子鮑立是為桓公

丁酉 鄭武公卒子寤生立是為莊公

戊戌 鄭封弟叔段于京

巳亥

庚子 衛公子州吁好兵

楚蚡冒卒弟熊通弑太子自立是為武王

辛丑

壬寅 晉潘父弑昭侯納曲沃成師不克國人立昭侯子

平是為孝侯

癸卯

甲辰

乙巳

丙午

衛莊公卒子完立是為桓公

丁未

戊申

衛州吁出奔

巳酉

庚戌

晉曲沃成師卒子鱣代是為莊伯

人代紀要

卷之四

三

齊莊公卒子祿父立是為僖公

辛亥

壬子

宋宣公卒舍其子與夷而立弟和是為穆公

燕鄭侯卒子穆侯繼

癸丑

甲寅

乙卯

丙辰

丁巳

晉曲沃莊伯入翼弑孝侯國人逐之立侯之子郤

是為鄂侯

戊午 魯惠公卒適幼國人立庶長息姑攝位是為隱公

巳未 魯隱元年 魯齊晉宋陳蔡鄭衛曹楚秦燕凡十

庚申

二國春秋始此

辛酉

王崩孫林即位 宋穆公疾讓位兄子與夷是為

壬戌

周桓王

癸亥

晉莊伯攻翼鄂侯出奔國人及虢侯立侯之子光

公弟晉子邢而立之是為宣公

衛州吁弑桓公自立石碻與陳侯謀殺州吁迎桓

人代紀要

卷之四

四

是為哀侯

甲子

晉曲沃莊伯卒子稱代是為武公

乙丑

秦文公卒孫寧公繼

丙寅

蔡宣侯卒子封人立是為桓侯

丁卯

是年秦徙居平陽

戊辰

魯公子翬弑隱公而立公子軌是為桓公

巳巳

燕穆侯卒子宣侯繼

庚午

宋華督弑殤公而立公子馮是為莊公

辛未

宋華督弑殤公而立公子馮是為莊公

壬申

宋華督弑殤公而立公子馮是為莊公

癸酉

宋華督弑殤公而立公子馮是為莊公

甲戌

宋華督弑殤公而立公子馮是為莊公

壬申 晉曲沃武公攻執哀侯國人立哀侯子小子侯  
癸酉 晉曲沃武公弑哀侯于曲沃

甲戌 伐鄭失利矢中王肩

陳桓公卒文公子佗殺世子免而自立

乙亥 蔡人殺陳佗而立免之弟躍是為厲公

丙子 晉曲沃武公入翼弑小子侯王使虢仲伐之復回

曲沃虢仲立哀侯弟緡

丁丑 秦寧公卒三父廢太子而立魯姬之子是為出子

陳公子敬仲完生

戊寅

人代紀要

卷之四

五

巳卯 曹桓公卒子射姑立是為莊公

庚辰 鄭莊公卒世子忽立宋執鄭祭仲協立公子突是

為厲公忽奔衛 衛殺二子及壽

辛巳 陳厲公卒弟林立是為莊公

衛宣公卒子朔立是為惠公

壬午

癸未 齊僖公卒諸兒繼是為襄公 燕宣侯卒子桓侯

繼 秦三父弑出子復立故世子武公

甲申 王崩子佗即位 鄭祭仲專政厲公欲殺不克出

奔蔡世子忽復入鄭是為昭公

乙酉 周莊王 子頹生 衛左公子洩右公子職怨惠公

讒殺太子伋乃作亂立伋之弟黔牟惠公奔齊

丙戌 蔡桓侯卒弟獻舞立是為哀侯

鄭高渠彌弑昭公立其弟子亯

丁亥 周公黑肩欲弑王立王子克事覺伏誅克奔燕

魯桓公與夫人姜氏如齊齊侯通馬使公子彭生

殺桓公于車魯人立公子同是為莊公 齊會首

止殺鄭 鄭祭仲立公子儀

戊子 王姬下嫁于齊 陳莊公卒弟杵臼立是為宣公

巳丑 宋莊公卒子捷立是為閔公

人代紀要

卷之四

六

庚寅 燕桓侯卒子莊公繼

辛卯 楚武王伐隨卒于師子熊貲立是為文王始都郢

壬辰

癸巳 齊襄公奉王命率諸侯復衛惠公誅左右公子黔

牟奔于周

甲午

乙未 齊無知弑襄公自立 是年秦滅小虢

丙申 齊人殺無知小白入是為桓公

丁酉 楚伐蔡獲哀侯留于楚 是年齊滅譚

戊戌



巳亥 王胡齊即位 宋萬弒閔公立公子游群公

子救游立公弟御說是為桓公萬奔陳宋人請歸

醢之

庚子周僖王 是年齊滅遂

辛丑 鄭厲公自櫟侵鄭獲傅瑕劫以求入傅瑕遂弒子

儀納厲公公入殺傅瑕

壬寅 晉曲沃武公滅翼以重寶賂天子得請為諸侯并

有晉地是為晉武公

癸卯 秦武公卒弟德公繼 楚滅鄧

甲辰 王崩子閔即位 晉武公卒子詭諸立是為獻公

大代紀要

卷之四

七

秦徙居雍 楚文王卒子麇立是為杜敖

乙巳周惠王 秦德公卒長子宣公繼

丙午 邊伯石速為國以蔡衛師攻王立王子頹王居鄭

蔡哀侯卒國人立其子肸是為穆侯

丁未

戊申 鄭伯入王成周殺頹及五大夫 晉伐驪得姬

鄭厲公卒子捷立是為文公

己酉 陳人殺公子御寇公子完奔齊

楚熊惲弒兄杜敖而自立是為成王

庚戌 曹莊公卒子羈不能自立奔陳國人立赤是為僖

公

辛亥

壬子 衛惠公卒子赤立是為懿公 晉侯殺群公子

癸丑

甲寅 錫齊侯命為伯 晉伐虢

乙卯

丙辰

丁巳 秦宣公卒弟成公繼 齊伐山戎

楚闕穀於莧為令尹

戊午

大代紀要

卷之四

八

己未 魯莊公卒季友立公子般慶父弒之而立公子啓

是為閔公 曹僖公卒子班立是為昭公

庚申 晉封趙夙于耿卑萬子魏

辛酉 秦成公卒弟任好立是為穆公 魯慶父以哀姜

弒閔公自立季友逐慶父立公子申是為僖公

狄入衛殺懿公公子頑之子戴公立

壬戌 衛戴公卒齊桓公立其弟熒是為文公

癸亥 燕莊公卒子襄公繼 齊城楚丘居衛文公

甲子 齊蔡姬蕩舟

乙丑

丙寅

晉殺太子申生公子重耳走蒲夷吾奔屈秦得百里奚蹇叔晉滅虢旄師滅虞楚滅弦

丁卯

戊辰

曹昭公卒子襄立是為共公

己巳

庚午

周襄王賜胙于齊侯是年齊會諸侯于葵丘

辛未

壬申

晉獻公卒子夷齊立里克殺之大夫荀息立夷齊之弟卓子宋桓公卒子茲父立是為襄公

癸酉

甲戌

晉里克弑卓子及荀息而納公子夷吾是為惠公公立殺里克而絕秦

乙亥

丙子

秦伐晉獲惠公獻河西地釋之齊管仲死

丁丑

戊寅

齊桓公卒五公子爭立易牙與寺人貂立無虧世子昭奔宋

己卯

宋曹衛邾伐齊入世子昭是為孝公齊殺無虧

庚辰

辛巳

是年梁亡秦滅之

壬午

癸未

楚執宋襄公子會召叔帶於齊晉公子圉自秦逃歸

甲申

乙酉

頹叔桃子以狄師伐鄭王以狄女為后宋襄公死于泓之戰子壬臣立是為成公

丙戌

丁亥

晉惠公卒子圉立是為懷公廢狄后頹叔奉叔帶以狄師亂王出居鄭秦穆公使人殺晉懷公而公子重耳是為文公

戊辰

是年梁亡秦滅之

辛巳

壬午

楚執宋襄公子會

癸未

甲申

頹叔桃子以狄師伐鄭王以狄女為后宋襄公死于泓之戰子壬臣立是為成公

乙酉

丙戌

晉惠公卒子圉立是為懷公

丁亥

戊子

齊孝公卒弟潘父殺世子而自立是為昭公

己丑

庚寅

衛穆公卒子朔立是為共公衛有元咺之訟晉執衛侯之王所元咺立公子瑕

辛卯

壬辰

晉釋衛侯歸殺元咺及公子瑕

癸巳

衛遷帝丘

鄭文公卒子蘭立是為穆公

甲午

乙未

衛穆公卒子朔立是為共公衛有元咺之訟晉執衛侯之王所元咺立公子瑕

丙申

丁酉

齊孝公卒弟潘父殺世子而自立是為昭公

戊戌

己亥

晉釋衛侯歸殺元咺及公子瑕

庚子

辛丑

衛穆公卒子朔立是為共公衛有元咺之訟晉執衛侯之王所元咺立公子瑕

晉文公卒子驩立是為襄公

甲午 魯僖公卒子興立是為文公

秦伐晉師敗孟明視等被執

乙未 楚世子商弒成王自立是為穆王

丙申

下酉 秦誓師孟明視焚舟克晉遂霸西戎

戌戌 楚滅江

己亥 晉趙襄子卒子盾代是為宣子 楚滅六滅蓼

庚子 晉襄公卒子人迎公子雍于秦

秦穆公卒子營立是為康公

人代紀要

卷之四

十一

辛丑 晉趙盾立世子夷皋是為靈公 宋成公卒國亂

弟禦殺世子代立國人殺禦立公子杵臼是為昭

公

壬寅 王崩太子壬臣即位

癸卯周頃王 曹共公卒子壽立是為文公 燕襄公卒

桓公繼

甲辰

乙巳 叔孫獲長秋

丙午

丁未 陳共公卒子平國立是為靈公

楚穆王卒子旅立是為莊王

戊申 王崩晉趙盾平周亂而立王子班 齊昭公卒子

舍立公弟商人弒舍而讓其兄元元不受商人乃

自立是為懿公

己酉周匡王 蔡莊侯卒子申立是為文侯

庚戌 宋襄夫人使向人殺昭公國人立其弟鮑是為文

公 楚秦邑滅庸

辛亥

壬子 秦康公卒子稻立是為共公 魯文公卒襄仲弒

適子惡及視而立庶子倭是為宣公

人代紀要

卷之四

十二

齊邠歌聞職弒懿公國人立桓公子元是為惠公

癸丑

甲寅 王崩弟瑜立 晉趙盾弒靈公迎襄公弟黑臀于

周立之是為成公

乙卯周定王 楚伐陸渾之戎觀兵周郊問鼎輕重

鄭穆公卒子夷立是為靈公

丙辰 鄭公子歸生弒靈公鄭立公弟堅是為襄公

秦共公卒子榮立是為桓公

丁巳 是年老子生

戊午

己未 燕桓公卒子宣公繼

庚申 趙宣子卒子朔代 楚滅舒

辛酉 衛成公卒子敖立是為穆公

晉成公卒于危子孺立是為景公

壬戌 陳夏徵舒弑靈公 齊惠公卒子無野立是為頃公

公

癸亥 楚入陳殺夏徵舒立公子午是為成公

甲子 屠岸賈殺趙朔于下宮滅其族朔妻匿于宮中生

子武 楚滅蕭

乙丑

大代紀要

卷之四

十三

丙寅 曹文公卒子廬立是為宣公

丁卯

戊辰

己巳 蔡文侯卒子固立是為景侯

庚午 魯宣公卒子黑肱立是為成公

楚莊王卒子審立是為共王

辛未

壬申 衛穆公卒子臧立是為定公 宋文公卒子瑕立

是為共公 始厚葬用殉

癸酉

甲戌 鄭襄公卒子貲立是為悼公

燕宣公卒子昭公繼

乙亥 王崩子夷即位 梁山崩

吳子去疾卒子乘立是為壽夢

丙子 周簡王 吳子朝周稱王

鄭悼公卒弟踰立是為成公

丁丑 吳伐鄭

戊寅

己卯 齊頃公卒子環立是為靈公

庚辰 晉程嬰攻滅屠岸賈族復趙朔之子武旧邑

大代紀要

卷之四

十四

晉景公卒子壽曼嗣是為厲公

辛巳

壬午

癸未 曹宣公卒于師公子負芻殺世子而自立是為成公

公

甲申 衛定公卒子衎立是為獻公

秦桓公卒子景公立

乙酉 宋共公卒司馬蕩澤弑公子肥右師華元殺蕩澤

而立公子成是為平公

丙戌

丁亥 燕昭公卒 武公繼

戊子 晉欒書弑厲公迎公孫周于京師立之是為悼公

魯成公卒子牛立是為襄公

己丑 王崩太子泄心即位

庚寅周靈王 鄭成公卒子髡頑立是為僖公

辛卯

壬辰 陳成公卒子溺立是為哀公 晉用魏絳

癸巳 狄朝晉

甲午 齊滅萊 莒滅鄆

乙未 鄭僖公會于鄆公子騂實殺之而立公子嘉是為

人代紀要 卷之四 五

簡公

丙申

丁酉

戊戌 鄭盜殺公子騂 晉韓厥卒子起代

己亥

庚子 吳壽夢卒子諸樊立 季札辭國

辛丑 楚共王卒子昭立是為康王世子出奔吳

壬寅 衛孫林父甯殖攻獻公公奔齊衛人立公孫剽定

公弟也是為殤公

癸卯 晉悼公卒子彪立是為平公

甲辰

乙巳

丙午 曹成公卒于師子滕立是為武公 燕武公卒

文公繼

丁未 齊靈公卒世子光立是為莊公

戊申

己酉

庚戌 魯孔子生

辛亥 穀洛闕

壬子 燕文公卒 懿公繼

人代紀要 卷之四 十六

癸丑 齊崔杼弑莊公立公弟杵臼是為景公

吳諸樊伐楚射死弟餘祭立

甲寅 衛甯喜弑其君剽晉執喜衛侯自齊入衛復君

晉趙武為政

乙卯 齊慶封夷仲牙弑而專政 衛殺甯喜

丙辰 王崩太子晉早卒次子貴即位 燕懿公卒子款

立是為簡公 楚康王卒子麇立是為郕敖

丁巳周景王 衛獻公卒子惡立是為襄公

吳餘祭為閭所弑弟餘昧立 季札聘魯

戊午 蔡世子般弑景侯自立是為靈公 鄭子產為政

己未 魯襄公卒子野立而卒子稠立是為昭公年十九

有童心 魯仲由生

庚申 楚令尹子圍弑郟敖而自立是為靈王公子比奔

晉

辛酉 蔡漆雕開生

壬戌 燕簡公歎出奔齊燕人立悼公 魯鄭朝晉

癸亥 魯有若生 楚會十二國諸侯執徐子

甲子 秦景公卒子哀公立

乙丑 齊景公納燕簡公不克而卒燕悼公始稱元年

吳敗楚師 鄭鑄刑書

人代紀要

卷之四

十七

丙寅 衛襄公卒子元立是為靈公 楚起章華臺

丁卯 陳哀公疾公弟招殺世子偃師而立公子留哀公

縊卒留奔鄭 楚公子棄疾以偃師之子吳伐陳

遂滅陳

戊辰

己巳 晉平公卒子夷立是為昭公 宋平公卒子佐立

是為元公 魯孔子生伯魚 孔子為委吏

庚午 楚誘殺蔡靈侯遂滅蔡

辛未 鄭簡公卒子寧立是為定公

壬申 楚公子比自晉歸弑靈王于乾谿公子棄疾殺比

自立是為平王 燕悼公卒共公立

癸酉 楚復陳太子之子吳于陳是為惠公復蔡景侯少

子廬于蔡是為平侯 曹武公卒子須立是為平

公

甲戌 楚費無忌為太子建迎婦于秦 吳餘昧卒弟季

札逃國人立其子僚

乙亥 晉昭公卒子去疾立是為頃公

丙子

丁丑 曹平公卒子午立是為悼公 燕共公卒平公立

戊寅 楚費無忌放太子建

人代紀要

卷之四

十八

己卯 楚世子建奔宋 伍員奔吳 蔡平侯卒子朱立

魯冉雍生 冉求生

庚辰 蔡平侯弟東國逐朱自立是為悼公 齊高柴生

辛巳 王崩世子壽先卒國人立王子猛是為悼王七月

王子朝弑之篡位晉人逐王子朝立王子丐是為

敬王

壬午周敬王 尹氏召氏入王子朝王居狄泉

蔡悼侯卒于楚弟申立是為昭侯 是年老子西

昇崑崙

癸未 楚城郢 吳滅巢

甲申 孔子自魯適齊 魯有三桓之難昭公奔齊

宋元公卒于曲棘子頭曼立是為景公

乙酉 晉趙鞅入王成周王子朝奔楚

楚平王卒子軫立是為昭王

丙戌 曹慎公卒弟野立是為聲公 吳諸樊子光使專

諸刺僚而自立是為闔閭

丁亥 楚大夫伯嚭奔吳 吳相伍員 魯昭公如晉

鄭定公卒子釁立是為獻公 魯顏回生

戊子

己丑 晉頃公卒子午立是為定公 吳滅徐

人代紀要

卷之四

九

庚寅

辛卯 孔子自齊反魯 曹平公弟通弑聲公自立是為

隱公 魯昭公卒于乾侯三桓廢世子立公弟宋

是為定公

壬辰

癸巳 吳敗楚師于豫章

甲午 衛卜商生

乙未 陳惠公卒子柳立是為懷公 吳師入郢伍員鞭

平王尸申包胥乞秦師 吳言偃生

丙申 殺王子朝于楚 楚退吳師昭王入郢 曹聲公

弟露弑隱公自立為靖公 魯陽虎因季桓子

燕平公卒簡公立 魯魯參生

丁酉 僖嗣之難王出居姑猶

戊戌 晉師入王成周

己亥 曹靖公卒子伯陽立 陳懷公卒于吳國人立其

子越是為湣公 魯必不齊生

庚子 鄭獻公卒子勝立是為聲公 秦哀公卒太子夷

公早死孫嗣是為惠公 公山弗仇召孔子欲往

不果 魯閔損生

辛丑 孔子為魯司寇 魯齊會于夾谷

人代紀要

卷之四

二十

壬寅 鄭子產卒

癸卯

甲辰 齊人歸女樂于魯孔子適衛 越子允常卒子勾

踐立

乙巳 越敗吳于檣李吳王卒子夫差立 衛世子蒯聵

奔宋 孔子自衛適陳畏於匡反衛

丙午 魯定公卒子蔣立是為哀公

孔子去衛過曹過宋及鄭至陳

丁未 吳敗越于夫椒勾踐棲會稽山

戊申 孔子復過宋 衛靈公卒蒯聵之子輒立是為出

公 燕簡公卒 獻公立 吳與越平放句踐

國

巳酉 孔子在陳 秦惠公卒子悼公立

庚戌 孔子如蔡 盜殺蔡昭侯國人立其子朔是為成

侯

辛亥 齊景公卒少子荼立

孔子自蔡如葉 孔子自楚及蔡 孔子復至陳

楚昭王卒于師國人立其子章是為惠王 齊田

乞弒少子荼迎立公子陽生是為悼公

癸丑

本代紀要

卷之四

王

甲寅 楚令尹子西召平王世子建之子勝於吳號白公

是年宋滅曹

曹自振鐸受封六傳至夷伯又十八傳至伯陽

為宋所滅

乙卯

丙辰 孔子自陳復至衛 齊鮑子弒悼公國人立公子

壬是為簡公 齊田乞卒子堂立是為成子

吳殺伍員

丁巳

孔子自衛及魯

戊午

魯孔鯉卒 魯顏回卒

巳未 越伐吳執其世子

庚申

魯西狩獲麟

楚白公勝殺令尹子西逐其君代

立惠王出奔 齊田常弒簡公立公弟驁是為平

公

辛酉

壬戌 孔子卒于魯 仲由死于衛 蒯瞶自戚入衛是

為莊公輒奔魯 楚葉公殺白公勝復尊位

癸亥 晉趙鞅伐衛逐莊公國人立公孫班師齊人執班

師更立公子起 越敗吳師于笠澤

楚滅陳殺湣公

本代紀要

卷之四

王

陳自胡公滿受封十九世至偃師楚滅之復立

吳又三世至湣公復為楚所滅

甲子 衛石圃逐其君起出公輒自齊復衛起奔齊

秦悼公卒子厲共公繼

乙丑

王崩太子仁即位

丙寅 周元王 晉趙簡子卒子無卹代是為襄子

晉定公卒子錯立是為出公

丁卯

晉趙襄子滅代以代封兄子周

戊辰

越入貢

越滅吳



吳自太伯受封至壽夢十九世始通中國與諸侯會盟七世至夫差為越所滅

巳巳 蔡成侯卒子產立是為聲侯

庚午 魯侯朝越

辛未 衛出公輒奔宋

壬申 王崩太子介即位 越納衛輒衛賂越師不克循人立靈公子黔是為悼公

左傳宋景公無子國人立公孫周之子得

癸酉周貞定王 魯三桓作難哀公奔越歸卒于有山氏

子寧立是為悼公

今代紀要

卷之四

三

甲戌

乙亥

丙子 燕獻公卒 孝公繼 越勾踐卒子鹿郢立是為

颺與

丁丑

戊寅 鄭聲公卒子易立是為哀公

巳卯

庚辰

辛巳

壬午 越鹿郢卒子不壽立是為盲姑

癸未 晉荀瑤與趙韓魏滅 范中行氏分其地

甲申 蔡聲侯卒子元侯繼 晉出公卒于齊荀瑤立昭

公曾孫驕是為哀公

乙酉 齊平公被弒于吳師子積立是為昭公

陳成子卒子盤代是為襄子

丙戌 晉智伯約韓魏攻趙襄子圍之晉陽

鄭人弒哀公立聲公弟丑是為共公

丁亥

戊子 晉韓魏反助趙襄子滅智伯三分其地

齊田盤卒子白繼是為莊子

今代紀要

卷之四

四

巳丑

庚寅 衛悼公卒子弗立是為敬公 蔡元侯卒子齊立

史記宋景公卒公子特殺太子自立子由古史

以為非今姑從史記

辛卯 燕孝公卒 戴立是為成公

壬辰 越盲姑卒子翁立是為朱勾

癸巳

甲午 楚滅蔡

蔡自叔度至齊凡二十四世為楚所滅

乙未

丙申 楚滅杞

杞夏之後自東樓公於周武王時受封傳至春  
凡一十九世為楚所滅

丁酉

戊戌 秦厲共公卒子躁公繼

巳亥

庚子周哀王 春王崩太子去疾即位是為哀王

周思王 王弟叔弒王自立是為思王 秋八月王子嵬  
殺叔即位是為考王

王封弟揭於河南是為河南桓公

人代紀要

卷之四

十五

辛丑周考王

壬寅 晉哀公卒子柳立是為幽公

癸卯

甲辰

乙巳

丙午

丁未 燕成公卒 閔公立

戊申

巳酉 衛敬公卒子糾立是為昭公屬于三晉

楚惠王卒子中立是為簡王

庚戌十魯悼公卒子嘉立是為元公 楚滅莒

辛亥

壬子 秦躁公卒太子昭早死立弟懷公

癸丑

甲寅

乙卯 王崩太子午即位 周河南惠公復封其少子班

于鞮是為東周君 衛公子亶弒昭公自立是為  
懷公

人代紀要卷之四

人代紀要

卷之四

十六

人代紀要卷之五

明吳興顧應祥編集

大埔黃宸校刊江陰湯明善

庠生倪佩同校

丙辰周威烈王

晉趙襄子卒兄子代成君子浣立為獻

子襄子弟嘉逐浣自立是為桓子 魏桓子卒子

斯代是為文侯 韓康子卒子啓章代是為武子

秦庶長毚弑懷公立躁公孫是為靈公 鄭共公

卒子已立是為幽公

丁巳

晉趙桓子卒復立獻子

人代紀要

卷之五

一

戊午

晉韓武子攻殺鄭幽公鄭公子弟駘是為繻公

己未

庚申

辛酉

晉幽公夜淫為盜所殺魏斯立公弟止是為烈公

壬戌

癸亥

甲子

秦初以君主妻河伯

乙丑

丙寅

衛公孫頹弑懷公自立是為慎公 秦靈公卒國

人廢其子而立其季父悼子是為簡公

丁卯

戊辰

己巳 越朱勾卒子翳立

庚午

辛未

魯元公卒子顯立是為繆公 齊田莊子自卒子

和代是為後齊太公

壬申

韓武子卒子虔代是為景侯 趙獻子卒子籍代

是為烈侯

癸酉

楚簡王卒子當立是為聲王

甲戌

人代紀要

卷之五

二

乙亥

丙子

齊宣公卒子貸立是為康公

丁丑

宋昭公卒子購由立是為悼公

戊寅

初命韓魏趙為諸侯 通鑑綱目始此

燕閔公卒子僖公繼 秦簡公十二年

晉烈公止十七年 齊康公貸二年

楚聲王當五年 燕閔公二十一年

魏文公斯二十二年 趙烈侯籍六年

韓景侯虔六年

己卯

王崩子驕即位 盜殺楚聲王子類立是為悼王

庚辰周安王

辛巳 秦簡公卒子惠公繼 韓景侯卒子取立是為烈

侯 趙烈侯籍卒子擊立是為武侯

壬午

癸未

甲申 宋悼公卒子田立是為休公

乙酉 鄭弑繻公立幽公弟乙康公

丙戌

丁亥

戊子 晉烈公卒子傾立是為孝公

人代紀要

卷之五

三

巳丑

庚寅 秦靈公子師隰生子渠梁是為孝公

齊田和遷康公於海上

辛卯

壬辰

癸巳

甲午 秦惠公卒子出子立 韓烈侯卒子文侯繼

魏文侯卒子擊立是為武侯 趙武侯卒烈侯子

章立是為敬侯

乙未 初命齊田和為諸侯

秦晉齊楚燕趙魏韓齊凡九大國

丙申 秦庶長改迎靈公子師隰于河西立之而弑出子

後齊太公卒子午立是為桓公

丁酉

戊戌

巳亥

庚子 楚悼王卒國亂殺吳起太子臧立是為肅王

辛丑

壬寅 齊康公死于海上齊亡 後齊桓公卒子因齊立

是為威王

人代紀要

卷之五

四

齊自呂尚受封都營丘傳六世都臨淄又傳二

十四世至宣為田和遷于海上遂亡

癸卯 晉孝公卒子俱酒立是為靖公

甲辰 魯穆公卒子奮立是為共公 韓文侯卒子哀侯繼

乙巳 王崩子喜即位

韓趙魏分晉地廢其君俱酒為家人晉亡

晉自叔虞受封十六世至緡為曲沃武公所罷

又傳二十世至俱酒為三大夫所分遂亡

丙午周烈王 韓滅鄭鄭自桓公友受封傳二十四世共四百三十一年而為韓所滅

宋休公卒子辟兵立為桓公

趙敬侯卒子種立是為成侯

丁未

戊申 衛慎公卒子訓立是為聲公

燕僖公卒子桓公繼

巳酉 宋桓公卒子剔成立

宋自景公以後年世莫考止據皇極經世圖書之

庚戌 韓嚴遂弑哀侯立其子若山是為懿侯 魏武侯

卒國亂子瑩立是為惠王

辛亥 齊威王朝周 楚肅王卒弟良夫立是為宣王

人代紀要 卷之五

壬子 王崩弟湣嗣立

癸丑 周顯王

甲寅 韓趙分周為二

乙卯

丙辰

丁巳 王賀秦

戊午

巳未 秦獻公卒子渠梁立是為孝公 燕桓公卒子文

公繼 衛聲公卒子成速立是為成侯

庚申 衛公孫鞅入秦

辛酉 東周惠公卒子傑立 致文武胙于秦

壬戌 秦衛鞅變法 韓懿侯卒子昭侯繼

癸亥

甲子

乙丑

丙寅 魯共公卒子屯立是為康公

丁卯 秦取魏少梁

戊辰 齊用孫臏為師伐魏救趙

巳巳

庚午 韓相申不害

人代紀要 卷之五

辛未 秦徙都咸陽 趙成侯卒子語立是為肅侯

壬申

癸酉

甲戌

乙亥 衛貶號曰侯 魯康公卒子匱立是為景公

丙子

丁丑

戊寅 錫秦孝公為伯

皇極經世是年齊威王崩子辟疆立

巳卯 史記以是年為齊宣王辟疆元年

庚辰<sup>八</sup>齊孫臏殺魏龐涓太子申

辛巳魏獻地于秦七百里 楚宣王卒子熊商立是為

威王

壬午

癸未秦孝公卒子驕立是為惠文王 誅商鞅

甲申韓申不害死 蘇秦入秦不用

乙酉孟子至魏

丙戌史記魏惠王卒子襄王繼

丁亥史記魏襄王元年

按史記六國表魏惠王三十六年卒襄王十六年

人代紀要

卷之五

七

卒哀王二十三年卒汲冢竹書惠王三十六年

攻稱一年杜預和嶠皆以為史記誤分惠王之

世為二王之年子由古史則以太史公記襄哀

之事甚明宜從史記邵子皇極經世亦從史記

惟司馬溫公通鑑以竹書魏史所書必得其真

朱子綱目因之今從綱目

楚滅越

考史記越本夏禹苗裔少康廢子封于會稽以

奉禹祀斷髮文身披草萊而已傳二十餘世至

允常與吳王闔閭相攻伐子句踐滅吳遂伯傳

六世至無疆為楚所滅子孫散居海上遂為百

越或又謂越祝融之後半姓

戊子蘇秦為從約長相六國 韓昭侯卒子宣惠王繼

燕文公卒子易王繼 衛成侯卒子平侯繼

己丑從約解 齊伐燕 通鑑綱目以是年為齊宣王

元年

庚寅

辛卯

壬辰楚威王卒子熊槐立是為懷王 宋公弟偃逐君

剔成而自立是為元王

人代紀要

卷之五

八

癸巳秦相張儀 楚滅蜀

甲午

乙未孟子為齊上卿 趙肅侯卒子雍立是為武靈王

丙申孟子去齊 秦初稱王 衛平侯卒子嗣君繼

丁酉

戊戌張儀相魏 韓燕稱王

史記以是年為齊湣王元年皇極經世同

己亥

庚子王崩子定立 齊薛公田嬰卒子文代封孟嘗君

燕易王卒子噲立 燕相蘇代

辛丑周慎觀王 衛貶號爲君

壬寅 孟子去魏適齊 魏惠王卒子赫立是爲襄王

史記作襄王卒子哀王立

癸卯 宋稱王 楚會韓趙魏齊燕擊秦不勝

甲辰 秦復相張儀 魯景公卒子叔立是爲平公

齊殺蘇秦

乙巳 秦滅蜀 燕讓國子之

丙午 稱西周始此 王崩子延立

丁未周赧王 齊破燕 孟子去齊

戊申 通鑑綱目以是年爲齊湣王元年

人代紀要

卷之五

九

按齊宣王湣王卒立史記與通鑑不同今兩存之若據史記則伐燕乃齊湣王非宣王也與孟子不同慈湖黃氏日抄以爲齊伐燕有二事燕文公卒易王立齊因其喪而伐之取十城正梁惠王篇所載孟子與宣王問荅者此一事也燕王噲讓國子之齊因其亂而伐之下七十城此湣王時事正公孫丑章所載沈同問燕可伐者此又一事也又謂作孟子時湣王尚存故宣王稱謚而湣王但稱齊王孟子書自公孫丑篇後凡涉齊事者俱止稱王而不稱謚依此說則孟

子與史記俱通但孟子七篇未必皆孟子所作

恐皆門人所記亦未可知假如滕文公爲世子

孟子見梁襄王豈有文公襄王俱先孟子卒而

遽稱謚耶故兩存疑以備考

己酉 燕人立太子平是爲昭王

蒼立是爲襄王

韓惠王卒子

庚戌 秦惠王卒子蕩立是爲武王

辛亥 魏復相張儀

壬子 秦初置丞相

癸丑

人代紀要

卷之五

十

甲寅 秦王舉鼎卒弟稷立是爲昭襄王太后稱制

趙胡服

乙卯

丙辰 秦魏冉專政

丁巳

戊午

己未

庚申

辛酉 齊孟嘗君質子秦

壬戌 秦執楚君槐楚人立太子橫是爲頃襄王

趙廢太子章傳位少子何是為文王自為主父	齊田文相秦 楚放屈原	癸亥 趙封弟勝為平原君 齊田文逃歸	甲子 楚懷王逃至趙不納秦追以歸	乙丑 韓襄王卒子咎立是為釐王 魏襄王卒子遼立	是為昭王 楚懷王卒于秦	丙寅 趙太子章作亂公子成李兌誅之遂弑主父于沙丘 魯平公卒子賈立是為文公	丘 魯平公卒子賈立是為文公	秦以魏冉為相	丁卯	人代紀要 卷之五 十一	戊辰 秦白起敗韓魏斬首二十四萬	巳巳	庚午 秦封魏冉穰侯	辛未	壬申 秦白起伐魏取六十一城	癸酉 秦稱西帝立齊為東帝復罷	甲戌	乙亥 是年齊滅宋	宋自微子啓受封傳微仲至剔成凡二十九世而亡	而亡
--------------------	------------	-------------------	-----------------	------------------------	-------------	-------------------------------------	---------------	--------	----	-------------	-----------------	----	-----------	----	---------------	----------------	----	----------	----------------------	----

丙子 燕樂毅下齊潛王出走苾楚使淖齒殺之	丁丑 齊人殺淖齒立王子法章于莒城是為襄王	歸 衛君卒懷君繼 趙使藺相如獻璧于秦完壁而歸	巳卯	庚辰	辛巳	壬午 秦趙會于渑池 齊田文卒 燕昭王卒子惠王繼	人代紀要 卷之五 十二	以騎劫代樂毅將殺奔趙封望諸君田單乃復齊	癸未 秦白起破楚封武安君楚徙都陳	甲申 秦置黔中郡 魏昭王卒子圉立是為安釐王	乙酉 魏封公子無忌為信陵君	丙戌	丁亥 秦伐魏拔四城斬首四萬	戊子 韓安釐王卒桓惠王繼	魯文公卒子嵬立是為頃公	巳丑 燕王卒子武成王繼	庚寅
---------------------	----------------------	------------------------	----	----	----	-------------------------	-------------	---------------------	------------------	-----------------------	---------------	----	---------------	--------------	-------------	-------------	----



辛卯 范雎自魏入秦以為客卿

壬辰

癸巳

甲午 秦太子質魏卒

乙未 秦相范雎封應侯 趙惠文王卒子丹立是為考

丙申

丁酉 齊襄王卒子建立

戊戌

己亥 楚頃襄王卒子完自秦逃歸立是為考烈王

八代紀要

庚子

辛丑

壬寅 泰白起破趙兵殺趙括坑卒長平四十萬

癸卯

子無忌救趙 燕王卒子孝王繼

甲辰

趙逃歸 魏公子破秦軍魯仲連辭封不受金隱

乙巳

周自后稷於唐堯八十一載甲子受封於卽傳

至夏癸二十二年甲子公劉遷豳計四百八十

年自公劉遷豳傳至商小乙二十六年甲寅古

公亶父遷岐計四百七十年前後世次莫考自

古公亶父遷岐國號曰周傳至武王有天下凡

三世計二百五年自武王十有三年己卯克商

有天下傳至赧王五十九年獻地于秦凡三十

六主計八百九十六年

丙午

燕蔡澤入秦 范雎免相 楚遷魯君于莒

楚荀况為蘭陵令 同九鼎入秦

丁未

韓昭襄王卒子喜立

戊申

魏人殺衛君而立其弟是為元君

庚戌 秦昭襄王卒子柱立是為孝文王三日而卒子楚

立是為莊襄王 韓王哀卒 吊秦

辛亥

秦滅東周遷其君於陽人聚 秦以呂不韋為相

封文信侯 楚滅魯遷其君於卞為家人是為頃

壬子

魯自伯禽受封至頃公為楚所滅凡三十四世

八百七十三年

癸丑

甲寅 秦莊襄王卒子政立是為秦始皇帝 魏無忌歸國率五國師敗秦軍

乙卯 秦用鄭國開渠

丙辰 趙孝成王卒子偃立是為悼襄王

丁巳 魏公子無忌卒

戊午 魏安釐王卒子增立是為景閔王

己未

庚申 楚趙魏韓衛伐秦皆敗 楚遷壽春

人代紀要

卷之五

十五

辛酉

壬戌 秦封嫪毐為長信侯 韓桓惠王卒子安立

癸亥 秦嫪毐作亂伏誅遷太后于雍茅焦諫 楚考烈王卒李園殺春申君太子悍立是為幽王

甲子 秦呂不韋免

乙丑 趙悼襄王卒廢子遷立是為幽繆王

丙寅 秦呂不韋自殺

丁卯

戊辰

己巳 燕太子丹自秦逃歸

庚午

辛未

秦內史昧滅韓置潁川郡 衛元君卒子角立 韓本姬姓自韓武子事晉封於韓三傳至韓厥又五傳至康子與趙魏滅智氏又二傳至康於

周威烈王二十三年始命為諸侯五世僭稱王又五世為秦所滅凡十一世計一百七十四年

壬申 趙壁臣郭開受秦金譖殺李牧

癸酉

秦滅趙虜趙王遷 楚幽王卒弟郝立是為哀王在位三月廢兄負芻弑之自立 魏景閔王卒子假立趙公子嘉自立為代王

人代紀要

卷之五

十六

趙藏姓與秦同祖自造父事周繆王賜以趙城六世至奄父奄父生叔帶去周事晉五世至趙夙二傳至趙衰事晉文公衰生趙盾後五世至襄子與韓魏滅智氏三傳至籍始受周威烈王命為諸侯又五世僭稱王至是為秦所滅凡十一世計一百七十六年

甲戌 燕太子丹使荊軻刺秦王不克

乙亥 秦拔荊燕王走斬丹首以獻

丙子 秦王賁伐魏王假降殺之滅魏

魏畢公高之後武王伐紂封高子畢萬事晉獻

史 6-768

公封於魏四世至桓子與韓趙滅智氏二傳至

斯始受周威烈王命為諸侯又五世僭稱王至

是為秦所滅凡九世計一百七十五年

丁丑 秦王剪伐楚

戊寅 秦滅楚置楚郡

楚自熊繹於周成王時受封荆蠻其後都郢更

號楚僭稱王五世至楚武王入春秋傳至莊王

始霸至是為秦所滅凡二十一世七百一十五

年

己卯 秦王賁滅燕滅代

人代紀要

卷之三

燕自召公奭子受封凡三十四世七百九十年

人代紀要卷之五終

人代紀要卷之六

明吳興顧應祥編集

大埔黃表校刊 江陰湯明善

牟生倪佩同校

庚辰秦始皇帝二十六年是年初混一天下稱皇帝始

王賁攻齊齊王建降齊亡

齊本舜後嬀姓封于陳自陳完奔齊改姓田氏

五傳至田乞專齊政又四傳至田和遂有齊國

受周安王命為諸侯傳七世一百七十年為秦

所滅

人代紀要

卷之六

是年始以建亥月為歲首分天下為三十六郡罷

封建

作受命璽其文曰受命于天既壽永昌

辛巳 西巡狩

壬午 東巡上鄒嶧封泰山禪梁父登琅邪俱立石遺徐

市入海求神僊

癸未 東巡至博浪沙擊張敖槌擊不中登之栗刻石

甲申

乙酉 使黔首自實田

丙戌 北巡遺蒙恬擊胡

丁亥 取南越置桂林南海象郡

築長城自臨洮至遼東萬餘里

戊子 焚書

巳丑 坑儒 廣阿房宮 使長子扶蘇監蒙恬軍

庚寅 隕石東郊

辛卯 南巡至雲夢祀虞舜上會稽探禹穴立石頌德

秋七月至沙丘崩宦者趙高與丞相李斯矯遺詔

立少子胡亥賜扶蘇蒙恬死扶蘇自殺蒙恬不肯

死繫陽周胡亥即位是爲二世皇帝恬亦自殺

壬辰秦二世皇帝元年

本代紀要

卷之六

二

以趙高治獄誅戮大臣殺諸王公主 復作阿房

宮 發關左戌陳勝吳廣起兵於蕲據陳陳勝自

立爲王號張楚吳廣爲假王

陳勝字涉陽城人吳廣字叔陽夏人秦二世發

關左戌漁陽勝廣爲屯長恐失期當斬乃殺尉

令以起詐稱公子扶蘇楚將項燕攻蕲下之遂

破陳諸郡縣苦秦苛政咸殺長吏以應之張耳

陳餘勸勝立六國後樹黨以分秦力勝不能從

乃自王

陳人武臣自立爲趙王以陳餘爲大將軍張耳爲

右丞相

張耳陳餘俱大梁人魏亡秦購求耳千金餘五

百金俱變姓名亡匿陳涉起乃從之餘說涉以

奇兵徇趙涉乃以故所善者陳人武臣爲將軍

號武信君耳餘爲左右校尉北畧趙地下三十

餘城耳餘怨陳王不用其策又聞諸將爲陳王

徇地多者以讒得罪乃勸武臣王趙

沛人劉邦起兵自立爲沛公

劉邦字季初爲泗上亭長單父呂公奇其狀貌

妻以女送徒驪山多道亡乃縱之曰公等皆去

本代紀要

卷之六

三

吾亦從此逝矣徒中壯士從者十餘人夜行澤

中有大蛇當道拔劍斬之後至者云有老嫗哭

曰吾子白帝子爲赤帝子所殺叱之不見時沛

令欲起兵應陳涉主吏蕭何曹參曰君爲秦吏

背之不可乃召劉季令悔閉城不納季射帛書

遺沛父老陳利害父老率子弟殺令迎入立爲

沛公是爲漢高祖

楚人項梁起兵於吳

項梁楚將項燕之子嘗殺人與兄子籍避仇吳

中籍字羽長八尺餘目有重瞳力能扛鼎會稽

守綏通欲起兵應陳涉梁乃使籍殺通得子弟八千人自爲會稽守以籍爲裨將年二十四是爲楚霸王

齊族田儋與從弟榮橫起兵于齊儋自立爲齊王陳涉將韓廣畧燕地自立爲燕王

趙王武臣爲燕所執囚之欲分趙地使者往請俱被殺有所養卒徑造燕管說之燕釋趙王歸

古樂府有邯鄲才人嫁所養卒說者謂趙王歸而以美人與所養卒然史傳無考

陳涉將周市立魏公子外爲魏王而相之

人代紀要

卷之六

四

秦廢衛君角爲庶人

衛自康叔受封至角凡四十三世歷九百八年

癸巳

秦兵圍沛公於豐沛公出戰敗之今雍齒守豐齒

降魏

吳廣攻滎陽不克裨將田臧矯陳王令殺之臧與

秦戰敗死

趙將李良路遇趙王姊以爲王伏謁道旁姊醉不

加禮良怒攻邯鄲殺姊并弑趙王武臣

秦章邯兵擊陳陳勝之御莊賈弑勝以降于秦故

涓人呂臣攻殺莊賈復以陳爲楚勝諡隱王塋碭

陳勝稱王凡六月然四方之兵應勝而起秦因以亡

張耳陳餘收散卒擊李良敗走求趙王歇立之

陳人秦嘉聞陳勝死立景駒爲楚王沛公往從之張良聚少年百餘人欲從景駒道遇沛公遂從沛

公

項梁擊殺景駒居鄆人范增往說梁立楚後梁乃求楚懷王孫心於民間爲人牧羊立以爲楚懷王以陳嬰爲上柱國梁自號武信君

應劭曰六國爲秦所并楚最無罪爲百姓所思

人代紀要

卷之六

五

故求其後立爲楚懷王以祖謚爲號順民望也

張良說項梁立韓公子橫陽君成爲韓王良爲司

英布蒲將軍以兵屬楚

英布六人少時有客相之曰當刑而王及壯坐

法黥輸驪山亡命之江中爲盜聞陳勝起廼見

番君與其衆叛秦番君妻以女章邯滅陳破呂

臣軍乃引兵屬項梁

章邯擊魏齊救之秦兵殺齊王儋魏王咎自燒死

齊人復立齊王建弟假爲齊王儋弟田榮逐假立

儋子田市爲王而相之

秦趙尚說二世深居潘樂詒丞相入諫以激怒二世下右丞相馮去疾左丞相李斯將軍馮劫于獄去疾劫自殺李斯具五刑腰斬于咸陽市夷三族章邯擊敗楚軍定陶項梁死懷王徙都彭城號項羽魯公

楚復立魏王咎弟豹為魏王

章邯擊趙圍趙王張耳於鉅鹿陳餘不能救楚懷王以宋義為上將軍項羽為次將范增為末將救趙

甲午項羽以宋義兵不進矯楚懷王令殺之大破秦軍

人代紀事

卷之六

六

虜其將王離救鉅鹿圍解諸侯將入轅門膝行而前莫敢仰視趙王既出張耳責陳餘餘怒解印綬與耳耳佩之餘與數百人去河上澤中漁獵二人遂成隙

懷王以宋義能料武信君必敗遂以為上將軍然義非上將才也項羽豈能為之下乎

沛公擊昌邑彭越以兵助之

彭越昌邑人常漁鉅野澤中火年初相聚百餘人請越為長越謝不願強之乃許期旦日日出會後期者斬旦日日出十餘人後至日中越謝

曰諸君彊以為長今期而多後不可盡誅誅最後者一人皆笑曰何至是越乃引一人斬之眾大驚畏後以兵三萬歸漢以為魏相國畧梁地從漢王入彭城

沛公使酈食其說下陳留

秋七月秦章邯降楚

八月趙高遣其婿咸陽令閼樂以兵入望夷宮數二世罪弑之二世願為一郡王弗許願為萬戶侯不許願為黔首樂曰臣受命丞相誅足下足下雖多言不敢報麾其兵進二世自殺以黔首葬于苑

人代紀事

卷之六

七

中立二世兄子子嬰降稱王令子嬰廟見受爾齋五日子嬰曰是欲因廟中殺我稱疾不行高自往曰宗廟重事奈何不行子嬰遂刺殺高於齋宮夷三族

冬十月沛公先入關秦王子嬰係頸以組白馬素車奉天子璽降軹道旁沛公入咸陽除秦苛政與父老約法三章封府庫還軍霸上

秦自非子於周孝王十三年甲子受封至始皇已卯有國凡六百七十六年自始皇二十六年庚辰稱皇帝至子嬰降漢凡一十五年而亡

十二月項籍兵至開沛公已先開中大怒攻破關  
屠咸陽殺秦降王子嬰掘始皇塚大掠 范增說  
項籍擊沛公羽季父項伯善張良夜馳以告沛公  
與伯約為婚姻解之沛公往謝會於鴻門

初懷王與諸將約先入關者王之至是項羽使人  
致命懷王曰如約羽乃尊懷王為義帝不用其命  
又惡負約恐諸侯叛之乃曰巴蜀亦關中地故立  
沛公為漢王王巴蜀漢中都南鄭三分關中王秦  
降將以距漢以章邯為雍王王咸陽以西都廢丘  
司馬欣為塞王王咸陽以東都櫟陽芷齋為翟王

人代紀要

卷之六

八

王上郡都喜奴 徙魏王豹為西魏王王河東都  
平陽 瑕丘申陽先下河南迎楚河上立為河南  
王都洛陽 趙將司馬印定河內有功立為殷王  
王河內都朝歌 徙趙王歇為代王趙相張耳素  
賢又從入關立為常山王王趙地都襄國 當陽  
君英布為楚將常冠軍立為九江王都六 番君  
吳芮率百越佐諸侯入關立為衡山王都邾 義  
帝柱國共敖擊南郡功多立為臨江王都江陵  
徙燕王韓廣為遼東王都無終 燕將臧荼從楚  
救趙從入關立為燕王都薊 徙齊王田市為膠

東王都即墨 齊將田都從共敖救趙從入關立  
為齊王都臨菑故秦所滅齊王建孫田安下濟北  
數郡降項梁故立為濟北王都博陽 韓王成因  
故都都陽翟 田榮數負項梁又不將兵擊秦故  
不封 成安君陳餘棄將印去不從入關聞其賢  
封南皮三縣 番君將梅鋗功多封十萬戶

項羽自立為西楚霸王王九郡都彭城 齊相田  
榮擊走田都留田市不遣市長項羽竊亡之田榮  
遂殺市時彭越有眾萬餘在鉅野無所屬榮乃授  
以將印攻殺濟北田安并有三齊自立為齊王項

人代紀要

卷之六

九

羽以韓王成無功不遣之國與俱至彭城廢為侯  
殺之張良復歸漢以為成信侯 楚立故吳令鄭  
昌為韓王以拒漢  
臧荼逐韓廣之國廣不欲去遼東荼弑廣并其地  
漢以韓信為大將還定三秦雍王章邯敗走塞王  
欣翟王翳俱降

韓信淮陰布衣家貧不能治生釣於城下漂母  
見其飢而飯之為淮陰惡少所辱俛出袴下項  
梁渡淮仗劍從之以策干項羽不用歸漢坐法  
當斬滕公活之漢王至南鄭將士皆思歸道亡

信亦下蕭何追還言於漢王拜為大將

王陵以兵屬漢楚執其母招之母伏劍死

丙申 項羽詐言古之帝者地方千里必居上游徙義帝

遷都長沙郴縣密令人弑之

綱目云西楚霸王項籍弑義帝於江中分註云

使吳芮黥布共敖弑之江中史記云陰令衡山

臨江王擊殺之江中無英布前漢書則云使九

江王布殺義帝於郴縣正義云郴州有義帝塚所

擊義帝追殺之郴縣正義云郴州有義帝塚所

載不同併附于此

人代紀要

卷之六

十一

陳餘以齊兵攻常山張耳敗走歸漢餘迎趙王歇

還趙自立為代王仍傳趙

楚擊齊田榮走死立田假為齊王齊民叛楚田橫

逐假立榮子廣 河南王申陽韓王鄭昌俱降漢

漢立韓王孫信為韓王

韓王信者故韓襄王孽孫也初項梁立楚後燕

齊趙魏皆已前王惟韓無後張良說梁立諸公

子成為韓王項梁敗死成奔懷王沛公下韓故

地得信以為韓將從入武關及立為漢王從入

漢中勸漢王東嚮爭天下漢遂定三秦拜韓太

尉項羽殺韓成令其游吳時吳令鄭昌為韓王

信擊敗昌漢乃以信為韓王以此漢初有兩韓

信

魏王豹降漢漢虜殷王司馬卬以陳平為護軍中

尉

陳平陽武人家貧以弊席為門而門外多長者

車富人張負女孫五嫁而夫輒死人莫敢娶平

娶之里社宰肉其均父老善之平曰使平得宰

天下亦如是肉矣陳涉起立魏王咎平往從之

不能用歸項羽殷王背楚羽遣平擊降之以為

人代紀要

卷之六

十一

都尉賜金二十鎰漢平殷項羽怒欲誅定殷者

平懼封金與卬使使還楚而間行歸漢渡河船

人見其美丈夫疑其亡將要有金玉欲殺平平

覺解衣裸而佐刺船船人乃止平至修武因魏

無知得見漢王與語說之遂拜都尉護諸將軍

又捐金四萬斤恣其出入以及問楚之君臣

漢王用新城三老董公言為義帝發喪率五諸侯

兵討項羽漢王入彭城收寶貨美人置酒高會項

羽自以精兵擊敗漢軍士卒死者二十餘萬睢水

為之不流殷王卬死塞王欣翟王翳俱降楚會大



風畫晦漢王與數十騎通過沛收家室已亡路遇  
子盈及魯元公主載行楚騎追急推墮下車者再  
夏侯嬰下車收之得脫審食其與太公呂后間行  
爲楚所執漢王至榮陽諸敗軍方會蕭何發關中  
老弱未附者悉至軍復大振

丁酉 魏王豹背漢降楚韓信擊虜之以魏地爲河東太  
原上黨三郡

韓信與張耳破趙於井陘口禽趙王歇斬陳餘泚  
水上韓信用李左車策以書下燕信請以張耳爲

趙王 隋何說九江王英布歸漢

人代紀要

卷之六

十一

項羽爲陳平反間君臣相疑范增去疽發背死

楚兵圍漢王於榮陽蓋急漢將紀信乘黃屋車左

纛詐爲漢王降楚楚兵咸赴城東聚觀漢王與數

十騎從西門遁令御史大夫周苛與樞公魏豹守

榮陽周苛以魏豹曾反難與共守殺豹項羽燒殺

紀信執周苛不屈殺之併殺樞公漢王馳入韓信

張耳壁奪其軍遣信擊齊

漢使酈食其說下齊

戊戌

韓信以蒯徹言襲破齊齊王廣烹酈食其走高密

復奔彭城

漢取成皋楚海春侯費谷塞王欣俱自殺

漢軍與楚相拒廣武項羽置太公姐上曰今不急

下吾烹太公漢王曰吾與若約爲兄弟吾翁即若

翁必欲烹而翁幸分我一杯羹羽以項伯言不殺

漢王數羽十罪爲伏弩傷馳入成皋

或曰羽置太公姐上使聖賢處此當如何曰竊

負而逃遵海濱而處終身欣然樂而忘天下聖

人之心知有父而已漢高是時但知爭天下安

足以語此

楚救齊韓信擊破之斬楚將龍且虜齊王廣田橫

人代紀要

卷之六

十一

復自立爲王信擊走遂定齊地漢王至櫟陽梟故

塞王欣首於市

韓信請爲假王以鎮齊漢王怒張良陳平附耳語

遂立信爲齊王

漢以英布爲淮南王

北貉燕人致梟騎助漢

顏師古曰北貉在東北方三韓之屬丘濬世史

正綱曰此中國借兵夷狄之始愚按漢是時兵

力自足以滅項恐不必假北貉之兵也

漢遣蒯徹說項羽請太公呂后不聽復使侯公說

羽乃與漢約中分天下以爲滿以西爲漢以東爲楚歸大公子后

漢王欲西張良陳平以爲機不可失遂仍伐楚

已亥漢高祖皇帝五年混一天下

是年以後始大書帝

冬十月漢王追項羽至固陵韓信彭越兵失期以張良言分睢陽以北與越從陳以東傳海與信乃各以其兵至

十二月圍項羽垓下羽兵大敗走至烏江自刎以魯公禮葬于穀城封項伯等四人爲列侯賜姓劉氏

八代紀要

卷之六

十

漢王即皇帝位更王后曰皇后王太子曰皇太子

追尊母爲昭靈夫人更封齊王韓信爲楚王魏相

國彭越爲梁王衡山王吳芮爲長沙王故粵王

無諸爲閩粵王遣劉賈等虜臨江王共尉尉敖

之子也召故齊王田橫於海島橫與二客至洛陽自殺以王禮葬之二客自殺島中五百人聞橫

死亦自殺

欲都洛陽齊人叢敬求見勸都關中以敬爲郎中

賜姓劉遂定都長安張良謝病碎殺

趙王張耳卒子敖嗣尚魯元公主

燕王臧荼反帝自將平之以盧綰爲燕王

盧綰豐人與高祖同日生素親愛高祖起沛以

客從軍中爲太尉衣服飲食賞賜諸將莫及封

長安侯項羽既亡從劉賈等虜北尉至是從破

燕遂封燕王

庚子韓信初之國人有告其反者帝用陳平計僞遊雲

夢擒之以歸赦爲淮陰侯

立從兄賈爲荆王弟交爲楚王兄喜爲代王立外

婦之子肥爲齊王

以太原郡爲韓國徙韓王信王之以備胡

八代紀要

卷之六

五

尊太公爲太上皇

匈奴寇邊韓王信叛

匈奴相傳爲夏后氏苗裔曰淳維自後爲山戎

爲獫狁爲薰粥爲畎戎爲翟種類不一皆謂之

胡秦使蒙恬逐之塞外秦滅復南渡河至是強

盛控弦之士三十餘萬自稱單于單于者廣大

之貌言其象天單于然也聞韓王信於馬邑信

使使求和解漢疑信有二心讓之信恐遂以馬

邑降匈奴

今博士叔孫通起朝儀召魯兩生不至

有天下者不可一日無禮秦起西戎先生之禮廢已久矣漢承秦後開國之初不可不講惜乎叔孫通不能訪求遺老講明三代之典尚襲秦之舊習耳兩生者乃謂積德百年而後可興無乃太迂乎

辛丑 帝自將討韓王信於銅鞮信敗走帝乘勝逐北至樓煩太寒士卒墮指者什二三遂至平城為匈奴所圍七日用陳平秘計得出

匈奴攻代代王喜棄國歸雜陽赦為合陽侯立戚夫人子如意為代王

人代紀要

卷之六

十六

蕭何治未央宮成始自櫟陽徙都長安置宗正官以序九族

壬寅

癸卯 用劉敬言與匈奴和親帝欲遣長公主呂后不可乃以家人子為公主妻之

徙齊楚大族昭氏屈氏景氏懷氏田氏五姓實關中與利田宅

廢趙王張敖為宣平侯徙代王如意為趙王

帝討韓王信還過趙趙王執子壻禮甚卑帝不加禮趙相貫高趙午等耻之欲謀逆趙王不知

也事覺并逮趙王趙午等皆自剄貫高獨怒罵曰公等皆死誰白王不反者乃轆車膠致詣長安詔敢有隨王者夷三族郎中田叔孟舒等十人自髡鉗為王家奴從就獄高對吏曰吾屬為之王實不知榜笞刺剟身無可擊者終不復言

廷尉以聞帝曰壯士誰知者泄公曰臣素知之乃使泄公持節以問高具道王不知狀乃赦赦帝賢高欲赦之高曰所以不死者白王不反也今王已出吾責已塞死不恨矣且人臣有篡弑之名何面目復事上哉乃仰絕元遂死帝嘉田

人代紀要

卷之六

十七

叔等十人召見並拜郡守諸侯相

以蕭何為相國

甲辰

太上皇崩葬萬年今諸侯王皆立廟以周昌為

趙相趙堯為御史大夫代相國陳豨反帝親征淮陰侯舍人弟上變告韓信與陳豨謀為內應欲

乙巳 與家臣詐赦諸官徒奴襲呂后太子部署已定待報而發呂后與蕭何謀詐言豨已得死詒信入賀縛而斬之遂夷三族

韓信峻卻蒯徹之說其心豈背漢者哉方徙王

於楚遽以人言禽之失職快快至與陳豨陰約

容或有之不加詳審而遽行殺戮又夷其三族慘亦甚矣非所以待功臣也當是時蕭何亦不言之蓋何習見秦法之慘而不以為異也嗚呼人謂漢大綱正帝不在而后專殺惡在其為正乎

陳豨敗

以代數有胡寇取山南太原地蓋代代雲中以西為雲中郡立子恒為代王都晉陽

將軍柴武斬韓王信於參合

詔郡國求遺賢

人代紀要

卷之六

六

廢梁王彭越為庶人徙蜀尋殺之夷三族醢其肉以賜諸侯

帝擊陳豨徵兵於梁越稱病使將兵詣邯鄲帝怒讓之越恐欲自往謝其將扈輒曰往則為禽不如遂反越不聽梁太僕得罪於越亡走告之帝使使掩梁王囚至洛陽有司治反形已具請論如法赦為庶人傳處蜀逢呂后從長安來越泣訴無罪后乃與越俱至洛陽白上曰彭越壯士今徙之蜀此自遺患不如誅之乃令人告越復謀反夷三族梟首洛陽詔收視者捕之梁

大夫藥布使齊還秦事頭下祠而哭之吏捕以聞欲烹之布曰方上之困彭城敗滎陽也王與楚則漢破與漢則楚破垓下之會微彭越項氏不亡天下已定以苛小按誅滅之恐功臣人人自危也今彭王已死布生不如死請就烹帝釋之拜為都尉

立子恢為梁王 子友為淮陽王

立秦南海尉趙佗為南粵王

初秦南海尉任囂病且死召龍川令趙佗語曰秦無道天下苦之聞陳勝等作亂未知所安

人代紀要

卷之六

九

禹負山險阻南海數千里可以立國囂死佗即移檄絕道聚兵誅秦吏并桂林象郡自立為南越武王至是遣陸賈立為南粵王佗留賈與飲數月賜橐中裝直千金歸報帝悅拜賈大中大夫

淮南王英布因見韓信彭越相繼誅死遂發兵反擊荆王劉賈走死復擊楚帝復自將討之

丙午 英布敗走長沙王臣誘殺之

帝還過沛召故人父老酣飲歌大風歌

過魯以大牢祠孔子

大尉周勃斬陳豨定代地

以荆為吳立喜之子濞為吳王

帝欲易太子群臣諫不聽張良招四老人輔太子遂不易

蕭何以長安地陝請民田上林空地帝大怒下獄數日以王衛尉言釋之

燕王盧縮恐懼謀反遣樊噲將兵擊之立王建為燕王

帝擊英布時為流矢所中至是疾甚呂后迎醫帝不用人有言呂后欲害呂氏安駕後必殺趙主帝怒

八代紀要

卷之六

三

詔周勃代噲將陳平即軍中斬噲首二人以帝功多且呂頹夫也恐後悔檻車載詣長安

夏四月帝崩在位十二年壽五十三呂后與審食其謀欲盡族諸將秘不發喪酈商聞之往見食其

曰帝已崩四日不發喪欲誅諸將誠如此天下危矣食其入言乃發喪葬長陵

盧縮欲俟帝疾愈入謝罪聞帝崩亡入匈奴

太子盈即位年十七群臣以高祖起細微撥亂反正平定天下為漢太祖功最高尊為高皇帝令郡

國諸侯各立高祖廟後五年於沛立原廟高帝八

男廢長齊悼惠王肥次孝惠帝呂后子次趙隱王

如意戚夫人子次代王恒是為孝文帝薄太后子

次梁王恢呂后徙為趙共王次淮陽王友呂后徙為趙幽王次淮南厲王長次燕王建

尊皇后為太后赦樊噲

未漢孝惠帝元年

冬十二月太后殺趙王如意斷戚夫人手足為人彘徙淮陽王友為趙王

呂后令戚夫人兒鉗赭衣舂千末巷召趙王三反周昌不遣乃先召昌復召趙王至帝知太后

八代紀要

卷之六

三

意與俱興居飲食欲殺之不得聞帝晨出射趙王未起使人酖殺之遂斷戚夫人手足去眼燬

耳飲瘠藥居側中命曰人彘請帝觀之帝驚哭成疾不視事

戊申冬十月齊王肥來朝帝以其兄如家人禮置上坐太后怒以酖酒賜齊王使為壽帝亦起取卮俱為

壽太后恐自起泛帝卮齊王佯醉出用內史勲計獻城陽一郡為魯元公主為湯沐邑尊公主為王

太后太后喜乃得歸齊

酈侯蕭何卒以曹參為相國

鄆才何切沛國縣名蕭何受封于鄆唐詩麒麟閣識鄆侯作鄆非

巳酉

匈奴上書藝嫚欲擊之復和親

立閼越君搖為東海王即東甌

庚戌

冬十月立魯元公主女張氏為后除挾書律

舉孝弟力田者

辛亥

平陽侯曹參卒

壬子

冬十月以王陵為右丞相陳平為左丞相周勃為

太尉留侯張良卒謚文成舞陽侯樊噲卒

癸丑

秋七月帝崩在位七年壽二十四太后泣不下張

人代紀要

卷之六

三十一

良子辟疆謂丞相曰太后獨一子不悲畏君等也

請拜呂台產孫為將居南北軍以安其心君等免

禍矣丞相如辟疆計太后哭廼衣

九月葬帝安陵太后以張后所養他人子為帝

自己稱制

甲寅

高皇后稱制元年

以王陵為帝太傅陳平為右丞相審食其為左丞

相任敖為御史大夫審食其不治事監宮中如郎

中令追尊太后父呂公為宣王兄澤為悼武王

魯元公主卒謚魯元太后

封齊悼惠子章為朱虛侯以呂祿女妻之

以孝惠後宮子彊為淮陽王子不疑為常山王子

山為襄城侯子朝為軹侯子武為壺關侯又風大

臣請立酈侯呂台為呂王割齊之濟南為呂國

太后欲王諸呂王陵曰高帝刑白馬盟曰非劉

氏而王天下共擊之陳平周勃曰高帝定天下

王子弟太后稱制王諸呂無所不可陵讓平勃

平勃曰面折廷爭臣不如君全社稷定劉氏君

不如臣於是太后遂王諸呂以王陵為帝太傅

實奪其權陵遂免

人代紀要

卷之六

三十一

是年桃李秋華

乙卯

呂台卒謚肅王以子嘉嗣

恒山王不疑卒以襄城侯山為恒山王更名義

是年武都山崩

丙辰

夏江漢水溢秋伊洛汝水溢星晝見

丁巳

夏四月太后封女弟頰為臨光侯即樊噲妻

五月太后廢少帝幽殺之立恒山王義為帝更名

弘不稱元年

孝惠后張氏取呂氏美人有身者入宮生子而殺其

母孝惠崩立為帝知非其子出言曰后殺吾母壯即

為變太后患之乃幽之東林詭言病甚

以軹侯朝為常山王 置太尉官以周勃為太尉

戊午 淮陽王彊卒太后立武為淮陽王

己未 太后廢呂王嘉立台弟產為呂王

庚申 太后召趙王友餓死以民禮葬之徙梁王恢為趙

王以呂王產為梁王更名梁曰呂呂曰齊川

太后以諸呂女為趙王后趙王弗愛愛他姬呂

女妬讒於太后曰趙王云呂氏安得王百歲後

吾必擊之太后召王至邸不見令衛圍守之弗

與食趙王餓歌曰諸呂用事兮劉氏危迫脅王

人代紀要

卷之六

辛酉

侯兮強授我妃妃既妬兮誣我以惡讒女亂國

兮上曾不惜我無忠臣兮何故棄國自決中野

兮蒼天舉直誰者憐之呂氏絕理兮託天報仇

竟幽死

呂頹女嫁營陵侯劉澤以澤為琅邪王

梁王恢徙王趙心懷不樂太后以呂產女為王后

王有愛姬后醜殺王悲憤自殺太后以王用婦人

棄宗廟廢其嗣徙代王恒為趙王代王願守代太

后乃以呂祿為趙王

宣平侯張敖卒賜謚魯元王以敖子偃為魯王

燕王建卒太后使人殺其子國除

辛酉 以呂肅王子東平侯呂通為燕王通弟呂壯為東

平侯

春三月太后被還過軹道見物如蒼犬據掖忽不

見卜云趙王如意為祟遂病掖傷

秋七月太后病甚令呂祿為上將軍軍北軍呂產

居南軍誡之曰我即崩帝年少恐大臣為變必據

兵衛慎勿送喪母為人所制遂崩遺命以呂祿女

為帝后呂產為相國審食其為帝太傅

朱虛侯劉章知諸呂欲為亂陰告其兄齊王襄起

人代紀要

卷之六

辛酉

兵遣書諸侯王陳諸呂罪以討不當王者相國呂

產遣大將軍灌嬰帥兵擊之灌嬰至滎陽誅曰諸

呂危劉氏若破齊是益其資也與齊連和以待變

酈商子寄與呂祿善周勃陳平使寄詒說呂祿解

將印歸國以解齊兵祿信之遂以兵屬勃與丞相

平朱虛侯章誅產祿及諸呂杖殺呂頹廢魯王張

偃遣告齊王與灌嬰俱罷兵

酈寄說呂祿曰高帝與呂后定天下劉氏立九

王呂氏立三王皆大臣之議布告諸侯皆以為

宜今太后崩帝少而足下佩趙王印不急之國



守藩廼爲上將將兵留此爲大臣諸侯所疑何

不歸將印以兵屬太尉請梁王歸相國印與大

臣盟而之國則齊兵必罷大臣得安足下高枕

而王千里萬世之利也祿信其計其姑呂嬃怒

曰爲將而棄兵呂氏今無處矣悉出珠玉寶器

散堂下曰毋爲他人守也人以酈寄爲賣友夫

大義滅親豈顧友乎

後九月諸大臣議迎高祖仲子代王恒即位年二

十三是爲孝文帝誅僞子弘及僞諸王

人代紀要

卷之六

三六

人代紀要卷之六

人代紀要卷之七

明吳興顧應祥編集

大埔黃宸校刊 江陰湯明善

庠生倪佩同校

壬戌漢孝文皇帝元年

徙琅邪王澤爲燕王封趙幽王子遂爲趙王

以陳平爲左丞相周勃爲右丞相灌嬰爲大尉

除收摯相坐律令

立子啓爲皇太子 竇氏爲皇后

封宋昌爲壯武侯

人代紀要

卷之七

一

帝問每歲決獄錢穀出入之數周勃不能對或說

周勃誅諸呂迎代王功高賞重禍且及身勃乃謝

病免陳平專爲相

遣太中大夫陸賈使南越越王佗稱臣奉貢

河南守吳公治平爲天下第一召爲廷尉吳公薦

洛陽賈誼召爲博士超遷至太中大夫誼請改正

朔易服色興禮樂以立漢制帝謙讓未遑

癸亥 曲逆侯陳平卒謚曰獻復以周勃爲丞相

詔列侯之國

舉賢良方正直言極諫者



親耕籍田 除誹謗妖言法

賜民田租之半

立趙幽王次子辟疆為河間王朱虛侯章為城陽

王東牟侯興居為濟北王

立皇子武為代王叅為太原王揖為梁王

甲子

冬十一月帝以列侯之國者未即行詔丞相率列侯之國周勃免以灌嬰為丞相罷太尉官

淮南王長來朝殺審食其

初趙王張敖獻美人於高祖已有娠以貫高事

坐繫美人弟因審食其言于吕后后妬弗為白

人代紀要

卷之七

美人已生子即自殺更奉其子以白高帝悔封

為淮南王及壯以母不得其死怨食其文帝即

位來朝以鐵椎殺食其肉袒謝罪帝傷其為

親故弗治以此歸國益驕恣

匈奴入寇丞相灌嬰將兵擊走之

濟北王興居反將軍柴武擊敗自殺

初誅諸吕朱虛侯功尤大大臣許以趙王章梁

王興居帝聞其初欲立齊王故絀其功割齊二

郡以王之興居怏怏聞帝如太原以為天子自

擊胡遂反按文帝以劉章欲立齊王懷憤而絀

其功則夫即位之讓得非虛讓乎

以張釋之為廷尉

乙丑

灌嬰卒以張蒼為丞相

以賈誼為長沙王太傅

周勃下獄數日而釋

周勃既就國每河東守尉行縣至絳勃恐誅常

被甲令家人持兵見之人告勃反下廷尉逮治

勃恐不知置辭吏稍侵辱之以千金與吏吏乃

書牘背示之曰以公主為證勃太子尚帝女故

也薄太后亦曰絳侯始誅諸吕絳皇帝璽居北

人代紀要

卷之七

三

軍不以此時反今居一小縣乃反耶帝見勃獄

辭乃赦之復爵邑勃既出曰吾嘗將百萬軍安

知獄吏之貴乎夫周勃居將相而不能對獄

吏漢初人才質朴如此亦可見濟天下之大事

者不在言語之間也

作頌成廟

此文帝生而自為廟者也賈誼謂使頌成之廟

稱為太宗正謂此

丙寅

徙代王武為淮陽王

丁卯

淮南王長謀反召至長安赦死廢勿王載以輜車

徙處蜀郡傳至雍縣道死帝哭之哀連考諸縣傳  
送不殺封餽侍者皆棄市以列侯禮葬于雍謚曰  
厲

淮南謀反事已敗露丞相御史宗正廷尉曰罪  
當棄市法也帝曰宥之情也死于道路乃帝欲  
苦之耳鉅諸縣傳送者亦不當死袁盎乃謂斬  
丞相御史大夫以謝天下母乃過乎

匈奴單于冒頓死子稽粥立號老上單于復請和  
親以宗室女為單于閼支使宦者燕人中行說傳  
之中行說教單于為漢患

人代紀要

卷之七

四

賈誼為梁王傳上治安策

戊辰

巳巳

以淮南厲王子四人為列侯賈誼諫不聽

庚午

辛未

太后弟薄昭殺漢使帝使群臣喪服往哭通令自  
殺太常掌固鼂錯往濟南受書于伏勝

壬申

梁王揖卒以賈誼言徙淮陽王武為梁王  
匈奴寇狄道鼂錯言兵事募民實塞下

令宮人出嫁

癸酉

河決酸棗

用鼂錯言入粟於邊拜爵免罪

按入粟拜爵即錫民爵一級之爵正欲使民咸  
務農而實邊與後世入粟拜官與之治民者不  
同

賜農民今年半租

遣謁者賜三老孝弟廉吏帛

甲戌

感女子緹縈言除肉刑賈誼卒除田租稅

乙亥

匈奴入寇遣兵擊之出塞而還

用馮唐言復以魏尚為雲中守

增諸祀壇場珪幣令祠官無有所祈

人代紀要

卷之七

五

丙子

黃龍見成紀

始親策賢良文學之士以鼂錯對策高第擢中大夫

帝如雍郊五帝作渭陽五帝廟

丁丑

分齊地立悼惠王子將闡為齊王志為濟北王賢  
為菑川王雄渠為膠東王卬為膠西王辟光為濟

南王

分淮南地立厲王子安為淮南王勃為衡山王賜

為廬江王

帝如渭陽祠五帝以新垣平為上大夫賜千金使

博士諸生刺六經中作王制謀議巡狩封禪事

秋九月新正許使八獻玉杯又言日再中改十七年為元年令天下大酺作汾陰廟祈周鼎出

漢文於賈誼言改正朔興禮樂則譙讓未遑新垣平言祠帝議封禪則為之建露臺則惜百金之

費賜方士則累千金和道之易於惑人如此

戊寅後元年 新垣平事敗伏誅夷三族 長安狗生角

○詔議可以佐百姓者

巳卯 張蒼免以申屠嘉為丞相時大中大夫鄧通方愛

華賞賜鉅萬帝嘗燕飲其家嘉奏事過於帝前怠

慢嘉召通欲斬之帝使人持節召通謝丞相方解

人代紀畧 卷之七

六

庚辰 匈奴老上單于死子軍臣單于立

辛巳

壬午

癸未 匈奴寇上郡雲中詔將軍周亞夫等屯兵備之

甲申 夏六月帝崩在位二十三年壽四十六謚孝文皇

帝遺詔不許厚葬令吏民臨三日毋嫁娶祠祀

當給喪事服臨者無跣經帶母過三寸毋布車及

兵器哭臨旦夕十五舉聲服大紅十五日小紅十

四日纖七日 此後世人君崩服二十七日蓋本諸

太子啓即位尊太后曰太皇太后皇后曰皇太后

是年長沙王著卒無嗣國除

乙酉漢孝景皇帝元年

冬十月尊高皇帝為太祖孝文皇帝為太宗令郡

國立太宗廟 藝文帝灊陵

帝王廟號始此

復收民田半租三十而稅一 減筭法

丙戌 今男子二十始傳

立子德為河間王闕為臨江王餘為淮陽王非為

汝南王彭祖為廣川王發為長沙王

夏四月太皇太后薄氏崩

人代紀畧 卷之七

七

內史龍錯用事寵幸法令多所更定中屠嘉疾之

奏錯穿太廟垣出入請斬錯帝不聽嘉歐血死

以陶青為丞相龍錯為御史大夫

是年熒惑逆行守北辰 月出北辰間 歲星逆

行天廷中

丁亥 吳王濞約膠西王卬膠東王雄渠菑川王賢濟南

王辟光楚王戊趙王遂謀反以誅龍錯為名遣太

尉周亞夫大將軍寶璽討之

以袁盎言腰斬龍錯以謝七國父母妻子同產無

少長皆棄市

初鼂錯父謂錯曰上初即位公用事侵削諸侯  
疏人骨肉口語多怨公何也錯曰不如此天子  
不尊宗廟不安父曰劉氏安施氏危矣遂仰藥  
死曰吾不忍見禍後十餘日七國反錯之為謀  
無非為漢也腰斬於市又及同產無少長皆誅  
之漢之法何其酷哉

周亞夫破吳楚軍渾亡走越戊自殺

越人斬渾齊王將閭及印遂皆自殺雄渠賢辟光  
俱伏誅

封竇嬰為魏其侯立楚元王子平陸侯禮為楚王

人代紀要

卷之七

八

皇子端為膠西王勝為中山王

徙濟北王志為菑川王淮陽王餘為魯王汝南王

非為江都王

戊子

以皇子榮為皇太子徹為膠東王

徙衡山王勃為濟北王廡江王賜為衡山王

己丑

以公主嫁單于 徙廣川王彭祖為趙王

庚寅

廢皇后薄氏

辛卯

冬十一月廢太子榮為臨江王

陶青免以周亞夫為丞相罷太尉官

夏四月立王夫人為皇后膠東王徹為皇太子

初燕王臧荼孫女臧兒適槐里王仲生男信及

兩女仲死臧兒更嫁長陵田氏生蚡其長女為

金王孫婦生女俗臧兒卜兩女皆當貴乃奪金

氏婦內之太子宮是為王夫人生微時長公主

嫖欲以女嫁太子太子之母栗姬不許長公主

乃以女予徹王夫人許之長公主日讒栗姬而

譽王夫人夫人陰使大行請立栗姬為皇后帝

怒誅大行遂廢榮而立徹

以郅都為中尉嚴酷不避列侯宗室側目而視號

曰蒼鷹

人代紀要

卷之七

九

壬辰中元年

癸巳 臨江王榮坐侵太宗廟墻垣為宮徵下中尉獄自

殺太后因是惡郅都中以危法斬之

梁王武以至親有破吳楚功賜天子旌旗出蹕入

警寵信羊勝公孫詭陰謀漢嗣栗太子廢太后愛

梁王欲以為嗣袁盎等不可梁王乃與勝詭謀遣

人刺殺盎帝遣田叔往按之勝詭自殺田叔莫獄

辭以梁王不知免太后始喜帝以田叔為魯相

是年改礫為棄市

甲午

周亞夫免 劉舍為丞相

乙未

丙申 更諸侯丞相曰相

丁酉 梁孝王武來朝乞留不許王不樂四月卒太后哭

不食曰帝殺吾子帝乃以梁地為五王其子五人

買為梁王明為濟川王彭離為濟東王定為山陽

王不識為濟陰王女五人皆食湯沐邑太后始悅

加餐

是年改奉常為太常改廷尉為大理

太常在唐虞為秩宗兼典禮樂周曰宗伯秦改

奉常至是始更為太常太常者王者旌旗也王

人代紀要

卷之七

十

有大事則建以行太者尊稱如太僕之類

以寧成為中尉治效都而庶不及

戊戌後元年

劉舍免以衛綰為丞相直不疑為御史大夫

下條侯周亞夫於獄不食死

帝召亞夫賜食置大裁無切肉又不置箸亞夫

心不平顧尚席取箸帝笑曰此非不足君所乎

亞夫免冠謝出帝曰此鞅鞅非少主臣也居無

何其子買尚方甲楯為堇器事覺為人所告下

吏吏薄責亞夫亞夫不對帝怒召請廷尉不食

五日嘔血而死

巳亥

庚子 勸農禁采黃金珠玉

春正月帝崩在位十六年壽四十六謚孝景皇帝

葬陽陵太子徹即位年一十六尊皇太后為太皇

太后皇后為皇太后

辛丑漢世宗孝武皇帝建元元年號始於此

冬十月舉賢良方正直言極諫之士以董仲舒為

江都相

衛綰免以竇嬰為丞相田蚡為太尉趙綰為御史

人代紀要

卷之七

十一

大夫王臧為郎中令迎中公為太中大夫

壬寅 太皇太后好黃老不悅儒術趙綰王臧下吏自殺

竇嬰田蚡免申公免歸以石建為郎中令石慶為

內史

以許昌為丞相衛青為御史大夫

衛青平陽人其父鄭季以縣吏給事平陽侯曹

壽家與其僮衛媼通生青冒衛姓平陽侯尚陽

信長公主武帝姊也衛媼少女衛子夫善謳帝

過主家見而悅之遂納宮中是為衛夫人

癸卯 始微行 起上林苑

甲辰

乙巳 置五經博士

丙午 五月太皇太后竇氏崩 許昌免

以太后異父弟田蚡為丞相驕侈受賂權移人主

閼越王擊南越遣大行王恢等將兵擊之閼越弟

餘善殺其王郢以降立餘善為東越王南越遣子

嬰齊入宿衛

以汲黯為主爵都尉

匈奴請和親王恢以匈奴倍約不如興兵擊之御

史大夫韓安國主和許之

人代紀要

丁未元光元年 卷之七 三

以長星見改元 以董仲舒言令郡國舉孝廉

戊申 田李少君言祠竈遣方士求神仙立太乙祠

王恢誘匈奴入塞擊之不獲下吏自殺

已酉 河徙頓丘復決濮陽衛子注鉅野通淮泗

庚戌 冬十二月穎陰侯灌夫因醉忤田蚡魏其侯竇嬰

救之太后怒族灌夫家竇嬰棄市

辛亥 春三月田蚡卒以平棘侯薛澤為丞相

河間王德來朝獻雅樂 以唐蒙言通夜郎牂柯遣司馬相如論巴蜀始通

西南夷 廢皇后陳氏

女巫楚服教后祠祭厭勝事覺御史張湯窮治

相連誅者三百餘人楚服梟首后廢居長門宮

供奉如故

以公孫弘為博士 張湯定律令

壬子 始築商車後世關市之征始此 穿渭渠

癸丑 元朔元年 師古曰朔猶始言更為初始也

皇子據生立夫人衛氏為皇后

東夷歲君降置蒼海郡

主父偃嚴安徐樂上書即召見以為郎中

人代紀要 卷之七 三

甲寅 以主父偃言詔諸侯王分國邑封子弟為列侯

始立朔方郡 徙郡國豪傑於茂陵族郭解

燕王定國有罪自殺主父偃為齊相按齊王罪王

懼自殺帝怒誅主父偃夷其族

初主父偃上書帝曰公等安在何相見之晚也

一歲中四遷為中大夫大臣畏其口遺累千金

或謂偃曰太橫矣偃曰吾生不五鼎食死即五

鼎烹耳偃死乃自取累及宗族惜哉

乙卯 王太后崩 張湯為廷尉

丙辰

丁巳 薛澤免公孫弘為丞相封平津侯

戊午

已未元狩元年

冬十月祠五畤獲一角獸改元

淮南王安衡山王賜謀反自殺

夏四月立子據為皇太子

是年張騫通西域 始通滇國

庚申

公孫弘卒以李蔡為丞相張湯為御史大夫  
霍去病擊匈奴過焉支至祁連山而還

匈奴渾邪王降置五屬國以處其眾

人代紀要

卷之七

十四

辛酉

作昆明池 得渥洼神馬

壬戌

造皮幣白金鑄三銖錢置鹽鐵官美繒錢舟車洛陽買人子乘弘羊年十三善言利始進用

卜式輸財助邊賜爵左庶長

衛青霍去病擊匈奴李廣為部將失道自殺去病

擊敗單于封狼居胥山而還詔以青去病俱為大

司馬

以義縱為右內史王溫舒為中尉二人俱酷吏

方士文成將軍少翁誣妄事覺伏誅

癸亥

李蔡有罪自殺 以莊青翟為丞相

汲黯為淮陽太守 帝如甘泉祠神君

甲子

殺內史義縱

立子闕為齊王旦為燕王胥為廣陵王

霍去病卒 大司農顏異以腹誹論死殺之

乙丑元鼎元年 六月得寶鼎改元

丙寅

張湯有罪自殺莊青翟下獄自殺

初御史中丞李文與湯有隙湯所厚吏魯謁居

告文奸事湯論文死殺之謁居病湯親為摩足

趙王告湯大臣與吏摩足疑為大姦事下廷尉

謁居已死其弟告湯與謁居共謀共變告李文

人代紀要

卷之七

十五

事下減宣窮究未奏會盜孝文園瘞錢湯欲文

致丞相見知丞相長史朱買臣王朝邊通素怨

湯乃與丞相謀捕賈人田信等居物致富與湯

交通減宣亦奏謁居事帝遣趙禹切責湯乃為

書謝曰陷臣者三長史也遂自殺湯死家產不

過五百金載以牛車有棺無槨帝聞之誅三長

史青翟下獄自殺

起栢梁臺祚承露盤 以趙周為丞相

始製酒泉武威郡

丁卯

匈奴伊穉斜單于死子烏雅單于立



徙函谷關於新安

戊辰 立后土祠于汾陰得大鼎

以方士樂大為五利將軍尚公主

以方士公孫卿為郎中

巳巳 列侯酎金輕奪爵者百六人以丞相趙周見知下

獄自殺 以石慶為丞相

樂大坐誣罔腰斬

庚午 平南越置南海蒼梧鬱林合浦交趾九真日南珠

厓儋耳九郡

平西南夷置牂柯越嶲沈黎文山武都五郡

人代紀要

卷之七

去一

如緱氏觀大人跡 擊東越 置張掖敦煌郡

以下武為御史大夫 自制封禪儀

辛未元封元年 始封太山改元

冬十月出長城登單于臺

東越王餘善降徙其民於江淮間

春如緱氏祭中嶽遂東巡海上求神仙夏四月封

泰山禪肅然復東北至碣石而還

壬申 以公孫卿言如東萊欲求仙人不見 還至瓠子

臨決河命從臣皆負薪塞河作瓠子歌

作蜚廉桂觀通天臺 以公王帶言作明堂于

汶上

將軍郭昌擊滇滇王降以為益州郡賜王印復長

其民

以杜周為廷尉 是年代朝鮮

癸酉 朝鮮降始置樂浪臨屯玄菟黃番郡

甲戌 南巡江漢祀舜于九疑 過尋陽射蛟江中獲之

乙亥 初置刺史冀幽并交徐青揚荆豫益凉及朔方交

趾凡十三部 大司馬衛青卒

丙子 幸回中作首山宮 以宗室女為公主嫁烏孫

以是年十一月朔冬至為曆元改從夏正

人代紀要

卷之七

七

按武帝此舉為萬世不易之法

丁丑太初元年

登泰山遣方士入海求神仙 作建章宮

夏五月行太初曆始以寅月為歲首

遣公孫敖於塞外築受降城 始置京兆尹

遣李廣利將兵伐宛求善馬

中尉王溫舒有罪自殺夷三族

戊寅 石慶卒 以公孫賀為丞相涕泣而辭不聽

趙破奴擊匈奴二萬騎俱沒

巳卯 東巡海上



庚辰 李廣利破宛獲其主及善馬封海西侯

起明光宮

辛巳天漢元年 以旱改元

遣中郎將蘇武使匈奴

壬午 李陵征匈奴力屈而降 司馬遷救李陵被腐刑

遣繡衣直指使捕東方盜賊

癸未 初榷酒酤

甲申 立子髡爲昌邑王是爲哀王

李廣利等伐匈奴不利夷李陵族

令死罪入贖錢五十萬減死一等

人代紀要

卷之七

十一

乙酉太始元年 應劭曰言蕩滌天下與民更始

匈奴且鞮侯單于死子狐鹿姑單于立

丙戌 穿白渠

丁亥 東巡琅邪浮海而還 皇子弗陵生

以江充爲水衡都尉

戊子

己丑征和元年 應劭曰言征伐四夷而天下和平

帝居建章宮見一男子帶劍入命收之弗獲斬門

候發三輔騎士大索長安十日 巫蠱事起

庚寅 丞相公孫賀下獄死夷其族以劉屈氂爲丞相

公孫賀初拜相涕泣而辭不獲竟遭族滅真可  
哀已賀子敬聲驕奢擅用北軍錢罪不至族止  
因朱安世告訐父子皆死獄中又族其家何其  
慘哉

帝書寢夢木人數千持杖欲擊以江充爲使治巫  
蠱獄坐死者前後數萬人江充言宮中有蠱氣又  
素爲太子所惡遂言太子宮中掘木人尤多太子  
懼無以自明發兵誅充反詔丞相劉屈氂討之太  
子敗走與皇后衛氏俱自殺

李廣利與劉屈氂謀立昌邑王爲太子事覺屈氂

人代紀要

卷之七

十九

腰斬于市收廣利妻子廣利聞之遂降匈奴族其  
家

高寢即田千秋爲太子據訟寃以千秋爲大鴻臚

族滅江充家

辛卯

壬辰 帝如東萊還以田千秋言罷方士候神人者

以田千秋爲丞相封富民侯下詔陳既往之悔

癸巳後元年 賜鈞弋夫人趙氏死

甲午 春二月立子弗陵爲皇太子以霍光爲大司馬大

將軍金日磾爲車騎將軍上官桀爲左將軍受遺

詔輔太子

是年帝崩于五柞宮在位五十四年壽七十一葬

茂陵謚孝武皇帝廟號世宗

太子弗陵即位年八歲是為昭帝姊鄂邑公主共

養省中霍光金日磾上官桀共領尚書事

追尊母趙氏為皇太后起雲陵

乙未漢孝昭皇帝始元元年

燕王旦謀反赦弗治誅其黨與

以雋不疑為京兆尹金日磾卒

丙申封霍光傳陸侯

人代紀要

卷之七

三十一

匈奴狐鹿姑單于死子壹衍鞬單于立

丁酉祠鳳凰于東海

戊戌立上官安健仔為皇后以安為車騎將軍

己亥男子成方遂詐稱衛太子赴闕門不疑叱縛之伏

誅

庚子蘇武還自匈奴以為典屬國

辛丑元鳳元年秋八月改

鄂邑長公主上官桀安弘羊丁外人等謀殺霍

光廢帝立燕王旦事覺桀安弘羊丁外人等并宗

族悉誅之公主燕王自殺

按戾太子死燕刺王自以為以次當立上書求

入宿衛武帝怒斬其來使既立少子又不布告

天下明言其所以不堪承宗廟之故武帝失之

矣

以韓延壽為諫大夫張安世為右將軍杜延年為

太僕

壬寅

癸卯是年泰山石立上林偃柳復生

少府徐仁自殺腰斬廷尉王平

按桀弘羊與燕蓋之謀其子遷匿故吏煇吳家

人代紀要

卷之七

三十二

捕得伏法後吳會赦自出繫獄廷尉王平與少

府徐仁雜治欲以赦令除吳罪亦無大過霍光

因怒丞相田千秋擅召二千石遂下二人於吏

以致仁自殺平腰斬其專恣亦甚矣夫徐仁乃

千秋之壻吏稱是時政權一決於光丞相千秋

謹厚自守而已向使千秋與光相競豈能免於

禍哉

甲辰帝冠田千秋卒以王訢為丞相

傳介子以金帛誘樓蘭王刺殺立其弟在漢者尉

屠耆為王更其國名鄯善賜以宮女為夫人備車

駢輜重遣之封介子義陽侯

乙巳 丞相王訢卒

丙午 楊敞為丞相

丁未 元平元年

春二月帝崩在位十二年壽三十二謚孝昭皇帝

陵

霍光迎昌邑哀王子賀入六月即位淫戲無度霍

光與張安世田延年謀奏太后廢歸昌邑國除殺

昌邑從官二百餘人

秋七月霍光以丙吉言迎戾太子之孫史皇孫之

人代紀要

卷之七

主

子病已即位年十七是為宣帝侍御史嚴延年劾

奏霍光擅廢立無人臣禮

衛太子納史良娣生史皇孫皇孫納王夫人生

病已為皇曾孫生數月遭巫蠱事太子男女皆

被害曾孫收繫郡邸獄丙吉為廷尉監治獄擇

謹厚女徒胡組郭微卿乳養望氣者言長安獄

中有天子氣武帝遣使詔獄中繫者無輕重一

切殺之丙吉閉門不納曰他人無辜死尚不可

况親曾孫乎使者以聞帝亦寤曰天使之也及

赦丙吉付史良娣母家收養後詔掖庭養視掖

庭令張賀奉養甚謹欲以女孫妻之賀弟張安

世不欲賀乃聘齊夫許廣漢女為配曾孫遂依

廣漢兄弟及史氏受詩於東海濱中翁好學喜

遊俠上下諸陵周徧三輔具知閭里姦邪吏治

得失至是丙吉奏記霍光迎以即位

丞相楊敞卒以蔡義為丞相

史稱蔡義以明經給事大將軍幕府至是拜相

年八十餘貌似老嫗夫宰相百僚之長國之治

亂所係霍光不為擇賢而但取其可制者無非

欲尊權耳

人代紀要

卷之七

主

冬十一月立許廣漢女許氏為皇后

宣帝微時許廣漢以女妻之及登大寶則許氏

自當為后夫復何疑當時公卿乃心擬霍將軍

女因帝詔求微時故劍大臣知情方白立許后

何其謬耶

人代紀要卷之七

人代紀要卷之八

明吳興顧應祥編集

大埔黃桑校刊 江陰湯明善

庠生倪佩同

戊申漢孝宣皇帝本始元年

以定策功增霍光張安世等封邑霍光請歸政不受諸事皆光白光然後奏御

追謚戾太子戾夫人悼考悼后置園邑

以河南丞黃霸持法平召為廷尉正

己酉 大司農田延年有罪自殺

人代紀要 卷之八

尊孝武皇帝廟號世宗

庚戌 霍光妻顯使女醫淳于衍毒弒皇后許氏

蔡義卒帝賢為相魏相為御史大夫

辛亥 立霍光女成君為皇后

史稱霍光出入禁闥二十餘年小心謹慎未嘗

有過及威權日盛遂致其毒弒皇后光既知之

乃溺於房室之愛不忍發舉又立其女為后忠

謹者固如是乎金日磾與光並稱篤慎日磾子

與官人戲遂自殺之武帝嘗欲納其女後官不

肯則日磾與光優劣見矣

壬子地節元年 以先者地震山崩故改地節

以于定國為廷尉

癸丑 霍光卒謚宣成賜葬具如乘輿制以霍禹為右將

軍張安世為大司馬

匈奴壺衍鞬單于死弟虛閭權渠單于立

甲寅 立子奭為皇太子

霍顯教其女毒殺太子保阿先嘗之不得行

韋賢致仕 魏相為丞相封高平侯丙吉為御史

大夫 膠東相王成偽增戶口爵關內侯

張安世為衛將軍 霍禹為大司馬

人代紀要 卷之八

廷尉史路溫舒請寬刑 初置廷尉平

乙卯 霍禹山雲謀反族誅霍后廢

以朱邑為大司農 龔遂為水衡都尉

霍光擁昭立宣其功固偉然亦臣子之分所當

為至其威權日盛子孫驕侈而不知訓戒身沒

之後朝廷稍加裁抑即相對泣潛起異謀滅亡

之禍乃其自取謂宣帝醞釀以成之非也

丙辰元康元年

追尊悼考為皇考立寢廟 以尹翁歸治郡應平

召為右扶風 殺六兆尹趙廣漢

趙廣漢見事風生無所回避以私怨論殺男子  
榮畜人上書言之下丞相御史按驗廣漢疑丞  
相夫人殺侍婢欲以脅丞相乃將吏卒入相府  
召其夫人跪庭下受辭收奴婢十餘人去丞相  
上書自陳事下廷尉治不如廣漢言帝惡之下  
廣漢獄吏民守關號泣者數萬人竟坐腰斬廣  
漢顯明威制豪強小民得職百姓追思  
衛侯馮奉世使西域適莎車叛奉世矯制發諸國  
之擊之莎車王自殺傳首長安帝欲封奉世蕭望  
之不可以為光祿大夫

本代紀要

卷之八

三

丁巳 春二月立使侍王氏為皇后令毋養太子

帝更名詢 以蕭望之為左馮翊

戊午 封昌邑王賀為海昏侯 立子欽為淮陽王

錄阿保功封丙吉史魯許舜張賀子並祖為列侯

疏廣疏受謝歸 黃霸為京兆尹尋還故官

己未 張安世卒

庚申 神爵元年

春正月如甘泉始郊泰畤

以嘉穀玄稷降于郡國神爵仍集金芝產于銅池

元貢獻奇獸南郡獲白鹿改元神爵

遣諫議大夫王褒求金馬碧雞之神

諫大夫王吉以言不用謝病歸

趙充國擊先零叛羌屯田湟中

辛酉 春二月鳳凰甘露降集京師赦

置金城屬國以處降羌

司隸校尉蓋寬饒上書切直帝以為怨謗下其書

執金吾議以為意欲求禪大不道諫大夫鄭昌上

書論救寬下吏寬饒引佩刀自剄闕下眾庶憐之

論者謂漢宜殺趙蓋韓楊皆以為過以愚觀之

寬饒尤為無罪因其書中有五帝官天下三王

本代紀要

卷之八

四

家天下家以傳子孫官以傳賢聖之語執金吾

希旨遂指以為求禪大逆不道不亦冤哉

世史正綱於是年書以宦者弘恭為中書令石

顯為僕射亦以寬饒書中有以刑餘為周召以

法律為詩書故也恭顯雖宣帝時已寵用不知

起於何年故略之

壬戌 魏相卒以丙吉為相封博陽侯

蕭望之為御史大夫 以韓延壽為左馮翊

癸亥 潁川太守黃霸政事愈治時鳳凰神爵數集而潁

川尤多賜爵關內侯黃金百斤秩中二千石

河內太守嚴延年有罪坐不道棄市

嚴延年陰鸞酷烈冬月論囚流血數里河南號曰屠伯其母自東海來適見報囚止都亭不入責延年曰爾幸得備郡守專治千里不聞教化而多刑殺立威我不意老見壯子被刑戮也遂去人皆賢其母

甲子五鳳元年 以鳳凰五至改元

匈奴亂五單于爭立

殺左馮翊韓延壽

韓延壽代蕭望之爲左馮翊望之聞延壽在東

人代紀要

卷六

五

郡時放散官錢千餘萬使御史按之延壽亦案檢察之在馮翊時廉犧官錢百餘萬望之奏職在總領聞事不敢不問而爲延壽所拘持帝不直延壽令窮究望之卒無事實而望之遣御史按延壽得其試騎士日車服侍衛奢僭逾制數事坐不道棄市百姓莫不流涕按趙廣漢與韓延壽皆訐丞相之過然廣漢之訐過在廣漢延壽之事則望之開其端也顏師古曰望之以延壽代已爲馮翊而有能名出其上故忌害陷以危法理或然也夷考二子之治行則趙固明察

而韓尚德化似爲過之

乙丑 左遷蕭望之爲太子太傅

光祿勳平通侯楊惲有罪免爲庶人

匈奴呼韓單于擊殺屠耆單于呼屠吾斯自立爲郅支單于

丙寅 丙吉卒以黃霸爲丞相

丁卯 春匈奴呼韓邪單于稱臣遣第入侍 郅支單于

攻呼韓邪單于走之遂都單于庭

以大司農耿壽昌言置常平倉

楊惲居家治產作詩自娛人告其驕奢不悔曰食

人代紀要

卷七

六

之咎皆其所致下廷尉坐大逆腰斬妻子徙酒泉諸在位與惲善者皆免官

戊辰甘露元年 甘露降改

以韋玄成爲淮陽中尉時淮陽憲王好法律有材

能帝欲立之因太子起於微不忍易以玄成讓爵

於兄故以玄成爲中尉以感動憲王太子始安

是年鐘虡銅人生毛

烏孫國亂分爲兩昆彌

己巳 趙充國卒

庚午 匈奴呼韓邪單于來朝還居幕南塞下

圖畫功臣于麒麟閣大司馬大將軍專陸侯姓霍氏其次張安世韓增趙充國魏相丙吉杜延年劉德梁丘賀蕭望之蘇武凡十一人

黃霸卒以于定國為丞相

詔諸儒講五經同異於石渠閣立梁丘易夏侯尚書穀梁春秋博士 皇孫騫生

烏孫公主年老來歸

辛未

壬申黃龍元年 黃龍見於廣漢改元

匈奴呼韓邪單于來朝郅支徙居堅昆

人代紀要

卷之八

七

帝寢疾以外戚史高為大司馬車騎將軍蕭望之為前將軍光祿勳周堪為光祿大夫受遺詔輔政領尚書事

十二月帝崩在位二十五年壽四十二謚孝宣皇帝廟號中宗葬杜陵太子奭即位年二十七是為孝元皇帝

癸酉漢孝元皇帝初元元年

立宣帝官人王政君為婕妤尋立為皇后以公田及苑振業貧民賦貸種食罷官館希幸者減穀食馬肉食獸

甲戌 帝任用宦官中書令弘恭僕射石顯誣奏蕭望之

周堪及宗正劉更生朋黨下獄俱免為庶人夏四月立皇子騫為皇太子

賜蕭望之爵關內侯 召周堪劉更生為郎中

帝欲相蕭望之恭顯許史側目劉更生上書地震

乞退恭顯復誣下獄免蕭望之子亦上書訟望之事恭顯以望之教子上書失大臣體逮望之望之

飲酖自殺帝驚拊手曰曩固疑其不就獄果然殺

吾賢傳卻食涕泣哀動左右召顯等責問皆免冠

謝良久乃止

人代紀要

卷之八

八

弘恭死以石顯為中書令

乙亥 以賈捐之言罷味丘卿

丙子 如河東利石土

丁丑 匈奴嬖單于殺漢使西走康居

戊寅永光元年

詔舉質朴敦厚遜讓有行者 于定國罷

己卯 韋玄成為相 天雨草鷄生角

庚辰

辛巳 以周堪為光祿大夫張猛為大中大夫堪卒猛因

石顯誣譖自殺



壬午 以韋玄成言毀太上皇孝惠帝寢廟園

以匡衡為太子少傅

癸未建昭元年

甲申 京房以易數得幸為魏郡太守石顯坐以誹謗下

獄棄市妻子徙邊

時僕射牢梁少府五鹿充宗附石顯擅權亂政

京房以孝廉為郎談易多驗帝悅之房謂帝曰

今天下治耶亂耶帝曰極亂耳今為亂者誰耶

房曰上最所信任與圖事於帷幄之中進退天

下之士者是也帝知其所指在石顯謂房曰已

人代紀要

卷之八

九

論房又薦其弟子曉知考功課吏者為刺史臣

得通籍殿中奏事以防壅蔽石顯疾之建言以

房為魏郡太守以試其考課法房又上書竟徵

下獄以誹謗棄市初房學易於焦延壽延壽曰

得吾道以亡身者房生也其法以六十卦直日

用事以風雨寒濕為候各有占驗夫易也者吉

凶消長之理進退存亡之道寓焉占驗其餘事

耳房以新進遽欲人君去其所極親信者以信

已又薦其弟子為郡守而自己居中奏事寧有

是理乎此其所以取殺身之禍也故附錄以為

溺於占驗者之戒

乙酉 韋玄成卒匡衡為丞相封樂安侯

西域副校尉陳湯都護甘延壽矯制發兵斬郅支

單于於康居

丙戌 傳郅支首至京師懸藁街十日仍告祠廟赦天下

丁亥 帝疾復諸寢園廟

戊子竟寧元年

匈奴呼韓邪單于聞郅支既誅且喜且懼入朝乞

為漢婿帝以後宮良家子王嬙字昭君賜之歸號

寧胡關氏改元竟寧

人代紀要

卷之八

十一

封甘延壽為義成侯陳湯爵關內侯

石顯匡衡以延壽湯擅興師矯制如加以爵土

則後奉使者爭欲乘危微幸生事為國招難又

之不封至是以劉向言始封之

夏五月帝崩在位十六年壽四十三諡孝元皇帝

葬渭陵

六月太子驁即位年二十是為孝成皇帝

以元舅王鳳為大司馬大將軍

己丑漢孝成皇帝建始元年

丞相御史奏石顯舊惡免歸故郡道死



司隸校尉王尊劾丞相匡衡御史大夫張譚阿附  
石顯衡譚謝罪尊左遷高陵令

封太后諸弟王崇為安成侯王譚王商王立王根  
王逢時俱賜爵關內侯

夏四月黃霧四塞 六月青蠅無萬集未央宮殿  
中秋八月兩月相承晨見東方

是年以匡衡言分南北郊

庚寅 立皇后許氏元帝傷其母許為霍氏所害故以車

騎將軍許嘉女配太子至是立為后

匈奴呼韓邪單于死子復株累若鞮單于立

人代紀要

卷之八

十一

辛卯 秋大雨京訛言大水至

策免大司馬許嘉專任王鳳

地震未央宮殿求直言極諫士 趙廣山崩

匡衡有罪免為庶人

壬辰 以王商為丞相封樂昌侯

召直言極諫之士對策白虎殿谷永策陰附王鳳

以為光祿大夫

癸巳河平元年

遣使塞河決 以王尊為京兆尹

甲午 封諸舅王譚為平阿侯王商為成都侯王立為紅

陽侯王根為曲陽侯王逢時為高平侯世稱五侯  
沛郡鐵官冶鐵飛

乙未 河復決 劉向校中祕書上洪範五行傳

丙申 丞相樂昌侯王商忤王鳳詔收印綬以憂卒

以張禹為相 火生石中詔改元

丁酉陽朔元年

京兆尹王章奏劾王鳳下獄死

戊戌 以太后從弟王音為御史大夫

己亥 大司馬王鳳卒以王音為大司馬

潁川鐵官冶作亂平之

人代紀要

卷之八

十二

庚子

辛丑鴻嘉元年

帝寵幸侍中張放與之微行

張禹以老罷相位特進賞賜甚厚以薛宣為丞相

匈奴復株累單于死弟搜諧若鞮單于立

壬寅 飛雉集于未央宮承明殿

癸卯 王氏五侯奢僭踰制帝怒謝罪赦不誅

廢皇后許氏處昭臺宮

帝微行過陽阿公主家悅歌舞女趙飛燕召入

宮大幸有女弟復召入姿性尤醜粹左右見者

皆嗟賞披香博士淳方成咄曰此禍水也滅火必矣姊妹俱為健仔貴傾後宮譖許后與班健仔祝詛后坐廢班健仔對曰死生有命富貴在天修正尚未蒙福况為邪乎使鬼神有知不受不臣之愬如其無知愬之何益故不為也帝善其對赦之健仔遂求侍太后於長信宮以免禍

甲辰 天雨魚

乙巳 永始元年

封趙婕妤父臨為成陽侯欲立婕妤為后諫大夫劉輔諫繫掖庭祕獄將軍辛慶忌等論救得減死

人代紀要

卷之八

十三

論為鬼薪

夏四月封太后弟子王莽為新都侯

太后兄弟八人獨莽父曼早卒不侯群兄皆將

軍五侯子乘時侈靡以興馬聲色游俠相高莽

恭儉博學事母及寡嫂養兄孤子甚周備又外

交英俊內事諸父曲有禮意大將軍鳳疾親嘗

藥不解衣帶連月鳳且死以託太后及帝拜黃

門郎成都侯商又請分邑封莽當世名士咸為

莽言由是封為新都侯譙恭俞寔名譽益起

六月以婕妤趙飛燕為皇后以其女弟為昭儀居

昭陽宮后寵稍衰居別館 劉向作列女傳

秋八月太皇太后王氏崩

丙午 王音卒以王商為大司馬衛將軍

前王商乃為樂昌侯丞相此王商乃成都侯王

商五侯之一是時有兩王商

帝以太后命左遷富平侯張放為北地都尉涕泣

而遣之

策免丞相薛宣御史大夫翟方進後以方進為丞

相孔光為御史大夫

封太后姊子淳于長為定都侯

人代紀要

卷之八

十四

初帝欲立趙后太后以其微不許淳于長數言

之乃得立故帝甚寵長乃得封侯

王商惡陳湯免為庶人徙燉煌

丁未 南昌尉梅福上書

戊申 何武為京兆尹

己酉 元延元年

王商卒以王根為大司馬驃騎將軍

槐里令朱雲上書求見請尚方劍斷佞臣頭帝怒

欲罪以死雲攀折檻辛慶忌叩頭救免

徵張放入侍中太后知之復出為天水屬國都尉

是年匈奴搜捕單于死第車牙若觀單于立

庚戌

辛亥 岷山崩壅江三日江水竭

壬子

癸丑 綏和元年

立定陶共王康之子欣為皇太子以楚孝王孫景

為定陶王奉共王後

以何武言改御史大夫為大司空與大司馬丞相

為三公 王根病免 罷刺史置州牧

淳于長下獄死許后自殺以王莽為大司馬

人代紀要

卷之八

十五

淳于長貴傾公卿與后寡姊嬖私通娶為小妻

后因嬖以金錢乘輿服御物賂長求復為健仔

長詔之曰我自帝以為左皇后通書悖謾王莽

忌長白于帝以太后故不治遣就國紅陽侯王

立故與長有怨至是使嗣子融從長請車騎長

乃以珍寶遺立上疏乞留帝疑下吏按驗立令

融自殺以滅口帝益疑逮長下獄窮治長死獄

中后賜藥自殺立遣就國帝以莽忠直以為大

司馬年二十八莽聘諸賢良以為掾史賞賜邑

錢悉以享士愈為儉約母病公卿列侯夫人問

疾莽妻迎之衣不曳地布蔽膝見者以為僮僕

詢之方知其為夫人皆驚訝

甲寅 春二月熒惑守心命丞相翟方進自殺以當之堊

臨吊禮加厚

三月帝崩在位二十六年壽四十六謚孝成皇帝

葬延陵

大行柩前拜孔光為丞相 趙昭儀自殺

夏四月太子欣即位尊皇太后曰太皇太后皇后

曰皇太后

追尊定陶共王為定陶共皇 立皇后傅氏

人代紀要

卷之八

十六

尊定陶太后傅氏曰定陶共皇太后丁姬曰定陶

共皇后封丁明傅曼皆為列侯

劉歆為侍中更名秀典領五經輯六藝畧諸子畧

詩賦畧兵書畧術數畧方技畧諸子分為九流曰

儒曰道曰陰陽曰法曰名曰墨曰縱橫曰雜曰農

秋七月王莽乞罷就第士大夫多稱之恩寵加厚

置中黃門給使朝朔望以師丹為大司馬

詔定世宗為不毀之廟 何武免以師丹為大司

空 求能浚川疏河者置讓上三策

是年馬生角

乙卯漢孝哀皇帝建平元年

策免大司空高樂侯師丹為庶人復賜爵關內侯  
時冷襄段猶奏言定陶共皇太后共皇后不宜  
復引藩國以冠大號又宜為共皇立廟京師眾  
皆順旨惟孔光傳喜師丹以為不可故不合  
以朱博為大司空

中山王太后馮氏及其弟宜鄉侯參俱自殺

馮太后馮奉世女也與傳太后並事元帝為健  
仔從幸虎園熊逸出樊檻傳驚走馮直前當熊  
而立帝問之對曰猛獸得人即止恐至御座故

人代紀要

卷之八

七

以身當之帝嘉嘆傳慙成隙後馮后從子中山  
王之國中山王卒幼子箕子背病后祠禱為解  
哀帝遣張山視疾遂誣言馮后祝詛遣御史案  
治魚所得命中謁者令史立受傳太后指治馮  
女弟第婦死者數十人誣奏祝詛謀反大逆責  
馮后不服立曰熊之上殺何其勇也今何怯也  
太后還謂左右曰此廼中語前世事更何用知  
之是欲陷我效也乃飲藥自殺弟宜鄉侯召至  
廷尉亦自殺馮氏死者十七人眾莫不憐之  
丙辰 策免大司馬傳喜罷三公官以朱博為御史丁明

為大司馬衛將軍

策免孔光以朱博為丞相尋下獄自殺以平當為  
丞相

詔共皇去定陶號立廟京師尊共皇太后傅氏為  
帝太太后共皇后丁氏為帝太后丁氏尋崩  
罷州牧復置刺史 免師丹為庶人王莽就國  
六月帝疾以待詔黃門夏賀良言改元太初更號  
陳聖劉皇帝疾不愈罷改元改號誅夏賀良  
丁巳 平當卒王嘉為相

戊午 關東訛言行西王母壽

人代紀要

卷之八

大

尚書僕射鄭崇以諫董賢下獄死  
賜董賢爵關內侯尋封為高安侯  
己未元壽元年

以傳晏為大司馬衛將軍丁明為大司馬驃騎將  
軍晏尋罷

丞相新甫侯王嘉論董賢下獄自殺以孔光為丞  
相何武為前將軍彭宣為御史大夫

庚申 春二月匈奴單于烏孫大昆彌來朝

正三公分職董賢為大司馬孔光為大司徒彭宣  
為大司空

六月帝崩在位六年壽二十六諡孝哀皇帝葬義陵董賢與妻皆自殺沒其家財四十三萬萬父恭與家屬徙合浦

以王莽為大司馬領尚書事

秋七月太后與王莽議迎元帝庶孫中山王箕子為嗣貶皇太后趙氏為孝成皇后徙北宮徙孝哀皇后於桂宮尋廢就園俱自殺

追貶傳太后為定陶共王后丁太后為丁姬

王莽薦孔光壻甄邯為侍中策免將軍何武遣紅陽侯立就國策免彭宣以王崇為大司空

人代紀要

卷之八

十九

秋九月中山王箕子即位是為平帝太皇太后王氏臨朝王莽秉政

以孔光為帝太傅馬宮為大司徒

辛酉漢孝平皇帝元始元年

益州外夷稱越裳氏獻白雉一黑雉二王莽白太后薦宗廟群臣咸稱莽功德宜號安漢公益爵邑莽上書言孔光等同定策以孔光為太師王莽為太保甄豐為少傅甄邯封承陽侯莽固讓數四稱疾不起群臣復上言宜加元功無使百僚失望乃以莽為太傅安漢公益封二萬八千戶莽惶恐不

得已受安漢公號讓益封復請褒賞宗室

以帝母衛姬為中山孝王后帝舅衛寶衛玄賜爵關內侯皆留中山不得至京師

封魯頃公八世孫寬為褒魯侯褒成君孔霸孫均為褒成侯以奉周孔祀追封孔子為褒成宣尼公壬戌帝更名衍黃支國獻犀牛

王崇免以甄豐為大司空

光祿大夫龔勝太中大夫邴漢辭位去梅福棄官去不知所之

王莽諷匈奴單于以王嬙女湏卜君次入侍太皇

人代紀要

卷之八

二十

太后湏卜氏名

次居

癸亥聘安漢公王莽女為皇后

王莽欲女為后以固寵乃上言長秋宮未建掖庭媵未充請考論五經定取后禮正十二女之義博采二王後及周公孔子世列侯在長安者適子女事下有司上女名王氏女多在內莽又言子材下不宜與眾並采太后乃詔王氏朕外家其勿采庶民諸生郎吏以上守闕者千餘人公卿大夫咸詣廷中皆言安漢公勲德堂堂願得公女以毋天下太后乃從之

有司言古者天子封后父百里尊而不臣以重宗廟請以新野田二萬五千六百頃益封莽辭不受故事聘皇后黃金二萬斤為錢二萬萬莽辭止受四千萬而以三千三百萬予十一媵家詔復益二千三百萬莽復以其千萬分子九族貧者

王莽殺其子宇滅中山孝王后家又殺敬武公主沘鄉侯何武司隸鮑宣等數百人

人代紀要

卷之八

三

不聽宇與師異章及婦兄呂寬議以莽信鬼可為變怪以懼之使寬夜持血灑第門吏覺之莽執宇送獄欲樂死并殺宇妻甄邯等白太后下詔以莽居周公之位行管蔡之誅莽盡滅衛氏之族異章腰斬磔尸東市元帝女弟敬武公主素附丁傳復非議莽紅陽侯立莽之尊屬平阿侯仁素剛直皆以太后命逼令自殺甄豐遣使窮治黨與凡郡國豪傑漢臣忠直不附莽者皆誣以罪何武鮑宣王商辛慶忌子皆坐死死者數百人

吳章當世名儒弟子千餘人禁不得仕宦盡更名他師平陵云敞時為大司徒掾自劾吳章弟子收章尸棺歛之

北海逢萌掛冠而去客於遼東

甲子 春二月迎安漢公莽女入宮為皇后赦天下

群臣上書請加王莽宰衡位諸侯王上

賜王莽母號功顯君食邑二千戶金印赤轂莽子

安為褒新侯臨為賞都侯太后臨殿莽拜前二子

拜後如周公故事莽固辭詔諭始受 起明堂辟

雍靈臺立樂經徵天下通經異能之士及能治河

人代紀要

卷之八

三

者 尊孝宣廟為中宗孝元廟為高宗

更定官名及十二州界 遣太僕王憚等八人行

天下觀風俗

乙丑 孔光卒以馬官為太師

群臣上言加王莽九錫吏民上書頌功德者四十

八萬七千五百七十二人

此後世權臣受九錫之始古者諸侯有德天子

錫之一車馬再衣服三虎賁四樂器五納陛六

朱戶七弓矢八鐵鉞九秬鬯

王憚等回言天下風俗同詐作歌謠頌功德凡三

萬言王莽咸封為列侯

廣平相班穉獨不上嘉瑞歌謠琅邪太守公孫闕言災害甄豐劾閔穉不道闕下獄誅死穉班健行弟也以太后言歸相印補延陵園郎

王莽奏市無二價官無獄訟邑無盜賊男女異路犯者象刑

發定陶共王母及丁姬冢取其印綬太師大司徒馬宮罷

宗室劉慶上書請王莽攝行天子之事群臣皆曰宜如慶言

冬十二月帝益壯以衛后故不悅王莽莽因臘日

人代紀要

卷八

三

於椒酒中進毒帝飲之疾王莽作策請命泰時願以身代藏策金膝戒諸臣勿言帝尋崩在位五年壽十四謚孝平皇帝葬康陵莽令天下吏六百石以上皆服喪三年

尊孝成廟曰統宗孝平廟曰元宗

太后與群臣議立嗣時元帝世絕而宣帝曾孫兄王五人列侯四十八人莽惡其長大曰兄弟不得相為後乃徵宣帝諸玄孫選其最幼者托以卜相吉立之

前輝光謝豐纂武功長孟通浚井得白石丹書文

曰告安漢公莽為皇帝莽使群臣白太后太后曰

此誣罔不可施行太保舜曰事已如此無可奈何

莽非有他意但欲稱攝以重其權鎮服天下耳后

力不能制乃詔選宣帝玄孫嬰為平帝後而以王

莽居攝踐詐服天子衣冕背斧依立於戶牖之間

南面朝群臣

丙寅漢孺子嬰居攝元年

春三月立宣帝玄孫為皇太子年二歲廣戚侯勲子顯之子

尊皇后王莽女為皇太后以王舜為太傅左輔甄

豐為太阿右拂

人代紀要

卷八

三

夏四月宗室安鄉侯劉崇與其相張紹謀起兵討莽不克敗死崇族父劉嘉詣闕歸莽請諸崇官室示戒莽悅封嘉率禮侯子九人皆賜爵關內侯五月群臣以王莽權輕致有謀逆請於太后稱假皇帝

丁卯故相翟方進子東郡太守翟義立嚴鄉侯劉信為

天子起兵討莽三輔豪傑起兵應之衆十餘萬莽

惶懼不能食抱孺子禱郊廟謂群臣曰昔周公攝

政而管蔡挾祿父以畔今翟義亦挾劉信作亂自

古大聖猶懼况莽乎群臣皆曰不遭此變不章聖



德莽依周書作大誥示反政孺子諸將攻翟義敗死劉信亡走莽發翟方進冢及其祖墓燒比尸棺夷滅三族

班彪曰丞相方進以孤童携老母入京師身為儒宗致位宰相威矣當莽之起蓋秉天威雖有賁育奚益於敵義不量力懷忠憤發以隕其宗悲夫

戊辰

王莽稱初始元年

群臣奏請加王莽子安臨爵為公兄子光為衍功侯孫宗為新都侯

人代紀要

卷之八

王

秋九月王莽母功顯君死如天子吊諸侯禮服總以孫宗主喪

十一月太后詔王莽奏事毋言攝以居攝三年為初始元年

十二月梓潼人哀章作銅匱獻王莽以為神祚受於高廟御王冠謁太后還坐未央宮前殿即直天子位改國號曰新以十二月朔為始建國元年

王莽欲即真以符瑞白太后太后大驚是時孺子未立璽在長樂宮莽請璽太后不與莽使安陽侯燕論指太后怒罵曰而屬父子宗族家漢家方富

貴累世乘便奪取其國不顧恩義天下豈有而兄弟耶且若自以符命為新皇帝當自作璽何用此亡國之璽我旦暮且死欲與此俱葬舜曰莽必欲得璽太后寧能終不與耶太后乃以璽授之地曰我老且死知而兄弟今族滅莽得璽天悅王莽族屬王諫上書言皇天既立新室太皇太后不宜稱尊號宜隨漢廢冠軍張永獻符命銅壁文言太皇太后當為新室文母太皇太后莽下詔從之

人代紀要

卷之八

王

班彪漢元后贊曰三代以來王公失世稀不以

女寵及王莽之興由孝元后歷漢四世為天下母享國六十餘載群弟世權更持國柄五將十侯卒成新都位號已移於天下而元后卷卷猶握一璽不欲授莽婦人之仁悲夫

按王莽媚侍元后無所不至后三姊妹皆食湯沐邑旁側長御以下賂遺以十萬數甚至美兒病在外皆親候之故上下交相稱譽以成其篡然太后以婦人墮其術中固矣獨惟夫漢廷諸臣雷同隨聲稱頌功德無一人知君臣之義者何哉



巳巳 王莽始建國元年

春正月廢孺子為定安公以孝平皇后為定安太后

王莽策命孺子封以萬戶地方百里立漢宗廟

於其國與周後並行讀策畢執孺子手流涕歔

歔曰昔周公攝位終得復于明辟今子獨迫皇

天威命不得如意哀葉良父中傳將孺子下殿

北面稱臣百官陪位莫不感動使者監定安門

第戒乳母不得與語常在四壁中長大不能名

六畜

人代紀要

卷之八

王

改漢官名降漢諸侯王為公以漢高祖廟為文祖

廟漢宗室劉快起兵討莽不克而死

禁卯金刀 禁民不得買賣田及奴婢

遣五威將帥班符命吏印綬收漢印綬

庚午 五威將還奏漢諸侯王為公者悉上璽綬為民以

獻符命封侯者三人

更號定安太后為黃皇室主

王莽以符命僭位欲絕其原以神其事甄豐子尋

劉歆子棻復作符命獻莽又云黃皇室主當為尋

妻莽怒捕下獄甄豐自殺連及公卿親黨數百人

以劉棻嘗從楊雄學奇字故雄方校書天祿閣

自投閣下幾死莽以雄不知情免

甄豐附莽成衛后之獄乃自及其身天之報何

其速也可為附和權臣者之戒

以方士言起八風臺

辛未 徵龔勝為太子師友祭酒不食而卒

壬申 復令民得賣田

癸酉 漢太皇太后王氏崩年八十四葬渭陵與元帝合

而溝絕之立廟于安新室世世獻祭元帝配食坐

於牀下

人代紀要

卷之八

三八

初莽媚太后以元帝廟為高宗百世不遷及僭

位廢孝元廟以為文母褻食堂名曰長壽宮置

酒請太后太后見廟廢驚泣不樂而罷莽更漢

黑貂為黃貂又改漢正朔伏臘曰太后令官屬

仍黑貂漢臘日獨與左右相對飲食

以明年為天鳳元年

甲戌 王莽天鳳元年

乙亥

丙子 王莽捕獲在義黨主孫慶使太醫尚方巧屠共割

剔之量皮五臟以竹筴導其脉知所終始可以治

病

後世醫家銅人圖十二脉絡蓋本於此

丁丑 王莽鑄威斗如北斗狀出入令人負之以厭勝

是年綠林兵起

戊寅 楊雄死

己卯 王莽欲擊匈奴募奇士或言廣水不用舟楫連騎而濟百萬師或言不持斗糧止服藥物三軍不飢或言能飛一日千里莽心知不可欲獲其名厚賜之

東海連率韓博上言奇士巨毋霸長一丈大十圍

人代紀要

卷之十

三十一

輜車不能載三馬不能勝以大車四馬載詣闕王

莽字巨君惡之更其姓曰巨毋氏以博非所宜言

徵下獄論棄市

王莽以盜賊多令大史推三萬六千歲歷紀六歲

一改元布天下自言當如黃帝升天以誑耀百姓

庚辰

王莽敗地皇元年從三萬六千歲歷號也

鉅鹿男子馮遂等誅莽不克而死

鄧恂推曆數說莽就臣位繫獄會赦出

辛巳 王莽子臨謀殺莽事覺自殺 王莽敗漢高廟

南郡秦豐兵起

壬午

樊崇兵起王莽太師王匡更始將軍廉丹擊之崇恐其衆與莽兵亂皆朱其眉人謂之赤眉匡丹兵

放縱東方歌曰寧逢赤眉莫逢太師太師尚可更

始殺我

廉丹掾馮衍說丹曰新室之興英俊不附人心

思漢天必從之為將軍計莫若此據大郡鎮撫

吏士納雄俊詢忠智興社稷之利除萬人之害

福祿流於無窮功烈著于不泯何與軍覆中原

身膏草野功敗名喪耻及先祖哉丹不聽與赤

眉戰敗走丹曰小兒可走吾不可走遂戰死

人代紀要

卷之十

三十一

廉丹不知大義反為莽死所見謬矣哉

漢宗室劉演劉秀起兵春陵新市平林兵皆附之

漢景帝子長沙定王發春陵節侯買買生戴

侯熊渠熊渠生考侯仁仁以南方卑濕徙南陽

與宗族往家之仁子敞嗣值莽篡位國除節侯

少子外為鬱林太守外生鉅鹿都尉回回生南

頓令欽欽娶湖陽樊重女生潁川秀秀時年二十

八宛人李守好星曆識記嘗謂其子通曰劉氏

當興李氏為輔及新市平林兵起南陽騷然演

遂號召豪傑而起

人代紀要卷之八終

八代紀要卷之九

明吳興顧應祥

編集

大埔黃庚校刊 江陰湯明著

庠生倪佩同校

癸未漢淮陽王更始元年

春二月新市平林兵以兵多無統欲立劉氏以從人望畏演威明時戴侯曾孫劉玄在平林兵中遂立為帝改元更始以劉演為大司徒劉秀為太常偏將軍

三月劉秀徇昆陽定陵鄧皆下之

八代紀要

卷之九

十一

五月王莽遣司徒王尋司空王邑會嚴尤陳茂等兵四十二萬以長人巨無霸為前驅虎豹犀象諸猛獸助威旌旗輜重千里不絕以攻昆陽劉秀以數千人破之會大雷風屋瓦皆飛雨下如注虎豹皆股栗士卒溺死以萬數水為不流王尋被誅王邑尤茂脫走獲其軍實輜重不可勝算關中震恐海內豪傑翕然響應皆殺其牧守自稱將軍川漢年號以待詔命

岑彭以宛城降更始入都之封彭為歸德侯

更始以諸將諸殺大司徒劉續以劉秀為破虜大

將軍

時新市平林諸將以劉續兄弟威名益盛陰勸更始除之續部將劉稷勇冠三軍聞更始立不平更始乃與諸將謀收稷殺之併殺續

王莽衛將軍王涉聞道士西門君惠云劉氏當興國師姓名是也遂與國師劉秀大司馬董忠謀劫莽降漢事泄俱自殺

王莽聞漢兵言其醜殺平帝乃會公卿發請命金勝之策泣示群臣憂慙不能食但飲酒啗鯁魚讀軍書倦因馮几寐不復就枕鯁魚本草石火明

八代紀要

卷之九

十一

成紀隗囂起兵應漢

南陽宗成起兵徇漢中以應漢公孫述擊殺之據成都

劉望稱帝汝南以嚴尤陳茂為將相更始兵擊敗殺望及尤茂

漢兵取洛陽入關王莽計無所出率群臣至南郊陳符命仰天大哭氣盡伏而叩頭諸生小民旦夕會哭甚悲哀者除以為郎赦囚徒授兵殺豨與普曰有不為新室者社鬼記之度渭橋皆散去衆兵發莽妻子父祖冢燒其棺槨及九廟明堂辟雍火

照城中九月朔兵入火及掖庭黃皇室主曰何面見漢家自投火中而死王莽避火宣室前殿火輒隨之莽紺袖服持震帝匕首天文郎按式於前旋席隨斗柄而坐曰天生德於予漢兵其如予何群臣扶之漸臺眾兵登臺斬其首節解縶分之傳首宛縣百姓共提擊之或切食其舌

王莽自丙寅年居攝己巳年僭位至是凡十八年而亡

冬十月更始遷洛分遣使徇郡國

以彭寵爲漁陽太守

人代紀要

卷之九

樊崇降復叛封劉永爲梁王

以劉秀爲大司空徇河北

以劉賜爲丞相入關修宗廟宮室

十二月卜者王郎詐稱成帝子子興惑眾劉林等

信之與趙國豪傑入邯鄲立爲天子徇下幽冀諸郡響應

郡響應

是年大司馬秀納新野陰氏爲夫人是爲陰貴人

初劉秀適新野聞陰氏美又至長安見執金吾

車騎盛嘆曰仕宦當作執金吾娶妻當得陰氏

華至是遂納陰氏

甲申

更始帝遷都長安居長樂宮封宗室祉爲定陶

王慶爲燕王欽爲元氏王嘉爲漢中王賜爲死王

信爲汝陰王功臣王匡爲泚陽王王鳳爲宜城

王朱鮪爲膠東王王常爲鄧王申屠建爲平氏王

陳牧爲陰平王衛尉將軍張卬爲淮陽王執金吾

廖湛爲穰王尚書胡殷爲隨王將軍李通爲西平

王五威中郎將李軼爲舞陰王水衡將軍成丹爲

襄邑王驃騎將軍宗佻爲潁陰王尹尊爲郾王惟

朱鮪不受以爲左大司馬李松爲丞相趙萌爲右

大司馬納萌女爲夫人委政於萌日夜飲讌濫授

人代紀要

卷之九

四

官爵人心失望

上谷太守耿弇歸大司馬秀以爲長史

秀北徇冀冀城反應王郎秀出南馳至薊薊中馮

異進豆粥至滹沱河乏船濟王霸恐驚眾詭言水

合至河冰果合得渡冰復解馮異復進麥飯入信

都太守任光和戎太守邳彤舉郡降真定王楊起

兵應王郎眾十餘萬秀遣人說降納楊甥郭氏爲

夫人是爲郭貴人

大司馬秀得賈復祭遵爲將軍

秀拔廣阿耿弇以上谷漁陽二郡兵至與寇恂吳

漢等進擊邯鄲克之斬王郎

更始封大司馬秀為蕭王

蕭王擊破銅馬諸賊收其衆徇河內俱降

公孫述自稱蜀王

赤眉西攻長安

蕭王遣鄧禹將兵入關寇恂守河內馮異拒洛陽

自引兵徇燕趙

更始以隗囂為御史大夫

梁王永據國起兵秦豐據黎丘自號楚黎王

乙酉漢世祖光武皇帝建武元年

人代紀要 卷之九

春正月平陵人方望立前孺子劉嬰稱帝臨涇更

始遣兵擊斬之

夏四月公孫述稱帝于蜀號成家建元龍興

夏六月蕭王秀即皇帝位于鄆南年三十歲是為

漢光武皇帝改元建武

諸將請蕭王即帝位不許會儒生疆華奉赤伏

符自關中來曰劉秀發兵捕不道四夷雲集龍

闕野四七之際火為主群臣奏請遂即位

張卬等謀劫更始長安亂更始奔趙萌于新豐

赤眉以劉盆子稱帝

赤眉至華陰或勸立宗室以巫言求城陽景王

五世孫式侯萌之子三人恭茂及盆子書札為

符置符令探之盆子最幼探得符諸將咸稱臣

拜盆子時年十五為卒史劉俠卿牧羊被髮徒

跣見衆拜恐畏欲啼茂曰善藏符盆子齧而棄

之雖立時出與牧兒戲

秋七月以鄧禹為大司徒王梁為大司空吳漢為

大司馬伏湛為尚書令

九月廢更始帝玄為淮陽王

以循吏卓茂為太傅封褒德侯

人代紀要 卷之九

朱鮪以洛陽降始都洛陽

淮陽王遣劉恭降于赤眉赤眉入長安

十一月梁王永稱帝

十二月赤眉殺淮陽王

隗囂據天水郡稱西州上將軍

竇融據河西稱五郡大將軍

盧芳據安定自稱西平王匈奴迎之立以為漢帝

丙戌封功臣為列侯立郊廟社稷于洛陽

長安城中糧盡赤眉大掠安定北地

鄧禹入長安修陵廟

王梁罷以宋弘爲大司空 漁陽太守彭寵反

封叔父良爲廣陽王兄演子章爲太原王興爲魯

王淮陽王子三人俱列侯

六月帝以陰貴人雅性寬仁欲立爲后貴人以郭

貴人有子不肯當乃立郭貴人爲皇后子彊爲

皇太子

赤眉發掘諸陵復入長安鄧禹走雲陽徵還京師

青徐盜張步降遣光祿大夫伏隆拜步爲東萊太

守

丁亥 立四親廟於洛陽祀父南頓君以上至恭陵節侯

人代紀要

卷之九

七

馮異破赤眉長安平得傳國璽以劉盆子爲趙王

郎中賜樊崇等田宅

劉永立董憲爲海西王又遣使立張步爲齊王步

留伏隆不從步殺隆

以伏湛爲大司徒

涿郡太守張豐反彭寵自稱燕王

睢陽人斬劉永以降其部將復立永子紆稱梁王

李憲稱帝淮南

戊子

耿弇祭遵討張豐斬之豐好方術有道士言當爲天子以五絲囊裹右繫豐肘曰中有玉璽豐信之

遂反至當斬猶曰肘石中有璽傍人椎碎之方知

被詐曰當死無恨

以侯霸爲尚書令

隗囂遣馬援奉書入見

已丑 彭寵奴子密斬寵首降封不義侯

竇融遣使奉書以爲涼州牧 秦豐降斬之

梁人斬劉紆以降

耿弇破張步帝遣人告步能相斬以降封列侯步

乃斬蘇茂以降齊地悉平以張步爲安丘侯

伏湛免以侯霸爲大司徒

人代紀要

卷之九

八

徵處士周黨嚴光王良至京師黨光不屈以良爲

諫議大夫

周黨入見伏而不謁自陳願守所志博士范升

奏毀之曰伏見太原周黨東海王良山陽王成

等蒙受厚恩三聘乃肯就車陛見帝廷伏而不

謁偃蹇驕悍同時俱逝黨等文不能演義武不

能死君釣采華名庶幾三公之位等語書奏帝

曰周黨不受朕祿亦各有志其賜帛四十匹隱

居著書而終

嚴光會稽餘姚人與光武同學光武即位變名

姓隱居不見物色求之使三反而後至舍於北  
軍帝即日幸其館引入論道故舊累日與之共  
計拜諫議大夫不受歸耕於春山中年八十終  
于家賜錢百萬穀千斛

王良後歷沛郡太守大司徒司直在位恭儉布  
被瓦器妻子不入官舍後以病歸一歲復徵過  
其友人拒不肯見曰不有忠言奇謀而取大位  
何其往來屑屑不憚煩也良慙後徵不應卒于  
家

按光武即位汲汲於舉循吏徵隱士真三代以

人代紀要

卷之九

九

下之賢君也故備錄之

是年初起太學立五經博士十四家

易有施孟梁丘京氏書歐陽大小夏侯詩齊魯

韓毛春秋嚴顏禮大小戴

庚寅 馮異擊破盧芳安定平 隗囂降蜀

宋弘免

辛卯 公孫述立隗囂為朔寧王

李通為大司空 詔百僚上封事不得言聖

壬辰 潁川盜起自將討平之

癸巳 隗囂卒子純立

封貴人弟陰就為宣恩侯復欲封其兄興固辭不  
受

甲午 馮異卒于軍 隗純降隴右悉平

乙未 自將伐蜀 公孫述使盜刺殺岑彭

丙申 吳漢拔成都誅公孫述蜀平 李通罷

以譙玄不受公孫述徵而死立祠

寶融入朝以為冀州牧

丁酉 侯霸卒 詔大官勿受郡國異味

詔諸王降為公侯

以韓歆為大司徒寶融為大司空

人代紀要

卷之九

十一

戊戌

己亥 韓歆直言免自殺

以歐陽歙為大司徒尋下獄死戴涉為大司徒

庚子 交趾女子徵側徵貳反九真日南合浦蠻俚皆應

之

盧芳降立以為代王

辛丑 郭后寵衰數懷怨懟廢為中山王太后以后中子

右翊公輔為中山王以常山郡益中山國徙封后

弟郭況大國為陽安侯

莎車王賢遣使奉獻以為漢大將軍



以馬援爲伏波將軍討交趾

壬寅 盧芳復反奔匈奴

是年龍州牧復刺史

癸卯

五官中郎將張純與太僕朱浮言禮爲人子事大宗降其私親當除今親廟四以先帝四廟代之大司徒戴涉等奏立元成哀平四廟帝自以昭穆次第當爲元帝後遂追尊宣帝爲中宗始祠昭帝元帝於太廟成哀平帝於長安徙春陵節侯以下四親廟於章陵

胡寅曰王莽篡時漢祚既絕光武掃平禍亂奮

人代紀要

卷之九

十一

然崛起雖祖高祖而帝四親非與哀朝尊崇藩統同事於義未有大不可者一聞純等建議斷然從之章陵四祠茂有異等寡恩之譖不聞於當年失禮之議不生於後代以是較之宜哀過舉益明而禮所載爲人後者爲其父母降而不得祭豈可違而不守哉

愚按光武崛起民間興復漢室原不曾爲元帝之嗣豈可自比於爲人後而絕其天性之親乎況四親廟立于章陵皆太守令長待祠身爲天子而不得躬祀此考妣是知有天下而不知有

父母也豈得爲孝乎只宜祖高祖而帝四親方爲得體

馬援斬徵則徵貳

夏六月太子彊以母廢不安到憚詔其辭位降爲東海王以陰后子東海王陽爲皇太子更名莊帝以陰后弟陰興賢欲以大司徒興固辭從之以沛國桓榮爲議郎授太子經車駕幸太學辨明經義詔諸儒生雅歌擊磬

左中郎將鍾興授皇太子及宗室諸侯春秋賜爵

關內侯辭以無功帝曰教太子及諸王侯非功耶

人代紀要

卷之九

十一

興曰臣師火府丁恭於是復封恭而興固辭不受按光武時多謙讓之風皆上有以作興以成之也故錄之

賜雒陽令董宣錢三十萬

陳留董宣爲雒陽令湖陽公主奴白曰殺人匿主家主出以奴驂乘宣候之叱奴下車格殺之主訴帝召宣欲箠殺之宣曰陛下聖德中興而縱奴殺人將何以治天下不須垂臣請自死以頭擊楹流血被面帝令小黄門持之使叩頭謝主宣不從強使頓之宣兩手按地終不肯俯主



曰文叔爲白衣時戴亡匿死吏不敢至門今爲天子威不能行一令乎帝笑曰天子不與白衣同敕彊項令出賜錢三十萬宣悉以班諸吏由是京師莫不震慄夫宣之所以得伸其直氣者光武能容之故也後之爲人君者宜鑒之

甲辰 大司徒戴涉坐入故太倉令奚涉罪下獄死以三公連職大司空竇融坐免

大司馬吳漢卒帝親臨問所欲言止曰無赦以廣漢太守蔡茂爲大司徒太僕朱浮爲大司空徙中山王輔爲沛王以廢郭后爲沛太后

八代紀要

卷之九

十三

以郭况爲大鴻臚數幸其第賞賜金帛豐盛京師號爲金穴

乙巳 西域十八國遣子入侍請都護不許

丙午 朱浮免以杜林爲大司空

丁未 蔡茂卒王况爲大司徒

杜林卒張純爲大司空

戊申 馬援征武陵蠻

己酉 貊人鮮卑烏桓並入朝貢

新息侯馬援師困壺頭中炎毒卒被中郎將梁松諧收其印綬

遼西烏桓內屬

庚戌 增百官俸

初作壽陵戒無爲山陵陂池使迭興之後與止隴同

詔南單于入居雲中又徙西河

始定禘祫制

辛亥 詔三公去大名改司馬曰太尉

王况卒趙熹爲太尉馮勤爲司徒

壬子 徙魯王興爲北海王以魯益東海以東海王彊去就有禮故優以大封賜虎賁旄頭設鐘簴擬於乘

八代紀要

卷之九

十四

興

夏六月沛太后郭氏薨

捕諸王賓客 遣諸王就國

以張佚爲太子太傅桓榮爲少傅

北匈奴乞和親

癸丑

甲寅 東巡狩群臣言宜封禪太山不許

膠東侯買復卒

乙卯

丙辰中元年

四月改

春正月以第五倫為會稽太守

春二月東巡幸魯封泰山禪梁陰夏四月還宮大

赦改元 張純卒以馮魴為司空

馮勤卒以李訢為司徒

京師醴泉出飲之痼疾皆愈又赤草生于水涯

郡國頻上甘露降群臣請太史撰集不許

上薄太后尊號曰高皇后配食地祇遷呂太后廟

主于國四時上祭

以后配祭地祇起于王莽之議議者謂其諂事

元帝后故也

人代紀要

卷之九

十五

起靈臺辟雍宣布圖讖于天下

給事中桓譚上疏非讖帝怒將下斬之叩頭流血

良久方解出為六安郡丞

是年南單于比死弟莫立

丁巳春正月初立比郊祀后土 東夷倭奴國入貢

二月帝崩在位三十四年壽六十二謚光武皇帝

塋原陵廟號世祖太子莊即位尊陰皇后曰皇太

后

以鄧禹為太傅東平王蒼為驃騎將軍

戊午漢顯宗孝明皇帝永平元年

東海王疆病遣使者太醫乘驛視疾絡繹不絕尋卒悲慟使太司空持節護喪贈送殊禮

高密侯鄧禹卒謚曰元 好時候耿介卒

己未宗祀光武皇帝於明堂始服冠冕王珣登靈臺望

雲物 三月臨雍行大射禮

冬十月行養老禮以李躬為三老桓榮為五更親

袒割禮畢引桓榮及弟子升堂諸儒執經問難冠

帶縉紳之士圜橋門而觀聽者億萬計賜榮爵關

內侯三老五更皆以二千石祿養終身

令郡國行鄉飲酒禮

人代紀要

卷之九

十六

郭太后少子中山王烏就國賜虎賁官騎恩寵尤

厚帝禮待陰郭母事必均

庚申趙壹李訢免以郭丹為司徒虞延為太尉

立馬援女馬氏為皇后子炆為皇太子

圖畫功臣於雲臺

鄧禹英漢賈復耿弇寇恂岑彭馮異朱祐祭遵

景丹蓋延姚期耿純臧宮馬武劉隆馬成王梁

陳俊杜茂傅俊堅鐔王霸任光李忠萬修邳彤

劉植又益以上常李通賈誼卓茂合三十二人

馬援以椒房之親不與

荊州刺史郭賀有殊政錫以三公服

辛酉 郭丹馮魴免以范遷爲司徒伏恭爲司空

梁松坐怨望下獄死

是年于翼攻殺莎車王賢

壬戌 竇融卒

癸亥 楚章奏淳詔

甲子 皇太后陰氏崩謚光烈

九江守宋均有善政召爲尚書令

乙丑 范遷卒以虞延爲司徒

冬十月帝夢金人佛法始入中國

卷之九

詔聽有罪亡命者贖

鄭衆使匈奴不屈節召爲軍司馬

初帝爲太子衆以通經知名太子及山陽王荆

因梁松以東帛請之衆曰太子儲君無外交之

義漢有舊防藩王不宜私通賓客松曰長者意

不可逆衆曰犯禁觸罪不如守正而死遂不往

後松敗賓客多坐之衆不爲染若衆者惟其能

守正於平時故臨難而不屈也

丙寅 詔司隸刺史歲考所部長吏殿最

匈奴遣子入學

始置中官員中常侍四人小黄門十人

閹宦置員始此然不過十四人而已

丁卯 廣陵王荆有罪自殺國除

戊辰 東平王蒼來朝、灤湖出黃金廬江太守以獻

己巳 哀牢夷內附置哀牢博南二縣 修沐渠堤

伏恭罷年融爲司空

庚午 楚王英信方士奉佛是年以罪廢徙丹陽自殺

辛未 虞延以知英謀不告自殺邢穆爲司徒 作壽陵

壬申 至魯詣孔子宅

癸酉 大發兵伐匈奴 西域復通

入代紀要

卷之九

十八

淮陽王延驕奢御下嚴烈人告其作圖讖祝詛徙

阜陵王止食二縣司徒邢穆連坐下獄死以王敏

爲司徒

甲戌 王敏卒鮑昱爲司徒 白狼獫狁諸國入貢

復置西域都護戊巳校尉

乙亥 秋八月帝崩在位十八年壽四十八謚孝明皇帝

廟號顯宗塋顯節陵遺詔無起寢廟藏主於光烈

皇后更衣別室陵制石槨廣一丈二尺長一丈五

尺無得起墳

太子烜即位年十八顯宗第五子是爲章帝尊皇

后為皇太后

以趙憲為太傅牟融為太尉並錄尚書事

錄尚書之名始此

以第五倫為司空

丙子漢肅宗孝章皇帝建初元年

詔二千石勸農桑慎選舉順時令理冤獄

丁丑帝欲封爵諸舅馬太后不許

戊寅立竇勲女貴人竇氏為后

以外戚馬防為車騎將軍

有司請諸王歸國不許

本代紀要

卷之九

九

已卯牟融卒以鮑昱為太尉恒震為司徒

夏四月立宋貴人子慶為皇太子封皇子伉為子

乘王全為平春王

封馬廖為列侯以特進就第

有司請封諸舅帝以天下豐稔方膳無事從之

太后聞之曰吾少壯時但慕竹帛志不顧命今

雖已老猶戒之在得故日夜惕厲思自降損何

意老志不從萬年之日長恨矣廖等辭讓不許

乃受爵而辭位皆以特進就第

夏六月皇太后馬氏崩諡明德

帝為太后所養尊以馬氏為外家生母貴人

不登極位親族無受寵榮者馬太后崩但加貴

人王赤綬安車一駟宮人二百雜帛黃金錢二

千萬而已

詔諸儒會白虎觀議五經同異

庚辰以直言士補外官試以職太傅趙憲卒

西域假司馬班超擊疏勒破之

辛巳鮑昱卒鄧彪為太尉廉范為蜀郡太守

以四科取士

一曰德行高妙志節清白二曰經明行脩能任

本代紀要

卷之九

二十一

博士三曰能曉法律足以決疑能按章覆奏文

任御史四曰剛毅多畧遇事不惑明足以照奸

勇足以斷決才任三輔

壬午廢太子慶為清河王立梁貴人子肇為皇太子

竇皇后無子以梁竇女梁貴人子肇為已子誣

宋貴人為厭勝之術廢慶宋貴人飲藥自殺慶

雖幼知避禍口不言及宋氏帝憐之敕皇后衣

服與太子齊等太子亦親愛慶

東平王蒼歸國

癸未東平王蒼卒

梁陳使實后譜下獄死

太子廢立梁氏私相慶后忌之諸實遂飛書陷陳以惡逆下獄死家徙九直陳二女皆貴人俱憂卒

后尤寶意益貴盛奪公主田不問

以班超爲西域將兵長史徐幹爲軍司馬

甲申元和元年八月方改

詔議貢舉法

大鴻臚韋彪言其畧曰求忠臣必於孝子之門忠孝之人持心近厚鍛鍊之吏持心近薄士宜

八代紀要

卷之九

王

以才行爲先不可純以閥閱又曰天下樞要在於尚書而聞者多從郡官超升雖曉習文法長於應對然察察小慧類無大能宜鑒舊天捷給之對深恩結侯木訥之功按此數語頗足以警時弊故錄之

秋七月詔禁治獄慘酷者

八月鄧彪罷以鄭弘爲太尉

詔以道化不德吏政失和改元和元年

朱暉爲尚書僕射阻煮鹽均輸法

毛義鄭均以行義賜穀千斛

乙酉 春正月詔賜民胎養穀

詔戒吏矯飾者曰俗吏矯飾外貌似是而非朕甚厭之甚苦之安靜之吏惴惴無華日計不足月計有餘如襄城劉方吏民同聲謂之不繁雖未有他異斯亦近之矣夫以苛爲察以刻爲明以輕爲德以重爲威四者或生則下有怨心勉思舊令稱朕意焉 行編訛造四分曆

二月東巡耕定陶柴告岱宗有黃鵠三十從西南來宗祀明堂

至魯祠孔子 至東平祠獻王陵哭泣盡哀

八代紀要

卷之九

王

詔定律母以十一月十二月報囚

丙戌 鄭弘因數陳實憲權勢太盛收印綬自繫獄出而卒宋由爲太尉 第五倫罷袁安爲司空

疏勒王詐降班超斬之

丁亥章和元年七月以嘉瑞改元

桓虞免袁安爲司徒任隗爲司空

班超發諸國兵擊降莎車 曹褒定禮

戊子 春正月帝崩在位十二年壽三十一謚孝章皇帝

廟號肅宗葬敬陵

太子肇即位年十歲是爲和帝尊皇后竇氏爲皇

太后臨朝稱制后兄憲供養兩宮備宿衛  
以鄧彪為太傅錄尚書事百官總已以聽

諸王始就國

都鄉侯暢來吊國憂太后數召見之竇憲恐其分  
權遣客刺殺之而歸罪于暢弟剛使侍御史與青  
州刺史雜考之侍御史何敞推得其意憲懼誅求  
擊匈奴以贖死乃以竇憲為車騎將軍執金吾耿  
秉為副以鄧訓為護羌校尉擊迷唐破之  
已丑漢孝和皇帝永元元年

尚書僕射鄧壽論竇憲下獄何敞論救減死徙合

代紀要

卷九

三十一

浦未行自殺

夏六月竇憲破北匈奴登燕然山刻石勒功而還  
為大將軍位三公上封武陽侯

會稽山崩

庚寅封皇弟壽為濟北王開為河間王淑為城陽王  
北單于款塞來朝竇憲遣兵擊破之

辛卯春正月帝冠用曹褒新禮

二月竇憲擊破北匈奴於金微山單于走死

尚書僕射朱恢論竇憲免歸憲風令郡縣逼脅飲

藥死

冬十月帝如長安竇憲來會尚書以下議拜伏稱  
萬歲韓稜不從而止

龜茲姑墨溫宿諸國來降

以班超為西域都護騎都尉

壬辰春正月立北匈奴於除鞬為單于

北匈奴單于既亡其弟於除鞬遣使款塞竇憲  
請立為單于置中郎將領護如南單于故事表  
安任隗以為宜令南單于反北庭領降眾無緣  
復立於除鞬以增國費帝竟從憲請

千乘王伉薨子龍嗣是為夷王

代紀要

卷九

三十一

封皇弟萬歲為廣宗王

袁安卒以丁鴻為司徒

竇憲謀逆帝知之與宦者鉤盾令鄭眾密謀收其  
印綬更封冠軍侯遣就國逼令自殺

竇氏宗族賓客皆免歸故郡班固素為憲典文章  
至是死獄中嘗著漢書未就詔固女弟曹壽妻昭

踵成之

鄭眾以誅竇憲功為大長秋

宋由以竇憲黨策免自殺尹睦為大尉錄尚書事

任隗卒劉方為司空

王禕曰方寶氏得志時袁安任隗力持正議而宋由依違其間人莫不以由爲得計而爲安隗危之也然由被惡名不得其死安隗善終牖下名昭史冊後之依人勢以圖富貴者盍鑒之哉

鄧訓卒迷唐復反

癸巳

北匈奴單于於除鞬叛還北遣兵討滅之鮮卑徙據其地匈奴餘種尚十餘萬皆號鮮卑其勢頗盛

尹睦卒以張輔爲太尉

南匈奴單于屯屠何死單于宜弟安國立

廣宗王萬歲薨無嗣國除

人代紀要

卷之九

五

甲午

使匈奴中郎將杜崇等殺安國立左賢王師子爲單于

丁鴻卒以劉方爲司徒張奮爲司空

賊陽王淑薨無子國除

班超發八國兵討焉耆斬其王廣

北匈奴降者脅立屯屠何子逢侯叛走出塞遣將軍鄧鴻等擊之不及鴻坐逗留杜崇坐失胡和致

胡反皆徵下獄死

乙未

千乘夷王寵改國樂安立貴人陰氏爲皇后

丙申

一酉 寶太后崩三公請貶尊號不宜合葬先帝帝不從

追尊生母梁貴人爲恭懷皇太后葬西陵

劉方策免自殺呂蓋爲司徒

張奮罷韓稜爲司空

戊戌

韓稜卒巢堪爲司空 迷唐詣闕貢獻南單于師子死單于長之子檀立

己亥

庚子 張酺免張禹爲太尉

辛丑

呂蓋致仕魯恭爲司徒 詔邊郡舉孝廉

壬寅

皇后陰氏以妬廢死立鄧禹孫貴人鄧氏爲后

人代紀要

卷之九

五

徵班超還京師

封宦者鄭衆爲鄴鄉侯 巢堪罷徐防爲司空

癸卯

詔大官勿受遠國珍羞

甲辰

魯恭免以張酺爲司徒尋卒徐防代以陳寵爲司空

乙巳元興元年夏四月改元 五月雍地裂

冬十二月帝崩在位十七年壽二十七謚孝和皇

帝廟號穆宗葬慎陵帝失皇子十數後生者隱蔽

養於民間至是收入長子勝有痼疾乃立少子隆

為太子即位是為殤帝生百餘日尊鄧皇后為皇太后臨朝

丙午漢孝殤皇帝延平元年

以張禹為大傅徐防為太尉參錄尚書事

封帝兄勝為平原王 以梁鮪為司徒

清河王慶始就國加殊禮慶子祐年十三太后以

帝幼弱慮不虞留祐與嫡母耿姬居清河邸

罷祀官不在禮典者

鮮卑入寇漁陽太守張顯戰歿

以太后兄鄧騭為車騎將軍儀同三司

人代紀要 卷之九

三七

陳寵卒以尹勤為司空

太后減大官導官尚方內署諸服御珍膳朝夕一

肉飯而已郡國所貢皆減過半斥賣上林鷹犬離

宮別館又遣掖庭宮人及宗室没入者皆為庶民

實數水災傷害除其田租

秋八月帝崩在位一年年二歲謚孝殤皇帝葬康

陵以清河王子祐為長安侯為和帝嗣即位是為

安帝太后猶臨朝詔檢收鄧氏賓客勿相容護

罷魚龍曼延戲

以樊準言舉隱逸選博士

冬十二月清河王慶卒年二十九歲子虎威嗣是為愍王分清河為二國以少子常保為廣川王

人代紀要卷之九

人代紀要 卷之九

三八



人代紀要卷之十

明興典顧應祥編集

大埔黃泉校刊 江陰湯明善

庠生倪佩同校

丁未漢孝安皇帝末初元年

梁鮪卒魯恭爲司徒

封鄧騭及其弟惲弘閭皆爲列侯騭辭不受

罷西域都護及伊吾盧柳中屯田

以寇盜雨水策免太尉徐防司空尹勤

以災異策免三公始此按光武戒強臣竊命雖

人代紀要

卷之十

置三公事歸臺閣不過備員而已至於失政則

加譴責以致外戚專權關宦用事蓋由於此

以張禹爲太尉周章爲司空

冬十月倭國遣使奉獻

十一月司空周章以平原王勝非痼疾密謀廢帝

立勝事覺自終以張敏爲司空

戊申 以公田賦與貧民

五月旱太后錄囚而雨 秋八月太白入北斗

廣川王常保卒無嗣國除

以鄧騭爲大將軍辟弘農楊震

己酉 帝加元服 令吏民入錢穀拜官

魯恭罷 海賊張伯路寇海濱九郡

烏桓鮮卑南匈奴合兵寇五原

庚戌 張伯路降復叛入海島

謂者劉珍等校定東觀五經諸子百家

辛亥 地震 張禹免李脩爲太尉

壬子 張敏罷以劉愷爲司空

癸丑 鄧太后率大臣命婦謁宗廟 平原王勝卒

甲寅元初元年 春正月改元

二月日南地圻長一百八十二里廣五十二里

人代紀要

卷之十

李脩罷司馬苞爲太尉

乙卯 夏四月立貴人閭氏爲皇后

后性妬後宮李氏生子保鵠殺李氏

武都太守虞詡破羌

司馬苞罷以馬英爲太尉

劉愷爲司徒袁敞爲司空

丙辰 以劉愷言聽大臣二千石刺史行三年喪

丁巳 袁敞不阿權貴忤太后旨策免自殺以李郃爲司

空 任尚募羌殺零昌擊先零羌狼莫大破之

戊午 鄧遵募羌殺狼莫封遵武陽侯任尚爭功檻車徵

棄市羗叛十餘年間軍旅之費二百四十餘億死者不可勝數至是零昌復莫死羗始死解

已未

太后徵和帝弟濟北河間王子女及鄧氏近親子孫開邸教學躬自監試又以河間王子翼為平原懷王勝後置京師時帝多失德不可太后意帝乳母王聖慮有廢置與宦者中黃門李閭江京共毀短太后帝信之忿懼千乘夷王卒子鴻嗣

庚申永寧元年四月改

北匈奴車師後王共殺漢更以班勇言復置都護屯兵

人代紀要

卷之十

三

濟北王壽卒封其子棖為樂成王

夏四月立後宮李氏所生子保為皇太子年六歲

改元封河間王子翼為平原王

劉愷免以楊震為司徒李鄧免陳褒為司空

太后從弟越騎校尉鄧康以太后久臨朝憂懼不

朝后遣內人責之內人誣康言不遜太后怒免就

國

辛酉建光元年七月改

春三月鄧太后崩臨朝十七年壽四十二諡和惠

合葬順陵封鄧騭為上蔡侯樂安王寵卒

追尊清河孝王慶曰孝德皇妣曰孝德后

尊嫡母耿姬為甘陵大貴人

樂成王棖有罪廢為臨湖侯

以尚書陳忠言舉有道之士

汝南薛苞有行義徵拜侍中辭歸

宮人誣太后兄弟弟惲弘闇先年謀立平原王帝追

怒令有司奏惲等大逆無道遂廢惲子葉侯廣宗

京子陽安侯珍弘子西平侯廣德都鄉侯甫德闇

子西華侯忠皆為庶人臨不與謀但免特進遣就

園宗族皆免官沒入貲財田宅徙遠郡郡縣逼迫

人代紀要

卷之十

四

廣宗忠自殺徙陽羅侯陽與子鳳俱不食死從弟

河南尹豹度遼將軍舞陽侯遵將作大匠暢俱自

殺廣德兄弟以母闇后戚屬得留京師徵鄧康為

太僕貶平原王翼為都鄉侯遣歸河間翼閉門謝

客以免禍後順帝永建五年其父河間孝王請分縣吾縣封翼為縣侯

潁川杜根以太后不歸政上書太后怒盛以練囊

撲死復蘇至是召為侍御史平原成謂世請太后

歸政獲罪召為尚書郎

鄧太后好學術崇節儉戒抑宗族臨朝類多善

政可謂賢矣但以久不歸政群小側目嗣主積

然致有此禍然建光以後政事日非則臨朝之功不可誣也史謂杜根逃竄宜城山中酒家保一十五年則上書之時后亦稱制未久無乃逢其怒乎

封宦者江京李閭為列侯閭后兄弟顯并並典禁兵與中常侍樊豐劉安陳達及王聖聖女伯榮弱動中外傳通姦賂楊震疏諫不聽

幸衛尉馮石第留飲十日 以劉愷為太尉

冬十一月地裂

人代紀要

卷之十

五

壬戌延光元年

春二月改元

陳褒免劉授為司空

封河間王開子得為安平王

遼東都尉龐參承偽詔斬玄菟太守姚光幽州刺史馮煥光被斬煥疑有偽上書徵奮抵罪

封乳母王聖為野王君 劉愷罷楊震為太尉

癸亥

劉熹為司徒 聘處士周燮馮良不至

班超子班勇擊走匈奴田車師者西域復通

甲子

二月東巡柴告太山 祀孔子于闕里

宦者樊豐等譖楊震怨懟且鄧氏故吏夜遣使策

收震太尉印綬遣還故郡震至城西几陽亭飲鵠自殺 以馮石為太尉

以耿姬兄耿寶為大將軍

王聖樊豐等與閹后讒搆皇太子保廢為濟陰王

太僕來歷諫黜免

地震大水雨雹

乙丑

春二月帝南巡崩于乘輿后與閹顯江京樊豐等

偽云帝疾甚馳歸洛陽發喪帝在位十九年壽三

十一謚孝安皇帝廟號恭宗葬恭陵

尊皇后閹氏為皇太后以后兄閹顯為車騎將軍

人代紀要

卷之十

六

定策禁中迎章帝孫濟北惠王壽之子北鄉侯懿

即位 以大尉馮石為太傅司徒劉熹為太尉參

錄尚書事司空李郃為司徒

閹顯忌樊豐等風有司奏貶耿寶為亭侯追就國

寶自殺樊豐謝憚周廣俱下獄死王聖母子徙鴈

門關景等為鄉校威福自由

冬十月北鄉侯卒閹顯白太后秘不發喪欲更徵

諸王子閉宮屯兵自守

冬十一月中黃門孫程等迎濟陰王保即位年十

一是為孝順皇帝誅閹顯等遷太后于離宮葬北

鄉侯以諸王禮策免司空劉授

以故太尉楊震二子為郎贈錢百萬以禮改葬有

大鳥高丈餘集喪門前祠以中牢

封孫程等十九人為列侯

丙寅漢孝順皇帝永建元年

議郎陳禪以閭后與帝無恩宜徙別宮以李邵言

朝太后於東宮閭太后尋崩謚安思皇后

馮石劉儋李邵俱免桓焉為太傅朱寵為太尉朱

儂為司徒

司隸校尉虞詡劾中常侍程璜等及張防竊弄威

人代紀要

卷之十

七

柄繫獄論輸左校孫程等救免又薦左雄為尚書

孫程等十九人懷表上殿爭功免官徙封遠縣促

期遣就國司徒朱儂復校尉土

丁卯 追尊本生母李氏為恭愍皇后

朱寵朱儂劉光為太尉許敬為司徒

戊辰

徵孫程等還

己巳

春正月帝冠 桂陽太守文舉遠獻大珠求媚還

之 劉光免寵參為太尉

許敬免劉琦為司徒

司空張皓免以王龔為司空

復安定北地上郡 分會稽為吳郡

庚午 定遠侯班始尚陰城公主主驕淫無道始殺之坐

腰斬同產皆棄市

辛未 重起太學 河間王開卒

壬申陽嘉元年 三月改

冊貴人梁氏為皇后后父商為執金吾

左雄請立孝廉課試法

癸酉 京師地圯八十五丈引敦樸士對策李固為首

龐參免施延為太尉 王龔免以孔扶為司空

是年張衡作渾天儀靈憲

人代紀要

卷之十

八

甲戌 劉琦免黃尚為司徒 孔扶免以王卓為司空

乙亥 初聽中官以養子襲爵 以梁商為大將軍

丙子永和元年 正月改

王龔為太尉 以商子梁冀為河南尹

丁丑 徵處士法真不至

戊寅 黃尚免劉壽為司徒

地震金城隴西山崩 詔舉武猛任將帥者

己卯 中常侍張達等爭寵譖梁商與宦者曹騰並貴誅

廢立帝不聽達等矯詔收縛騰貴帝怒下達等獄

誅之 封濟北惠王子安為濟北王

庚辰 王龔免桓焉為太尉

辛巳 聳唐羌寇三輔燒園陵

梁商卒以梁冀為大將軍不疑為河南尹

郭虔免以趙戒為司空 河間王政卒

壬午漢安元年 正月改

太尉桓焉司徒劉壽免以胡廣為司徒趙峻太尉

遣杜喬張綱等八使分行州郡

張綱劾梁冀河南尹梁不疑十五事帝知其直而

不能用

廣陵寇張嬰作亂積十餘年梁冀欲中傷張綱以

人代紀要 卷之十

為廣陵太守綱單車入界皆感化南州晏然冀掩

其功在郡一年卒

杜喬奏泰山太守李固政為天下第一召為將作

大匠

癸未 梁州地震山裂

甲申建康元年

夏四月立子炳為皇太子改元

秋八月帝崩在位十九年壽三十謚孝順皇帝廟

號敬宗葬憲陵 太子炳即位年二歲是為中帝

尊梁皇后為皇太后后臨朝稱制

清河王延平卒子蒜嗣

以趙峻為太傅李固為太尉錄尚書事

京師及太原鴈門地震水湧土裂

九江盜馬勉稱帝于當塗 盜發憲陵

乙酉漢孝冲皇帝永嘉元年

春正月帝崩年三歲謚孝冲皇帝葬懷陵

梁太后徵章帝曾孫清河王蒜渤海王子續至京

師梁冀利續幼白太后立之是為質帝年八歲罷

蒜歸國梁太后稱制

按漢書清河王慶傳慶子祐入繼和帝為安帝

人代紀要 卷之十

子虎威嗣封清河王三年薨無子鄧太后以樂

安王寵子延平嗣清河王後蒜乃延平之子也

又考千乘王伉傳伉子寵改國樂安寵子鴻以

樂安早濕改封渤海續乃鴻之子也蒜與續皆

樂安王寵之孫千乘王伉之曾孫

廣陵賊張嬰復據郡叛

九江都尉滕撫討馬勉平之

冬十一月歷陽盜華孟稱帝滕撫擊張嬰及孟俱

斬之東南悉平撫性方直為宦者所惡胡廣布告

奏黜之卒

丙戌漢孝質皇帝本初元年

詔郡國舉明經詣太學受業者歲滿課試拜官有差 五月徙樂安王鴻爲渤海王

夏閏六月帝因朝會目梁冀曰此跋扈將軍也冀惡之使左右置毒煮餅以進帝食苦煩甚召李固曰食餅腹悶得水尚可活冀曰恐吐不可飲水語未絕而崩在位二年年九歲謚孝質皇帝葬靜陵初安帝貶平原王翼爲都鄉侯遣歸河間安帝崩順帝永建五年河間孝王開請分蠡吾縣以侯之翼卒子志嗣爲蠡吾侯梁太后欲以女弟妻志徵

人代紀要

卷之十

十一

至夏門亭會帝崩時朝議俱屬清河王蒜中常侍曹騰惡蒜說梁冀曰清河王嚴明立之必爲將軍禍不如立蠡吾可保富貴冀然其言胡廣等畏冀皆曰惟將軍李固杜喬獨守原議冀白太后策免李固迎蠡吾侯志立之年一十五是爲桓帝太后猶臨朝 胡廣爲太尉趙戒爲司徒袁湯爲司空

追尊祖河間孝王曰孝穆皇夫人趙氏曰孝穆皇后考蠡吾侯曰孝崇皇母匡氏曰孝崇博園貴人丁亥漢孝桓皇帝建和元年

正月朔日食 胡廣罷杜喬爲太尉

渤海王鴻薨立弟悝爲渤海王 杜喬免

立太后女弟梁氏爲皇后 以司徒趙戒爲太尉

司空袁湯爲司徒復以太尉胡廣爲司空

清河劉文反欲立清河王蒜事覺誅之蒜坐貶尉氏侯徙桂陽自殺梁冀誅捕李固杜喬下獄死京師童謠曰直如弦死道邊曲如鉤反封侯直謂固喬曲指冀與胡廣輩也

李固初下獄門生王調貫械上書趙承等數十人要鈇鑕上訴太后詔赦之冀畏其終爲己害

人代紀要

卷之十

十二

更奏前事長史吳祐爭之不從從事中郎馬融爲作章表祐謂曰李公之罪成於卿手李公若誅卿何面視天下人冀怒祐徑去固遂死獄中使人脅杜喬引決不聽收下獄死暴二尸令敢臨者加罪固弟子郭亮董班喬故掾楊匡詣闕上書收葬皆隱去終身不仕

吳祐陳留長垣人起孝廉嘗爲酒泉太守政唯仁簡以身率物吏懷而不欺喬夫孫性賊民錢市衣進父其父怒曰有君如是何忍欺之促歸自首祐詢知其故曰操以親故受污穢之名所

謂觀過斯知仁矣以衣給之安丘男子毋丘長  
遇醉客辱其母長殺之而亡追蹤得之祐曰若  
白日殺人赦若非義刑若不忍將如之何長曰  
國家制法囚自犯之明府哀矜恩無所施祐問  
有妻子乎曰有妻而無子也即移安丘逮其妻  
入獄同宿遂懷孕冬盡當刑長泣謂母曰負母  
應死何以報吳君乎齧指而吞之含血言曰若  
生子名吳生也至是梁冀表祐為長史冀誅奏  
李固祐爭而不得乃自免躬灌園蔬以經書教  
授年九十八而卒嗚呼東漢諸賢往往過激不

激不隨如祐者鮮矣若馬融者名為一代鉅儒  
而甘為權臣草奏以陷害忠良蓋惟知著述訓  
詁之為學而昧於義利之辨故也况融又因忤  
冀徙朔方阿附亦何益哉

戊子

帝加元服 梁冀遷清河名改清河為甘陵

己丑

趙戒免司徒袁湯為太尉大司農張歆為司徒

前朗陵相荀淑卒

淑少博學有高行李固李膺等咸師宗之舉賢  
良對策譏刺貴幸梁冀之出為朗陵相泣事  
明治稱為神君子八人儉緼靖肅汪爽肅專並

有名稱時人謂之八龍

庚寅和平元年春正月太后歸政大赦改元

二月梁太后崩諡順烈

加封梁冀萬戶冀妻孫壽為襄城君

冀妻孫壽色美而善為妖態作愁眉啼粧墮馬  
髻折腰步齟齬笑冀甚寵憚之與冀對街為宅  
殫極土木連房洞戶柱壁雕鏤飛梁石磴陵蹕  
水道廣開園囿珍禽異獸飛走其間有誤殺一  
兔者轉相告言坐死者十餘人

秋七月梓潼山崩

辛卯元嘉元年春正月大赦改元

梁冀帶劍入省尚書張陵劾之以一歲俸贖罪

梁冀弟河南尹不疑奸經書喜待士冀疾之轉光

祿輒以其子胤為河南尹不疑讓位歸第冀不欲

其與賓客交通陰使人記其往來者馬融初除南

郡太守過謁不疑冀諷有司奏融貪濁髡笞徙朔

方

帝微行至梁胤府舍大風拔樹書署尚書楊秉疏

諫秉震于也

張歆罷吳雄為司徒胡廣罷黃瓊為司空



帝欲褒崇梁冀使議其禮胡廣等咸稱冀功德宜  
比周公錫之山川土田附庸黃瓊獨曰可比鄧禹  
合食四縣於是司奏冀入朝不趨劬履上殿謁  
請不名禮比蕭何增封四縣比鄧禹賞賜金錢奴  
婢絲帛車馬衣服甲第比霍光朝會與三公絕席  
十日一入平尚書事冀猶以所奏禮薄不悅

壬辰 黃瓊免趙戒為司空

癸巳永興元年 五月改

宦者陳忠堃父僭禮冀州刺史朱穆案驗之徵下

獄輸作左校太學生上書救免

今代紀要

卷之十

五

袁湯免胡廣為太尉 吳雄罷黃瓊為司徒

趙戒免房植為司空

甲午 復聽刺史二千石行三年喪

胡廣免黃瓊為太尉尹頌為司徒 東海郡山崩

帝校獵上林遂至函谷關

泰山琅邪盜起

乙未永壽元年 春正月大赦改元

房植免韓續為司空

丙申 青徐盜起

鮮卑檀石槐寇雲中以李膺為度遼將軍

中郎將段熲平泰山琅邪盜

丁酉 韓續為司徒孫朗為司空

戊戌延熹元年 六月改

五月晦日食太史令陳授以為咎在梁冀冀諷洛  
陽令收授考死於獄帝由是惡冀

匈奴烏桓鮮卑入寇以陳龜為度遼將軍冀與龜  
有隙徵還以种暠代之龜上疏請誅冀不省遂不  
食而死 黃瓊免以胡廣為太尉

己亥 復斷刺史二千石行三年喪

秋七月皇后梁氏以奢靡妬忌帝疏之憂恚而死

今代紀要

卷之十

十六

八月梁冀專權日久以私憾殺人甚衆掖庭人鄧  
香妻宣生女猛香卒宣更適孫壽舅梁紀引猛入  
宮為貴人改姓梁欲認為己女猛姊夫邴尊為議  
郎冀恐其阻敗遣客刺殺之又欲殺宣宣覺馳入  
白帝帝與宦官單超等密謀發兵圍其第收大將  
軍印綬冀與孫壽即日自殺衛尉梁淑河南尹梁  
胤屯騎校尉梁讓越騎校尉梁戟及中外宗親皆  
棄市故吏賓客免黜者三百餘人朝廷為空籍其  
財貨斥賣合三十餘萬萬以充王府用減天下稅  
租之半散其苑囿以業貧民太尉胡廣司徒韓續



司空孫明俱以阿附免

史稱梁氏七侯三后六貴人二大將軍卿將尹校五十七人梁冀秉政幾二十年凶恣日積宮衛近侍並樹所親禁省起居纖微必知四方貢獻皆先輸上第於冀乘輿乃其次者百官遷召皆先到門謝恩然後敢詣尚書少忤其意托以他事陷之安帝母耿貴人薨從其從子求珍玩不得遂族其家威行於外天子拱手而已當時輔相大臣胡廣輩不惟不言又從而稱頌功德使天子獨與閹宦密計而誅之冀誅而宦官之

本紀

卷之十

十七

勢蓋張矣

立貴人鄧氏為皇后追廢梁后為貴人

以誅梁冀功封宦者單超為新豐侯徐璜為武原侯具瑗為武陽侯左悺為上蔡侯唐衡為汝陽侯尋以單超為車騎將軍

宦者侯覽進嫌五千匹封高鄉侯又封小黃門八人為鄉侯

白雲令李雲疏論宦者不當封侯下獄弘農掾杜眾論救願與同死遂併下獄死

以黃瓊為太尉祝恬為司徒盛允為司空

初置祕書監

徵處士徐稭姜肱袁闓韋著李曇皆不至

庚子

宦者單超卒賜東園祕器棺中王且大作塋塚其四侯益橫毒流四方時人為之語曰左回天具獨坐徐卧虎唐雨墮左悺兄為河東太守京兆尹趙岐耻與同列棄官歸以唐衡兄代京兆尹收岐家屬宗親陷以重法盡殺之岐逃匿名賣餅北海市中遇赦乃敢出

辛丑

減百官俸吏王侯半租賣關內侯以下官

黃瓊免劉矩為太尉盛允免种嵩為司空遷司

人代紀要

卷之十

十八

徒以虞放為司空免劉龍代之

壬寅

劉矩免楊秉為太尉

中郎將皇甫規破羌有功被宦官譖下獄論輸左

校

癸卯

尚書朱穆論宦官被毀發詛卒

种嵩卒許栩為司徒劉龍免周景為司空

甲辰

郎鄉侯黃瓊卒

乙巳

春正月遣中常侍左悺之苦縣祠老子

渤海王惲謀不軌降癘幽王

皇后鄧氏驕妬送暴室以憂死后父河南尹鄧

世兄子虎賁中郎將鄧會俱下獄死

中常侍侯覽為楊秉劾免左官具瑗俱為司隸

韓續劾官自殺瑗貶都鄉侯

河南尹李膺按北海郡羊元羣賊罪元群賂宦官

膺竟反坐廷尉馮緄治單超弟山陽太守遷罪考

死於獄大司農劉祐沒入中常侍蘇康管霸田業

三人俱坐輪左校

楊秉卒陳蕃為大尉周景免劉茂為司空

起李膺為司隸校尉膺獨持風裁宦官張讓弟朔

為野王令貪殘畏膺威嚴匿讓合柱中膺破柱取

人代紀要

卷之十

九一

出殺之諸宦氣士被容接者名為登龍門

立貴人竇氏為皇后時采女田聖有寵帝欲立之

陳蕃以田氏卑微竇氏良家爭之甚力帝不得已

從之拜后父竇武特進槐里侯

以劉寬為尚書令初欽田畝稅錢

丙午

親祠老子於濯龍宮用郊天樂

老子之道雖大然亦人耳豈可躋與天並後世

遂以三清升于玉帝之上蓋肇端于此

小黃門趙津南陽大猾張昝奉事中官乘勢犯法

太原太守劉瓚南陽太守成瑨按其罪雖經赦並

考殺之宦官怨恚有司承旨奏當棄市山陽太守

單超沒入中常侍侯覽財產東海相黃浮誅殺徐

璜兄子下邳令徐宣並坐髡鉗輪左校陳蕃與杜

茂共諫不聽陳蕃又獨上疏極論中官疾之

按綱目附註云徐璜兄子宣求汝南太守李嵩

女不得遂將吏卒至其家載女歸射殺之東海

相黃浮收宣家屬無少長悉棄市及查司馬

通鑑原文則曰浮收宣家屬無少長悉考之掾

史以下固爭浮曰徐宣國賊今日殺之明日坐

死足以贖目矣即案宣罪棄市暴其尸與綱目

人代紀要

卷之十

五十一

所載少異恐傳寫之誤若如綱目所云則浮之

酷亦甚矣

河南張成善風角推占當赦教子殺人李膺收捕

逢宥竟案殺之成交通宦官帝亦頗訊其占成子

牢脩上書告膺等養大學游士交結諸郡生徒更

相驅馳共為部黨誹訕朝廷疑亂風俗帝大怒下

郡國逮捕黨人布告天下案經三府太尉陳蕃邵

之不肯平署帝益怒遂下李膺等於黃門北寺獄

連及大僕杜密御史中丞陳翔及陳寔范滂等二

百餘人策免陳蕃

史謂黨人之議始於房周二家賓客譏訕戲笑因而成隙固矣然諸君子之高立門戶互相標榜亦自足以取禍也

丁未永康元年

六月改

羗寇三輔 夏五月京師地裂

六月赦黨人歸田里禁錮終身改元永康

陳蕃既免朝臣震栗莫敢爲黨人言者賈彪入雒陽說城門校尉審武尚書霍譖上疏訟之帝意稍解遣中常侍王甫就獄訊范滂曰古之脩善自求多福今之脩善身陷大戮身死之日願

人代紀要

卷之十

五十一

埋首陽山側上不負皇天下不愧夷齊甫爲改容乃並解桎梏李膺又多引宦官子弟宦官懼請于帝以天時宜赦乃大赦改元放歸田里書名三府禁錮終身

秋八月巴郡人浴于池戲言黃龍見太守上之郡吏諫不聽 司馬董卓破羗于三輔

冬十二月帝崩無嗣在位二十年壽三十六謚孝桓皇帝廟號威宗葬宣陵遺詔復遼陶王愷爲渤海王

尊皇后竇氏爲皇太后后以采女田聖專寵殺田

聖與竇武陳蕃定策迎河間孝王曾孫解瀆亭侯子宏立之年十二是爲靈帝太后臨朝

河間孝王子淑封解瀆亭侯淑生長養于宏

戊申漢孝靈帝建寧元年

春正月帝即位改元 以竇武爲大將軍陳蕃爲

太尉與司徒胡廣參錄尚書事

追尊本生祖淑爲孝元皇夫人爲孝元后考養爲孝仁皇尊生母董氏爲愼園貴人

以定策功封竇武爲聞喜侯子機爲涓陽侯兄子紹爲鄴侯靖爲西鄉侯中常侍曹節爲長安鄉侯

人代紀要

卷之十

五十二

盧植說武辭賞不聽 封陳蕃爲高鄉侯不受

段熲破東羗以爲破羗將軍

周景卒以劉矩爲太尉司空宣鄴免以王暢爲司空暢免以劉寵爲司空

秋九月陳蕃竇武謀悉誅宦官曹節等不克被節等殺之夷其族遷竇太后于南宮

陳蕃竇武忠則忠矣宦官不問有罪無罪而欲一槩誅之則過矣况武以定策功一門三侯使彼得以藉口亦非正已而後正人也 竇武初

生其母并產一蛇送之林中母卒臨塋有大蛇

徑至喪所以頭擊柩若哀泣有頃而去出本傳

以胡廣為太尉劉寵為司徒許栩為司空

處士徐穉卒

烏桓大人上谷難樓遼西丘力居俱稱王遼東蘇

僕延自稱峭王右北平烏延自稱汗魯王

已酉迎生母慎園重貴人於河間尊為孝仁皇后以后

兄寵為執金吾兄子重為五官中郎將

夏四月青蛇見御座上大風雨雷雹詔公卿言事

郎中謝弼言直宦官惡之捕以他事掠死於獄

段熲大破東羌更封新豐侯

本紀要

卷之十

三

劉寵為太尉許訓為司徒

劉翊以附中常侍為司空

冬十月復治鉤黨殺李膺等百餘人

李膺等雖廢錮天下士大夫皆高尚其道更相

標榜有三君八俊八顧八及八厨之號宦者疾

膺等每下詔輒申黨人之禁侯覽怨張儉尤甚

覽鄉人朱並告儉與同鄉別相署號圖危社稷

詔刊章捕儉等曹節諷有司奏諸鉤黨者廣放

李膺杜密朱寓荀昱翟超劉儒范滂等俱下獄

死者百餘人妻子皆徙邊天下豪傑有行義者

一切指為黨人徙廢禁者又六七百人郭泰不

為危言激論禍獨不及張儉亡命望門投止莫

不重其名行破家相容投李篤脫走復投孔褒

不遇其弟孔融匿之事泄亡走收褒融送獄未

知所坐融曰納藏者融也褒曰彼來求我非弟

之故吏問其母母曰家事任長妾當其辜郡不

能決上讞詔獨坐褒後黨禁解儉乃還鄉夏馥

單儉亡命歎曰孽自已作空污良善一人逃死

禍及萬家何以生為乃剪鬚變形入林慮山中

為冷家傭人無知者張讓父死歸葬潁川合郡

本紀要

卷之十

三

畢至而名士無往者讓耻之陳寔獨吊及誅黨

人不及寔初范滂等非訐朝政自公卿以下皆

折節下之太學生爭慕其風中屠蟠獨嘆曰昔

戰國之世處士橫議列國之王至於擁篲先驅

卒有坑儒焚書之禍今之謂矣乃絕跡於梁碭

之間因樹為屋自同傭人居二年果有黨錮之

禍

按李膺范滂諸君慷慨激烈視死如歸始終一

節真可尚矣張儉首激其禍却乃亡命而逃負

累他人吾無取焉夏馥以智全身優於儉遠矣

若夫郭泰陳寔之明哲保身中屠蟠之見幾而作真不可及也

劉寵免以郭禧為太尉

庚戌 河內婦食夫河南夫食婦

郭禧罷聞人襲為太尉 劉嵩罷橋玄為司空

辛亥 帝加元服赦天下惟黨人不赦 立貴人宋氏為

皇后 以李咸為太尉橋玄為司徒來豔為司空

壬子熹平元年 五月改

胡廣死 宦官侯覽坐專權驕奢收印綬自殺

竇太后以憂卒于南宮謚桓思

人代紀要

卷之十

五

渤海王惲許中常侍王甫錢五十萬求復國既而

遺詔復之惲以為非甫力不與錢甫諷司隸段熲

收渤海平日往來中常侍鄭颯等下獄誣奏迎立

惲大逆不道逼惲自殺妃妾十一人子女七十人

伎女二十四人皆死千獄傳相以下悉誅甫等十

二人俱封列侯

十二月會稽妖賊許生起句章自稱陽明皇帝遣

楊州刺史臧旻丹陽太守陳寅討之

許栩免以袁隗為司徒

癸丑 宗俱卒以楊賜為司空尋免以中常侍唐衡弟珍

為司空

甲寅 吳郡司馬孫堅召募精勇助州郡平許生

唐珍罷以許訓為司空 樹暴長如胡人狀

乙卯 石刻議郎蔡邕古文篆隸五經於太學門外

立選用三互法三互者謂昏姻之家及兩州人不

得交互為官

司空黃瓊免以劉寵為司空陳耽罷以許訓為大

尉

丙辰 永昌太守豐熹請赦黨人下獄死因更考黨人禁

五屬

人代紀要

卷之十

五

許訓罷以劉寬為太尉袁隗罷楊賜為司徒劉逸

為司空 御發後大槐自拔倒豎

丁巳 市賈小民相聚為宣陵孝子詔以為太子舍人蔡

邕言改為丞尉 以蔡邕言迎氣北郊

劉逸免陳球為司空尋免陳耽為司空劉寬免孟

軾為太尉 楊賜免袁滂為司徒

鮮卑寇遼西太守趙苞破之

時趙苞迎母就養為鮮卑所獲載以擊郡苞悲

號遙謂母曰欲以微祿奉養不圖為母作禍今

為王臣義不得顧私恩毀忠節母曰人各有命

何得相顧以虧忠義苞遂力戰破賊母爲賊所害苞歸葬訖謂鄉人曰食祿而避難非忠也殺母以全義非孝也何面目立天下遂斃血而死程子曰以君城降賊固不可然亦當求所以生母之方奈何不顧而遽戰乎必不得已身往降之可也徐燦於此蓋得之矣愚意曹劉並馳去此就彼固無不可若鮮卑賊也就使降之身陷於賊而城亦不能全苞蓋不幸而遭其變耳斃血而死亦可哀已

戊午光緒元年 三月改

代紀要

卷之十

十七

置鴻都門學以處諸生之能爲尺牘詞賦及工書鳥篆者

孟軻罷以中常侍張奉弟顯爲太尉九月罷陳球代免橋玄爲太尉以袁滂爲司徒

陳耽免來豔爲司空袁逢代

宦官王甫譖宋后挾左道祝詛策收璽綬自至暴室以憂死后父執金吾鄴下獄死

六月黑氣墮溫德殿庭中七月青虹見玉堂殿庭中

召議郎蔡邕問災異章奏切直帝覽而嘆息中常

侍程璜使人言邕私事下獄劾大不敬棄市中常侍呂彊力爲伸請減死髡徙朔方

開西邸賣官二千石二千萬四百石四百萬其以德次應選者半之或三分之一令長隨縣好醜豐約有賈富者先入貧者到官倍輸又私令左右賣

公卿公千萬卿五百萬

靈帝爲侯時常苦貧及即位每嘆桓帝不能作家君無私錢故賣官以爲私藏是時州郡官貪汚已極又欲其輸錢於是教其爲貪也如是而民不窮盜不起寧有是理哉

代紀要

卷之十

天

是年侍中寺鸛雌化雉京師馬生人巳未袁滂免大鴻臚劉郃爲司徒

橋玄罷以太中大夫段熲爲太尉袁逢罷張濟爲司空司隸校尉陽球杖殺王甫太尉段熲下獄自殺

王甫與曹節弄權段熲以輸貨得太尉阿附之甫節父兄子弟爲鄉校牧守令長者布滿天下所在貪暴甫養子吉爲沛相尤殘酷凡殺人皆磔尸車上宣示夏月腐爛則以繩穿其骨周徧一郡乃止視事五年凡殺萬餘人陽球爲尚書

令常發憤曰使我作司隸此曹安得容乎既而  
果遷司隸甫遣門生於京兆界辜權官財物七  
十餘萬京兆尹楊彪發之時甫休沐里舍段熲  
以日食自劾球詣闕謝恩奏其過惡收甫頰送  
雒陽獄及甫子永樂少府萌市相吉球自臨考  
五毒備極父子悉死于獄熲亦自殺磔甫尸於  
夏城門沒入財產妻子皆徙比景球既誅甫欲  
以次除曹節等節白帝徙爲衛尉  
封中常侍呂彊爲都鄉侯不受彊復上疏帝知其  
忠而不能用

人代紀事

卷之十

三十一

以上祿長和海言寬黨人從祖以下得解釋

以劉寬爲太尉

司徒劉郃與少府陳球尚書劉納欲復陽球司隸  
誅曹節等事世曹節等曰帝曰郃等交通書疏謀  
爲不軌帝大怒下劉郃陳球劉納陽球于獄俱死  
以楊賜爲司徒

是年洛陽女生兒兩頭四臂

庚申

立貴人何氏爲皇后 作畢圭靈昆苑

辛酉

劉寬免許劼爲太尉 楊賜罷陳耽爲司徒  
作列肆于後宮使采女販賣更相盜竊爭鬪帝着

商賈服燕飲爲樂又於西園弄狗着進賢冠帶綬  
又駕四驢躬自操轡驅馳周旋京師轉相倣效呂  
彊上疏諫

壬戌

詔公卿舉刺史二千石爲民害者大尉許劼司空  
張濟承望內官受取貨賂宦官子弟賓客貪穢皆  
不敢問而厯糾遠近小郡清修有惠化者二十六  
人吏民詣闕陳訴司徒陳耽上言公卿所舉率黨  
其私帝以讓劼濟所徵者悉拜議郎

陳耽免袁隗爲司徒 許劼免楊賜爲太尉  
以桓典爲侍御史宦官畏之 起四百尺觀

人代紀事

卷之十

三十一

癸亥 五原山岸崩

甲子 中平元年 十二月改

春二月鉅鹿張角以黃老術惑衆自稱天公將軍  
以黃巾爲號謀反約宦官封爵等爲內應  
三月以后兄河南尹何進爲大將軍  
以宦官呂強言赦黨人

遣中郎將盧植討張角皇甫嵩朱儁討潁川黃巾  
太尉楊賜免鄧盛爲太尉

司空張濟罷大司農張溫爲司空

宦官趙忠張讓諸呂強自殺侍中回桐郎中張鈞



俱以論宦官下獄死

盧植爲小黃門左豐所譖檻車徵還以中郎將董

卓代

皇甫嵩朱儁與騎都尉曹操合兵破黃巾張角死  
戮其屍傳首京師

巴郡張修亦以妖術反寇郡縣

雒陽女子生兒兩頭一身 江夏婦人浴化爲龍  
十二月改元中平

靈帝常言張常侍是我公趙常侍是我母由是

宦官無所忌憚第宅擬於宮室帝嘗欲登永安

人代紀要

卷之十

三

侯臺宦官恐望見居處使人諫曰天子不當登

高登高則百姓散帝遂不敢登臺至封爵等交

通黃巾謀危社稷事已敗露不惟不能明正其

罪反納其譖言置正人於死昏弱一至於此何

以爲君哉

乙丑

袁隗免崔烈因傳母入錢五百萬爲司徒謂其子

鈞曰外議何如鈞曰論者嫌其銅臭

以破黃巾功封宦官張讓等十三人爲列侯

皇甫嵩忤宦官徵還以司空張溫爲車騎將軍代

之以特進楊賜爲司空賜卒以光祿大夫許相

爲司空

諫議大夫劉陶前司徒陳耽坐論宦官下獄死

造萬金堂爲私藏 洛陽民生兒兩頭四臂

丙寅

太尉張延罷遣使即拜張溫爲太尉三公在外拜

始此

丁卯

以孫堅爲長沙太守封烏程侯

張溫免崔烈爲太尉尋罷曹嵩爲太尉

司空許相爲司徒光祿勳丁官爲司空

前太丘令陳寔卒

戊辰

曹嵩罷未樂少府樊陵爲太尉尋罷射聲校尉馬

人代紀要

卷之十

三

日碑代

許相罷司空丁官爲司徒光祿勳劉弘爲司空

帝自稱無上將軍耀兵於平樂觀

劉焉爲益州牧劉虞爲幽州牧焉曾恭王之後虞

東海恭王五世孫州牧自此始 青徐黃巾復起

己巳

帝崩五月改元光熹七月改元昭寧  
帝崩九月改元永漢 俱筆除

夏四月馬日磾免以幽州牧劉虞爲太尉

丙辰帝崩在位二十二年壽三十四謚孝靈皇帝

葬文陵 初帝屢失皇子及何后生子辯養於史

道人家號曰史侯帝所幸王美人任姪畏何后妬



服藥除之而胎安不動又數夢角目而行生皇子  
協后遂酖殺美人帝怒欲廢后諸宦官固請乃令  
董太后自養協號曰董侯帝以辭輕佻無威儀欲  
立協爲太子猶豫未決會疾篤乃以協屬宦官蹇  
碩立爲太子及帝崩何后立其子辯年一十四歲  
改元光熹 封協爲渤海王以袁隗爲太傅與何  
進參錄尚書事進既秉政袁紹勸進悉誅宦官進  
收蹇碩誅之遷董太后於河間以兵圍車騎將軍  
董重重自殺太后暴崩

徙協爲陳留王

人代紀要

卷之十

三十一

秋七月何進召董卓袁紹等兵入事泄宦官張讓  
段珪等殺何進劫帝及何太后陳留王出走袁紹  
等矯制殺樊陵許相捕諸宦官悉誅之凡二千餘  
人盧植率兵追及讓珪殺河死帝還宮改元昭寧  
失傳國璽 劉弘免董卓自爲司空  
秋九月董卓議廢立袁紹不從出奔冀州盧植免  
官去隱于上谷卓以議報袁隗隗報如議遂脅太  
后詔廢帝爲陳留王袁隗解帝璽綬扶下廢立協  
爲帝年九歲是爲獻帝改元永漢遷何太后於未  
安宮酖殺之 即拜劉虞爲大司馬

董卓自爲相國贊拜不名入朝不趨

以司徒王琬爲太尉司空楊彪爲司徒光祿勳荀  
爽爲司空 又以袁紹爲渤海太守袁術爲後將  
軍曹操爲驍騎校尉操逃歸陳留起兵討卓  
董卓欲收名沅復黨人爵位

召處士申屠蟠不至

詔除光熹昭寧永漢年號止稱中平六年

宦官乃入主左右給使以供掃除者不任以事  
自不敢竊弄權柄曹操所謂一獄吏治之足矣  
進乃召外兵以盡誅之可乎自是以後禮樂征

人代紀要

卷之十

三十一

代俱不出自天子人主擁虛位而已

人代紀要卷之十